



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.


Nous vous demandons également de:


- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>







18⁴

17026

B.L.G.2 / p. 793

105479

alain chartier

5. 2.

7th

81


LES
OEUVRES
DE MAISTRE ALAIN
CHARTIER.

CLERC, NOTAIRE, ET SECRETAIRE
des Roys Charles VI. & VII.

CONTENANS L'HISTOIRE
DE SON TEMPS, L'ESPERANCE,
le Curial, le Quadrilogue, & autres Pieces,

TOVTE NOUVELLEMENT
*reueës, corrigées, & de beaucoup augmentées sur
les Exemplaires escripts à la main,*

PAR ANDRE DV CHESNE TOVRANGEAY.



A PARIS,
Chez SAMVEL THIBOVST, au Palais,
en la Gallerie des Prisonniers.

M. DCXVII.
AVEC PRIVILEGE DV ROY.

THE UNIVERSITY OF CHICAGO
LIBRARY



A MONSEIGNEVR,
MESSIRE MATHIEV
MOLE, CONSEILLER DV ROY
EN SES CONSEILS D'ESTAT ET PRIVE,
& son Procureur general.



ONSEIGNEVR,

Il n'y a personne aujourdhuy,
soubz l'auctorité duquel les
Oeuures excellentes de Mai-
stre ALAIN CHARTIER,
Secretaire des Roys Charles
VI. & VII. se puissent pro-
mettre d'estre mieux receuës,
que souz la vostre; ne à qui la
defense & protection de leur merite appartienne plus iuste-
ment, qu'elle fait à vous. L'extraction maternelle, que vous
tirez de la famille illustre des CHARTIERS, estant né de
celle, qui la derniere a porté ce nom en la ville de Paris, leur
fait esperer ceste faueur de vous; & que la splendeur de vostre
dignité rendra du moins à la memoire de l'Auteur, ce que les
Romains ne refusoient pas mesme aux plus petits de leurs
Ancestres.

CHACUN sçait avec combien de soin ce Peuple gardoit
les Images & les Effgies de ses Progeniteurs; qui n'estoient

EPISTRE.

neantmoins que les représentations du corps. Et depuis luy encor, les Portraits des personnes de reputation, & de quelque merite, ont tousiours esté chers & reueréz par les grands hommes. Suiuant ces exemples, MONSIEUR, & pour des respects autant ou plus recommandables, vous ne refuserez d'admettre en vostre Cabinet, & d'appuyer sur la ferme baze de vostre nom, les Escrits de ce SENEQUE de la France, qui sont le plus vif & naturel Tableau de son ame, voire le modele d'un bon & fidele François. Car outre qu'il a de son temps esté tenu pour le plus bel esprit de la Cour, & s'est par sa doctrine & son bien dire acquis le tiltre glorieux de PERE DE L'ELOQUENCE FRANÇOISE; comme les Roys, les grands Seigneurs, & les Princesses mesmes l'ont honoré de faueurs fort singulieres pendant sa vie: aussi l'honneur luy est-il demouré apres sa mort, qu'il a le premier mis la Maison des CHARTIERS en credit, & releué l'eclat de son lustre presque effacé si haut, que le Roy Charles VII. son Maistre daigna bien en consideration de ses services, gratifier Messire GUYLLAUME CHARTIER son parent, de l'Euesché de Paris.

MAISTRE SIMON CHARTIER, Aduocat en la Cour de Parlement, qui vescu sous le regne du Roy Louys XI. fut pareillement une branche fleurissante de cet Arbre, & produisit des fruiçts en sa saison, dont les Roys Louys XII. & François I. goustèrent l'excellence & la bonté. Car de luy nasquit Maistre MATHIEU CHARTIER, autre lumiere de son siecle en Iurispudence, auquel Maistres Charles du Moulin & Jean de Luc donnent mille belles loüanges en leurs Escrits, & qui fut mesme honoré par le grand Roy François de la charge de premier President au Parlement de Bourdeaux. Mais par une modestie non moins humble que rare, il supplia sa Majesté de l'en excuser: & mourut pere de Monsieur

EPISTRE.

Maistre MATHIEV CHARTIER II. du nom, sur lequel Dieu versa d'ailleurs ses graces & benedictions avec une telle abondance, qu'il fut l'un des plus grands & plus suffisans Conseillers de tous les Parlemens de la France, & pour son eminent sçauoir eut avec d'autres de sa Compagnie la commission de reformer la nouvelle Coustume de Paris. Cestuy-cy n'eut qu'une seule fille, assauoir Dame MARIE CHARTIER, à laquelle il donna pour second mary feu de tres-bonne memoire Messire Edouard Molé, lors aussi tres-digne Conseiller, & depuis President en la mesme Cour de Parlement. Et vous, MONSEIGNEVR, auez le bien d'estre issu de cet heureux & benit mariage.

QVI doit donc maintenant entreprendre la conseruation des Oeuures de Maistre ALAIN CHARTIER, sinon vous, lequel estes reconnu plus proche de sa tige qu'aucun autre? Et souz quel appuy peuenent-elles plus seurement paroistre en public, que souz le vostre, qui comme par droit hereditaire possedeZ toutes les plus insignes & rares perfections de Messieurs les CHARTIERS vos progeniteurs? Elles attendent de vous ceste bienueillance particuliere, & croyent avec une ferme assurance, que Madame la Dauphine mesme ayant autresfois honoré d'un baiser la bouche de leur Autheur, dont estoient sortis tant de beaux Discours, & mots dorez; vous ne luy refuserez au moins l'honneur, de donner vostre auctorité pour conduite & sauuegarde à ses Escrits. C'est ce que requiert de vous, MONSEIGNEVR, celui qui a prins la peine d'en renouveler la memoire; & qui ne desire point de plus grand contentement, que d'estre auoüé & tenu pour vostre tres-humble & tres-obeissant seruiteur,

ANDRE DV CHESNE

A MONSIEUR MOLE
Conseiller en la Cour.

SONNET.

QVI ne sçait des CHARTIERS l'autorité tenuë
En l'Eglise, en la Cour, és Lettres, au Barreau,
Ignore nostre Histoire, & est comme nouveau
De chose plus insigne en la France aduenü.
Quand pour le bien public la France fut esmuë,
Vn CHARTIER fut Euesque & Pasteur du troupeau
Du peuple de Paris. L'autre plus vieil, en beau,
Sçauant, & sains Escrit la France a retenuë.
Son parler fut si net, qu'une fille de Roy
Le trouuant endormy, en approcha tout quoy,
Et en public baisa ceste bouche admirable.
Le tiers fut grand preudomme, & fameux Aduocat.
Son fils le Conseiller s'est pendant l'altercat
De Paris, & apres, fait iuger venerable.

Par JEAN AVRIL Angeuin.



P R E F A C E.



MAISTRE ALAIN CHARTIER, OU CHARRETIER, estoit ^a Normand d'extraction. Il nasquit l'an ^a *Pierre la Morte en son* *Art de vrays* *Rhetorique,* *& Marot en* *un Epigramme* *à Salel.* *b L'Authheur* *luy mesme en* *l'Epistre à* *l'Vniuersité* *de Paris.* *c Vn Exem-* *plaire du* *Quadrilogue* *escriit à la* *main.* *d Au com-* *mencement de* *son Histoire.* *e Au com-* *mencement du* *Quadrilog.* *f Aulieu des* *quatre Da-* *mes.* *g Au Qua-* *drilogue.* *h* *le Roy Anglois* *ancien aduersaire d'icelle,* *soy glorifier en* *l'ignominieux reproche des François,* *enrichir de leurs despoilles,* *despriser leurs* *faits & leurs courages;* *& avec ce leurs vices croistre avecques le temps,* *& leurs* *aveugles passions adionster tousiours quelque chose à leur confusion :* *pour rame-* *ner à memoire l'estat de leur infelicité,* *& à chacun ramentenir ce qui luy en* *touchoit,* *il escriuit vn autre Liure intitulé par luy, LE QVADRILOGVE* *INVECTIF.* *Ce que toutesfois il n'estima pas suffire, ains dressa d'ailleurs* *le DIALOGVE Latin sur la desolatiō des Calamitez & miseres de la Fran-* *ce, l'EPISTRE de la detestation des guerres ciuiles, & suasion de la paix,* *& quelques autres plus menues Pieces, par lesquelles il monstra qu'il* *ne scauoit pas moins bien dire en Latin, qu'en François.* *D* *le Roy Charles VI.* *estant mort,* *il suiuit la fortune de* *Charles VII. son fils & presomptif & heritier, qui le fist pareillement* *Secretaire de la Maison, voire des le temps qu'il n'estoit que Dauphin*

MAISTRE ALAIN CHARTIER, OU CHARRETIER, estoit ^a Normand d'extraction. Il nasquit l'an ^a *Pierre la Morte en son* *Art de vrays* *Rhetorique,* *& Marot en* *un Epigramme* *à Salel.* *b L'Authheur* *luy mesme en* *l'Epistre à* *l'Vniuersité* *de Paris.* *c Vn Exem-* *plaire du* *Quadrilogue* *escriit à la* *main.* *d Au com-* *mencement de* *son Histoire.* *e Au com-* *mencement du* *Quadrilog.* *f Aulieu des* *quatre Da-* *mes.* *g Au Qua-* *drilogue.* *h* *le Roy Anglois* *ancien aduersaire d'icelle,* *soy glorifier en* *l'ignominieux reproche des François,* *enrichir de leurs despoilles,* *despriser leurs* *faits & leurs courages;* *& avec ce leurs vices croistre avecques le temps,* *& leurs* *aveugles passions adionster tousiours quelque chose à leur confusion :* *pour rame-* *ner à memoire l'estat de leur infelicité,* *& à chacun ramentenir ce qui luy en* *touchoit,* *il escriuit vn autre Liure intitulé par luy, LE QVADRILOGVE* *INVECTIF.* *Ce que toutesfois il n'estima pas suffire, ains dressa d'ailleurs* *le DIALOGVE Latin sur la desolatiō des Calamitez & miseres de la Fran-* *ce, l'EPISTRE de la detestation des guerres ciuiles, & suasion de la paix,* *& quelques autres plus menues Pieces, par lesquelles il monstra qu'il* *ne scauoit pas moins bien dire en Latin, qu'en François.* *D* *le Roy Charles VI.* *estant mort,* *il suiuit la fortune de* *Charles VII. son fils & presomptif & heritier, qui le fist pareillement* *Secretaire de la Maison, voire des le temps qu'il n'estoit que Dauphin*

APRES la bataille d'Azincourt, qui fut donnee l'an mccccxv. il composa LE LIVRE DES QUATRE DAMES, en faueur de quatre grandes Dames de la Cour, lesquelles auoient par quatre differentes auantures esté priuees de leurs Amans en ceste Male-journee f. Et comme il portoit vne sincere & fidele affection au bien de la Couronne : aussi voyant en l'an mccccxxii. g le Roy Anglois ancien aduersaire d'icelle, soy glorifier en l'ignominieux reproche des François, enrichir de leurs despoilles, despriser leurs faits & leurs courages; & avec ce leurs vices croistre avecques le temps, & leurs aveugles passions adionster tousiours quelque chose à leur confusion : pour ramener à memoire l'estat de leur infelicité, & à chacun ramentenir ce qui luy en touchoit, il escriuit vn autre Liure intitulé par luy, LE QVADRILOGVE INVECTIF. Ce que toutesfois il n'estima pas suffire, ains dressa d'ailleurs le DIALOGVE Latin sur la desolatiō des Calamitez & miseres de la France, l'EPISTRE de la detestation des guerres ciuiles, & suasion de la paix, & quelques autres plus menues Pieces, par lesquelles il monstra qu'il ne scauoit pas moins bien dire en Latin, qu'en François.

D *le Roy Charles VI.* *estant mort,* *il suiuit la fortune de* *Charles VII. son fils & presomptif & heritier, qui le fist pareillement* *Secretaire de la Maison, voire des le temps qu'il n'estoit que Dauphin*



P R E F A C E.

*h Au com-
mencement
du Quatrième.*

de Viennois, & Regent le Royaume de France^h. Et bien que pendant le regne de ce nouveau Roy, qui fut presque tout martial & guerrier, les lettres & les lettrez se teurent en plusieurs lieux; si ne laissa-t'il pas quât à luy, de cōtinuer l'exercice de sa plume. Car il l'occupa lors, comme i'estime, à la composition du BREVIAIRE DES NOBLES, du REGIME DE FORTVNE, de la BELLE DAME SANS MERCY, & d'aucuns autres beaux Ouvrages Poetiques, qui nous restent de luy. Mais le plus excellent & le plus docte qu'il élaboura jamais, c'est celuy de l'ESPERANCE, ou CONSO- LATION DES TROIS VERTVS, mal confondu par cy-deuant avecques LE CVRIAL. Car ceste Piece, laquelle il produisit enuiron l'anⁱ MCCCCXXXIX.

*i Au Livre
de l'Esperan-
ce vers le mi-
lieu.*

*l Pierre le
Fèvre en son
Art de vraye
Rhetorique,
Et Jean Bou-
chet en ses
Annales.
m Estienne
Pasquier au
livre 5. des
Recherches
de la France.
chap. 18.*

*n Enguerrad
de Monstre-
let.*

*o Jean Bou-
chet en ses
Annal. d'A-
quit. Et en
l'Epist. xij
des Famil. Et
Estienne Pas-
quier au lieu
sus allegué.*

est particulièrement remplie de si grande doctrine, & comblée de tant de riches sentences & mots dorez, que par elle seule il semble auoir meritē le tiltre honorable & glorieux de P E R R E D E L' E L O Q V E N C E F R A N Ç O I S E^l, & d'estre mis en parangon avecques l'ancien Senèque de Rome^m. Louanges à la verité hautes & rares, pour des hommes de ce temps là; mais qui ne sont neantmoins que peu de chose, au regard d'une faueur qui luy arriua mesme de son vivant.

MONSIEVR le Dauphin Lovys, fils du Roy Charles VII. auoir espousé la Princesse d'Escoffe nommee Marguerite Stuart. Ceste Princesse toute parfaite aux beautez de l'ame & du corpsⁿ, favorisa les beaux esprits de son siecle. Et comme Maistre ALAIN CHARTIER estoit en ce temps là estimé l'un des premiers de la Cour; aussi le iugea-t'elle si rare, qu'elle l'honora d'une faueur singuliere. Car passant par vne salle, où il dormoit sur vn banc, elle le baïsa: puis pour satisfaire à l'estonnement des Seigneurs & des Dames qui la suiuoient, adiousta, *Qu'elle ne baisoit pas la personne, ains la bouche, dont estoient sortis tant de beaux discours.*

Ie ne veux pas entreprendre de remarquer icy les temps, ausquels il a composé le reste de ses Oeuures, comme LE CVRIAL, que ie pense neantmoins auoir esté fait des derniers, LE REVEILLE-MATIN, le DIALOGUE D'AMOUR, le REGRET SVR LA MORT DE SA DAME, & autres. Car il ne s'en recognoist rien par la lecture d'iceux. Mais quant à la BALLADE DE FOUGERES, il ne faut point douter qu'il l'escriuit en l'an MCCCCXLVIII. lors que les Anglois prindrent les ville & chasteau de Fougeres en la Duché de Bretagne, contre les tréues qui estoient entre les Roys de France & d'Angleterre. Il y a aussi vne autre Piece, qui porte sur le frontispice, qu'elle fut par luy presentee à sa Dame l'an MCCCCI. Bref, continuant à descrire les affaires, lesquelles il veid ou par ses yeux propres, ou bien par ceux des autres, il poursuivit son HISTOIRE iusques à l'an MCCCCLVIII. Ce qui me fait aucunement croire, qu'il mourut enuiron ce temps, âgé de soixante & douze annees. Car pour le regard de ce qui suit apres en sadite Histoire, il y a esté adiousté des grandes Chroniques de Saint Denys, afin de fournir le cours entier du regne & de la vie du Roy Charles VII. & ne se trouue point en l'Exéplaire de main, qui est en l'exquise & riche Bibliotheque de Monsieur le President de Thou, escrit & additionné de la propre main de l'Auteur.

OR si les Roys, Madame la Dauphine, & plusieurs grâds Seigneurs & Dames,

P R E F A C E.

& Dames, l'ont tant estimé de son vivant ; encor a-t'il bien eu ce bonheur apres sa mort , que ceux qui ont suiuy ses traces & vestiges , ont tous parlé de luy fort glorieusement, comme Messire Octouian de S. Gelais Euesque d'Angoulesme , Iean le Maire de Belges Secretaire de Madame Anne de Bretagne deux fois Royne de France , Maistre Guillaume Cretin Chantre de la Sainte Chappelle, Poete & Historiographe du Roy François I. Maistre Pierre le Feure Curé de Meray au Diocèse de Rouen, & autres: & que ses Escrits ont esté grandemét recherchez & cheries, non seulement au Royaume de France , ains mesme dedans les Prouinces estrangeres. Ce qui a esté cause que plusieurs impressions en ont esté faites , pendant les regnes des Roys Charles VIII. Louys XII. & François I. nommément de l'Esperance , du Curial, du Quadrilogue, & des Poësies , dont j'ay veu six Volumes de differentes formes & caracteres, portans pour inscription, **LES FAICTS DE MAISTRE ALAIN CHARTIER.** Car ainsi nommoit-on lors telles sortes de Compositions, & les Autheurs d'icelles Facteurs & Fatisistes. J'ay aussi veu deux editions de l'Histoire, sçauoir est l'une de l'an **MDXXVIII.** la seconde de l'an **MDXCIII.** & encor vne à part de l'Esperance & du Curial ensemble, souz le nom toutesfois du Curial seul, faite l'an **MDLXXXII.** Mais les lisant & conferant toutes les vnes avec les autres, i'y ay recognu tant de fautes & de corruptions en la diction, aux noms propres, voire aux periodes entieres, que m'estant resolu de renouueller la memoire d'un Autheur si celebre & renommé, ie n'ay pas creu pouuoir bien m'en acquitter autrement, que par l'aide & secours des Exemplaires escrits à la main.

C'est pourquoy j'ay recouru, pour corriger les fautes de l'Histoire, à celuy de Monsieur le President de Thou, qui me l'a tres-benignement communiqué, selon sa coustume : & en ay tiré mesme plusieurs bonnes additions qui n'estoiēt pas dedans les imprimez. L'Esperance & le Quadrilogue ont esté pareillement augmentez & reueuz, selon la foy de deux autres Exemplaires qui sont miens, & de l'un desquels ie donne icy d'ailleurs nouuellement le Dialogue Latin d'entre l'Amy & l'Associé, sur la desolation de la Calamité Françoisie. Car quant aux trois Epistres qui le suiuent, elles ont esté cy-deuant publiees derriere celles de François Filelphe, bien qu'aussi peu soigneusement & diligēment que les autres Oeuures du mesme Autheur. Je me suis outre ce seruy pour l'emendation du Curial de deux autres Exemplaires, dont l'un est de la Bibliotheque de Messieurs du Puy freres, fils de feu Mōsieur du Puy Conseiller en la Cour de Parlemēt, & le second appartient à Maistre Jacques le Marié Aduocat en la mesme Cour. Finalemēt en l'ordre & correction des Poësies, j'ay encor suiuy le mesme Exemplaire de Messieurs du Puy, dedans lequel elles sont presque toutes. Ce que ie declare, afin de rēdre à chacun l'hōneur qui luy appartient, & que ceux qui liront d'oresnauant ces Oeuures excellentes de Maistre **ALAIN CHARTIER**, sçachent avec combien de peine & de diligence elles ont esté toutes reünies en vn corps, & restituées à leur ancienne & primitive splendeur.

• b

EXTRAICT D'VNE LETTRE ESCRITE

DE FONTENAY-LE-COMTE LE XXVI. IVIN MDCXVI.

par Monsieur Besly Aduocat du Roy

audit lieu.



Quant est d'Alain Chartier, ie me resouys que soyex apres à le faire reuivre. Car c'est un fort gentil Autheur en nostre langue, & possible le plus net & indicioux que la France aye produit deuant le siecle du grand Roy François. Au reste, ses escrits ne sont pas vains & inutiles, & composez pour la seule delectation & chatouillement des oreilles: mais qui peuuent seruir & profiter pour les affaires, & pour les meurs: Tefmoins l'Esperance, le Curial, le Quadrilogue, & son Histoire, dans lesquels on peut voir au plus près le portraict de nostre siecle, & le pinceau d'un vray & naif François. Mon Exemplaire des Oeuures qui court sous son nom, estoit de l'editiõ de Paris, il n'y a gueres moins de cent ans. Je le tenois cher, à cause que ie l'auois leu assez curieusement, & chargé de tout ce que ie m'estois peu instruire de diuers endroits, touchant les pièces qui sont veritablement de Chartier, & celles qui n'en sont pas; & de l'ordre & suite des temps qu'il les a publiées: l'ayant perdu pour l'auoir presté en main de mauuais compte, il m'est impossible en tirer de quoy vous secourir selon mon affection, & comme vostre priere & le siet le merite. Seulement ie vous assure que qu'autrefois j'en ay veu vne copie à la main au Chasteau des Effars, de la maison de Pointicure, huit lieues de ceste ville, où un Seigneur du lieu auoit dressé vne belle & riche Librairie. Là, le Traicté que l'impression intitule le Curial, estoit le premier en ordre sous le tiltre de l'Esperance, que j'estime estre le vray nom dont l'Autheur la voulu baptizer; à l'exemple de Ciceron, qui fuyt en cela Platon & les autres Grecs, qui appellent le plus souuent leurs Liures de la principale personne qui y est introduite, ou de la matiere qui y est contenue; & quelquefois des deux ensemble. Le discours, & les personnes du Liure non seulement me confirment en mon opinion, mais aussi M. Pierre Fabri, grandement renommé en son temps, qui ne l'allegue iamais autrement en son Art de vraye Rethorique. Iean le Maire de Belges en ayant rencontré vne copie sans tiltre, & ne sçachant d'où ciser vn passage dont il auoit besoin en la premiere & troisieme partie de la deffence des Schismes & Conciles de l'Eglise, voyant que le Liure commence par ce vers, Audizisme an de mon dolent exil, le nomma l'Exil. Toutesfois ie voudrois reietter de ce Traicté les tiltres d'Exil & de Curial. Car aussi il est à croire que quelqu'un ayant trouué le Curial transcript sans distinction en suite de l'Esperance, comme on les a imprimez, le tiltre qui estoit aisé à deuiner en l'un, il print occasion de le communiquer à l'autre. Voicy comment vous osterez vne telle confusion. L'Esperance en la copie des Effars, & en vne autre qui est mienne, & ne contient que ce seul ouurage de l'Autheur, commence par le vers que j'ay dit, & finit icy, Ils seruirent & sacrifierent dueement à la Diuinité. Le commencement du Curial est tel, Tu m'admonnestes & exhortes souuent, homme eloquent. La fin est telle, Adieu te commande par cest escrit qui te donne la grace. Je tiens cecy d'un Exemplaire de main, ayant ces mots en teste: Cy commence le Curial fait par Maistre Alain Chartier, en son viuant Clerc Notaire & Secrétaire du Roy de France Charles VII. de ce nom. Ce qui estoit suivy de ces quatre vers homonymes, ou Leonins, pour parler avec le vulgaire.

EXTRAIT D'VNE LETTRE, &c.

Curia dat curas, ergo si tu bene curas

Viueres securè, non sit tibi Curia curæ.

Curia curarum genitrix, nutrixque malorum,

Iniustis iustos, inhonestis æquat honestos.

Vous voyez qu'à cause de la Cour, l'Authheur appelle son Liure le Curial, au langage d'alors, qui estoit plus Roman, & moins corrompu du Latin : au nostre plus poly, faudroit dire, Le Courtifan. Et ne faut douter que si M^{re} Jean de Salezbery, Euesque de Chartres, viuant souz le regne du Roy Louys VII. eust composé en François son Polycratique, ou De Nugis Curialium, nous ne ueissions au frontispice le mot Curiaux, comme souuent en l'Esperance & au Curial, pour ce que nous disons Courtifans. Je me souuiens à ce propos auoir leu en plusieurs vieux instrumens de donations les mots, curialitez & courtoisies, mis conjointement, le second plus moderne, seruant à expliquer le premier desia moisi, & s'en allant peu à peu hors de credit & d'usage. Le Manuscrit du Curial qui est es mains de Maître Jacques le Marié Aduocat en la Cour, me conueroit volontiers à retenir à l'Authheur en l'intitulation de ses Oeuures, la qualité de Notaire & Secrétaire du Roy Charles V II. veu que c'est luy certainement à quiles Notaires & Secrétares de la Maison & Couronne de France, doiuent l'honneur des beaux priuileges qu'ils ont, luy les ayant le premier meritoirement acquis en bien & fidelement seruant les Roys ses bons Seigneurs & Maistres. De cela, vous en pourrez auoir plus d'instruction de leur College, qui est aux Celestins à Paris Guillaume Budé, & autres hommes de vertu & de marque, se sont sentis honorer de ceste qualité, jadis pleine d'esclat & de lustre, laquelle de nos iours nous voyons suivre le train de la calamité publique. Pour la Contre-Dame sans mercy, l'Hospital d'Amours, la Plainte de S. Valentin, & la Pastourelle de Granson, Marot dit que ce sont Escrips indignes de Chartier, qui ne sont sortis de luy, & ont esté adionstrez à ses Oeuures excellentes. La natiuité & poliffecture du langage, les belles conceptions, l'artificieuse entre suite, & en general l'air du discours mal intitulé, Le debat du Gras & du Maigre, sentent bien à mon iugement leur Alain Chartier. L'enuoy ou adresse à Iean Comte de Foix heritier de Phœbus, pour iuger de la dispute & question, me confirme dauantage à le croire ainsi. Car sans doute par ce Comte Iean il entend le premier du nom fils d'Elisabeth de Castelbon, sœur & unique heritiere de Mathieu Vicomte de Castelbon, heritier de Gaston surnommé Phœbus I. Comte de Foix son cousin germain. Ce Iean I. vint à la Comté l'an MCCCCXIII. & mourut l'an MCCCCXXVI. qui reuiert au siecle de Chartier. Mais comme d'un costé le Génie du Liure, le temps de sa composition, & la croyance de nos Peres me conuiert à le donner à Chartier : d'une autre part la lourderie & ineptie du tiltre me fait croire que les ignorans y ont mis la main. L'Authheur introduit deux Cheualiers, l'un qu'il figure en bon point, non maigre, ne palle: l'autre qu'il represente pensif & palle: & les fait disputer & debatre, lequel y a plus de biens ou de maux en amours. Vnila d'où ces beaux esprits, forgez en despit des Muses & d'Apollon, ont puisé ce magnifique frontispice. Celuy qui a recueilly le Jardin de Plaisance dont ie vous ay parlé, l'a publié souz son nom, & baptisé le Debat des deux Fortunez. La lecture que ie viens d'en faire pour l'amour de vous, m'a fait cognoistre qu'en cela il y a plus d'esclat & de lustre specieux, qu'il n'y a pas de raison & de verité. L'un de ces deux Cheualiers contents de sa fortune, soustient qu'il y a plus de biens que de maux

EXTRAIT D'VNE LETTRE, &c.

en Amours : l'autre mal satisfait de la sienne, maintient qu'il y a plus de maux que de biens. Voyez ie vous prie comment l'intimilation des deux Fortunez peut conuenir. l'aimerois mieux la tirer du Liure mesme, ainsi : Le debat de deux Cheualiers, lequel y a plus de biens ou de maux en Amours. Nul ne doutera, de l'Esperance, du Curial, du Quadrilogue, de la Belle Dame sans mercy, du Reueille-matin, de la Ballade de Fougeres, & quelques autres qui ne me viennent maintenant en memoire. Je ne luy attribuerois librement les Demandes & Responces d'Amour. Bien suis-je certain qu'elles ont esté extraites d'un volume d'anciens Poetes qui ont escrit des Chansons de jeux partis. Vous les pourrez conseruer, si la curiosité vous porte insques là, & qu'il ne vous suffise d'en aduertir. Car Monsieur du Puy entre les Liures de sa Bibliotheque, rares & exquis en toutes langues, en a un des Auteurs de ces vieilles Chansons, qui autrefois il m'a communiqué, comme il est la mesme & pure courtoisie enuers ses Amis. Vous sçavez ce que la Croix du Maine a laissé par. escrit touchant le Breniaire des Nobles. N'oubliez pas ie vous prie ce passage du bon homme Bonches, Auteur des Annales d'Aquitaine : il est tiré d'une de ses Epistres, & contient une histoire memorable, iugée digne d'estre enchassée dans les Recherches de la France.

— L'Espouse au Roy Louys onzième,

Fille d'Escoffe, eut telle estime & esme
De Charretier, qu'en dormant elle touche
D'un doux baiser son eloquente bouche,
Pour les bons mots qui en estoient issus.

Et ailleurs il l'appelle le Charretier, faisant soupçonner qu'on adionstoit quelque fois l'article à son nom de famille. Parce qu'en ce temps-là, il ne se trouuoit pas encores des gens si peu jaloux del'honneur de leur langue & de leur nation, qu'ils eussent voulu ny osé la corrompre & souiller de l'idiotisme Lombard, & dire par maniere d'elegance, le Bartole, le Ronard, le Chartier, ou semblables, qui nous menacent de la Barbarie & du Gotisme. Vous ne passerez pas aussi sous silence l'Epigramme de Marot imitée de Martial, où il tesmoigne que la Normandie prend gloire d'Alain Chartier : & ce que vous aurez appris de sa vie, actions & famille : & si on doit rapporter à son lignage Mathieu Chartier, oracle du Palais, mille fois loué de Maître Charles du Moulin, & de Jehan de Luc. Plusieurs trouueront ses vers rudes : ie tiens qu'il en faut faire comme de ceux d'Ennius, de Pacuvius, & de Quadrigarius, un Poete de son mesme nom ; dont les fragmens sont recherchés & prisés.

— Non tant pour leur beauté,

Que pour le saint respect de leur antiquité.

Neantmoins confessons de luy, qu'il est le plus excellent Ouvrier de tous ceux qui se sont meslez de ce genre de Poésie, auquel consistoit lors le comble & la perfection de bien estrire, qui seroit amourd'huy une croix aux beaux esprits. Et de fait à peine lisez vous un Escrivain de sa volée, & au dessouz, insques à Melin de S. Gelais, qui ne l'exalte comme un souverain artisan en un tel mestier, sont ainsi que pour la prose, ils le preferent à tous autres : vsans souuentefois de son autorité sous le nom de Maître Alain, à la difference d'un autre Alain Aithour del'Anticlaudian. Vous excuserez, s'il vous plaist, ma memoire, estant tout ce que ie vous puis fournir à ce sujet, pour les raisons que j'ay dites.

TESMOIGNAGES DES AVTHEVRS qui ont parlé de Maistre Alain Chartier.

*Meſſire Oſonius de S. Gelais Eueſque d'Angoulême
au Sejour d'Honneur.*

IE peu apres viſitant ce quartier
Vis vn Poete hault & ſcientifique.
Helas! c'eſtoit ſeu Maistre ALAIN CHARTIER,
Doux en ſes faiſts, & plain de Rhetorique,
Clerc excellent, Orateur magnifique,
Comme l'on peut par ſes Dicts reſmoigner.
Art ſi tres-bien l'apprint à beſongner,
Qu'onques Vulcan mieux n'ouura ſur l'enclume,
Que ceſtuy fiſt de papier & de plume.

L'Auteur de l'Hopital d'Amours.

ASſez près au bout d'un ſentier
Giſoit le corps d'un tres-parfair,
Sage, & loyal, ALAIN CHARTIER,
Qui en amours fiſt maint beau fait:
Et par qui fut ſeu le meſſair
De celle qui l'amant occy,
Qu'il appella, quant il eut fair,
La belle Dame ſans mercy.

Entour ſa tombe en lettres d'or
Eſtoit tout l'art de Rhetorique.

*Jean le Maire de Belges, au Liure de la Difference des
Schismes & des Conciles de l'Egliſe.*

LEsquelles choſes declare tres-elegamment ce noble Poete & Ora-
teur, Maistre ALAIN CHARRETIER, en la fin de ſon Liure, ap-
pellé l'Exil.

Jean Bouchet en ſes Annales d'Aquitaine.

OVdit an le xxiiii. iour de Iuing, Monsieur le Dauphin Loys eſpouſa
en la ville de Tours Madame Marguerite fille du Roy d'Eſcoſſe,
qui eſtoit vne honneſte Dame, & qui fort aimoit les Orateurs de la lan-
gue vulgaire, & entr'autres Maistre ALAIN CHARRETIER, qui eſt le Pere
d'eloquence François, lequel elle eut en fort grant extime, au moyen
des belles & bonnes Oeuures qu'il auoit compoſees: & tellement, que
vn iour ainſi qu'elle paſſoit par vne ſalle, où ledit Maistre ALAIN ſe eſtoit
endormy ſur vng banc, comme il dormoit le fut baiſer deuant toute la
compagnie: dont celui qui la menoit fut enuieux, & luy diſt: Madame,
ie ſuis eſbahy comment auez baiſé ceſt homme qui eſt ſi laid. Car à la ve-
rité il n'auoit pas beau viſage. Et elle fiſt reſponſe: Ie n'ay pas baiſé l'hô-
me, mais la precieufe bouche, de laquelle ſont yſſuz & ſortis tant de bons

b iij

TESMOIGNAGES ANCIENS
mots, & vertueuses parolles. Autant en dit-il en l'Epistre XIII. des Familieres.

Maistre Guillaume Cretin Chantre de la Sainte Chappelle, Poete & Historiographe du Roy François I. en sa Deploration sur le trespas de feu Olzergan Thresorier de saint Martin de Tours.

HE! Chastelain, & Maistre ALAIN CHARTIER,
Où estes vous? il me fust bien mestier
Avoir de vous quelque bonne leçon.

Clement Marot Valet de Chambre du Roy François I. en un Epigramme des Poetes François à Salel.

DE Iean de Meun s'enfle le cours de Loire,
En Maistre ALAIN Normendie prend gloire,
Et plaint encor mon arbre paternel.

Maistre Pierre le Feure Curé de Meray, en son Prologue sur l'Art de vraye Rhetorique.

ME lussit de dire, quod depuis peu de temps la science a esté ample-
ment magnifiée en nostre langage, de plusieurs & grands Ora-
teurs, & mesmes de nostre temps de Maistre Arnault Grebon, de Hurion
imitateur de Georges Castelain, Maistre Guillaume le Munier, Mouli-
ner, Alexis, le Moine de Lire: lesquels tous ensemble donnent le lieu de
triumphe à Maistre ALAIN CHARETIER Normant, lequel a passé
en beau langage, elegant, & substancieux tous ses predecesseurs. Et de-
puis, homme ne s'est fait second à luy; ainsi comme ceux, qui verroient ses
Oeuures, qui sont plusieurs, pourront cognoistre la douceur de son lan-
gaige. Et conseille à tous Facteurs, qu'ils ensuiuent sa doctrine, tant en
prose que en rithme, pour tous docteurs.

*Le Compilateur du Jardin de Plaisance & Fleur de Rhetorique,
au Chap. des Rondeaux de la troiesieme espece.*

DE ce Rondeau la forme toute
Donna le tres-noble ancelstre
Et bon Maistre
ALAIN, qui tel l'a noncié.

*Estienne Pasquier Aduocat du Roy en la Chambre des Comptes, au Liure V.
de ses Recherches de la France, chap. xviii.*

LN'est pas dit, que ie vous doie seulement seruir des faicts memora-
bles, qui se sont passez par la France. Les mots & sentences dorees
d'vns & autres ne sont de moindre instruction. Le sujet donc de ce Cha-
pitre sera de Maistre ALAIN CHARTIER, Auteur non de petite
marque; soit qu'onous considerions en luy la bonne raison de parolles &
mots exquis, soit que nous nous arrestions à la grauité des sentences.
Grand Poete de son téps, & encor plus grand Orateur, commel'on peut
voir par son Curial & Quadrilogue: lesquelles deux Oeuures il nous
laissa pour eternelle memoire de son esprit. Et florit souz le regne de
Charles V I I. duquel il escriuit la Vie, commençant son Histoire à l'an-
nee mccccii. qui fut l'an de sa natiuité: auquel lieu le mesme CHARTIER

DE MAISTRE ALAIN CHARTIER.

dit, que lors il estoit aagé de xvi. ans. Au moyen dequoy nous pouuons dire, qu'il nasquit en l'an mcccclxxxvi. Depuis, il fut Secrétaire du Roy, ainsi qu'il appert par le commencement de son Quadrilogue; estat grandement fauorisé de plusieurs grands Seigneurs, pour son bien dire. A cause dequoy mesmement on recite vne chose memorable, qui luy aduint vn iour entre autres. Car estant endormy en vne salle, par laquelle Marguerite femme du Dauphin, qui depuis fut appellé le Roy Louys XI. passant avec vne grande suite de Dames & grands Seigneurs, elle l'alla baiser en la bouche. Chose dont s'estans quelques vns esmerueillez, parce que pour dire le vray Nature auoit enchassé en luy vn bel esprit dans vn corps laid & de mauuaise grace: ceste Dame leur dist, qu'ils ne se deuoient estonner de ce mystere, d'autant qu'elle n'entendoit auoir baissé l'homme, qui estoit laid & mal proportionné en ses membres, ains la bouche de laquelle estoient issus tant de mors dorez. En quoy certes elle ne s'abusoit nullement. *Puis à la fin du Chapitre il adiouste: Et vne infinité d'autres belles sentences, desquelles il est si confit de ligne à ligne, que ie ne le puis mieux comparer qu'à l'ancien Seneque Romain.*

Indice des Liures & Traitez contenus en ce Volume.

H istoire de Charles VII. Roy de France. pag. 1	<i>Dame sans mercy.</i> 525
Genealogie des Roys de France depuis S. Louys iusques à Charles VI. 253	<i>Complainte contre la Mort, qui luy oste sa Dame.</i> 532
Description de la Gaule. 259	<i>Le Lay de Plaisance.</i> 537
L'Esperance, ou Consolation des trois Vertus, Foy, Esperance, & Charité. 261	<i>Autre Lay de Paix, baillé à Monseigneur de Bourgongne.</i> 542
Le Curial. 392	<i>Le debat des deux Fortunes d'Amours.</i> 549
Le Quadrilogue inuectif. 402	<i>Le Breniaire des Nobles.</i> 581
Dialogus familiaris Amici & Sodalis super deploratione Gallicæ calamitatis. 455	<i>Le Liure des quatre Dames.</i> 594
Epistola de detestatione belli Gallici, & suasionem pacis. 477	<i>Complainte d'Amours & Responce.</i> 684
Inuectiua contra ingratiū Amicū. 488	<i>* Le Parlement d'Amours & de la belle Dame sans mercy.</i> 695
Ad Vniuersitatem Parisiensem post egressum Regis Karoli ab eadem ciuitate. 490	<i>Le Regime de Fortune en 7. Balades.</i> 710
Le debat du Reneille-matin. 493	<i>La Balade de Fongieres.</i> 717. 721
La belle Dame sans mercy. 502	<i>* L'Hospital d'Amours.</i> 722
Requēste baillee aux Dames cōtre Maistre Alain Chartier. 523	<i>* Complainte.</i> 755
Lettres enuoyees par les Dames à Maistre Alain. 525	<i>* Autre complainte de nouvelle acointance, dite de S. Valentin.</i> 759
Excusation de Maistre Alain contre ceux qui dient qu'il a parlé contre les Dames en son Liure nommé, La belle	<i>* La Postourelle de Grançon.</i> 766
	<i>Complaintes.</i> 770. 773. 779
	<i>Dialogue d'un Amoureux & de sa Dame.</i> 782
	<i>Regret du mesme Amoureux sur la mort de sa Dame.</i> 793
	<i>Ballades & Rondeaux. 803. & suiv. iusqu'à 809.</i>


HVICTAIN APPOSE' AVX PREMIERES
Editions des Oeuures de Maistre
Alain Chartier.

*Hommes mortels, tant Villains, que Gentilz,
Qui chariez au monde en maint cartier,
Aprenez tous, autans grans que petiz,
A charier en cestuy CHARRETIER.
Du chariot de luy auez mestier:
Car c'est celui, qui le veut conuerſer,
Qui charie, & va le droit sentier,
Où nul ne peut chanceler ne verser.*

Quatrain tiré des mesmes Editions.

*Tous Charetiers sans parfaiz, qu'imparsaiz,
Qui churier veulent droit sans mesprendre,
De Maistre ALAIN CHARRETIER les beaux Faiz
En ce Liure mis au vray doiuent prendre.*





HISTOIRE
DE CHARLES VII.
ROY DE FRANCE.

EN l'honneur de nostre Sauueur Iesus Christ, & de la glorieuse Vierge Marie. Au seiziesme an de mon eage, qui fut en l'an mil cccc. & deux, ie euz en vouldenté, & fermay ma pensee ainsi que Dieu & Nature me conseillarent & ordonnerent, & que en ieune eage vn chascun s'applique à faire chose en labour où sa plaissance s'encline. I'ay prins ma plaissance & delectation à vouldoir veoir le monde, ainsi comme ma vouldenté & ma complexion y estoient enclines. Et pour ce que en celuy an le noble & tres-Chrestien Royaume de France, & la bonne cité de Paris, estoient en plus hault honneur, auctorité & renommee de tous les Royaumes Chrestiens, & où habondoient plus de noblesses, d'honneur & de biens, tant en largesses de Princes, Prelats, Cheualerie, Clercs, marchans, & commun, que pour les hauts hōneurs, richesses & noblesses, qui en ce Royaume de France estoient, ie me appensay & fermay ma pensee, que à mon petit pouoir, & selon ce que ie pourroye comprendre en mon entendement, ie vouldroye veoir les honneurs & haulx faicts qui pourroient aduenir en cedit Royaume d'oresnauant à mō pouoir, & moy trouuer par tout où ie scauroye les haulx assemblees, & besongnes d'iceluy, & d'autres: & avec la veuē les mettroye ou feroye mettre par escrit ainsi que ie le scauroye comprendre tant les biens que les maux. Si me doint Dieu grace, que ce que i'escriray soit plaissant à ceulx

1402.

A



1402. qui le liront, & voudront voir. Car toutes choses qui se escripuent ne peuent pas estre plaisans à vn chacun, si ne peuent iustement estre escriptes qui ne escriproit la verité des choses cy-apres aduenues : lesquelles sans nulle faueur, & en ma conscience, i'ay entention d'escrire à mōn pouoir à la verité, sans donner louenge à l'vn parti ne à l'autre des diuisions qui cy-apres ont esté oudit Royaume.

En l'an mccccii. dessusdits fut né Monseigneur CHARLES quatriesme fils du Roy, le xxviii. iour du mois de Feurier. Et fut baptizié en l'Eglise de saint Pol à Paris. Et le tint sur les fons Messire Charles Seigneur d'Albret cousin germain du Roy Charles Bien-aymé sixiesme de ce nom: lequel Monseigneur Charles fils du Roy fut depuis Roy de France apres la mort de ses trois freres, qui depuis eut moult d'aduersitez en son ieune eage: & puis apres fut Roy paisible & bien obey en son Royaume, & par tout iceluy Royaume par le plaisir & vouloir de nostre Sauueur Iesus-Christ, & des nobles & vaillans Cheualiers & Escuyers, & gens de guerre, qui bien & loyaument le seruirent, comme cy-apres sera declairé.

* Il y a au
Ms. de Le-
brec.

Oudit an mcccc. & deux trespas Messire Loys de Sancerre Connestable de France, frere du Comte de Sancerre du pays de Berry, qui en son temps fut Marechal de France, & fut moult vaillant Cheualier, & fit moult de haultes besongnes sur les Anglois en plusieurs parties du Royaume, tant avecques Messire Bertran du Glesquin son predecesseur, comme depuis luy estant Connestable. Et pour la vaillance de luy fut enterré à saint Denys à la fenestre du Roy Charles le Sage. Apres le trespas dudit Connestable de Sancerre, par la deliberation du Roy Charles Bien-Aymé, & des Princes de son sang, & Seigneurs de son grand Conseil, fut esleu Messire Charles d'Albret Côte de Dreux, & seigneur de Sully & de Craon, pour estre Connestable de France. Si fut mandé ledit Seigneur venir deuers le Roy ou iardin de l'Hostel de saint Pol à Paris. Et là vindrent deuers le Roy, Loys Duc d'Orleans frere du Roy, le Duc de Bourgoingne Philippe oncle du Roy, Monseigneur le Duc de Bourbon Loys oncle du Roy frere de sa mere, & plusieurs autres Prelats & Barons, & Maistre Regnault de

Corbie Chancelier de France. Là fut ledit Messire Charles Seigneur d'Albret, auquel fut presentee l'espee, & il la refusa par plusieurs & diuerfes fois : mais par le plaisir & vouloir du Roy, & des Princes dessusdits, luy fut enioinct & commandé la prendre, & luy fut baillée publiquement, & par grand mystere. Et luy ceignirent l'espee, apres que le Roy la luy eut baillée de sa main, Monseigneur le Duc d'Orleans, & Monseigneur le Duc de Berry, & Messeigneurs les Ducs de Bourgoigne, & de Bourbon, les vns à dextre, & les autres à senestre. Et là print le serment de luy de Connestable, Maistre Regnault de Corbie Chancelier de France. 1402.

L'An mil cccc. & trois partit ledit Seigneur d'Albret Connestable de France par le commandemēt du Roy Charles Bien-Aymé sixiesme de ce nom, pour aller en Guyenne faire guerre aux Anglois. Et y mena moult belle & noble compagnie, & estoient payez & nombrez mil & cinq cens Cheualiers & Escuyers, avecques les gens de traict : & mit ledit Connestable le siege deuant le chastel de Corbassin, qui est moult fort chastel, & est ou pais de Limosin, lequel il print, & plusieurs autres places, tant es pays de Limosin que es pays de Gascogne, tant par force que par cōposition, sans trouuer Anglois qui feissent aucune assemblée ou armée à l'écontre de luy pour luy porter dommage. Car en ce temps les Anglois auoient grand' diuision l'un contre l'autre pour la mort du Roy Richard. Avecques ledit Connestable estoient les Comtes de Tonnerre, de Bresne, & de Rouffi, le Seigneur de Belle-ville nommé Harpedenne, & seigneur de la Rochefoucault, Messire Pierre de Villenes Gouverneur de la Rochelle, Messire Jean de Torffay Seneschal de Poictou, Messire Guillaume le Bouteiller Seneschal de Limosin, le Seigneur de Perusse & de Pierre Buffiere, Messire Jean de Grauille Seigneur de Montagu, le Sire de Montbason, Messire Regnier Pot, Messire Aubert Foucquault, & plusieurs autres grands Seigneurs, Cheualiers, & Escuyers. Et apres ce voyage s'en retourna ledit Mōseigneur le Connestable par deuers le Roy en sa bonne ville de Paris. 1403.

A ij

1404.

L'An mil cccc. & quatre fut la bataille des sept François aux sept Anglois deuant la place de Montandre en Guyenne. Et furent les sept François, Messire Guillaume du Chastel, Messire Arnault Guillaume de Barbazen, Messire Guillaume Bataille, Messire Clinet de Brabant, le Sire de la Champaigne, Archambault de Villers, & Robert de Guerois. Et les sept Anglois furent Robert d'Escalles, Richard Herry, Fleury d'Angleterre, Thomas Stilles, & trois autres Gentils hommes: lesquels sept Anglois furent desconfits par les dessusdits François le iour de saint Yues ou moys de May. Et estoient tous les sept François seruiteurs de Monseigneur le Duc d'Orleans frere du Roy dessusdit. Et furent chefs de l'entreprise Messire Guillaume Bataille, & Messire Arnault Guillaume de Barbazen: lequel Duc d'Orleans, quant ils furent à Paris, les festoya moult grandement pour la victoire qu'ils auoient eue à l'encontre desdits Anglois. Et à l'entree de Paris furent vestuz lesdits François tous de blanc. Et furent les iuges le Sire de Harpedenne, & le Sire de Duras.

1405.

L'An mil cccc. & cinq se meut grand debat & dissention entre Monseigneur le Duc d'Orleans frere du Roy, & le Duc Philippe de Bourgoingne son oncle, pour raison du gouuernement, lequel Monseigneur le Duc d'Orleans vouloit auoir, disant qu'il estoit frere du Roy, & que à luy il appartenoit deuant son oncle le Duc Philippe de Bourgoingne. Et pour ce, & à ceste cause manderent chacun leurs amis & alliez de venir à puissance d'armes. Et se trouuerent à ceste assemblee des deux costez dix mil Cheualiers & Escuyers, tant du Royaume de France que des pays voisins. Mais à la bonne aide des Princes & Seigneurs du sang du Roy, & d'autres preud'hommes, furent d'accord les deux parties; parmy ce que tout le gouuernement du Royaume seroit fait & tenu par les Seigneurs & Princes du sang du Roy, & aussi de la Royne, & demoureroit le gouuernement en ce point. Et ne dura leur noise & debat que quinze iours à la bonne diligence qui y fut mise par les preud'hommes. Et ainsi s'en retournerent les gens d'armes tant d'une partie que d'autre chascun en leurs pays. Et firent en faisant ledit

accord le mariage du fils de Monseigneur le Duc d'Orléans nommé Charles, & l'aînée fille du Roy nommée Ysabeau sa cousine germaine, laquelle auoit esté mariée au Roy Richard d'Angleterre. Et fut fait le mariage de l'aîné fils du Roy, nommé Loys Duc de Guyenne, à la fille du Comte de Nevers fille du Duc Philippe de Bourgoingne, nommée Marguerite. Et fut fait le mariage du second fils du Roy nommé Jean, & de la fille seule du Duc de Bauiere, Comte de Heynault. Et fut fait le mariage du Duc Jean de Bretagne à la seconde fille du Roy nommée Marguerite *: lequel Duc estoit bien ieune, & le alla querre en Bretagne le Duc Philippe de Bourgoingne par le consentement des Barons de Bretagne; & le amena à Paris luy & ses freres par deuers le Roy, pour ce que leur mere seur du Roy de Nauarre festoit mariee au Roy Henry de l'Enclastre Roy d'Angleterre, contre la volenté des Barons de Bretagne. Et ainsi ledit Duc de Bourgoingne amena ledit Duc de Bretagne à Paris deuers le Roy. Et festoit fait ledit Henry nouuellement Roy d'Angleterre par la mort du Roy Richard, lequel il auoit fait mourir.

Ms. Jean;
ne.

En ce temps, ou peu apres, mourut ledit Philippe Duc de Bourgoingne, & fut enterré à nostre Dame de Haulx en Brabant, & son cueur aux Chartreux de Dijon, qu'il fonda en son viuant. Et lors vint bien tost apres son fils aîné Cōte de Nevers à Paris deuers le Roy, pour luy faire hommage de la Duché de Bourgoingne, & si fist il. Et luy estant à Paris par mauuais conseil se engendra la haine entre Monseigneur le Duc d'Orléans & luy, dont il est depuis aduenu moult de mal en France. Et en cest an fust deliuré Chierebourg, que tenoit le Roy de Nauarre par apoinctement que on luy deuoit liurer certaines terres en recompense de la Comté d'Eureux, & du pays de Constantin, où il disoit qu'il auoit droit.

En celuy an fut Monseigneur le Duc d'Orléans en la Duché de Luxembourg, & y acquist & print certaines places: comme la ville de * Montmendi, Yuoner, Dampvil-
ler & Orchimont, en entention de acquerir terres en Alle-
magne pour paruenir à estre Empereur. Si s'en retourna à Paris, & delà s'en alla deuers le Pape de la Lune en Aui-

* Momen-
di.

1405.

gnon, pour luy estre en ayde à l'encontre de l'Vniuersité de Paris, laquelle Vniuersité vouloit depousser ledit Pape. Et vouloient ceulx de ladicte Vniuersité pour ce temps eux de tout meller. Et en ce temps vn Cheualier nommé Messire Charles de Sauoisi par vn de ses pages, qui cheuauchoit vn cheual en venant de le mener boire à la riuere, le cheual esclabouta vn escolier, lequel avecques les autres alloit en procession à sainte Katherine, & tant que l'escolier frappa ledit page: Et lors les gens dudit Cheualier faillirent de son hostel embastonnez poursuyuant lesdits Escolliers iusques à sainte Katherine. Et vn des gens dudit Cheualier tira vne fleche dedens l'Eglise iusques au grand Autel, où le Prestre chantoit Messe, dont pour ce fait l'Vniuersité fist telle poursuite à l'encontre dudit Cheualier, que la maison d'iceluy Cheualier fut abbatue, & fut ledit Cheualier banny hors du Royaume de France, & excommunié. Et s'en alla deuers le Pape, lequel l'absolut, & arma quatre gallees & s'en alla par mer faire guerre aux Sarrazins, & là gaigna moult d'auoir. Puis retourna & fut faite sa paix, & refit son hostel à Paris, tel comme il estoit parauant. Mais il ne fut pas paracheué. Et fit faire son hostel de Signelay en Aucerrois moult bel par les Sarrazins qu'il auoit amenez d'outre mer, lequel chastel est à trois lieues d'Aucerre.

1406.

L'An mil cccc. & six la Royne Ysabel de Bauiere, & Monseigneur le Duc d'Orléans estoient allez à Meleun veoir la chasse des cerfs. Si ordonna la Royne, qu'on luy amenast Monseigneur le Dauphin son fils Duc de Guyenne, qui auoit la fille du Duc de Bourgoingne nommé Iehan pour femme, & auoit baillé la charge ladicte Royne d'amener mondit Seigneur de Guyenne, & sa femme au Duc Loys de Bauiere son frere, & au grand maistre d'hostel de France nommé Montagu. Or fut ainsi que aucuns seditieux de la ville de Paris manderent audit Duc de Bourgoingne, que ladite Royne, & ledit Duc d'Orléans auoient entention d'eux en aller en Allemagne, & emmener ledit fils. Et lors se partit d'Arras ledit Duc de Bourgoingne ces nouuelles oyes, & manda à tous ses amys qu'ils veinssent à luy hasti-

uenemēt en armes luy ayder à ce besoing. Et cheuaucha iour & nuit cuidant estre à Paris auant le parlement de monditz Seigneur le Daulphin, lequel estoit ja party, & sa femme avecques luy. Si sceut qu'il estoit party, & cheuaucha tant qu'il les aconsuiuit entre Paris & Corbueil, pres d'un village nommé *Iuufi. Et là eut de grosses parolles entre luy, & le Duc de Bauiere, pour ce que ledit Duc de Bauiere ne vouloit qu'il ramenast monditz Seigneur le Daulphin à Paris. Mais le Duc de Bourgoingne le ramena, voulüst ou non. Car ses gens venoient apres luy tous à la file. Si arriua à Paris, & mist mōdit Seigneur le Daulphin au chastel du Louure. Et en passant par la ville de Paris, eut moult grand peuple à regarder ceste nouuelle. Et de ceste chose sourdit grand murmure pour les partialitez que auoit le peuple de Paris aux deux Princes. Ces nouuelles vindrent à la Roynie, & au Duc d'Orleans, en vne petite forteresse nommee Poilly le Fort. Dont ladite Roynie fut moult courroucée, & non sans cause. Car elle ne sçauoit où l'on vouloit mener fonditz fils. Lors le Duc d'Orleans manda de toutes parts à tous les Princes & Seigneurs ses alliez & amys, qu'ils le veinssent seruir à l'encontre de son cousin le Duc de Bourgoingne, lequel auoit prins de fait le fils ainé du Roy son nepueu par force & violence des mains de la Roynie, qui en auoit le gouuernemēt, & ne sçauoit où il le vouloit mener. Et incontinenr vindrent à son seruice le Duc de Lorraine, le Marquis du Pont, fils du Duc de Bar, le Comte d'Armaignac, le Sire de Beaumanoir, le Comte du Perche, le Vicōte de Chasteau-le-Herault frere du Comte de Harrecourt, qui depuis fut Archeuesque de Rouen, le Comte de Clermont fils ainé du Duc de Bourbon, & plusieurs autres nobles grands Seigneurs, iusques au nombre de cinq à six mil Cheualiers & Escuyers. Et le Duc de Bourgoingne en auoit bien autant, & en sa compagnie estoient l'Euesque du Liege, le Comte de Cleues, le Comte de saint Pol, le Prince d'Orenge, le Sire de Vergy Marechel de Bourgoingne, & plusieurs autres : & estoient logez en l'Isle de France, & dedens la Ville de Paris. Et le Duc d'Orleans à tout ses gens estoient entre Meleun, & le pont de Charenton. Et se tenoit le Duc d'Orleans au boys de Vincennes, & là amena la

*Ms. Genifi

1406. Royne. Et se mirent en armes les deux puissances, pource qu'ils estoient logez pres l'un de l'autre, cuidās vn chascun d'eux combatre : mais le Duc de Bourgoingne auoit Paris & le peuple de la ville à son commandement, lesquels le aimoient fort pensans que il les deust tenir en paix, & les garder de payer nulles males-toultres : & l'aimoiēt moult, comme il apperra plus à plain cy apres. Et pour appaiser le debat des deux Princes, trauailla moult le grād Maistre d'hostel de France nommé Montagu, & à la fin les mit d'accord. Et vint la Royne à Paris, & le Duc d'Orleans à la dextre de sa listiere, & le Duc de Bourgoingne à la fenestre : & furent à moult grand estat eux & leurs prouchains Seigneurs, & seruiteurs, & leurs cheuaux auoient riches harnois, & estoient ferrez d'argent, & eux habillez de moult riches & diuerses robbes, Comtes, Barons, Cheualiers, & Escuyers, Dames & Damoiselles, & chascun le mieulx & le plus grandement que faire pouoient pour faire honneur à leurs Dame ou Seigneurs. Et ainsi allerent accompagner ladicte Royne iusques à nostre Dame de Paris, & de là au Louure, où elle alla veoir Monseigneur le Dauphin son fils. Et fut ordonné en faisant leur paix, que le Duc d'Orleans yroit sur les Anglois en Guiēne, & le Duc de Bourgoingne en Picardie à Calais, & feroient chacū leur deuoir. Et pour auoir argēt pour leur armee soustenir, seroit faicte vne taille par le Royaume de France de deux cens mil vieulz escuz. Et en eurent chascun cent mil. Et alla le Duc d'Orleans en Guienne, & mit le siege deuant vne ville nommee Bourg, & passe au pied d'icelle ville la riuere de la Gyronde, & fut ou moys d'Octobre : & là pleut tant qu'il fallut qu'il se leuaſt, tāt pour la pluye, comme pour le secours qui leur venoit d'Angleterre, & de Bourdeaux tous les iours par la riuere, & de la mer. Et pour lors ne ſcaudiēt les François guerres de la guerre. Et le Duc de Bourgoingne fut à ſainct Omer, cuidant aller deuant Calais. Et là fit faire vne ville de boys allant sur rouës, moult grande, pour mener deuant Calais, qui estoit merueilleuse chose : & la deuſa vn Cheuallier d'Auuergne nommé le Sire de Montgaugui, laquelle estoit moult subtillement faicte : & ledit Duc de Bourgoingne auoit entention de prendre ladite ville de Calais

Calais par le moyen d'icelle ville de boys. Et quant le Roy & son Conseil sceurent que Monseigneur d'Orleans s'estoit leué de deuât la ville de Bourg, il enuoya pardeuers le Duc de Bourgoingne en ambassade Messire Guichard Dauphin, l'Archeuesque de Bourges, & le Gallois d'Aulnoy, luy mander qu'il s'en retournaist : & si fist il, & en fut moult courroucié. Et ainsi s'en retournerét les deux Ducs à Paris, & firent grand chiere ensemble, voire en dissimulation.

En celuy an enuiron hui& heures de nuit, batit Messire Jean de Grauille Messire Geuffroy le Maingre, dit Bouciquault, la veille du iour de l'an, en la rue saint Merry à Paris, pour ce que ledit Bouciquault auoit donné vne buffe audit Grauille, par ialousie d'une Damoiselle de l'hostel de la Roïne, nommee Charlotte la Cochette, dont ils estoient tous deux amoureux : & luy promit ledit Grauille qu'il s'en vangeroit auant qu'il fust vn an, & si fit il.

L'An mil cccc. & sept, la veille de saint Clement, partit le Duc d'Orleans de son hostel pres de saint Pol, enuiron hui& heures de nuit, pour aller veoir la Roïne qui estoit accouchée d'un fils, qui ja estoit trespas&e. Et en s'en retourna&t, pres de la porte Barbette, deuant l'hostel du Marreschal d'Eureux, faillirent certaines gens embastonnez d'une maison, dont estoit chief vn nommé Raoulet d'Actouille : lesquels ferirent sur ledit Duc d'Orleans, & le tuerent, & iettèrent à terre de dessus sa mule : & luy couperent le poing, dont il tenoit l'arson de sa selle. Et quand il fut tumbé à terre, vn sien seruiteur saillit sur luy pour le cuider sauuer, lequel fut occis comme luy. Et lors s'en fuyrét lesdits malfai&teurs en l'hostel d'Artois, & en fuyant gettoient chausses-trappes apres eux, afin que l'en ne les peust pourfuyuir. Et ainsi le peuple de la rue s'assembla quant ils ouyrent le bruit, & leuerent le Prince, & le porterent en vne maison : & là vindrét le Roy Loys de * Sicille, * Ms. Cecil. les Ducs de Berry, & de Bourbon, lesquels furent moult le esbahys de voir le Duc d'Orleans ainsi meurdry. Puis s'en allerent en leurs maisons reposer la nuit. Et au plus matin fut apporté son corps aux Blancs-mâteaux, en vn * cercueil * Ms. ser- queur couuert de noir. Et là vindrét ses oncles les Ducs de Berry,

B

1407. & de Bourbon, son cousin germain le Duc de Bourgoingne, & le Roy de Sicille aussi son cousin germain : & estoient vestuz de noir, portans le dueil, & plusieurs autres Seigneurs ses parens & seruiteurs. Lors ledit Prince mort fut apporté en sepulture, & son corps mis en l'Eglise des Celestins à Paris à grand multiplication de Cheualiers & Escuyers tous vestus de noir, portans chascun vne torche deuant le corps. Et apres alloient les Princes dessusdits, & autres ses parens, & apres grand multitude de peuple tous faisans & demenans grand dueil. Apres fut ordonné par les Princes dessusdits, que pour sçauoir qui auoit ainsi meurdry & tué leur dit parent frere du Roy, que on esliroit Commissaires qui iroient en la maison dont estoient failliz ceulx qui l'auoient meurdry, & aussi pour examiner les voisins, & attaindre le cas, & sçauoir la verité. Et pour ce faire furent ordonnez Commissaires Maistre Pierre l'Orfeure Conseiller du Duc d'Orleans trespasse, & Maistre Robert de Tuillieres Conseiller du Roy. Or fut ainsi qu'ils vindrent en la vieille rue du Temple, au lieu où le delict auoit esté fait, & trouuerent par information coupable vn porteur d'eauë, qui alloit & venoit audit hostel durant le temps que le cas auoit esté fait, & que ledit porteur d'eauë se tenoit en l'hostel d'Artois où demouroit le Duc de Bourgoingne. Si estoit l'ordonnance telle, que en l'hostel des Seigneurs de France l'on ne pouoit prendre vn mal-faïcteur sans le congié du Seigneur à qui estoit l'hostel. Si allerent les Commissaires par deuers ledit Duc de Bourgoingne pour auoir congié d'auoir ledit porteur d'eauë, pour sçauoir la verité du cas. Si vindrent lesdits Commissaires en l'hostel de Neelle, où estoient au Conseil le Roy de Sicille, les Ducs de Berry & de Bourgoingne, & heurterent à l'huys lesdits Commissaires. Si leur fut demandé qu'ils* queroient, & ils dirent qu'ils vouloient auoir congié de prendre vn homme qui estoit en l'hostel du Duc de Bourgoingne, qui ces parolles ouyt. Si fute bahy, & mua couleur. Le Roy Loys son cousin germain s'en apperceust, & le tira à part, en luy disant: Beau cousin, sçaez vous riens de ce faict: dites le moy, car il le fault. Car l'homme de vostre hostel sera prins. Lors se print à plourer ledit Duc de

*deman-
doient.

Bourgoingne, & dit qu'il estoit cause d'auoir fait tuer le-
dit Duc d'Orleans son cousin. Le Duc de Berry apperceut
qu'ils plouroient, & demanda qu'ils auoient. Si respondit
le Roy Loys, que son cousin le Duc de Bourgoingne auoit
fait mourir son cousin le Duc d'Orleans. Et lors Monsei-
gneur de Berry se print à plourer, disant, le pers aujour-
d'huy mes deux nepueux. En disant ces parolles, le Duc de
Bourgoingne se partit sans dire adieu. Et en descendant les
degrez de l'hostel rencontra le Duc de Bourbon Loys, qui
venoit au Conseil, lequel luy demanda où il alloit: & il luy
dist, qu'il alloit piffer. Et quand ledit Duc de Bourbon fut
en la chambre, il trouua le Roy de Sicille, & le Duc de Ber-
ry plorans. Et lors luy dit le Duc de Berry, que le Duc de
Bourgoingne auoit fait mourir son neveu le Duc d'Or-
leans. Lors dist le Duc de Bourbon, Pourquoi ne l'avez
vous retenu? Il le faut aller dire au Roy, afin qu'il en soit
ordonné comme raison le veult. Si monterent lesdicts Roy
Loys & Ducs à cheual pour aller deuers le Roy: & ledit
Duc de Bourgoingne monta sur vn bon cheual, & se par-
tit de Paris hastiuement, de paour qu'il ne fust prins, &
vint au Pont sainte Maissance, & fit rompre le Pont apres
luy, & alla ce iour à Arras, où il y a de Paris quarâte & deux
lieues. Lesdicts Seigneurs furent deuers le Roy, & luy re-
monstrerent le cas comme il l'auoit confessé. Et inconti-
nent les seruiteurs dudit Duc d'Orleans monterent à che-
ual pour pourfuiuir ledit Duc de Bourgoingne, & trouue-
rent ledit pont rompu: pource s'en retournerent. Et fut de-
libéré, que puis qu'il estoit eschappé, qu'il seroit besoing
que Monseigneur le Duc de Berry, qui estoit son oncle, &
son parrain, allast par deuers luy, afin qu'il ne se fist Anglois:
& ainsi fut fait, & fist tant qu'il le rapaisa, & destourna de
faire guerre. Et fut toute celle saison d'Hyuer en ses pays
de Flandres & d'Artois.

Celuy an fut moult grand hyuer de glaces, qui dura de-
puis le iour saint Clemēt iusques à la veille de la Chande-
leur sans desgeller. Et furent toutes les riuieres glacees &
prinse: tellement qu'au desgeler les glaces rompirent tous
les ponts de Paris, & ceux des autres grosses riuieres du
Royaume, ou la plus-part: & firent moult grand domma-

B ij

1407: ge, & emporterent les maisons du pays-bas au long des riuieres, & tous les molins: & y eut moult de gens, femmes & enfans noyez, qui estoient esdites maisons & molins.

1408. L'An mil cccc. & huit le Duc Guillaume de Bauiere, Seigneur de Hollande, & Comte de Henault, manda au Duc de Bourgoingne, qui auoit sa seur à femme, que les Liegeois s'estoient rebellez contre son frere Jean de Bauiere, qui estoit leur Euesque; pource qu'il ne vouloit chanter Messe; si luy prioit qu'il luy voulüst venir aidier, & si fist il, & luy mena moult belle compaignie de Bourgoingnons, de Picards, de Flamans, de Champenois, & de François, iusques au nōbre de six mil Cheualiers & Escuyers. Et estoient conduyseurs des Bourgoingnons le Prince d'Orenge nommé Messire Jean de Chalon, Messire Jean de Vergey Mareschal de Bourgoingne, Monseigneur de saint George Cheualier, Monseigneur de Pugny, Monseigneur Dautre, & autres. Des Picards le Sire de Crouy, le sire de * Raon, & le Sire de Haubercourt. Des Seigneurs de Flandres, les enfans de Guistelle, le Sire de Fauquembergue, & Messire Roland Dunquerque, le Sire de Rambures, & autres. De ceulx de Champaigne, le Sire de Chasteau-villain, le Sire de Dampierre, & autres. Des François, Messire Guichard Dauphin, le Côte de Marre d'Escosse, le Sire de Gaucourt, & generalmente toute la puissance & noblesse de Hollande, de Henault, de Brabant, de Namur, & de Hostenam, qui seroit trop lōgue chose à escrire. Conclusion, se assemblerent, & entrerent dedens les pays des Liegeois, boutans les feux par les maisons, & par les bleds qui estoient prests de cueillir. Et conduisoit iceux boutefeux le Sire de Iumōt. Et ce faisoient pour faire leuer lesdits Liegeois, qui tenoient le siege deuant la ville du Trec, où ils auoient assiegé ledit Ieā de Bauiere leur Euesque. Et pour les feux & maux que faisoient lesdits Seigneurs es pays de Liege, se partirent lesdits Liegeois de leur siege, & tant approucherent desdits Seigneurs, que bataille s'en ensuiuit: & les Liegeois la perdirēt, & furēt descōfiz. La maniere de l'ordonnance fut, que les gens des Ducs, & les Liegeois en vn plain pays se trouuerent, qui s'appelle le pays de * Hastellain. Et ordonnerēt

* M. Renti

* M. Hauf-
sciaing

leur bataille à pied d'une part & d'autre, reserué quatre cés
lâces, que les Ducs ordonnerent estre à cheual pour frapper
sur la bataille par derriere, qui n'espargnoiēt ne leurs corps
ne leurs cheuaux. Les Liegeois furent desconfiz, & y mou-
rurent seize mil hommes en la place : & les chiefs d'iceulx
de cheual estoient le Sire de Crouy, le Sire de Rase, Enguer-
ran de Bournonuille, & Robert le Roux. Incontinent arri-
ua sur le champ ledit Euesque Jean de Bauiere, & Anthoi-
ne de Bourgoingne Duc de Brabant, lesquels furent moult
courrouciez qu'ils n'auoient esté à la iournee. A ceste ba-
taille il y mourut des Seigneurs Liegeois le Sire de Pernes,
& son fils, que les Liegeois auoient fait Euesque en deboutât
Jean de Bauiere. Apres ce fait vindrent les Ducs en la cité
de Liege, & mirent leurs bannieres sur les portes de la vil-
le, & furent condampnez les Liegeois à obeir à leur premier
Euesque, & payer la somme de cent mil escus d'or. Et firent
lesdits Ducs couper les testes à plusieurs grands Seigneurs,
lesquels furent prins à la bataille seruans lesdits Liegeois.

En ce temps se partirent le Roy & la Roynie, & leurs en-
fans de la ville de Paris : & les estoient allez accompagner
les Ducs de Berry, de Bretagne & de Bourbon, & plusieurs
autres grands Seigneurs, lesquels les conduisirent iusques à
la ville de Tours. Le Duc de Bourgoingne sceut ces nou-
uelles. Si pria au Duc Guillaume de Bauiere son frere, qu'il
luy voulsist aidier à ramener le Roy & Monseigneur de
Guyenne, qui auoit sa fille à femme, du pays où ils estoient
allez, afin qu'ils veinssent à Paris. Et à la verité le Roy & les
Seigneurs dessusdits festoient partiz de Paris, pource qu'ils
auoient ouy dire comment lesdits Ducs auoient descon-
fiz les Liegeois. Et pource qu'ils scauoient que le peuple
de Paris estoit fauorable audit Duc de Bourgoingne, &
craignoient la fureur de ce peuple, si aduenoit que le Duc
de Bourgoingne fust venu à ladicte ville, pour ceste cause
ils menerent le Roy à Tours. Le Duc Guillaume de Ba-
uiere, qui estoit vn tres-sage Seigneur, octroya audit Duc
de Bourgoingne venir avecques luy, * regardant le seruice
qu'il luy auoit fait au Liege, & conclud venir à Paris, &
luy tenir compaignie, & vindrent à Paris ensemble à tout
leur puissance. Le Duc Guillaume de Bauiere * aduisa que

* M. conf-
deiant.

* regard

1408.
*confide-
rant

la guerre n'estoit pas licite ne la diuision, * regardant qu'ils estoient tous d'un sang, & que c'estoit la destruction & desolatiō du Rōyaume, & qu'il valloit mieux le traicté auoir, que la guerre: & aussi qu'il luy touchoit en deux manieres, l'une pource qu'il estoit cousin germain à la Roïne, & que ses enfans estoient ses parens; l'autre que le second enfant du Roy auoit sa fille seule & heritiere pour femme. Si ambassada tant ledit Duc Guillaume d'une partie & d'autre, que il fut cōclud que les deux parties, c'est assauoir le Roy, les Ducs de Berry, de Bretagne, d'Orleans, & de Bourbon, les Comtes d'Alençon, de Clermont, d'Albret, & plusieurs autres tenans la querelle de Monseigneur le Duc d'Orléans feroient à Chartres à un iour dit. Et pareillement y feroient les Ducs de Bourgoingne, & de Brabant, le Comte de Neuers leur frere, le Comte de saint Pol, & le Prince d'Orange, & plusieurs autres grāds Seigneurs. Et tindrēt les deux parties leurs promesses, & vindrent tous à Chartres. Et fut fait vn traicté entre les deux parties d'Orleans & de Bourgoingne, & iurerēt & promirent sollempnellement tous les Princes, de non iamais porter noise ne debat l'un à l'autre, & de estre bons & vrais parés & amys. Et fut le Duc Guillaume conseruateur des deux parties pour celle iournee, tenant en sa main sa banniere. Et ainsi fut fait l'accord, qui guerres ne dura, & s'en retournerēt le Roy, la Roïne, & leurs enfans à Paris.

En ce temps le Preuost de Paris nōmé Messire Guillaume de Tignonuille fit pendre deux Clercs estudians, qui auoient tué vn homme de mauuais faict: & pour hastiueté que remede ne fust mis à leur faict, les fit pendre à torches au gibet de Paris. Et pource l'Vniuersité pourchassa tant, qu'il fallut que au bout de trois ou quatre mois qu'ils fussent deppenduz, & que ledit Preuost y fust en personne, & les baïsa en la bouche, & les conuoya luy & ses gens, & sergens, depuis le gibet iusques au Monstier, où ils furent enterrez. Et furent amenez en vne biere sur vne charette, & estoit le bourreau sur le cheual deuant, vestu d'un surplis comme vn Prestre. Ladite Vniuersité auoit grand puïssance pour ce temps à Paris: tellement que quand ils mettoient la main à vne besongne, il falloit qu'ils en veinssent

à bout; & se vouloient mesler du gouuernemēt du Roy, & d'autres choses.

L'An mil cccc. & neuf, le Comte de Sauoye commença 1409.
guerre au Duc Loys de Bourbon oncle du Roy, en ses pays de Bresse & de Beaujolois: disant, que ledit Duc de Bourbō estoit son homme, à cause de certaines places qu'il tenoit en Bresse. Et fit passer ledit Comte de Sauoye la riuere de la * Sofne à plusieurs grands nombres de gēs-d'ar- * Ms. Son-
mes & de traiēt: & en estoit conduiseur vn Gentil'homme ne
de son pays nommé Amé de Viry. Le Duc Loys le sceut. Si fit son armee pour resister contre luy:& y vindrent à son aide les Ducs, de Bauiere frere de la Royne, & celui de Bar, le Seigneur d'Albert Connestable de France, le grād Maître d'Hostel du Roy nommé Montagu, le Sire de Gaiucourt, & plusieurs autres grans Seigneurs, iusques au nombre de trois mil combatans: lesquels prindrent sur les gens du Comte de Sauoye deux villes, que les gens dudit Comte auoient prinſes sur ledit Duc au pays de Beaujolois, dont l'vne se nomme Ance, & l'autre Bellēville. La riuere de la Sofne fut moult grosse, apres ce que les gens du Comte de Sauoye l'eurent passee pour eux en retourner. Et eussent passé les gens du Duc de Bourbon apres, se n'eust esté la riuere qui estoit trop grosse, pour entrer au pays de Sauoye. Si traiēterent & parlementerent tant d'vn costé que d'autre, que paix se fist entr'eux, parmy ce que le Comte de Clermont ainſné fils du Duc de Bourbon feroit hommage de la terre qu'il tenoit au pays de Bresse au Comte de Sauoye. Et par ainſi ſ'en retournerent les gens-d'armes hors desdits pays. A celle heure ou en ce temps, enuoya Messire Jean Bouciquault Mareſchal de France, & gouuerneur de Gennes, ses Ambassadeurs deuers le Roy, comme il luy pleust luy enuoyer mil hommes d'armes, avec les gens de traiēt, pour garder le pays des Geneuois, ouquel le Marquis de Montferat, & le Duc de Milan, & Francisque faisoient guerre: & iceulz gens-d'armes il souldoyeroit tres-bien des deniers du pays des Geneuois. Et fut donnee la charge de mener lesdits gens-d'armes au Sire de Gaiucourt à Lyon, & cheuaucherent par le Dauphiné, tant qu'ils vindrent au pays de * Piedmont, où le Prince dudit pays les * Pimont

1409.

de Seule

receut, & donna passage : & de là passerent par les terres du Marquis de Montferrat, & du Quaret, & entrèrent en la terre de Gennes. En ceste compaignie estoient avecques ledit de Gaucourt, les enfans de Roye, le Sire de Blainville, Messire Hue de Brosse, Monseigneur de Ionuelle, Messire Guy de Bar, le Sire des Barres, Messire Gadifer de la Salle, Messire Iean de Bonpay, messire Robert de Nully, Messire Guillaume de Sauignes, Monseigneur * d'Escule, Messire Anthoine Belle, Messire Loys de Loingny, Anguerran de Bournonuille, le bastard de Bourbon, Loys Bourdô, & plusieurs autres Seigneurs & Capitaines. Et vint deuers eux ledit Mareschal Bouciquault, lequel les mena par le pays de Lombardie droit en la cité de Plaisance, laquelle il mit en l'obeissance du Roy de France, & là passa le fleuve du Pau, qui est vne moult grosse riuere. Et alla à Pauie, cuidant leuer vn siege que Francisque & le Duc de Milan nommé Iean-Marie tenoient deuant son frere Comte de Pauie nommé Philippé-Marie. Et quant ils sceurent la venue dudit Bouciquault leuerēt leur siege. Si vint ledit Bouciquault droit à Milan, & vint le Duc audeuant de luy, & luy fit hommage ou nom du Roy de France, & entra dedes Milan à toute sa puissance. Lequel Duc de Milā estoit frere de la femme du Duc d'Orleans Loys trespassé, & mere du Duc Charles d'Orleans de present. Et ledit Bouciquault faisoit crier en ladicte ville de Milan en tous ses crys, de par ledit Bouciquault Mareschal de France, & Gouverneur de Gennes, & de Milan. Cependant qu'il estoit à celle conqueste, le Marquis de Montferrat, & Francisque, par le moyen d'aucuns Geneuois qui estoient venuz de Gennes, entrèrent dedens la cité, & tuerent tous les François qu'ils trouuerent en ladite cité, & vn Cheualier nommé Messire Choleton, lequel estoit Capitaine du chastellet de Génes. Quant Bouciquault sceut ces nouuelles, il fut moult troublé, & si tost que ceux de Milan le sceurēt, ils cuiderēt tuer de nuit tous les François chascun en leurs maisons. Si le sceurent les François, & incontinent s'assemblerent tous ensemble, & toute la nuit cheuaucherēt parmy la ville, & le lendemain partit ledit Mareschal, & laissa la ville au gouuernemēt du Duc, en luy faisant serement qu'il la tiendroit & gar-

& garderoit pour le Roy, & comme vray obeissant & parét du Roy. Et incontinent que ledit Marefchal fut parti, le Duc de Milan, & ceux de la ville se rebellerent contre le Roy. Or y estoiet demourez aucuns François pour eulx esbatre en icelle ville: & incontinent le Duc de Milan les fist prendre & manger à ses chiens. Ledit Bouciquault passa la riuere du Pau en bateaux, & cheuaucha par les plaines de Lombardie, tant qu'il vint à vn chasteau du pays des Geneuois que tenoit le Sire de la Faiette nommé Guy: & là fut luy & son ost par l'espace d'un moys, cuidant recouurer la cité, & le pays de Gennes. Cependant Francisque auoit mis le siege deuant vn chastel nommé Noues, où estoient plusieurs François en garnison, & en estoit Capitaine Messire Guillaume de Sauvignes du pays de Daulphiné. Si delibera Bouciquault d'aller leuer le siege, & y fut, & y eut de grandes armes faictes. Et y furent faicts Cheualiers le Seigneur de Grimoille, le Sire de Chaumont, & Hector bastard de Bourbon. Conclusion, ils ne peurent leuer le siege pour certaines bastilles & fossez, que ledit Francisque auoit fait faire. Et lors lesdicts Bouciquault & Gaucourt à toute leur puissance s'en retournerent par les plaines de Lombardie iusques en Piedmont. Et là le Prince les receut, & souldoya. & prindrent pour ledit Prince lesdicts François plusieurs places ou pays du Marquis de Montferrat, & puis s'en partirent quant ledit Prince eut acheuee sa guerre, & s'en retournerent en France. Et apres ce plusieurs forts chasteaux, comme Gany, Porte-Vandres, & certains autres, demourerent en l'obeissance du Roy, lesquels estoient garniz de François, & bien aduitaillez, dont les Capitaines pou de temps apres vendirent lesdictes places aux Geneuois, & s'en retournerent en France. Ce fut grād dommage pour le Roy de la perdicion de Gennes. Car à ceste occasion de la Seigneurie de Gennes, le Roy tenoit iceluy pays, villes, & ports de mer, iusques dedés les pays de Turquie, de Tartarie, de Cypre & de Grece, qui tous se rebellerent comme Gennes.

En ce temps arriua le Roy de Nauarre à Paris, & fit hōmage au Roy de la Duchie de Nemours, & fut festoyé grādemment du Roy, & des Seigneurs de France: & se allierent

C

1409.

luy & le Duc de Bourgoingne, & firent couper la teste au grand Maistre d'hostel de France nommé Montagu, pour auoir son thresor, & aussi le gouuernement de France. Et en fit le iugement Messire Pierre des Essars Preuost de Paris, lequel lors print le gouuernemēt des fināces du Royaume de France du congié du Roy de Nauarre, & du Duc de Bourgoingne, & mit ses freres & parens en l'hostel du Roy, en deboutant ceulx qui y estoient du grand Maistre.

1410.

L'An mil cccc. & dix les aucuns des Conseillers du Roy s'enfouyrent de Paris, & vindrent à Orleans, où estoit Monseigneur le Duc d'Orleans, en eux complaignant de la mort du grand Maistre, & comment ils s'en estoient fouys pour paour d'estre morts & occis, & auoient esté leurs maisons pillées, & leurs biēs & heritages mis en la main du Roy. dequoy les Bourgoingnons s'aydoient, pour ce que le Roy n'estoit pas bien sensible, mais estoit blecié de son entendement. Et pource que les dessusdits auoient esté seruiteurs de Monseigneur le Duc d'Orleans trespasé, le Roy de Nauarre, & le Duc de Bourgoingne leur auoient fait donner ce destourbier, perils, dommages & interests, paour & honte, & pource disoient que c'estoit contre le seremēt que le Duc de Bourgoingne auoit fait à Chartres. Car il auoit promis que à nul qui eust tenu la querelle du Duc d'Orleans ne feroit iamais destourbier. Si fut moult courroucé Monseigneur le Duc d'Orleās, quād il sceut & ouyt ces nouuelles: & delibera de mander tous les Seigneurs de son alliance, & vindrent deuant Paris à Vicestre. Et là estoient le Duc de Berry, le Duc d'Orleans, le Duc de Bourbō, le Côte d'Alençon, le Comte de Richemont, le sire d'Albret Connestable de France, & le Comte d'Armagnac, & plusieurs autres iusques au nombre de trois à quatre mil Cheualiers, & Escuyers, pour vouloir estre vengiez du dommage & crime de leurs amys, & alliez, qui ainsi auoient esté chaslez de la ville de Paris. Et le Duc de Bourgoingne, luy estant bien acertainé que les Seigneurs dessusdits faisoient ceste armee à l'encontre de luy, vint à Paris, & amena grosse puissance de ses pays de Bourgoingne, de Flandres, d'Artois, & d'autres ses alliez iusques au nombre de quatre mil Cheualiers

& Escuyers. Et estoient conduiseurs des Bourgoingnons Messire Loys de Chalon Prince d'Orenge, Messire Ieā de Vergey Marechal de Bourgoingne, le Sire de sainct George, & le Sire de Paigny, & plusieurs autres. Des Picards estoient conduiseurs le Sire de Crouy, le Sire de Raon, le Sire d'Aubercourt, & le Sire de Helly. Des Flamens estoient conduiseurs le Sire de Guistelle, le Sire de Roboos, Messire Rolant Dunquerque, le Sire de Boyuetu, Messire David de Rambures Maistre des Arbalestriers. Et furent logees leurs puissances durant ce debat entre Senlis & Paris, & n'y eut Dieu mercy durant ce debat homme mort ne blecié, au moins si peu que neant. Le Duc de Brabāt vint à Paris, qui estoit frere du Duc de Bourgoingne, lequel estoit tres-agreable aux Ducs de Berry, d'Orleans, d'Alençon, & de Bourbon. Et fit tant ledit Duc de Brabant, que les deux parties demourerent amys, qui guerres ne dura. Et se appella de aucuns le traité de Vicestre, pource que lesdits Seigneurs du party du Duc d'Orleans se tenoient à Vicestre. Et ainsi s'en retournerent les Seigneurs chacun en leurs pays.

1410.

L'An mil cccc. & vnze, s'en alla le Roy de Nauarre en son pays de Nauarre, & le Duc de Bourgoingne en son pays d'Artois. Et demourerent le Roy, Monseigneur de Guyenne, & Monseigneur de Ponthieu, qui estoient ses deux enfāns, en la ville de Paris. Et auoit laissé le Duc de Bourgoingne pour gouuerner Paris, le Roy & la Royne, vn Cheualier d'aupres Paris, nommé Messire Pierre des Essars, lequel estoit Preuost de Paris. Iceluy Messire Pierre mit sus plusieurs bouchiers, & gens de basse condition pour estre ses complices, aydans à retenir ceux de la ville de Paris. Et l'auoit laissé le Duc de Bourgoingne pour les tenir en crainte, & en special ceux qui tenoient le party de Monseigneur le Duc d'Orleāns. Et de fait fist prendre ledit Preuost vn Cheualier nommé Messire Vinet d'Espineuse, & luy fit couper la teste és Halles de Paris, & mener le corps au gibet. Lors estoit le Duc de Berry en son hostel de Neelle à Paris, lequel eut moult grād paour & frayeur d'iceux bouchiers, qui faisoient moult de maux, & cruautéz à ceux qui tenoient le party de Monseigneur le Duc d'Orleans en la

1411.

1411. ville de Paris, dont ledit Monseigneur d'Orléans fut moult courroucié & mal content; & manda les Ducs de Bourbon, d'Alençon, & les Comtes d'Armagnac, & de Richemont, & le Connestable de France Seigneur d'Albret, accompagnez de six à sept mil Cheualiers & Escuyers. Et se partit de Paris le Duc de Berry pour la paour qu'il auoit d'iceux bouchiers, & alla à Meleun demourer. Et lors la puissance du Duc d'Orléans vint passer la riuere de Seine à Fondizaque pres de la ville de Moret, & cheuaucherent tât qu'ils vindrent au pays de Vallois & de Soissonnois, & en la terre de Couffi: & de là enuoya en la ville de Hâ en Vermandois son avant-garde, que conduisoient Messire Clinet de Babant Admiral de France, le Sire de Beaurain, Messire Thomas de Lerzis, & autres, iusques au nombre de mil combatans pour garder la ville de Han, & pour faire guerre au Duc de Bourgoingne. Quant le Duc de Bourgoingne sceut ces nouuelles, il fit son mandement par tous les pays, & vint deuant la ville de Han mettre le siege. Si amena de son pays de Flandres seize mil combatans, & par force de canons abatirent la porte de ladiete ville du costé deuers saint Quentin en Vermandois. Dont ceux qui estoient dedans ladiete ville eurent moult grand paour, & se partirent de la ville, & l'abandonnerent, & s'en allerent en la ville de Chaulny, où estoit Monseigneur le Duc d'Orléans, lequel fut moult courroucé de ces nouuelles. Et apres la prinse de ladite ville, les Flamens la pillerent, & le lendemain au matin se partirent pour eulx retourner en Flâdres, dont ledit Duc fut moult courroucié qu'il ne pouoit mettre remede de les entretenir. Et pour se cuyder & vouloir vengier, enuoya son ambassade à Calais, par deuers les Anglois, afin qu'ils le voulussent secourir & aidier. & si firent ils. Car le Comte d'Arondel, & le Comte de* Kent, les Sires de Rou, & de Gray vindrent en son ayde, & en sa compagnie. Et estoient nombrez lesdicts Anglois trois cens lances, & les Archers, qui estoient mil. Le Duc d'Orléans sceut ces nouuelles, & partit du pays de Vallois, & vint à Montdidier pour faire guerre es pays d'environ qui fauorisoient le Duc de Bourgoingne. Et là estant eut conseil de venir deuant Paris, & fit faire vn pont à Verberie, & passa

*Ms. Cam,

luy & sa puissance, pour ce que Compiengne & le Pont sainte Maissance, & tous les autres passages de dessus la riuiere d'Oyse estoient en l'obeissance & faueur du Duc de Bourgoingne. Et ainsi vint le Duc d'Orleans, & ceux de son alliance deuant saint Denys, & là mirent le siege. Dedans la ville estoit le Prince d'Orenge nommé messire Jean de Chalon, & en sa compaignie six cens Cheualiers & Escuyers. Et pour ce que la place estoit foible, ledit Prince la rendit, pourueu que iamais luy ne nul de sa compaignie ne se armeroit contre ledit Duc d'Orleans. Et se partit de la ville luy & ses gens, & s'en retourna en Bourgoingne. Et lors ledit Duc d'Orleans se bouta dedens saint Denys, & mit son auantgarde à Montmartre, à la Villette saint Ladre, & à la Chappelle saint Denys. Et là eut de grands escarmouches tant d'un costé que d'autre. Et estoient dedens Paris, le Roy, Monseigneur de Guyenne son ainé fils, & Messire Pierre des Essars Preuost de Paris, qui auoit la garde & charge de * ladite ville. Cependant print le Sire de Gaucourt le pont saint Cloud d'eschelle par la riuiere, & de nuit. Et incontinent se vindrent loger au * bourg dudit saint Cloud, partie de ceulx de l'auantgarde du Duc d'Orleans, lesquels estoient, ou la plus grande partie, Bretons, de la compaignie du Comte de Richemont. Cependant vint à Paris le Duc de Bourgoingne, & passa la riuiere de Seine au pont de Meullenc luy & toute sa puissance, & estoient avecques luy le Comte de Neuers son frere, & le Comte de saint Pol nommé Vvaleran de Luxembourg, qui estoit fait Conestable de France, en deboutant le Sire d'Albret, qui estoit fait parauant Conestable, & si auoit avecques luy les Anglois dessusdits, & plusieurs Seigneurs de Bourgoingne, de Flandres, & de Picardie. Et tost apres partit de nuit de la ville de Paris accompagné des Anglois, des Côtes, de Neuers, & de Mortaing frere du Roy de Nauarre, du Duc de Bauiere frere de la Royne de France, lequel estoit pour l'heure allié du Duc de Bourgoingne. Si vint au point du iour luy & sa compaignie au villaige du pont de saint Cloud, & assaillit les gens du Duc d'Orleans, & les desconfit, & en y eut de morts de neuf cens à mil, & estoient la plus part Bretons. Là fut prins le Sire de

* Ms de la
cité de Pa-
ris.

* village

1411.

Combours, Messire Guillaume Bataille, & Messire Mansart du Boys, auquel le Duc de Bourgoingne fit couper la teste à Paris. Et quant le Duc d'Orleans ouyt dire que ses gēs se combattoient, si se partit hastiuement de saint Denys pour les cuider secourir par le pont qu'il tenoit. Mais il ne peut venir à temps. Car ils furent desconfits. Et lors abandonnerent le pont, & s'en retourna le Duc d'Orleans à saint Denys, & le Duc de Bourgoingne s'en rerourna à tout les prisonniers & la proye à Paris. Et la nuit le Duc d'Orleans fit faire vn pont sur la riuere de Seine, où il passa celle nuit au droit de saint Denys luy & sa puissance, & cheuaucherent tant qu'ils vindrent à Chasteaudun, & ainsi fut leur entreprinse rompuë. Et lors le Duc de Bourgoingne partit de Paris, & emmena le Roy, & Monseigneur de Guyenne son fils ainsné deuant le chastel d'Estampes, où il mit le siege, & le print. Et estoit dedens le chastel Capitaine vn nommé Messire Loys Bourdon, lequel se rendit prisonnier, & fut mené en Flandres sans mort. Et lors enuoya le Duc de Bourgoingne son auantgarde en Beauffe en vn villaige appelé le Puiset, dont estoient chefs Iacques Comte de la Marche, & Messire Iean le Maingre dit Bouciquault Marechal de France, le Sire de Hambré, & plusieurs autres iusques au nōbre de deux mil Cheualiers & Escuyers. Si se partirent d'Orleans le Sire de Barbazen, & le Sire de Gaucourt, & vindrent au point du iour à tout quatre cens lances, & ferirent sur les * gens du Comte de la Marche, & le prindrent, & fut mené en la grosse tour de Bourges, où il demeura longuemēt. Le Sire de Hābre, & plusieurs autres de l'auantgarde du Duc de Bourgoingne, quant ils sceurent celle desconfiture se retrahirent, & vindrent à Estampes où estoient le Roy, & le Duc de Bourgoingne. Et ainsi fut pour celle saison son armee rompue, & s'en retournerēt le Roy, & iceluy Duc à Paris. Et depuis grand temps apres fut deliuré Messire Loys Bourdon. Si print congié le Comte d'Arondel, & les autres Seigneurs d'Angleterre, & s'en retournerent en leurs pays.

* Ms. le lo-
geis

1412.

L'An mil cccc. & douze fut le Sire d'Albret Conneftable de France de par les Ducs de Berry & d'Orleans enuoyé en Ambassade deuers le Roy Henry d'Angleterre.

Et fit tant que le Roy Henry luy bailla son second fils Thomas Duc de Clerence & son frere le Duc d'Yorch, & Messire Iean Cornuaille, accompagnez de huit cens lances, & quatre mil Archiers pour secourir & aidier les Ducs de Berry & d'Orleans. Et descendirent en Normandie en la hague saint Vast ou mois de Iuing.

En ce temps fut logé à Linieres en Berry, le sire de Helly, qui estoit à grand puissance de gens oudit pays, & Capitaine pour le Duc de Bourgoingne. Et lors le Duc de Bourbon se partit de Bourges, & vint au point du iour fraper sur le Seigneur de Helly, & le destroussa, & perdit grand nombre de ses gens. Mais il ne fut point prins: car il se trahit au chastel.

En celle saison se partit le Roy de Paris, & Monseigneur de Guyenne son ainsné fils, & les Ducs de Bourgoingne, de Bauiere, de Bar, & de Lorraine, & plusieurs autres grands Seigneurs, & Comtes de ce Royaume, pour venir mettre le siege à Bourges. Et vindrent assieger Dun-le-Roy que tenoit vn Chevalier Gascon pour le Duc de Berry, qui se nommoit Messire Aurias de Soignac. Si rédit la ville, son corps & ses biens saufs. Et de là se partit l'ost, & vindrēt mettre le siege deuant vne des portes de la ville de Bourges, & y furent par l'espace de cinq ou six semaines, puis se leuerent, & allerent mettre le siege deuant la porte de Soulongne, nommee la porte saint Priué, où ils demurerent grand temps. Et là vint le Roy de Sicile Loys, qui amena à l'ayde du Roy, & de ceulz qui tenoient le siege, six cens hommes d'armes. Ledit Roy de Sicille estoit allié au Duc de Bourgoingne nommé Iean. Si sceut le Duc de Guyenne ainsné fils du Roy de France, que les Anglois venoient à grand puissance pour secourir les Ducs de Berry & de Bourbon, qui estoient dedens Bourges. Et conduisoit les Anglois le Sire d'Albret, & ja estoient au pays du Perche. Et pource que la mortalité estoit au siege, & aussi que ledit Seigneur voyoit que par la bataille se pouoit perdre ce Royaume, pource trouua-il maniere de faire paix entre eulz, & parlerent deuant la cité aux champs les Ducs de Berry & de Bourgoingne, qui estoient oncle & nepueu. Si conclurēt ensemble de venir aux Roches pres la Charité sur Loire parler ensemble, & vindrent audit lieu des Roches, où ils

prindrent iournée pour aller à Aucerre par deuers le Roy, qui là deuoit tenir iournee : dont ils n'y vindrent point, pour ce qu'ils deuoient estre tuez en la ville d'Aucerre. Si cheuaucherent les Anglois, & passerent la riuere de Loire, & vindrent pour loger à Beaulieu pres de la ville de Loches, dont ils bruslerent l'Abbaye & la ville, & emmenerēt l'Abbé prisonnier, & destruirent Burençois, & firent ces exeez par despit qu'ils eurent de ladieste paix faicte entre les Ducs de Berry, & de Bourgoingne. Et pour estre payez, & sur leurs gages emmenerent le Comte d'Angoulesme frere du Duc d'Orleans prisonnier en Angleterre pour la somme de cent mil escuz d'or.

En ce temps le Côte de saint Pol, qui estoit Connestable de France pour la partie des Bourgoingnōs, fut à saint Remy du Plain, es parties de Normandie & du Perche : & là desconfit le Sire de Gaucourt, & le sire de Charpaigne, qui estoient trois ou quatre cens combatans, & furent desconfits par les Archiers que ledit Comte de saint Pol auoit, & s'en allerent les Anglois à Bourdeaux.

En ce temps fut prins vn Cheualier nommé Messire Lourdin de Saligny Gouverneur & Chambellan du Duc de Bourgoingne en la ville de Paris, & le fit mener ledit Duc en Flandres, pource qu'un Cheualier de Gastinois nommé le Sire de Iacqueuille luy mit sus, qu'il vouloit tuer son Maistre le Duc de Bourgoingne, par l'enhortemēt de la femme du feu grand Maistre d'hostel de France nommé Montagu. Lequel Iacqueuille disoit audit Duc, que ledit Messire Lourdin la maintenoit pour auoir le gouuernement dudit Duc, ainsi que auoit ledit Messire Lourdin.

En cētēps deuoient venir lesdicts Ducs de Berry, d'Orleans & de Bourbon, & autres Seigneurs de leurs alliances à Aucerre, pour ordōner & conclurre du gouuernemēt dudit Royaume. Et fut ordōné en vn conseil secret, où estoiet le Duc de Bourgoingne, & le Sire de Iacqueuille, & Messire Pierre des Essars Preuost de Paris. Et conclurent audit conseil, que si lesdicts Seigneurs venoient audit lieu d'Aucerre, l'on les feroit mourir. Ledit Messire Pierre des Essars ne voulut oncques consentir ce malfait, & dit que ce se-
roit oultrage d'auoir fait mourir le Duc d'Orleans le pere,
puis

*Ms. que
c'estoit

puis faire mourir le fils, & les autres Ducs & Comtes qui deuoient venir au traicté. Si le firſcauoir ledit Meſſire Pierre des Eſſars auſdits Seigneurs ſecrettement, & par ce ne vindrent point à Aucerre. Mais depuis en la ſaiſon d'Hyuer vindrent leſdits Seigneurs en la ville de Meleun deuers Monſeigneur le Duc de Guyenne ainſné fils du Roy, lequel auoit pris le gouuernement du Royaume, qui leur fit grand chere, & les receut grâdemét. Et retint ledit Duc de Guyenne ſes officiers, deux des ſeruiteurs de Monſeigneur le Duc d'Orleans, leſquels il retint pour le ſeruir, dont l'un eſtoit Cheualier, nommé meſſire Iacques de la Riuere, Seigneur d'Aunel pres Chartres, & l'autre eſtoit Eſcuyer, nommé le petit Meſnil d'enuirō Dreux. Et fut l'un Chambellan, & l'autre Vallet-trenchant, leſquels n'y demurerent gueres. Car on les fit mourir, pource qu'ils auoient tenu le party d'Orleans, & eſtoient bien nobles gēs.

1412.

L'An mil cccc. & treize ou mois de May, par le commandement du Duc de Bourgoingne, ſe meirent ſus, yn tas de bouchiers & d'eſcorcheurs de beſtes, & firent Capitaine vn de leur compaignie nommé Simonet Caboche, & mirent ſus le commun de Paris. Et firēt leur Capitaine general le Sire de Iacqueuille, & leur Conſeiller vn *Mire nommé Maistre Iean de Troyes, & pluſieurs autres gens de baſſe condition, & partirent de l'hoſtel de la ville, & vindrent en la ruē ſainct Anthoine à tout grand multitude de peuples armez, & embaſtonnez, deuant l'hoſtel où demouroit Monſeigneur de Guyēne. Et oudit hoſtel eſtoit le Duc de Bourgoingne. Et là en ladite ruē leſdits Iacqueuille, & maistre Iean de Troyes demanderēt, qu'on leur baillaſt la plus part des officiers & ſeruiteurs de l'hoſtel de Monſeigneur Duc de Guyenne; ou ſinon, ils tailleroient tout en picces. Et en la fin les fallut bailler, ainſi cōme ils les auoiet par eſcrit en vn roolle, & les prindrent, & menerent priſonniers en l'hoſtel d'Artois: & eſtoit le Duc de Bourgoingne preſent à les cōduire & mener. Là fut prins le Duc Edouart de Bar, & pluſieurs nobles Cheualiers & Eſcuyers, & notables gens de conſeil. Et quant le Duc de Guyenne vit que c'eſtoit force que ſes gens & officiers fuſſent prins, ſi fit pro-

1413.

* c'eſt à dire,
Medecin

D

1413. mettre au Duc de Bourgoingne par son serement sur vne croix de fin or, qui là fut apportee present Madame de Guyenne fille du Duc de Bourgoingne, & plusieurs autres, Que lesdits prisonniers qui là estoient n'auroient nul mal; mais les renuoyeroit auecques leurdit maistre Monseigneur le Duc de Guyenne, quand le peuple seroit appaisé. Et pour ce les fit mener en sa maison. Ce iour deuers le soir fut prins Messire Pierre des Essars qui estoit dedens la Bastille, & luy promist le Duc de Bourgoingne qu'il n'auroit nul mal. Si rendit la Bastille où il estoit, & fut prins, & mené en la grosse tour nommee le Chasteau de boys, au droit de l'hostel de Neelle, de l'autre part de la riuere. Et incontinent qu'il fut party de la Bastille, le Sire de la Trimouille, & vn Capitaine nommé Anguerran de Bournouille, entrèrent dedens icelle Bastille, & prindrent & pillerent tous les biens, gés, & cheuaux dudit des Essars. Et pou de temps apres prindrent Loys Duc de Bauiere frere de la Royné, & le menerent prisonnier en vne grosse tour sur la riuere, au droit du Louure. Et lors firent publier parmy la ville de Paris, que ledit des Essars auoit prins moult d'offices & de Capitaineries, dont il auoit eu moult de prouffits, qui estoit contre les statuts royaulz: & que ledit des Essars auoit affoibly & appetissé la monnoye du Roy deux deniers sur piece, qui pouoient monter à son prouffit trois ou quatre cens mil escuz qu'il auoit emblez du Roy & de son peuple. Et toutes ces choses faisoient publier cōtre luy, pour le mettre en la malle grace du peuple, & pour le faire mourir. Et principalement le conseilloit au Duc de Bourgoingne le Sire de Jacqueuille, qui desiroit à auoir le gouuernement de ce Royaume, & autres ses complices, pour auoir les offices de ceulx que ledit des Essars auoit fait, & mis en estat, tant de ses parens que autres: & pource luy firent couper la teste, & aussi la firent couper à Messire Jacques de la Riuere, depuis qu'il fut mort. Car il mourut en la prison: & dient les aucuns qu'il se tua luy mesmes par desconfort: & les autres dient qu'on le tua d'une hache, pour ce qu'on ne luy scauoit que mettre sus, & n'en sçet l'en nulle autre chose sinon Dieu. Car il estoit seul en la prison. Et là fut prins à tout vne robbe noire fourree de martres, & vn tissu dont il

estoit ceint, qui estoit ferré d'or, & estoit chaucié & attachié : & fut apporté tout mort de la prison aux degrez du Palais, & fut attachié à vne charrette, & mené es Halles de Paris, & voyoit le visle mort empres luy. Si fut mis hors de ladicte charrette, le Cheualier trespaslé, & fut apporté en l'eschaffault, & là on luy couppa la teste tout mort. Et puis y fut mené ledit petit Mesnil, qui aussi eut la teste coupée. Les dessusdits bouchiers par le commandement des dessusdits, prirent les Dames & Damoiselles de l'hostel de la Roynie & de Madame de Guyenne, à qui on fit maintes paours. Iceulx bouchiers & autres de leurs alliances firent moult de maux, & roberent & occirent moult de gés, sans esgard de iustice, & mirent sus tailles & emprunts sur Officiers & gens d'Eglise, & sur tous autres gens. Lesquelles tailles estoient impossibles de pouoir payer, & dequoy les notables de Paris furent moult mal cōtens. Vn iour le premier President de Parlement nommé Maistre Henry de Marle, & Messire Iean Iuuenel Aduocat du Roy oudit Parlement, lesquels estoient grandement enlignagiez & auctorisiez en ladicte ville de Paris, eulx & leurs amis se mirent sus à tout grand multitude de peuple, & vindrent en l'hostel de saint Pol, où se tenoit le Roy & Monseigneur de Guyenne son fils ainsné, & remontrerēt au Roy & à son fils, que le Duc d'Orleans auoit grand multitude de gens d'armes sur les champs, & aussi les autres Seigneurs de leurs alliances, lesquels se tenoient à Vernon sur Seine, & sommoient le Duc de Bourgoingne, & ceux de son alliāce faire paix, & estoient mal contents des maux que ceulx qui gouernoient la ville de Paris faisoient aux seruiteurs du Roy, & de Monseigneur d'Orleans, & aussi des autres hommes marchans & bourgeois de ladicte ville, de la mort du Seigneur de la Riuiere, & de Messire Pierre des Essars, & autres lesquels ils auoiēt fait mourir, & encores ils vouloiēt cōtinuer. Si le remontrerēt presens le Roy & Monseigneur de Guyenne, & l'Vniuersité de Paris. Et lors Monseigneur de Guyenne fut moult courroucié & dolent de ses seruiteurs qui auoient esté prins, & estoient en peril de mort. Si monta incontinent à cheual avecques le peuple, & estoient avecques luy les Ducs de Berry & de Bourbon. Et

D ij

1413.

meirent hors de prison les Ducs de Bar, & de Bauiere, & les autres prisonniers Dames & Damoiselles. Le Duc de Bourgoingne cuida desmouuoir mondit Seigneur de Guyenne de ce faire. Mais il n'en fit riens pour luy. Et lors les bouchiers & leurs complices estoient assemblez en l'hostel de la ville en Greue: & quant ils virent que ledit Duc de Guyenne estoit plus fort, ils s'enfouyrent, & se mirent chacun où ils peurēt trouuer seureté. Et tost apres ils s'enfouyrent hors de la ville & cité de Paris, & se retrahirent assez tost apres es pays du Duc de Bourgoingne, & les nomma l'on les Bannys & les Caboches. Et bien pou de temps apres Monseigneur de Guyenne manda Monseigneur d'Orléans & ses alliez, venir deuers luy. Et pour ce eut paour le Duc de Bourgoingne, que ledit Duc d'Orléans quand il seroit venu ne demadast iustice de la mort de son pere qu'il auoit fait mourir. Et pource, & afin que ledit Duc de Bourgoingne s'en peust aller hors de Paris, il fit tant à vn Cheualier qui gouuernoit le Roy nommé Messire Charles de Sauois, qu'il conseillast au Roy qu'il allast à la chasse: & ce faisoit afin qu'iceluy Duc de Bourgoingne peust saillir de la ville avecques le Roy, & ainsi le fit. & alla à Bondis chasser. Et cuidoit ledit Duc de Bourgoingne emmener le Roy en Picardie avecques luy. Mais ceulx de Paris conuoyerent le Roy si fors, qu'il n'eut pas la puissance de l'emmener: & s'en alla, & le conduisit Anguerran de Bournouille, qui estoit Capitaine de la garde de mondit Seigneur de Guyenne. Si mit ledit Duc de Bourgoingne garnison dedens Cōpiengne, & à Soissons.

Et en ce temps vindrent à Paris les Ducs d'Orléans, de Bourbon, & d'Alençon, & les autres Seigneurs de leurs alliances, & firent tous l'hyuer à Paris. Et se allia lors le Roy de Sicile & Duc d'Anjou, au Duc d'Orléans, & aux autres Seigneurs. Et pource renuoya la fille au Duc de Bourgoingne, laquelle estoit enconuenancee au fils ainsné du Roy de Sicile. Et pour ce fut rompue leur alliance, dont le Duc de Bourgoingne fut moult courroucié, & mal contāt. Lors le Roy donna à Monseigneur Charles son quatriesme fils, la fille du Roy de Sicile en mariage, nommee Marie d'Anjou.

L'An mil cccc. & quatorze se partit le Roy de Paris ou moys d'Auril, & Monseigneur de Guyenne son ainzné fils, & les Ducs d'Orleans, de Bourbon, de Berry, d'Alençon, & de Bar, & les Comtes de la Marche, de Richemont, d'Armagnac, de Vendosme, le Cōestable de France Seigneur d'Albret, messire Amé de Saueufes Seigneur de Commercy, & plusieurs autres grands Seigneurs, Cheualiers & Escuyers: & en leur compaignie de six à sept mil hommes d'armes, & meirent le siege à Compiengne, que le Duc de Bourgoingne tenoit, & la prindrent par composition, & estoient dedens Messire Hue de Launoy, & le sire de Soret: qui laisserent la ville, & s'en allerent leurs corps & leurs biens faufs. Et y tindrent le siege le Duc de Bar, le Comte d'Armagnac, & le Sire d'Albret Conestable de France. Puis alla le Roy en personne, & sa puissance mettre le siege à Soissons, laquelle ville en la fin fut prinse d'assault. Et tenoient ladicte ville Anguerran de Bournouille, & vn Cheualier de Touraine nommé Messire Pierre de Menon: lesquels pour ce qu'ils auoient tenu la ville contre le Roy, & en especial ledit Anguerran, pour ce que vn de ses Archiers auoit tué en vne escarmouche d'vn trait le bastard de Bourbon par la gorge, la ville fut pillée, & vne partie des Eglises, dont fut dommaige. Vn Cheualier fut prins en ladicte ville, & enuoyé à Paris, & fut decapité és Halles, & s'appelloit Messire Guyonnet du Plessis. Et furent decapitez à Soissons lesdits Anguerran, & Messire Pierre de Menon, pour les choses dessusdictes. Le Roy se partit de Soissons, & s'en alla à Laon, & là vint deuers luy le Comte de Neuers frere du Duc de Bourgoingne, lequel fit seremēt au Roy de non se armer contre luy, en aidant ne confortant son frere. Et se partit le Roy de là, & s'en alla à saint Quentin en Vermandois. Et là eut le Roy nouuelles, que les Bourgoingns venoient à Arras pour secourir leur Seigneur. Si se partirent les Ducs de Bar, de Bourbon & d'Alençon, le Comte d'Armagnac, & le Conestable de France, & chasserent les Bourgoingns depuis la Chapelle Haultereffe, iusques à nostre Dame de Haulx en Brabant, & y fut prins vn Cheualier de Bourgoingne nommé Messire Guy de Bar, & plusieurs autres Bourgoingns. Et

D iij.

1414. se retrahit toute celle puissance qui venoit de Bourgoingne à Arras, & fut mis le siege deuant la ville d'Arras, apres ce que Balpausmes fut prins. Mais en la fin ils firent la paix par le moyen de la Duchesse de Hollande seur du Duc de Bourgoingne, & s'en retourna le Roy à Paris.

En ce temps fut ordonné le Concile à Constance, & ceda Pape Iean, & fut mis en prison en vn fort chastel dedans le lac de Constance par le commandement de l'Empereur, & des Clercs de la Chrestienté.

En ce temps le Comte d'Armaignac print le chastel de Murat par composition, & plusieurs autres places qui estoient au Vicomte de Murat, & print ledit Vicomte par le moyen que ses seruiteurs & gens s'en peussent aller des places qu'ils tenoient leurs vies sauues. Si le mit en prison, & en la fin eschappa, & s'en alla deuers le Duc de Bourgoingne.

^{de Dorset.} Celuy an vindrent à Paris par sauf-conduit le Duc d'Yorch, l'Archeuesque de Vincestre, & le Cōte * Dorset, oncles du Roy Henry d'Angleterre, le Sire de Cornuaille, & autres Cheualiers Anglois, & gēs de cōseil, pour demander à auoir en mariage pour ledit Roy d'Angleterre Madame Katherine fille du Roy : lesquels Ambassadeurs furent moult grandemēt festoyez du Roy en son chastel du Louure à Paris, & aussi de Monseigneur de Berry en son hostel de Neelle. Et fut donnee responce ausdits Ambassadeurs, que l'on ne pouoit entendre à ceste matiere pour le present, & ainsi s'en retournerent. Et pour ce que ils scauoient que l'entention de leur Roy estoit de venir descendre en grand armee en Normandie, requierent que on les amenaist monter en mer à Harfieu pour aller en Angleterre. Mais le principal point estoit, pour regarder la ville, & comment elle estoit fortifiee.

1415. L'An mil cccc. & quinze le Roy d'Angleterre descendit à la bouche de Seine, & à la fosse de Loyre, deuant la ville de Harfieu, & vint mettre le siege deuant ladicte ville. Et s'emirent dedens le sire d'Estouteuille, le Chastelain de Beauuais, le Sire de Hacqueuille, & Messire Lyonnet de Bracquemont, qui auoient en leur compaignie

cent Cheualiers & Escuyers. Puis y vindrēt apres le Sire de Gaucourt, le Sire de Gutry, lequel se bouta dedens, dont les Seigneurs qui estoient en ladicte ville, & le peuple en furēt moult resiouiz, & garderēt, & tindrent grandemēt & longuemēt ladicte ville, & estoit à Caudebec Messire leā Bouciquaut durant le siege, qui estoit Marechal de France, à tout mil & cinq cēs hōmes d'armes, & le Sire d'Albret Connestable de France à tout mil & cinq cēs hommes d'armes à Honnefleu: lesquels se tenoient là, & es places d'enuiron, pour cuider porter dommage aux Anglois. Mais le Roy d'Angleterre estoit venu si grandement acompaigné & pourueu de traict, de bombardes, & de toute artillerie, & de viures, & en venoit tous les iours d'Angleterre par mer tant & si largement, que pour chercher viures ne falloit ja que les Anglois allassent hors de leurs sieges. Et à la fin fallut que ceux qui tenoient Harfleu la rendissent au Roy d'Angleterre, parmy ce que si le Roy d'Angleterre n'estoit combatu deuant qu'il fust à Calais, que ceulx qui auoient tenu Harfleu contre luy, rendroient leurs corps prisonniers. Si laissa le Roy d'Angleterre son oncle le Comte Dorsec deuant Harfleu, & se partit pour aller droiēt à Calais. Et quand le Connestable de France le sceut, il fit sçauoir au Roy, & par tout le Royaume de France, que le Roy d'Angleterre s'en alloit à Calais. Et pource l'on fit sçauoir à tous les Seigneurs de France, & du Royaume, que vn chascun qui aimoit honneur vint en Picardie pour combattre les Anglois. Et cependant les Connestable & Marechal de France iroient au deuant d'eulz à Abbeuille, pour garder le passage sur la riuere de Somme. & si firent ils. Car ils tindrent bien quinze iours auant qu'ils peussent passer ladicte riuere. Mais en la fin ils trouuerent passage entre Corbie & Peronne, par où ils passerent. Et fut par aucuns François qui estoient logiez sur le passage, cuidans que les Anglois fussent passez la riuere plus hault, lesquels François s'enfouyrent dès mie-nuiēt. Et en fouyant par les villages où ils passerent, semoient & disoient que les Anglois estoiet passez. Et ainsi en firent fouir tous ceulx qui estoiet autour du passage. Et quant il fut iour, vindrent aucuns Anglois sur le bort de la riuere du costé où ilz estoient lo-

gez, lesquels queroient à mangier, pour ce qu'ils ne trouuoient que mangier sinon à grand peine. Si se bouterent en vn molin, & eulz là estans virent de l'autre part de la riuiera qu'il n'y auoit nuls François. Si se hardierent de passer oultre par dessus la chauce du molin, & trouuerent vn village au bout de ladicte chauce, où ilz trouuerent grand foison de chair cuitte, bouillie & rotie, & pain & vin que les François auoient laissé de haste de partir. Si chargierent lesdits Anglois, qui estoient à pié, de ces viures, & s'en allerēt deuers leurs Capitaines, & leur cōpterent ce que ils auoient trouué. Si se partirent les Capitaines, & l'allèrent dire au Roy d'Angleterre. Et incontinent qu'il le sceut, fit ordōner ses batailles, & enuoya gens pour sçauoir quels passages il y auoit, & s'il y auoit nulz François de l'autre costé de la riuiera. Si trouuerent qu'il n'y auoit riens. Et incontinent le Roy d'Angleterre, & toute sa puissance passa celle riuiera. Et quant le Connestable le sceut, & les Ducs de Bourbon, & de Bar, & le Comte de Neuers, qui ja estoient arriuez à Corbie; si furent moult courrouciez de ces nouuelles, & conclurent qu'ils demanderoient la bataille au Roy d'Angleterre au Ieudy ensuiuant en vn lieu nommé Aubigny en Artois. Si y enuoyerēt leurs heraulz, ausquelz le Roy d'Angleterre fit grans dons, & accepta & promit de venir ou champ, & combattre à ce iour sans nulle faulte, dont il ne fit riens. Car il s'en alla passer en vn lieu qui s'appelle Beauquesne, afin que le plustost qu'il pourroit il peut recouurer à estre à Calais. Et quand les Seigneurs de France sceurent ces nouuelles, ilz cheuaucherent au deuant de luy pour luy couper chemin. Et enuoyerent lesdits Seigneurs François deuers le Roy, qui estoit à Rouen, qu'il voulsist venir à la bataille. Mais le Duc de Berry son oncle ne le voulut cōsentir, & fut moult courroucié de ce qu'ils auoient accepté ladicte bataille, & pour ce ne voulut que le Roy y allast. Car il faisoit grand doubte de la bataille, pour ce qu'il auoit esté à celle de Poitiers où son pere le Roy Iean fut prins, & disoiēt que mieulx valloit perdre la bataille, que le Roy & la bataille. Et pour ce ne voulut cōsentir que le Roy y allast, lequel Roy y fust voulétiers allé. Car il estoit hardy Cheualier, fort & puissant. Et lors le Cōnestable, & les Seigneurs,

gneurs, qui tousiours croissoient de gens, vindrent au deuant des Anglois sur le passage d'une riuiera en un village nommé Blangy, & les cuiderent combattre ce leudy. Mais les Anglois leur demanderēt treuës iusques au lendemain, lesquelles leur furent baillées. Et le lendemain au matin ordonna le Roy d'Angleterre ses batailles. Et à celle heure arriuerent les Ducs d'Orleans, & de Braban, dont toute la compagnie des François fut moult resiouye; Iacoit ce qu'ilz vindrent comme tous seulz. Tout ce matin arriuerēt Barons, Cheualiers, & Escuyers, à l'aide des François de toutes parts. Si enuoyerent les Seigneurs de France Messire Guichard Daulphin, le Sire de Traffi, le Sire de Helly, & autres parler au Roy d'Angleterre. Quelle offre le Roy d'Angleterre leur fit, nul ne sçet, sinon le Duc d'Orleans. Car tous les autres furent morts en la bataille: & luy mesmes si tost qu'il arriua en la bataille fut prins. Or fut ainsi que enuiron vnze heures ce Védredy en la fin du mois d'Octobre, marcherent les Anglois en ordonnance, en gestant grands cris, & vindrent assembler sur les batailles, & sur les ailes des Seigneurs de France. Et estoit à l'aile dextre le Comte de Richemont, & estoient souz luy le Vicomte de Belliere, & le Sire de Combourc, & auoit à son aile six cens hommes d'armes: l'aile senestre faisoit le Comte de Vendosme grand Maistre d'hostel du Roy, & estoient avecques luy le Sire de Baqueuille, & le Sire d'Aumont, le Sire de la Roche-Guyon, & tous les Chambellans, Escuyers d'escuyrie, Eschançons, Pannetiers, & autres Officiers du Roy, & auoit en son aile six cens hommes d'armes. A l'auantgarde estoit le Sire d'Albret Cōestable de France, & Bouciquault Mareschal, qui auoient en leur compagnie trois mil hommes d'armes. Et y estoit le Duc de Bourbon, qui auoit douze cens hommes d'armes: & y estoit le Duc d'Orleans avec six cens hommes d'armes, que gouuernoit le Sire de Gaules pour luy en bataille: & y estoit le Duc Edouard de Bar, qui auoit en sa compagnie six cens hommes d'armes: & y estoit le Comte de Neuers, qui auoit en sa compagnie douze cens hommes d'armes: & y estoient Messire Robert de Bar, & le Comte d'Aumalle, qui auoit en sa compagnie quatre cens hommes d'armes: & y estoit

E

1415. le Comte d'Eu, qui auoit en sa cōpaigñie trois cens hōmes d'armes:& y estoit le Cōte de Vaudemont frere du Duc de Lorraine, à tout trois cēs hōmes d'armes:& y estoit le Cōte de Roussi & de Brēne, à tout deux cens hōmes d'armes:& y estoit Iean Mōseigneur de Bar, frere du Duc de Bar, à tout deux cēs hōmes d'armes : & y estoit le Duc de Brabāt frere du Duc de Bourgoingne, lequel amena pou de gens. Mais tous les Baïons de Haynault se meïrent souz sa banniere. En ceste compaignie des François estoient dix mil hommes d'armes, dont la plus part estoient Cheualiers & Escuyers. Le Connestable auoit ordonné certain nombre de gens à cheual pour frapper sur les Anglois, qui se porterent petitement. Et en estoient chiefs Messire Gieuffroy Bouciquault, le Sire de Grauille, le Sire de la Trimoille, Messire *Helicquet de Brabant, Messire Iean d'Engennes, Messire Aleaume de Champenaus, Messire Robert de Chaalus, & Pichon de la Tour. Ces deux y moururent, & ne firent pas bien leur deuoir trestous les autres. Car ils fouirent honteusement, & oncques ne frapperent coup sur les Anglois. Le Roy d'Angleterre auoit en sa compaignie avecques ceulx de son sang & lignaige, mil & cinq cens Cheualiers & Escuyers, & de seize à dixhuiēt mil Archiers. Il trouua les François à petite ordonnance, & en petit nombre: Car les vns s'en alloient chauffer, & les autres se alloient eulx pourmenās, & repaistre leur cheuaulz, & ne cui doiēt point que les Anglois eussent *hardement de les venir cōbattre. Et pour ce que les Anglois les virēt en ce defarroy, les vindrent assaillir, & les desconfirent, dont ce fut pitié & dommage pour le Royaume. Car là moururent trestous les Seigneurs dessusdits, reseruē les Ducs d'Orleans, & de Bourbon, & les Comtes d'Eu, de Vendōsme, & de Richemont, & le Mareschal Bouciquault, lesquels furent prisonniers du Roy d'Angleterre, & menez en Angleterre. Et mourut de la part dudit Roy d'Angleterre le Duc d'Yorch son oncle, & bien trois ou quatre cens Anglois. Et moururent au champ quatre mil Cheualiers & Escuyers. Le Roy estoit à Rouen, qui sceut ces nouuelles, & commēt le Duc de Bretagne n'auoit point esté à la besongne, lequel auoit eu du Roy pour le payemēt de ses gēs-d'armes cent mil francs. Et luy auoit donné le Roy la ville & cité de saint Malo, afin

*M. Hequi-
net, & y
deuant,
Clinet.

* la har-
diessē

qu'il fust plus curieux de le venir seruir. Et fut principalement cause de luy faire auoir ledit saint Malo, vn Cheualier nommé Messire Bertrand de Montauban, qui estoit de Bretagne, & l'Euesque de Clermôt nommé Maistre Martin Gouge, qui estoient eulz deux pour Monseigneur le Duc de Guyenne, Gouverneurs de tout le Royaume. Et fut donné au Duc de Bretagne par leur conseil vn cheual d'or esmaillé de blanc, lequel auoit la selle, la bride, & le harnoyz tout couuert de pierreries, qui valloit cinquante mil escuz.

En ce temps enuoya le Roy deuers le Comte d'Armaignac, Messire Anguerran de Merconnet, & Maistre Guillaume de Champeaux en ambassade, en luy faisant sçauoir que pour la puissance, prudence, & vaillance qu'il auoit, le Roy vouloit qu'il fust son Connestable, & qu'il luy pleust recevoir l'espee, & accepter ledit office, & si fist il. Et tost apres vint à Paris à grand compaignie de gens d'armes, pour resister & mener guerre, comme Connestable, aux Anglois qui tenoient Harfieu.

En celuy an le Duc de Bourgoingne fit moult grand armee, & vint en la ville de Troyes en Champaigne. Si estoit courroucié de ses deux freres que les Anglois auoient occis en bataille. Et pour ce que le Roy se esmerueilla de ce qu'il faisoit si grosse armee, luy enuoya de Rouen Messire Regnault d'Engennes, & Messire Iean de Malestroit Euesque de saint Briou, pour luy faire sçauoir de par luy, que s'il vouloit aller sur les Anglois, que le Roy estoit content de luy bailler le gouuernement de Picardie. Et il respondit aux Ambassadeurs qu'il vouloit parler au Roy, & à Monseigneur de Guyenne son fils, lequel auoit espousee sa fille. Dont le Roy & Monseigneur de Guyenne ne furent pas contents, pour ce qu'il venoit à main armee deuers Paris. Et manderent le Roy & son fils ainsné, par lettres aux bonnes villes & passages d'entour Paris, que nul ne lui fist ouerture. Et ce nonobstant ceulz de Laigny le mirent dedens leur ville, & là fut sa personne & son armee en Brie, & en France, depuis la saint Martin d'Hyuer, iusques à Karesme prenant. Et enuiron Noel alla de vie à trespas Monseigneur de Guyenne, & fut enterré à nostre Dame de Paris deuant le Maistre Autel à dextre. Et demourerent le Comte d'Ar-

1415. maignac, Messire Tanneguy du Chastel Preuost de Paris à la garde de la ville de Paris. Et fut fait Capitaine d'icelle le fils du Roy nommé Charles Cômte de Ponthieu. Et lors fut enuoyé en ambassade deuers le Comte de Heinault, qu'il voulsist faire venir Monseigneur le Daulphin Iean à Paris, pour aidier à gouverner le Royaume, & prendre possession de la Seigneurie, comme ainsné fils du Roy, & l'on le receuroit benignement & volentiers, pourueu que le Duc de Bourgoingne ne fust en sa compaignie, pour ce qu'il tédloit tousiours à auoir le gouuernemét du Royaume.

1416. L'An mil cccc. & seize, vint l'Empereur Sigismond à Paris, & le festoya moult grandement le Duc de Berry qui estoit son oncle. Et de là alla en Angleterre ledict Empereur, pour trouuer aucun bon appoinctement de paix, entre le Roy de France, & le Roy d'Angleterre.

En ce temps mourut le Duc Iean de Berry en l'eage de ^{*lxxvj. ans,} quatre vingts & dix ans, & fut enterré en la chappelle de son Palais à Bourges. Laquelle Chappelle il fit faire en son viuant. Iceluy Duc fut vn noble Prince, large & sage, & habandonné à tout le monde, & en especial aux pauures gens, & estrangers.

En ce tēps le Comte d'Armaignac Connestable de France, Messire Loys de Loingny Mareschal de France, & le Viscomte de Narbonne combattirent le Comte Dorset oncle du Roy d'Angleterre à Vallemont en Caux. Mais à la fin le Côte Dorset se sauua, & se mit en vn iardin luy & ses gens. Lequel iardin estoit fermé de pal, & y furent morts environ quatre cens Anglois. Au commencement de la besongne le Comte Dorset & ses gens s'en allerent la nuit par derriere ledit iardin. Et quant les François les apperceurēt au matin, qui toute nuit auoient veillié deuāt eux, ils mōterent à cheual, & les pourfuiurent à la file sans attendre l'un l'autre, de paour que lesdicts Anglois ne recoulassent la ville. Et les François attédirent les Anglois sur le bort de la mer pres de Harfleu. Si descendit le Mareschal de Loingny à pied, & les Anglois l'attendirent en ordonnance, & y eut deux cens François morts par leur oultrage. Le Connestable venoit apres en grant ordonnance. Et quant lesdicts

Anglois l'apperceurent, ils se retrahirent en ladite ville de Harfieu. Ledit Marechal se sauua, qui rencontra le Connestable, lequel Connestable fut moult courroucié dudit oultrage, & du desarroy en quoy lesdits François s'estoient mis.

1416.

En ce temps fut le Duc Guillaume de Bauiere en Angleterre avec l'Empereur dessus nommé, qui estoit son parent, pour cuider faire paix. Si furent en grant peril pour les nouvelles que le Roy d'Angleterre eut de Vallemont, & ne firent riens de bien deuers iceluy Roy d'Angleterre. Et fut le Duc de Bourgoingne deuers luy pour faire alliance, pour ce qu'il veoit que le Duc de Bauiere son frere en loy ne luy vouloit bailler le gouuernement de Monseigneur le Dauphin, & doubtoit qu'il ne voulsist tenir le party du Duc d'Orleans à l'encontre de luy.

En ce temps les François furent desconfits à la bouche de Seine deuant Honnefleu, & estoient dedens neuf carraques de Genneuois. Et estoient les chiefs des François le Vicomte de Narbonne, le Sire de Mōtenay, le Sire de Beauuau, & le bastart de Bourbon. Et estoient chiefs des Anglois le Duc de Bethesfort, & le Duc de Glocestre freres du Roy d'Angleterre. Lesdits Anglois gaignerent deux carraques, & en perit deux autres, & les cinq s'en allerēt en Bretagne, & se sauuerent trois des chiefs des François. Et fut prins en vne des carraques le bastart de Bourbō, & eurent grand blasme de celle perte Picquet de la Haye general de France, & Maistre Regnier de Boullegny, qui estoiet commis à payer les gens-d'armes, & aduitailler l'armee. Car elles n'estoient pas chargees de gens-d'armes à moitié. Et estoiet encores quant les Anglois vindrent grand foison de gens-d'armes sur la terre, par deffault de souldoyer, & de payement, & pource fut perduë l'armee.

En celuy an ou temps de Karesme mourut le Daulphin Iean en la ville de Compiengne, qui fut vn tres-grand dommage pour le Royaume de France. Car il estoit sage, & bien allié es Allemaignes à cause de sa femme.

Et en celuy an mourut ou mois d'Aoust le Roy de Sicille en la ville d'Angiers, & fut enterré en la grant Eglise dudit lieu.

E iij

1417.

L'An mil cccc. & dixsept Monseigneur le Daulphin Charles, qui parauant estoit nommé Comte de Ponthieu, se partit de Paris, & vint en la ville d'Angiers, pour estre à l'obsequie du pere de sa femme le Roy de Sicille, lequelestoit trespaslé vn pou deuant. Et luy estant à Angiers, eut nouuelles que ceux de la cité de Rouen festoient rebellez, & auoient mis le siege deuant le chastel de ladicte cité, & tué le Bailly nommé Raoul de Gaucourt en ladicte ville, où estoit dedens le chastel Capitaine Messire Iean de Bourbon Seigneur de Preaux. Et ces nouuelles fceues partit d'Angiers mondit Seigneur le Daulphin, & vint en la cité de Chartres; & là eut nouuelles que le Sire de Chastellus, Messire Guy de Bar, le Comte de Ioigny, & plusieurs autres grâds Seigneurs du pays de Bourgoingne, avec grand nombre de gens d'armes estoient venuz mettre le siege deuant le chastel de saint Florentin. Si enuoya mondit Seigneur le Daulphin Messire Guy de Torssay Maître des Arbalestriers de Frâce, & Seneschal de Poictou, & le Sire de Gaulles Mareschal du Duc d'Orleans, Messire Guillaume Bataille, Guillaume d'Auaugour, & plusieurs autres accompagnez de sept cens hommes d'armes, & de mil Arbalestriers, lesquels vindrent à saint Florentin, & trouuerent que les bourgeois de ladicte ville auoient bouté dedens les Bourgoingnons. Si tirerent leurs gens dehors du chastel, & se retrahit la puissance desdits Bourgoingnons dedens la ville. Parquoy ilz ne les peurét auoir. Si laisserét homme agreable aux deux parties, vn nommé Pierre le Varat, dedens le chastel. Et quant ceux de Rouen virent la puissance que mondit Seigneur le Daulphin auoit amené deuant ladicte cité, ils se mirent en son obeissance, & se excuserent, en disant que pour les grands extorsions que leur auoient faict les gens-d'armes du Roy, qui estoient es garnisons au pays de Caux, ils festoient rebellez, & en estoit principalement cause vn nommé Iean Raoulet, Capitaine tenant le party du Roy, pour les extorsions qu'ils faisoient au peuple. Le Roy leur pardonna, & leur fut baillé pour Capitaine & gouuerneur de la ville & chastel le Côte d'Aumalle, avecques plusieurs grands Seigneurs du pays de Normandie. Et lors mondit Seigneur le Daulphin ouyt

nouvelles que le Roy d'Angleterre estoit descédu à Toucque, & auoient desia mis les Anglois le siege deuant le chastel de Toucque. lequel chastel fut rendu tres-meschamment. Car il estoit l'un des plus forts chasteaux du pays de Normandie. Et eut mondit Seigneur le Daulphin pareillement nouvelles, que le Duc de Bourgoingne venoit à grand puissance deuant Paris. Si eut conseil mondit Seigneur le Daulphin, si demourroit à Rouen pour resister au Roy d'Angleterre, ou si yroit garder Paris contre le Duc de Bourgoingne. Et fut deliberé que pour le mieux il s'en yroit à Paris, & si fit il. Et tost apres que Monseigneur le Daulphin fut entré à Paris, vint le Duc de Bourgoingne deuant, & fut logié à Vanues, & au Bourg-la-Royne du costé deuers Montlehery, à tout grand quantité de gens d'armes & de traict, & y fut trois sepmaines sans en partir. Et estoient en la ville de Paris le Comte d'Armaignac, le Vicomte de Narbonne, Tanneguy du Chastel Preuost de Paris, le Sire de Harpaion, le Sire de Seuerac, Raimonet de la Guerre, & grand compaignie de gens-d'armes, qui faisoient tous les iours de grandes faillies, & de grands escarmouches les vns sur les autres. Et de là se partit le Duc de Bourgoingne, & alla mettre le siege à Montleherry, & le print par composition. Puis s'en alla du costé de Gastinois mettre le siege deuant vne ville nommee le Puiset : & estoient dedens icelle ville le Sire de Barbazen, & Bertrand de la Tour fils du * Sire de la Tour d'Auuergne, accompagnez de belle compaignie de gens d'armes, lesquels se gouvernerent sagement à la garde de ladicte ville, & tellemēt que ledit Duc de Bourgoingne se leua de deuant ladicte ville, & s'en alla à Chartres qui s'estoit rebellee contre le Roy. Et là fut tué le Sire de Iacqueuille d'un Capitaine nommé Hector de Saueuses, & tiré hors du Monstier de nostre Dame de Chartres.

* Ms. Seigne
neur

En ceste saison le Roy d'Angleterre print d'affault la ville de Caen sur le Sire de Montenay, & mit le siege à Falaise, où estoit dedens un Cheualier de Bretagne nommé messire Oliuier de Maigny, & en la fin la print, & print saint Lo, Bayeulx, & plusieurs autres villes & chasteaulz.

En celuy an le second iour de Nouembre arriua le Duc.

1417.
Ms. Mere-
monstier.

de Bourgoingne à l'Abbaye de * Marmonstier pres de Tours, lequel estoit venu iour & nuict de Chartres, & dedens le Monstier trouua la Royne, laquelle l'auoit mandé, pour ce qu'elle s'en vouloit aller avecques luy, pour le des- plaisir que le Comte d'Armaignac & autres officiers du Roy & de Monseigneur le Dauphin luy auoient fait. Et fut prins des gens dudit Duc, le Chancelier de la Royne nommé Maistre Guillaume Tauceau dedens ladite Eglise, & Maistre Iean le Picart son Secretaire, & furent mis à moult grant finance, laquelle ils payerent en la fin. Et fut moult cõtente la Royne, qu'ils fussent prins, pour ce qu'ils auoient deceleé ses tresors, si comme elle disoit, lesquels le Comte d'Armaignac, le President de Prouence nommé Messire Iean Louuet, & autres auoient prins en certains Montiers où lesdits thresors estoient. Et par le vouloir de ceulx de la cité de Tours, baillerent obeissance audit Duc de Bourgoingne de la ville de Tours, en laquelle il mit en garnison vn Capitaine Breton nommé Labbé. Le chastel se tint vn iour seulement pour le Roy, que tenoit, & en estoit Capitaine Messire Iean de Viuonne Seigneur de Mortemain, lequel estant dedens ledit chastel le rendit hõteusement, dont il fut moult blasmé. Le Duc de Bourgoingne laissa grosse garnison en la ville de Tours, à Rochecorbon, au Boys, à Cormery, à Precigny, & à Asay sur Indre, & emmena la Royne à Chartres. Et pou de temps apres se partit de Chartres, & print son chemin droit à Ioinigny, & emmena la Royne avecques luy, & Madame Katherine fille du Roy, & de la Royne. Le Comte d'Armaignac sceut son partement, & le poursuiuit à tout quinze cens lances iusques à Ioinigny. Mais il ne peut passer oultre pour la riuere d'Yonne qui estoit grosse, & ainsi s'en retourna sans luy porter dommage. Et incontinent le Preuost de Paris nommé Tanneguy du Chastel, & ceux de la ville de Paris allerent mettre le siege deuant la cité de Sens, qui tenoit pour le Duc de Bourgoingne. Et estoit chief des gens d'armes de la ville le bastard de Tient. Si prindrent ceux de la ville composition de rendre ladite ville, & de ce baillerent ostages. Et le iour qu'ils la deuoient rendre vindrent nouvelles à ceulx de ladicte ville, que leur secours venoit. Et pource

pource que ce iour ne rendirent ladiete ville, furent couppees les testes à leurs ostages, & ainsi s'en vindrent le Roy & son ost à Paris. Et lors partit le Preuost de Paris nommé Tanneguy du Chastel, & alla à Cheureuse, & luy & ses gens prindrent la ville, & la pillerent ses gens-d'armes. Mais ils ne peurent prendre le chastel, & s'en retournerent à Paris.

1417.

En ce temps fut Pape Martin qui estoit du lignaige de ceux de la Coulonne de Rome, & du propre nom. Et fut fait à Constance en Allemagne celui qui fut appellé Pape lean, Cardinal, & s'en alla à Florence, où il mourut peu de temps apres, & là esleut sa sepulture, & s'y fit mettre en la fin de ses iours, laquelle sepulture est toute de fin or.

En celuy an conquist Languedoc le Prince d'Orenge pour le Duc de Bourgoingne. Si se partit de Bourgoingne ledit Prince à grand compaignie de gens-d'armes, & vint passer par le pays de Lyonnois, & print son chemin par le pays de Viennois au long du Rosne, & descendit iusques au Pont saint Esperit, & le print du gré de ceux de la ville. Et cependant Messire Regnault de Chartres Archeuesque de Reims, & Messire lean de Luis, Seigneur de la Roche, & de Vauuert, firent leur assemblee pour Monseigneur le Daulphin des Gentils-hômes d'Auuergne, & du Viuerais, pour resister à l'encontre du Prince d'Orenge. Mais auant qu'ils fussent prests ne tous assemblez, ledit Prince eut cōquis presque tout le pays de Languedoc, ou la pluspart, & vint deuant la tour du Pont de la Ville-neufue lez Aui-gnon, & deuant le chastel de Beaucaire : laquelle tour & chastel il ne peut auoir. Car ils se tindrent bien grandemēt & honnorablement pour mondit Seigneur le Daulphin. Mais les villes & citez de tout le pays se mirent en l'obeissance dudit Prince pour ledit Duc de Bourgoingne.

L'An mil cccc. & dixhuiet ou mois de May Messire lean de Villiers seigneur de l'Isle-Adam entra dedens Paris, à tout trois cens combatans en la faueur du Duc de Bourgoingne, lequel Duc estoit à Geneue pour lors, & entra dedens Paris. Et luy ouurit la porte vn nommé Perrinet le Clerc vendeur de fer, qui demouroit au petit pont, le-

1418.

F

1418.

quelle Clerc auoit emblé les clefs de ladicte porte à son pere, par où ils entrerent. Et fut le Sire de l'Isle-Adam au meillu de la ville auant que nul en sceust riens. Et en cheuauchant par la ville croioient les Bourgoingnons & gens dudit Sire de l'Isle-Adam, La paix, la paix, bonnes gens la paix, & viue Bourgoingne. Et ceux qui se tenoient du party du Duc de Bourgoingne, qui estoient de la ville, prenoient la croix saint Andry blanche qu'ils portoient: & plus alloiét auant dedés la ville, & plus croissoient: & ceulx qui tenoient le party du Duc d'Orleans, & de tous les autres Seigneurs du party du Roy s'en fouyoiét, & mussoiét par tout où ils pouoient. Si sceurent Monseigneur le Daulphin, le Preuost de Paris, & autres de sa maison ces nouuelles, & se retrahirent dedens la Bastille saint Anthoine. Et lors iceluy Sire de l'Isle-Adam vint en l'hostel de saint Pol, où estoient le Roy, & plusieurs officiers qui estoient reuenuz auecques le Sire de l'Isle-Adam, lesquels auoient esté officiers du Roy, pendant le tēps que le Duc de Bourgoingne l'auoit gouuerné, prindrent cōgnoissance au Roy, & le firent monter à cheual, & le menerent parmy la ville de Paris. Car à celle heure il n'estoit pas bien sensible, & eurent tout le commun pour eulz: Et prindrent les maisons des Seigneurs & bourgeois, qui demouroient en la ville, & en especial, ceux qui aimoient le Roy, & son fils, & Monseigneur d'Orleans, & en tuerent moult. C'est à sçauoir le Comte d'Armaignac, Maistre Henry de Marle Chancelier de France, le Comte de Grand-Pré, & plusieurs autres Prelats, Barons, Cheualiers, & Escuyers, bourgeois & marchâs, qu'ils pillerēt, & les tuerēt parmy les prisons de Paris, où ils les auoiēt mis neuf iours auāt qu'ils fissent le meurdre, & le Duc de Bourgoingne estant à Paris. Et estoiet conduiseurs de ceste besongne & malfait, le Sire de l'Isle-Adam, Messire Jean de Luxembourg, Messire Charles de Lans, Messire Claude de Chastellus, & Messire Guy de Bar, & les faisoiet faillir par les fenestres, & par dessus les murs par le bourreau de Paris, & vn tas de portefaiz, & des brigans de villages d'environ Paris. Et en furent bien noyez & tuez iusques au nombre de trois mil. Car se vn homme eust esté hay pour parler du sien, ou d'or ou d'argent que on luy eust

deu, son ennemy le faisoit tuer en ce temps souz ombre d'estre de la partie du Roy, & du Comte d'Armagnac. Incontinent qu'ils furent entrez dedens ladicte ville, Monseigneur le Daulphin se partit d'icelle ville, & s'en alla à Meleun, & mada tous ses gens-d'armes, de ceulz qu'il peut trouuer entour luy. Si vindrent deuers luy Messire Pierre de Rieux Marechal de France, le * Seigneur de Barbazen, & plusieurs autres Capitaines. Si retournerent à Paris, & entrèrent par la Bastille, cuidans recouurer la ville, & entrèrent les gens de mondit Seigneur le Daulphin par la grand rue saint Anthoine iusques à la porte * Baudais, & se bouterent par les maisons cuidans les piller, & à ceste occasion perdirent à recouurer ladicte ville. Et pour ce s'en retourna mondit Seigneur le Daulphin à Meleun, & delà à Bourges. Et la femme de Monseigneur le Daulphin fille du Roy de Sicille se mist en l'hostel de Bourbon, ayant grand paour des maux qui se faisoient parmy icelle ville. Mondit Seigneur le Daulphin laissa ses gens d'armes à Meaux, à Meleun, à Couffi, & à Guise, & en plusieurs lieux & fortes places. Et en fut Capitaine Messire Tanneguy du Chastel, & Lieutenant de par Monseigneur le Daulphin de tous les pays de France, de Champaigne, de Brie, & d'oultre la riuere de Seine.

1418.

* Ms. Sire.

* Baudoyes.

En ce temps enuoya mondit Seigneur le Daulphin au Comte de Foix le gouuernement du pays de Languedoc, que tenoit pour le Duc de Bourgoingne le Prince d'Oré-ge. Si l'accepta ledit Comte de Foix, & incontinent fit son armee, & assembla gens d'armes, & fit assauoir à ses bons amis, qui demouroient parmy les bonnes villes, & places du pays de Languedoc, qu'il vouloit prendre leur gouuernement, & qu'il sceust leur vouldé, & qu'ils luy aidassent à ce besoing. Et entra dedens ledit pays de Languedoc à tout grand puissance de gens-d'armes, & mesmemét ceulx qui estoient audit pays, & qui estoient avec le Prince d'Oré-ge, & qui en prenoient gaiges, se mirent avecques ledit Comte. Et chassa ledit Comte ledit Prince iusques à la cité de Nismes, où il laissa garnison, & au Pont saint Esperit. Et delà s'en alla en Bourgoingne en son pays.

En ce temps le Vicomte de Loumeigne en Languedoc

F ij

Lieutenant pour son pere le Comte d'Armaignac, incontinent qu'il sceut les nouuelles de la mort de son pere, & de la venue du Prince d'Orenge, desempara ledit pays de Languedoc, reserué le chastel de Pesenas, & celuy de Cabrieres, qui estoient deux fortes places, & la ville de Busel que tint vn Cheualier de Berry nommé Messire Iean de Bonnay, lesquels tindrent tousiours lesdictes trois places pour ledit Monseigneur le Daulphin. Auant que le Sire de l'Isle-Adam entrast à Paris, Messire Taigneguy du Chastel auoit quatre cens hommes d'armes pour la garde d'icelle ville, toutesfois l'argent faillit pour les souldoyer. Si fut fait vn conseil des grands de Paris, riches bourgeois & marchans, que l'en fist vn prest d'un payement d'un moys pour souldoyer lesdits gens-d'armes. Si fut dit qu'ils n'en feroient riens. Et par ainsi partirent lesdits gens-d'armes de Paris, & allerent viure ou pays de Brie. Et à ceste occasion ledit Seigneur de l'Isle-Adam print hardement d'entrer dedens Paris.

En ce temps vint mondit Seigneur le Daulphin mettre le siege à Suly sur Loire, pource que le Sire de la Trimouille auoit prins l'Euesque de Clermont, qui s'estoit eschappé de Paris. Lequel Euesque fut deliuré, & ainsi se leua le siege de Suly. Et de là vint mondit Seigneur le Daulphin à Tours, que tenoit le Duc de Bourgoingne, & y mit le siege, & en estoit Capitaine, & tenoit la ville vn Breton nommé Charles Labbé à grands gens-d'armes. Et estoient avecques mondit Seigneur le Daulphin au siege, le Comte de Vertus, le Sire de l'Aigle, Messire Pierre de Rieux Marechal de France, Monseigneur de Barbazen, Messire Iean de Torssay Maistre des Arbalestriers de France, & Messire Ieá des Croix. En ceste saison le Duc de Bourgoingne emmena le Roy, & la Royne, & Madame leur fille Katherine à Troyes en Champaigne.

En ce temps le Duc de Bretagne vint à Paris par deuers le Duc de Bourgoingne, qui estoit fort son amy, & fist tant enuers luy qu'il deliura Madame la Daulphine, & la mena par deuers son mary à Saulmur. Monseigneur le Daulphin print la ville de Tours, & s'en alla le Capitaine en Bretagne luy & ses gens, & ceux de la ville demourerent en leurs

hostels sans riens perdre.

En ce temps vn Escuyer de Gascoigne nommé Pierre de Xaintrailles tenoit la ville & chastel de Couffi pour le Roy, & pour Monseigneur d'Orleans: Et auoit en sa compaignie cent lances pour la garde de la place, & pour faire guerre es pays d'environ contraires & rebelles au Roy. Cedit Capitaine fut trahy par vne chāberiere qu'il auoit qui estoit du pays. Laquelle s'accointa d'un prisonnier qui estoit en la grosse tour du Chastel de Couffi, lequel elle congnouïssoit, pour ce qu'ils estoient d'un pays & d'une ville, & promit ledit prisonnier d'espouser ladicte chamberiere, se elle le pouoit ietter hors. Et vn soir que le Capitaine son Maistre fut couchié, ladicte chamberiere print les clefs au cheuet de son liēt, & vint ouurir la porte de la grosse tour pour mettre hors seulement ledit prisonnier. Mais avecques luy saillirent, & vindrent beaucoup d'autres, & couperent la gorge audit Capitaine, & tuerent tous ses seruiteurs qui estoient leans. Et ainsi furent Seigneurs & Maistres dudit chastel de Couffi, & de ladicte grosse tour. Et incontinent iceulz prisonniers, qui auoient conquesté ladicte grosse tour & place par les moyens dessusdits, enuoyèrent deuers Messire Iean de Luxembourg, qui tenoit leur party, querir leur secours, lequel estoit ou pays de Vermandois. Lesdits prisonniers gaingnerēt en argent monoyé dedans ladicte tour en la chābre du Capitaine de son argent, & des Gentilshōmes de sa cōpaignie cent mil escus d'or. Et quant vint au matin, se apperceurent les gens-d'armes que la place estoit perdue. Si monterent tous à cheual, & se retrahirent à Montagu & à Guyse. Et firent deux Capitaines de deux Gentils-hommes, l'un nommé Estiēne de Vignolles dit la Hire, & l'autre Poton de Xaintrailles. Lesquels Capitaines ont fait depuis grands exercices de gens d'armes par le Royaume de France, tant que la guerre y a duré, comme plus à plain se pourra sçauoir cy apres. Pou de temps apres partirent de deuant la porte dudit lieu de Couffi, lesdits la Hire & Poton de Xaintrailles, vindrent avecques leurs gēs-d'armes iusques près de Soissons, & desconfirent le Sire de Longueual, & quatre cens hommes d'armes qu'il auoit en sa compaignie, & les François n'e-

1418. estoient que quarante lances, lesquels n'espargnoient ne leurs corps ne leurs cheuaux, & estoient la plus-part Gascons, qui sont bons cheuaucheurs & hardis.

En celuy an lesdits Poton, & la Hire, se partirent de Guise, & de Montagu en Laonnois pres de nostre Dame de Lience, où ils trouuerent Hector de Saueuses, & frapperent sur luy, & le destrousserent & desconfirent. Et auoit en sa compaignie mil combatans, & furent desconfits en ce beau plain pays de Boulenois. Les François & Gascons estoient montez sur bons & forts cheuaux, vistes & bons à la main, & pource abbatoient & tumboient tout ce qu'ils trouuoient à eulx contraire. Et doit l'en sauoir que le mestier d'armes se doit apprendre. Car quand les Anglois vindrent en France, les François ne sçauoient pas tant de la guerre comme ils firent depuis. Mais par longuement apprendre ils sont deuenuz maistres, & en la fin ont deffaict les Anglois, & chassés hors de France.

Ms ne sçauoient riens de la guerre.

1419. L'An mil cccc. dix & neuf, les Anglois prindrent la ville de Pontoise, dont estoit Capitaine le Sire de l'Isle-Adā, & la prindrent d'eschelle, & y estoit à la prendre en personne le Duc de Clerence frere du Roy d'Angleterre. Et peu de temps apres s'assemblerent Monseigneur le Daulphin, & le Duc de Bourgoingne à moult grand peine, pource que les vns des Conseillers du Duc de Bourgoingne estoient d'opinion, & conseilloyent de mettre le Roy de France & la Roynes en la main du Roy d'Angleterre, & qu'il se alliaist avecques luy: les autres estoient d'opinion qu'il falliaist avecques Monseigneur le Daulphin, & luy remist en ses mains le Roy son pere, & la Roynes sa mere, lesquels estoient à Troyes, & sa seur madame Katherine. Toutesuoyes par le conseil de Madame de Grac, & du Seigneur de Grac son filz, de Philippe Iossequin, & de Messire Iean de Tholongeon Marechal de Bourgoingne, vint le Duc de Bourgoingne de Pontoise où il estoit allé parlementer au Roy d'Angleterre, à Corbueil, & prindrent iournee de venir à la Fontaine d'Espinoit à vne lieue de Meleun. Monseigneur le Daulphin, & ceux de sa compaignie furent à ladite Fontaine, & parlerent, & prindrent iournee ensemble à Mon-

Ms. du P. Inoc.

Montereau à vn iour qui estoit dit, pour traictier plus à plain des besongnes du Royaume. 1419.

Celuy an print & assiegea le Roy d'Angleterre Rouen en la saison nouuelle, & y demoura par l'espace de six ou sept mois deuant la ville. Et s'y gouuernerent moult grandement ceulx de ladiete ville, gens-d'armes & commun, & tellement qu'il y en eut qui mangerent les rats auant que eulx rendre, de ceulx d'icelle ville. Et lesdits gens-d'armes furent tresgrandement deceuz. Car ils cuidoient pource qu'ils tenoient le party du Duc de Bourgoingne, qu'il les deust secourir, dõt il ne fit riens. Et Monseigneur le Daulphin ne les pouoit secourir, pource qu'il auoit assez affaire de tenir ses gens-d'armes es garnisons contre le Duc de Bourgoingne & ses gens. Et aussi que les Anglois tenoient tous les passages de dessus Seine, depuis Paris en bas. Et aussi ceulx de ladiete ville auoient fait vne grande faulte. Car ils auoient bouté hors leur Căpitaine & Gouverneur qui estoit au chastel dudit Rouen, nommé le Comte d'Aumalle, & aussi grand partie des grands Seigneurs de Normandie, lesquels furent mis hors de ladiete cité, en faueur dudit Duc de Bourgoingne. Si mirent hors les dessusdits pour y bouter vn poure Cheualier nommé Messire Guy le Bouteiller. Parquoy la noble cité, & le peuple, qui dedens estoit, fut petitement soustenu, conforté & aidé. Et ainsi fut ladiete cité perdue, & conquise au Roy d'Angleterre. Puis apres se assemblerent mōdit Seigneur le Daulphin, & le Duc de Bourgoingne à Montereau ou flouët d'Yonne, à vn Dimenche. Et parauant par là deliberation du conseil fut ordonné que mōdit Seigneur le Daulphin laisseroit le chastel dudit Montereau, & le bailleroit audit Duc de Bourgoingne pour la seureté de sa personne, & il bailleroit en cel lieu à mōdit Seigneur le Daulphin le chastel & ville de Moret, & ladiete ville de Montereau demourroit à mōdit Seigneur le Daulphin, parmy ce qu'il y demourroit le pont leué de dessus le bout du pont, afin que se aucun debat sourdoit entre aucuns des gens desdictes parties, que l'vn ne peult nuire à l'autre. Et sur le pont à l'auantage d'vn chascun desdictes parties seroit fait vn parquet de boys, où entreroient de chascun costé auecques lesdits

1419.

Seigneurs dix personnes notables. Et ainsi fut conclud & ordonné par lesdits Seigneurs, & leur Conseil, & fut ainsi fait. Neantmoins quant ils furent tous dedens, ainsi que conclud auoit esté par la deliberation dessusdicte, ilz eurent debat entr'eux, & là fut tué le Duc de Bourgoingne. L'effroy fut grand, & y eut vne partie des Seigneurs qui estoient avecques luy prins, & aucuns autres s'enfouyrēt & eschapperent: les vns s'enfouyrent à Bray, & les autres à Troyes, & les autres se retrahirent dedens le chastel dudit Monttereau. Et tost apres rendirent ledit chastel leurs corps & biens saufs. La Dame de Grac, son fils, & Philippe Iossequin, quant ils virent ceste hideuse besongne se bouterent avecques mōdit Seigneur le Daulphin, doubans que fils se fussent retirez avec les gens du Duc de Bourgoingne, que l'on les eust occis, pour ce qu'ils auoient conseillé ledit Duc, & requirēt de faire paix & alliāce avecques mōdit Seigneur le Daulphin, en rōpāt l'opiniō de ceux qui cōseilloient que ledit Duc falliait aux Anglois: lesquels Dame de Grac, son fils, & ledit Philippe n'eussent iamais consenty la mort de leurdit Maistre, & en furent deceuz. Et quant le fils du Duc de Bourgoingne sceut la mort de son pere, & ceux de Paris qui vindrent deuers luy, & qui tenoient les offices du Royaume, de paour qu'ils ne les perdissent, regardans & creignās la fureur de mōdit Seigneur le Daulphin, conseillerēt au ieune Duc qu'il se alliait au Roy d'Angleterre, & si fit il. Car il luy mit en ses mains le Roy Charles, la Royne, & sa fille, & print le Roy d'Angleterre la fille du Roy seur de Monseigneur le Daulphin à femme. Et outre mit en son obeyssance, & luy bailla Paris, & toutes les autres citez, villes, pays, & chasteaulz, qui estoient nuemēt au Roy es pays de France, Champaigne, Brie, Vermandois, & Bourgoingne. Dont il auoit seize citez, lesquelles citez & pays son frere le Duc de Bourgoingne auoit osté des mains de l'ainné fils du Roy durant les diuisions deuant dictes, souz ombre de faire entendant au peuple qu'il les tendroit francs de payer impositions, gabelles, & autres subsides. Et à ceste occasion se tournerent de sa part, & firent par ce moyen leurs alliances. Et furent les nopces à Troyes en Champaigne du Roy d'Angleterre, & de la fille de France.

En ce

En ce temps alla Monseigneur le Daulphin en Languedoc, & mit le pays en son obeissance, & mit hors le Comte de Foix, lequel estoit Gouverneur dudit pays de par luy. Mais il ne vouloit bailler ou faire bailler nuls deniers dudit pays audit Monseigneur le Daulphin. Si y alla accompagné du Comte d'Armaignac, & de plusieurs grands Seigneurs du Royaume, & aussi des Escossois, qui estoient nouvellement venuz en France. Et pour ce desappointa le Comte de Foix, & vint par au long du pays de Languedoc, & mit le siege à Nismes, & au Pont saint Esprit, que tenoient certains gens-d'armes qui estoient au Prince d'Orange, lequel auoit esté Gouverneur en l'an mil cccc. xvij. dudit Pays de Languedoc, pour le Duc de Bourgoingne. Si print mondit Seigneur le Daulphin ces deux villes, & y furent morts & penduz partie des gens d'armes qui tenoient lesdictes villes pour ledit Prince. Et s'en retourna mondit Seigneur le Daulphin en ses pays de Berry, & de Touraine, & laissa le gouvernement dudit Languedoc à Charles de Bourbon Comte de Clermont, qui assiegea & print la cité de Besiers, que tenoient les gens du Comte de Foix.

1419.

L'An mil cccc. & vingt partit le Roy d'Angleterre de la ville de Troyes, & le Duc de Bourgoingne avec luy, & emmenerent avecques eulx le Roy d'Ecosse, lequel estoit lors prisonnier du Roy d'Angleterre, en entention que les Escossois, qui estoient avecques Monseigneur le Daulphin, se retournassent avecques leur Roy, ou au moins qu'ils ne se armassent cōtre luy. Mais pour leur Roy ils n'en firent riens, ains seruirent tousiours Monseigneur le Daulphin, comme il apperra cy apres. Le Roy d'Angleterre, & le Duc de Bourgoingne vindrent mettre le siege deuant la cité de Sens, & la prindrent sur vn Cheualier nommé le Sire de Guitry, qui en auoit le gouvernement pour mondit Seigneur le Daulphin. Et de là vindrēt deuant Moret, & le prindrent, & n'y trouuerent personne qu'un Escuyer nommé Denys de Chailly, qui estoit du pays, & en estoit Capitaine, lequel la laissa, & s'en vint à Meleun, dont il fut fort blasmé. Car s'il l'eust tant soit peu tenue, la ville de Meleun eust esté mieulx aduitaillee qu'elle ne fut. Puis vindrent

1420.

G

1420.

* Ms Rou-
ge.

mettre le siege deuant Monstereau, où estoit le Sire de Guirtry, & à la fin le prindrent, & s'en vint luy & ses gens, son corps, & ses biens saufs. Et de là s'en vindrent lesdits Anglois & Bourgoingnons deuant Meleun du costé de la forest de Biere, & le Duc de Bourgoingne fut logé du costé de la Brie au Mont saint Pere, & estoit dedens la ville le Sire de Barbazen, lequel estoit accompagné de plusieurs Capitaines: luy & eulx se gouuernerent si grandement, & si honnorablement à la garde de ladicte ville, que l'en ne pourroit mieulz. A l'aide des Anglois vint le Duc * Roger de Bauiere, qui auoit espousée la seur du Roy d'Angleterre, & enuoya deffier Monseigneur le Daulphin, lequel estoit son parét de par la Roynes mere. Et aussi vint à l'aide du Duc de Bourgoingne le Prince d'Orange, lequel Prince s'en retourna durant le siege, pour ce que le Roy d'Angleterre luy voulut faire faire hommage & serement. Et pource que ledit Prince n'estoit pas homme du Roy de France, dont ledit Roy d'Angleterre se disoit induement Roy en plusieurs manieres; disoit ledit Prince qu'il n'estoit pas homme du Roy de France ne du Roy d'Angleterre, & s'en alla en son pays pour ceste cause. A la fin fallut qu'ils eussent ladicte ville de Meleun, & l'eurent par composition, pour ce que ceulx dudit Meleun n'auoient que manger, par maniere telle que tous ceulx qui auoient esté consentans de la mort du Duc de Bourgoingne Jean trespassé seroient prins, & reseruez du traictié de ladicte ville: qui fut vne merueilleuse chose, & cautelement faicte aux Anglois & Bourgoingnons, & simplement & innocentement à ceulx de dedens la ville. Neantmoins ils rendirent la ville, cuidās vn chascun estre deliuré de la mort du Duc de Bourgoingne. Si en prindrent & reseruerent ceulx qu'ils voulurent. Et mesmement ledit Seigneur de Barbazen, & autres Capitaines, bourgeois, & autres gens de ladicte ville, & les menerent à Paris, & condamnerent ceulx d'icelle ville de Meleun à payer vne grand somme de deniers au Roy d'Angleterre, & à refaire à leurs despens la muraille dudit lieu. Et pource Emenyon Delayer, le bastard de Bar, & le bastard Senetaire oyans ces nouuelles, que nul traictié n'estoit tenu à ceulx de la ville, ne audit Barbazen, ne à nul au-

tre desdicts Capitaines, & gens-d'armes; si trouuerent maniere d'eux eschapper d'icelle ville par le moyen d'un Escuyer Gascon parent d'aucuns d'eulx, lequel estoit mignot du Roy d'Angleterre. Si sceut ledit Roy d'Angleterre que iceluy mignot auoit sauué iceulx Capitaines, & pource luy fit couper la teste.

1420.

Celuy an iceluy Roy d'Angleterre mit le siege à Meaux, & estoit dedens Capitaine principal le bastard d'Auaurcis, avec plusieurs autres Capitaines. Et cependant cuyda entrer dedens ladicte ville le Sire d'Auphemont bien & grandement accompagné de gens d'armes. * Mais en eulx cuidant entrer dedens pour sauuer ceux d'icelle ville, ils furent prins des Anglois. Les vns de ses gens entrerent, les autres s'en retournerent par le chemin qu'ils estoient venus. Et quant ceulx de ladicte ville virent ceste chose, & que secours ne pouoient auoir autre, se diuiserent entr'eux. parquoy la place se mit en composition, parmy ce que tous les Capitaines qui estoient dedens la place s'en yroient sauvement, reserué le bastard d'Auaurcis, & son Lieutenât, lesquels deux le Roy d'Angleterre fit pendre à un arbre au dessus de la ville de Meaux, sur le grand chemin de Paris. Et de là s'en alla ledit Roy en son Royaume d'Angleterre, & emmena sa femme, qui là accoucha d'un filz nommé Henry. Et en ce temps le Comte de Ponthieure print le Duc de Bretagne.

* Ms. Es

L'An mil'cccc. vingt & vng, le Duc de Clerence, & plusieurs autres grands Seigneurs d'Angleterre, partirent de Normandie, & vindrent au pays d'Anjou, & porterent la bataille deuât Angiers, & de là s'en allerent loger à Beaufort en Vallee. Si se assemblerent les François, & Escossois en un village nommé Baugé en Vallee: les Anglois prindrent en allant au fourrage quatre Escossois, lesquels ils menerent deuers le Duc de Clerence frere du Roy d'Angleterre qui estoit chief de l'armee, lequel Duc leur demanda des nouuelles en Anglois. Et ils luy compterēt que les Comtes de Boucquam, & de Vuidon, & le Sire de Bernelle du pays d'Escoffe, avec grant foison d'Escossois, estoient logez à Baugé: & des François y estoient le Vicom-

1421.

1421.

te de Narbone, le Marefchal de la Fayette, le Sire de Fōtainnes, & autres Seigneurs François. Et incontinent ces nouvelles oyés se leua de table ledit Duc de Clerēce, en difant, Allons leur courre fus, ils font nostres, & qu'il ne vienne avecques nous que les hommes d'armes. Si cheuauchierent tant qu'ils vindrent en vn lieu que l'en dit le petit-Baugé, où ils trouuerent vn Cheualier nommé Messire Iean des Croix. Si monterent luy & ses gens sur le clocher de l'Eglise dudit lieu, & se deffendirent de pierres, & bouterent leurs cheualz dedens ladicte Eglise, & fermerent la porte d'icelle de huches & de coffres. Et cependant les François, & les Eſeoffois, qui estoient au grand Baugé, le sceurent, & se mirent en ordonnāce. Et quant les Anglois virent qu'ils demouroient trop à prendre ceulz dudit Monstier, se partirent pour aller combattre les autres, & les trouuerent en bonne ordōnance. Ledit Duc de Clerence vint deuant sa bataille vn chapeau de fer en sa teste, & dessus vn chapeau d'or, & de pierrerie moult riche. Lequel Duc de Clerence fut le premier tué, & aussi le Comte de * Cam, qui estoit vn vaillant Cheualier, & le Sire de Grey, le Sire de Roos, & plusieurs autres grands Seigneurs & gens d'armes Anglois furent morts, de quatorze à quinze cens en la place. Et y furent prins les Comtes de * Hautinton, & de Sommerset, & Messire Thomas de Beaufort & plusieurs autres. Ceux qui peurent eschapper s'en refouirent à Beaufort, & là trouuerent les Archiers qui furent moult esbahis de ces nouvelles. Et se partirent au point du iour en bonne ordonnance, & allerent passer la riuere du * Ler pres de la Fleische, & firent vn pont de charrettes attachees les vnes aux autres, & des huys par dessus qu'ils auoient prins aux villages d'environ. Et ainsi passerēt ladicte riuere les Comtes de Boucquam, & de Vuidon, & les autres Seigneurs François, qui cuidoient que lesdits Anglois deussent passer la riuere du Ler vers le Lude. Mais cependant les Anglois s'en allerent droit au Mans, pour gagner le passage de Chartres, & si firent ils. Car les premiers venus prindrēt croix blanches, & vindrent au pont du Mans, dont les plâches estoient abbatues, & crierent que l'en leur refit le pōt, & que les Seigneurs de France venoient au Mans. Les

* est Kent,

* Huntingdon.

* Loir

bonnes gens les creurēt, pensans qu'ils veinssent au deuant des Anglois qui s'enfouyoient, & leur refirent le pont trefhastiuement, & ainsi passerent lesdits Anglois, & tuerent bien cent personnes des pauvres gens qui leur auoient fait ledit pont. Les François, qui sont sages apres le fait, sceurēt que lesdits Anglois estoient passez ladiēte riuiera du Ler, dont ils furent bien courroucez, & cheuaucherent droit au Mans pour cuider estre au deuant desdicts Anglois, qui estoient ja en Normandie. Et fut celle bataille la veille de Pasques. Les gens de Monseigneur le Daulphin furent à Poitiers le Lundy ensuyuāt, lequel Monseigneur le Daulphin fut moult ioyeulz de ces nouuelles.

1421.

L'An mil cccc.vingt & deux se partit hastiuement Monseigneur le Daulphin de Poitiers, & vint à Tours, & là fit le Comte de Boucquam, d'Escoffe Cōestable de France, & alla mondit Seigneur le Daulphin au Mans. Et prindrent les François le chastel de Montmirel, & la ville de Galardon sur les Bourgoingnons, qui estoient alliez aux Anglois. Et apres celle prinse s'en retourna mondit Seigneur le Daulphin à Amboise sur Loire.

1422.

En ce temps vint le Roy d'Angleterre de la mer, quand il sceut la mort & desconfiture de son frere, & de ceulz de son Royaume grandement accompaignē, & vint mettre vn siege à Dreux, & le print par composition sur le Sire d'Estissac. Puis s'en vint à Vendosme, & de là à Baugency. Et furent les gens de mondit Seigneur le Daulphin au gué du Ler, pour resister à l'encontre des Anglois qui estoient moult forts. Mais le Roy d'Angleterre ne les osa combattre, pour ce qu'ils estoient en place aduantageuse, & estoient aduitaillez de la ville de Vendosme, & lesdits Anglois mouroient de faim. Ainsi se partit du pays ledit Roy d'Angleterre à tout son ost, & vint au long de la riuiera de Loire, & ses gens mourans de faim, qui ne mangeoient que les herbes qu'ils trouuoient dedens les iardins. Si vint deuant vn chastel en Beausse, que l'en appelle Rougemont, lequel il print, & bouta le feu dedens, & fit pendre le Capitaine qui estoit dedens, lequel estoit Genneuois, & estoit Marquis du Guaret, & aussi fit pendre tous ses gens. Et de là

G iij.

1422.

print on chemin par Beauffe pour tirer tout droict à Villeneufue-le-Roy sur Yône, où il mist le siege, & la print. Et en sen rotournant dudit Villeneufue droict à Vendosme perdit de famine & de mortalité bien quatre mil Anglois, & les trouuoit l'en par les chemins où ils estoient passez tous morts, sans estre enterrez. En ce temps vn Seigneur de Forests nommé le Sire de Rochebaron, lequel tenoit le party du Duc de Bourgoingne, amena au pays de Velay le Sire de Saluonne du pays de Sauoye, lequel auoit en sa compaignie huiet cens hommes d'armes Sauoisiens & Lombards. Les pays d'Auuergne, de Lymosin, & de Forests, de Velay, & d'environ en furent fort troublez. Si se assemblerent les Seigneurs desdits quatre pays, & le Comte de Perdrac, de qui ils firent leur Chief, Messire Imbert de Grolec Bailly de Lyon, le Sire de Beauchastel, & celuy de la Fayette, à grât compaignie de gens-d'armes. Ledit de Rochebaron bouta ses gens-d'armes qu'il auoit amenez, en plusieurs places qu'il auoit esdits pays. Or fut ainsi que Messire Bernard d'Armaignac Côte de Perdrac, qui là fut fait Cheualier, & toute la compaignie dessusdicte, se partirent de la cité du Puy, & se mirent aux champs, là où ils cuidoient trouuer leurs ennemis. Si les apperceurent venir, & se retrahirent tous en vne petite ville fermee nommee Seruere-te. Et quant ledit Comte les vit, si eut conseil de porter la bataille deuât ladicte ville, & eux estans là vn Arbalestrier de la cōpaignie se bouta en vn molin pres de ladicte ville, cuidant y trouuer aucune chose. Si se aduifa d'y bouter le feu, & le feti dudit molin saillit dedens ladite ville, & tellement que les Bourgoingnons, qui estoient dedens ne peurent saillir à temps, & vne partie d'eux, & de leurs cheuaux furent arts & bruslez. Et les autres, qui sauuer se pouoient, se venoient rendre au Comte & aux Seigneurs pour auoir leurs vies sauues. Et quant lesdits Seigneurs de Rochebaron, & de Saluonne virent celle fortune, & leurs gens bruslez, morts & periz, ils monterent sur bons cheualz courriers, & s'enfouirent par les montaignes droict à Rochebaron, & de là en Bourgoingne. Le Comte & les autres Seigneurs dessusdicts prindrent ledit chastel de Rochebaron, & toutes les places, dont il y auoit assez. Car il estoit grand

Seigneur, & ainsi fut destruit.

1422.

Celuy an fut assiegé Cosne des gens de Monseigneur le Daulphin. Et en fut Chief le Vicomte de Narbonne, & le Sire de Torssay Maistre des Arbalestriers de Frâce. Et prindrēt ceulz de ladite ville iour de la rēdre, & baillèrent ostages de la rendre dedens vn iour, ou cas qu'ils ne seroient secouruz. Si partit le Roy d'Angleterre pour y venir: & en la ville de Corbeil il accoucha malade de la maladie saint Fiacre, dōt il mourut. Le Duc de Bethfort vint audit Cosne à tout la puissance des Anglois, & le Duc de Bourgoingne pareillement à tout sa puissance. Et pource qu'ils estoient trop forts, les François leur rendirent leurs ostages. Et quant les Ducs de Bethfort & de Bourgoingne virent que les François ne les voulurent combattre, si cheuauchèrent contremont la riuere de Loire pour vouloir passer ladicte riuere, & entrer és pays de Berry. Les gens de Monseigneur le Daulphin le sceurent, qui estoient tous logiez autour de Sancerre. Si cheuauchèrent contremont ladite riuere pareillemēt que lesdits Anglois & Bourgoingnons pour leur * empescher le passage. Et auoiēt le sdicts François & Escossols deliberé, que si lesdits Anglois & Bourgoingnons venoient pour passer, de les combattre sur le passage. Les Chiefs des François estoient le Comte de Boucquam du pays d'Escoffe Connestable de France, fils du Duc d'Albanie, & le Comte de Vuieton, le Comte du Glas, Messire Taneguy du Chastel Preuost de Paris, le Vicomte de Narbone, le Marechal de la Fayette, le Sire de la Tour d'Auuergne, le Sire de Torssay, & plusieurs autres grands Seigneurs d'Auuergne, de Berry, & de Bourbonnois. Cependant eurent nouuelles en l'ost des Anglois, qui estoient logiez à vne lieuë pres de l'ost des François, que le Roy d'Angleterre estoit mort au boys de Vinciēnes. Et pour ces nouuelles se partirent Anglois & Bourgoingnons, & s'en allerent chascun en leurs pays; & pareillement l'ost des François en Berry, & en Auuergne.

* M. gardet.

Celuy an ou mois d'Octobre mourut le Roy de France, & fut porté enterrer à saint Denys.

En ce temps vindrent les Anglois en la cité de Bazas en Guyenne. Si se partirent le Sire d'Orual, & le Vicomte de Narbonne, & tous les autres grands seigneurs de ladicte

1422.

Duché de Guyenne, pour aller secourir ladicte cité. Et quād lesdits Anglois sceurent leur venue, si se leuerent, & prindrent place, & estoit toute la puissance de Bourdelois deuant ladicte place. Si estoient les deux parties fortes, & firent traictié, que icelle cité se rendroit dedens trois mois ensuyuās à ceuls qui deuant se trouueroient les plus forts. Et ainsi se departirent les Frāçois & Anglois, & s'en retournerent chascun en leur pays. Et au bout desdits trois mois icelle cité fut Angleſche, pource que lesdits François ne vindrent point à ladite iournee.

En celuy an fut la besongne de ſainct Riquier, où le Duc de Bourgoingne fut en persone.

1423.

L'An mil cccc.vingt & trois, enuoya le Roy apres la mort du Roy Charles ſon pere, Pregent de Coectiuy nepueu de Meſſire Tanneguy du Chaſtel, és pays de Champaigne, & pluſieurs Capitaines en ſa compagnie, & gens de guerre. Et quand ils furent esdits pays, le Comte Mareſchal Salleberry, & Meſſire Iean de Luxembourg ſe aſſemblerent, & mirent en chace les François iuſque pres de la ville de Mouſon, où ils ſe ſauuerent. Et delibera le Roy d'enuoyer esdits pays deuers eulx pour les reconforter, le Conneſtable des Eſcoſſois, Seigneur de Dernelle, le Sire d'Eſtiſſac, & autres qui partirent dudict pays de Berry, & vindrent les Eſcoſſois paſſer à Gien ſur Loire. Et là vindrent nouuelles audit Conneſtable que aucuns des coureurs du baſtard de la Baulme, qui auoit eſté Bourgoingnon, auoient bouté dedens la ville de Creuan le ſire de Chaſtel-lus, Meſſire Iean de Digonne, Meſſire Guy de Bar, & pluſieurs autres à vn matin. Et prindrent les gens-d'armes, qui estoient dedens ladicte ville, pour le Roy, & les mirent aux ceps és fosses. Ces nouuelles ſceues, le Conneſtable d'Eſcoſſe, par ce que on luy fit entendre que la tour ſe tenoit pour les François, en fut deceu. Car dès qu'ils prindrent ladicte ville, icelle tour fut prinſe & gaignee. Et tantost ſ'en vint de belle tire ledit Conneſtable, parce qu'on luy auoit donné à entendre mettre le ſiege deuant la ville de Creuan, & y fut moult longuement, pour ce qu'il veoit que ladicte ville eſtoit foible. Et enuoya pluſieurs fois deuers le
Roy

Roy qu'on luy enuoyast des canons, & des bombardes, d'ont on ne fit rien pource que l'en luy auoit commandé qu'il s'en allast en Châpaigne, & il partit de ladicte ville de Gié pour aller mettre le siege à Creuan, ce qui ne luy auoit pas esté commandé. Le Roy ouyt nouuelles que les Anglois & Bourgoingnons venoiēt pour leuer le siege. Si enuoya pour les reconforter le Seigneur de Seuerac Marechal de France à tout quatre cens hommes d'armes Espaignols & Routiers. Les nouuelles vindrent en l'hostel du Roy, que es frontieres de deuers le Mans les Anglois alloient leuer le siege de deuant Creuan. Si vindrent au secours des François, & Escossois, le Comte de Ventadour, le Sire de Fontaines, le Sire de Belay, & le Sire de Gamaiches. Ceulx de dedens la place mouroient de faim, & mangeoient leurs cheualx. Si vindrent le Comte de Sallebery, & le Comte de Suffort Anglois, Messire Jean de Tholangeon Marechal de Bourgoingne, les Sires de Villeby & d'Escalles, & plusieurs autres Seigneurs de Pays d'Angleterre, & de Bourgoingne. Et vindrent lesdits Anglois & Bourgoingnons deuant ladite ville du costé de Gastinois, & gaignerent la riuiere d'Yonne, & frapperent sur les François, & gaignerent la iournee. Et là furent prins le Conestable d'Escoce, le Comte de Ventadour, le Sire de Bellay, le Sire de Gamaiches, & plusieurs autres: & des morts le Sire de Fontaines, Messire Guillaum. Hamelleton, & plusieurs autres iusques au nombre de huiet cens à mil * personnes. Le

* Ms. combattans.

Marechal de Seuerac, & Messire Richard de Leire, & plusieurs autres Capitaines François, Escossois, & Espaignols s'enfouirent, & laisserent les * vaillans mourir. Assez tost apres fut le Comte d'Aumalle au pays du Maine, qui scent que le Sire de la Poulle, frere du Comte de Suffolz Cheualier Anglois, & mil Anglois en sa compaignie, estoient venus courre la Comté du Maine. Si les rencontra le Comte d'Aumale en vn lieu que l'en dit la Grauelle. Et là desconfit ledit Comte d'Aumale lesdits Anglois. Et y fut prins ledit Messire Jean de la Poulle, & y eut des Anglois morts

* de six à sept cens, par l'effort d'un Baron de Normandie, nommé le Baron de Collonches, lequel s'y porta vaillamment: & ferit à cheual par derriere sur lesdits Anglois, &

* xiiij cens sans la personne d'un &c.

H

1423. fut cause de gaingner la bataille.

Celuy an quatriesme iour de Iuillet, iour de saint Martin fut né Monseigneur le Daulphin en la cité de Bourges en la grand' Eglise Metropolitaine nommee saint Estienne, & fut nommé Loys, & le tint sur les fons le Duc Iean d'Alençon, & le baptiza Messire Guillaume de Champeaux Euesque, & Duc de Laon, & Pair de France.

En ce temps fut prins Messire Iean de Tholongeon Marechal de Bourgoingne deuant vn chastel en Beaujolois, nommé la Buffiere. Ledit Marechal cuidoit entrer audit chastel par aucuns de ceux de la place, qui la luy auoient vendue. Et pour doubte qu'il ne fust trompé, il y fut tresfort accompagné de gens d'armes. Mais neantmoins il fut trompé, & prins. Car ceulz qui marchanderent à luy, le firent sçauoir à Messire * Humbert de Grollee Bailly de Lion, & Messire Loys de Cullant Admiral de France, & à deux Cheualiers Lombars, l'un nommé Messire Theaulde de Valpargne, & l'autre Messire Bourne Caqueré, lesquels vindrent accompagnez de cinq à six cens hommes-d'armes, qui venoient droict de Lombardie, & furēt plus forts que luy, & le prindrent. Et en la fin fut deliuré en deliurant le Conestable d'Escoffe Seigneur de Dernelle, que ledit Marechal auoit prins en la bataille de Creuan.

*ymbert

1424. **L'**An mil cccc. vingt & quatre descendit en Bretaigne le Comte du Glas du pays d'Escoffe, & l'Archeuesque de Reims, lequel estoit allé en Escoffe querir les Escossois, & descendirent de celle nation quatre mil combatans.

En ce temps allerent vers le Roy Messire Theaulde de Valpargne, Messire Bourne Caqueren, & Messire Lucquin Rus, lesquels luy amenerent de par le Duc de Milan fix cens lances, & mil hommes à pié. Si vindrent es pays de Niurnois, & alla avec eux le Vicomte de Narbonne avec grant compaignie de gens-d'armes, le Marechal de la Fayette, & Messire Loys de Cullant Admiral de France, & prindrent le Sire de Cuissi, & celuy de la Guierche. En ce temps mirent les Anglois le siege deuant le chastel de Galdardon, que tenoient les gens de Girault de la Pailliere, lequel ils prindrent par composition. Et de là vindrēt lesdits Anglois mettre le siege deuant les chastel & ville d'Yury

que tenoit ledit Girault. Si enuoya deuers le Roy ledit Girault, & aussy enuoya le Comte du Glas, qu'il les voulüst secourir, & qu'ils auoient prins composition de rendre ladicte place ausdicts Anglois, au cas qu'ils ne seroient secouruz dedens vn iour dit. Si conclud ledit Comte du Glas de leuer le siege.

En ce temps ou pou deuant luy donna le Roy la Duchie de Touraine: & quand le Roy sceut qu'on ne les pouoit secourir ne destourber de combattre les Anglois, il manda par tout son Royaume tousfes gens de guerre, & partit de sa cité de Tours luy & le Comte de Boucquam Connestable de France, & allerent à Chasteaudun, & là trouuerent le Vicomte de Narbonne, le Comte d'Aumalle, le Marechal de la Fayette: & là vint le Duc d'Alençon, & plusieurs autres grands Seigneurs. Si conclurēt de combattre lesdits Anglois, & cheuaucherent iusques oultre Chartres, & là sceurent de vray que les Anglois estoient fortifiez deuant Yury. Si cheuaucherent tant qu'ils vindrent deuant Vernueil, & les gens d'icelle ville les mirent dedens. Et quāt les gēs dudit chastel virent celle puissance deuant eux, cuidans qu'ils eussent desconfits leurs gens deuant Yury, rendirent le chastel. Le Duc de Bethfort, qui estoit au siege deuant Yury, apres ce qu'il eut esté deuant ledit Yury, & qu'il eust tenue la iournee que les François deuoient combattre, ou rendre ladicte place d'Yury, sceut que la puissance du Roy de France estoit deuant Vernueil, & à l'entour de la ville. Si se mist en chemin ledit Duc de Bethfort pour là venir en grant compaignie d'Anglois, & de Bourgoingnons: jaçoit ce que quant il partit de deuant ledit Yury, la plus part des Bourgoingnons, qui estoient avec luy, s'en estoient retournez à Paris. Si cheuaucha tant luy & ses batailles, qu'il vint iusques à la iustice dudit Vernueil. Et enuoya vn herault dire au Duc de Touraine, Comte du Glas, qu'il venoit boire avecques luy, & qu'il se voulüst arrester, afin qu'ils beussent ensemble. Et ledit Duc de Touraine luy respondit qu'il feust le tres-biē venu, & qu'il estoit venu du Royaume d'Escoffe pour le trouuer en France, pource qu'il ne le pouoit trouuer en Angleterre, & qu'il se voulüst haster de venir. Si ordonnerent leurs ba-

H ij

1424.

tailles François & Anglois d'une part & d'autre : & promptement marcha à pié le Vicomte de Narbonne, & toute sa bataille, jajoit ce que ledit Duc de Touraine avecques tous ses chiefs de guerre auoient conclud non aller combattre les Anglois, mais de les attendre en la place où les François estoient pres de la ville. Et quant ledit Duc de Touraine vit que le Vicomte de Narbonne marchoit, si fut moult courroucié; & neantmoins fit marcher ses batailles comme ledit Vicomte: & ains qu'ils assemblassent aux Anglois, perdirent aleine, place & ordonnance. Et les Anglois firent au contraire. Car ils tindrent place, & les attendirent, dont ils eurent aleine, & tindrēt bone ordonnance. Les François ordonnerent deux mil hommes de cheual en deux barailles pour frapper derriere en la bataille desdits Anglois. Dont estoient conduiseurs de la bataille senestre Messire Bourne Cacqueren, Messire Theaulde de Valparagne, & Messire Lucquin Rus Lombards. Et à la dextre le Baron de Colôches, le Sire de Thyonuille, le Sire d'Estissac, Poton de Xaintrailles, & vn nommé le Roufin. Lesdits Anglois eurent paour desdits Lombards de senestre, qui vindrent derriere leur bataille, de paour d'estre* occis desdits Lombards. Et lesdits Lombards apperceurent bien premier lesdits Anglois. Si s'en fouyrent apres eux, & laisserent leurs ordonnances. Et quant lesdits Anglois veirent que pour fouir ils estoient morts & perdus, ils se combattirent vigoureuement, & se tindrent ensemble, tellement qu'ils desconfirent lesdits François. Ledit Baron de Collonches se partit luy & ses gens, & s'en allerent de leur place. Car les Anglois auoient ja la victoire, & frapperent, & se mirent en debvoir de frapper. Et se frappa ledit Roufin, le premier dedens leur bataille, & là fut tué; & trois de ses compaignons tournerent le dos, & s'en reuindrent. Ainsi fut ladite bataille perdue, & chasserent les François iusques à la ville de Vernueil, lesquels se cuiderent retraire pour sauuer leur vie, & les tuerent & chasserent iusques sur les fossez. Et y en eut de morts grant foison dedens lesdits fossez, cuidans entrer en ladite ville par dessus les murs. Le Duc de Touraine, Comte du Glas, & la plus grande partie des Barons & Seigneurs d'Escole qui là estoient, le Vicomte de

* Ms. mors

Narbōne, & le Comte d'Aumalle, & plusieurs autres grāds Seigneurs François, furent morts en la place. Le Duc d'Anjou, & le Marechal de la Fayette, furent prins, & amenez deuant ladicte ville, cuydant qu'elle se rendist. Mais ils n'en firent riens. Le Seigneur de Rambures en estoit Capitaine, & estoient avecques luy dedens ladicte ville trois mil personnes, dont la plus part estoient seruiteurs, & gens de petit faict & deffence. Si fist composition, que les biens qui estoient aux chariots, & aux coffres des grands Seigneurs morts & prins, demourroient aux Anglois; & luy & tous ceulx qui dedens estoient, s'en iroient chascun vn cheual, & leurs biens saufs. Lesdits Anglois entrerent par la poterne du chastel dudit lieu, & monterent dedens ladicte ville de Vernueil trois ou quatre cens desdicts François, & leur osterent des meilleurs cheuaux de la compagnie, en disant que les Lombards auoient leurs cheuaux, & tué leurs paiges, & n'estoient pas si vaillans d'estre venus ferir sur eulx. Ainsi les François s'en faillirent en ce desarroy, & vint le Comte de Sallebery à la porte, qui sceut ce debat, & ferit sur les Anglois qui desmontoient lesdits François, & en tua vn ou deux, & ainsi furent desmeuz, & s'en retournerent le Sire de Rambures, & les autres François, à tout leur sauf-conduit en Berry & en Touraine. Ladicte ville festoit tenue deux iours apres la bataille. Et tost apres la desconfiture retournerent lesdits Lombards dedens le champ, euidans que lesdicts François eussent gaingné ladicte bataille, & trouuerent les François morts tous nuds. Si les aperceurent les Anglois, qui estoient pres de la ville. Lors se mirent ensemble, & vindrent courre sus les Lombards qui estoient à cheual, & ne peurent lesdits Lombards faillir dudit champ pour vne petite riuiere qui là estoit, sinon par vn petit passage où il ne pouoit passer qu'vn cheual à la fois. Si se mirent à passer ce petit passage, & laisserent leur estendart deuant lesdits Anglois pour receuoir les coups, iusques à ce que tous leurs gens fussent passez. Et les Anglois qui estoient à pied chargerent si fort sur eux, qu'ils gaignerent leur estendart, & tuerent seize ou vingt hommes d'armes des plus vaillans desdits Lombards. Et entre les autres, y fut tué vn Escuyer du Dauphiné nommé Guillau-

1424. me de Martel, qui fut vn tres-grand dommage. Car il estoit vaillant homme. Les Anglois prindrent le Vicomte de Narbonne sur les fossez de la ville, que on vouloit mettre en terre avecques les autres Seigneurs. Si le porterent pendre à vn gibet, disans qu'il auoit esté à la mort du feu Duc de Bourgoingne. Et ainsi s'en allerent lesdits Lombards. Et mourut audit champ enuiron quatre mil cinq cens hommes François, Daulphinois, Gascons, Bretons, & Escossois.

Où mois de Nouembre ensuyuant fut fait le Comte de Richemont frere du Duc de Bretagne Connestable de France, ou chastel de Chinon par le Roy, presens plusieurs grands Seigneurs de son Royaume.

En celuy an alla Messire Tanneguy du Chastel deuers le Duc de Bretagne, pour auoir secours de gens à resister contre les Anglois. Si respondit ledit Duc de Bretagne, qu'il ne pourroit aidier ne donner secours au Roy, se ceux qui auoient conseillé au Comte de Penthieure le prendre, qui estoient du conseil du Roy, & en son hostel, ne s'en alloient. Car ils auoient conseillé au Comte de Penthieure le prendre. Et pareillement par Monseigneur le Connestable de France, l'Euesque de Clermont, & autres Seigneurs furent enuoyez en ambassade à Montlueil au pays de Bresse deuers le Duc de Sauoye, pour trouuer aucun traictié de paix entre le Roy & le Duc de Bourgoingne. Mais l'excusation estoit que le Duc de Bourgoingne ne vouloit faire paix, sinon que ceulx qui auoient conseillé, & fait mourir son pere, s'en allassent. Si estoit d'accord ledit Messire Tanneguy de s'en aller, & que pour luy ne demourast ladite paix à faire. Mais le President de Prouence estoit d'opinion contraire. Car il vouloit resister à l'encontre des Ducs de Bretagne, & de Bourgoingne, pource qu'il luy sembloit qu'il gouuernoit, & gouuernerait le Roy seul, & pour le tout, & par ce moyen gouuernerait le Royaume, & demourrait gouuerneur en l'hostel du Roy maulgré tous les Seigneurs. Et ledit Messire Tanneguy du Chastel, & l'Euesque de Clermont, quant ils veirent l'opinion dudit President, qui estoient eux trois vne mesme chose au gouuernement du Royaume, en regardant que son opinion ne po-

uoit comprendre, qu'il peust ainsi demourer, le laisserent
seul au gouuernement du Roy. Et quant il se trouua seul,
fut esbahy, regardant que Monseigneur le Connestable, &
les dessusdits ses compaignons estoient contre luy, & a-
uoient seduit toutes les bonnes villes du Royaume à l'en-
contre du Roy, qui estoit ieune & delié, & n'eust place qui
luy obeist, sinon Selles, & Vierron. Mais il se trouua fort de
gens-d'armes. Et estoient avecques le Roy durant ceste di-
uision le Marechal de Bouillac, messire Theaulde de Val-
pargne, le Sire de Prully, & tous les Escossois. Et quant le-
dit President vit que la Royne de Sicille mere de la Royne
de France n'estoit pas contente que ledit President gou-
uernast, ne volast de si haulte aïlle: voyant aussi qu'il ne po-
uoit resister, & que toutes les bonnes villes du Royaume
estoient contre luy, si fut content de s'en aller, & que le ba-
stard d'Orleans, qui auoit sa fille pour femme, le voulüst
conduire iusques en Auignon. Et estoit ledit bastard de
l'alliance des autres. Mais ledit President se fioit plus
en luy que en nul autre. Ainsi se partit celuy President
de Prouence de la Court, ne oncques puis n'y entra. Et se
fit l'accord du Roy, du Connestable, & de la Royne de Si-
cille, pourueu que le Sire de Grat demourroit au gouuer-
nement du Roy en la place dudit President. Et par ce
debat & diuision se perdit le Mans, & fut prins par le siege
des Anglois, sans estre secouru, qui fut moult grand dom-
mage au pays, & au Royaume.

1424.

L'An mil cccc. vingt & cinq enuoya le Roy deuers le
Duc de Bretagne, les Sires de Treues, de la Sufe, & au-
tres Seigneurs, luy faire sçauoir qu'il auoit mis, & fait met-
tre hors de sa maison ceulx qu'il sçauoit qui auoient esté
cause de sa prinse. Et pource il luy requeroit qu'il veinst fai-
re son deuoir enuers luy. Si manda le Duc tous ses Barons,
gens de son Conseil, & autres notables gens de sa Duchie
en la cité de Nantes, pour auoir conseil qu'il auoit à faire
touchant ceste matiere. Lesquels venuz deuers ledit Duc,
luy conseillerent de aidier, conseilier, & conforter le Roy,
lequel estoit son souuerain Seigneur, & y estoit present.
Car ledit conseil estoit publicque. Lequel Duc escriuit au

1425.

1425.

Roy toute sa deliberation, & que se c'estoit qu'il pleust au Roy se tirer sur la riuere de Loire, entre Angiers & Tours, au lieu où il luy seroit le plus plaissant, que là il viendroit deuers luy. Si se tira le Roy à Saulmur, & là vint ledit Duc de Bretagne. Et furent avecques le Roy le Connestable, les Comtes de Foix, de Comminge, de Vendosme & d'Estrac, & le Sire d'Albret. Le Duc de Bretagne vint au deuant du Roy à demie lieuë loing de la ville, entre ledit Saulmur, & Lodun. Et le lendemain le Duc de Bretagne en la presence des Seigneurs dessusdits, & de ceulx de son pays, fit le serement au Roy de sa Duchie, en luy promettant qu'il luy seroit vray, & loyal sujet, & le seruiroit de corps & de cheuance. Et pour plus grand' seureté bailla ses lettres sceelées de luy, & de tous les grands Seigneurs de son pays.

Ou moys de Ianuier ensuiuant à vn point du iour, Monseigneur le Connestable, les Seigneurs d'Albret, & de la Trimouille, vindrent en la ville d'Yssouldun, en l'hostel où le Sire de Giac estoit couchié, & dormoit avecques sa femme. Si heurterent à l'huys, & entrerent dedens sa chambre, & le prindrent, & emmenerent sans estre chaussié ne vestu, sinon d'un mantel, & d'vnes bottes qu'il auoit chaussées, & le meirent hors de ladicte ville auant que nul s'en aperceust, sinon sa femme qui estoit en son liêt toute nue. Si l'emenerent à Bourges, & auoient avec eux au dehors de la ville, Alain Giron, Capitaine de gens-d'armes, qui les attendoit à tout cent hommes d'armes. Si s'en allerent tous ensemble à Bourges, & de là à Dun-le-Roy que tenoit ledit Connestable, & tost apres le firent noyer. Et apres sa mort le Sire de la Trimouille, qui auoit esté cause de le faire noyer, espousa sa femme nommee Dame Katherine, Dame de l'Isle-Bouchard.

En ce temps vint Monseigneur le Connestable à Pontorson, & le print, & fit abbatre, & mettre à desolation.

1426.

L'An mil cccc.vingt & six le Comte de Suffort, & le Sire de la Poulle son frere, vindrent mettre le siege deuant les ville & chastel de Montargis. Et pou apres y vint le Côte de Vyaruic, & y tindrent le siege par l'espace de trois mois.

En ce

En ce temps fut tué pres du chastel de Poictiers vn Escuyer nommé le Camus de Beaulieu, du pays d'Auuergne, lequel auoit grant gouuernement deuers le Roy, plus qu'il ne luy appartenoit, pour ce fut tué. Et lors print le Sire de la Trimouille le gouuernement du Roy, apres la mort d'iceluy Camus. Le Sire d'Orual frere de Monseigneur d'Albret, le bastart d'Orleans, le Sire de Gaucourt, le Sire de Guitry, le Sire de Grauille & vn Capitaine nommé la Hire, accompagnez de grand compaignie de François, & d'Escossois, vindrent sur le siege des Anglois qui estoient deuant Montargis, du costé deuers le chastel, & ferirent si roidement sur les Anglois qui là tenoient le siege, qu'ils les desconfirent. Et tenoient le siege du costé deuers Chastillon sur Louain, les Comtes de Vvaruic, & de Suffolc, qui furent esbahis quant ils virent le siege deuers le chastel leué & leur gens morts, ausquels ils ne peurent faire aide ne secours, pour ce que ceux de la ville auoient faict escluses, qui faisoient redonder l'eauë de la riuere iusques à vne lieuë plus hault. Quant ce siege fut leué, les François ne pouoient entrer en ladicte ville, pour ce que les bouleuers estoient fermez, & les portes à l'encôtre des canons de ceulx de dehors. Et auant que ceulx de la ville les peussent ouurir fut nuit. Parquoy iceux François ne peurent porter domage ce iour ausdits Comtes, & autres Anglois, qui estoient entre deux riuieres du costé deuers ledit Chastillon. Les François entrerent ce soir en la ville pour eulx refreschir, & celle nuit s'en allerent lesdits Anglois à Nemours, & de là à Paris. Les Seigneurs François dessusdits s'en retournerent, & emmenerent leurs prisonniers, canons & bombardes, & s'en vindrent sur la riuere de Loire, & de là où bon leur sembla. Les Connestables de France, & d'Escosse, quand les autres se partirent pour aller leuer ledit siege de Montargis, demurerent eulx deux à Iargeau, & ne furent point à leuer ledit siege. Et quant ils sceurent qu'il estoit leué, furent moult courrouciez qu'ils n'y auoient esté.

En celle saison vindrent le Comte de Clermont, le Comte de la Marche, & le Sire de Bouffac en la ville de Bourges, & les y bouterent aucuns de ladicte ville qui estoient à

1426.

la porte. Et estoit allié avec eulz Monseigneur le Connestable de France Comte de Richemont. Et si tost qu'ils furent en ladicte ville, mirent le siege deuant la grosse tour de ladite ville, où estoiet dedens les Sires de Prie, & de la Borde. Et estoit ledit siege deuant ladicte tour par dedens ladicte ville, & par dehors. Le Roy sceut ceste entreprinse, & le Seigneur de la Trimouille, qui estoit en gouuernement. Si assemblerent grant foison de gens-d'armes, & vindrent deuant ladicte ville, où estoit le Roy en personne, & leuerent le siege qui estoit deuant la grosse tour du costé de Bourbonnois. Et deuant que le Roy arriuaist, fut tué le Sire de Prie, qui estoit dedens la grosse tour, d'un traict de ceulx qui tenoient ledit siege. Et quant le Duc de Bourbon, & les autres Seigneurs virent que le Roy estoit le plus fort, & maistre de ladicte ville par le moyen d'icelle tour, si firent leur traictié, & s'en allerent eulz & leurs gens en leur pays.

1427.

L'An mil cccc. vingt & sept fut prins le Mans des François, & fut chief de l'entreprinse le Sire d'Orual. Mais le chastel ne fut pas prins. Et deux iours apres, y entra le Sire de Tallebot Anglois à tout trois cens cōbatans, & entra dedens ladicte ville par ledit chastel, & chassa les François hors d'icelle ville, & y en eut de morts & de prins grand foison. Et fut par eulx. Car ils n'auoient fait nulle fortification entre la ville & chastel, & aussi qu'ils ne faisoient nul guet. Mais quant les Anglois entrerent en ladite ville, trouuerent lesdits François couchiez en leurs lits, & dormoient comme beaulx pourceaux. Pou apres vint le Sire de Tallebot à la ville de Laual, & la print d'eschelles, qui estoit moult riche ville. [* Et y fut prins ou chasteau par composition vng des enfans de Laual nommé Messire André de Laual, qui fut rançonné de la somme de vingt quatre mil escus, & depuis fut Marechal de France.] Ety trouuerent & prindrent les Anglois qui estoient avec luy moult de richesses & d'auoir.

**Ceste clause a esté adjoustée du M.^{ss}*

Celuy an se reduisit la cité de Tournay au Roy, en disant qu'ils ne vouloient estre à nul, sinon au Roy CHARLES, fils du Roy Charles V. leur souuerain Seigneur. Iagoit ce que les Anglois, & le Duc de Bourgoingne auoient mis

grāt peine de la reduire, & mettre en leur obeissance. Mais ceulx de la ville ne voulurent auoir autre Seigneur que le Roy, comme bons & loyaux subgietz.

1427.

Celuy an fut assiegé le chastel du Crottoy par les Anglois, & le tint bien & longuement Messire Iacques de Harrecourt, qui en estoit capitaine. Mais à la fin il le rendit ausdits Anglois par deffault de secours, & s'en vint ou pays de Poictou, où le Roy estoit lors, & de là s'en alla à Partenay veoir le Seigneur d'illec, qui estoit son oncle, & duquel il estoit vray heritier. Sō oncle n'estoit pas trop sage, & doubta, ou l'en luy fist entendre que ledit Messire Iacques son nepueu venoit leans pour estre maistre & Seigneur de la place. Et le Sire dudit lieu par chaulde colle, & sans aucune deliberation, fit armer ses gens, & incontinent fit prendre, & tuer sondit nepueu, dont fut dommage. Car il estoit bel Cheualier & vaillant.

L'An mil cccc. vingt & huit fut mis le siege à Orleans par le Comte de Sallebery, & y mit les bastilles du costé de la Beausse, & du costé de Saulongne. Et fut mis ledit siege le douziesme iour d'Octobre oudit an. Et print ledit Comte Yenuille par composition, dont estoit Capitaine Pregent de Cocctiuy, lequel fut prisonnier par le traictié d'Yenuille. Et print ledit Sallebery la ville & le chastel de Mehun, les villes de Baugency, de Iargeau, & la Ferté de Gaulles, & la tour de Pluuiers: & fit faire le sermēt à ceulx de la ville de Sully, qu'il bailla à vn Cheualier de Niuernois nommé Messire Guillaume de Rochefort, lequel tenoit le party des Anglois, & estoit parent du Seigneur de la Trimoille, Seigneur dudit Sully. Et le siege d'Orleans durant, ceulx dudit Sully aduitailloient lesdits Anglois de ce qui leur estoit possible. Et cependant le Comte de Clermont fils du Duc de Bourbon, le sire d'Orual, le fils d'un Comte d'Escosse, Connestable d'Escosse, lequel Connestable estoit nouuellement venu du voyage du sainct Sepulchre, & plusieurs autres Cheualiers & Escuyers, & gens de guerre, sceurent que grant nombre d'Anglois venoient de Paris, & amenoient auecques eulx grant quantité de viures pour aduitailler leur siege: si les rencontrerēt en Beaus-

1428.

1428.

se pres d'un village nommé Estree saint Denys, & là leur coururent sus iceux François, & lesdits Anglois se fermerent de leur charroy. Et lors descendirent à pié le Sire d'Orual, & le Connestable d'Escoffe, Messire Iean de Lesfego, le Sire de Barbazen, & plusieurs autres iusques au nombre de sept à six vingts Cheualiers & Escuyers François, Escossois & Gascons. Et lors se mirent les François en grant desarroy, & s'en retourna le fils de Bourbō à Orleans, avecques partie de ceulx de ladicte armee, dont ceulx de ladicte ville furent moult esbahis, & non sans cause. Et tost apres ledit Comte de Clermont avecques ses gens-d'armes s'en alla en son pays de Bourbonnois. Et demourerent en ladicte ville d'Orleans les Sires de Boufflac, de Grauille, de Guitry, de Courraze, le Sire de Villars, Messire Denys de Chailly, le Commandeur de Giresme, Estienne de Vignolles dit la Hire, Poton de Xaintrailles, & plusieurs autres Capitaines & gens de guerre, pour resister contre lesdits Anglois qui tenoient ledit siege deuant ladite ville. Lesquelz Seigneurs dessusdits se gouvernerent grandement, & vaillamment pour la garde d'icelle cité, & firent de grāds escarmouches & saillies sur lesdits Anglois, & aussi fist Mōseigneur de Gaucourt de grāds vaillances, lequel alloit dudit Orleāns biē souuēt deuers le Roy pour recōforter ceulx qui estoient dedens ladicte ville, & apporter or & argent, & ce qui leur estoit necessaire. Lesdits Anglois qui tenoient ledit siege appelloient la besongne deuant dite par moquerie, la bataille des Harencs, qui fut en la fin du mois de Feburier ou dit an, pource que iceulz Anglois menerent en charroy des harencs pour eulx viure audit siege, pour ce que c'estoit pres de Karesme. Parauant fut tué le Comte de Sallebery d'un canon perrier à vne fenestre à la tour du pont, en regardant l'escarmouche qui se faisoit sur la greue: & fut tiré ledit canon de la ville, mais on ne sçait qui le tira, dont les gens s'esmerueillerent, & en furent lesdits François ioyeux, & les Anglois moult courrouciez & troublez, & auoient cause. Car c'estoit le plus vaillant & hardy Cheualier de leur pays, & celuy du Royaume d'Angleterre qui en son temps auoit porté plus de dommage au Roy de France.

Celuy an en ce mesme temps de Karefme, arriua vne ieune fille de l'eage de dixhui& à vingt ans, par deuers le Roy au chastel de Chinon nommee Iehanue du Liz la Pucelle, laquelle estoit née & nourrie de aupres de Vaucouleur, d'un villaige assis dessus la riuere de Meuse, & auoit esté toute sa ieunesse iusques à celle heure à garder les brebis: & vint deuant le Roy en le saluant, & luy dit ces parolles: Que nostre Seigneur l'enuoyoit deuers luy pour le mener couronner à Reims, & pour leuer le siege que les Anglois tenoient deuant la bonne cité d'Orleans, & que Dieu à la priere des Saints ne vouloit point que ladite cité feust prinse ne perie. Et à ces parolles le Roy la fist examiner par plusieurs sages Docteurs de son Royaume, ausquels elle respondit sagement, & par bonne maniere: & tellement que tous les Docteurs estoient d'opinion que son fait, son dit, & ses parolles estoient dictes & faites par miracle de Dieu. Et pour ce fut dit & ordonné en grant deliberation de conseil, que pour faire & accomplir les choses que elle auoit dictes, en intention de cōmancer & acheuer au plaisir de Dieu, on luy bailleroit cheuaux, harnois, & gens pour l'accompagner, & veoir son fait, & que ce seroit. Et fut tout fait, conseillé & ordonné audit chastel de Chinon, durant le temps de Karefme que vng chascun estoit en deuotion. Et la conduisoit le Marechal de Rieux, & le Sire de Cullant, l'un Marechal, & l'autre Admiral de France.

1428.

L'An mil cccc. vingt & neuf fut leué le siege d'Orleans le douziesme iour de May. Et en ce temps se partit ladicte Pucelle du chastel de Chinon, & print congie du Roy, & cheuaucha tant par ses iournees, qu'elle arriua dedans la bonne cité d'Orleans maulgré les Anglois, & leur enuoya lettres par un herault publiquement deuant tout le monde, qu'ils s'en allassent, & que Dieu le vouloit, ou sinon qu'il leur mescherroit, & que Dieu se courrouceroit à eux s'ils faisoient le contraire. Lesdits Anglois prindrent ledit herault, & iugierent qu'il seroit ars, & firent faire l'attache pour le ardoir. Et toutesuies auant qu'ils eussent l'opiniō & conseil de ceulx de l'Vniuersité de Paris de ce faire, ils furent leuez, morts & desconfits, & partirent si hastiuement.

1429.

1429.

Ms. Raiz

qu'ils laissent en leurs logeis ledit herault enfermé, & s'en fourer. Ladicte Pucelle visita les bastilles qu'ils auoient emparees. Et estoient avecques elle le Sire de Rieux Marechal de France, le bastard d'Orleans, & Messire Loys de Cullat Admiral, & plusieurs autres Cheualiers & Escuyers dessus nommez. Et le lendemain se partit ladicte Pucelle d'Orleans, & s'en vint à Blois pour auoir gens & viures. Et ce fait vint audit Orleans à tout vne grosse puissance de gens-d'armes. Et si tost que elle fut entree en ladicte ville, le peuple se partit d'Orleans du grand vouloir qu'ils auoient d'estre hors de la seruitude desdits Anglois, & assaillirent la Bastille de saint Lo, que les Anglois auoient prise. Mais quant ils furent à mie-chemin, ils apperceurent que le feu estoit dedens, & que elle estoit perdue pour eulx. Et estoient allez Monseigneur le bastard d'Orleans, le Sire de Rieux, & plusieurs autres, quant ils sceurent que le peuple estoit esmeu d'y aller: & fut le commencement du siege leué. Et là furent morts & ars soixante Anglois, & vingtdeux prisonniers, qui furent à Monseigneur le bastard d'Orleans. Et tenoit ceste dicte Bastille vn Capitaine Anglois nommé Thomas Guerart, lequel estoit à Montereau, dont il estoit Capitaine pour lesdits Anglois. Et ce soir passerent les François en bateaux la riuere de Loire, & allerent assaillir les bastilles du costé de Beauffe, & puis celle des Augustins deuant la porte du pont, & les prindrent. Et ce soir se retrahirent lesdits François en ladicte ville, & ladite Pucelle avecques eux, & vne partie des gens-d'armes demourerent au champ toute nuit. Et le lendemain au matin, qui estoit iour de Samedy, lesdits François passerent derechief ladite riuere, pour assaillir la Bastille du pont. Et là furent le Sire de Rieux, le bastard d'Orleans, le Sire de Gaucourt, le Sire de Grauille, le Sire de Guित्रy, le Sire de Courraze, le Sire de Villars, Messire Denys de Chailly, l'Admiral Messire Loys de Cullant, la Hire, Poton, le Commandeur de Giresme, Messire Florens d'Illiers, le Bourg de Masquaren, Thibault de Tharmes, & plusieurs autres, & donnerent l'assault de toutes parts à ladicte Bastille du pont, depuis le midy iusques au Soleil couchant, & tant que par force d'armes la-

dicte Bastille fut prinse. Et y moururent les Seigneurs de Pongnis, & de Molins, & vn Capitaine nommé Claridas Anglois, lequel estoit Capitaine d'icelle Bastille. En se cuidant retraire dedens la tour du bouleuart, le pont fondit, & luy & tous ceulx qui estoient sur ledit pont fondirent en la riuiere de Loire. Et là dedens furēt que morts que prins de quatre à cinq cens Anglois. Et le landemain au matin, qui fut le Dimenche, se leuerent les Anglois de deuant Orleās, & s'en allerent à Mehun sur Loire la plus part à pié, & laisserent leurs bastilles, viures, & artillerie, dont ceulx de ladicte ville d'Orleans furent moult refaits. Et eurent assez grāt confort des viures qu'ils trouuerent esdictes bastilles. Lors le Comte de Suffort print la charge de cinq cens Anglois pour mener à Iargeau par l'ordonnance du Sire de Tallebot, lequel estoit Lieutenant pour le Roy d'Angleterre. Et demoura ledit Tallebot à Mehun & à Baugency, iusques à ce qu'ils eussent nouuelles du Duc de Bethesfort, & grand secours. Lequel Duc leur enuoya Messire Ieā Fastot à tout ce qu'il peut finer de gens. Et lors les chiefs de guerre, qui auoient esté dedens Orleans le siege durant, & Monseigneur le Connestable de France Comte de Richemont, Monseigneur d'Alençon, & Monseigneur d'Albret vindrent, & meirent le siege à Iargeau, & le prindrēt d'assault. Et là furent que prins que morts de quatre à cinq cens Anglois. Et fut prins sur le pont de la ville, par dessoubz lequel passe la riuiere de Loire, le Comte de Suffort, qui s'estoit retraict sur ledit pont apres la prinse de ladicte ville. Et se rendit à vn Escuyer d'Auuergne nōmé Guillaume Regnault. lequel Comte fist là Cheualier ledit Guillaume Regnault, afin que l'on dist qu'il estoit prins d'un Cheualier. Et à la prinse qui fut faite sur ledit pont par les François sur les Anglois, se noya Alexandre de la Poulle, frere dudit Comte. Et de là vindrent les François, & la Pucelle mettre le siege à Baugency, & veu la paour que les Anglois auoient de la fortune qu'ils veoient venir sur eux, se rendirent, & deliurerent Baugency par composition. Dedens estoient de six à sept cens Anglois, & en estoit Capitaine Messire Guichard Guetin. Et quant le Sire de Tallebot, & Messire Ieā

1429.

* Ms. cinq
cens.

Fastot sceurent que ledit Baugency estoit rendu, & que les Anglois s'en estoient allez en Normandie avec vn baston en leur poing, si se partirent lesdits Seigneurs de Tallebot, & Messire Iean Fastot pour tirer à Yenuille. Et lors les Seigneurs de France le sceurent, & les poursuuiurent bien six lieues, & les attaignirēt au droit d'un fort Monstier nommé Patay, & là furent combatuz & desconfits lesdits Anglois. Et là fut prins le Sire de Tallebot, & autres iusques au nombre de * trois cens Anglois prisonniers, & de morts deux mil deux cens, & s'enfouit Messire Iean Fastot, & plusieurs autres. Et par celle iournee laisserent Mehun, Yeuille, la Ferté, & plusieurs autres forteresses au pays de Beaufse. Et lors sceut le Roy les nouuelles, & s'en alla à Gyen, & de là à Aucerre, à tout son ost, & vint deuant la cité de Troyes, & renuoya le Connestable, & aussi contremanda le Comte de Perdrac, pour ce que le Sire de la Trimouille, qui craignoit qu'ils ne voulsissent entreprendre d'auoir le gouuernement du Roy, ou luy faire desplaisir de sa personne, ou le bouter hors ladicte cité de Troyes, fit obeissance au Roy, lequel se partit de là, & vint à Chaallons, qui luy fit pareillement obeissance, & de là à Reims, où il fut grandement accompagné des Seigneurs de son sang, & Barons de son Royaume, comme le Duc d'Alençon, le Comte de Vendosme, le Sire d'Albret, le bastart d'Orleans, le Comte de Clermont, les Mareschaulz, l'Admiral, le Maistre des Arbalestriers, le Sire de Laual, & moult d'autres Barons. Et fut le Roy sacré & couronné à Reims, à moult grāde solennité. Et apres se partit le Roy de Reims, & alla à Soissons, & de là à Chasteau-Thierry, & à Prouins, lesquels il mit en son obeissance. Et de là vint à Crespy en Vallois. Et le Duc de Bethafort fit scauoir au Roy que s'il vouloit la bataille, qu'il le receuroit. Et lors incontinent les lettres receues des heraulx le Roy se partit, & vint à Laigny le sec, & laissa son aduant-garde à Dāpmartin. Et le Duc de Bethafort estoit à tout son ost à Mitry en France. Et escarmouchierent les coureurs François & Anglois tout le iour sur vne petite eauē à vn villaige que l'en appelle Thieux. Et sur le vespre de ce iour se partit le Duc de Bethafort à tout son ost, & s'en alla à Louures. Et le Roy de France, & son ost estoit à Crespy,

Crespy, & l'auantgarde estoit à Barron. Et le landemain au point du iour, l'ost dudit Duc de Bethafort vint empres Senlis, en vn lieu nommé la Victoire. Et par les villai- ges pres de là estoient logiez lesdits François. Et quant ils sceurent la venue desdits Anglois, ils se misrent ensemble en bataille. Et le Roy de France vint de Crespy, & se mist à Montespillouer, & là coucha celle nuit. Et le landemain tout le iour furent l'un deuant l'autre sans hayes ne buissons pres l'un de l'autre, le traict d'une couleurine, & ne combattirent point. Et le soir le Roy se partit, & s'en alla avecques son ost audit Crespy, & le Duc de Bethafort alla audit Senlis. Et le landemain le Roy alla à Compiengne qui luy fit obeissance, & y fut huit iours. Et là vint Messire Ieā de Luxembourg, qui luy fit moult de promesses de faire la paix entre le Roy, & le Duc de Bourgoingne, dont il ne fit riens, sinon le decevoir. Et se partit le Roy de là & s'en vint à Senlis, lequel la ville auoit enuoyé querir, & son auantgarde passa oultre, & vint à saint Denys: & là conduisoient l'armee du Roy Monseigneur d'Alençon, & la Pucelle, & les Mareschaux de France. Et vint le Duc de Bar nommé René à l'aide du Roy, & le Damoyseau de la Marche, & celuy de Rodenat. Et de là vint le Roy à saint Denys, & fut l'ost du Roy deuant Paris pour l'assaillir. Mais le Sire de la Trimouille fit retourner les gens-d'armes à saint Denys. Et furent pour ceste cause à la Chappelle S. Denys deuant Paris le Duc de Bethafort & son ost, & d'illec s'en alla à Rouen, de paour que le pays de Normandie ne se rebellast pour cause de Beauuais, & d'Aumalle, qui festoient reduits au Roy. Et apres le Roy se partit de saint Denys pour venir en Berry, & vint à Laigny qui estoit à luy reduit, & de là s'en alla le landemain à Prouins, & à Bray qui se reduisit à luy, & passa la riuere d'Yonne à gué luy & son ost pres de Sens, & vint à Courtenay, & à Chasteau-Regnart, & de là à Gien, cuidant auoir accord avecques le Duc de Bourgoingne. Lequel Duc luy auoit mādē qu'il luy feroit auoir Paris par le Sire de Charny, qui en auoit apporté les nouuelles, & qu'il vendroit à Paris pour parler à ceulx qui tenoient son party. Et pour ceste cause le Roy luy enuoya son sauf-conduit pour venir à Paris. Mais quant il

K

1429. fut à Paris, le Duc de Berthefort & luy firent leurs alliances plus fort que deuant n'auoient fait à l'encontre du Roy. Et s'en retourna ledit Duc à tout son sauf-conduit par l'obeissance du Roy és pays de Picardie & de Flandres.

En ce tēps laissa le Roy à Beauuais pour le gouuernemēt du pays le Comte de Clermōt. Lequel Comte, filz du Duc de Bourbon, māda depuis qu'il s'en vouloit departir. Pourquoy le Roy y commist & fist demourer comme son Lieutenant le Comte de Vendosme, & luy donna toute puissance, comme il auoit fait audit de Clermont.

Celuy an ou mois de May le iour de la Trinité fut Messire Iean de Chalon Prince d'Orenge desconfit ou pays de Daulphiné par Messire Raoul de Gaucourt Gouverneur dudit pays pour le Roy. Et fut ainsi que le Duc Amé de Sauoye, & ledit Prince auoient conclud vouloir auoir ledit pays: c'est assauoir ledit Prince le pays de Viennois, & ledit Duc le pays de Grenoble, & les montaignes. Et luy bailloit ledit Duc trois cens lances, dont auoient la conduite de par luy le Sire de Varembon, & Messire Imbert Marechal. Si entra ledit Prince oudit pays du Daulphiné, & passa la riuere du Rosne à Enton, qu'il tenoit. Pourquoy ledit Gouverneur de Daulphiné assembla gens-d'armes de toutes parts, pour resister contre ledit Prince. Et ce iour de la Trinité tenoit ledit Gouverneur le siege deuant Colombiez, où estoient quarante hommes d'armes des gens dudit Prince. Si se rendirent, & s'en partirent leurs corps, & leurs biens saufs. Et delibera ledit Gouverneur d'aller mettre le siege à Enton, où estoit ledit Prince, & son ost. Et ce iour au matin ledit Prince avec son ost se mist à chemin pour venir leuer le siege de Colombiez, non sçachant qu'il fut rendu. Si se rencontrerent lesdites deux puissances entre Colombiez & Enton, & frapperēt à cheual ledit Gouverneur & ses gens si asprement sur leurs ennemis, qu'ils furent tous desconfits. Et quant ledit Prince vit cela, se sauua sur vn bon courfier, & passa le Rosne au bac d'Entō, & la plus part de ses gens furent morts & prins. Et là furent prins le Sire de saint George, le Sire de Conches, & plusieurs autres grands Seigneurs, Cheualiers, & Escuyers, ses hommes & amys du pays de Bourgoingne, de la Duchie & de la Com-

té. Et par celle destrouffe ledit Prince perdit toutes les places qu'il tenoit audit Daulphiné, lesquelles le Roy luy rendit depuis de sa grace. En faisant ceste destrouffe avecques ledit Gouverneur de Daulphiné estoit Messire Imbert de Grolee Bailly de Lyon, & Mareschal dudit Daulphiné, le Sire de Maubec, & vn Capitaine Espagnol nommé Rodigues de Villandras qui auoit trois cens lances, & les gens de traitt avecques luy estās. Et ceulz du Daulphiné estoient deux cens lances dudit pays. Ce mesme iour estoient pour ledit Prince tant des gens de Bourgoingne que de Sauoye, de sept à huit cens Cheualiers & Escuyers, qui furent presques tous morts ou prins: & par especial y en eult plus de prins que de morts, entre lesquels fut prins le Sire de Varembo, & gueres n'en eschappa que ledit Prince. Les François à ceste besongne gaignerent grant finance: * [Car ledit Gouverneur, & aussi Rodigues, & Grolee, qui se misrent tous trois à butin, en eurent entre eulx seulemēt à leur part cent mil escus d'or, sans les butins ja faits par leurs gens.] Car c'estoient Cheualiers & Escuyers, & gens d'hostels riches & puissans.

*Cecy a esté
adjoinct de
Ms.

Ledit an en l'hyuer ceulz de la cité de Sens se reduisirēt au Roy, & en son obeissance, & eurent leur abolition, & mirent hors leur Capitaine nommé Pierre Bartort.

En l'an mesmes se mist la ville de Meleun en l'obeissance du Roy, & eurent leur abolition. Et la maniere comme elle fut reduicte, fut que les gens de ladicte ville, qui estoient bons François, virent que la plus part de la garnison des gens-d'armes estoient allez courre deuant Yeure en Gastinois pour prendre des vaches. Si publierent les gens de la ville pour paruenir à leur fin, que à Pontoise auoit grant foison de gēs d'armes Picards, qui vouloient venir en garnison à Meleun, & vouloient estre maistres des gens où ils se trouuoient dedens les villes. Si dirent qu'ils n'y entreiroient ja. Or se tenoient pour Messire Iean de Luxembourg les ville & chastel de Meleun. Et tenoit le chastel dudit lieu pour luy Dreux de Humes à tout grant nōbre de gēs. Et aduint qu'ils n'estoient dedens ledit chastel que dix personnes: Car les autres estoient tout dehors. Si leur osterent les clefs ceux de ladicte ville, & fermerent leurs portes, &

K ij

1429.

enuoyerent querir promptement le Capitaine du pont de Samois, le Commandeur de Giresme, & Messire Denys de Chailly, qui se bouterent en ladicte ville, & en l'isle dudit chastel. Et ceulz qui estoient allez courre, trouuerent les portes fermees, & s'en allerent à Corbeil, qui se tenoit pour les Bourgoingnons & Anglois. Les gens du Roy vindrent au siege de toutes parts. Ceulz dudit Corbeil vindrent par la riuere pour y cuider entrer. Et quant ils sceurent que les gens du Roy estoient en armes en l'Isle du chastel, ils s'en retournerent. Et ainsi furent la ville & le chastel renduz au Roy, & Meleun François : & perdirent ce passage Bourgoingnons & Anglois. Le Roy estoit à Gien au retour de son sacre, & le Duc d'Alençon avecques luy, lequel desiroit amener avecques luy la Pucelle, & les gens-d'armes du Roy en Normandie. Mais le Sire de la Trimoille ne le voulut pas : ains l'enuoya avecques son frere le Sire d'Albret au plus fort de l'hyuer, & le Marechal de Bouffac à bien pou de gens deuant la ville de la Charité, & là furent enuiron vn moys. Et se leuerent honteusement sans ce que secours veinst à ceulz de dedens, & perdirēt bombardes & artillerie. Et y mourut * à vn assault vn Baron du pays du Dauphiné nommé * Remon de Montremur, dont fut dommage.

* Ms. denāt
en vne es-
carmeu-
che
* le Sei-
gneur de
Montmor,

Celuy an fut couronné le Roy Henry en Angleterre bien ieune, & fut espousé le Duc de Bourgoingne à la fille du Roy de Portugal, & furent leurs nopees à Bruges en Flandres, & y fit l'en moult grand feste.

Eten ce temps partit le Duc de Bourbon de Beauuais à tout les gens-d'armes des frontieres de France, & de Beauuoisis, & estoient avecques luy le Côte de Vendosme, l'Archeuesque de Reims, Poton de Xaintrailles, & plusieurs autres Capitaines, & gens de guerre, lesquels estoient assemblez pour vouloir entrer dedens la cité de Rouen, par le moyen d'aucuns de ladicte cité. Or fut ainsi que lesdits Seigneurs en cheuauchant entre Beauuais & Rouen, rencontrerent cent ou six vingts Anglois, lesquels Anglois se deffendirent si vigoureusement, qu'ils barquignerent tant les vns avecques les autres, qu'à la fin les François retournerent à Beauuais, & les Anglois demourerent au champ.

L'An mil cccc. & trente fut mis le siege à * Soisi pres Cō-
piengne, par le Duc de Bourgoingne, les Comtes de Suffort, & d'Arondel, & Messire Iean de Luxembourg, & en la fin le prindrent. Et luy estât audit siege, vn Escuyer Gascon nommé Poton de Xaintrailles, & les gens-d'armes de sa compaignie passerent la riuere d'Esne entre Soissons, & le pont, & frapperent sur ledit siege, & prindrent & tuerent plusieurs gens. Et entre les autres fut prins vn nommé Iean de Bonneul du pays de Picardie.

1430.

* M. Choi-
sy.

En ceste saison Estiène de Vignolles dît la Hire, se partit de Louuiers à grant cōpaignie de gens-d'armes, & passerēt la riuere de Seine en bateaulx, & vindrent prendre d'eschuelle Chasteau-Gaillart, qui est à sept lieues de Rouen, assis sur vn roc pres de ladite riuere de Seine. Et là trouuerent le Sire de Barbazen prisonnier du Roy d'Angleterre, lequel auoit esté prins dedens la ville de Meleun, dont il estoit Capitaine. Et fut amené ledit Barbazen deuant le Roy, lequel fut moult ioyeux de sa deliurance.

En ce temps se partit de Compiengne la Pucelle, a compaignee de l'Archeuesque de Reims, du Comte de Vendosme & de plusieurs autres Capitaines, & gens de guerre, & cheuaucherent tant qu'ils vindrent deuant la ville de Soissons, cuidās passer par ladite ville pour aller combattre le Duc de Bourgoingne, lequel estoit deuant ledit pont de Soisi entre les deux riuieres d'Oyse & d'Esne. Et quant les dessusdits furent arriuez deuant la ville de Soissons, vn Escuyer de Picardie nommé Guichart Bournel, que le Comte de Clermont fils du Duc de Bourbon auoit fait Capitaine de ladicte place, refusa l'entree de ladite ville ausdits Seigneurs, & gens-d'armes : & suborna les gens de ladite ville, en leur faisant entendre qu'iceux Seigneurs, & gens-d'armes venoient pour y estre en garnison, afin que le peuple de ladite ville feust d'opinion avecques luy de ne les bouter point dedēs icelle ville. Les gens-d'armes combattierent celle nuit aux champs, & à la fin sur la nuit ledit Capitaine bouta lesdits Archeuesque, Pucelle, & Comte de Vendosme à petite compaignie dedens. Et le landemain sen allerēt lesdits gens-d'armes oultre les riuieres de Marne, & de Seine, pource qu'ils ne trouuoient de quoy viure

K iij

1430.

sur le pays. Et aussi ils estoient grands Seigneurs, en grant nombre de plusieurs des gens de guerre accompaignez avecques eux, & ne pouoient viure dedens ledit Compiengne. Car ceulx dudit lieu attendoient de iour en iour le siege sur eulx. Et lesdits Seigneurs s'en allerent à Senlis, & ladite Pucelle à Compiengne. Et incontinent qu'ils furent partiz de Soissons, ledit Guichard vendit ladite cité au Duc de Bourgoingne, & la mit en la main de Messire Iean de Luxembourg, dont il fut laidement contre son honneur. Et ce fait s'en alla avecques ledit Duc. Et par ce moyen eut l'obeissance dudit pont de Soisi, & vint mettre le siege deuant Compiengne. Et vindrent à son aide les Comtes de Suffort, & d'Arondel Anglois à tout mil & cinq cēs cōbatans au siege au deuant de ladite ville de Cōpiengne. Et y fut prinse ladite Pucelle, [* par ce qu'elle estoit faillie à vne grant escarmouche, au bout du pont. Mais en soy cuidant retourner dedens la ville, elle trouua pour la grant presse la barriere fermee, & pour ce fut prinse] par vn Picard, qui depuis la vedit à Messire Iean de Luxembourg, lequel la bailla aux Anglois. Ceulx qui estoient dedēs ladite ville firēt bonne garde d'icelle, & firent de grādes faillies sur leurs ennemis. Sise assemblerent le Comte de Vendosme, le Sire de Bouffac Mareschal de France, & Poton de Xaintrailles. Et partirent de Senlis lesdits Comte, & Sire de Bouffac, & ledit Poton de Chasteau-Thierry, & vindrent droict à Compiengne du costé de la forest, & passerent la riuere d'Antonne à Betisi. Et ceulx qui venoiet dudit Senlis passerent au pont de Verberie, & s'en vindrent assaillir ledit siege, & passerent vn fossé que lesdits Anglois auoient fait entre la forest, & la riuere d'Oyse; & entre-
rent aux champs, & trouuerent lesdits Anglois empres Royau-lieu, qui estoient en bataille. Et en ce point passerent ledit fossé lesdits François, c'est à sçauoir ledit Poton, au droict de la iustice à tout six vingts lances. Et quant ceulx d'icelle ville apperceurent que c'estoit à bon escient, ils faillirent hors, & assaillirent vne bastille pleine de Portugallois, lesquels furent tous morts: & en assaillirent vne autre les gens de Poton, laquelle fut prinse, & y fut prins le Sire de Crequi, & autres notables hommes du pays de Pi-

* Cory a esté
adjoincté au
Ms.

cardie dedens. Ledit Comte de Vendosme, & ledit Marechal cheuaucherent iusques à la iustice. Et quant les Anglois & les Bourgoingnons veirent que les bastilles estoient prinſes de ce costé, & qu'ils ne pouoient porter dommage aux François, & qu'ils estoient à pié, & hors d'aleine, si se retrahirent dessus l'eauë du costé de Beauuoisin, & la nuit se partirent, & laisserent leurs bombardes, vins, viures, & toutes leurs choses qu'ils auoient pour eulx maintenir & garder à leur siege, & s'en allerent si hastiuement que l'un n'attendoit l'autre. Et ainsi fut le siege leué dudit Compiègne. Le Duc de Bourgoingne estoit à Noyon à cinq lieues dudit Compiègne, lequel quant il sceut ces nouuelles, fut moult courroucié, & s'en alla au pays d'Artois.

1430.

En ce temps alla le Roy à Sens, & fut prinſe Villeneuve-le-Roy pres dudit Sens sur Perrenet Grasset, qui tenoit le party des Anglois. Et fut prinſe par un Moine à qui il se fioit, qui ouurit vne poterne aux gens du Roy. Et s'en fouyt ledit Perrenet par dessus les murs de ladite ville, & s'en alla à la Cherté qu'il tenoit.

En ce temps mist le Sire de Barbazen le siege à Pons sur Seine, lequel Pons il print par composition. Et vint le Cardinal de sainte Croix en la cité d'Aucerre, pour traictier de paix entre les Roys de France, & d'Angleterre, & le Duc de Bourgoingne: & là vindrent les Conseillers de France, & de Bourgoingne, & autres Ambassadeurs du Roy d'Angleterre. Et estoient là pour Conseillers de France, Messire Christoffe de Harrecourt, Maistre Adam de Cambray

*grant President de Parlement, Maistre Iean Tudert Maistre des Requestes de l'hostel du Roy, & Doyen de Paris. * Ms. pres.
mier

Et pour le Duc de Bourgoingne avecques son Chancelier le Sire de Chastellus, & Messire Guy de Bar. Et pour les Anglois * Messire Guy de Clamecy Preuoist de Paris, le Sire de Rouille, l'Euesque de Paris, & l'Abbé de Fescamp, & ne firent riens. Mais prindrent iournee de estre à saint Port au Kareſme ensuyuant: & y vindrent tous les dessusdits, & n'y firent riens, pour ce que vng chacun se vouloit dire Roy de France.

* maistre

En celuy an. plusieurs Capitaines & gens-d'armes fassemblerent en la ville de Beauuais, où estoient Messire Re-

1430. gnault de Chartres Archeuesque de Reims, & Chancelier de France, & Monseigneur de sainte Seuer, & de Bouffac Marechal de France, lesquels estoient deliberez d'aller à Rouen avec vn petit bergier enfant, qui disoit que Dieu luy auoit enuoyé pour les y bouter. Si appoincterent de partir le lendemain au matin. Or fut ainsi que les Comtes de Vvaruic, & de Suffort, sceurent ces nouuelles. Si cheuaucherent à leurs iournees tant qu'ils vindrent à Nully pres de Beauuais. Si conclurent lefdits Anglois d'aller le lendemain au matin deuant Beauuais. Et lefdits François conclurent de partir ledit iour au matin pour courre sur lefdits Anglois qui estoient audit Nully: & aussi pareillement le conclurent les François de Beauuais, & se rencontrerent l'un l'autre à vne lieue pres dudit Beauuais; & ordonnerent les Anglois leur bataille en vne vallee, & les François en vne montaigne. Iceulx Anglois gaignerent la montaigne sur les François, & les François ordonnerent frapper sur les Anglois à cheual, & couchierent leurs lances pour frapper sur eux. Et ledit Pothon frappa d'un costé, cuidant que le Marechal frappast d'un autre. lequel Marechal, & sa puissance retourna à Beauuais. Et ledit Pothon frappa dedens les Anglois à tout vingt cinq lances, & là fut prins, & partie de ses gens morts, & le demourant qui eschapperent s'en retournerent audit Beauuais. Et fut prisonnier ledit Pothon du Sire de Tallebot, lequel il auoit prins à la iournee de Patay.

Celuy an mesmes aussi fut prinse la ville de Montargis des Anglois.

1431. L'An mil cccc. trente & vng vn des gens de Messire François de Surienne dit l'Arragonnois, nommé le Bourg de Iardres, s'accointa d'une Damoiselle qui estoit amoureuse du barbier du Seigneur de Villars, lequel Seigneur estoit Capitaine de Montargis. Si traicta à ladite Damoiselle, tellement qu'elle luy promit le bouter dedens le chastel de Montargis, parmy ce qu'il luy promit qu'il l'espouserait. Et icelle Damoiselle le creut, pensant qu'il dist vray, & vint audit barbier qui la maintenoit, en luy disant qu'elle le ferait riche, si la vouloit croire, & tant que elle luy dist tout le secret. Non pas que l'autre luy promist de l'espouser: mais luy

luy dist qu'on luy deuoit bailler deux mil escus quant ils monteroient sur les murs, & demoureroient en leur maison. Et sil le vouloit accorder, elle seroit contète qu'il l'espousast, & auroit la moitié de ce tresor. Et ledit barbier pensant estre le mieulx aymé sy accorda. Et elle, qui vouloit nouuel amy, estoit contente de sa destruction pour le dernier venu, lequel n'auoit volenté de l'espouser ne de luy faire bié. Et ainsi vindrent les ennemis deuât ladite ville quant ils sceurent que le faict de ladite Damoiselle estoit seur. Si se mirent au pié dudit chastel, & eschellerent à l'endroi& de l'hostel d'icelle Damoiselle, & monterent audit chastel. Et estoit ladite Damoiselle, & ledit barbier ensemble pour leur aidier à entrer dedens, & ainsi gagnerent la place. Et ledit Bourg eut vne grant somme de deniers, & demourerent depuis lesdits barbier & Damoiselle meschans & desesperez, & au derrenier sont morts de faim. Et le Sire de Villars à celle cause demoura longuement en la malle-grace du Roy, & du monde, pource qu'il n'auoit autrement pourueu à la seureté & garde de ladite place de Montargis.

En ce temps le Duc de Berthefort vint mettre le siege deuant Laigny, & au dedens estoit Capitaine Messire Iean Fouquault du pays de Limosin. Et se gouerna ledit Capitaine à la garde de ladite ville bien & grandemēt tant que ledit siege dura. Cependant le Roy manda ses chiefs de guerre Monseigneur de Richemont Connestable de France, Monseigneur le bastart d'Orleās, Monseigneur le Mareschal de Rieux, Messire Loys de Cullant Admiral de France, la Hire, Poton, Rodigues de Villédras, & plusieurs autres qui vindrent par leurs iournees à Braie-Comte-Robert : & de là marchierent & vindrent deuant Laigny à moult belle ordonnance, & faisoit l'auant-garde mondit Seigneur le Mareschal de Rieux, & ledit Rodigues avecques luy. Ledit Duc de Berthefort auoit fait faire vn pont au dessouz de ladite ville sur la riuere de Marne, par où il passa luy & sa compaignie des Anglois pour vouloir combattre les François : & se mist en bataille quant il eut passé ladite ville & la riuere, & marcha iusques à vne petite riuere qui est entre le chastel de Crecy, là où lesdits François

L

1431.

estoyent au long d'icelle petite riuere tous en bataille. Là eut de grans armes faictes de François & d'Anglois à vouloir passer celle riuere. Conclusion, ledit Duc retourna vers ladite riuere de Marne:& lesdits François monterent à cheual, & allerent pour recouurer ledit Laigny plus hault du costé deuers Meaux en Brie. Et quant ledit de Bethesfort, & les Anglois virent la maniere que iceulx François tenoient, tournerent pour venir au deuant d'eulx. Mais ils n'y peurent venir à temps, qu'ils n'eussent l'entree de ladite ville de Laigny. Or estoient tous les Anglois à pié, & n'auoient nuls chevaux,& estoient hors d'aleine,& en cheminant aucuns desdits François, qui estoient à cheual, frapperent sur les premiers Anglois, pour les mettre en desarray d'une part & d'autre. Entre les autres y mourut le Sire de Xaintrailles frere dudit Poton,& de quarante à cinquante que François que Anglois. Et quant les Anglois apperceurent que les François entroient à moult grant puissance dedens la ville, ils s'en retournerent passer à leurdit pont. Et lors grant partie desdits François s'en allerent passer la riuere de Marne à deux lieuës de Meaulx, pour frapper sur ledit siege desdits Anglois. Et la nuit le Duc de Bethesfort, & sa compaignie s'en allerent à Paris,& ainsi fut leué le siege dudit Laigny.

*Ms. Guil-
lain,

En ce temps fut noble homme Messire* Guillaume, Seigneur de Barbazen, gouverneur de par le Roy en sa Comté de Champaigne,& vint mettre le siege deuant le chastel de Chappes, à quatre ou cinq lieuës de la ville de Troyes. Et luy estant audit siege vint à son siege le Duc René de

*Sicille.

Bar frere du Roy Loys de *Cecille, Duc d'Anjou, à tout cinq cens combatâs ou enuiron. Et fut ainsi, que les Bourgoingnons se assemblerent à grant puissance pour venir secourir ladicte place, qui estoit à vn tenant leur party nommé Jacques d'Aumont. Et estoient en somme tous lesdits Bourgoingnons, tant de la Duchie que de la Comté,& des pays d'enuiron, dixhuiet cens Cheualiers & Escuyers, lesquels vindrent pour cuider leuer ledit siege, & ferirent dedens, leurs bannieres & estendars desployez, & se mirent à passer vne chauce, & là trouuerent des gens de Monseigneur de Barbazen, lesquels combattirent main à main les

uns contre les autres sur ladiſte chauce, en telle maniere que leſdits Bourgoingnons tournerent tous en fuitte, & y fut prins vn Cheualier nommé Meſſire Salladin d'Englennne, & Meſſire Charles de Rochefort. Et ſen retournerent leſdits Bourgoingnons en defarroy, & puis monterent à cheual, & ſen retournerent en leur pays. Et adonc fut rendue ladiſte place audit Seigneur de Barbazen, & les deux plus vaillans François qui là eſtoient furēt Meſſire Paillard d'Ulphé Cheualier du pays d'Auuergne, & le Sire de Rouſſay du pays de Normadie. Puis apres ſe leua guerre entre le Duc de Bar, & le Côte de Vaudemont[* & tellement, que le Duc de Bar miſt le ſiege deuant la ville & le chaſtel dudit Vaudemont.] Et incontinent ſe partit le Côte, & vint demander ſecours au Duc de Bourgoingne, lequel Côte auoit vne fille qui eſtoit eſpouſée au Seigneur de Crouy, lequel Seigneur de Crouy fut fort aidant à ceſte occaſion audit Comte pour le Duc de Bourgoingne. Si enuoya ledit Duc de Bar pareillement es Allemaignes requerrir pluſieurs Côtes, & autres ſes parés & amis. Et pareillemēt enuoya iceluy Duc de Bar deuers le Sire de Barbazen Gouverneur de Champagne, lequel Seigneur de Barbazen luy amena à ſecours quatre cens lances, & les Archiers. Et ainſi ſe partit ledit Duc de Bar de ſa ville de Nancy accōpagné de belle & grande compaignie de gens de guerre. Et cheuauchèrent par leurs iournees tant qu'ils furent au deuant des Bourgoingnons, Sauoyſiens, & Picards. Et quant leſdits Bourgoingnons ſceurent que ledit Duc de Bar eſtoit pres d'eux, ils ſ'en cuidèrent retourner. Si y auoit vne riuere entre eulx, & le landemain au point du iour ſe meirent à chemin pour retourner en Bourgoingne. Et lors ledit Duc de Bar, & ſes batailles cheuauchierent apres eulx, & leur furēt au deuant à vne petite fortereſſe nomme Bellemenuille. Leſdits Bourgoingnons, & le Comte de Vaudemont, quāt ils virent l'ordonnance dudit Duc de Bar, ſi tournerent le dos à vne petite riuere, & de l'autre coſté ſe fortifierent de leur charroy, & d'un grant foſſé. Et lors iceluy Duc de Bar, & le Sire de Barbazen leur coururent ſus en leur dite fortification, & faillirent les Bourgoingnons ſi vertueuſement ſur ledit Duc de Bar, & ſa compaignie, qu'ils le deſconfirēt,

* Cery a eſté adjoinſté du Ms.

L ij

1431.

& eurent lesdits Bourgoingnons la victoire. Là furent prins le Duc de Bar, l'Euefque de Mets, & le Sire de Rodemac. Et y furent morts le Sire de Barbazen, le Comte de Chauines, & plusieurs autres Barons, Cheualiers & Escuyers des Duchiez de Bar, & de Lorraine, & des pays d'Allemagne, & les Seigneurs de Commercy, & de Conflans: & plusieurs autres qui estoient de cheual pour ce iour à l'aide dudit Duc de Bar, les vns s'en fouirent, & les autres demourerent morts ou champ. Et auoit avec luy ledit Duc de Bar pour ce iour hui& mil hommes d'armes & quatre mil hommes de pié, lesquels gens de pié se sauluerent. Et ledit Comte de Vaudemont auoit avecques luy pour ce iour hui& cens lances Picards, Bourgoingnons, & Sauoisien. Et estoient pour lesdits Bourgoingnons le Sire de Vergey, Messire Anthoine de Tholangeon Marechal de Bourgoingne, Messire Anthoine de Vergey, le Sire d'Aultre. Ceux de Sauoye, le Sire de Varembon, Messire Ymbert Marechal, Messire Thomas Gargaren Cheualier Anglois, Capitaine de Nogét-le-Roy. Des Picards Messire Symon de Lalain, Messire Iean de Crouy, & plusieurs autres, & six cens Archiers de Boulenois. Et moururent à ceste besongne de mil à douze cens hommes, Barrois, Lorrains, Allemans, & François. Et fut ainsi la iournee perdue.

En celuy an vn compaignon charretier, qui demouroit à Chartres, auoit vn frere qui demouroit à la Cour du Roy avecques vn des Seigneurs des finances, par le moyen duquel il fit tant à son frere qu'il eut vn saufconduit pour mener vne charrette chargee de denrees d'Orleans à Chartres, & de Chartres à Orleans. Son frere praticqua avecques luy comment l'en pourroit prendre Chartres pour le Roy. Et la maniere de le prendre fut, que à la porte deuers les Cordeliers, du costé deuers Vendosme auoit vne caue où l'en bouta de hui& cent hommes de pié: & ledit charretier vint arriuer à porte ouurât à la barriere, & entra dedés, & sur le pont leueiz laissa sa charrette. Et lesdits cent hommes, qui estoient en ladicte caue, adonc saillirent qui trouuerent la barriere ouuerte, & tuerēt les portiers. Et Messieurs de Dunoy & de Gaucourt estoiet à vne grosse lieuë de là, & au signe que l'en leur faisoit venoient bien trois.

mil combatans dedans ladicte ville de Chartres: dedens laquelle estoient en garnison bien six vingts hommes d'armes du pays d'Angleterre, lesquels ne pouoient estre si tost prests que furent ceux de l'ébusche dudit Sire de Dunoy. Et ainsi quāt lesdits six vingts hommes d'armes virent qu'ils n'estoient pas les plus forts, ils s'en fouyrent par la porte d'Eureux. Et ainsi fut ladicte ville de Chartres gaignee, & y fut tué l'Euesque, lequel auoit fait faire grans deffences en icelle ville; & en soy retirāt fut tué sur les degrez de son Eglise Cathedrale. 1431.

L'An mil cccc. trente & deux fut prinse la ville de Montargis sur les Anglois, des gens du Roy. Et furent ordonnez pour la garde le Sire de Grauille, le Sire de Guitry, & plusieurs autres Capitaines de gens-d'armes, lesquels tindrent la ville contre le chastel par l'espace de cinq sepmaines. Et estoient en ladicte ville que à pié que à cheual de cinq à six cens bons combatans: & ladite ville estoit moult bien emparee contre ledit chastel pour la garde d'icelle. Et estoit ou moys d'Aoust que les bleds estoient bons à mangier, lesquels estoient iusques sur les fossez de ladicte ville. Neantmoins se partirent lesdits Sires de Grauille, & de Guitry, & tous les autres Capitaines estoient contens de demourer. Mais ledit de Grauille ne le voulut, & desemparèrent ladicte ville, dont ce fut grand pitié. Et le landemain arriuerent les Anglois en ladicte ville, & se retrahirent les François oultre la riuere de Loire. Le Sire de la Trimouille sceut ces nouuelles, lequel estoit des plus pres du Roy, & en plus grant gouuernement, qui en fut moult courroucié. Neantmoins que petite diligence y auoit faite, dont toutes gens de bien furent mal contents. Lesdits Anglois se partirent dudit Montargis, & vindrent deuant Milly en Gastinois, & le prindrent, & ardirent forteresse, & Monstier, & prindrent le Bois-males-herbes, & y laisserent des Anglois. La perte dudit Montargis fut cause de bouter ledit Sire de la Trimouille dehors du gouuernement du Royaume. Le Roy estant ou chastel de Chinon, & ledit Sire de la Trimouille couchié en son liēt; si entrerent par derriere le chastel dudit Chinon par vne poterne à celle heure que leur 1432.

1432.

ouurit Oliuier Fetart dudit Chinõ, lieutenant du Capitaine le Sire de Gaucourt: & entrerēt dedens le Sire de Bueil, le Sire de Coeſtiuy, & plusieurs autres accõpaignez de huiſt vingts à deux cents hõmes. Et ainſi entrerēt dedes le chaſtel dudit Chinon. Ledit Sire de la Trimaille eſtoit en ſa chambre, & y eut vn deſdits gens-d'armes qui luy donna vn coup d'eſpee parmy le ventre. Ainſi fut prins par ledit Sire de Bueil nepueu de ſa femme, & fut mené en vn ſien chaſtel nommé Montreſor. Le Roy fut fort effrayé, & troublé quāt il ouyt le bruit, & la Roynne le rappaiſa, & demoura en patience. Et des ce temps entra en gouuernement Monſeigneur Charles d'Anjou. Ledit Sire de la Trimaille paya ſix mil eſcuz au Sire de Bueil ſon nepueu, & fit deliurer le Vicomte de Thouars, qu'il tenoit priſonnier à Chaſtillon ſur Indre.

En ce temps ſe partit de Lucques l'Empereur Sigifmond pour ſ'en aller faire couronner à Rome, & auoit enuoyé ſes Ambaſſadeurs avecques ſes freres, & ſes lettres patentes ſcellees d'or, en promettant au Pape Eugene qu'il venoit à Rome par le bon plaifir de luy pour receuoir la courõne Imperiale, & eſtre ſacré, & confirmé cõme Empereur tres-Chreſtien, & vray fils de ſaincte Eglise. Et furent publiques ſes lettres, & ouyes en la preſence de toutes les nations Chreſtiennes qui là eſtoient, le Pape preſent, & les Cardinaux, Patriarches, Archeueſques, Prothenotaires, Eueſques, Princes, Barons, Nobles, & gens de tous autres Eſtats. Et promirent leſdits Ambaſſadeurs par la vertu de leurs lettres, que ou cas qu'il plairoit au ſainct Pere couronner, & ſacrer ledit Empereur en la citē de Rome, que au Royaume des Romains ne demanderoit aucun droit, ſi non ſeulement eſtre couronné & ſacré. Et ledit Empereur venu à Rome allerent au deuāt de luy tous les Cardinaux, & autres gens deſſusdits. Avecques ledit Empereur auoit Princes & Ducs d'Allemaigne, de * Behaigne, & de Hongrie, tous ſes ſubieſts, & auoit trois ou quatre Princes de Turquie, & de Tartarie, qui eſtoient ſes priſonniers, que on menoit avecques luy. Leſquels eſtoient gardez ſoigneuſement. Et auoit en ſa compaignie de trois à quatre cēs Cheualiers, & ainſi entra dedens Rome. Les Romains vin-

* C'eſt Bohème,

drent au deuât de luy à demie lieuë de ladicte cité. Et vint de chacune legion, qui sont douze legions, cinq cens personnes tous vestus de liurees deuant l'Empereur. Et auoit vn hōme tenant vn cheual par la bride, & cinq autres cheualx attachiez à la queue l'un de l'autre, qui auoient chacun cheual deux panniens chargiez de monnoye, & y auoit gens d'un costé & d'autre qui iettoient ladicte monnoye à poignées parmy les rues sur les gens qui les regardoient venir. Et ainsi entra à Rome, & vint descendre à l'Eglise de S. Pierre de Rome. Et quant il fut dedens, là fit son oraison, & de là s'en alla à son hostel. A son entree y eut moult de merueilleuses choses faictes, qui longues seroient à escrire. Le lendemain vint l'Empereur à la Messe à saint Pierre de Rome, & le Pape chanta la Messe, & l'Empereur dit l'Euangile en habit de Diacre. Après la Messe le Pape le couronna, & sacra deuant tout le monde. Il fut à Rome par l'espace de trois mois, & mourut des siens par trop boire & mangier bien trois cens hommes; pour ce que les vins de pardela sont trop forts, & les viandes chaudes, & l'air aussi est trop chault: & ou pays desdits gens est l'air froid, qui est chose bien contraire à iceluy air de Rome, qui est tres-chault, comme deuant est dict. Et pource moururent de fieures chaudes, & de plusieurs autres maladies iceux gens dudit Empereur à la cause dite. Et puis apres se partit ledit Empereur de Rome, & s'en alla à Florence, & de là à Venise, où il fut grandement festoyé, & de là en son pays de Hongrie.

En celuy an fut mis le siege par les Anglois à saint Celerrin au pays du Maine. Si delibera le Sire de Bueil de courre sur ledit siege pour porter dommage ausdits Anglois: & fit assaouir aux Capitaines estans es garnisons des forteresses des parties denuiron, comme de Lual & de Sablé, & entour les parties dudit lieu, qu'ils fussent tous prests à vn iour nommé. Si se vindrent logier aucuns des Capitaines en vn village nommé Viuain. Et sceurent lesdits Anglois qu'ils estoient là, & qu'ils se assembloient pour leur venir courre sus. Et adonc partirent lesdits Anglois de leur dit siege, & vindrent audit village de Viuain, où ils trouuerēt les François repaisans, & combattirent tellement qu'ils furent mai-

1432.

stres desdits François, en les prenant, & en tuant. Et en ce faisant arriuerent les Sires de Bueil & de Toré, avec lesdites garnisons, & se frapperent dedens en telle maniere, que mil & cinq cens Anglois y furent destrouffez. Et quāt ceux du siege sceurent ces nouuelles, ils se meirent en fuitte. Et ainsi fut leuē le dit siege, ouquel estoient le Sire d'Escalles, & le Sire de Vvilby & aultres Anglois, qui s'en allerent en grant desoubliance.

1433.

L'An mil cccc. trente & trois, le Comte d'Arondel vint pour assieger saint Celerin, & le print: & apres vint pour assieger Silly-le-Guillaume. Et quant le Capitaine le sceut, il parla auec les Anglois, & print iour de rendre ladite place, ou cas que à ce iour à vn ourme, qui estoit pres desdites ville & chastel, ne seroient les François les plus forts, il bailleroit la place. Et de ce bailla ostages, & le Comte d'Arondel son seellé. Si s'assemblerent les Seigneurs de France à grant puissance, & y estoit le Duc d'Anjou, Monseigneur Charles d'Anjou, Monseigneur le Comte de Richemont Connestable de France, les Mareschaux de Retz, & de Rieux, les Sires de Loheac, de Grauille & de Bueil, & plusieurs autres Capitaines, & gens de guerre, iusques au nombre de six mil combatans, & vindrēt au champ, & audit ourme le soir deuant ladicte iournee, & tindrent la iournee pour le Roy de France, & là furent tant que l'heure fut passée. Le Comte d'Arondel vint de l'autre costé delà la riuiere, lequel ne osa venir audit chāp. Et quāt l'heure fut passée, rendit les ostages. Les Seigneurs de France voyans cela se partirent, & s'en vindrēt à Sablé, & lesdits Anglois demourerent audit champ, où ils estoient venuz. Et le landemain vindrent à Silly, & le prindrent: & de là à Beaumont le Vicomte, lequel ils prindrent pareillement. Et de là s'en alla au Mans le dit Comte d'Arondel, & auoit en sa compaignie sept mil Anglois. A celle iournee tenue furent faicts Cheualiers Messire Charles d'Anjou, le Mareschal de Rieux, le Sire de Coëtiuy, & plusieurs autres.

En ce temps fut le Roy au Puy en Auvergne.

L'an

L'An mil cccc. trente & quatre fut le Roy à Vienne: & là vindrent deuers luy les Cardinaux de Chippre, & d'Arle, de par le Concile, pour le bien de paix, & les ouyt le Roy moult bien & volentiers, & leur bailla bonne & douce response. Puis se partirent, & s'en allerent à Basle sur le Rin, où se tenoit ledit Concile. Et audit lieu de Vienne vindrent aussi deuers le Roy le Comte de Clermont fils du Duc de Bourbon, le Comte Iean de Foix, le Comte de Richemont Connestable de France, le Comte de Comminge, & le bastard d'Orleans. Et aussy vint la Royne de Sicille fille du Duc de Sauoye, & femme du Roy Loys de Sicille, Duc d'Anjou, laquelle estoit tref-grandement accompagnée de Cheualiers & Escuyers, Dames & Damoiselles. Et l'accompaignoient le Marquis de Saluces, & le Comte de Villars, Seigneur de la Roche. Le Roy luy fit grand chiere, & vint apres soupper: & apres ce que ladicte Royne eut faicte la reuerence au Roy, dancerent longuemenr. Et apres l'en apporta le vin & les espices, & seruit le Roy Monseigneur le Comte de Clermont de vin, & mondit Seigneur le Connestable seruit d'espices. Et apres ce la Royne de Sicille print congïé du Roy, & se partit le landemain, & se mist en ses vaisseaulx dedens le Rosne, & s'en alla en Auignon, & là fut grandement receuë du Cardinal de Foix. lequel estoit Vicair du Pape, & frere du Côte de Foix, qui là estoit à celle heure, & de celuy de Comminge, & de ceux de ladicte ville d'Auignon, lesquelz luy donnerent à disner & à soupper, & à tous les gens, & les deffrayerent. Puis se partit & s'en alla à Tarascon, qui est moult bel chastel, & là fut moult grandement receuë, & entra en sondit chastel, & la recut le Gouverneur de Prouence accompagné des grands Seigneurs, & Dames du pays, & luy donnerent cinquante mil florins. Et au partir de la Messe luy donnerent de chascune ville ou chastel vaisselle d'or ou d'argent selon leur puissance, & y eut grant feste, & habondance qui dura trois iours à tous venans. Puis monta en ses gallees qui estoient dedés le Rosne au pié de sondit chastel, & eut tel vent qu'elle fut en six ou en huit iours en la cité de Naples, où estoit le Roy de Sicille son mary, que elle n'auoit oncques veu. Et ne furent que trois mois ensemble que ledit Roy mourut, dont

M

1434.

fut dommage. Car il estoit ieune Prince, tres-bel & tres-sage.

* Cery a esté
adjouste du
Ms.

Le Roy en ce temps enuoya Monseigneur le Connestable, le bastard d'Orleans, & Poton de Xaintrailles, & avecques eulz grant puissance de gens-d'armes es pays de Picardie, & prindrent la ville de Han en Vermandois [* laquelle estoit presques toute descloze, & ne valoit riens. Mais par ce que ceulx de Picardie visrent que les François leur faisoient par celle ville plusieurs grans dommages, ils leurs requisrent qu'ils voufissent prendre argent d'eulx, & la laisser. Pourquoy les vaillâs Capiraines assemblèrent leur conseil, & veans qu'elle estoit tant destruite qu'ils ne l'eussent peu tenir longuement, si cōdescendirent à leur requeste, & la rendirent; moyennât cinquante mil salus d'or, que le pays de Picardie leur dōna.] Et de là se partirēt, & s'en alerent bouter l'un ça, & l'autre là. Estienne de Vignolles dit la Hire, s'en alla bouter dedens Bretueil en Beauuoisin avecques grāt compaignie de gens de guerre avecques luy, & le tint trois mois. Mais en fin, obstant ce qu'il vit, que la place n'estoit pas tenable, il prit argent.

En ce temps mourut la Duchesse de Bourbon, fille du feu Duc de Berry, en la ville de Lyō. Et pareillement mourut le Duc de Bourbon en Angleterre.

En ce temps mesmes le Roy, quant il eut conclud avecques ses trois Estats, se partit de Viēne, & vint en la cité de Lyon, & de là s'en alla à Poictiers.

En cedit temps se mirent sus les Communes de la basse Normandie contre les Anglois. Mais le Comte d'Arondel se mist si hastiuement sus, & tint les champs douant lesdites Communes, & pensoient estre secouruz des François, & tuerent les Anglois plusieurs desdites Communes. Et quāt ils virent qu'ils n'estoient pas les plus forts, ne point secouruz, chacun d'eulz se retrahit en sa maison.

En cely an vint le Duc de Bourgoingne au pays de Beauuolloy à toute sa puissance, & print par siege Belleville, & deux ou trois autres places. Et lors le nouuel Duc de Bourbon nommé Charles assembla ses amis, & vint à grant puissance contre ledit Duc de Bourgoingne, dont il auoit espousée la seur. Si parlementerēt ensemble, & firent

leur paix. Et oultre plus prindrent iournee de faire paix entre le Roy & le Duc de Bourgoingne, & estre à Neuers pour ceste cause à vn iour dit. Et là vint à ce iour le Connestable de France, & l'Archeuesque de Reims, & parlerent ensemble, & prindrent iournee d'estre à Arras pour acheter ladite paix. Puis s'en retourna ledit Duc de Bourgoingne dudit lieu de Neuers à Paris, & de là en son pays d'Artois pour faire ses prouisions. 1434.

L'An mil cccc.trente & cinq ou mois de May, Poton de Xaintrailles, & Estiéne de Vignolles, dit la Hire, allerent pour emparer Gerberoy. Et ainsi qu'ils furent là, arriua hastiement le Comte d'Arondel, avecques luy le Bailly d'Eureux, accompagnez de mil combatans Anglois venans de Rouen à tres-grant haste. Et quant lesdits Poton, & Hire, virent qu'ils estoient en dangier d'estre perduz, & ne se pouoient retraire à Beauuais sans perdre beaucoup de leurs gens, combien qu'ils ne fussent que de quatre à cinq cens combatans, ils auiserent & conclurēt de courre sus ausdits Anglois. Et fut la Hire à cheual, & Poton à pié, & saillirent, & ferirent si vaillamment sur les Anglois, qu'ils les desconfirent. Et y eut de six à sept cens Anglois morts en la place, & y furent prins ledit Comte d'Arondel, Messire Richard d'Oudeuille, le Sire de Monterolier, & plusieurs autres, & furent amenez audit Beauuais. Ledit Comte d'Arondel fut feru d'une couleurine la iournee parmy le pié, dont il morut à Beauuais, qui fut dōmage pour ceulx qui le prindrent. Car ils en eussent eu vne grosse finance. Mais ce fut grandement le prouffit du Roy. Car il estoit vn vaillant Cheualier, & s'il eust plus vescu, il eust peu plus faire de dommage à la Seigneurie de France, & le bien de la chose publique eust fort greué. [* Et fut l'un des plus beaulx fais d'armes qui ait esté fait en France depuis grant temps, & comme le plus excellent pour peu de gens. Car nonobstant que lors n'eust avec le Comte d'Arondel que mil ou douze cens combatans, toutesfois sa grosse bataille, où auoit plus de quatre ou six mille hommes, venoit tousiours à la file. Laquelle fu tant espocntee par celle destrouffe, qu'elle s'en retourna vers Rouen sans tenir nul conuoy.] * *Adiusté du M.*

En cest an fut moult grant annee de neiges, & fit vng grant hyuer.

En iceluy an Monseigneur le bastard d'Orleans fit l'entreprise de prendre saint Denys par l'aduertissement d'un Cheualier nommé Messire Regnault de saint lean, qui estoit de l'Isle de France, & auoit avecques luy compaignon Messire Denys de Chailly. Et vint ledit Monseigneur le bastard en la ville de Tours, où lors estoit le Roy, pour scauoir fil vouloit que ladite ville de saint Denys fust prinse. Et luy compta la maniere comment il la pourroit auoir. Le Roy eut la chose tres-agreable. Si enuoya mondit Seigneur le bastard ses messagiers aux deux Cheualiers dessusdits, pour sauoir le iour qu'il seroit temps de prendre, & entrer dedens ladite ville. Si luy manderent le iour que ce deuoit estre fait. Et au iour dit pour les aidier, & conforter, leur enuoya le Capitaine d'Yeuille nommé le Bourgeois, & ses gens: & prindrent ladite ville de saint Denys, & tellement se y gouuernerent qu'ils en furent maîtres: & fut tué dedens le bastard d'Aunoy. Et à celle heure mondit Seigneur le bastard d'Orleans accompagné de gens-d'armes, & de traict, se partit de Chartres, & vint mettre le siege à Hodenc. Et print par composition les ville & chastel dudit lieu, que tenoit vn Escuyer de Beauffe tenant le party des Anglois, lequel rendit ladite place, son corps & ses biens saufs, dont il auoit pou, & s'en alla à Dreux, que tenoient lesdits Anglois. Ledit Monseigneur le bastard d'Orleans sceut les nouuelles que ladicte ville de saint Denys estoit prinse de ses gens. Et incontinent ces nouuelles ouyes vint deuers le Roy, lequel estoit à saint Aignen en Berry. Si eut le Roy conseil que ledit bastard yroit à saint Denys avecques grant nombre de gens-d'armes: & ainsi le fit. Cependant Messire Pierre de Rieux Marechal de France, qui estoit ordonné de par le Roy, de s'en aller au pays de Beauuoisis, sceut que ledit saint Denys n'estoit pas assez * garny de gens, & pource y vint pour la prouisiō de ladicte ville avec certain nombre de gens-d'armes, iusques à ce que le Roy y eut enuoyé plus grant puissance. Ledit Monseigneur le bastard arriua audit saint Denys, & de là print ce qu'il peut finer de gens, & manda Poton, la

* Ms. four-
ny

Hire, & autres des garnisons de la riuere d'Oyse. Et aussi Guillaume de Flauy Capitaine de la ville de Compiègne, & ceux du pays de Valloys, & s'en alla audit lieu de saint Denys, & à Senlis, & de là au pont sainte Maissance pour y mettre le siege. Là vindrent ceulx dessusdits que auoit mandez mondit Seigneur le bastard. Et furent dressiez engins vollans, & bombardes assorties contre la place & forteresse dudit pont. Et furent les Anglois assiegiez par terre & par eauë, & tellement que le second iour se rendit ladite place, tant furent batuz de canons & d'engins ceulx qui sur ledit pont estoient. Et rendirent ladicte place par composition, & s'en allerent. Et en estoit Capitaine vn Cheualier Gascon nommé Messire Guillotin de Lensac. Et quant ledit Messire Guillotin se fut party de là, il rencontra le Sire de Tallebot en vn lieu que l'en appelle Chambely, lequel Tallebot quand il sceut ces nouuelles, cuida desesperer. Et fut grandement reprins ledit Capitaine, pource qu'il n'auoit plus longuement tenu ladicte place. Mondit Seigneur le bastard, & tous les autres Capitaines, qui auoient esté audit siege avecques lesdictes bombardes, & engins se partirent, & vindrent mettre le siege à Oruille: & là arriua vn nommé Brusac, & le bastard de la Trimouille à tout six cens combatans avecques la puissance dessusdite. Ceulx de la place, qui cuidoient estre prins, iagoit ce qu'ils sceussent que les Anglois se assembloient de toutes parts pour les secourir, prirent composition de rendre ladite place du Ieudy au Dimenche ensuyuant pour tout le iour. La Hire qui estoit allé courre vers Paris, print des gens, parquoy il sceut au vray que les Anglois venoient à tout grant puissance. Si delibererent, ces nouuelles oyes, les François qui deuant icelle place estoient, veu qu'ils auoient icelle place par composition au iour dit, d'eulx en aller, & trousserent leurs canons & engins, & s'en allerent toute nuit audit saint Denys, & emmenerent leurs ostages dudit Oruille. Et le landemain eurent conseil les Chieffs de guerre, & Capitaines de France, qu'ils yroient deuant saint Ouyn, courre l'une partie d'eux. Cest à sçauoir la Hire, Monseigneur le bastard d'Orleans, & Monseigneur le

1435.

Mareschal de Rieux se yroient embuscher en la Villette saint Ladre, & se lesdits Anglois sailloient de saint Ouyn à courre sus ledit Hire, lesdits bastard, & Mareschal le viendroient secourir. Et ainsi le firent les François, & coururent deuant saint Ouyn, & tuerent des Anglois, & prindrent prisonniers les Anglois qu'ils trouuerent cueillās des bleds pour les cheualz de l'ost du Roy. Lesdits Anglois, qui estoient dedens saint Ouyn, saillirent aux champs, & se mirent en bataille. La Hire s'en alla deuant Paris à tout deux cens lances. Si s'en vindrent les Anglois tous à pié en bataille, & le bastard de saint Pol avecques eux pres du chāp du lendit, pour cuider couper chemin ausdits François. Et quant lesdits François les apperceurent, ilz se mirent ensemble, & saillirent de leur embusche, & prindrent leur chemin par bonne ordonnance tous à cheual au dessus de Hauberuillier. Et entre eulx & lesdits Anglois, il y auoit vne petite riuere qui part dudit Hauberuillier, & entreurent sauuément toute la compagnie dedens ledit saint Denys par la porte par où l'en va au Bourget. Et lesdits Anglois s'en retournerent chacun en leur logeis, qui estoient bien quatre ou cinq mil combatans, & estoit leur chief le Sire de Tallebot. Le landemain s'assemblerent lesdits Anglois de tous costez, & partirent ledit Sire de Tallebot, le Sire d'Escalles, & autres Seigneurs Anglois de saint Ouyn, & vindrent tenir la iournee à Oruille, & demourerent tout le iour au champ. Et n'y vindrent point les François, pour ce qu'ils n'estoient pas assez de gens. Et cependant que lesdits Anglois estoient audit Oruille, les François passerent la riuere de Seine en vne petite Isle où il y auoit vne bastille, & passerent en vne nasselle quatre à la foiz. & tant qu'ilz y passerent enuiron soixante, dont estoit chief vn Gentilhomme de Normandie nommé Flocquet. Si les apperceurent les Anglois, qui auoient fait ladite bastille en icelle isle, & estoient ja dedens le bout de ladite isle. Si partirent enuiron six vingts de leur dite bastille pour courre sus ausdits soixante François, lesquels François ne pouoient foyr sans eulz noyer. Si se combatirent si vaillamment, qu'il y eut enuiron soixante Anglois morts en la place : & les autres qui se peurent sauuer s'en foyrent en leur dite bastille.

Ledit Floquet portoit ce iour en sa lance le Duc de Be-
 thefort pendu pour aucune defraison qu'il disoit luy auoir
 faite, parquoy s'il eust esté present à tout la lance, il eust esté
 en dangier de morir. Quant ceulz de la ville virent cecy, ilz
 apportèrent nasselles à leur col, & passerent la riuiere avec
 les autres. Et plusieurs autres passoient en cuues à fouller
 vendanges, & tant qu'ils passerent bien six cens combatās,
 & vindrent assaillir ladite bastille. Et mesdits Seigneurs le
 bastard, & Mareschal passerent en ladite isle pour faire re-
 passer leurs gens par bonne ordonnāce, afin qu'ils ne char-
 geassent trop lesdites nasselles. Car si elles fussent enfon-
 cees en l'eauë, leurs gens estoient en voye d'estre noyez &
 perduz; combien qu'ilz eussent prins ladite bastille s'ils eus-
 sent eu des eschelles. Si repasserent toutes leurs gens, & s'en
 retournerent en la ville sans perdre vn tout seul homme, &
 demourerēt lesdits Seigneurs en l'isle tous les derniers. Les
 Anglois de ladite bastille n'oserent oncques *ferir sur les *M. char-
 derreniers, de paour qu'il n'y eust embusche au long de l'is- gicr
 le. La puissance des Anglois retourna ce soir logier les vns
 en l'isle, & les autres à Argentueil. Le landemain au matin
 sceurent Messeigneurs les bastard, & Mareschal, par vn
 Anglois qui fut prins, que le siege leur venoit à saint De-
 nys. Si delibererent que mondit Seigneur le bastard yroit
 deuers le Roy pour auoir secours, & ledit Mareschal de-
 moureroit dedens la ville. Et fut ordonné de par le Roy
 que ledit Monseigneur le bastard, & le Duc d'Alençon en-
 traissent en Normandie pour faire leuer les Anglois du sie-
 ge dudit saint Denys. Si allerent eulx deux oudit pays de
 Normandie, où ils ne firent riens sinon eulx donner peine,
 & s'en retournerent les gens-d'armes viure sur la riuiere de
 Loire. Et cependant Pierre Jaillet, & Messire Sapin d'En-
 gennes avecques leur compaignie, prindrent d'eschielle le
 pont de Meulenc par la riuiere. Et apres mondit Seigneur
 le bastard amassa grant compaignie de gens, lesquelz furēt
 payez de l'argent du Roy, pour aller leuer le siege de deuāt
 saint Denys, dont estoit avecques luy le Sire de Loheac a-
 vecques six vingts lances pour Messire Charles d'Anjou, le
 bastard de Bourbon, Anthoine de Chabannes, & Regnault
 Guillau de Bourguignen, Messire Florent d'Illiers, Thi-

1435.

bault de Tarmes , Girault de la Pailliere , le Bourg de Masquaré, & plusieurs autres Capitaines iusques au nombre de quatre mil combatans, & se mirent à chemin & vindrent à Chartres, & cheuaucherent toute nuit, & faillirent à prendre Mente en passant, & se rendirent au pont de Meulenc tous les Capitaines pour aller audit saint Denys, & là eurent nouuelles certaines que Monseigneur le Marechal auoit fait composition de rendre ladite place de saint Denys dedens le Lundy prochain, dont c'estoit composé le Vendredy precedent. Et s'en vendroient les François avec leurs cheualx, & leurs harnois, & tout ce qu'ils en pouoient emporter, & les gēs de ladite ville qui y voudroient demourer si y demourroient seurement sans auoir aucun mal, & qui s'en voudroit aller s'en yroit. Et quant Monseigneur le bastard le sceut, & qu'il luy sembla que le traictié estoit bon, il delibera de ne point faire haster son ost, regardant que le terme de rendre ladite place estoit trop court, veu le tour qu'il leur falloit prendre à aller passer la riuere d'Oyse à Pont sainte-Maissance. Et cependāt fut sceu que Messire Thomas Kiriell, & Matagou Capitaine du Mans, venoient ce soir à Pontoise pour estre à la iournee de saint Denys. Si se partirent de Meulenc les Sires de Lohéac, & de Bueil, & se mirent en embusche sur le chemin de Pontoise. Et vindrent les Anglois sur le anuytier, & les François faillirent sur eulx, & ne veoit-on goutte : & crièrent saint Denys. Et quant les Anglois les oyrent, se mirēt en fuite. Ledit Matagou fut ietté à terre de coups de lances, ou son cheual trespucha. Parquoy vn homme d'armes fuyant parmy les champs luy dist, Rens toy, pour ce qu'il le trouua à pié, & ledit Matagou se rendit à luy. De la vaillance n'en fut autrement, mais ce soir fut amené au coucher à Meuléc. Et Messire Thomas Kiriell, & les autres Anglois s'en allerent où ils peurent. Le landemain se partit l'armee, & s'en allerent à Chaumont en Vulqueffin, & le landemain apres allerent à Beauuais. Et là vint Monseigneur le Conestable, lequel auoit esté à deux lieues de saint Denys, avecques tous les Capitaines de la riuere de Seine, lesquels estoient en moult grands poins, & en grans habillomēns. Et virent qu'ilz estoient bien peu pour
ferir

ferir sur vne si grosse puissance comme auoient les Anglois 1435.
 & Bourgoingnons ainsi fortifiez qu'ils estoient: & s'en retournerent avecques mondit Seigneur le Conestable à Beauuais, & chacun s'en alla en ses garnisons. Et les autres qui n'auoient garnison s'en retournerent avecques lesdits Seigneurs deçà Loire. Et le Mareschal de Rieux, & ceulz qui auoient esté dedens ladite ville de saint Denys, si se y gouvernerent notablement & grandement, veu que la place estoit foible [* & grande. Durant lequel siege y eult de grans armes faites par ceulx de dedés, entre lesquelz estoit le Bourgeois] qui moult porta de dommages aux Anglois, & si fist aussi Messire Regnault de saint-Jean Cheualier de l'Isle de France, qui auoit fait l'entreprinse de prendre ladite ville, & y fut tué en la deffendant contre lesdits Anglois, & aussi y fut tué vn Cheualier nommé Messire Denys de Vaucourt, dont fut grand dommage. Car c'estoient deux vaillans Cheualiers, qui furent moult plaincts. Et ainsi se partirent les François dudit saint Denys à tout leurs biens, cheuaulx, & harnois, & leur tindrent lesdits Anglois leur composition.

* Adionné
du Ms.

En ce temps fut faicte paix entre le Roy & le Duc de Bourgoingne en la cité & ville d'Arras. Et là eut moult de noblesse des Seigneurs & Prelats de France, de Bourgoingne, de Picardie, & d'Angleterre. Et y estoient pour le Roy le Duc de Bourbon, le Comte de Vendosme, Christofle de Harcourt, & l'Archeuesque de Reims Chancelier de France, & Maistre Adam de Cambray premier President de Parlement. Pour le Roy d'Angleterre y estoient les Comtes de Vvaruic, & d'Estaffort, le Cardinal de Vicestre oncle du Roy d'Angleterre, & deux Euesques, avecques plusieurs Cheualiers. Et avecques le Duc de Bourgoingne estoient le Duc de Guerles, le Duc de Mons, l'Enfant de Cleues, le Comte d'Estampes, le Côte de Ligny, le Comte de S. Pol. Pour le Pape estoit le Cardinal de sainte Croix, pour le Concile le Cardinal de Cypre. Et les dessusdits presens fut faicte la paix entre le Roy & le Duc de Bourgoingne. Mais les Anglois n'y voulurent entendre, jaçoit ce que le Roy leur laissoit la Duchie de Normandie, pourueu que le Roy d'Angleterre luy en feroit hommage: & le Roy d'Angle-

N

1435.

terre luy deliureroit Paris , & les forteresses qu'il tenoit en France, entre Loire & Somme, qui n'estoient de la Duchie de Normandie. Et leur laissoit le Roy pareillement tout ce que le Roy d'Angleterre tenoit à l'heure en la Duchie de Guienne. Et de ceste offre ne voulurent riens accepter lesdits Anglois , & se partirent mal contents de ladicte ville d'Arras. Et les autres parties s'en partirent tres-contens & ioyeux. Vng pou apres fut prinse la ville de Dieppe deux heures deuant le iour par le port. Et firent l'entreprinse le Mareschal de Rieux , & Charles des Marets, & gaignerent en ladicte ville moult de biens & de richesses. Car les Anglois y auoient le plus retraict du leur , pour ce que c'estoit vne bone ville, & là trouuoient tousiours leur passage pour aller en Angleterre.

En ce temps ou pou apres mourut la Royne Isabeau de Bauiere, & fut enterree à sainct Denys empres le Roy Charles vi. son mary.

En ce temps les Communes de Caux sceurent comme lesdits François auoient prins ladicte ville de Dieppe , & comment ils auoient doucement traictié les gens de ladicte ville. Si vindrent faire scauoir aucuns notables du pays de Caux audit Mareschal, qu'il assemblast gens d'armes de son costé, & que eulz , & grant partie du commun se trouueroient tous ensemble à vn iour qui seroit dit, & ainsi le firent. Et de ce Commun estoit chief vn nommé Quarnel. Et lors se mist aux champs ledit Mareschal , & ses gens de guerre des frontieres de pardela, & Poton de Xaintrailles, & Gautier de Brusac, le Sire de Monterollier , & plusieurs autres Capitaines prindrent Fescamp , & Harfieu d'assault. Ouquel assaut mourut le Sire de Monterollier: & prindrent par composition l'Isle-bonne, Longueuille, Tancarville , & plusieurs autres forteresses du pays de Caux.

Celuy an se reduisrent les villes de Corbueil, & Brie-Comte-Robert: & les rendit vn nommé Ferrieres aux gens du Roy, & en print argent. Et aussi se rendit la ville de Pontoise , & fut prins d'eschielle le dongeon du Boys-de-Vincennes, par vn Escossois qui estoit dedens avecques les Anglois, & de leur compaignie. Et vne nuit qu'il faisoit le

guet à la grosse tour, bouda les François dedens par eschelle. Il se descourrit à l'Abbesse de saint Anthoine des Champs lez Paris, laquelle le rescriuit à Messire Denys de Chailly à vne course qu'il faisoit deuant Paris, par vne bonne vielle femme. Et en eut ledit Escossois pource faire certaine somme d'argent, & tous les biens du Capitaine qui lors estoit à Paris: & en fit l'entreprinse vn des gens de Messire Denys de Chailly nommé Guillaume de la Barre, lequel par la tour dudit dongeon l'eschella accompaigné de dix compaignons de guerre seulement: & le print à l'ayde dudit Escossois, la veille de Karesme-prenant.

1435.

L'An mil cccc. trente & six Monseigneur le Conestable de France fut à Pontoise, & delibera de bouter ses gens en garnison à S. Denys, lequel estoit abbatu, & deséparé du siege qui parauant y auoit esté, & y vouloit mettre garnison pour nuire à la ville de Paris que tenoient les Anglois en leur obeissance. Lesquels Anglois sont diligens de sçauoir la conuine de leurs ennemis plus que les François, & sçeurent que ledit Conestable partoit dudit Pontoise pour venir audit saint Denys. Et lors se partit de Paris vn Cheualier Anglois nommé Messire Thomas de Beaumont pour tenir la ville, & la garder contre les François, & amena en sa compaignie six cés Anglois. Et pou apres la guette de saint Denys vit venir les coureurs des François, & sonna à tout. Et incontinent ledit Messire Thomas de Beaumont, & ses gens d'armes & de trait saillirent hors de ladicte ville à cheual, & à pié, & passerent par vn pont vne petite riuere qui passe pres de ladicte ville, & tombe en Seine. Et pres de là trouuerent les coureurs dudit Conestable, & chargerent sur eux, & les poursuuiurent, & recullerent iusques à vn village pres de là qu'on appelle Espinay. Et lors ceux de la bataille des François qui venoient de Pontoise se rassemblerent, & rebouterent les Anglois iusques pres du pont d'icelle petite riuere descendant en Seine. Et incontinent se mirent en ordonnance d'vn costé & d'autre, & combaterent tres-longuement les vns contre les autres, tant qu'à la fin les Anglois furent desconfits, & chassiez par ladicte ville de saint Denys, & par dehors en les tuât,

N ij



1436.

& prenant prisonniers iusques aux portes de Paris. Et là fut prins ledit Messire Thomas de Beaumont, & furent morts en la place, & en la chaste quatre cens cinquante Anglois, & le demourant prins & mis en fuite. Et lors mondit Seigneur le Connestable, & en sa compaignie le Sire de la Suze frere du Marechal de Rez vint presenter la bataille deuant Paris. Dont ceulx de la ville quand ils virent celle puissance arriuer, & sceurent les nouuelles de leurs gens morts, & prins, si furent esbahis. Les conseillers & gouuerneurs de ladicte ville, & autres qui tenoient le party du Roy d'Angleterre pour leur souuerain Seigneur, en furent aussi bien troublez & esbahis. Et bien tost apres vindrent nouuelles à mondit Seigneur le Connestable, lequel estoit retourné à Pontoise, par aucuns de Paris, qu'il voulsist venir deuant ladicte ville du costé de la porte saint Iacques le Vendredy deuant Quasimodo: & que se il se vouloit faire fort que tout ce qui auroit esté fait contre le Roy, & ses subiects par ceux de Paris leur seroit pardonné, voulsissent les Anglois ou non, ils bouteroient ledit Connestable dedens Paris par la porte saint Iacques. Et ainsi leur promit mondit Seigneur le Connestable, & qu'il les tiendroit seurs & paisibles. Et de ce leur enuoya par lesdits messagers lettres d'abolition du Roy, & pareillement mondit Seigneur le Connestable de sa promesse. Dont ceulx de Paris bienveillans du Roy furent tres-contens ces parolles ouyes de tenir leur promesse. Et le Ieudy ensuyuant mondit Seigneur le Connestable partit de Pontoise, & s'en alla passer la riuere de Seine au pont de Meulenc. Et estoient avecques luy le bastard d'Orleans, le Sire de la Suze, le Sire de l'Isle-Adam, & le Sire de Ternant, & autres Capitaines. Et vindrent au point du iour le Vendredy d'apres Pasques deuant Paris. Et là ceulx de ladite ville, qui tenoient secrettement le party du Roy, les bouterent dedens. Et quant les Anglois & officiers du Roy d'Angleterre le sceurēt, ils se bouterent tous dedens la Bastille saint Anthoine. Et aussi fit Messire Loys de Luxembourg Euesque de Therouenne, & Chancelier de France pour le Roy d'Angleterre. Et incontinent ledit Connestable, & les Seigneurs François dessusdits, & ceux qui estoient dedens Paris nos Anglois mirēt

le siege deuant la Bastille, & la prindrent par composition, 1436.
& s'en allerent tous ceux qui estoient dedens, leurs corps
& biens saufs. Et en l'hyuer d'iceluy an fut prinse Pontoise
d'eschielle par les Anglois, & estoient dedens les Sires de
Vvarembon, & de Rostellain, lesquels s'y porterent lasche-
ment. Car si tost que les gens de la ville crierent alarme, les
dits de Vvarembon, qui estoit Capitaine, & ses gens-d'ar-
mes, & ledit de Rostellain, qui y estoit venu de Paris, s'en
saillirent hors de ladite ville, & abandonnerent tout sans y
faire aucune resistance. Laquelle chose ne se debuoit pas
faire pour garder leur honneur. Car en tel cas chascun doit
courir où est le bruit, & par ce faire a eu plusieurs villes &
chasteaux sauuez en France puis la guerre encommencee.
Le Sire de Tallebot, & le Sire de Fauquembergue furent
chiefs de prendre icelle ville.

En iceluy an se disposa le Duc de Bourgoingne de met-
tre le siege à Calais, & assembla grant noblesse de ses pays,
& des Communes de Flandres à moult grant nombre de
charroy, d'artillerie, de bombardes, & de viures: & vint de-
uant ledit Calais du costé de la terre, & y furent trois sep-
maines. Et cependant sceurent en l'ost des Flamens, que
les Anglois venoient à grant puissance du Royaume d'An-
gleterre pour combattre & leuer le siege deuant Calais. Et
en estoit chief & conduiseur de l'armee pour les Anglois le
Duc de Clocestre oncle du ieune Roy d'Angleterre. Quāt
lesdits Flamens sceurent ces nouuelles, ilz conseillierent
ensemble, & delibererent d'eulz en aller, & leuer ledit sie-
ge. Et vindrent les nouuelles audit Duc de Bourgoingne
que lesdits Flamens s'en vouloient aller. Dont il fut moult
esbahy & courroucié, & vint deuers eulx pour les cuider
desmouuoir & rappaiser. Mais il ne peut. Et incontinent se
mirent à chemin, & ne cesserent de cheminer iusques à ce
qu'ils furent en leurs pays de Flandres. Dont ledit Duc fut
moult courroucié, & troublé de ce qu'il ne les peut retenir.
Et de desplaisir qu'il auoit, à peine se pouoit partir de son-
dit siege, tant que ses Cheualiers vindrent deuers luy, luy
dire, que les Flamens qui s'en fuyoient estoient ja loing. Et
pource que force estoit qu'il se partist, ou qu'il demourast
seul. Et ainsi s'en partit.

1436.

En cete temps vint du Royaume d'Escoffe Madame la Daulphine en France, & descendit à la Rochelle où elle fut grandement receüe: & apres furent faiçtes les nopces en la cité de Tours, & y eut grant ioye faiçte de la venue de madite Dame la Daulphine.

Celuy an fut le Roy à Lyon, & au Daulphiné, pour aller en Languedoc, & vint à Montpellier, & là fit ses Pasques.

1437.

L'An mil cccc. trente & sept se partit le Roy de Montpel. lier, & print son chemin par les mōtaignes droit à saint Flour, & de là à Clermont en Auvergne, & de là en Bourbonnois. Et luy estât à Montmarault ouyt nouuelles. que les gens d'un Capitaine Espagnol nommé Rodigues de Villandras venoient du pays de Touraine, & estoient deslogiez de saint Amand: & pres de la porte de la ville de Herisson auoiēt destrouffé les fourriers & officiers du Roy, qui alloient deuant pour faire son logis audit Herisson, dōt le Roy fut moult mal content. Et pour ce assembla ses gēs d'armes de toutes parts, & chassa ledit Rodigues, & ses gēs, iusques sur la riuere de Sone. Et le Roy s'en retourna tresmal content du Duc de Bourbon, lequel portoit & soustenoit ledit Rodigues. Et lors quant le Duc de Bourbon sceut ces nouuelles, il enuoya deuers le Roy, en luy faisant assauoir qu'il estoit tout prest d'accomplir sa vouldenté en ce qu'il luy plairoit mander & commāder. Si fut le Roy d'accord que les gens du bastart de Bourbon, & ceux de Messire Jaques de Chabannes laissassent la compagnie dudit Rodigues, & qu'ils veinssent à son seruice oultre la riuere de Loire pour faire guerre aux Anglois. Et le Roy fit ledit Rodigues bannir hors de son Royaume. Et apres passa le Roy la riuere de Loire, & fit mettre le siege à Chasteaulandon par Monseigneur le Connestable, & le Comte de la Marche, & fut ledit Chasteaulandon prins d'assault: & y eut vne partie des gens dudit Chasteaulandon, qui furent penduz, pour ce qu'ils estoient François reniez tenans le party des Anglois. Et de là se partirent lesdits Seigneurs, & allerent deuant le chastel de Charny, qui se rendit incontinent, pourueu que ceulx de dedens s'en allassent leurs vies sauues. Et de là vindrēt lesdits Seigneurs deuāt Nemours, &

sen alla le Roy à Sens, & prindrēt ladite ville de Nemours par composition, & s'en allerent ceux dudit Nemours à Monstereau, jaçoit ce que par leur traictié ils n'y deuoient point aller. Le Roy estant à Sens ordonna mettre le siege audit Mōstereau: & fit faire le Roy par ses gens vne bastille deuant ledit Monstereau du costé de la Brie, où estoient Monseigneur de Gaucourt, Messire Denys de Chailly, Poton de Xaintrailles, le Commandeur de Giresme, & plusieurs autres Capitaines: & vint le Roy à Bray sur Seine, & de là sen vint loger en vn Prioré qui estoit pres de ladite bastille. Et ce iour mesmes vindrent du costé de Gastinois mesdits Seigneurs le Cōestable, & Comte de la Marche, Monseigneur le bastard d'Orleans, le bastard de Vertuz, le bastard de Bourbon, & Messire Iacques de Chabannes, & plusieurs autres Capitaines, & ainsi fut mis le siege audit Monstereau. Et furent entre les deux riuieres de Seine & d'Yonne le Bailly de Viētry seigneur de la Crete, & le bastard de Beaumanoir, & plusieurs autres Capitaines: & ainsi fut le siege fermé de toutes parts. Et furent faiz plusieurs approchemens du costé de Gastinois iusques dedens leurs fossez. Et furent lesdictes ville & chastel moult fort batuz de canons, de bombardes, & d'engins vollans. Ceulx de dedens Anglois, & François reniez, se y gouuernērent moult grandement comme gens de guerre, & aussi leur en estoit besoin. Mais riens ne leur valut leur fortification qu'ils ne fussent prins d'assault, & commença ledit assault à plain midy. Et là furent veuz & congneuz les vaillans hommes, & ne pouoient estre en lieu où ils deussent mieulx faire. Car le Roy estoit present, & entre les autres y fist grandement son debuoir le Bourgeois, dont par auant a esté parlé, à bien pousser de lances, tirer canons & couleurines, & dedens & dehors, & de ietter pierres de fēs, nonobstant coups de guisarmes, de haches, & de toutes manieres de deffences, & pour ietter gens-d'armes du hault de la muraille en bas. Si furēt gaignees les murailles sur les Anglois. Et tellemēt que auant qu'ils peussent recouurer ledit chastel, les François furent au bout de leur pont, & leur couperent chemin en telle maniere qu'il y eut que tuez, que prins, que noyez, cent ou enuiron, dōt la plus part de ceulx

1437. qui furent prins furent pendus, par ce qu'ils estoient François regniez. Ainsi fut ladite ville de Monstereau gaignee, & ne furent pas ceux du chastel asseurez. Qui voudroit compter au long les faits des vaillans qui là furent, ce seroit trop longue chose à escrire. Les bombardes furent assorties deuant ledit chastel. Dont ceulx de dedens eurent grant peur, & requierent composition, & rendirent ledit chastel au Roy, lequel leur fut misericords. Et là vint Monseigneur le Daulphin, lequel requist au Roy misericorde pour les Anglois. Et pour l'amour de luy à sa requeste le Roy leur donna leurs corps & leurs biens saufs. Si partirent dudit chastel lesdits Anglois, desquels estoit Capitaine vn nommé Thomas Guerard. Luy & eux tous vindrent remercier Monseigneur le Daulphin de la requeste qu'il auoit faicte pour eulx, & allerent apres prendre congié du Roy, & le mercierent humblement. Et les fit conuoyer & conduire ledit Roy, par eaue & par terre iusques à Mente. Et tost apres le Roy se partit de sondit siege, & s'en vint à Meleun, & fit Capitaine dudit Monstereau Monseigneur le bastard d'Orleans, lequel trouua ledit chastel bien garny de *bled, de vin, de farine, de foing, & d'artillerie. Le Roy auoit en sa compaignie six mil combatans. Il fit sa feste de Toussaincts audit Meleun. Et le deuxiesme iour ensuiuant se partit dudit Meleun, & vint à Corbueil.

* Ms. de
tous viures
& d'artil-
lerie

* Adrouffé
du Ms.

En ce temps mourut la Roynes d'Angleterre seur du Roy de France. Et fut deliuré le Roy René frere de la Roynes de France, que auoit acheté prisonnier le Duc de Bourgoingne [* du Comte de Vaudemont & des autres gés de guerre. Et l'auoit tant tenu prisonnier que cependant perdit son Royaume de Naples, par la force du Roy d'Arragon fauorisé d'iceluy Duc de Bourgoingne. Et outre ce le rançōna excessiuelement & de terres & d'argent, & par especial du Val de Cassel, qu'il voulut expressément auoir d'iceluy Roy, auquel il appartenoit. Tellement qu'il paya plus auāt qu'il peust eschapper de ses mains, qu'il n'eust fait des Anglois.] Et si voulut ledit Duc, que iceluy Roy René mariaist son ainzné fils Duc de Calabre à la fille de Monseigneur le Duc de Bourbon niepce dudit Duc de Bourgoingne. Et en furent faictes les nopces à Molins en Bourbonnois, & là eut moult

moult grant feste. Et aussi mourut en Angleterre la vieille Royne d'Angleterre fille du Roy de Nauarre, & mere du Duc de Bretagne, & de Monseigneur de Richemont Cō-
nestable de Frâce. En ce temps mourut aussi la vieille Cō-
tesse d'Armaignac fille du Duc de Berry, & mere du Duc
de Sauoye, du Comte d'Armaignac, & du Comte de la
Marche.

1437.

Et en ce temps furent assiegiez Tancarville, Beaucha-
stel, & Maleville des Anglois, & à la fin furent prins par
composition. Et en estoit Capitaine vn Escuyer nommé
Flocquet, lequel vint à Monstereau querir secours: & luy
fut promis qu'il seroit secouru, & ne l'attendirēt pas ses gēs
à les rendre. Car ils ne tindrent pas ledit Beauchastel d'vn
mois tant que ledit Flocquet auoit dit au Roy le tenir, dōt
fut mal fait, car s'il se fust tenu au partir de Monstereau, le
Roy l'eust secouru. Car il auoit son armee qui partoit de
Monstereau toute preste & ensemble.

En ce temps alla de vie à trespassement Sigismond de
Bauicre Empereur d'Allemagne, Roy de Hongrie, & de
*Behaigne, en son viuant de tous ses Royaumes bien obey.
Et fut droit Empereur, couronné de toutes ses couronnes,
peissiblement & vaillamment se porta en son temps: & eut
de grandes batailles cōtre les Turcs, & Sarrazins pour luy,
& contre luy, & aussi aux voisins de qui il estoit Roy. Iceluy
Empereur trauailla moult en son tēps, & pour faire loyau-
ment son debuoir mit l'vnion en l'Eglise du temps du Pape
de Lune, & du Pape Iean, & vesquit quatre vingts & dix
ans. Sa mere fut fille du Roy Iean de France, & seur du Roy
Charles le Quint, du Duc d'Anjou Roy de Sicille, & des
Ducs de Berry & de Bourgoingne.

* Ms. Bal-
haigne, qui
est, Boesme,

En celuy an le Duc de Bourgoingne assembla gēs-d'ar-
mes pour venir en la ville de Bruges cuydant y faire aucu-
nes nouuelletez par force. Et pour ce faire bouta avecques
luy dedens ladiète ville huiēt cens Archiers, & bailla la
charge de les mener & gouuerner au Sire de l'Isle-Adam.
Et demoura ledit Duc de Bourgoingne dedens la porte de
ladite ville, apres que lesdits Archiers furent dedens icelle
ville, pour y bouter huiēt cens hommes d'armes qui estoient
hors ladiète ville, lesquels il auoit fait venir avecques luy.

O

1437.

Et quant ceux de ladicte ville virent qu'il venoit ainsi accompagné, ils mirent dessus leurs portes gens armez, afin que s'il vouloit entrer trop puissant dedens ladicte ville, de abbatre la herse de la porte de ladite ville, afin que gens-d'armes n'y entraissent plus puissans que ceulx d'icelle ville. Et quant ceulz qui estoient dessus ladicte porte virent que les gens-d'armes cheuauchoiënt pour y cuider entrer, ils laisserent cheoir ladicte herse: & demoura ledit Duc de Bourgoingne dedens, & les gens-d'armes dehors. Promptement furēt ceulz de ladicte ville sur les murs en & armes: & vindrent frapper sur les Archiers qui estoient entrez dedens, & en tuerent grand foison, & entre les autres tuerent leur Capitaine le Sire de l'Isle-Adam. Et ferirent sur ledit Duc de Bourgoingne, qui vint sur ce debat, & fist de grāds armes sur ceulz dudit Bruges, & estoit en grant peril de sa personne de n'en partir iames sans mort, se n'eust esté vn bourgeois de ladicte ville qui le recongneut, & dist en son lāgaige au peuple, Aduisez que vous ferez, c'est nostre Seigneur. Et ainsi fut sauué, iacoit ce qu'il eust plusieurs coups. Et fut mis dehors de ladite ville par vne poterne hastiuement, luy & vne partie des Archiers, & s'en alla moult courroucié. Et incōtinēt fist guerre à ceulz dudit Bruges, & mist grosse puissance dedens les ville & chastel de Lescluse, qui puis s'en allerēt à la requeste de ceux de Gand. Et estoit dedēs ledit lieu de Lescluse Capitaine vn Cheualier de Heynault, nommé Messire Symon de Lakain, & ambassaderent tant lesdits Gantois, qu'ils firent que les treues furent d'un costé & d'autre tout l'yuer. Et puis fut faite la paix, parmy ce que ceulz de Bruges payeroient certaine somme d'argent audit Duc de Bourgoingne. Et pour l'offense du Sire de l'Isle-Adam, lequel ils auoient tué, payeroient certaine somme d'argent à ses heritiers, & les plus coupables feroient decapitez. Le quatriesme iour de Nouembre le Roy se partit de sainct Denys, & vint à Paris accompagné de Monseigneur le Daulphin, & de Messire Charles d'Anjou son cousin, & frere de la Royne, Monseigneur le Connestable, les Comtes de la Marche, de Vendosme, de Tancarville, & de Vertuz, Monseigneur le bastard d'Orleans, & grant foison d'autres Seigneurs & Barons de son Royau-

me. Ceulx de Paris vindrent au deuant du Roy iusques à la Chappelle saint Denys. C'est assaüoir le Preuost de Paris, le Preuost des Marchans, les Escheuins, & grant foison de notables bourgeois de ladite ville de Paris, qui estoient en grands & riches habillemens. Et pareillement y vint l'Euesque de Paris accompagné grandement des gens d'Eglise de ladite Cité. Apres vint le premier President de Parlement, & avecques luy tous les Seigneurs de Parlement, & apres vindrent les Recteur, Docteurs, & Maistres en Theologie, & plusieurs autres estudians & clerics de l'Vniuersité de Paris, & les Seigneurs de la Chambre des Comptes. Le Roy receut tous les Estats dessusdits, qui estoient venus au deuant de luy, luy faire la reuerance, moult doucement & humblement : & ainsi arriua au Ponceau saint Ladre. Et là vindrent au deuant de luy montez sur diuerses bestes en maniere de personages des sept vertus, & des sept pechiez mortels moult bien faiz & habillez. Et à l'entree de la porte saint Denys vn enfant en guise d'un Angele, qui portoit vn escu d'azur à trois fleurs de lys d'or, & sembloit qu'il vollast, & descendist du ciel. Le Roy estoit armé de toutes pieces sur vn beau courfier, & auoit vn cheual couuert de velours d'azur en couleur semé de fleurs de lys d'or d'orfaurerie : & deuant luy son premier Escuyer d'escuyrie sur vn courfier couuert de fin blâchet & d'orfaurerie semé de cerfs vollans. Et estoient quatre courfiers pareilz, dôt y auoit trois Cheualiers avecques l'Escuyer, leurs courfiers pareillement couuerts que l'Escuyer, & eux habillez en armes de tous harnois. Et portoit ledit Escuyer sur vn baston le harnois de teste du Roy, & sur ledit harnois vne couronne d'or : & au milieu sur la croupe vne grosse fleur de lys d'or moult riche : & son Roy-d'armes deuant luy portant sa coëte d'armes moult riche, de velours azuré à trois fleurs de liz d'or, de brodeure : & estoient les fleurs de liz d'or brodees de grosses perles. Et vn autre Escuyer d'escuyrie sur vn grant destrier, qui portoit vne grant espee en escharpe, qui estoit toute semée de fleurs de liz d'or d'orfaurerie. Et puis deuant estoient les Heraulz des Princes de ce Royaume, & d'autres Roys & Princes des estrangiers, portans les coëtes d'armes des Seigneurs à qui ils estoient. Et

O ij

1437.

plus deuant estoïent les Archiers de son corps en plus grāds habillemens. Et plus deuant estoïent ceulz de Messire Charles d'Anjou Comte du Maine, & estoient à ces deux compaignies de cent à six vingts Archiers. Et plus deuant estoit Monseigneur de Grauille, & huiēt cens Archiers souz luy. Du costé du Roy estoit à la dextre derriere luy Mōseigneur le Connestable vn gros baston en son poing: & à la senestre Monseigneur le Comte de Vendosme grant Maistre d'hostel du Roy. Et plus derriere du Roy estoit Monseigneur le Daulphin moult richement habillé, & couuert d'orfaurerie. Et à la dextre de mondit Seigneur le Daulphin estoit Messire Charles d'Anjou: & à sa senestre estoit Mōseigneur le Comte de la Marche. Puis apres Monseigneur le Daulphin estoient les paiges du Roy, de mondit Seigneur le Daulphin, & ceulx des autres Seigneurs & Princes, chacun selon son degré, cheuauchans moult richement vestuz de diuerfes manieres: & leurs cheuaulx couuerts & enharnachez d'orfaurerie & de brodeure. Apres venoit Monseigneur le bastārd d'Orleans armé de toutes pieces, qui gouuernoit la bataille, & estoit sur vn gros courfier couuert d'vn moult riche drap d'or iusques aux pieds de mesmes, tenant en son poing vn gros baston, & sur ses espaulles vne grosse chaisne d'or à grands fueilles de chesne, qui pesoit cinquante marcs. Et derriere luy cheuauchoit vn Escuyer d'escuyerie du Roy monté sur vn grant destrier portant en sa main vne lance vermeille, paincte d'estoilles de fin or. Et en sa lance auoit vn estendard, où estoit dedens Monseigneur saint Michel l'Angele: & le champ de l'estendard estoit tout semé d'estoilles d'or. Et apres son estendard venoient huiēt cens fusts de lance, où il y auoit Barons, Cheualiers, & Escuyers, & plusieurs Capitaines qui estoient habillez moult richement, & leurs cheuaulx couuers d'orfaurerie blanche, les autres de drap d'or, & de velours, de draps de damas, de soye, & de laine. Et en ceste maniere entra le Roy dedens Paris. Et luy fut apporté à l'entree de la ville vn drap d'or, que les quatre Escheuins porterent à quatre bastons dessus le Roy. Toutes les rues & les fenestres estoient pleines de monde. Et deuant les filles Dieu auoit vne fontaine, dont l'vn des tuyaulz gettoit lait, l'au-

tre vin vermeil, l'autre vin blanc, & l'autre eauë, & gens tenans tasses d'argent, pour donner à boire à ceulz qui passoient s'il leur plaisoit, duquel qu'ilz vouloient. Tout au long de la grant rue saint Denys aupres d'un iect de pierre l'un de l'autre, estoient faits eschaffaulx bien & richement tenduz, où estoient faiz par personnages l'Annonciation nostre Dame, la Natiuité nostre Seigneur, la Passion, la Resurrection, la Pentecoste, & le Jugement, qui seoit tres-bien. Car il se iouoit deuant le Chastellet où est la iustice du Roy. Et emmy la ville auoit plusieurs autres ieux de diuers mysteres, qui seroient trop longs à raconter. Et là venoient gens de toutes parts crians Noel, & les autres plouroient de ioye. Le Roy cheuaucha depuis la porte saint Denys iusques à nostre Dame de Paris en l'ordonnance dessusdite, & descendit à la porte de ladicte Eglise, & alla faire son oraison: & tost apres monta à cheual & s'en vint en son Palais, où il fut grandement receu, & là souppa & coucha, & fut faite grand feste. Et le lendemain vint ouyr sa Messe en la sainte Chappelle du Palais: & de là monta à cheual, & vint au long de la grant rue saint Anthoine descendre en son hostel pres de la Bastille. Et là ceux de Paris, de Parlement, & de l'Vniuersité, luy vindrent faire plusieurs requestes, lesquelles il leur octroya moult benignement.

En ce temps le Seneschal de Ponthieu ouyt nouuelles que les Anglois, qui estoient dedens le chastel du Crotay, n'auoient que manger, & le fit sçauoir au seigneur d'Auffin, & à Messire Baudo de Noielle. Si vindrent & parlerent ensemble, & delibererent de mettre le siege deuant le chastel du Crotay. Et au bout de quinze iours ensuiuans vint à ceulz du Chastel par mer un petit balenier chargé de viures, & dirent & affermerent au Capitaine dudit chastel ceulx qui venoient d'Angleterre dedés ledit chastel, qu'ils seroient secouruz par mer, & par terre dedés certains iours sans nulle faulte. Et quant les Seigneurs François sceurent que ceulx dudit chastel estoient aduitaillez, ils y mirent le siege par mer. Mais ce estoit trop tart, & y mirent quatre vaisseaulx, & par terre auoient fait vne grande & forte bastille pres de la ville, où auoit douze ou quatorze cens combatans. Si fist ledit Duc de Bourgoingne son mandement

1437.

à ceulx du pays de Picardie & de Heynault; & vint à Hedindin pour estre plus pres dudit siege, & pour conforter les gens. Si partirent les Anglois d'Angleterre, & arriuerent pour venir audit Crotay sept gros vaisseaulx. Et aussi partirent de Rouen les Sires de Tallebot, de Fauquembergue, & d'Escalles, & auoient auecques eulx cinq mil combatās. Et cheuauchierent tant qu'ils vindrent sur la riuere de Somme, par vn passage que on dit Blanchetaiche. Le Sire de Charny en apporta nouuelles au Duc de Bourgoingne. Et incontinent ledit Duc se partit, & s'en vint à Abbeuille à toute sa puissance: & estoiet auecques luy les Comtes de Neuers, d'Estampes, de saint Pol, l'Enfant de Cleues, & en leur compaignie estoient quatre mil combatans. Les Anglois passerent ladicte riuere de Somme, sans ce que nuls des dessusdits y missent nulle resistance. Et quant ceulz de la bastille sceurent que lesdits Anglois passoient, ils se mirent en fuitte droit à la ville de Rue: & ainsi fut leué le siege honteusement dudit Crotay. Lors les Anglois allerent logier sur le pays d'illec enuiron, & ardirent, coururent, & pillerent plusieurs gros villages, dont fut dommage. Et au bout de six iours rapasserent ladite riuere de Somme, là où ils l'auoient passée parauant, & arriuerent les vaisseaux d'Angleterre audit Crotay, lequel ils aduitaillerent pour grant piece, & chasserent les quatre vaisseaux François iusques à saint Vallery, lesquels se sauuerent au port de la ville. Et là vindrent les gens du Roy des frontieres de Caux enuiron six vingts lances, qui coururent sur les ailes des Anglois, lesquels François en prindrent & tuerent de cent à six vingts, & fut tout le dommage qui leur fut fait en eux en retournant. Et estoient Capitaines à faire ce voyage des gens du Roy, Pierre de Brusac, & Oliuier de Coectuy. Le Duc de Bourgoingne fut bien courroucié quant il sceut que ses gens s'estoient si mauuaisement gouuernez, & se partit d'Abbeuille, & alla faire son Noel à Arras en Picardie.

En ce temps estoient en gouuernement deuers le Roy Christofle de Harrecourt, le Sire de Chaumont, & Maistre Martin Gouge Euesque de Clermont. Et se partit le Roy de Paris, & s'en alla à Orleans, à Bloys, & à Tours. Et lors

fut Rodrigues en Guyenne, & print plusieurs places Anglesches. Et luy pardonna le Roy, & eut sa paix, & bouta par les places qu'il auoit conquises ses gens-d'armes, pour les garder pour le Roy.

L'An mil cccc. trente & huit se partit le Roy de la cité de Tours, & vint en la cité de Bourges, & là tint son Parlement pour le fait du Pape, & du Concile, & là fut ordonnée la Pragmatique Sanction. Et là fut l'Archeuesque de Crete pour le Pape, & autres Seigneurs pour le Concile: & la plus-part des Archeuesques, & autres Prelats de l'obeissance du Roy, lesquels Prelats, Docteurs, & notables Clercs firent certaines Constitutions touchant le fait de l'Eglise. Et aussi ordonna le Roy avecques sesdits Prelats, qu'ils missent tous peine à leur pouoir, de mettre en vnion le Pape, & le Concile. Et de là partit le Roy, & s'en vint à Blois, & là fit sa feste de Toussaincts.

En ce temps fut fait le mariage de la fille du Roy nommée Madame Katherine, & de l'ainné fils du Duc de Bourgogne Comte de Charrolois. Et furent rendues les villes, places, & chasteaux de Montargis, & Dreux, & mises en l'obeissance du Roy. Et rendit Montargis vn Cheualier du Royaume d'Arragon nommé Messire François de Surienne, & en eut dix mil salus d'or, & quatre ou cinq mil pour les gaiges de ses compaignons. Et rendit Dreux au Roy vn Cheualier de Beauſſe nommé Messire Guillaume de Broullard, & en eut dixhuiſt mil escus. Et en firent les pourchas & les deliurances, & diligences l'Archeuesque de Reims Châcellier de Frâce, & Mōseigneurs le bastard d'Orleans.

Celuy an fut grant pluye, & grant mortalité. Et fut par le Comte de Mortaing Anglois assiegé la Guierche ou pays du Maine, & saint Aignan, d'aucuns Capitaines qui n'estoient pas en grace du Roy pour certaines offences par eux permises. Et s'en retournerent pource qu'ils sceurent que le Roy faisoit son armee és pays de Barrois, & de Lorraine. Et les vns se mirent avecques le Roy René, & les autres se mirent avec le Comte de Vaudemont.

En ce temps fut leué le siege de Harfieu, que les Anglois tenoient par mer, par le Mareſchal de Rieux. Et reuint de

1438. prison d'Angleterre le Comte d'Eu, lequel vint deuers le Roy à Bloys, qui luy fit bonne chiere.

Ou temps de Karesme de cedit an se partirent les Rotiers du pays de Bar & de Lorraine, qui estoient huit cens lances, & deux mil Archiers, & s'en allerent en Allemaigne sur le Rin vers Baale, & delà s'en vindrēt contremont ladite riuere du Rin'en pillant & robant le pays, & prindrent villes & chasteaux sans adueu de nul Seigneur: & delà s'en vindrent à Montbelliart, & de là entrerent en la Comté de Bourgoingne, & en la Duchie, où ils firēt moult de maulx, & prenoient & rançonnoiet Chasteaux & Monstiers forts. Et se meut moult grand mortalité entre eulz.

Et en ce temps furent Rodigues, & Poton de Xaintrailles en Bourdelois, [* en vne Isle appelee Amenb... là où ils gaignerent tres-grande quantité de tous biens, & y firent de grans dommages aux Anglois, & à autres tenans le party d'Angleterre.]

* Adjouste
de Ms.

1439. L'An mil cccc. trente & neuf le Mardy d'apres Pasques, le Roy se partit de Rion en Auuergne, & de là vint à Lyon, & trouua sur le pays de Beaujollois les gens-d'armes qui estoient plusieurs malades à pié, & desarmez, tellement que c'estoit grant hideur de les veoir. Si les habilla, remonta, arma, & artilla le Roy au mieulx qu'il peut le faire, & les enuoya oultre les riuieres de Loire & de Seine à Monsieur le Connestable estant lors à Paris, pour aller mettre le siege deuant Meaux, où estoient pour les Anglois Thomas Abringant Lieutenant de Talebot, & le bastard de Thian.

* Ms. Mo-
gillon,

En ce temps allerent Alain Giron, Pierre d'Angy, & Gieuffroy * de sainct Belin, Capitaines de gens-d'armes, sur les marches de la Duchie de Luxembourg deça la riuere de Meuse, & se logierent en vn village qui est au Roy nuement, & du Royaume de France. Et tost apres arriua le Sire de Commercy sur eulx, & là les tua & occist, & pou en print prisonniers, que tous ne fussent morts. Et estoient avecques luy à faire celle destrouffe ceulx de la cité de Verdun. Lesquelz Capitaines estoient venuz audit pays avec mondit Seigneur le Connestable, lequel auoit amené gens-d'armes pour aidier au Damoyseau Euerard de la Marche, lequel

lequel estoit ennemy du Seigneur de Commercy. Et pource disoit ledit de Commercy, qu'il auoit cause de se ruer sus les gens de mondit Seigneur le Connestable. Et pource assembla ledit Seigneur de Commercy des gens ce qu'il en peut finer pour leuer le siege de deuant sa place de Cha-uaucy, où estoit ledit Damoiseau Euerard, à ce qu'il pouoit finer de gens, avecques partie de ceulz que mondit Seigneur le Connestable auoit amenez, qui estoient ou dit siege. Et quant ils sceurent la venue d'iceluy Seigneur de Commercy, du Comte de Vaudemort, & des gens de Messire Iean de Luxembourg, qui venoient à l'aide dudit Seigneur de Commercy, ilz se leuerent: & ainsi perdit le Damoiseau de la Marche ses souldoyers qui le planterent là, & s'en vindrent les gens dudit Connestable rafreschir en Champaigne: & les autres, entre lesquels estoient Messire Geuffroy de Couuren, & Messire Iehan de Malestroit, allerent au siege de Meaulz, où estoit allé iceluy Connestable par le cōmandement du Roy, avecques huit cens ou mil lances, & avecques luy des plus vaillans Capitaines de son Royaume: & auoit prins la charge de mettre ledit siege, ainsi que son office le requeroit. Et fit mondit Seigneur le Connestable passer lesdits gens-d'armes par les riuieres de Loire, & de Seine, & vint mettre le siege deuant la cité de Meaux, où dedens estoit le bastard de Tiant Bailly de ladite cité pour les Anglois, & Thomas Abrigant Capitaine general de tous ceulz qui estoient dedens ladicte ville: & vindrent les François eulx logier en l'Abbaye de saint Pharon, & autres Abbayes d'environ ladicte ville, & firent tant iceulz François, que promptement ils approcherent contre ceux de ladicte cité de toutes parts: & tellemēt que on pouoit ietter vne pierre de l'approchement d'iceux François dedens ladicte cité. Et eut nouuelles mondit Seigneur le Connestable, que les Anglois s'assembloient de toutes parts pour les venir combattre, & les faire leuer de deuant ladicte cité. Si eut iceluy Connestable aduis de soy, & puis encores avecques les Seigneurs & Capitaines qui là estoient, lesquels furent tous d'opinion comme luy, d'assaillir ladicte cité, jaçoit ce que elle fust tref-forte. Neantmoins fut deliberé de assaillir, & fut assaillie, & prinse bien

P

1439.

& vaillammēt. Et furent faites de belles armes à celle prise, qui seroient longues à racompter. Les Anglois auoient rompu le pont d'entre la ville, & le Marchié. Parquoy lesdits François quant ils eurent prins ladicte ville, ne peurēt entrer dedens ladicte place du Marchié. Ne aussi lesdits Anglois ne peurent venir dedens ladicte ville, & sur lesdits François. A la prise de ladicte ville furent prins & morts les Anglois & François reniez qui là estoient, & aussi le bastard de Tiant qui se disoit Bailly dudit lieu pour les Anglois. Vn homme d'armes luy auoit sauué la vie, quil'auoit prins prisonnier. Mais Monseigneur le Connestable le fit pendre, & luy fit tout premier couper la teste.

Pou de iours apres sceurent les Anglois ces nouuelles, lesquels estoient assemblez à Pontoise, qui furent moult courrouciez. Et en estoient chiefs les Sires de Tallevot, de Faulquembergue & d'Escalles, lesquels eurent deliberatiō ensemble de venir secourir ledit Marchié qui se tenoit encōres. Or auoient fait les François vne bastille en la Brie, laquelle estoit de bois, & n'estoit pas encore bien parfaite. Et estoient en icelle Bastille Messire Denys de Chailly, le Commandeur de Giresme, & plusieurs autres Capitaines: & en vne Isle qui touchoit ledit Marchié auoit six ou sept vingts combatans. Or est ainsi que lesdits Anglois partirent de ladite ville de Pontoise enuiron de * quatre à cinq mil combatans: & cheuauchierent tant, qu'ils vindrēt pres dudit Meaulx, & là se mirent tous en bataille. Les François estoient en trois parties, dont la plus grant puissance estoit dedens la cité. Et y estoit Monseigneur le Connestable, & tous les autres Capitaines. Les aucuns des Capitaines François estoient d'opinion, que toute la puissance des François faillissent, & combattissent les Anglois. Les autres estoient d'opinion contraire, & disoient que se la puissance failloit hors, ceulx dudit Marchié regaigneroient la cité, & pourroient à l'aduenture perdre les François ladite ville, & la bataille, & pour ce valloit mieulx garder ce que on auoit gagné. [* Et obstant ce que ceulx du Marchié firent faillir vn homme, qui passa noant, & s'en alla franchement en la bataille des Anglois, furent par le Connestable celle nuit enuoyez en l'Isle, qui est entre le Marchié & la riuere, en-

* Ms. vj à
vij mil

* Adieuſſé
du Ms.

viron huitz vingts ou deux cens combatans, pour garder que nulles nouuelles ne peussent venir à ceulz du Marchié.] Et quant lesdits Anglois virent que nul ne sailloit de la ville pour les combatre, si marcherent vers la riuere. Et aperceurent vn fonfset, qui estoit en ladite riuere, & passoient ceulx de la bastille de Brie oultre par dessus ledit fonfset en la cité, & autrement n'y pouoient aller sans passer ladite riuere. Si se partirent de leur bataille enuiron sept ou huitz cents Archiers Anglois, & vindrent sur le bort de l'eau, & tirerent tant de leurs arcs sur ledit fonfset, que nul homme ne se osoit monstrier dehors du batel. Et par ainsi alloit ledit batel là où l'eau vouloit. Et quant lesdits Anglois aperceurent le gouuernement dudit batel, aucuns d'eux saillirent en l'eau, & le prindrent, & amenerēt à riue, & tuerent tous ceulz qui dedens estoient. Quant les Anglois dudit Marchié virent ledit fonfset prins, ils saillirent en l'isle à grant flotte, & assaillirent de tant grant force les François là enuoyez la nuit deuant, qu'ils les tuerent & prirent tous. Et quant ceulz qui tenoient la bastille de Brie, qui n'estoit pas encore parfaite, virent ces choses, ils s'en partirent & la desemparerēt, & s'en allerent à Crecy, dont estoit Capitaine Messire Denys de Chailly, chief de celle bastille. Adonc les Anglois dudit Marchié, & ceulz qui estoient venuz audit fonfset, vindrent à tout celuy fonfset, & en autres bateaulz dudit Marchié avec les autres, & bouterent des vins, & autres viures qu'ils trouuerent dedens ladite bastille, audit Marchié, lesquels vins & viures estoient venuz de Paris pour aduitailler le siege. Et s'imirent hors les Anglois & François reniez, qui auoient tenu & gardé ledit Marchié contre les François, & y bouterent des Anglois nouueaux [enuiron quatre cents, dont estoit Capitaine vng Cheualier d'Angleterre nommé Messire Guillaume Chambellan.] Et le landemain le Sire de Tallebot, & les autres Seigneurs Anglois avecques leur puissance s'en retournerēt à Pōtoise. Le Roy sceut ces nouuelles, dont il fut moult courroucié. Et pour conforter son siege, & ses gens, fit venir grant foison de gens-d'armes de plusieurs lieux, & furent mis à grant foison dedens ladite bastille de Brie, & en l'isle deuant dicte : & mit aussi bonne

1439.

* Cely a esté
ajousté du
Ms.

prouision sur la riuiere, & par tous les passages hault & bas. Et quant les Anglois sceurent la prouision que le Roy y auoit fait mettre, ilz virent bien qu'ils ne pouoient mettre remede que ladite place du Marchié ne fust pour eulx perdue: Si prindrent ceux d'icelle place composition [* de la rendre, ou cas que dedens trois semaines ne seroient secourus. Pendant lequel temps vint le Roy à Paris accompagné de Monseigneur de Bourbon, du Comte du Maine, du Comte de la Marche, & de plusieurs autres grands Seigneurs. Et mist telle prouision à saint Denys & ailleurs, que les Anglois ne oserét secourir celluy Marchié. Parquoy ceulz qui le tenoient le rendirent, & s'en allerent en Normandie, leurs corps & biens saufs. & fut lors baillee ladite place en garde par le Conestable à Oliuier de Coictui. Et le iour mesmes, & apres qu'elle auoit esté rendue, s'en alla le Conestable deuers le Roy à Paris, lequel estoit logié à l'Hostel neuf, vis-à-vis des Tournelles. Au deuant duquel enuoya le Roy le Comte du Maine, & plusieurs grans Seigneurs de la Court, qui par son commandement le recueilirent grandement, & l'accompagnerent iusques en l'Hostel du Roy, qui le receut moult honnorablement, & le remercia du seruice qu'il luy auoit fait.

Durant celluy siege de Meaulx morut de maladie d'epidemie à Compiengne, le Mareschal de Rieux. Lequel passant par là, ne cuidant y auoir destourbier, obstant ce qu'elle tenoit le party du Roy, fut prins & detenu prisonnier par Guillaume de Flai, en vengeance de ce que le Conestable, comme il disoit, luy auoit fait aulcun outrage, & l'auoit rançonné, comme il disoit, de quatre mil escus: pour laquelle recouurer, il tenoit ainsi prisonnier celluy Mareschal. Apres la mort duquel fut depuis fait à Paris Mareschal de France, Monseigneur André de la Val, Seigneur de Loheac, lors Admiral. Et Messire Pregent de Coictuy fut fait en son lieu Admiral.]

Pou de temps apres se partit le Roy de Paris, & accompagné des Seigneurs dessus declarez s'en alla à Orleans. Et furent assemblees les ambassades des grands Seigneurs de ce Royaume, de ceulx qui estoient en leurs pays. C'est assauoir l'ambassade de Monseigneur le Duc d'Orleans, pour laquelle estoit Monseigneur le bastart d'Orleans, l'Arche-

uesque de Reims Chancelier de France, & de ceulz de la ville plusieurs notables clerks & bourgeois. Pour le Duc de Bourgoingne l'Euesque de Tournay, le Sire de Cresquy, le Bailly d'Amiens, & le Sire de Huchin. Pour le Duc de Bretagne, Monseigneur Pierre son second filz, l'Euesque de Nantes Chancelier de Bretagne, le Comte de Laual, marié à la seule fille d'icelluy Duc de Bretagne, & plusieurs autres notables hommes. Pour le Comte d'Armaignac, le Sire d'Estans, & autres. Pour ceux de Paris, l'Euesque de Beauuais, & plusieurs autres. Et y auoit de moult notables gēs enuoyez de tous les pays & citez de ce Royaume, pour ouyr parler & practiquer du bien, & gouuernement de ce Royaume, & pour le pouoir mettre en bonne paix, iustice & police. Et en ladite ville d'Orleans le Roy voulut faire opiner en son hostel audit lieu, & sçauoir l'opinion de tous les Ambassadeurs dessusdits. Et furent tous mandez estre deuers luy pour ouyr ce qui seroit dit, & demandé de par luy : & aussi pour respondre sur l'opinion & demande au bien de la chose publique. Apres l'assemblee de tous les dessusdits venus audit hostel du Roy, vindrent le Roy, & la vieille Royne de Sicille mere de la Royne, accompagnez des Seigneurs: C'est assauoir de Monseigneur de Bourbon, Monseigneur du Maine, Monseigneur le Connestable des Comtes de la Marche, de Vendosme, & de Dunoys. Et furent assis le Roy, & les Seigneurs dessusdits chacun selon son degré. Et pareillemēt les Prelats, & autres Seigneurs & Ambassadeurs, dont y auoit grant nombre, & multiplication de peuple. Et lors fut l'Archeuesque de Reims, lequel proposa deuant le Roy, & tous les autres Seigneurs, & Ambassadeurs dessusdits, le bon vouloir que le Roy auoit au bien de paix, & comme il auoit de tout son vouloir, & pouoir tousiours esté, & estoit prest d'y entendre. Et tousiours pour ce faire auoit enuoyé ses gens & ambassadeurs par tout où les Anglois auoient voulu conuenir pour labourer, & entehdre au bien de paix, & derreinerement en la ville de S. Omer, où estoient enuoyez de par luy Monseigneur le Comte de Vendosme, Monseigneur l'Archeuesque de Reims, & Monseigneur l'Archeuesque de Narbonne, Messire Regnault Girard, & plusieurs autres notables hommes

1439. & Seigneurs, lesquels auoient deliberé avecques les Ambassadeurs du Roy d'Angleterre, Que ou cas qu'il plairait aux deux Rois, de ce qu'ils auoient practiqué pour le bien de paix, l'une partie de l'autre, & dont chascun des deux porteroient par escrit deuers leur Roy, que dedens le premier iour de May ensuiuant, seroient vn chascun audit saint Omer, pour là cōclurre toute paix, ou toute guerre. Et pour ce disoit ledit Archeuesque de Reims, que le Roy auoit mandé toute la Compaignie qui estoit pour celle heure assemblee audit Orleāns pour tēdre vn chacun au bien public, & au recouremēt du Royaume, & en dire en leurs cōsciēces chascun son bon & vray aduis. Et afin que nul ne peust ignorer les demandes que faisoient l'une & l'autre partie, pour demourer les deux Rois & Royaumes en bonne paix, & vniō, ledit Chancelier de France fist là bailler lesdits articles à tous ceulx qui en voudroient auoir, afin que vn chascun peust mieulx respondre, iugier, & parler sur chascun article selon leur entendement. Et fut dit, que le deuxiesme iour ensuiuant vn chacun se comparust en la chambre du Conseil ordōné pour ce faire, & y venir tous les iours songneusement, iusques à tant que la chose eust prins fin, & deliberation. Et furent huiēt iours auant que la matiere fust deliberée. Et là furent ouyz tous, ou la plus part des Seigneurs de ce Royaume, qui là estoit presens; & aussi l'opinion des Ambassadeurs, & Seigneurs, qui estoient absens; & pareillement l'opinion de tous ceulx des bonnes villes, & en la presence du Roy de France, & de la Roïne de Sicille furent proposez de tous ceulx de ce Royaume là estans, moult de belles choses haultement, & sagement, en demonstrent la defolation, maulx, pilleries, meurtres, rebellions, roberies, & rançonnemens qui estoient perpetrez, & faiz sous ombre de la guerre: & aussi les biens, la ioye, & les plaisirs qui viennent, & sont par les pays, où paix est: & plusieurs autres histoires anciennes, & moult belles seruans à la matiere: laquelle matiere, & les parolles dictes audit Conseil seroient trop longues à escrire [* Et entre autres choses là pourparlées, fut auisé qu'on metteroit diuerses gens pour debatre, lequel estoit meilleur, de paix, ou guerre. Pourquoy furent lors commis par l'ordonnance du Roy & auis de son cōseil,

* *Adionste
du Ms.*

pour maintenir la paix, le Comte de Vendosme grant Maistre d'hostel, maistre Jacques Iuuenal des Vrsins, qui depuis fut Patriarche & Euesque de Poitiers, & avec eux quelques Conseillers du Roy. Lequel des Vrsins porta la parolle. Et pour tenir la guerre, furent commis, le Comte de Dunois, le Marechal de la Fayette, & Maistre Iean Rabbateau President en Parlement, & autres du Conseil. Et parla celuy Rabbateau. Tous lesquels oys bien au long, fut conclud que le meilleur estoit de tirer au bien de paix, & ordonné,] Que le premier iour de May retourneroient lesdicts Ambassadeurs audit saint Omer, pour conclurre, & fermer la besongne de tous points, ou cas qu'il seroit ainfi que les Anglois y voudroient entendre.

En celuy an mourut le Duc Albert d'Aultriche, lequel estoit esleu à estre Empereur. Et fut en ce temps fait gouverneur de Normandie pour les Anglois le Comte de Sobresset frere de la Roynie d'Ecosse.

Ou moys de Nouembre ensuiuant le Roy fut à Angiers, & Messire Charles d'Anjou, Monseigneur de Bourbon, Monseigneur le Comte de Montfort fils ainsné du Duc de Bretagne, Messire Pierre de Bretagne son frere, & nepueus du Roy, Messeigneurs de Vendosme, & de Laual, & plusieurs autres grands Seigneurs, & les Ambassadeurs du Pape Eugene, qui presens estoient.

En ce temps furent prins les ville & chastel de sainte Susanne sur les Anglois par le Siré de Bueil, & les bouta dedens de nuit vn Anglois nommé Iean Ferremen, lequel festoit marié à vne Gentil-femme du pays du Maine. Et estoit allé à celle heure le Capitaine de ladiete place hors courre, lequel Capitaine se nommoit Matagou. Ledit Siré de Bueil, & ses compagnons y gaingnerent moult d'auoir. Car c'estoit la plus riche place, & la plus forte de tout le pays, & qui plus aux pays d'Anjou & du Maine nuisoit.

En ce mesme téps estoit le siege à Auranches par les François, & y estoient Monseigneur le Connestable de France, Monseigneur le Duc d'Alençon, & autres Capitaines; & en especial tous les routiers, qui se nombroient à six mil combattans: & là furent par l'espace de trois semaines. Les Anglois se assemblerent de toutes parts pour venir leuer le sie-

1439. ge, & arriuerent lesdits Anglois à vne lieue pres dudit siege. Et quant les François le sceurent, se partirent de leurdit siege, & vindrent au deuant desdits Anglois, au passage d'une petite riuere dite Selune; & là demourerent tout le iour, les vns deuant les autres. Et quant les Anglois virent qu'ils ne pouoient passer sinon à leur grant perte & dommage, partirent de là où ils estoient venus, & vindrent de l'autre costé deuers la greue du mont saint Michel: & là escarmoucherent François & Anglois tout le iour. Et par Jean de Brezé & Floquent furent prins le Bailly de Constantin, nommé Messire Berthin, & aussi Messire Guillaume Chambellan Cheualiers Anglois. Et sur le soir quant la mer s'en fut allée, les Anglois tasterent à leurs lances si là endroit pourroient passer, & eurent consideration qu'en la passant pourroient secourir leur ville par celuy endroit. Si eurent conseil ensemble celle nuit, que quant la mer s'en feroit allée, le lendemain au matin la passeroient, jaçoit ce qu'il n'est homme vif qui iamais la veist passer à cheual ne à pié en celuy endroit. Et le lendemain au matin lesdits Anglois ordonnerent leurs batailles, & passerent à beau pié ladite riuere, & leurs cheuaulx ce qu'ils en auoient empres eux, & vindrent recouurer ladicte ville. Et quant ceulx d'icelle ville d'Auranches virent qu'ils estoient secouruz par leurs gens, ilz faillirent hors de leur place, & vindrent sur le siege aux François où ils auoient laissié pou de gens de guerre. Et quant ceulx dudit siege virent que la puissance desdits Anglois estoit ja entrée dedens ladite ville, & que ceulx d'icelle ville failloient pour leur courre sus, ilz se mirent en fuitte, & fut prins en cuidant resister contre lesdits Anglois vn Capitaine Breton nommé Euffroy Preuost. Les Anglois entrèrent sur le siege, & mirent des marchans, & aucuns gens-d'armes dedens ladite ville pour renforcer, & en eulx cuidant sauuer. Et se l'ost & gens-d'armes, qui estoient partis du siege pour rencontrer les Anglois sur les champs, eussent poursuiuy lesdits Anglois, ils les eussent gaingnez à l'entrer de ladite ville d'Auranches. Mais ils n'en firent riens, dont ils furent mal conseilliez. Et pour celle faute gaingnerent lesdits Anglois, bombardes, canons, vins, viues, & autres plusieurs biens & marchandises, dont ledit ost

est estoit bien garny. Ledsits Seigneurs virent celle faulte, 1439.
dont ils furent moult troublez & courrouciez. Et se parti-
rent de leur place où ils estoient demourez sur les champs,
& ordonnerent leurs batailles, & s'en vindrent passer pres
de leur siege. Et vindrent passer la riuere de Coesnon, qui
depart Normandie & Bretagne, & se logierent en plu-
sieurs villages en Bretagne sur celle riuere celle nuit. Et
le landemain au matin s'en allerent plus auant viure en
Bretagne, & ainsi s'en retournerent les Anglois ioyeuse-
ment en Normandie. Le Roy estant à Angiers sceut ces
nouuelles, dont il fut moult courroucié, & enuoya Monsei-
gneur de Gaucourt, & Poton de Xaintrailles à tout certai-
ne somme d'argét & d'artillerie, pour sçauoir si l'en pourroit
entretenir les gens-d'armes, lesquels ne peurent. Car ils e-
stoient ja en trop de lieux espartiz pour les assembler, pour
vouloir mettre le siege autre part. Et quant ilz virent que
riens ne vouloient faire, appoincterēt avecques eulx qu'ils
veinssent deuers le Roy, lequel leur ordonneroit ce qu'ils
auroiēt à faire. Si vindrent deuers luy lescits Capitaines, &
quant ils furent là venuz, il les enuoya querir pour venir
deuers luy, Monseigneur le Connestable present, & leur
demanda comment la chose estoit ainsi auenue deuant la
ville d'Auranches. Si respondirent lescits Capitaines, que
les Anglois s'estoient tousiours tenus en lieu fort, & qu'ilz
n'auoient iamais peu trouuer lieu de les combattre, sinon
au grant desauantage des François. Et quant le Roy les eut
ouys, il assemblea son conseil, aduisant que à tenir tant de
gens viuans sur les champs, & en destruisant son peuple,
n'estoit que destruction, & que à vn chascun combattant
failloit dix cheuaux de bagage, de fretin, de paiges, & var-
lets, & toute telle coquinaille qui ne sont bons que à de-
struire le peuple. Et pource ordonna le Roy par grant de-
liberation de conseil, de mettre tous ses gens-d'armes es
frōtieres, chacun homme d'armes à trois cheuaux, & deux
Archiers ou trois, & non plus: & seroient faictes leurs mon-
stres, & payez tous les mois. Et pour ce faire, & commander
telle ordonnance, le Roy fist bailler & deliurer à tous les
Capitaines argent & traict. Et ainsi que le Roy cuidoit que
tout fust bien appoinctié de ceste besongne, Messeigneurs

Q

1439.

de Bourbon, d'Alençon, de Vendosme, & Monseigneur le bastart d'Orleans firent vn conseil au chastel de Blois, & alliances pour mettre ainsi, comme ils disoient, les aucuns du grand Conseil dehors de la Cour du Roy. Et pour auoir plus grant couleur, & estre plus forts, par le moyen de Monseigneur de Chaumont, & de Messire Jean Sanglier, trouuerent maniere de mettre en leurs mains Monseigneur le Daulphin, lequel estoit pour l'heure à Nyord, & le gouuernoit le Comte de Perdrac frere du Comte d'Armaignac, & pour lors ayant espousee la Comtesse de la Marche, pensans qu'ils auroient par ce moyen le gouuernement de cedit Royaume. Le Sire de la Trimouille le sceut, qui tousiours auoit sceu qu'un chascun d'eux auoit volenté d'auoir le gouuernement de ce Royaume, & afin qu'il y peust entrer souz ombre de ce, il fut moult ioyeux quant il sceut l'alliance desdits Seigneurs, & leur escriuit & mada secrettement qu'il vouloit estre de leur alliance, & y employer corps & cheuance. Lesdits Seigneurs furent moult ioyeux de ces nouuelles, & que tant plus estoient, & plus leur sembloit estre fors. Et incontinent ces choses faictes & dictes, Monseigneur d'Alençon vint à Nyord, & mit Monseigneur le Daulphin en sa main, & bouta hors le Côte de Perdrac d'avecques luy, que le Roy y auoit mis pour le gouuerner. Et pareillement mit hors les autres Cheualiers & Officiers, qui n'estoient de leur alliance. Le Roy fut bien courroucié quant il sceut ces nouuelles, & que le bastart de Bourbon, Anthoine de Chabannes, & plusieurs autres Capitaines, qui festoient partiz des frontieres, & auoient rompu les ordonnances que le Roy auoit faictes, estoient venuz passer à Blois, pour entrer dedens les pays de Berry & de Saulongne, pour destruire le peuple comme deuant. Et pour ce enuoya le Roy deuers lesdits Seigneurs à Blois Monseigneur le Connestable, & Monseigneur de Gaucourt, pour les desmouuoir de leur opinion, & les remettre en sa grace, dont ils ne voulurent riens faire. Et quant il vit qu'ils estoient ainsi fermes en leurs opinions, il sen alla en Poitou cuidât recouurer mondit Seigneur le Daulphin. Et enuoya Ambassadeurs deuers mondit Seigneur d'Alençon, qu'il luy voulüst enuoyer, & remettre son fils en ses mains, lequel

n'en voulut riens faire. Et quant le Roy vit celle chose, il s'en vint à Poitiers faire ses Pasques. 1439.

[*En celuy an mourut Albert Duc d'Ostruche, qui auoit esté Empereur. Et fut fait Gouverneur de Normãdie pour les Anglois le Comte de Sombreffet.]

L'An mil cccc. quarante, ainsi comme le Roy disnoit, vindrent nouuelles que Monseigneur d'Alençon, & Jean de la Roche auoient prins la ville & chastel de saint Messant. Et incontinent le Roy, ces nouuelles oyes, monta à cheual, & ordonna le Sire de Coectiuy Admiral de France, & le Sire de la Varenne Seneschal d'Anjou, & de Poitou, pour aller audit saint Messant à tout quatre cens lances. Les bonnes gens dudit lieu festoient partie retraits dedens vn portail, depuis la nuit iusques au lãdemain nuit, que lesdits Seneschal & Admiral arriuerent. Et par ledit portail que lesdites bonnes gens tenoient pour le Roy, ils entrèrent dedens la ville. Quant ledit Duc d'Alençon, & ledit Jean de la Roche, oyrent le bruit des gens du Roy qui venoient, ils se retrahirent dedens le chastel de ladicte ville, & leurs gens avec eulz, à tout ce qu'ils peurent emporter du pillage de ladicte ville. Et incontinent iceulx Duc, & de la Roche, se partirent & s'en allerent toute nuit à Niord, & laisserent des gens pour garder ledit chastel. Le landemain le Roy arriua audit lieu de saint Messant, & fit mettre le siege de toutes parts deuant le chastel dudit lieu, & sortir canons, bombardes, & engins vollans. Et tant que à la fin ledit chastel fut prins, par telle maniere que les gens dudit de la Roche demoureroient à la voulenté du Roy, & ceulz dudit Duc d'Alençon feroient serment d'eulz iamaiz armer contre le Roy. Et y eut grant foison des gens dudit de la Roche decapitez & noyez. Et ainsi furent renduz lesdite ville & chastel. La maniere comment ledit Duc d'Alençon print ledit chastel est, le Sire, à qui le Roy auoit donné lesdites ville & chastel, pource qu'il auoit perduë sa terre en Normandie, auoit vn varlet qu'il auoit batu, & iceluy varlet estoit amoureux d'une chamberiere que iceluy Seigneur entretenoit. Si firent leur conseil ensemble les varlet & chamberiere de trahir leurdit Maistre, & bailler

Qij

1440.

*M^s le Sire

ledit chastel ausdits Ducs d'Alençon, & de la Roche, & ainsi le firent. Cependant que le Roy estoit à saint Messant, le Duc de Bourbon enuoya Anthoine de Chabannes à tout fix vingts lances à Nyord deuers le Duc d'Alençon. Et pou apres qu'il fut venu, partirent dudit Nyord luy, & mondit Seigneur d'Alençon, & emmenerent Monseigneur le Daulphin en Bourbonnois, & laisserent ledit de la Roche pour la garde dudit Nyord. Le Roy sceut ces nouuelles, & se mit en chemin apres eulz. Et ordonna le Sire de la Creste, Yuon du Puys, & plusieurs autres Capitaines, lesquels demourerent à Beaulieu par son ordonnance, pour garder le pays de Touraine à l'encontre de ceulz du chastel de Loches, que * Monseigneur de Chaumont auoit mis és mains du Duc de Bourbon. Et en estoient Capitaines de par ledit Duc Anthoine Gimault parent dudit Seigneur de Chaumont du pays de Touraine, & Archambault de la Rocque, lesquels firent guerre & dommaige és pays de Touraine, & de Berry, & faisoient des escarmouches sur ceulz dudit Beaulieu, & les autres sur eulx. Et estoit la Dame de Chaumont dedens ledit chastel de Loches tant que le debat dura. Cependant fut prins Montrieux par le bouleuart dudit chastel, lequel on refaisoit: & aucuns de ceulz qui le refaisoient y bouterent les gens du Roy. Et estoient conduiseurs à prendre ladite place, Iamet de Tillay Capitaine de Blois, & Foulques Guidas Capitaine d'Amboise, lesquels trouuerent ledit chastel moult bien garni de vaisselle d'argent & de tapisserie, & d'autres meubles qui estoient audit Seigneur de Chaumont. Apres que le Roy eut mise ladite ville de saint Messant en son obeissance, il s'en partit, & vint à Poitiers, & de là print son chemin à la Soubzterreine, & à Guairet. Et estoient en sa compaignie Monseigneur le Connestable, Monseigneur de la Marche, & Monseigneur le bastart d'Orleans, lequel auoit laissié l'alliance des autres Seigneurs, & auoit fait son traictié au Roy. Le Roy auoit en sa compaignie huit cens hommes d'armes, & deux mil de traict, sans auoir mandé nul de ses subiects. Et demourerent de toutes parts les frontieres qu'il tenoit contre les Anglois tresbien & grandement garnies. Le Roy manda le Vicomte de Loumeigne, le

bastard de Foix, & Sallezart Capitaines, qui auoiēt le gou-
uernement des gens-d'armes & de traict, qui estoient pour
Rodrigues es pays de Guienne. Pou deuant fut prins Mon-
seigneur de Gaucourt es pays de Niernoys d'un Capitai-
ne nommé Ferrieres, qui estoit à Monseigneur de Bourbo,
lequel Seigneur de Gaucourt s'en alloit au pays de Daul-
phiné, dont il estoit Gouverneur. Le Roy partit de Guai-
ret, & cheuaucha son auantgarde deuant, que faisoient Po-
ton de Xaintrailles, Robert de Floques, & Iean de Brezé,
lesquels prindrent d'assault le village de Chambon, & ledit
Poton se logea à Euon. Les bonnes gens dudit Chambon
se retrahirent en leur Eglise, lesquels eussent esté prins des
dessus-dits. Mais Monseigneur le Connestable arriua sur ce
point, qui leur sauua les vies & leurs biens qu'ils auoient
retraiz dedens l'Eglise, parmy ce qu'ils payeroient audit
Iean de Brezé la somme de six cens escus d'or, ou cēt marcs
d'argent. Et le landemain se partit le Roy, & vint à Monta-
gu en Combraille, & là coucha. Et enuoya ses gens & he-
raulz deuant la ville de Ebreule, que on luy fist obeissance,
& les bonnes gens le firent volentiers, & luy firent ouuer-
ture, & là fut deux iours. Et enuoya pareillement ses he-
raulz deuant la ville de Aigueperse, que on luy fist obeis-
sance, & si firent ils, & le receurent volentiers. Le Roy fut
là le iour de la Pentecouste, où il fit sa feste. Messire Iacques
de Chabannes sceut que l'artillerie du Roy se partoit à vn
soir d'Ebreule, & la menoit l'en toute nuit audit Aigue-
perse. Si se vint embuscher sur le chemin, & environ mi-
nuit luy & ses gens firent sur ceulz qui menaient ladicte
artillerie, & prindrent & emmenerent partie des bombar-
des, & le traict, & ardirent les pouldres. Le Roy sceut ces
nouuelles, & pour ce fut en personne entre le point du iour
& soleil leuant ou champ où ladicte destrouffe auoit esté
faite. Mais d'icelle heure estoient desia retraiz ledit Messie-
re Iacques de Chabannes, & ses gens. Et quant le Roy sceut
qu'il pouoit estre à la ville, il s'en retourna. A conduire ce-
ste artillerie estoit vn nommé Guernel, qui estoit Capitai-
ne de cent ou six vingts hommes de pié, lesquels condui-
soient ceste artillerie. Mais quant vint à la defense, il n'y
eut oncques nul d'eux qui tiraist espee, ains se mirent tous

Q. iij

1440.

en fuitte. Le Roy enuoya à Cuiffet, & là trouua bonne & vraye obeiffance, jaçoit ce que Monseigneur le Daulphin, & Monseigneur de Bourbon y estoient venus pour y cuider entrer. Et quant ceulx dudit lieu sceurent la venue du Roy, ils furent moult ioyeulz, & oncques ne voulurent obeir aux autres Seigneurs. Les gens du Roy prindrent la ville de Charroux d'assault, & y trouuerent moult de biens, & y furent par l'espace de quinze iours bien aises. Le Roy se partit de Aigueperse, & alla à Escurolles, & là logea en cinq ou en six forteresses à l'environ, la plus part de ses gens d'armes, puis s'en retourna audit Aigueperse. Et quant Monseigneur de Bourbon, & les autres Seigneurs virent que les gens-d'armes du Roy estoient pres de saint Pourçain, doubterent que le Roy ne veinst audit saint Pourçain y mettre le siege. Et pour ce deslogerent, & s'en partirent Monseigneur le Daulphin, Monseigneur de Bourbon, & le Sire de la Trimouille nouveau venu, & auoit amené à l'aide desdits Seigneurs cent hommes d'armes. Si s'en allerent lesdits Seigneurs à Molins, & de là à Desize, & furent esmeuz d'aller en Bourgoingne. Mais ils eurent nouuelles que s'ils alloient plus auant, que nulles des bonnes villes ne les bouteroient dedens sinon à leur simple estat : & le plat pays ne souffrieroit point que les gens-d'armes vesquissent sur eulx, s'ils ne payoient leur escot. Et doubterent que s'ils prenoient riens sur ledit plat pays, que les Seigneurs de Bourgoingne, & le peuple ne se esmeussent sur eulx & leurs gens. Et pource retournerent audit Molins. Lesdits Seigneurs cuidoient que le Vicomte de Loumeigne, & Sallezart dessus nommez deussent venir à leur aide. Mais ils firent le contraire. Car ils vindrent à l'aide du Roy, dont ils furent tous esbahiz. Mondit Seigneur de Bourbon auoit mise grosse garnison de gens-d'armes à Sancerre, & à Xaincoins, qui faisoient guerre à ceulz de Bourges, & au pays de Berry, & aussi à Corbueil, à Braye-Côte-Robert, & au bois de Vincennes à Paris, & és autres bônes villes & pays d'environ, qui estoient au Roy. Et auoient esté parauant mesdits Seigneurs le Daulphin, & de Bourbon deuant Clermont, & Montferrant en armes à toute leur puissance pour les cuider peruertir, & tirer en leur obeiffance, dont les sub-

jects d'iceux lieux se gouvernerent bien grandement & 1440.
honorablement pour le Roy, comme vrayz & loyaux sub-
jects doibuent faire à leur souuerain Seigneur. Les gens
du Roy se bouterent & logierent en toutes les places qui
estoyent en la Lymaigne d'Auuergne, entre Aigueperse &
Clermont, reserué Rion qui se tenoit pour le Duc de Bour-
bon. Le Roy delibera de partir, & de s'en aller audit Cler-
mont dudit lieu de Aigueperse, où il fut grandement re-
ceu, & bien venu, & y fut enuiron quinze iours. Et vindrēt
par deuers luy les Barons, & trois Estats d'Auuergne qui
luy firent grand reuerence, & tint le Roy son conseil pu-
blique. Et parla pour luy Monseigneur l'Euesque de Cler-
mont, en remonstrant la maniere comment les Seigneurs
dessusdits auoient procedé en leur mauuaise volenté con-
tre la volenté du Roy, & comment le Roy auoit mis or-
dre avecques ses Capitaines & gens de guerre, pour les te-
nir en frontiere, afin de les garder de rober & destruire son
peuple, quant les Seigneurs dessusdits ont mandé lesdits
gens-d'armes, qui se deuoient tenir es frontieres, comme
dit est. Et aussi auoiēt prins Monseigneur le Daulphin son
fils, & luy auoient donné à entendre parolles & choses plai-
sans à sa volenté, afin de le mettre en parolle, & en fait à
l'encontre de son pere, lesquelles choses sont contre Dieu,
raison, & nature. Et pour ce requeroit le Roy lesdits Barons,
& gens des trois Estats, que à son besoin luy voulussent ai-
dier de corps & de cheuance. Si luy firent responce lesdits
Barons & autres des trois Estats, Qu'ils estoient siens de
corps & de biens, & vouloient obeir du tout en tout à sa
volenté. Dont le Roy fut tres-content. Et donnerent au
Roy les gens desdits pays certaine somme de deniers. Mō-
seigneur le Comte d'Eu trauailla moult deuers Monsei-
gneur de Bourbon, pour veoir se l'en pourroit trouuer ma-
niere de reduire luy & les autres Seigneurs enuers le Roy.
& y fit moult de voyages qui riens n'y valurent. Dont ledit
Comte eut assez de peine, & à la fin fist tant que Messei-
gneurs d'Alençon, & de Bourbon vindrent à Clermont où
le Roy estoit, voire aux Cordeliers au dehors de ladicte vil-
le. Et là demourerent trois iours, & parlerent ensemble le
Conseil du Roy, & eulz ausdits Cordeliers. Pour le Conseil

1440.

du Roy à parler ausdits Seigneurs, vindrent Me sire Charles d'Anjou frere de la Royne, Monseigneur le Connestable, Monseigneur de la Marche, Monseigneur l'Euesque de Clermont, Monseigneur l'Admiral de France, & autres Seigneurs du grant Conseil du Roy. Et parlementerent ensemble, & conclurent lesdits Seigneurs pour le Roy, & les autres Seigneurs d'Alençon, & de Bourbon, de retourner deuers le Roy, & amener ou faire venir avecques eux Monseigneur le Daulphin audit lieu de Clermont, & là cōclurre & acheuer ce qu'ils auoient promis. Et se partirent en ce point lesdits Seigneurs desdits Cordeliers pres dudit Clermont, lesquels deuoient retourner tous ensemble le Mardy ensuiuant audit lieu des Cordeliers. Et quant vint audit iour qu'ils auoient promis venir, le Roy sceut que lesdits Seigneurs ne faisoient nulle mention de y venir, ne accomplir leur promesse. Et pour ce enuoya son auantgarde passer la riuere d'Allier au pont du chastel. Et de là s'en allerent mettre le siege deuant la ville de Vichy, laquelle fut rendue par ceulz de ladicte ville, quant ils virent la personne du Roy deuant eux. Et estoit Capitaine d'iceluy lieu vn nōmé Barrette, lequel fit serement au Roy, & tous ceux de sa cōpaignie, de le seruir de ce iour en auant enuers & contre tous : & que le Roy mettroit dedens ladicte ville en garnison toute & telle puissance qu'il luy plairoit. Et les bourgeois de ladite ville & habitans d'icelle supplierent, & requierent au Roy tres-humblement, qu'il luy pleust de sa grace, que leurs personnes & biens meubles peussent estre saufs. Et le Roy tres-benignement leur octroya, parmy ce que les viures, qui estoient dedens ladicte ville, seroient departiz pour viure les gens-d'armes qui demoureroient pour le Roy en ladicte ville. Le Roy ordonna demourer audit Vichy à tout six vingts lances avecques les gēs d'armes & de traict, Flocquet, & Jean de Brezé dessusnommez. Et s'en partit Barrette & sa compaignie. Le Roy se partit dudit siege, & s'en vint en la ville de Cuisset, & enuoya son auantgarde pour mettre le siege à Varennes, & prindrent ses gens plusieurs places de mondit Seigneur de Bourbon à l'entour dudit Cuisset, & vint son siege à Varennes, que tenoient les gens-d'armes d'un nommé Ferri-

res du

res du pays de Niuernois, lequel en estoit Capitaine, & n'estoit pas en icelle ville pour icelle heure. Les gens-d'armes d'icelle ville furent fort trauallez de la puissance du Roy, qui deuant eulx estoit, & se rendirent le baston au poing, parmi ce que ils deliureroient toutes les pertes & choses que Monseigneur de Gaucourt auoit perdues à sa prinse: & aussi deliureroiēt Gabriel de Bernes Maistre d'hostel de Mōseigneur le Daulphin, lequel auoit esté prins avecques mondit Seigneur de Gaucourt par ledit Ferrieres. Et promirent les gens-d'armes de ladite place les faire deliurer. Et de ce baillèrent ostages, & se partirent de la place: & le Roy mit dedens Capitaines vn nommé Pierre Louvain, & Bertrand de Thoïuse. Le landemain se partit le Roy, & vint couchier à la Palice. Et le landemain apres s'en alla couchier à saint An. Et en cheuauchant ses gens-d'armes prindrēt plusieurs forteresses es pays de Forests. Apres mist son siege deuant ledit lieu de saint An, & les fist le Roy sommer par ses heraulz d'eux rendre, lesquels n'en voulerent riens faire. Et incontinent furent assortis canons & bombardes contre les murs de ladite ville, & monterent les gens du Roy sur les murs soubdainement. Et quant le Roy le sceut, il vint à grant haste pour faire descendre ses gens de dessus iceulz murs, afin qu'ils ne feissent aucuns maulx deshonestes, comme l'en fait à la prinse de telles villes. Et lors se rendirent à la voulenté du Roy, lequel les receut benignement. Ceulz de Rouenne, de Charlieu, de Perreulz, & de plusieurs places vindrent faire obeissance au Roy. Et luy estant à Rouenne, vint deuers luy Monseigneur le Cōte d'Eu, lequel luy fist scauoir qu'il luy pleust venir audit lieu de Cuisset, & que là vendroient deuers luy Monseigneur le Daulphin, & Monseigneur de Bourbon, lesquels se venoient mettre à sa misericorde, & qu'il luy pleust leur pardonner. Et se faisoit fort ledit Comte d'Eu, que s'il plaisoit au Roy venir de sa grace audit Cuisset, que sans nulle faulte, & sur sa vie, lesdits Seigneurs vendroient deuers luy audit Cuisset. Et là vindrent en grant reuerence deuers le Roy, & deuant luy, mesdits Seigneurs le Daulphin, & de Bourbon, en luy requerant mercy & pardon. Lesquels le Roy receut benignement. Et eurent plusieurs parolles avecq

R

1440.

le Roy en toute humilité, ausquelles parolles n'y auoit que le Roy, mondit Seigneur le Daulphin, & Monseigneur de Bourbon. Et ces parolles dictes firent grant chiere ensemble: & firent crier la paix parmy ladite ville, dont tout le peuple fut moult resiouy. Et dudit Cuisset se partit le Roy, & vint audit Perieulz, & de là aufdits Rouéne & Charlieu, où il fut grandement receu selon la possibilité des habitans de la ville. Et luy estat audit lieu de Charlieu enuoya mettre en ses mains Loches, Sancerre, Xaincoins, Corbueil, Braie-Comte-Robert, & plusieurs autres villes. Monseigneur le Duc d'Alençon deuant la paix faicte, vit & considéra en soy celle guerre estre desraisonnable, desplaisante & dommageable au peuple, & congneut en soy que par petit conseil & simplement s'estoit bouté en telle besongne. Et les choses dessusdites considerees en soy auecques ceux de son Conseil, enuoya deuers le Roy luy estant à Cuisset aucuns de ses seruiteurs pour faire son traictié, lequel se fit legierement. Et print congié à Molins de Messeigneurs le Daulphin & de Bourbon. Et se mit ledit Duc d'Alençon en la riuiera d'Allier, & s'en alla par ses iournees en son pays Pouencé, où se tenoit sa femme. Et manda à Niord que nul ne fist guerre en Poictou, & que Jean de la Roche vuidast dudit lieu, & si fit il. Le Roy partit dudit lieu de Charlieu, & vint à saint Pourçain, pour pourueoir au gouuernement de ladite ville, & y mettre gens de par luy. laquelle luy auoit esté rebelle durant le debat des Seigneurs dessusdits. Et par luy appoinctié du gouuernement de ladite ville se partit, & s'en vint en la ville de saint Pierre le Monstier, en laquelle il mist Capitaine, & ordonna nouuelle garnison, & de là s'en alla à la Charité sur Loire, laquelle se rendit à son obeissance, & y mist bonne garnison. Et de là se partit, & s'en vint en sa ville de Bourges, où estoient la plus part des Prelats, & notables Clercs de ce Royaume. Et là practiqua le Roy avec iceux Prelats, & notables Clercs du fait du debat de l'Eglise d'entre le Duc de Sauoye, lequel se nommoit Pape Felix, & le Pape Eugene. Et par la deliberation d'iceux Prelats & Clercs, en la presence des Ambassadeurs d'iceux deux Papes dessusdits, se declaira le Roy pour luy, & pour tous ceulx de son Royaume, vray obeis-

fant au Pape Eugene, lequel auoit esté esleu à Pape, apres la mort du Pape Martin, par la deliberation des Ambassadeurs, & de tous les Roys Chrestiens, & autres notables Clercs & Prelats, & lesquels estoient en Cour de Rome à l'heure que ledit Pape Eugene fut créé. Et ce fait & deliberé, le roy se partit de Bourges, & s'en vint à Orleans, & là fit venir la plus-part de ses gens-d'armes, lesquels il mit en certaines parties. Et enuoya & ordonna Messire Pierre de Brezé, avec Floquet, & Jean de Brezé en sa compagnie, pour prendre la ville & le chastel de Conches, & si firent ils. Et enuoya Poton de Xaintrailles avecques plusieurs autres Capitaines nombrez à huit cens lances, & les Archiers pour emparer la ville de Louviers, & si firent ils. L'autre partie de ses gens-d'armes enuoya de là la riuere de Seine pour leuer le siege de Harfleur, lequel estoit assiegé des Anglois. Et estoient ordonnez pour ce faire, & conduire icelle compagnie, Monseigneur le bastard d'Orleans, Monseigneur de Gaucourt, Monseigneur de Penuensac, Estienne de Vignolles dit la Hire, le bastard de Bourbon, & plusieurs autres Capitaines, qui estoient nombrez à huit cens lances, & les Archiers, lesquels y furent cuidans leuer ledit siege, & en firent vaillamment leur debuoir. Mais ils y trouuerent les Anglois si grandemét fortifiez & aduitaillez, qu'ils ne peurent leuer ledit siege, & fallut que ladite ville fust rendue aux Anglois. Ladite compagnie des François, lesquels n'auoient place pour eux retraire plus pres que sur la riuere de Somme, où auoit dixhuit lieues, s'en partirent pour tirer en pays où ils peussent trouuer des viures pour eux, & pour leurs cheuaux. Et en cheuauchant, aucuns Anglois, lesquels Anglois cheuauchent apres lesdits François, cōme il est accoustumé de faire, trouuerēt d'adventure Monseigneur de Gaucourt, lequel estoit demouré derriere pour faire amener son charroy. Si le prindrent & l'emmenèrent prisonnier. Le roy se partit d'Orleans, & vint à Chartres pour conforter ceux de Louviers, & de Conches, & là demoura par l'espace de seize à dixhuit iours. Et la veille du iour de l'an se partit de Chartres, & vint par ses iournees au pays de Champagne, & là mist plusieurs chasteaux & fortereffes en ses mains, esquels se tenoient plu-

1440. **f**ieurs Capitaines & gens-d'armes qui faisoient moult de maux esdits pays: comme le bastard de Bourbon, lequel auoit prins Mussi-l'Euesque, & pillé, Charles de Seruoles, qui pareillement faisoit moult de maux esdits pays, le bastard de Vergy, & plusieurs autres Capitaines des marches de Barrois, & de Lorraine. Et en especial le Sire de Commercy, lequel vint deuers le Roy à mercy en sa ville de Vaucoulour, & le Roy luy pardonna, & aux autres Capitaines, reserué le bastard de Bourbon, lequel fut noyé par iustice. Le Roy print lesdites places où se faisoient ces maux, & y mit preud'hômes de par luy. Et de là s'en vint à Reims, & à Laon, & fit mettre le siege à Marle, qui estoit au Comte de saint Pol. Car les gens-d'armes dudit lieu faisoient moult de maux es pays de Laonnois, & enuiron.

Pou deuât ou mois de Ianuier vint Monseigneur d'Orleans de prison d'Angleterre, & arriua à saint Omer où estoit le Duc de Bourgoingne, & sa femme, lesquels luy firent moult grant chiere. Et pou apres se maria à la fille du Duc de Cleues niepce dudit Duc de Bourgoingne. Et de là la mena à Paris, où l'en luy fit moult grant chiere, & de là à Orleans & à Bloys.

1441. **L'**An mil cccc. quarâte & vng le Roy fut à Laon, & là fist ses Pasques: & arriua la veille desdictes Pasques deuers luy la Duchesse de Bourgoingne grandement accompagnee. Et fut rendue la ville de Marle au Roy. Et vint le Cōte de saint Pol, & aussi la Comtesse de Ligny femme de Messire Iean de Luxembourg en ladiſte ville de Laon, & firent hommage au Roy de toutes leurs terres, par-promettant oster toutes pilleries & roberies de tous les pays & places qu'ils tenoient. Le Roy sceut ces nouuelles, & fut content, & receut bien & grandement ladiſte Duchesse de Bourgoingne, & parla humblement au Roy des besongnes & affaires de ce Royaume. & puis s'en retourna en ses pays. Et vindrent aucuns Bourgoingnons & Picards, au chastel de Montagu, & fut abbatu ledit chastel. Puis se partit le Roy de Laon, & vint à Soissons, à Noyon, à Compiègne, & de là au pont sainte Messance. Et fit mettre le siege deuant la ville de Creilg, & le chastel ensemble que tenoient les

Anglois. Et estoit condenseur de son auantgarde Monseigneur de Coëtiuy Admiral de France, lequel se porta grãdement & honorablement à l'assiete dudit siege. Et estoiet au seruice du Roy Messire Philippe de Cullant, Ioachin Roault, & plusieurs autres Capitaines. Monseigneur le Connestable, & Poton de Xaintrailles & sa compaignie estoient allez à Paris, assembler gens & argent, & eulz en retournant amenerent l'artillerie, & manouuriers necessaires au siege. Les Anglois de ladicte ville de Creilg furent tant batus de canons, & de bombardes, & tant approuchez de fossez, & de mines, qu'il fallut que par force ils se rendissent, ou autrement ils eussent esté prins d'assault. Et estoiet dedens enuiron trois cens combatans, dont estoit chief yn Cheualier nommé Messire Guillaume Poiçtou, lesquels s'en allerent leurs corps & leurs biens saufs. Et en la compaignie du Roy estoient Monseigneur le Daulphin, Monseigneur Charles d'Anjou, Messeigneurs les Comtes d'Eu, & de Richemont Connestable de France, Messeigneurs les Comtes de la Marche, & de Tancarville, & plusieurs autres Seigneurs, Barons & Capitaines, nombrez iusques à cinq mil combatans. Et fut le roy logié à Senlis tant comme le siege dura. Puis se partit de Senlis, & vint à saint Denys, où il fit sa Penthecouste. Et cependant fit assembler ses gens-d'armes, & le Mardy ensuiuant accompaigné des Seigneurs dessusdits, & de sa puissance, vint mettre son siege deuant Pontoise, où estoient Messire Guillaume Chambrelan, & Messire Guillaume Poiçtou, accompaignez de six à huit cens Anglois, & faulx François. Si mirent le siege les Seigneurs François deuant la ville du costé dessusdit, & s'en retournerent le Roy, Monseigneur le Daulphin, & Messire Charles d'Anjou à saint Denys. Et demourerent audit siege Monseigneur le Connestable, Monseigneur de Coëtiuy Admiral, Poton, la Hire, Ioachin Roault, messire Philippe de Cullant, & plusieurs autres, iusques au nombre de six à sept mil combatans. Ce soir firent leurs approuchemens les François, & assortirent canons & bombardes, & firent de grands approuchemens de iour & de nuit, & tant qu'à la fin les Anglois desemparrerent le bouleuart du pont, & le gagnerent les François.

R. iij.

1441.

& fut le pont tant battu de canons, qu'il en tomba trois arches en la riuere d'Oise. Le Roy & mesdits Seigneurs vindrent huiet iours ensuyuants logier à l'Abbaye de Maubuisson. Et pou apres fut fait par les François vn bouleuart au dessouz de ladicte ville sur la riuere d'Oise d'un costé & d'autre: & au milieu vn pont de bateaux grant & large, où passoient gens à cheual & à pié. Et au bout dudit pont estoient les bateaulx de Paris chargez de viures pour aduitailler l'ost, lesquels estoient seurement pour la seurte dudit bouleuart, pres duquel du costé deuers Normandie auoit vne Abbaye nommee saint Martin, à vn trait d'arc dudit bouleuart, laquelle fut fortifiée, & en firét vne autre bastille, & en estoit chief pour la garder le Sire de Coëtiuy Admiral de France. Et estoient ladicte bastille & Abbaye ioincts ensemble. Et dedens estoient de six à sept cens lances, & les Archiers, dont estoient Capitaines Messire Philippe de Cullant Marechal de France, Monseigneur de Mouy de Beauuais, Ioachin Roault, & plusieurs autres Capitaines. Ladicte bastille fut grandement & honorablement gardée & fortifiée, & y conquirent grand honneur à la garde d'icelle ledit Admiral principalement, & tous les autres qui dedens estoient selon leur degré. Deux iours apres la fortification d'icelle arriua le Sire de Talbot accompagné de quatre mil combatans, lequel vint presenter sa bataille, & mettre en ordonnance sur le bort d'un grant fosse à vn iect de canon pres de ladicte Abbaye & bastille, & de deux autres logeis qui estoient pres de la bastille, où auoit deux cens lances, dont estoient conduiseurs la Hire, Ioachin Roault, & Pierre Iaillet Capitaine du pont de Meulenc, lesquels leur tenoient & bailloient l'escarmouche. Le Roy vint veoir le gouuernement des Anglois, & si firent Monseigneur le Daulphin, & Monseigneur Charles d'Anjou. Et auoit ordonné le Roy que nul homme ne bougeast de sa garde, sinon ceulz qui estoient ordonnez pour l'escarmouche. Et quant les Anglois, qui estoient dedens ladicte ville, virent que les François tenoient leur ordonnance, & estoient chascun en leur garde, ils le firent sçauoir au Sire de Talbot, lequel voyant que la plus-part estoit delà le pont, & qu'ils ne pouoient venir si soudainement sur

luy, regardât qu'ils estoient pres de Pontoise à vn trait de canon, il se partit luy & sa bataille, & mist deux mil Archiers derriere. Et au plustost qu'il peut, passa vne petite riuiere qui là estoit, & tira à la ville, & là bouta ses viures, & reconforta ceulz de ladiete ville, puis sen alla loger en vn fort logis de marests à vn quart de lieue de là, & là demoura vn iour ou deux. Et se partirent les Anglois de ladiete ville, lesquels l'auoiēt tenue iusques à sa venue: & se y bouterent les Sires d'Escalles, & de Faucquembergue à tout mil & cinq cens Anglois, lesquels estoient venuz avecques ledit Tallebot. Et enuiron heure de mienuict le iour de saint Iean Baptiste partit ledit Tallebot, & sen alla à Mente. Apres enuiron trois septmaines vint le Duc d'Yorch du costé deuers Beauuoisin, pour aduitailler ceulz de ladiete ville, & osta ceulx qui estoient dedens, lesquels estoient traueilliez & naurez la plus part, & mist dedens la ville le Sire de Clisseton nommé Messire Nicole Border, & Henry Standich, accompagnez de huit cens Anglois. Puis se partit ledit Duc d'Yorch, & vint passer la riuiere d'Oise pres d'une Abbaye nommee Royaumont. Et enuoya son auant-garde deuant le pont de Beaumont sur Oise. Et faisoient semblant qu'ils voulsissent passer par là pour abuser les François, qui gardoient le passage dudit pont, dont estoient chiefs pour la garde d'iceluy pont pour les François le Comte d'Eu, & Poton de Xaintrailles, & ainsi passa ledit Duc d'Yorch. Et quant les François le sceurent, tirerent à saint Denys, doubtons que lesdits Anglois ne voulsissent prendre icelle ville de saint Denys, pour garder qu'il ne peust venir viures en l'ost du Roy. [* Et au passer de la riuiere, allerent plusieurs Capitaines, pour leur cuider defendre le passage. Mais ils trouuerēt, que la plus part d'eulz estoit ja passée. Combien que ce nonobstant s'efforcerent de mettre leur entreprinse à effect, & leur firent tres-grande resistance. & y eut tres-grande escarmouche, en laquelle fut tué vn vaillant Escuyer du pays de Bretagne, nommé Guillaume du Chastel, cousin germain de l'Admiral, le corps duquel fit depuis le Roy enseuelir haultement dedens l'Eglise de Saint Denys.] Le Roy & Monseigneur le Dauphin qui estoient à Maubuisson se partirēt, & vinrent à

* Ceci a esté
adjoucté du
Ms.

1441. la bastille de sainct Martin, reconforter leurs gens, & là mourerent vne nuit. Et le landemain le Roy s'en vint Poissy, & par Monseigneur le Connestable, Floquet, Jean de Brezé, & plusieurs autres fit aduitailler ladicte bastille bien & grandement. Le Duc d'Yorch vint au long de la riuere d'Oise se logier à la fin d'Aise, où il souffrit moult de mesaise de famine; & là passa ladicte riuere, & s'en retourna en Normandie. Le landemain le Roy se partit dudit Poissy, & s'en vint à Conflans, lequel il fit fortifier, plus fort qu'il n'estoit, & le landemain d'apres vint ledit Sire de Talbot à Poissy à tout trois mil combatans, & pilla l'Abbaye dudit lieu, & les Dames, jacoit ce qu'elles eussent sauf-conduit de luy, puis s'en retourna en Normandie. Et au bout de quinze iours reuint pour aduitailler Pontoise. Si partirent de l'ost Monseigneur le Connestable de France, Messieurs les Comtes d'Eu, de la Marche, de sainct Pol, & de Vendosme, & plusieurs autres, & vindrent logier à demie lieuë pres des Anglois. Et quant les Anglois sceurent la venue des François, cheuauchierent toute nuit, & passerent vne petite riuere: & le landemain au point du iour les François ordonnerent leurs batailles, cuidans trouuer les Anglois sur les champs, & trouuerent qu'ils estoient ja passez, & estoient en chemin en approuchant la dicte ville de Pontoise: & ainsi les François ne leur porterent aucun dommage, & s'en retournerent lesdits Seigneurs en l'ost sans riens faire. Pou apres prindrent congé du Roy les Comtes de sainct Pol, de Vaudemont, & de Joigny. Le Roy les remercia du seruice qu'ils luy auoient fait: & aussi print congé l'Euesque de Langres Per de France, qui estoit de ceulz de Vienne, & habandonnerent le Roy audit siege. Le Roy regardant que ses gens s'en alloient, conclud & ordonna battre la ville de Pontoise en toute & grant diligence: & fit prendre l'Eglise nostre Dame sur lesdits Anglois, laquelle fut prinse d'assault, & y eut trente & six Anglois, que morts que prins. Et apres ce que ladicte ville fut fort batue de canons & de bombardes, ordonna de l'assailir. Et si aduenoit que l'en ne la peust prendre, de l'assieger du costé de deuers Gisors, en telle maniere que les Anglois estans en Normandie ne la peussent secourir. Le Roy auoit

auoit fait venir des manouuriers pour fortifier son siege, & auoit ferme propos & entention de n'en partir iusques à ce qu'il eust ladite ville. Mais les Comtes de saint Pol, de Vaudemont, de Joigny, & l'Euesque de Langres, qui s'en estoient allez, ou ceulx qui les conseilloyent, pensoient le contraire. Le Roy ordonna l'assault estre baillé luy present deuant ladite ville le vingt-sixiesme iour d'Octobre. Et fit son assault pour la prendre en trois parties; cest assaouir sa personne estre deuant la tour du Fresche, qui est sur le bort de la riuiere d'Oise, du costé là où estoit la bastille saint Martin. Et estoient en sa compaignie Messieurs les Cōtes de la Marche, & de Tācaruille, Monseigneur le Marechal de Cullāt, & le Seigneur de Mouy de Beauuoisin, l'un des enfans * d'Albret, l'ainné fils du Seigneur de la Tour d'Auuergne. Et estoit le Roy accompagné de mil ou douze cens Archiers & Arbalestriers, & de six cens lances, & d'autres nobles Seigneurs, Barons, Cheualiers, & Escuyers, qui deuoient estre deuant nommez, qui tous firent grandement leur debuoir. Au droit de nostre Dame de Pontoise estoient Monseigneur le Daulphin, Monseigneur Charles d'Anjou, Monseigneur le Connestable, Monseigneur l'Admiral, Monseigneur de Grauille Maistre des Arbalestriers, & plusieurs autres Barons, Cheualiers, & Escuyers, gens-d'armes & gens de traict, Archiers, & cranequiniers, qui tous firent vaillamment leur deuoir. Au bouleuirt du pont de ladite ville de Pontoise estoient à l'assaillir & prendre Monseigneur de Loheac Marechal de France, Monseigneur de Thouars, Monseigneur le Vidame de Chartres, Monseigneur de la Suze, Monseigneur de Montejan, & plusieurs autres Capitaines, Cheualiers, & Escuyers, & estoient en icelle compaignie de quatre à cinq cens lances, & les Archiers à ce appartenans, lesquels assaillirent ledit bouleuirt moult vaillamment. Du costé deuers Gisors estoient à cheual durant l'assault, la Hire, Sallezard, les Escossois, la garnison de l'Isle-Adam, & autres iusques au nombre de trois cens lances, & les gens de traict, lesquels estoient là tous prests, afin que se les Anglois venoient des marches de Normandie, pour les receuoir, & garder les gens du Roy qui la ville assailloient. Et aussi que si

* Ms. de Le-
brec, & par
sont ainsi.

1441.

les Anglois failloient de ladite ville, les garder d'eschapper. Dedens la riuere estoient en foncez, & au dessouz de ladite ville ceulz de Meullenc, & vne partie de ceulx de Paris, qui par eue assailloient ladite ville, & tous faisans leur deuoir vaillamment. Les Anglois estoient sur les murs chacun à leurs gardes, qui se gouuernoient aussi moult vaillamment. Les François assailloient de toutes parts à bonnes eschiettes, & tiroient de canons, arbalestres, arcs, cōleurines, & de tous habillemens de guerre: & là eut moult d'armes faictes, & dura l'assault par l'espace de deux heures & demie. Mais à la fin le Roy eut la victoire. Et entrèrent ceulx qui estoient de sa compagnie & de sa garde les premiers dedens par la tour du Fresche. Monseigneur le Daulphin, Monseigneur Charles d'Anjou, le Connestable, & autres Seigneurs de leur compagnie entrèrent pareillement dedens par où ils assailloient. Et aussi firent Monseigneur le Mareschal de Loheac, & Monseigneur de Thouars, lesquels entrèrent pareillement par ledit bouleuard dudit pont. Et ainsi fut ladite ville prinse d'assault, où furent morts pour ce iour de quatre à cinq cens Anglois, & de trois à quatre cens prisonniers, & bien deux cens Anglois qui furent que morts que prins par la Hire, Sallezard, & les autres dessusdits, lesquels Anglois se cuidoient sauuer. Le Roy apres la prinse faicte de ladicte ville, alla parmy icelle sur vn petit cheual, & mondit Seigneur le Daulphin en sa compagnie. Et alla par les Eglises mercier Dieu de la victoire qu'il luy auoit donnée, & enuoya par toute la ville aucuns de ses gens pour garder les femmes & laboureurs de toute maniere de violence. Et le landemain fit sçauoir ceulz, qui estoient montez les premiers dedens ladite ville, ausquels quant il fut informé de la verité, il fit donner grands dons d'or & d'argent, & rentes à leurs vies entre les quatre portes de Paris: & les anoblist, & leur donna armes, afin que à tousiours en feust memoire. Le Roy ordonna leuer ses bastilles de deuant Pontoise, & aussi tous les ponts qui faits y auoient esté; ses bombardes & canons, & toute artillerie, & ordonna faire tout mener à Paris. Et aussi ordonna certaine quantité de gens d'armes à la garde dudit Pontoise, & si la fit fortifier mieulx qu'elle n'estoit parauant.

Et apres vint à Paris, où il fut grandement receu, & ioyeu- 1441.
sement pour la victoire que Dieu luy auoit donnee, & alla
à nostre Dame la remercier. [* A la conqueste de ceste ville
de Pontoise eut entr'autres grant honneur l'Admiral, le- * Adjonsté
quel durant le siege auoit eu la plus-part du gouuernemēt, do M.
& estoit l'un des prochains du Roy, touchant l'auctorité
pour lors, tellement qu'il en fut moult prisé & loué de tous.
Et aussi montra bien le Roy sa ferme constance.] Car il al-
loit tous les iours de Conflans audit siege tant qu'il dura, &
alloit pres des murs de la ville pour faire assortir, & titer les
bombardes, & aussi pour faire les fossez, & approuchemēs,
où il se mettoit en grant peril pour accomplir ce qu'il auoit
entrepris. Le Vendredy deuant l'assault dudit Pontoise
fut prinse la cité d'Eureux des François. Et en estoit Chief
pour le Roy à la prendre Robert de Floques Capitaine de
Conches. Et fut prinse ladite ville d'eschielle par le moyen
d'un pescheur de poisson de ladite ville, & d'un autre son
compaignon dudit lieu. Et estoit le pescheur dehors à la
prinse, & son compaignon estoit sur les murs où il faisoit le
guet à l'endroit dont les François eschelloient ladite ville:
& le pescheur estoit en l'eau à tout sa nasselle faignant de
peschier: & les François avecques luy qui passoient la ri-
uiere pour venir au pié des murs. Ainsi y monterent &
prindrent ladite ville, & la mirent en l'obeissance du
Roy.

Celuy an ou mois de Nouembre se partit le Roy de Pa-
ris, & cheuaucha tant par ses iournees qu'il vint à Saulmur
sur Loire: & aussi y vindrent la Royne, Monseigneur le
Daulphin, Monseigneur Charles d'Anjou, & plusieurs au-
tres grands Seigneurs. Et depuis audit lieu de Saulmur
vindrent deuers sa noble & haulte Majesté, les Ambassa-
deurs du Duc de Bretagne, pour ce que ledit Duc scauoit
que c'estoit le plaisir du Roy, d'oster les pilleries & robe-
ries que faisoient aucunes mauuaises gens du pays de Bre-
tagne es pays de Poictou, de Xaintonge, & Anjou, des pla-
ces & chasteaux des Essars, & Palluau, que ledit Duc te-
noit par force, lesquels ils tenoient au preiudice & dom-
mage de la femme du Seigneur d'Auaugour, qui estoit fre-
re du Comte de Penthièvre. Et sont iceux chasteaux des

Essars & Palluau tenuz en hommage du Roy à cause de sa Comté de Poictou. Et pour ce pour oster les pilleries qui se faisoient sur le peuple desdits pays, par l'ordonnance du Roy ledit Duc de Bretagne manda à ceulx qui les places tenoient, qu'ils missent lesdites places es mains, & en la garde de Monseigneur le Connestable de France son frere, & si firent ils.

Ou moys de Ianuier apres la Tiphaine le Roy se partit de ladicte ville de Saulmur, & vint en son pays de Poictou: C'est assauoir à Marueil, & à sainte Hermine, qui sont au seigneur de la Trimaille; & dedens lesdits lieux auoit gens qui faisoient plusieurs maux es pays dessusdits: & pource les fit le Roy vider desdites deux places, & firent le serement les Capitaines dudit Seigneur de la Trimaille, qu'ils tiendroient le peuple dudit pays en paix, sans plus riens prendre sur eux. Le Roy se partit dudit pays de Poictou à tout son ost, & arriua en la cité de Xaintes avec aucuns des Seigneurs de son sang & de plusieurs ses Barons: & vint pour oster la pillerie, que y faisoient sur son peuple de Poictou, & de Xaintonge, les gens du Seigneur de Pons, lequel Seigneur quant il sceut la venue du Roy, luy enuoya en grant reuerence les clefs de ses villes, & chasteaux, comme l'en doit faire à son souuerain Seigneur. Et vint ledit Seigneur de Pons en sa personne en grant humilité au Roy: & mist le Roy en ses mains certaines ses places: & icelles mesmes, qui estoient anciennement du domaine du Roy, que ledit Seigneur de Pons, & son pere auoient longuement tenues par force, disans que le Roy de France anciennement leur auoit baillé lesdites terres, & icelles engagees pour certains prests qu'ils auoient faits à la Couronne de France durant les guerres: & ainsi fit son traictié, & fut le Roy content de luy. Apres ce fait & ordonné dudit Seigneur de Pons, le Roy enuoya partie de son ost deuant la ville de Taillebourg. Et entrèrent dedens par force, & là fut prins le Capitaine dudit lieu, lequel estoit du pays de Bretagne, nommé Morice de Plusqualet, & fut mené prisonnier en la ville de la Rochelle, & furent ses gens decapitez & pendus, qui furent prins par force en ladite ville, & furent executez pour les maux qu'ils faisoient esdits pays. Le Roy y

mist des gens de par luy pour la garde de ladite ville, & seurté du pays. Puis se partit le Roy dudit pays, & vint à Ruffec en Poictou, & fit mettre le siege deuant le chastel de Brethueil sur la riuere de la Charente, que tenoit ces iours Guyot de la Roche vn Gentil-homme dudit pays, & auoit mis ledit Guyot deux cens hommes de guerre dedés ledit chastel, lesquels se tindrent contre le Roy & sa vou-
lente. Et furent si approuchiez de fossez, de bombardes, & d'engins vollans qu'ils se rendirent au Roy, parmy ce qu'ils ne se deuoient iamais armer contre luy ne sa Seigneurie. Et pour le Roy y eut la charge Monseigneur Prigent de Coe-
ctiuy Admiral, & auecques luy Messire Philippe de Cullât Mareschal de France, & Messire Pierre de Brezé Seneschal de Poictou, de faire sur ce qu'ils aduiferoient estre bon de faire. Et apres la reduction d'icelle place, elle fut abbatue & demolie par l'ordonnance du Roy.

1441.

L'An mil cccc. quarante & deux le Roy fit sa feste de Pas-
ques à Ruffec, & enuoya Monseigneur d'Orleans, de-
uers luy Monseigneur le Comte de Dunoyz bastard d'Or-
leans, par lequel il escriuit au Roy qu'il auoit baillé la char-
ge audit Comte d'oster de la cité d'Angoulesme Guyot de
la Roche, & tous ses gens, lesquels faisoient moult de maulz
esdits pays de Poictou, & de Xaintonge, & aussi aux pays
d'enuiron. Et demanderent aucuns des gens dudit Guyot
de la Roche sauf-conduit du Roy pour aller deuers Mon-
seigneur le Duc d'Orleans, lequel leur fut baillé, & s'en re-
tourna ledit Comte de Dunoyz auecques eulx deuers mō-
dit Seigneur le Duc d'Orleans, pour sçauoir au vray de sa
volente, si luy plairoit qu'ils vuidassent ladite place. Et
ordonna la bailler en garde au Sire de Rambouillet, & à
Pierre Boisseau. Ainsi partit ledit Guyot, & ses gens aussi,
& s'en allerent en ses places de Monteydant, & de Montend-
re, qui sont en Bourdelois, iusques à ce que ledit Guyot
eust licence de mondit Seigneur le Duc d'Orleans, de qui
il estoit seruiteur, & sçauoir de par luy ce qu'il auoit à faire.
Apres cest appoinctement le Roy se partit dudit pays, &
vint à Limoges, & là vindrent deuers sa Majesté les Amba-
sadeurs de Messieurs d'Orleans, de Bourgoingne, d'A-

1442.

1442.

lençon, & de Bourbon, lesquels proposerent deuant le Roy de par lesdits Seigneurs, en baillant certains articles, comme ils disoient, pour le bien & gouuernement de ce Royaume; & pour mettre en forme comment cedit Royaume deuoit estre gouuerné selon l'aduis & deliberation des dessusdits Ducs & Seigneurs, lesquels auoient esté ensemble en la cité de Neuers, le Karesme de deuant. Le Roy fit dire aux Ambassadeurs telle responce qu'il luy pleut, & la fit de par luy l'Euesque de Clermont en sa presence. Et apres s'en retournerent lesdits Ambassadeurs chacun deuers leursdits Seigneurs en leurs pays. Le iour de Pentecoste tint le Roy haulte feste à Limoges : & là furent Monseigneur le Dauphin, & Monseigneur le Duc d'Orleans, & Madame sa femme, qui estoient venuz en ladite cité de Limoges de nouuel. Et là estoient Monseigneur Charles d'Anjou, Monseigneur le Connestable, Monseigneur de la Marche, & plusieurs autres grands Seigneurs. Là fut faite grant chiere tant pour ledit iour comme pour la venue de mondit Seigneur le Duc d'Orleans & sa femme. Et donna le Roy à Monseigneur le Duc d'Orleans huitz vingts mil francs sur son Royaume, pour luy aidier à payer sa raençon. Et aussi luy donna dix mil francs pour entretenir son estat par chacun an. Et ainsi s'en retournerent mondit Seigneur d'Orleans & sa femme en leur pays. Le Roy print son voyage pour aller à Tholouse, & de là à Tartas, que les François tenoient : c'est assauoir les gens de Monseigneur d'Albret, lesquels auoient fait composition avecques les Anglois, qui vn pou deuant auoient mis le siege deuant ledit Tartas. La veille de saint Iean Baptiste oudit an, ils debuient rédre ladite place de Tartas en l'obeissance du Roy d'Angleterre. Et pour la seureté desdits Anglois à auoir ladite ville, en faulte des promesses dessusdites, auoient le second fils du Seigneur d'Albret en hostaige, lequel ou cas que ladite ville n'estoit secourue des François, ledit fils demoureroit Anglois, & Seigneur de ladite ville de Tartas. Et pour ce cheuaucha le Roy pour les causes dessusdites, & tant qu'il vint en sa cité de Tholouse, où il fut receu à grant reuerence des gens d'Eglise, nobles, bourgeois & habitans d'icelle cité. Et apres ce vindrent deuers sa Majesté Messie-

gneurs les Comtes d'Armaignac, de Foix, de Comminge, & d'Estrac, lesquels promirēt au Roy de le seruir de corps, de gens, & de puissance, & de mettre leurs pays en guerre contre les Anglois. Et vindrēt aussi deuers le Roy plusieurs nobles, grans Seigneurs, Cheualiers, Escuyers, & Capitaines de-ce Royaume, [entre lesquels estoit Messire Loys de Lauai, Seigneur de Chastillon, pour estre avec le Roy, & le seruir] à ladicte iournee de Tartas. 1442.

En ce tēps-eut entre Eureux & le Neufbourg vne rēcōtre entre les Anglois & les Frāçois. Lesdits Frāçois gaignerent. Mais vn Escuyer & Capitaine d'iceulz François nōmé Iean de Brezé du pays d'Anjou y mourut, dont fut dōmage. Car il estoit vaillant Escuyer. Et vn Escuyer nommé Flocquet, compaignon dudit de Brezé en armes, Bailly d'Eureux, & Capitaine de gens-d'armes, iāçoit que sondit compaignon d'armes fust tué oudit champ par les Anglois, si gaigna ledit Flocquet le champ : & y eut de deux à trois cens Anglois morts en ladicte place, & des plus gens de bien prins prisonniers, lesquels ledit Flocquet amena en la cité d'Eureux, & demoura le champ aux François.

En ce temps descendit le Sire de Tallebot venant d'Angleterre en Normandie, & auoit en sa compaignie deux mil combatans. Et assembla ses gens avec ceulz qu'il auoit amenez des garnisons, qui deuant estoient au pays de Normandie, tant qu'il peut, les places gardees, tant qu'il eut en sa compaignie de quatre à cinq mil combatans. Et vint tenir le siege deuant Conches, que les François tenoient, & estoit Capitaine dudit lieu de Conches ledit Flocquet, où ses gens estoient de par luy. Et ledit Tallebot estant au siege de Conches, Monseigneur le bastart d'Orleans Comte de Dunoys, le Marechal de Loheac, & le Vidame de Chartres mirent le siege deuant Galardon [non pas tant pour le prendre, comme pour donner occasion de sauuer les autres François estans assiegez dedens Conches.] Et quant ledit Sire de Tallebot, qui tenoit ledit siege à Conchēs, sceut ces nouuelles, doubtant que les Frāçois ne prinssent ledit Galardon, que tenoit pour le Roy d'Angleterre vn Cheualier Arragonnois nommé Messire François de Surienne: ce cōsidéré, ledit Sire de Tallebot fit traitié à ceulz de Conches,

1442.

qu'ils s'en yroient dudit lieu leurs corps saufs. Et ainsi se partirent les François d'iceluy Conches, ainsi que dit est. Et incontinent se partit ledit Sire de Tallebot à toute sa puiffance, pour cuider leuer le siege que tenoient mesdits Seigneurs le Bastard Marechal & Vidame, lesquelz auertis de la venue se partirent de deuant ledit Galardon, & firent emmener bombardes, canons, & autre artillerie seuremēt, sans aucune perte, en la cité de Chartres: considerans qu'ils n'estoient pas gens pour resister à la puiffance des Anglois, & aussi qu'ils ne vouloient pas mettre le faict du Roy à l'auenture; veu que le Roy, & la plus-part de sa puiffance estoient à la conquiste de Guienne. Et pou de temps apres laisserent lesdits Anglois ladite ville de Galardon, laquelle fut abbatue.

En ce temps s'en vint le Roy René Duc d'Anjou, de Bar, & de Lorraine, du Royaume de Naples, où tout le pays estoit conquis sur luy. Environ le huietiēme iour de Iuing se partit le Roy de sa cité de Tholoze, & cheuaucha tant par ses iournees qu'il vint en personne la veille de saint Ieā deuant la cité de Tartas. Et estoient en sa compaignie Monseigneur le Daulphin son ainsné fils, Monseigneur Charles d'Anjou Comte du Maine, Monseigneur de Richemont Connestable de France, Messieurs les Comtes d'Eu, de la Marche, de Foix, de Castres, & de Perdrac, Monseigneur le Vicomte de Narbonne, & celuy de Lomaigne ainsné fils de Mōseigneur le Comte d'Armaignac, Monseigneur d'Albret Comte de Dreux, & de Gaure, Messieurs les Comtes de Comminge, de Tancarville, & d'Estrac, le Vicomte de Tartas, & son frere, Messire Philippe de Cullant Marechal de France, Messire Prigent de Cocciuy Admiral de France, Messire Loys de Laual Seigneur de Chastillon, Mōseigneur de Montgascon fils ainsné de Monseigneur le Comte de Boulongne. Et auoit le Roy en sa compaignie plus de sept à six vingts Barons, & Bannieres; & toutes ses gens en bataille en moult belle ordonnance, & en grans habillemens de cheuaulz & de harnois couuerts de foye & d'orfaurerie, & auoit quatre mil lāces, & huiēt mil Archiers, & huiēt autres mil combattans, tant Arbalestriers que coustilleurs. Le Roy tint celle
iournee

iournee tres-haument & honorablement, & ne eurent
ceulz de ladite ville aucun secours des Anglois {Parquoy
les Anglois luy amenèrent les ostages qu'ilz auoient, où e-
stoit le second fils d'Albret.} Et le landemain se partit le
Roy apres que icelle ville fut deliuree, & les Seigneurs
pour ostages baillez & restituez par le Sire de Conac qui
les tenoit pour les Anglois, lequel fit le serement au Roy
d'estre François. Et ainsi s'en partit le roy & son ost, & vint
mettre le siege deuant saint Seuer, auquel lieu estoit le
Seneschal de Guicant nommé Messire Thomas Rameston
accompaigné de cent homes d'armes, Anglois & Gascons,
& deux mil Arbalestriers Gascons, dont la plus-part furent
morts, & les autres s'enfouirent. Le Roy enuiron midy fit
donner l'assault en ladite ville de S. Seuer & faulxbourgs
qui estoient moult forts de mur, de pal, & de fossez grands
& parfonds, & lesquels ville & faulxbourgs furent prins
d'assault: & y entrerēt les premiers les gens du Connestable
du costé deuers Bordeaux. [* Et y mourut trois cens & trôte
personnes ou epuiron de ceulz de la ville, & s'en fuyrent
huiet cens Arbalestriers hors de ladite ville, quand ils vi-
rent la desconfiture.] Et fut prins ledit Seneschal Anglois
hors d'icelle ville en fuyant. Le Roy fut là huiet iours, &
demoura ladite ville en garde en la main de Monseigneur
le Connestable. Puis se partit le Roy, & cheuaucha tant
luy & son ost qu'ils vindrent deuant la cité d'Aqs, qui est
assise sur la riuere de la Dourdonne, * laquelle riuere chet
en la mer à Capbreton au deffouz de la ville de Bayonne, à
trois lieues: laquelle ville est moult forte de fossez, de murs,
& de tours. Le Roy fut deuant ladite cité l'espace de six
semaines, & à la fin Monseigneur le Daulphin leur donna
l'assault en personne soudainement. Mais ceulx d'icelle ci-
té, qui auoient de vaillans gens de guerre dedens, se tin-
drent moult longuemēt en leur bouleuart qui estoit moult
fort. Et à la fin ce mesme iour sur le vespre fut prinse d'as-
sault la premiere tour deuant leur porte: & là eut de grands
vaillances faites de ceulz de dedens, & de ceulz de dehors.
Et quant ceulz de la ville virēt ces choses, ilz se esbahirent
moult. Et ordonna le Roy donner l'assault le landemain au
matin à ladite cité. Mais audit matin ceulz de ladite cité

1442.

* Adjoncté
du Ms.

* Faut lire
de l'adour,
ou de Dour.
que les La-
tins nomment
Aturum,
ceux du pays
Adon, Scali-
ger, Ador, &
Vinet, le
Tarn. Car
la ville d'Aqs
est assise sur
cette riuere,
& non sur la
Dourdonne.

1442.

*cy devant
Guillau,
et ailleurs
Guillem.

virent les batailles de tous costez plainement pour les assaillir. Et pour ce vindrent à parlementer, pour escheuer que ladite ville ne fust prinse d'assault & pillée. Le Roy les print à mercy, pourueu que le Seneschal des Lannes Seigneur d'Usa, tenant le party des Anglois, rendroit les chasteaux de Bedos, de Serues, & ceux de ladite cité demoureroient en leurs franchises accoustumées sans riens perdre. Et de ce bailla ledit Seneschal son fils en ostage. Et demoura le Roy en icelle ville environ huit iours, & laissa au chastel dudit lieu vn Escuyer de la Comté d'Armaignac nommé Arnault * Guillaume de Bourguignen pour la garde dudit chastel. Ainsi se partit le Roy de là. En ce voyage luy firent serement plusieurs Barons de Gascongne Anglois. Et tant qu'il fut audit siege d'Aqs, le Comte de Foix le seruit longuement de viures de son pays de Bearn plus que nuls autres. Et estoient d'un des costés de la ville là où estoit le Roy, Monseigneur le Daulphin, les Comtes du Maine, d'Eu, de Foix, de Comminge, & d'Estrac : & plusieurs autres grans Seigneurs, Barons, & Capitaines. De là la riuere du costé deuers Bourdeaulz, au plus pres du pont de la cité, estoient Monseigneur d'Albret, & le Vicomte de Tartas son fils, les Seneschaux de Béaucaire, & de Tholouze, le Bailly de Lyon nommé Messire Theaulde de Valpargne, le Sire de Chasteauneuf de Bretonne, le Sire de Clermont-de-Lodève, & plusieurs autres Seigneurs & Capitaines. De l'autre part de ladite ville estoient Monseigneur le Connestable de France Comte de Richemont, le Comte de la Marche, le Vicomte de Loumaigne fils du Comte d'Armaignac, Monseigneur de Chastillon frere du Comte de Laual, & plusieurs autres Barons & Capitaines. Et à vne des portes estoient la Hire & Ioachim Roault. Et le iour que le Roy se partit de ladite cité d'Aqs, plusieurs Capitaines de ses gens estoient sur le pays du costé de Foix, qui faisoient moult de maux. Si se mirent sus quatre mil hommes dudit pays, & vindrent courre sur le logeis d'un Capitaine nommé Blanchefort, sans le sceu dudit Comte de Foix, lequel estoit deuers le Roy. Or aduint que la plus-part des Capitaines du Roy estoient en vn champ, où ils attendoient là l'un l'autre pour aller avecques le Roy tous à cheual. Et

vindrent à eulx les gens dudit Blanchefort crians à l'arme tous en fuitte. Si tournerent contre lesdits Bearnois tous ensemble. Et quant iceux Bearnois apperceurent le grant nombre des François, ils se mirent en fuitte, & les François attaingnirent les derniers desdits Bearnois en vne vallee entre deux hayes, & en occirent environ sept cens, & en prindrent deux cens, & les autres s'en fouirēt en leur pays, & autre chose n'en fut. Le Roy vint en la cité d'Agē, & enuoya sommer par ses heraux ceux de Tournus & de Mermande, lesquels se mirent en son obeissance. Et puis bien tost apres se partit le Roy, & vint audit lieu de Mermande pour mettre le siege à la Riolle. Et fit mettre le siege à Chasteau-Milan par le Vicomte de Lomeigne, & à Montboisstin, lesquels se rendirent. Et vindrent deuers le Roy le Sire de la Roquetaillade, & le Sire de la Mothe, lesquels se mirent en son obeissance eulx & leurs places. Et fut mis le siege deuant ladite Riolle, auquel lieu estoit George Soliton Escuyer Anglois, Capitaine desdites ville & chastel, & vn Gascon nommé le Baron, à tout cent lances, & trois cens hommes de trait. Et le troisieme iour ensuiuant le Roy fit assembler ses gens, & assaillir ladite ville: & fut gaingnee & prinse d'assault moult vertueusement, & fit le Roy mettre le siege deuant le chastel de toutes parts.

En ce temps, ou pou deuant, ceulx de Bayonne eurent aucun parlement à ceulx de la cité d'Aqs secrettement: & vindrent à vn matin eulx embuschier en vn Monstier pres de la porte dudit Aqs. Et quant l'en vint ouurir la porte au matin se bouterent dedens, & gaingnerent ladite ville, & mirent le siege deuant le chastel, & l'assaillirent moult durement. Et au troisieme iour le Capitaine Regnault Guillaume de Bourguignen leur rendit ledit chastel, dont il fut moult blasme. Iacoit ce qu'il demeura prisonnier ausdits Anglois de Bayonne, où il fut mené apres la reduction de la place. Car se il se fust tenu encor vn iour, le Comte de Foix le venoit secourir. Et aussi y venoit de par le Roy Messire Philippe de Cullant Mareschal de France. Ainsy fut perdue ladite Cité d'Aqs pour le Roy. Et incontinent que ceulx de saint Seuer sceurent, que ledit d'Aqs festoit rebellé, se retournerent Anglois. Et le Comte de Foix, qui

T ij

1442. estoit leur voisin, pou apres mit ladite ville de saint Sauer en l'obeissance du Roy.

Ou moys de Novembre ensuiuant fut prinse du Sire d'Estouteville Capitaine du Mont S. Michiel, la ville de Gratiuillé par le moyen d'un Anglois d'Angleterre, qui bouta les François dedens de nuit, pour un desplaisir que le bastard d'Escalles, qui estoit Lieutenant dedens, luy auoit fait: Et tenoit ladite ville pour le Roy d'Angleterre, le Sire d'Escalles parauant la prinse d'icelle, qui estoit gouverneur de la basse Normandie.

En ce temps vint mettre le Sire de Tallochot vne bastille deuant Dieppe du costé deuers France, acompaigné de mil & cinq cens Anglois.

En ce temps mourut la Roynie de Sicille, mere du Roy René, de la Roynie de France, & de Monseigneur Charles d'Anjou, & fille du roy Iean d'Arragon, & de la roine Yolent fille du Duc de Bar. Et fut enterrée en l'Eglise saint Moricien la cité d'Angiers empres le Roy de Sicille son mary. laquelle Roynie fut en son temps vne moult sage & bonne Dame: Et trespassa le Duc Iean de Bretagne en ce luy an, & fut Duc apres luy François son fils ainé.

Le Roy estant deuant le Chastel de la Riolle tenant le siege, & dedens les mines faictes deuant ledit chastel, fut frappé d'un trait par la gorge le Comte d'Eu, & luy venoit yssir par l'espaule fenestre, dont il en fut en grant dangier de mort. Le huitiesme iour de Decembre fut réduit le chastel de la Riolle au Roy, & s'en allerent les Anglois de dedens un baston ou poing: & s'en partirent Gieuffroy Saliton, & le Baron Capitaine avecques huit vingts Anglois. Et fut baillé ledit chastel en garde à Oliuier de Coctiuy Seneschal de Guienne pour le Roy, qui le fist bien aduisailier & artillier. Les François eurent moult de mesaise deuant ledit chastel, car l'hyuer fut moult fort de gellees & de neiges, & ne pouoient auoir viures que de Tholouze: & dudit chastel y a vingt six lieues iusques à ladite ville de Tholouze, & venoient les viures par caue, laquelle deuint glacee. Et à prendre lesdites ville & chastel se gouvernerent sagement le Sire de Coctiuy Admiral de France, Valpergne Bailly de Lyon, & le Seigneur de Vennensac Seneschal de

Thoulous. Et apres la reduction desdites ville & chastel, se partit le Roy de ladicte Riolle, & vint en la cité de Montauban, faire sa feste de Noel. Et là vindrent la Royne, Monsieur le Dauphin, Monseigneur Charles d'Anjou Comte du Maine, les Comtes de la Marche & de Tancarville. 1442.

En ce temps gellerent tres-fort les riuieres du pays de Gascongne, & de Languedoc, & de Quercy, tellement que nuls bateaux ne pouoient aller sur eue de nulle part, & ne pouoit l'en aller par les champs à cheual ne à pié pour les neiges qui estoient cheutes.

Qu' moys de Mars le Roy estant en ladicte cité de Montauban, par grant deliberation enuoya ses gés, & ambassadeurs par deuers les Comtes d'Armaignac, de Foix, & de Comminge, pour ce que ledit Comte de Comminge tenoit sa femme heritiere dudit Comté de Comminge en prison: & le Roy regardant le fait en vouloit faire iustice, comme il appartient de droit à vn chascun faire. Si enuoya iceulz ambassadeurs deuers lesdits Comtes, & vindrent premier deuers le Comte d'Armaignac, en luy remonstrant comment il tenoit induement plusieurs places de ladicte Comté de Comminge, & qu'il les mit en la main du Roy. Auquel commandement il obeit, & furent mis sur les tours & murs desdites places les banieres & pannonceaux du Roy. Et furent commandement lesdits ambassadeurs au Comte d'Armaignac, & le adiournerent de main mise à comparoir en personne à quinze iours prouchainement ensuyuans deuant le Roy audit lieu de Montauban, & aussi à comparoir en personne en Parlement deuant le Procureur du Roy dedans la feste de saint Iean Baptiste ensuyuant oudit an, à respondre sur plusieurs rebellions faictes par luy & ses officiers contre les gens du Roy, & aussi qu'il se disoit par la grace de Dieu Comte d'Armaignac, ce qui n'appartient à Duc ne à Comte subiect de nul Royaume. Et de là s'en allerent lesdits ambassadeurs deuers le Comte de Foix, en luy faisant commandement de par le Roy, qu'il leur rendist & deliurast ladite Comtesse de Comminge. Lequel Comte leur respondit, qu'elle n'estoit point en nulle de ses places, & se trouue y estoit pour la leur faire ren-

1442.

dre & deliurer, fit faire ouuerture de toutes ses places, & ne la y trouuerent point. Puis allerent lesdits Ambassadeurs deuers le Comte de Comminge, & luy firent pareil commandement, qu'il rendist au Roy ladicte Comtesse de Comminge. Si obeist ledit Comte, & fut amenée en ladite cité de Thoulouze deuers le Roy, & aussi y vint le Comte de Comminge, lequel estoit adiourné à comparoir en personne audit lieu de Thoulouze, pour oyr luy, & ladicte Comtesse de leur debat. Et aussi furēt enuoyees lettres aux trois Estats de Comminge de par le Roy, comment ils vinssent deuers le Roy audit lieu de Thoulouze, pour veoir & oyr ce que le Roy ordonneroit pour le bien de luy, & de ladicte Comtesse. Et pour faire raison à vn chascun, le Roy par deliberation de Conseil, presens les dessusdits Comte & Comtesse, & lesdits trois Estats, ordonna que ladicte Comtesse demourroit en sa franchise & liberté, laquelle estoit aagée de quatre vingts ans ou enuiron, & auroit la moitié de ladicte Comté sa vie durant. Et fil aduenoit que ladite Comtesse mourust auant qu'iceluy Comte, ledit Comte rendroit apres le decés toute ladicte Comté paisiblement. Et par iceluy appoinctement faisoit ladite Comtesse le Roy vray heritier, ou cas que la fille d'icelle Comtesse n'auroit nuls enfans ne hoirs de son corps, laquelle n'eut nuls qui suruesquissent ladite Comtesse, comme il appert par le testament d'icelle Comtesse. Et aussi par l'appoinctement fait à Thoulouze se consentit Messire Matthieu de Foix Comte de Comminge de par sa femme dessusdite, que le Roy fust heritier apres le decés d'elle & de luy. Et cedit appoinctement fait, fut ladite Comtesse mence à Poitiers pour viure à son plaisir du sien, & de ladite Comté, comme le Roy luy auoit ordonné par prouision. Puis apres se partit le Roy de Thoulouze, & cheuaucha tant qu'il vint en sa cité de Thulle, & là fist ses Pasques.

1443.

L'An mil cccc. quarante & trois le Roy se partit de sa cité de Thulle, & vint en sa cité de Poitiers, & là fit sa feste de Penthecoste, & estoiet deuers sa Majesté royale, le Roy René de Sicille, & le Duc d'Orléans. Et y vint Monseigneur le Daulphin, & bailla le Roy à mondit Seigneur le Daul-

phin la charge, & gouvernement du pays d'entre Seine & Somme. Et se partit mondit Seigneur le Daulphin de ladite cité de Poictiers, où il fit sa feste de Penthecoste auât son parlement, & vint par ses iournees de là iusques au pays de Caux: & arriua deuant vne bastille que le Sire de Tallebot auoit mise, & assise deuant la ville de Dieppe. Et estoient avecques luy les Comtes de saint Pol, & de Dunois, le Sire de Gaucourt, & plusieurs autres iusques au nombre de trois mil combatans. Les Anglois y auoient esté par l'espace de neuf mois. Et mondit Seigneur le Daulphin leur fit dōner l'assault la veille de la mi-Aoust oudit an, & les print d'assault. Et estoient dedens Messire Guillaume Poictou, & le bastard de Tallebot, lesquels furent prins & morts, & trois cens Anglois en ladite place, & de la langue François qui furent noyez depuis ladite prinse. Et ainsi fut prinse ladite bastille de Dieppe: & y fut moult vaillant mondit Seigneur le Daulphin, & le Comte de Dunois, chacun selon son degré.

En ce temps mourut la Comtesse de Comminge en la cité de Poictiers. Et quāt le Comte d'Armaignac le sceut, il print les places de ladite Comté oultre & par dessus la sauuegarde du Roy, pour les vouloir applicquer à soy, & à son domaine, nonobstant l'appoinctemēt que le Roy auoit fait à Thoulouze. Ce mois d'Aoust descendit le Comte de Sombreffet à Chierebourg, à tout huit mil combatans, & vint en la terre du Duc d'Alençon sur les marches de Bretagne à tout son ost, & vint deuant la Guierche en Bretagne, disant qu'elle estoit au Duc d'Alençon, jaçoit ce que le Duc de Bretagne eust treues au Roy d'Angleterre. Si print ledit lieu par composition, & fut logié deuant Pouencé l'espace de deux mois sans y mettre le siege: & là vindrent la plus-part des Anglois des frontieres de Normandie, cuidans estre combatus. Et se trouuerent dix mil & plus: & eulx estans deuant ledit Pouencé, se assemblerent les François près de Craon: & y furent le Marechal de Loheac, le Sire de Bueil, Loys de Bueil son frere, & le Sire de la Varenne, qui cuidoiēt faire vne course sur les Anglois, [* lesquels festoiēt assemblez enuiron mil & cinq cēs, pour aller pareillement courir à leur auantage. Pourquoy,

* C'est aussy
adjouſté du
Ms.

443. quant ils sceurent que les François estoient sur les chaps, ils s'adresserent sur vn logis, où estoient lesdits Marechal, & de Bueil, qui n'auoient pas plus de quatre à cinq cens hommes, & les cuiderent surprendre. Mais ils s'en esboiēt ja tirer hors, obstant ce qu'ils auoient sceu par leurs espies la soudaine venue des Anglois : qui toutesfois les pourfuiurent tres-hastiuement, & tellement, qu'ilz trouuerent ledit Loys de Bueil, qui par cas d'auenture estoit demouré plus derrier, & le prirent, & huiet ou dix hommes d'armes de sa compagnie avec luy.] Puis s'en retournerent lesdits Anglois en Normandie sans faire autre chose, & rendirent la Guierche au Duc de Bretagne pour argent qu'il leur donna. Et fut moult blasmé ledit Comte de Sombrifset desdits Anglois, pource qu'il auoit ainsi exploitié l'armee. Ou moys d'Octobre ensuiuant le Roy estoit à Saumur eut nouuelles que le Comte d'Armaignac auoit prins les places de la Comté de Comminge sur la sauuegarde du Roy, & qu'il traictoit avec les Anglois pour marier sa fille au Roy d'Angleterre, & auoit mis en ses places de Rouergue vn Capitaine nommé Sallezard Espagnol, lequelestoit au Roy, & l'auoit forttraict, & le bastard d'Armaignac nommé Iean de * Lescun, lesquels auoient en leur compagnie quatre cens hommes, & destruisoient tout le pays du Roy enuiron eulx. Le Roy enuoya deuers luy ses messages, luy faisant scauoir qu'il vouldist rendre en ses mains les places de Comminge, & aussi faire vider les gens-d'armes qu'il tenoit en Rouergne, & qu'il cessast de traictier avecques les Anglois: dont le dessusdit Comté ne fit riens, mais desobeist aux lettres du Roy, au Seneschal de Thoulouze, & au Seigneur de Traignel Bailly de Sens derechef. Et tout ce considéré & veu, le Roy enuoya Monseigneur le Daulphin es pays de Rouergue, & de Languedoc, pour pourueoir à tout, & y mena [* plusieurs Seigneurs & Capitaines avec luy; entre lesquels estoient le Marechal de Cullant, & Messire Louys de Laual Seigneur de Chastillō, les Seigneurs d'Estifac & Blanchefort, & enuiron huit cens ou mil hommes d'armes. Quant il fut arriué sur les marches du pays, il enuoya ses fourriers à Entraigues. Mais ceulz de la ville les refuserent. Pourquoy mondit Seigneur y alla, & en son entrée fist ab-

* Changé et
augmenté sui-
uant le Ms.

fit abbatre les portes. De laquelle ville s'en alla en vn chasteau, qui a nom Bartholame, là où fut appointé, Que Salezard, & les autres Capitaines laisseroient la ville de Rodés, & bailleroiét tous leurs gens-d'armes és mains de mondit Seigneur, pour y mettre tel Capitaine qu'il luy plaçoit. Ce qu'ils firent, & par ce fut de par ledit Seigneur fait Capitaine desdits gens-d'armes de Salezard, vn nommé Martin * Gracie. Et ainsi faisant cetui apointement, vint aussi Monseigneur de la Marche seruir mondit Seigneur le Daulphin, qui de là partit pour aller à Tholouze, & là eut conseil qu'il auoit à faire. Et tout conseillié, practiqué & confideré, se partit mondit Seigneur le Daulphin de Tholouze, & fit passer vne partie de ses gens-d'armes oultre la riuere de la Garône, lesquels vinrent deuant l'isle en Iourdain, où estoit le Comte d'Armaignac. Et quant ledit Cōte vit qu'il estoit surprins, si vint au deuant de mondit Seigneur le Daulphin, cuidant faire sa paix. Mais neâtmoins mondit Seigneur le Daulphin le print, & mit la main à luy, & le print luy & son fils mainné, & ses deux filles. Et quant le Vicomte de Loumaigne son fils ainné sceut ces nouuelles, partit de Rouergue, & s'en alla en Nauarre deuers le Prince qui estoit son germain, pour doubte qu'il auoit d'estre prins de mondit Seigneur le Daulphin. Lequel Monseigneur le Daulphin mit tout le pays du Comte d'Armaignac en la main du Roy, c'est à sçauoir Armaignac, Loumaigne, Rouergue, & Moulleflum: & mit le siege deuant Seuerac, & Cadenac. Le bastard d'Armaignac fit aucun traictié, parquoy le siege se leua de deuant lesdictes places, qui sont moult fortes. Et de là mondit Seigneur le Daulphin vint en France, & laissa ledit pays en gouuernement à Messire Theaulde de Valpargne Bailly de Lyon.

* peut estre, Gracie.

En ce temps vindrent les Turcs dedens le pays de Hongrie, qui estoient quarante mil, & passerent le bras saint George, & le grant fleuve de la * Dunoe. Mais par la grace de Dieu le Roy de * Poulaine, & son frere, & les Seigneurs de Hongrie, les desconfirent, & en occirent quatre mil. Et tellement firent à l'aide de Dieu, qu'ils tenoient les Sarrazins en leurs subiections.

* M. Du-rance, * c'est Poulaine,

Celuy an vindrent en la cité de Tours le Comte de Suff.

V

fort, & le Sire de Roosz de par le Roy d'Angleterre, pour traictier de paix entre Roy, & le Roy d'Angleterre.

1444. **L'**An mil cccc. quarante & quatre à la fin du mois d'April apres Pasques, les Anglois prindrent treues pour dixhuit mois, & fiancerent la fille du Roy René, Roy de Sicille, pour estre femme du Roy d'Angleterre, en esperance que paix seroit entre les deux Roys. Et puis son retournerēt lesdits Anglois en Angleterre pour parler à leur Roy, & aux Estats du Royaume, & pour conclurre du fait de la paix.

En ce temps conclud le Roy en son Conseil que on enuoyeroit les gens d'armes de France, tant François comme Anglois, en Allemagne pour viure & faire guerre, cependant que les treues demourroient en leur vertu, & les conduiroit & meneroit Monseigneur le Daulphin. Lequel se partit de Troyes ou mois de Juillet, & cheuaucha tant par ses iournees à tout son ost, qu'il vint deuant Montbeliard, qui est vne ville d'Allemagne près & ioignant de la Comté de Bourgoingne, laquelle il assiegea, pource que le Bailly de ladite ville auoit couru iusques à Lâgres vne cité qui est au Roy, & auoit emmené les gens prisonniers, & les bestes, & auoit fait beaucoup de maulz, dont le Roy fut moult malcontent. Et pource mit mondit Seigneur le Daulphin le siege deuant lesdites ville & chastel de Montbeliard, & le print par composition. Le Roy vint apres mondit Seigneur le Daulphin à tout grant puissance de gens d'armes, & cheuaucha tant par ses iournees qu'il vint en la ville & cité de Langres: & passa son auât-garde sur les marches de Lorraine, & vindrent deuant vn chastel nommé Damay, que tenoit vn nommé le bastard de Vergey, qui d'icelle place & d'autres estans ou pays de Champagne faisoit beaucoup de maulz: & laquelle place il rendit, & toutes celles qu'il tenoit ou dit pays de Champagne. Toutefois ledit bastard tenoit ledit chastel en gage pour certain argent qu'il disoit auoir baillé pour les affaires du Roy de Sicille. Lequel chastel estoit tres-fort, & bien aduitaillé & remparé, & fut rendu au Roy. Puis vint le Roy à Espinal vne ville sur les marches d'Allemagne & de Lorraine, la-

quelle se tenoit pour l'Euesque de Mets, & le chastel tenoit pour la Communaulté. Si se rendit au Roy, lequel y vint en personne. Et de là sen vint le Roy en la ville de Nancey, & enuoya son armee deuant la cité de Metz où ils furent logiez par l'espace de cinq mois & plus. Puis firent ceulx de ladite ville de Metz, aucun traictié avecques le Roy, en maniere que lesdits gens-d'armes se deslogierent d'entour la cité. Apres la reduction desdites ville & chastel de Môtbeliard, Monseigneur le Daulphin, & toute sa puissance entrerent en Allemagne, & laissa iceluy Monseigneur le Daulphin la ville dessusdite bien garnie de gens-d'armes: & vint sur le pays d'Aussols, entre Basle & Strabourg, & là prindrent ses gens villes & chasteaulz luy present. Puis vint pres de la cité de Basle logier. Ceux de ladite ville le sceurent, & faillirent sur ses gens cuidans les trouuer en desarroy. Mais lesdits Allemans furent desconfits: & estoient avecques Monseigneur le Daulphin, Monseigneur de Chastillon frere de Monseigneur le Comte de Laual, Monseigneur de Bueil, Monseigneur d'Estissac, le Sire de Commercy, le Comte de Dampmartin, & plusieurs autres Capitaines. A celle desconfiture d'Allemans y eut bien mil Allemans morts, & deux ou trois cens prisonniers, & le demourant se mirent en fuitte. Et se sauuerent lesdits gens-d'armes de Monseigneur le Daulphin, & demourerent avecques luy es pays d'Allemagne tant qu'il y fut, & tost apres mondit Seigneur le Daulphin par le commandement du Roy sen vint en la ville de Nancey, où estoient le Roy de Sicille son oncle, Messire Charles d'Anjou, Monseigneur le Connestable, Monseigneur de Foix, Monseigneur de saint Pol, & plusieurs autres grans Seigneurs, Cheualiers & Escuyers. Et là estoient les roynes de France, de Sicille, & d'Angleterre. Là vindrent deuers le roy le Comte de Suffort d'Angleterre, & plusieurs autres Cheualiers & Escuyers en sa compaignie, & gens de conseil, lesquels estoient venus pour la royne d'Angleterre fille du roy de Sicille, pour estre femme au roy d'Angleterre. Et parlementerēt, & firent tant qu'ils l'emmenerent en Angleterre. Et au parlement d'elle furent faictes moult belles ioustes, où iousterent le roy de Sicille, Monseigneur Charles d'Anjou, les

2444.

Comtes de Poix, & de sainct Pol, Ferry Monseigneur de Lorraine, le Mareschal de Loheac & plusieurs autres grâds Seigneurs, Cheualiers & Escuyers. Et là estoient les roynes de France, de Sicille, & d'Angleterre, Madame la Dauphine, Madame la Duchesse de Calabre, madame la Comtesse de Vaudemont ainsnee fille du Roy de Sicille, femme de Messire Ferry de Lorraine. Et dura ladite feste huit iours entiers. Et là furent les Roys & Roynes, Princes, Barons, Dames, & Damoiselles en moult grans & sumptueux Estats, & en tres-riches habillemens. Puis se partit la Roynne d'Angleterre, & la conuoyerent le Roy, le Roy de Sicille son pere, & autres en leur compaignie. Et enuiron deux lieues de Nancey, le Roy recommanda à Dieu ladite Roynne d'Angleterre sa niepce, laquelle en prenant congie de luy, ploura moult fort, tellement que à grant peine pouoit elle parler. Et ainsi departirent, & retourna le Roy en la ville de Nancey. Mais le Roy de Sicille pere de celle Roynne d'Angleterre passa oultre, & la conuoya iusques à Bar-le-Duc. Et là la commanda à Dieu, & s'en retourna deuers le Roy à Nancey: & elle s'en alla à Paris, où elle fut receue grâdement, & puis s'en tira en Angleterre. Ceulx de Metz par le traictié qu'ils firent au Roy quitterent le Roy de Sicille de cēt florins d'or que le Roy de Sicille & ses predecesseurs auoient emprunté d'eulx à plusieurs fois. Et aussi baillerent au Roy, ou à son commandement quatre vingts mil florins d'or pour payer ses Capitaines & ses gens-d'armes.

En ce temps vindrent deuers le Roy l'Archeuesque de Trefues Electeur du sainct Empire, & le Comte de Blancheuan, lesquels vindrent de par les Allemans deuers luy: & fut faicte la paix d'entre le Roy & lesdits Allemans, & firent paix & alliance perpetuelle. Le Roy ordonna en ladite ville de Nancey, que tous les gens-d'armes qui auoient esté en Allemagne, & deuant Metz, feroient leurs monstres, & des mieulz en point, & des plus gens de bien. En retenoit quinze cents hommes d'armes, quinze cens coustilleurs, & trois mil Archiers, sur tous lesquels il mist Capitaines, & au premier fist ordonnance pour les logier & nourrir es villes de son Royaume: & leur fist assigner certains viures leur estre liurez tant pour eulx que pour leurs cheuaulx, par le

* Ms. riches
estats &
habille-
mens,

* Chongé &
augmenté sui-
uant le Ms.

peuple. Mais depuis fist remuer celle ordonnance, & ordonna estre payé à chacun homme d'armes garny, qui estoit luy, son paige & gros varlet, deux Archiers, & vn coustilleur, xxx. francs pour mois, qu'il vult leur estre liuré par chacun quart d'an. Et pour ce auoir, mist sus vne taille, qui fut appelée la taille des gens d'armes. Apres lesquelz gens d'armes ainsi par luy esleuz, donna congie à tous les autres. Leur comandant que nul d'eulx sur peine de la hart ne fust si hardy de faire plus nul desplaisir, ne prendre riens sur homes des champs ne des villes. Et afin qu'ilz se peussent mettre entierement à labourer, & retourner en leurs pays & maisons, il fist Edit general, par lequel il donnoit plaine remission à chacun d'eulx de tous les maulx, crimes, & delicts, qu'ilz pouoient auoir fait parauant. Et volut & ordonna qu'on ne leur en peust riens demander, en defendant toute congnoissance & jurisdiction à tous les Iusticiers & Officiers quelsconques.]

En ce temps le Roy de Poulaine, & le Cardinal de sainct Ange Legat du Pape, conquirent auecques les Chrestiens qu'ils auoient auecques eulx en leur aide tout le pays de la Grece, & de Valaquie, & chasserent les Sarrazins iusques à la mer Majour. Le Souldan & le grant Cam apres ce firent grans armées de Sarrazins pour secourir les Turcs, & passerent la mer, & trouuerent les Chrestiens qui estoient à celle heure pou de gens, & les desconfirent. Et y furent morts, & escorchiez tous vifs, lesdits Roy de Poulaine & Cardinal, lesquels sont martyrs, & en paradis se Dieu plaist, pour exaulcier la foy de nostre Sauueur Iesus-Christ.

En ce temps apres que les gens-d'armes de Mōseigneur le Dauphin furent partiz d'Allemaigne, partirent les Anglois qui estoient venus à son seruice. Et en estoit conducteur vn Capitaine nommé Matagou. Lesquels gens-d'armes ledit Matagou remmena au pays de Normandie viure, que tenoit le Roy d'Angleterre pour ce temps.

L'An mil cccc. quarante & cinq le Roy, & le Roy de Sicille vindrent à Chaalōs, pour traitier auecques le Duc de Bourgoingne de la finance en quoy s'estoit rançonné le Roy de Sicille luy estant son prisonnier. Et pour ce qu'il

1445. n'auoit pas argent, luy auoit baillé en gaige les villes & chasteaulx de Neufchastel en Lorraine, de Clermont en Argonne, & de Gondrecourt. Et là ledit Duc de Bourgoingne auoit mis gens-d'armes aux gardes d'icelles places, lesquels estoient payez & souldoyez des deniers du Roy de Sicille. Et quant ils auoient faulte de payement, ils couroient les Duchiez de Bar & de Lorraine, & faisoient de grans maulx & dommages à celle cause. Si fut fait vn traité, pourquoy vint la Duchesse de Bourgoingne deuers le Roy, & fut traité & composé, que le Duc de Bourgoingne auroit le Val de Cassel en Flandres, & luy donneroit le Roy de Sicille par heritaige à luy & aux siens: & en ce faisant redroit audit Roy de Sicille les villes & chasteaux dessusdits. Pour la venue de ladicte Dame de Bourgoingne furent faites moult belles ioustes.

En ce temps moururent les Roynes d'Espaigne, & de Portugal, seurs des Roys d'Arragon, & de Nauarre. Et aussi trespasserent la Roïne d'Ecosse, & Madame la Dauphine fille du Roy d'Ecosse, & de ladite feuë Roïne sa femme, en ladite cité de Chaallons, & fut enterree en la grant Eglise d'icelle, qui fut grant dommage. Car elle estoit belle & bonne dame.

En ce temps enuoya le Roy en ambassade en Angleterre Monseigneur le Comte de Vendosme son cousin & grand Maistre d'hostel, Monseigneur l'Archeuesque de Reims premier Pair de France, Monseigneur de Laual, & Monseigneur de Precigny Chambellan du Roy, Maistre Guillaume Cousinot Maistre des Requestes, & Maistre Estienne Cheualier Secrétaire du Roy, lesquels allerent en Angleterre deuers le Roy d'Angleterre nepueu du Roy, pour trouuer aucun bon traité ou appointement entre lesdits deux Roys. Et pour ce faire, confermer & consentir enuoyerent autres Ambassadeurs le Roy de Castille frere d'armes, & allié du Roy, le Roy de Sicille, Messieurs les Ducs de Bretagne, de Bourgoingne, & d'Alençon, & de tous leurs alliez pour cōfermer pour eulz & de leur part ce que lesdits Ambassadeurs du Roy feroient avecques le Roy d'Angleterre. Lesdits Ambassadeurs furent grandement receuz en Angleterre du Roy, & des grās Seigneurs

dudit Royaume d'Angleterre, Cardinaux & Prelats. Puis traictierent vnes treues depuis le mois d'Auril oudit an, iusques au mois de Nouembre ensuiuant, mil cccc. xlvj. Et cependant lesdits deux Roys deuoient conuenir ensemble entre Rouen & Paris, ou entre Rouen & Chartres. Et pour plus abreger les choses dessusdites, le Roy d'Angleterre enuoya Maître Adam Molins, qui estoit Maître de son priué Seel, & estoit estre Euesque de Clocestre, par douers le Roy son oncle, lequel il requit ralongemēt de treues depuis ledit mois de Nouembre l'an mil cccc. xlvj. iusques au mois d'Auril ensuiuant oudit an, afin qu'iceulz deux Roys eussent plus long temps de besongner au bien de paix. Et pour confermer les choses dessusdites, renuoya le Roy deuers le Roy d'Angleterre son nepueu, Maître Guillaume Confinet Conseiller, & Maître des requestes de son hostel, & Jean Hauart son Escuyer trenchant, lesquels conformerent lesdites treues iusques audit mois d'Auril. Apres le retour d'iceulz renuoya le Roy d'Angleterre lartiere son Roy d'armes deuers le roy, lequel apporta lettres patentes du Roy d'Angleterre, comment il promettoit en parolle de Roy de estre, & venir deça la mer pour traictier au bien de paix, & conuenir deuant le roy dedens le premier iour de Nouembre prochainement venant. Et aussi en emporta ledit roy d'armes pareilles lettres de promesses du roy. Et furent publies lesdites treues par lesdits deux royaumes.

En ce temps fit le Duc François de Bretagne homma-ge au Roy au chastel de Chinon de la Duchie de Bretagne, & de la Comté de Montfort.

En ce temps vindrent en France deux des filles du Roy d'Escoffe, qui dans trouuer Madame la Daulphine leur seur, laquelle les auoit mandees pour la venir voir, ou pour les marier. Et quant elles furēt descendues en Flandres, oyrent nouvelles que la royne d'Escoffe leur mere estoit morte, & aussi estoit Madame la Daulphine leur seur, laquelle estoit decedee à Chaalons en Champaigne. Et elles venues deuers le Roy, il ordōna que elles fussent seruiues des seruiteurs de madite feue Dame la Daulphine, & eurent l'estat que elle auoit aux despens du roy, iusques à ce qu'elles fussent assignees ou mariees.

1446. **L'**An mil cccc. quarante & six fut prins Messire Gilles de Bretagne par le commandement de son frere le Duc François de Bretagne, pour ce qu'il doubtoit que ledit Messire Gilles ne boutast les Anglois en son pays: & fut prins en vn chastel nommé le Guilledou, & furent à sa prinse quatre cens lances des gens du Roy, dont furent conducteurs Messire Pregent de Coëtiuy Admiral de France, Messire Regnault du Dresnay Bailly de Sens, & Messire Pierre de Brezé Seneschal de Poictou, lesquels baillerent ledit Messire Gilles au Duc de Bretagne, pour le mettre & mener où bon luy sembleroit.

Ou mois de Septēbre vint l'Euesque de Clocestre Maistre du priuē seel du Roy d'Angleterre, & le Sire d'Audelay, lesquels firent leur legation comme Ambassadeurs dudit Roy d'Angleterre, par deuāt le Roy en vne maison en Touraine nommee Rasillé pres de Chinon. lesquels Euesque, & Sire d'Audelay, apres ce qu'ils eurent fait & dit leur legatiō au Roy, s'en partirent. Et renuoya le Roy par deuers le roy d'Angleterre son nepueu, Maistre Guillaume Cousinot, & Jean Hauart, & ralonguerent les treues pour vn an.

Celuy an ceulz d'Orie & de Chamfrigor du lignaige & du pays des Genneuois auecques cinq grosses naues armees arriuerent à Marseille, & enuoyerent deuers le Roy leurs messages, en luy faisant sçauoir qu'ils le vouloient faire Seigneur de Gennes, & de tout le pays s'il luy plairoit. Et sur ce le Roy enuoya ses Ambassadeurs pour à tout pourueoir. C'est assauoir Monseigneur l'Archeuesque de Reims, Monseigneur de saint Vallier, Messire Tanneguy du Chastel Seneschal de Prouence, & Sire Jacques Cueur son argentier, lesquels furent à Marseille pour practiquer la reduitiō dudit pays de Gennes. A celle heure estoit vng nommé Messire James * de Champfrigor entre Gennes & Pise en aucunes places qu'il auoit prinſes ou nom du Roy, lequel Messire James auoit dedens ladite ville de Gennes plusieurs amis, tant des gens de son lignaige, que de ceulx d'Orie. Et vint à vn matin dedens le port de ladite ville en vne seulee gallee à tout trois cens hommes. Et quant ils furent descenduz à terre dedens ladite ville, il print la baniere du roy, & trouua ses amis qui estoient en icelle ville tous ensemble, & armez,

* Ms. Ianus
de Cham-
frigoux

& armez, & monta iusques au Palais, & là fut Duc & Seigneur de ladite ville. Et s'enfonit vn nommé Messire Barnabé Adorne, qui auoit esté fait deuant Duc par son entreprise, & en fit partir ledit Iames, vn Escuyer qui estoit au roy nommé Guillaume Bastard de Poictiers, qui auoit esté avec ledit Chamfrigor à prendre ladite ville, pensant que icelle ville voulsist mettre en la main du Roy. Si fit mettre ledit Escuyer hors de ladite ville. Ces nouvelles sceurent les Ambassadeurs du Roy, si se mirent en vne galleace au port de Villefranche près Nice, & vindrent au lieu de Gênes pour remonstrer audit Iames, qui se nommoit Duc dudit Gennes, qu'il mist ladite ville, & le pays en la main du Roy, ainsi comme luy, & ses autres parens & amis luy auoient promis, & baillé leurs scelez. Si respondit ausdits Ambassadeurs, que le pays & la ville il auoit conquesté à l'espee, & à l'espee les garderoit contre tous. Et ces parolles oyes retournerent à Marseille lesdits Ambassadeurs, & de là deuers le Roy, qui estoit lors à Bourges. Ou mois de Feurier ensuiuant mourut le Pape Eugene, & fut fait & créé Pape Nicolas, le vingthuitiesme iour dudit mois.

1446.

L'An mil cccc. quarante & sept le Roy estant à Bourges, vindrent là deuers luy les Ambassadeurs des Electeurs de l'Empire, dont estoit le chief l'Archeuesque de Treues, & aussi y vindrent les Ambassadeurs du Roy d'Angleterre. C'est assauoir l'Euesque de Morinc, le grant Commandeur de l'Ordre de sainct Iean de Roddes d'Angleterre, & le Baron d'Audelay, lesquels vindrent tous pour l'union de l'Eglise. Et enuoya le Roy avec eulx deuers l'Antipape Felix, Monseigneur l'Archeuesque de Reims, Monseigneur de Dunois, & Messire Helie de Pompadour, pour l'union desusdite. Puis se partit le Roy de sa cité de Bourges. Et s'en allerent le Sire de Precigny, Maistre Guillaume Cousinot, & Hauart en Angleterre, & prindrent treues avecques les Anglois, iusques à l'an mil cccc. xlix. le premier iour d'Auil finissans lesdites treues.

1447.

En cet an le Duc de Millan deliura la Comté d'Ast à Monseigneur d'Orleans son nepueu, & pou apres mourut ledit Duc de Milan.

X

1447.

Et en ce temps fist le Roy mettre le siege au Mans, pour ce que le Roy d'Angleterre par le traictié de son mariage fait entre luy, & la fille du Roy de Sicille, auoit promis incontinent apres ledit mariage rendre ladicte ville du Mäs, & les autres places qu'il tenoit en la Comté du Maine: & auoient deceu le Roy les Ambassadeurs du Roy d'Angleterre par parolles sans rendre ladicte place par l'espace de trois ans: & auoient bouté dedens ladicte ville du Mäs enuiron mil & cinq cens Anglois. Quant le Roy sceut les nouvelles, il y fit mettre le siege, & enuoya grant puissance de gens-d'armes & de traict iusques au nombre de six à sept mil combatans. Et en estoient conduiseurs Monseigneur le Comte de Dunois, Messire Prigent de Coëtiuy Admiral de France, Messire Pierre de Brezé Seneschal de Poictou, & Chambellan du Roy, Monseigneur de Cullant, & Monseigneur de Loheac Mareschaux de France. Et en leur compaignie auoit plusieurs Cheualiers, Escuyers & Capitaines de guerre. Et là furent faictes grans ordonnances, & grans approuchemens à l'encontre de ladicte ville, & tellement que ceulx qui estoient dedens ladicte ville ne pouoient resister, & ne auoient deçà la mer Anglois ne puissance pour les secourir, & eussent esté prins par force se n'eust esté l'Euesque de Clocestre du Priuë seel du Roy d'Angleterre, lequel fit tant au Roy que les Anglois luy laisserent la ville, & s'en allerent leurs corps & leurs biens saufs pour escheuer que lesdites treues ne rompissent, & que la guerre ne retournaist entre les deux Roys de France & d'Angleterre. Le Roy fut à Lauerdin pres de Vendosme accompagné d'aucuns Seigneurs de son sang, & grant compaignie de gens-d'armes pour aidier & secourir, se besoing estoit, les gens qui tenoient le siege deuant ladicte ville du Mäs. Puis apres la reduction se partit le Roy pour venir faire ses Pasques en la cité de Tours: & ceulz qui tenoient ledit siege s'en allerent en leurs maisons & en leurs garnisons: & les Anglois qui estoient dedens ledit Mans s'en allerent pareillement en Normandie. Les Chiefs dessusdits y firent grandement leur deuoir, & aussi fit Maistre Jean Bureau pour les approuchemens.

L'An mil cccc. quarante & huit le Roy fit ses Pasques à Tours, & pou apres se partit son ambassade pour aller deuers le Pape Nicolas luy porter l'obeissance. Et estoient lesdits Ambassadeurs Monseigneur l'Archeuesque de Reims, l'Euesque d'Allet, Messire Tanneguy du Chastel, Sire Iacques Cueur Argentier du Roy, & Maistre Guy Bernard Archidiacre de Tours, lesquels Ambassadeurs porterent l'obeissance au Pape de par le Roy, & ainsi qu'il est acoustumé quant le Pape est nouuel fait. Lesdits Ambassadeurs furent grandement receuz, & firent leur ambassade grandement & honnorablement: & estoit avecques eulz l'Ambassade de Monseigneur le Daulphin, & celle du Roy de Sicille: & ainsi entrerent à Rome en moult grant estat, & estoient nombrez trois cens cheuaulx.

En ce temps lesdits Messire Tanneguy, & Argétier partirent de Marseille pour venir en ladicte ambassade, & armerent onze fustes, tant galliaces, gallees que galiottes, & chargerent de vituailles vne partie, & vindrent aduitailler les villes & chastel de Final, qui est ou país de Gennes, lequelz ville & chastel tenoit pour le Roy Messire Gallior du Guarret Seigneur de ladite place, lequel faisoit guerre aux Genneuois. Et pour le dommage que ledit du Guarret Seigneur d'icelle place faisoit ausdits Genneuois, ils mirēt le siege à deux mille pres, & maulgré eulx lesdits Messire Tanneguy & Argentier aduitaillerent ladite place, & renuoyerent les fustes audit lieu de Marseille. Et incontinent apres l'aduitaillement fait se partirent à tout trois galliaces, lesdits Messire Tanneguy & Argentier, & vindrent arriuer à vn port pres de Rome nommé *Ciuita Vecchia. Les Géneuois fitēt grant armee en mer pour les poursuir. Mais ils ne leur peurent nul mal faire qu'ils ne arriuaissent seurement au port. Monseigneur le Duc d'Orleans, qui estoit pour lors en sa ville d'Ast, sceut la venue dessusdite, & eut nouvelles dudit aduitaillement. Et vint à grosse armee par terre pour leuer le siege que tenoient lesdits Genneuois. Et quant ils sceurent sa venue, ils s'en retournerent à Gennes, & laisserent ledit siege.

*Ms. Ciuet-
te la Vieil-
le.

En celuy an, le iour saint Laurens ou mois d'Aoust, se partirent lesdits Ambassadeurs de Rome pour retourner en

1448.

France: & en retournant l'Archeuesque de Reims, l'Euesque d'Allet, & Maistre Guy Bernard Archidiaque de Tours, s'en allerent avecques le Doyen de la Roue Legat pour le Pape Nicolas deuers l'Antipape nommé Felix, pour le sommer & requerir de par le Pape, & de par le Roy qu'il cedast, pour oster le scisme qui estoit en l'Eglise par luy, lequel Felix se excusoit, disant qu'il auoit esté esleu, & fait Pape par le Clergé & Concile qui se tenoit à Baale, & qu'il estoit demouré en celle dignité du viuant du Pape Eugene, & depuis sa mort iusques à celle heure, que lors luy fut monstré par les Seigneurs dessusdits que tous les Roys Chrestiens estoient obeissans au Pape Nicolas tenant le saint siege de Rome, & n'auoit ledit Antipape obeissance de present, sinon seulement que de son pays, & de * Pimont, & pour ce falloit qu'il cedast, ou autrement le Roy y mettroit tel remede, qu'il le feroit ceder. Si prindrent iournee partie des Ambassadeurs de venir deuers luy ou mois de Feburier ensuiuant oudit an: & se partirent pour aller à Tours faire leur rapport deuers le Roy, de ce qu'ils auoient besongné. Et demoura ledit Archeuesque cependant avecques ledit Felix pour tousiours le desmouuoir. Quant il fut esleu à Baale il estoit Duc de Sauoye, & laissa sa Duchie, & toutes ses autres terres qu'il tenoit, à son fils. Et ce nonobstant il en receuoit les prouffits parauant que ledit Duc fust esleu, comme dit est. Pour paruenir à estre Pape, il print douze anciens Cheualiers avecques luy, & s'en alla demourer en vn hostel nommé Ripaille, où la viuoit en maniere de Religieux, ou d'Hermite. Et le conseilla à ce faire le Cardinal d'Arle nommé Messire Jean Allemant, natif du pays de Sauoye, par haine qu'il auoit conceüe contre le Pape Eugene, pour ce qu'il luy auoit osté l'office de Vichancelier, qu'il tenoit du viuant du Pape Martin predecesseur dudit Eugene. Iceluy Cardinal suborna plusieurs autres Cardinaux à l'encontre dudit Pape Eugene, & par son moyen les mena à Baale, & leur fit tenir le Concile, ouquel ils desapointierent le Pape Eugene, & esleurent ledit Pape Felix. Mais ce nonobstant ledit Pape Eugene fut tousiours sa vie durant obey du tres-Chrestien Roy de France, & de tous les autres Roys: & le-

* C'est Piedmont,

dit Felix fut obey en son pays seulement, & és Allemaignes 1448.
par certain temps. Mais quant les Allemans congneurent,
que tous les Roys Chrestiens obeissoient au Pape Eugene,
ils delaissierent ledit Pape Felix, & se mirent en l'obeis-
sance dudit Pape Eugene. Mais ce nonobstant ledit Fe-
lix se fit nommer Pape en sondit pays de Sauoye par l'espa-
ce de neuf ans, & iusques à ce qu'il ceda par le moyen du
Roy, ainsi qu'il s'ensuit cy apres: & se tenoit le temps durât
qu'il se disoit Pape à Lozenne & à Genesue. Apres que le
roy eut ouy la responce dudit Felix par ses Ambassadeurs,
il ordonna & delibera en son grant Conseil d'enuoyer de-
uers luy Monseigneur le bastard d'Orleans Comte de Du-
nois, & de Longueville, & grand Chambellan de France,
l'Euesque d'Allet nommé Messire Helye de Pompadour, &
Maistre Guy Bernard Archidiacre de Tours, lesquelz vin-
drent deuers ledit Felix, où ils trouuerent mondit Seigneur
l'Archeuesque de reims, qui là les auoit attenduz cepen-
dant qu'ils auoient esté deuers le roy. Et là exposerent au-
dit Felix ce qu'ils auoient besongné deuers le roy bien au
long: & tellement besongnerent auecques ledit Felix, qu'il
fut content de ceder à leur requeste, en faueur du roy: &
demoura Cardinal de sainte Sabine, & Legat de tout son
pays, & les Cardinauz qui estoient auecques luy demoure-
rent en leurs offices & dignitez de Cardinauz auec le Pape
Nicolas à Rome. Pour faire & traitier ceste matiere, & pour
mettre l'vnion en l'Eglise, y pena moult le Roy, & despen-
dit largement du sien pour enuoyer deuers les Roys Chre-
stiens, afin qu'ils fussent vniz pour Chrestienté garder. Car
les roys de France ne voulurent iamais soustenir aucun
scisme en l'Eglise, mais trouue-l'on és Escriptions, qu'ils
ont tousiours aydé à remettre sus l'Eglise.

En ce temps ordonna le Roy à auoir en chascune par-
roisse de son Royaume vn Archier armé, & prest, toutesfois
que bon luy sembleroit pour faire guerre à son plaisir quāt
il luy seroit besoing. Et à ceste occasion, afin qu'ils fussent
subiects à ce faire, les affranchist de non payer toutes subsi-
des courans en son Royaume: & fut ordonné aux Baillifs
dudit Royaume chascun endroit soy choisir en chascun
Bailliage & parroisse à prendre les plus habiles & ydoines,

1448.

* Cicy a esté
adjouste du
Ms.

[* Celuy an emparerent les Anglois la ville de sainte Iame de Beuron, laquelle chose ilz ne deuoient faire. Car par l'appoinctement des treues, ils ne deuoient emparer nulles places, ne du costé des François, ne du costé des Anglois.]

Celuy an rendirent les Anglois les ville & chastel de Mayenne la Iuhez de la Comté du Maine, laquelle ils auoient promis rendre quant ils partirent du Mans.

* Ms Som-
merset, &
ainsi par
sont.

Cedit an les Anglois prindrent les ville & chastel de Fougieres en la Duchie de Bretagne à l'entree de Normãdie, d'eschielle & d'emblee durant les treues des Roys de France & d'Angleterre. Et estoient lesdits Anglois six cens combatans, dont en estoit chief vn Cheualier Arragonnois nommé Messire François de Surienne. Ils pillerent ladite ville, dont fut dommage. Car c'estoit vne tres-puissante & bonne ville, bien peuplee de notables bourgeois & riches marchans : & là trouuerent moult d'or & d'argent & d'auoir. Car c'estoit vne tres-puissante & bonne ville. Le Roy de France estoit môté à cheual, & se partoît des Moultils pres de Tours pour aller à Bourges, quant les nouuelles luy furent signifiees de la prinse de Fougieres à son parlement dudit lieu des Moultilz, & pour ce retourna à Ghinon : & par deliberation de son grant Conseil incontinent enuoya en Ambassade Monseigneur de Cullât grand Maistre d'hostel, Maistre Guillaume Cousinot Conseiller, & Pierre de Fontenay Escuyer d'Escuyrie, deuers le Duc de Sombreffet* Gouverneur de Normãdie pour le Roy d'Angleterre, pour le sommer & requerer qu'il voulsist rendre & deliurer lesdits ville & chastel de Fougieres, & qu'il fit reparer, rendre & restituer les deniers, biens, meubles, & autres marchandises qui dedens auoient esté prins par lesdits Anglois. Lequel Duc respōdit qu'il desaduouoit ceux qui auoient prins ladite ville, & qu'il ne se mesleroit de la faire rendre. Le Duc de Bretagne l'enuoya pareillement sommer par son roy-d'armes de rendre ou faire rendre, & reparer ladite ville de Fougieres. Mais ledit Duc de Sombreffet fit telle responce comme il auoit fait aux Ambassadeurs du Roy, ainsi que dessus est dit. Ledit Duc de Bretagne voyant ces choses, & la perdition de sa ville, en-

uoya deuers le Roy l'Euesque de Renes, & le Sire de Gui- 1448.
mené son Chancelier, pour luy remonstrier, & faire sca-
uoir cōme lesdits Anglois auoient prins ses ville & chastel
de Fougieres sur les treues prinſes entre les Roys de Fran-
ce & d'Angleterre, esquelles treues ledit Duc estoit com-
pris, meſmement tous ſes pays & Seigneuries: & veu auſſi
qu'il estoit homme ſubieſt au Roy de France, & nepueu, le
ſommoit & requeroit luy aidier à recouurer ladicte ville,
ainſi que le Seigneur eſt tenu de aidier à ſon vaſſal. Si reſpō-
dit le Roy aux Ambaſſadeurs de Bretagne, & pour ces
cauſes auoit enuoyé Ambaſſadeurs à Rouen deuers le Duc
de Sombreflet: & auecques ce ſemblablement auoit en-
uoyé deuers le Roy d'Angleterre haſtiuemēt Iean Hauart
ſon * Eſcuyer trepchant, pour le ſommer de rendre ladicte * *Ms. Varlet*
ville. Et pource falloit attendre la venue d'iceulz Ambaſ-
ſadeurs, & ſcauoir la reſponſe. Mais ou cas qu'il ne feroit
rendre ladicte ville de Fougieres, le Roy luy promettoit le
ſecourir & conforter à l'encontre des Anglois, & luy aidier
à recouurer ſadicte ville de Fougieres.

L'An mil cccc. quarante & neuf apres Paſques, les Am- 1449.
baſſadeurs deſſuſdits retournerent d'Angleterre, & vin-
drent à Rouen, & de là deuers le Roy à Chinon. Et la reſ-
ponſe d'eux oye, le Roy enuoya deuers ledit Duc de Bre-
tagne, Monſieur le Comte de Dunois, Monſieur
de Precigny, & autres, pour prādre pout & ou nom du Roy,
du Duc, de luy, & de ſes Barōs du pays de Bretagne le ſere-
ment comment ils ſeruiroient le Roy, ou cas qu'il ſe met-
troit en armes pour aidier, & ſecourir ledit Duc de Bretai-
gne, tant comme la guētre dureroit: & ainſi le promirent
iceluy Duc & ſes Barons. Et pour aſſeurer ces promeſſes, &
entretenir les choſes deſſuſdites, baillerent leurs ſcellez
de ce auſdits Ambaſſadeurs du Roy. Et incontinent man-
da ledit Duc de Bretagne à ſes ſubieſts, bien-vueillans,
amis & allies qu'ils le vouliſſent aidier à ſoy vengier [* des * *Ces ſeign*
occasions deſſuſdites.] Et pour commencement de faire *mettre ſes*
guerre pour ledit Duc de Bretagne, Meſſire Pierre de Bre- *au Ms.*
zé Cheualier du pays d'Anjou, Capitaine de Louuiers, &
Robert de Floques Eſcuyer du pays de Normandie, Bailly

1449.

d'Eureux, Jacques de Clermont Escuyer du pays du Dauphiné, & Guillaume de Bigars eurent entreprinse sur la ville & chastel du Pont de l'Arche, par le moyen d'un marchand de Louuiers, lequel menoit souuent son charroy par ledit Pont de l'Arche, & veoit qu'il n'y auoit gueres de garde audit Pont. Et vindrent aucuns desdits Seigneurs, c'est assauoir ceux de pié, eulz embuschier du costé deuers le port saint Ouyn, & ledit Robert de Floques à tout quatre ou cinq cens combatans à cheual au plus pres de ladicte ville, dedens le boys du costé dudit Louuiers. Et ledit marchand luy troisieme vint de Louuiers ce iour ou mois de May, & vint à vng Ieudy passer vne charrette par dedens la ville du Pont de l'Arche, faignant d'aller à Rouen, & parla au portier du chastel dudit lieu pour luy ouurir le lendemain la porte d'iceluy lieu pour s'en retourner plustost audit Louuiers, & luy promit donner le vin: & ainsi passa ledit marchand, & retourna comme à heure de mie-nuiet accôpagné de plusieurs de l'embusche de pié, & logierent en vne hostellerie aux champs ioignât dudit chastel: & incontinent faillirent d'un hostel pour venir au bouleuart, dont iceluy portier se doubta, mais ledit marchand luy dit qu'ils estoient de Louuiers. Et lors ledit marchand luy jetta à terre pour son vin deux bretons & vne plaque, & ainsi qu'il les leuoit ledit marchand le tua, & laissa sa charrette sur le pont dudit bouleuart. Ceulx dudit chastel oyrent le bruiet, & en descendit vn homme hastiuement en sa chemise, qui cuida leuer le pont dudit chastel, pource que ledit bouleuart estoit prins. Mais ledit marchand se hesta, & le tua, lequel homme estoit Anglois, & beau compaignon & fort. Et ainsi prindrent ledit chastel, & vindrent au plus pres du pont, & prindrent ladicte ville. Car les gens estoient encores couchiez la plus-part. Et là furent que morts que prins tous les Anglois, qui dedens estoient, qui estoient de cét à six vingts. Entre les autres y fut prins le Sire de Faucquembergue, qui d'auenture y estoit venu la nuit. Et quant ceulx de pié furent en ladicte ville, ils ouurirent la porte deuers ledit Louuiers, par laquelle entrerent ledit Bailly d'Eureux, & le Sire de Maigny à toutes leurs gens, & crioient Bretagne, & saint Yues. Ceste dite ville est vne moult belle

belle place, & vn tres-fort chasteel, & beau pont assis sur la
riuiere de Seine. 1449.

Pou apres vn Gentilhomme nommé Verdun du pays de
Gascongne, à l'adueu & du consentement du Duc de Bre-
tagne print les places de Conac, & de saint Maigrin, d'es-
chielle, lesquelles places sont ou pays de Bourdelois, & dõt
estoit Capitaine pour le Roy d'Angleterre vn Escuyer nõ-
mé Mondot de Lansac, lequel fut prins pres dudit Conac
en venant de Bourdeaulz. Car il cuidoit que ladite place
fust encores en l'obeissance du Roy d'Angleterre.

En ce temps le Sire de Mouy Gouverneur du pays de
Beauuoisis print d'eschielle la place de Gerberoy sur les
Anglois, dont estoit Capitaine Jean Harpe, lequel estoit à
Gournay ce iour. Et à celle prinse furent tuez enuiron tren-
te Anglois. Et pou apres fut prinse la ville de Conches par
ledit Bailly d'Eureux. Et quant les Anglois sceurent ces
nouuelles de par l'Archeuesque de Bourdeaulz, & ceux de
la ville, fut enuoyé vn Pourfuiuant à Chinõ deuers le Roy,
luy requerir qu'il fist rendre lesdites places de Conac, & de
saint Maigrin, & qu'il leur donnast sauf-conduit, faignans
de vouloir venir deuers luy. Dont de tout on ne fist riens.
& s'en retourna leur Pourfuiuant. Et pareillement enuoye-
rent ledit Duc de Sombreffet, & le Sire de Tallebot de-
uers le Roy audit Chinon Maistre Jean Lenfant, & vn au-
tre d'Angleterre, pour requerir que on leur rendist lesdites
places du Pont del'Arche, de Conches, & de Gerberoy. Et
le Roy leur respondit, que s'ils vouloient rendre la ville de
Fougieres au Duc de Bretagne, & rendre les biens qui a-
uoient esté prins dedens, on leur feroit rendre lesdites pla-
ces qu'ils requeroient luy estre rendues. Et respondirent
lesdits Ambassadeurs, qu'ils n'auoient nulle puissance de
touchier au fait dudit Fougieres. Et pour ce s'en retourne-
rent à Rouen deuers ledit Duc de Sombreffet. Le Roy fut
deuëmēt informé, que les Anglois ou Royaume d'Escoffe,
lequel estoit comprins esdites treues, faisoient moult de
maulx: & aussi de la guerre qu'ils faisoient par mer au Roy
d'Espaigne son allié, & qui estoit desdites treues, continuel-
lement sans rendre ne reparer choses qu'ils eussent faites
contre lesdites treues, ne par terre ne par mer, & pareille-

Y

1449.

ment à ses subiects de la Rochelle, de Dieppe, & d'ailleurs, Combien que par plusieurs & diuerſes foiz, & meſmement pour ladicte ville de Fougieres, le Roy auoit fait ſommer, & requerrir par ſes Ambaſſadeurs, & ceulz dudit Duc de Bretagne, le Roy d'Angleterre en ſon païs, & ceulz qui auoient le gouuernement de Normandie, qu'ils reparaſſent, ou fiſſent reparer les malefices par eulz, & leurs ſubiets faits & perpetrez durant leſdites treues, deſquelles choſes ils auoient eſté refusans. Et pour ce delibera leur faire guerre par mer & par terre pour auſſi eſcheuer les grans dommages & extorſions qu'ils faiſoient, & auoient fait durant leſdites treues. Car ils venoient de Mente, de Vernueil, & de Loingny ſur les chemins d'Orleans, & de Paris, pour couper les gorges. aux paſſans, & deſroboient pluſieurs marchans. Et ſemblablement le faiſoient les Anglois de Neufchattel, de Gournay, & de Gerberoy, ſur les chemins d'entre Paris, & Amiens. Et avec ce alloient de nuit par le plat pays prendre les Gendilshommes de l'obeiſſance du Roy, leſquels ils tuoient & meurtriſſoient, & eſtoient les exploicts qu'ils faiſoient durant leſdites treues. Ceſdites gens Anglois ſe embuſchoient, & ſe veſtoient en faiſant telles choſes de habits diſſoluz, & auſſi eſpouétables. parquoy on les appelloit communement les faux Viſages. Les Anglois qui eſtoient audit Fougieres, firent vne ſaillie ſur les gens dudit Duc de Bretagne qui pres de là eſtoient, leſquels ſe deſſendirent moult vaillamment, tant qu'ils en tuerent & prindrent de cent à ſix vingts.

En ce tēps vn muſnier de la ville de Vernueil, qui auoit ſon molin contre les murs d'icelle ville, fut battu d'un Anglois en faiſant le guet, pour ce qu'il dormoit, & de courroux qu'il eut parla au Bailly d'Eureux, & luy promit apres certaines conuenances faites enſemble, par ſon molin le bouter dedens ladicte ville. Et ſe aſſemblerēt Meſſire Pierre de Brezé Cheualier, Senefchal de Poictou, ledit Bailly d'Eureux, Iacques de Clermont, & autres: tellement qu'ils furēt tous enſemble le xix. iour de Iuillet oudit an au point du iour au pié du mur de ladicte ville de Vernueil, iuſques à ce que ceux qui faiſoient le guet ce iour furent deſcenduz, qui ſe haſterent de deſcendre, pour ce qu'il eſtoit Di-

menche, pour aller à la Messe. Et incontinent au droit dudit molin à l'aide dudit musnier drecherent leurs eschielles, & prindrent ladicte ville, en laquelle estoient environ six vingts Anglois pour la garder, dont les aucuns furent morts & prins, & les autres se retrahirent au chastel, & en la Tour grise de ladicte ville. Le landemain le musnier osta vne partie de l'eauë des fossez dudit chastel, lequel fut assailly moult vaillamment, & deffendu. Mais à la fin fut prins d'assault. Et y furent tuez & prins plusieurs Anglois, & les autres se retrahirent à grãd haste dedens ladite Tour, qui est moult forte, & imprenable, tant qu'il y ait dedens que mangier. Car elle est haute, grosse, & separee dudit chastel au dehors, & bien garnie & environnee de fossez plains d'eauë. Il y eut audit assault de moult belles armes faites, & en especial par ledit Seneschal. Ils assiegierent ladicte Tour de toutes parts par dedens & par dehors. Et ce iour y arriua le Comte de Dunois nouvellement institué & fait Lieutenãt general du Roy en ses guerres. Et avecques luy le Sire de Cullant grand Maistre d'hostel, & Messire Florens d'Illiers, accompagnez de plusieurs Cheualiers, & Escuyers, gens-d'armes, & de trait. lesquels tost apres se partirent, & laisserent pour la garde d'icelle ville, & le gouvernement dudit siege, ledit Messire Florens d'Illiers à tout huiët cens combatans: & eulz en cheuauchant sur les chãps sceurēt que le Sire de Tallebot estoit venu à Bretueil pour cuider venir secourir ladicte grosse Tour. Et cheuauchierent lesdits Seigneurs François, pour les cuider trouver tout au long du iour, & firent tant qu'ils les aconsuient pres de Harecourt, en maniere qu'ils voyoient l'un l'autre. Quant le Sire de Tallebot les apperceut, il se fortifia, & ferma de hayes, & de chariots qu'il auoit amenez pour porter ses viures, & son artillerie, en telle maniere que on ne le pouoit greuer. Et quant vint sur la nuit se retrahirent hastiuement audit lieu de Harrecourt. Lesdits François furent tout le iour en bataille cuidans combattre, & là furent faicts Cheualiers le Sire Jean de Bar Seigneur de Baugy, & Jean Daulon Escuyer d'Escuyerie du Roy, lesquels se retrahirent à Eureux pour le soir. Le Roy vint à Amboise le sixiesme iour ensuyuant du mois d'Aoust, & passa la riuie-

Y ij

1449.

re de Loire pour mettre ses gens de guerre en son pays de Normandie, pour secourir, aidier, & conforter ceulx qui tenoient ledit siege deuant ladicte tour de Vernueil. Et le Védredy ensuyuant troisieme iour dudit mois se partirent d'Eureux lesdits Seigneurs; c'est assauoir le Comte de Dunois, le grand Maistre d'hostel, les Sires de Blainville, de Brezé, de Maigny, ledit Bailly d'Eureux, & plusieurs autres Cheualiers & Escuyers, iusques au nombre de deux mil cinq cens combatans. Et d'autre part partirent, & passerent ce iour au Pont de l'Arche les Comtes d'Eu, & de saint Pol, les Sires de Saueuses, de Roye, de Mouy, & de Rambures, & plusieurs autres, iusques au nombre de trois cens lances, & de quatorze à quinze cens Archiers, qui tous cheuauchierent d'un costé & d'autre. Tellement que le douzieme iour dudit mois se trouuerent tous ensemble deuant le Pontaudemer, lesquels assaillirent moult vigoureusement & longuement ladite ville de Pontaudemer. Et commença ledit assaut par lesdits Comtes d'Eu, & de S. Pol, & ceux de leur compaignie qui estoient du costé deuers Honnefleu delà la riuere de Rille, qui passe tout encôtre les murs d'icelle ville. Ledit Comte de Dunois estoit à toute sa compaignie du costé deuers Rouen, & estoient dedens icelle ville quatre cens & vingt Anglois, dont estoient chiefs & Capitaines Montfort Ensorder de Normandie, & vn nommé Hecton, lesquels se deffendirent moult vaillamment & longuement : mais à la fin perdirent la ville, & se tetraherent en vne forte maison. Les François y entreurent par le moyen du feu qu'ils auoient mis en ladite ville. Et les Anglois voyans leur puissance, se rendirent tous prisonniers audit Comte de Dunois. Il y eut de moult belles armes faites, & y furent faits Cheualiers lesdits Sires de Roye, & de Mouy, le fils du Vidame d'Amiens, celuy du Sire de Rambures, & autres du pays de Picardie, iusques au nombre de vingt-deux Cheualiers. Ce iour arriua le Roy à Vendosme grandement accompagné, & y fut iusques au Lundy ensuyuant dixhuitiesme iour d'Aoust. Cependant le Sire de Loheac, le Marechal de Bretagne, Messire Gieuffroy de Couuren, & Joachim Roault, assaillirent saint Iame de Beuron si durement, que l'assaut dura

depuis neuf heures au matin iusques à la nuit. & le lendemain les Anglois, qui estoient dedens, rendirent ladicte place. 1449.

Le xxij. iour du mois d'aoust arriua le Roy à Chartres. & le lendemain se rendit ladicte tour de Vernueil, & firent le traictié & composition les Sires de Precigny, & de Baugy, Conseilliers, & Chambellans du Roy, parmy ce que ceulx qui estoient en icelle tour demoureroient prisonniers, lesquels n'estoient que trente ou enuiron. Car les autres festoient eschappez de nuit vn pou deuant mienuict par la faulte de ceux qui faisoient le guet, dont ledit Monseigneur de Precigny fut moult blasmé. Car l'en disoit qu'ils auoient emporté l'or & l'argent qui dedens estoit. Et si auoit enuoyé le Roy vn de ses Héraulx pour leur enuieindre que l'en les gardast bien songneusement.

En ce temps lesdits Comtes de Dunois Lieutenant general du Roy, de saint Pol, & autres en leur compaignie, qui auoient esté à la prinse du Pontaudemér, se partirent, & vindrent tous ensemble en bataille, & en grant ordonnance, & multitude de gens de guerre deuant la cité de Lizieux pour y mettre le siege. Mais quant ceulx de la ville apperceurent si grant nombre de gens-d'armes, eulz considerans que icelle ville ne se pouoit pas longuement tenir ne resister à telle puissance, doubtons aussi que elle ne fust prinse d'assault, & par ce perie, pillée & destruiete, la mirent en l'obeissance du roy par l'admonnestement de leur Euefque, qui se y gouerna grandemēt & honorablemēt pour le bien de la Chose-publique, & se rendirent plusieurs fortes places à l'entour de la cité de Lizieux. Le lendemain de saint Loys de ce temps le Roy se partit de la cité de Chartres à moult belle & grant compaignie, & alla au giste à Chasteauneuf en Timerés. Et là eut nouuelles que lesdits Comtes de Dunois, d'Eu, & de saint Pol, & autres Seigneurs qui auoient prins ledit Lizieux, nombrez de cinq à six mil combatans, auoient mis la ville de Mente en son obeissance, & l'auoient rendue les Anglois qui en auoient la garde, qui furent nombrez huit vingts combatans, dont estoit gouuerneur vn nommé sainte Barbe. lesquels s'en allerēt à tout leurs cheualz, & harnois saufs.

1449.

Et demoura Capitaine & garde de ladite ville pour le Roy le Sire de Cullant grand Maistre d'hostel. Le Roy vint en la ville de Vernueil le Mercredy ensuiuant, où il fut receu à grant ioye par les marchans & bourgeois, & de plusieurs autres habitans d'icelle ville, lesquels allerent au deuant de luy à cheual & à pié: & pareillement les gens d'Eglise reuestuz iusques dehors la ville, & firēt faire les feuz, & tēdre & ionchier les rues au mieulz qu'ils peurent. Ainsi le receurent, crians Noel. Tant comme le Roy fut en ladite ville de Vernueil, les dessusdits, Messire Pierre de Brezé Seneschal de Poictou, & les autres François de sa compaignie entreprinrēt à prandre le chastel de Loingny par le moyen d'un Escuyer de Normādie, nommé le Sire de sainte Marie, qui en estoit Capitaine & gardiē pour Messire François de Suriēne dit l'Arragonnois, qui en estoit Seigneur, duquel il auoit épousē la fille. Auquel ledit Seneschal traicta ceste matiere, & parlemēta à luy, tellement que iceluy Seneschal enuoya secrettement plusieurs gens de guerre, Francs-Archiers, & autres, lesquels ledit Escuyer bouta dedens ledit chastel de Loingny par le dongeon qui ouuroit sur les champs. sans ce que les Anglois, qui estoient dedens deux cens combattans, en sceussent riens. Car ils estoient tous logiez en la basse court. Et quant ils apparceurent & ouyrent le bruit, ils furent esbahiz, & coururent aux armes, eulz cuidās defendre & secourir à recouurer ledit chastel. Mais ils furent trop foibles, & fut prinse ladicte basse court par force & violence, & perdirent tout ce qu'ils auoient de cheuaulx & de harnois, & autres biens, & si demourerent tous prisonniers à la volenté du Roy. La femme dudit Messire François, qui leans estoit, fut moult dolente & courrouciee cōtre son gēdre pour ce faict, & pour ce se partir, & s'en alla où il luy pleut. Lesdits Seigneurs, qui auoient mis Mente en l'obeissance du Roy, mirent le siege deuant Vernon sur Seine, qui est vne moult gente ville & forte place, tant pour le chastel de ladicte ville, que pour celuy du pont nommé Vernonnet. Et le landemain qu'il y fut mis, qui fut le Vendredy, promidrent ceulx qui dedens estoient, rendre lesdites places, ou cas qu'ils ne seroient secouruz en dedēs le landemain prime. Et pour la seureté de ce baillerent le-

dit Vernonnet aux François, lesquelz Anglois esperoient que on les deust secourir. Mais les Anglois n'osoient desemperer Rouen, & n'y vindrent point. Et pour ce rendirent lesdites ville & chastel de Vernon. Ils estoient douze vingts Anglois combatas dedens, dont estoit chief & gouuerneur le fils du Comte d'Ormont du pays d'Irlande, lesquels s'en allerent leurs corps & leurs biens saufs, & demourerent ceulx de ladite ville paisibles en leurs maisons sans riens perdre. Le Roy se partit de Vernueil, & s'en alla en la cité d'Eureux, où il fut pareillement que audit Vernueil receu du Clergé, & autres habitans d'icelle cité, faisans tous grant ioye, & crians tous Noel pour son nouuel aduenement. Et le iour ensuiuant se partit, & alla à Louviers, où il fut receu comme dessus est dit. Cependant Guillaume Couren Anglois d'Angleterre rendit la ville de Gournay, dont il estoit Capitaine & garde, à mesdits Seigneurs les Comtes d'Eu, & de saint Pol, moyennant certain apointement traité & fait entre eulx. Lesquels Seigneurs sceurent, que durant ce temps, les Anglois de la garnison des ville & chastel d'Essay estoient allez pres de la ville peschier vn estag, & firent lesdits Seigneurs scauoir ces nouuelles au Duc d'Alençon, lequel se partit secrettement, & alla à eux accompagné de plusieurs gens de guerre si subtilement, que lesdits Anglois furent tous prins. Et incontinent les mena deuant ladicte place, laquelle ils luy firent rendre, & mettre en ses mains. Pou apres ceulx de la ville de Dieppe sceurent, qu'il n'y auoit nuls Anglois à la garde de l'Abbaye de Fescamp, & se assemblerent pour y aller, & la prindrent. Le landemain y arriua vne nef où estoient quatre vingts dixsept Anglois, qui venoient pour estre en garnison en ladicte Abbaye, & entrerent dedens le port, cuidans qu'icelle Abbaye fust encores en leur obeissance. Les François qui dedens estoient les laisserent descendre de ladicte nef sur terre, & puis les prindrent tous prisonniers à en faire leur plaisir & volenté. Mondit Seigneur le Comte de Dunois, & autres de sa compaignie, qui auoient esté à Vernon, se partirent de là pour aller mettre le siege deuant Harecourt, où ils furent par l'espace de huit iours, pendant lequel temps ils firent leurs approchemens. Ety fut tué vn vaillant homme de guerre de la

1449.

garnison de Louuiers, d'un canon par ceux dudit chastel. Et par ceulx de dehors fut tué un Anglois d'une couleuvrine sur le portail. Les François conclurent battre ledit chastel d'engins, & du premier coup qu'ils ietterent percierent tout oultre les murs de la basse-court, qui est moult belle à l'equipolent du chastel, qui est moult fort. Et quant les Anglois se virent ainsi perciez parlementerent, & promirent rendre ladite place, ou cas qu'ils ne combattroient les François dedens le quinziesme iour de Septembre prouchainement venant. Auquel iour ils rendirent icelle place, pour ce qu'ils ne combattirent point, & s'en allerent leurs corps & leurs biens saufs, & estoient de six à sept vingts, dont estoit gouverneur le Bailly dudit lieu de Harecourt, nommé Messire Richard Fourqueual, lequel fut deshonoré, & pendu par les pieds à une des portes dudit Louuiers, pour aucunes desraisons qu'il tenoit ausdits François. Et de là se partirent lesdits Seigneurs François, apres ce qu'ils eurent commise la garde à garder ledit chastel, ledit Seneschal de Poitou. Et en leurs compagnies estoient les Comtes de Clermont, & de Nevers, le Seigneur d'Orual, & le Sire de Blainville Maistre des Arbalestriers de France, les Sires de Bueil, & de Gaucourt, les Baillifs de Berry, & d'Eureux, & plusieurs autres Seigneurs. Et allerent mettre le siege deuant le chastel de Chambrais, où ils firent tous grandement leur deuoir. tant que le Comte de Clermont parla avecques les Anglois qui estoient dedens, en telle maniere qu'ils rendirent ledit chastel le dixneuuesme iour dudit mois de Septembre, & s'en allerent un chacun leurs corps, & leurs biens saufs, & estoient environ deux cens Anglois. Et apres ce fait, les dessusdits Comtes d'Eu, & de saint Pol, le Sire de Saueuses, & autres de leur compagnie firent le siege depuis le huitiesme iour dudit mois de Septembre, iusques au seiziesme iour ensuiuant deuant la ville & chastel de Neufchastel de Lincourt. Et cependant prindrent ladite ville d'assault, [& ledit chastel se tint depuis un peu de temps. Mais tantost apres se rendit,] & estoient dedens plusieurs Anglois, dont estoit Capitaine Adam Illeton, lesquels s'en allerent leurs biens saufs. Les François ne les pouoient fort greuer. Car tant qu'ils y furent, n'auoient point

point d'engins, parquoy ils les peussent greuer ne battre. Le Duc François commist, & ordonna Messire Pierre de Bretagne à la garde & gouvernement de la Duchie de Bretagne, & pour greuer les Anglois sur les frontieres de Fougieres, & d'Auranches, & luy laissa trois cens lances. Et apres ces ordonnances, & qu'il eut souffisamment garnie toute sa Duchie, se partit accompagné des Comtes de Richemont Connestable de France son oncle, & de Laval, du Sire de Loheac Mareschal de France, de Messire Prigent de Coëtiuy Admiral de France, du Sire de Montauban, & de plusieurs autres iusques au nombre de six mil combatans, en comprenant trois cens lances qui estoient de la compagnie du Roy avecques ses gens, & dont estoit chief & conduiseur de cent lances ledit Sire de Loheac, & Messire Gieuffroy de Couuré & Ioachim Roault, d'autres deux cens lances. Et vindrent entrer cedit mois de Septembre en la basse Normandie, & cheuaucha ledit Duc ainsi accompagné, commé dit est, iusques deuant la cité de Constances, où il mit le siege, & la rendirent les Anglois qui dedens estoient le deuxiesme iour ensuiuant, dont estoit Capitaine vn nommé Estienne de Montfort. De là se partit ledit Duc de Bretagne, & sa compagnie, & mit le siege à saint Lo, lequel se rendit le dixhuitiesme iour dudit mois de Septembre, & estoient dedens deux cens combatans Anglois, dont estoit chief & gouverneur Messire Guillaume Poictou, lesquels s'en allerent leurs corps & leurs biens saufs. Durant ledit temps vn Anglois du pays de Galles nommé Jean Edouard, par la priere & admonestement de sa femme, qui estoit de ce pays de France où elle auoit de belles terres, se rendit François, & rendit le chastel de la Roche-Guyon dont il auoit la garde, & en estoit Capitaine, qui est vne moult belle place, & forte, assise sur Seine entre Mente, & Vernon, parmy ce qu'il iouyroit des terres de sadite femme, qui estoient en l'obeissance du Roy. A faire ce traictié traueilla beaucoup Messire Denys de Chailly, pource qu'icelle femme estoit sa parente. Ledit Duc d'Alençon à l'ayde des Bourgeois, & du cōmun de sa ville d'Alençon, en cedit tēps de leur consentement print ladite ville, & y entra dedens à vn point du iour. Et lors les

Z

1449.

Anglois se retrahirent à grant haste dedens le chastel, lequel il assiegea incontinent, & auoit hui& cens lances pour ce faire. Les Anglois ce nonobstant le tindrent vne piece. Car c'est vn tre-fort chastel, & bel & tenable contre toute puissance. Mais à la fin les Anglois luy rendirent, & s'en allerent leurs corps & biens saufs.

En cedit mois les Comtes de Foix, & d'Estrac, les Vicōtes de Loumaigne & de Lautrec, & plusieurs autres Barōs, Cheualiers, & Escuyers des pays de Foix, de Comminge, d'Estrac, de Bigorre, & de Bearn, iusques au nombre de six à sept cens lances, & dix mil Arbalestriers, se partirent des pays de Bearn, & entrerent ou pays de Basque, où ils cheuauchierent iusques deuant vne place où a ville & chastel, nommee Mauleon de Sole, laquelle ledit Comte de Foix fit assiegier de tous costez. Et quant ceux de ladicte ville se virent ainsi enfermez, doubtañs estre prins d'assault, se rendirent par composition, & mirent ledit Comte de Foix dedens. Les Anglois tindrent ledit chastel, dont estoit garde le Connestable de Nauarre. Ils le pouoient bien tenir. Car c'est le plus fort chastel de Guyēne, assis sur vn moult hault rocq. Ledit Comte de Foix fut acertené par ceux de ladicte ville, qu'il y auoit pou viures dedens. Si y mist le siege de toutes parts. Le Roy de Nauarre sceut ces nouuelles, dont il fut moult courroucié, & fit son mandemēt par tout son Royaume, tant qu'il assambla de cinq à six mil combattans, de Gascons, Anglois, Arragonnois, & Nauarrois, pour secourir ledit chastel, & vint à tour son ost à deux lieues pres. Mais quant il fut informé de la puissance dudit Comte de Foix, qui estoit son gendre, & de sa fortification, fit reculler ses gens, & enuoya audit siege ses heraulz pour requierir, qu'il peust parler audit Comte de Foix. Iceluy Cōte leur fist grant chiere, & enuoya par eulx à son Sire le Roy de Nauarre vne seureté, lequel au plustost & à petite compaignie vint à vn quart de lieue pres dudit siege à tout sa seureté parler audit Comte de Foix. Et là arriuē ledit Roy de Nauarre, luy dist que veu la foy & lignage qui deuoit estre entre eulx, à cause de sa fille qu'il auoit espousee, il se esbahissoit, & donnoit grant merueille, comment il auoit assiegeē ladicte place: considerē aussi qu'il sçauoit bien

qu'elle estoit en sa sauuegarde. Car il auoit promis au Roy d'Angleterre la luy faire garder contre tous, & pour ce y auoit mis son Conneftable. Ledit Comte luy respondit, Qu'il estoit Lieutenant du Roy, son homme & son parent, & par son commandement comme son Lieutenant general es pays d'entre Gironne, & les Monts Espiraulz, il auoit mis le siege deuant ladicte place; & pour ce ne s'en partiroit ou leueroit pour homme, iusques à ce que elle fust au Roy, s'il n'estoit desconfit ou combaru deuant: Mais en toutes autres manieres qui luy seroient possibles, il luy aideroit & le conforteroit, reserué contre le Roy de France, ses subiects & alliez, & autrement non. Quant ledit Roy de Nauarre l'entendit, & vit qu'il n'y pouoit remedier, s'en retourna à tout ses gens en son pays. Et lors se rendirent ceulx du chastel, quant ils virent perdre leur secours. Le Sire de Lucé sceut que ledit chastel estoit rendu, & vint à tout six cens combatans portans les croix rouges, faire honmaige au Roy de France en la main du Comte de Foix. Et apres le serment fait s'en retourna en son pays, & tous ses gens portans les croix blanches, dont leurs femmes, enfans, & seruiteurs furent moult esbahiz. Ledit Comte de Foix apres celle victoire, s'en partit, & retourna en ses pays. Lesdits Comtes de Clermont, de Dunois, de Neuers, & autres en leur compaignie deuant nommez, le vingtvniefme iour dudit mois mirent le siege deuant le chastel d'Yexmes, lequel ne se tint pas longuement. Mais se rendirent les Anglois, qui dedens estoient, lesquels s'en allerent leurs corps, & leurs biens saufs. Au plustost se partirent de là lesdits Seigneurs François, & allerent mettre le siege deuant la ville d'Argenten, durant lequel siege les Anglois, qui dedens estoient, parlementerent; & ainsi qu'ils parlementsient d'un costé, les gens de la ville, qui scauoient que leur volenté estoit de tenir ladicte ville contre la puissance du Roy de France, appellerent aucuns desdits Seigneurs François d'un autre costé secrettement, & leur dirent qu'ils leur baillassent aucunes de leurs enseignes, banniere, ou estendart: & que par là où ils les verroient dresser sur la muraille de la ville, ils montassent seurement. Et ainsi le firent lesdits bourgeois, & monterent les François. Quant les Anglois, qui parlemen-

Z ij

1449. toient, les apperceurent, ilz se retrahirent au chastel. Car autre remede n'y pouoient mettre. Et à celle heure vne des bombardes desdits François ietta contre ledit chastel, & y frappa tel coup qu'elle y fist vn pertuis, & abbatit de la muraille du large d'une charrette. Lesdits François virent l'ouuerture dudit mur, & se hastèrent d'aller celle part, tellement que maulgré lesdits Anglois, ils entrèrent dedens iceluy chastel par iceluy trou. Et lors lesdits Anglois se hastèrent d'eux retraire au donjon, lequel au plus tost ils rendirent, & s'en allerent vn baston en leur poing seulement.

Ce mois de Septembre le Seneschal de Poictou, & M^oseigneur de Cullant Mareschal de France, Messire Pierre de Brezé, Messire Denys de Chailly, & plusieurs autres, le roy present, firent mettre le siege deuant Chasteauguillard, où eut à l'arriuer de grans vaillances faictes, & de belles armes. Le siege y fut longuement. Car c'est vn des plus forts chasteaulz de Normandie, assis sur tout le hault d'un rocq ioignant de la riuere de Seine; en telle maniere que nuls engins ne le pouoient greuer. Le Roy s'en retourna au soir au giste à Louuiers, & de iour en iour, tant qu'il y fut, alloit veoir & fortifier ledit siege, auquel l'en fit plusieurs bastilles. Et apres la fortification s'en retournerent lesdits Seigneurs François, fors seulement lesdits de Brezé, & de Chailly, qui là demourerent accompagnez de plusieurs Francs-archers pour la garde d'icelles bastilles. Ils se y gouvernerent tous grandement & sagement: & tant que au bout de cinq sepmaines, lesdits Anglois se rendirent, & mirerent ledit Chasteauguillard en l'obeissance du Roy. lesquels Anglois estoient nombrez vnze vingts combatans estans dedens ledit chastel, lesquels s'en allerent leurs corps & biens saufs.

Pou auant l'assiette de ce siege furent sommez ceulz de la ville de Gisors par vn Herault du Roy, de mettre ladicte ville hors des mains du Roy d'Angleterre. Et parlementerent Richard Marbery Cheualier, Capitaine & garde de ladicte place pour le Roy d'Angleterre, le Seneschal de Poictou, vn nommé Papiot Escuyer d'Escuyerie du Roy, & Pierre de Courcelles assez longuement ensemble. Et à la fin promit ledit Marbery rendre lesdits ville & chastel,

pourueu que on luy rēdroit deux de ses enfāns , qui auoient 1449.
esté prins au Pontaudemer , & que sa femme, qui estoit de
France, parente desdits Pauiot, & Courselles, iouyroit des
terres qu'elle auoit en l'obeissance du Roy en ses pays de
France, Chāpaigne & Brie. Ainsi fut traictié, accordé, con-
senty & tenu. Car au commencement du mois d'Octobre
ensuiuant, ainsi qu'il estoit promis, rendit ledit Marbery la-
dite ville de Gisors au Roy, & le chastel, qui est tres-fort, &
bien garny de muraille.

En ce temps le Roy de Sicille à tout cinquante lances,
& les Archiers bien en point arriua à Louuiers deuers le
Roy , qui lors auoit en sa compaignie le Comte du Maine,
son frere, le Vicomte de Loumaigne, le Comte de Castres,
le Capdet d'Albret, le Comte de Tācaruille , le Bailly d'E-
ureux, le Barō de Treignel Chancelier de France, le Sire de
Cullant grant maistre d'hostel, Ferry Monseigneur de Lor-
raine , Jean Monseigneur de Lorraine son frere , le Comte
de Dampmartin, les Sires de Montgascon, de Blainuille, de
Pressigny, de Brion, de Pruilly , de la Baissiere , du Monter,
d'Aigreuille , de Han en Champaigne , Messire Theaulde
de Valpaigne, Messire Loys de la Rochette, Messire Robi-
net d'Estampes , le Sire de Malicorne , & plusieurs autres
Cheualiers & Escuyers , iusques au nombre de mille lāces,
& les Archiers qui la plus part estoient de la garde de son
corps , sans comprendre oudit nombre l'armee du Duc de
Bretaigne, celle du Duc d'Alençō, celle du Comte de Du-
nois, & celle des Comtes d'Eu, & de sainct Pol. Le Roy fit
grant chiere au Roy de Sicille , & le receut bien ioyeuse-
mēt: puis tost apres se partit accompaigné des dessusdits de
sa ville de Louuiers , & arriua en sa ville du Pont de l'Ar-
che, où il fut biē receu & à grant reuerēce de ceulx de ladi-
te ville , qui tous ioyeulz estoient de son nouuel aduene-
ment. Il auoit mādē ses gens d'armes de toutes parts, pour-
ce qu'il vouloit mettre la cité de Rouen en son obeissance,
& par especial ceulx de la cōpaignie desdits Comtes d'Eu,
& de sainct Pol, qui firent leur deuoir de venir à son man-
dement. Ceulz aussi du Comte de Dunois, qui auoient mis
Argenten en l'obeissance du Roy , lesquels vindrent tous
diligemment au Pont de l'Arche. Ce temps pēdant le Duc

1449. de Bretagne print à l'aide de ceux de sa compagnie le chasteau de Gauroy, qui est vne tres-forte place, le chastel de Thorigny, le Pont Douue, la Haye du Puis, le chastel de Regneuille, Valloingnes qui est fort chastel, & plusieurs autres places en la basse Normandie, & ou pays de Constatin & enuiron.

Oudit moys d'Octobre le Roy estant audit Pont de l'Arche à tout son ost pres de luy, enuoya sommer par ses Heraulx ceux de la cité de Rouen, qu'ils missent, & rendissent ladiete ville en son obeissance. Mais les Anglois, qui dedés estoient, ne voulurent souffrir que lesdits Heraulz parlaissent au peuple, ne baillassent leur dite sommation : mais les menassèrent tres-fort à faire mourir, & les firent retourner à grant haste. Quant le Roy sceut ces nouvelles, il enuoya la compagnie desdits Comtes d'Eu, & de saint Pol, deuant ladiete cité, & pareillement tous ceulx qui estoient pres de luy, lesquels passerent grant puissance & multitude de gens de guerre audit Pont de l'Arche, dont estoit conducteur ledit Comte de Dunois, Lieutenant general du Roy. Ils furent tous deuant icelle cité l'espace de trois iours, où ils eurent moult à souffrir, pour ce que c'estoit sur l'yuer, & qu'il ne fina de plouuoir durant ce temps. Et ce nonobstant, ilz firent plusieurs escarmouches, & ceulx de dedens plusieurs faillies, où fut prins à l'vne d'icelles vn vaillant Cheualier François nommé le bastart Sourbier, pource que son cheual cheut dessoubz luy. Lesdits François se mirent tous en bataille le troisieme iour, cuidans que ceulz de la cité les missent dedens : & les enuoyerent sommer la secōde fois par lesdits Heraulz du Roy. Mais lesdits Anglois ne voulurent souffrir qu'ils approchassent pres d'icelle cité : mais les reuoyerent hastiuement cōme l'autre fois. Et lors se partirent lesdits François quant ils virent que ceulz de la ville ne faisoient nul semblant d'eulz rendre, & s'en allerent audit Pont de l'Arche, & les gens de guerre aux villages d'enuiron. Aucuns de ceulz de ladiete cité, qui vouloient le bien du Royaume de France, firent scauoir au Roy, Que s'il luy plaisoit enuoyer ses gens au deuant de ladiete cité, ils les mettroient dedens certaines tours, & garderoient vn pan de mur deuers la porte saint Hilaire, en telle maniere qu'ils

trouueroient moyen de mettre les François dedens icelle cité. Et pour ce reuoya le Roy ledit Comte de Dunois pour faire celle entreprinse à tout l'armee dessusdicte, laquelle fut partie, & diuisee en trois batailles. dont l'une estoit pres de la iustice à la porte Beauuoisine, où estoient les Sires de Cullant grand Maistre d'hostel, d'Orual, de Ialoin-gnes Marechal de France, le Sire de Blainville, le Sire de Bueil, & plusieurs autres, iusques au nombre de quatre mil combatans, qui tous demourerent à cheual, fors les Archiers qui se mirent à pié, lesquels ne se bougierent de leur bataille. L'autre bataille estoit entre les Chartreux & la ville, où estoient ledit Comte de Dunois Lieutenant general, les Comtes de Clermont, de Neuers, d'Eu, & de sainct Pol, le Seneschal de Poictou, le Bailly d'Eureux, les Sires de Brion, de Beauuoir, & plusieurs autres Cheualiers & Escuyers, gens-d'armes, & de trait. Il vint deuers eulz vn homme de la cité, leur dire qu'il estoit temps de approuchier, & faire leur deuoir pour secourir ceulz de ladite ville qui estoient sur la muraille. Et incontinent se mirent tous à pié de ceste-dite bataille des Chartreux, & marcherent contre icelle ville de ce cesté iusques aux murs où estoient ceulz de ladite ville, leurs adherens & complices, où ils dresserent vn pou d'eschielle que ils auoient entre deux tours, & monterent certain nombre sur ladite muraille. Et ainsi que chacun faisoit son deuoir de monter, adressa celle part le Sire de Tallebot à tout sa banniere, accompagné de grant multitude d'Anglois, pour rebouter ceulx qui ainsi montoient, & là se combaterent longuement & vaillamment François & Anglois, tant qu'à la fin demoura ladite muraille au Seigneur de Tallebot, pour ce qu'ils estoient encores pou de François montez, lesquels ce nonobstant y firent bien leur deuoir. Et y furent prins de cinquante à soixante prisonniers, & tuez, rant desdits François que de ceulx qui estoient esdites tours de ladite ville. A cet assault furent faits Cheualiers Charles de la Fayette, le Sire d'Aigreuille, Maistre Guillaume Cousinot, Jacques de la Riuere Bailly de Niernois, Robert de Harenuille, & plusieurs autres. Cependant les Rois de France & de Sicille arriuerent à Darnestel, lesquels quant ils congneurent & apperceurent que ceulz

1449.

de ladite Cité n'estoient pas ioints ne vniz ensemble, ne loyaulz auecques ceulz qui festoient mis, boutez & instrui&ts esdites tours, s'en retournerent au giste au Pont de l'Arche ce iour, qui fut adonc Vendredy seiziesme iour d'Octobre: & aussi firent tous les gens de guerre, lesquels allerent logier par les villages sur la riuere de Seine. Le lendemain ceulz de ladite cité de Rouen pour la grant paour, doubte, & frayeur qu'ils eurent desdits assaulz, doubtans que ladite ville ne fust prinse par force, & par ce pillée, robee, desolee, & destrui&te, pour euitier aussi l'effusio du sang humain, qui s'en pourroit ensuiuir, enuoyerent l'Official d'icelle cité, & autres audit Pont de l'Arche deuers le Roy pour obtenir de luy vn saufconduit ou seureté pour aucuns notables gens d'Eglise, bourgeois, marchans, & autres de ladite cité, lesquels se vouloient transporter deuers luy, ou les Seigneurs de son grant Conseil, afin de traictier ou trouuer aucun bon appoinctement. Le Roy les ouyt benigne-ment & volentiers, & leur octroya ledit saufconduit, lequel sans delay leur fut baillé & deliuré. Et inconrinet se mirent à chemin, & porterent leur dit saufconduit à Rouen sain & entier. Apres se partirent de là ce mesme iour ceulz de la cité, l'Archeuesque de Rouen, & plusieurs autres en leur compaignie, de par le Duc de Sombresset certains Cheualiers & Escuyers, lesquels cheuauchierent iusques au port saint Ouyn à vne lieuë pres dudit Pont de l'Arche, où ils trouuerent pour le Roy ledit Comte de Dunois, le Chancellier de France, le Seneschal de Poictou, Messire Guillaume Cousinot, & plusieurs autres. Ils parlementer&nt bien longuement ensemble les vns auec les autres, tant qu'à la parfin se consentit ledit Archeuesque, & plusieurs de la cité de la rendre, & mettre en l'obeissance du Roy: & promirent d'en faire leur deuoir, parmy ce que tous ceulz de ladite cité, & qui y estoient demourans, & qui y voudroi&nt demourer à tous leurs biens quelsconques, y demoureroi&nt sans riens perdre, & qui s'en voudroit aller s'en yroit seurement & sauement sans riens perdre où bon luy sembleroit. En celle conclusion se partirent les vns des autres, & se hasta ledit Archeuesque de retourner à Rouen, & aussi firent ceulz de sa compaignie, cuidant [incontinet apres ce qu'il seroit

seroit retourné à Rouen] faire son rapport à ceulx d'icelle cité. Mais pource qu'il estoit ja tard & nuit, attendirent [luy & les autres, qui estoient allez deuers le Roy] iusques au landemain, qui fut Samedy dixhuietième iour d'Octobre. Ce iour de Samedy au plus matin, present grant multitude de gens en l'hostel de ladite ville de Rouen, relaterent ledit Archeuesque, & ceulx qui avecques luy estoient, & auoient esté au port saint Ouyn, ce qu'ils auoient appointé, & les parolles qu'ils auoient eues aux François, lesquelles ils eurent tres-aggreables, & en furent trestous ioyeulz, & les Anglois tres-deplaisans, courrouciez & marritz, qui à celle heure congneurent les grans desir & volenté que le Commun auoit au Roy. Et se partirent lesdits Anglois mal-contens, & se mirent en armes: & se retrairer au Palais, au chastel, au pont, & sur les portaulx de ladite ville. Quant ceulx de ladite ville apperceurent le guet fait se doubterent, & se mirent pareillement en armes, & firent grant chiere, & grant appareil la nuit contre les Anglois. Et lors enuoyerent celle nuit secrettement audit pont de l'Arche deuers le Roy, luy faire sçauoir que il les voulüst hastiuement secourir, & ils le mettroient dedens ladicte ville à toute sa puissance, & aussi fist il le Dimenche au matin, qui fut dixneufiesme iour dudit mois d'Octobre. Ceulz de ladite ville, qui tous estoient en armes, s'esmeurent tres-asprement cōtre lesdits Anglois, par telle façō qu'ils les firent guerpier & desemparer tous les murs & portaulz de ladite ville, & les chasserent au palais, au chastel, & sur le pont. Et incontinent le manderent, & firent sçauoir audit Comte de Dunois, qui pres de là estoit logié. Lequel pour les venir secourir, accompagné du Seneschal de Poictou, du Bailly d'Eureux, & plusieurs autres, monta hastiuement à cheual, & vint à la porte de Martainuille en bataille. En ce cōflou & impetueux partement fut frappé ledit Bailly d'Eureux d'un cheual de sa compagnie tel coup, qu'il luy rompit la iambe, pource qu'il n'auoit eu loisir de prendre son harnois de iambe. Il fut porté au Pont de l'Arche pour guerir, & laissa le gouuernement de ses gens au Sire de Maigny. Le Roy sceut ces nouuelles, & se partit diligemment dudit Pont de l'Arche grandement accompagné de gens-d'ar-

1449. mes, & de traict, pour venir en ladicte ville de Rouen. Il fit chargier & mener avecques luy son artillerie pour tirer cōtre sainte Katherine, que les Anglois tenoient. Mais cependant ledit Comte de Dunois les fist sommer. Et quāt ils virent ladicte ville contre eulz, & sentirent le Roy approchier iceulx Anglois du Mont sainte Katherine, ilz se rendirent. On leur bailla vn Herault pour les conduire, & faire passer au port saint Ouyn: & en eulz en allant trouuerent le Roy, qui leur dist, qu'ils ne preinssent riēs sans payer. A quoy ils respondirent, qu'ils n'auoient de quoy. Et lors le Roy leur donna cent francs, & les laissa, & s'en vint logier celle nuit audit lieu du Mont de sainte Katherine de Rouen, dont estoient partiz iceulx Anglois, qui estoient enuiron six vingts combatans. Les gēs d'Eglise, bourgeois, manens, & habitans d'icelle citē de Rouen, vindrent deuers les dessusdits Comte de Dunois, & autres, à la porte de Martainuille leur porter & presenter les clefs d'icelle ville, en leur disant qu'ils missent dedens icelle ville, tel & si grāt nombre de gens comme il leur plairoit: lesquels Seigneurs respondirent à leur voulētē. Ils parlerēt de plusieurs choses pour le biē de la ville. Et apres ce entra le premier en ladicte ville le Seneschal de Poictou à tout cent lances, & les Archiers des gens dudit Bailly d'Eureux cēt lances, [& les Archiers des gens dudit Comte de Dunois cent lances,] & les Archiers & le residu des gēs de guerre se logea là entour, & pres dudit Rouē. C'estoit moult belle chose à veoir les dessusdits Rois de Frāce, & de Sicille [& les Seigneurs & Princes, qui avecques eulz estoient.] Ce iour mēmes deuers le soir rendirēt les Anglois le pont de ladicte ville, & fut commis à le garder le Sire de Harenuille. Le landemain furent ouuertes les portes d'icelle citē, & y entroit tout homme qui y vouloit entrer. Et fist on crier que tout homme, grant & petit, portast la croix blanche sur la robbe ou chapperō. Le Duc de* Sombreffet estoit au Palais, lequel quant il vit la puissance du Roy, requist à parler à luy, dont le Roy fut content. Et se partit ledit Duc de Sombreffet dudit Palais, accompagné de plusieurs Cheualiers, & Escuyers, & des Heraulx du Roy qui le conuoyoit & amenoient, & che-

*Sommer-
set

uaucha iusques à sainte Katherine du Mont de Rouen, où il trouua le Roy & son grant Conseil. Et apres qu'il eut faite la reuerence, & salutation au Roy, luy requist qu'il luy pleust que luy, sa femme, & ses enfans, le Sire de Tallebot, & tous autres Anglois, qui encores estoient és Palais, & chastel d'icelle cité de Rouen, s'en peussent aller seuremēt en iouissant de l'abolitiō, ainsi que ceulx de la ville l'auoiēt traictiē, composée, & acceptée auecques ceulx de son grant Conseil. Le Roy luy respondit, que la requeste n'estoit pas de raison, & qu'il n'en feroit riens. Car il n'auoit pas voulu tenir le traictié, & appointement par ceulz dudit Rouen fait; veu qu'il n'auoit pas rendu lefdits pont, chastel, & Palais à l'heure que ceulz dudit Rouen rendirent la ville: mais les auoit tenuz, & encores tenoit contre sa puissance, son gré, & sa volenté. & si auoit encores résisté à son pouoir, que ceulz dudit Rouen ne rendissent ladite cité. Et pour ces causes auant que lefdits Anglois partis- sent, ils luy rendroient Harfieu, Honnefleu, & toutes les autres places qu'ils tenoient en Caux. Si se excusa ledit Duc, en disant que Harfieu ne rendroit il point. Car c'estoit la premiere place que son Seigneur le Roy d'Angleterre auoit prinse en Normandie. Sur ces parolles print congié iceluy Duc, & s'en retourna audit Palais par les rues de la ville, où il vit que tout homme portoit la croix blanche, dont il ne fut pas ioyeux. Et le conuoyerent les Comtes d'Eu, & de Clermont, & Messire Pierre de Brezé Capitaine des ville, chastel, & Palais de Rouen. Tost apres ce, commanda le Roy mettre le siege deuant le Palais par dedens, & par dehors la ville. Et là alla grant compaignie de gens d'armes & de traict, dōt estoient conduiseurs le Marechal de Cullant, & le Sire d'Orual, accompagnez de cinq à six cens combatans & les Archiers, lesquels mirent le siege par dehors. On fit de grans fossez & trenchees, tant aux champs comme à la ville: & furent dressiez canons, bombardes, & veuglaires, deuant la porte d'iceluy Palais qui ouure sur ladite ville, & deuant celle qui ouure sur les champs. Quant le Duc de Sombreffet sceut, & apperceut ces approches, considerant qu'il auoit peu de viures dedens ledit Palais, & au contraire beaucoup de gens, & qu'il

Aa ij

1449.

ne pouoit estre secouru , requit parlementer aux gens du Roy. Et à ceste fin furent faites treues, lesquelles furēt prolongees de iour à autre par l'espace de douze iours, pource que lesdits Anglois ne vouloient consentir de laisser ledit Sire de Tallebot en ostage. Neantmoins parlementerent si longuement ledit Comte de Dunois, & ceulz du grant Conseil du Roy avec lesdits Anglois, que à la fin appointierent, & furent tous d'accord, que ledit Duc de Sombresset gouuernant pour le Roy d'Angleterre, sa femme & tous les autres Anglois desdits chastel & Palais s'en allassent où bon leur sembleroit en leur party, leurs corps & biens saufs, reseruez prisonniers & grosse artillerie, parmy ce qu'ils paieroient au Roy cinquante mil escuz d'or, & tout ce qu'ils deuoient loyaument à tous bourgeois, marchans, & autres d'icelle cité : & oultre feroit rendre ledit gouuernant les places de Caudebec, & de Mostiervillier, de Lisbonne, de Tancarville, & de Honnefleu. Et pour la seureté de ce, bailla son seellé, & lettres patentes, & demourroient en ostages iusques à ce que lesdites places fussent rendues, & lesdits cinquante mil escuz d'or payez, ledit Sire de Tallebot, & le fils du Comte d'Ormont, d'Irlande, le Sire de Berquegny, le fils du Sire de Ros, filz de la Duchesse de Sombresset, le fils Thomas Gouel Capitaine de Chierebourg, & autres qui principallemēt estoient detenuz pour l'argēt qui estoit deu à ceulz dudit Rouē. Ainsi furent deliurez lesdits ostages au Roy, & à ses commis. Puis s'en allerent ledit Duc de Sombresset, & autres Anglois à Harfleu, & de là à Caen. Et ordonna & commist ledit Duc de Sombresset pour faire rendre les places dessusdites, Messire Thomas Heu, & Foulques Heston, lesquels firent mettre toutes icelles places en l'obeissance du Roy, reseruē ledit Honnefleu, dont estoit Capitaine, & garde pour ledit Sire de Tallebot, vn nommé Messire Courson, qui ne le vouloit rendre. Et pource demoura prisonnier iceluy Sire de Tallebot. Le Roy accompagné du Roy de Sicille, & des autres Seigneurs dessus nommez, fit sa feste de Toussaints en grant ioye, & lieffe audit lieu de sainte Katherine. Et le dixiesme iour dudit mois de Nouembre ensuiuant, qui fut au Lundy veille saint Martin d'yuer, se partit de là.

pour entrer en la cité de Rouen, accōpagné des Seigneurs 1442.
 dessusdits qui estoient en grans, riches, & diuers habillemens, les vns couuerts, eux & leurs cheuaulz de drap d'or, & de velours, les autres de brodeure & d'orfauerie, & de draps de damas & de satin en maintes guises & manieres, entre lesquels estoient apres le Roy en plus riches habillemens, les Comtes de saint Pol & de Neuers. Car ledit Cōte de saint Pol estoit armé tout à blanc, monté sur vn cheual enharnachié de satin noir semé d'orfauerie blanche, derriere luy trois pages vestuz, & montez sur cheuaulx enharnachiez pareillement que leurdit Seigneur. Dont l'un portoit vne lance couuerte de velours vermeil, l'autre vne lance couuerte de drap d'or, & le tiers vn armet en sa teste de fin or richemēt ouuré. Et apres estoit le palefrenier mōté, vestu, & son cheual enharnachié comme lesdits pages. lequel menoit vn grand destrier en main tout couuert de drap d'or iusques aux pieds. Ledit Comte de Neuers auoit huit gentilshommes, leurs cheuaulx couuerts de satin vermeil à grans croix blanches. Le Roy estoit armé de toutes pieces monté sur vn coursier couuert iusques aux pieds de velours azuré semé de fleurs de liz d'or de brodeure, en sa teste vn chappel de velours vermeil, où auoit au bout vne houppe de fil d'or. Et apres, ses paiges vestuz de vermeil, leurs manches toutes couuertes d'orfauerie blanche, portans ses harnois de teste couuerts de fin or de diuerses façons d'orfauerie, & de plumes d'Aultrusse de plusieurs couleurs. A sa dextre cheuauchoit le Roy de Sicille, & à la fenestre le Cōte du Maine son frere armez de leurs harnois completz, leurs cheuaulx richement couuerts de couuertures pareilles à croix blanches, lesdites couuertures semees de houppes de fil d'or, & leurs paiges pareillement. Apres cheuauchoit le Comte de Clermont, & autres Seigneurs de France, qui là estoient en grant nombre, chascun selon leur degré moultrichement habillez. Derriere les pages du Roy estoit Hauart l'Escuyer trenchant monté sur vn grant dextrier, qui portoit vn pannon de velours azuré à quatre fleurs de liz d'or de brodeure bordees de grosses perles. Et apres ledit Hauart le Sire de Cullant grant Maître d'hostel armé de toutes pieces, en son col vne grant es-

charpe de fin or, pendant iusques sur la croupe de son cheual, lequel estoit richement couuert. Il auoit ses pages deuant luy, & estoit gouuerneur des hommes d'armes. Au plus pres de luy estoit vn Escuyer, qui portoit l'estédart du Roy, lequel estoit de satin noir. Et apres luy lesdits hommes d'armes qui estoient en la bataille six cens lances, où pendoit en chascune desdites lances vn pannoncelet de satin vermeil à vn soleil d'or. Deuant le Roy estoit Poton de Xaintrailles Bailly de Berry, & grant Escuyer d'Escuyerie armé de plain harnoys, monté sur vn grant dextrier harnachié de velours azuré à grans edifices, lequel portoit en escharpe la grant espee de parement du Roy, dont le pommeau & la croix estoient d'or. La ceinture & la guaine d'icelle espee couuertes de velours azuré, semé de fleurs de liz d'or, la boucle, le mordant, & la bouterolle de mesmes. Puis deuant luy estoit Pierre de Fontenay Escuyer d'Escuyerie, armé, monté, & harnachié pareillement que ledit Poton, en sa teste vn chappel pointu deuant de velours vermeil fourré d'ermes, lequel portoit en escharpe vn mâtél d'escarlade fourré d'ermes. Deuant estoit Messire Guillaume Iuuenel des Ursins Seigneur de Treignel, & Chancelier de France, vestu en habit Royal, de robbe & chapperon fourrez, & vn mantel d'escarlade, & deuant luy vne hacquene couuerte de velours azuré, semé de fleurs de liz d'or de brodeure pareil du Roy, & dessus ladicte couuerture vn petit coffret couuert de velours azuré, semé de fleurs de liz d'or fin, ou quel estoient dedens les grans seaulx du Roy, & menoit en main ladicte hacquene vn varlet de pié. Ioignant d'icelle hacquene cheuauchioient les heraulx, & poursuyuans des Roys, & autres Seigneurs qui là estoient moult richement habillez, & vestuz de leurs costes d'armes, & deuant eulz neuf trompettes à tout sonnans, & les banieres de leurs Seigneurs, qui sonnoient par ordre les vns apres les autres. Tous les premiers cheuauchierent en belle ordonnance les Archiers du Roy tous vestuz de iacquettes de couleurs rouge, blanche, & vert, semées d'orfèvrerie. Ceulz du Roy de Sicille, du Comté du Maine, & de plusieurs autres grans Seigneurs, qui là estoient iusques au nombre de six cens Archiers tous bien vestus de brigandi-

nes, & iacquettes dessus de plusieurs couleurs, & diuerses façons, harnois de iambes, toutes leurs espees, & dagues, & harnois de teste garniz d'argent. Et les gouuernoient Messire Theaulde de Valpargne, le Sire de Pruilli, & le Sire de Clere, qui tous auoient leurs cheuaulz couuerts de satin de diuerses manieres & couleurs. Au deuant du roy, luy estant encorés aux champs, vindrent à cheual l'Archeuefque de ladite cité, accompagné de plusieurs Euesques, Abbez, & autres gens d'Eglise constituez en dignitez, lesquels luy firent la reuerence moult humblement, puis s'en retournerent. Apres vint le Seigneur de Dunois Lieutenant general, monté sur vn cheual couuert de velours vermeil, vne grant croix blanche, vestu d'une iacquette pareille fourree de martres febelines, en sa teste vn chappel de velours noir, & vne espee à son costé garnie d'or, & à la boulerolle vn ruby prise vingt mil escuz. En sa compaignie le Seneschal de Poictou, Sire Iacques Cueur Argentier, & le Sire de Gaucourt, montez, houssez, & vestus comme ledit Comte de Dunois. Puis allerent au deuant de luy en grant nombre iusques aux champs à cheual & à pié, les bourgeois, & marchans d'icelle cité vestuz de bleu, & chapeurons rouges, portans les clefs, lesquels firent la reuerence au Roy moult humblement, en luy remonstrent plusieurs choses en beau & doulz langage, & luy presenterent les clefs de ladite cité. Il les receut benignement, & les bailla audit Seneschal qui en estoit Capitaine. Et presenta lesdits bourgeois Messire Guillaume Cousinot nouuel Bailly de ladite ville de Rouen, lequel estoit vestu de velours bleu, son cheual enharnachié de mesmes à grans affiches d'argens. Puis allerent au deuant les gens d'Eglise, tant seculiers comme religieux en moult grant multitude reuestuz de chappes, portans les croix & banieres, qui de ioye de l'aduenement de leur nouuel Seigneur, chantoient, *Te Deum laudamus*. Le Roy entelle ordonnance du costé des Chartreux entra par la porte Beauuoisine en ladite cité. Et à l'entree fut fait par ledit Seneschal de Poictou vn ieune enfât Cheualier, lequel estoit filz du Sire de Precigny eagié de douze à treize ans, ou enuiron. Quatre des plus notables de ladite cité mirent vn ciel sur le Roy à l'entree de ladi-

1449.

de ville à la porte de laquelle lesdits bourgeois auoient fait paindre à la liuree du Roy, & ses armes au milieu, tant les tours d'icelle porte comme les murs du bouleuart, & les rues par où il passoit estoient toutes tendues à ciel, & pareillement les carrefours garnis de peuple à grant foison & presse, lequel crioit Noel de ioye. Par lesdits carrefours auoit personnages, entre les autres vne fontaine aux armes d'icelle ville, qui iettoit breuuage par ses cornes. Et en allât à la grant Eglise par icelle rue plus auant auoit vn tygre, & les petits qui se miroient en mirours. Er au carrefour de ladite grant Eglise auoit vn cerf volant bien pourtraict viement, lequel portoit en son col vne couronne, & se agenouilla deuant le Roy, par mystere, quât il passa par là pour aller à l'Eglise. Et à cest endroit estoient avecques la femme du Duc de Sombresset le Sire de Tallebot, & les autres Anglois ostages pour veoir l'entree. Le Roy descendit à l'Eglise nostre Dame, où il fut receu par ledit Archeuesque accompagné de ceulz de l'Eglise reuestuz, & là fit son oraison, puis s'en alla à son logeis. Les habitans d'icelle cité firent grant feste celle nuit, & firent faire les feuz par ladite ville toutes les nuits iusques au Vendredy ensuiuant. Et le landemain celebrerent processions generalles & solempnelles, & les deux prouchains iours ensuyuans, où fut ledit Archeuesque en personne, & garderent les iournees de toutes œures iusques au Vendredy. Les tables furent mises es rues, vins, & viandes dessus pour les passans. Ceulz d'icelle cité firent grans dons au Roy, & largement donnerent à ses Officiers, Heraluz & Pourfuiuans qui là estoient. Puis proposerent deuant le Roy les gēs d'Eglise, bourgeois, & autres habitans apres, en luy remonstrant qu'il ne laissast point pour l'yuer à faire guerre à ses ennemis les Anglois. Car ils pouoient trop faire de maulz, par le moyen des places qu'ils tenoient encores ou pays : & promettoient le aidier de corps, & de cheuance. Le Roy les ouyt longuement, lequel estoit assis en vne chaire couuerte de drap d'or, laquelle estoit en la salle dudit Archeuesque, & fit son Chancelier la response, tellement qu'ils furent tous contents. Tost apres se partit le Roy de sadicte cité de Rouen armé d'vnes brigandines, & dessus vne iacquette de drap d'or

d'or, accōpaigné du Roy de Sicille, & des autres Seigneurs de son sang, & en grans estats : & par especial le Comte de saint Pol, lequel auoit à son cheual vn champfrein prisié trente mil escuz d'or, & cheuaucha iusques à demie lieuë de Harfleur, où il fit mettre le siege par ses gens de guerre. Le Roy, tant que le siege dura audit Harfleur, fut logié à Monstieruillier. Audit siege estoient les Comtes de saint Pol, de Dunois, d'Eu, de Clermont, & de Neuers, les Sires de Cullant grant Maistre d'hostel, de Blainuille Maistre des Arbalestriers, & plusieurs autres, lesquels y firent tous grandement leurs deuoirs, & y eurent moult à souffrir, tant pour les gellees, pluyes, & autres froidures, comme pour le flouët de la mer, qui souuent venoit en leurs logeis en plusieurs lieux, & aussi pource que autour de ladite ville, n'auoit maisons ne arbres dequoy on se peust herbergier. Parquoy conuint faire leurs logeis en terre couuerts de paille & de genestres. Et ce nonobstant ils firent de si grands approuchemens de trenchees, de fossez, & approuchierēt & battirent tellement ladite ville de bombardes & canons, que les Anglois qui dedens estoient mil & cinq cens, rendirent ladite place au Roy, & s'en allerent leurs corps & biens saufs, les vns en Angleterre, les autres en Normandie. Puis se partit le Roy dudit Monstieruillier apres icelle prinse, qui fut le troisieme iour de Ianuier ou enuiron, & s'en retourna logier en vne Abbaye nommée Iumieges sur la riuier de Seine à cinq lieues au dessouz de Rouen. Pour deuant se reduisirent au Roy par le moyen du Duc de Bretagne les places de Gauroy, Regneuille, le Pont Doue, Thorigny, la Haye du Puys, Valoingnes, & plusieurs autres places en la basse Normandie, & ou pays de Constantin, ainsi que dessus est dit. Et se rendirent audit Duc ceulz qui estoient dedens Fougieres, où il auoit tenu le siege l'espace d'un mois ou enuiron. Pendant lequel temps la ville fut tellement approuchee d'approuches, trenchees, & mines, & barue de canons & de bombardes, qu'elle estoit preste à assaillir. Mais Messire François l'Arragõnois, qui en estoit Capitaine pour le Roy d'Angleterre, la rendit, comme dit est, & s'en partit luy & ses gens, qui estoiet de quatre à cinq cens, leurs corps, cheuaux & harnois, & vn petit fardeler

Bb

1449.

deuant eulz seulement. La mortalité estoit pour lors moult grande en l'ost dudit Duc de Bretagne, qui auoit en sa compaignie de sept à huit mil combatans, dont en moururent plusieurs. Entre les autres y mourut le fils du Vicomte de Rohan, dont fut dommage: & pource apres icelle prise de Fougieres, s'en retourna ledit Duc en sa maison, & ses gens pareillement.

En ce temps se rendit le Chastel-Gaillard, où le siege fut l'espace de six sepmaines, & s'en allerēt les Anglois, qui dedens estoient, nombrez six vingts, leurs corps & leurs biens saufs en leur * pays.

*Ms. party.

En ceste saison ordonna le Comte de Foix grosse armee, & fit mettre le siege par le Sirg de Lautrec son frere, & le bastard de Foix deuant le chastel de Guisant, qui est moult fort, & est à quatre lieues pres de Bayonne. Mais quant les Anglois le sceurent, se assemblerent iusques au nombre de trois mil combatans, dont estoient chiefs le Connestable de Nauarre, le Maire de Bayonne, George Soliton, & autres; lesquels se chargierent en nauire en vne riuere qui passe par Bayonne, & vindrent descendre pres dudit chastel. Quant ceulz qui tenoient ledit siege deuant ledit chastel le sceurent, se partirent secretement pour aller au deuant desdits Anglois, lesquels ils rencontrerent, puis ferirent si asprement dessus, qu'ils les desconfirent, & mirēt en fuite, iusques là où estoient les vaisseaux. A celle besongne furent que morts que prins douze cens Anglois. Ledit Soliton doutant qu'il ne peust recouurer les nauires, quant il vit la destrouffe passa parmy le siege, & se mit dedens le bouleuart dudit chastel à tout soixāte lances. Et tost apres, quant il vit qu'il ne pouoit estre secouru, se partit de nuit à tout ses gens, pour cuider retourner à Bayonne. Mais ledit bastard de Foix le poursuiuit, & le print, & la plus-part de ses gens. Dont ceulz dudit chastel furent moult esbahiz, tellement que le landemain se rendirent, & semblablement plusieurs autres menues places, entre la mer * d'Acre, & de Bayonne. Et apres ce, s'en retournerent les gens dudit Côte de Foix en leur pays. Cependāt que le Roy fut en l'Abbaye de Iumieges, le dixseptiesme iour du mois de Ianuier fut mis le siege deuant Honnefleu par le Côte de Dunois,

*d'Aqo

& les dessushommez en sa compaignie, lesquels firent grâs approuchemens sur lesdits Anglois qui dedens estoient de trois à quatre cens, dont estoit chief & Capitaine ledit Maistre Courson, tant de mines comme de bombardes, & d'engins vollans, tellement qu'ils composerent à rendre ladite place aux François le dixhuitiesme iour de Feburier prouchainement ensuiuant, ou cas qu'ils n'estoient combatuz dedés ce iour. Le champ fut ordonné, & clos à ceite fin. Mais lesdits Anglois n'y vindrent point, pource que le gouuernant n'osoit desemparer la ville de Caen, & aussi n'estoiet pas assez forts s'il ne venoit autre secours. d'Angleterre. Et pource s'en allerent lesdits Anglois, leurs corps & biens saufs, par mer & par terre. Deuant ladite ville durant ledit siege fut tué d'un canon Arnault Guillem de Bourguignen Bailly de Montargis, dont fut dommage: & aussi y fut tué Jean de Blanchefort Escuyer du pays de Berry.

En ce temps les Anglois de la cité de Londres s'esmeurent contre les Seigneurs du pays d'Angleterre moult fierement, & prindrent le Comte de Suffort, lequel ils mirent en prison en la tour de Londres. Mais depuis le Roy d'Angleterre le fit deliurer secrettemēt par celuy qui estoit garde de ladite tour, dont ceulz de Londres furent tresmal contens. Car ils disoient que ledit Comte de Suffort auoit fait mourir les Ducs de Clocestre & d'Acestre, & si * de Cestre auoit esté cause de la perdition de Normandie, pource qu'il auoit fait treues avecques les François. parquoy il deuoit mourir. Car pou deuant il auoit fait mourir le Priué seel d'Angleterre Euesque de Clocestre pour semblable cas. Cependant le Duc d'Alençon mit le siege deuant la ville & chastel de Belesme, & y fit grandemēt son debvoir, tellement que les Anglois qui y estoient prindrent iour de rendre ladite place, ou cas que à ce iour les François ne seroient combatuz. Ledit Duc d'Alençon tint la iournee à bien pou de gens, accompagné du Seigneur de Xaintrailles, iusques à ce que l'heure fut passée. Lequel se y gouerna moult honnorablement & vaillamment. Mais lesdits Anglois ne se y trouuerent point, ains laisserent & renderent lesdits ville & chastel, & s'en allerent leurs corps &

Bb ij

1449.

biens saufs tous ensemble, qui estoient enuiron deux cens combatans, dont estoit Capitaine Matagou. Ce temps pendant le Roy estoit logié en vne Abbaye nommee Gerbe-train à deux lieues pres dudit Honnefleu, où il auoit esté durant le siege, lequel se partit, & tira à Bernay, à Essay, & de là à Alençon. Puis enuoya ses gens mettre le siege deuant Fresnay, où estoient pour Montfort Capitaine André Trof-lo, & Iannequin Basquier, accompagnez de quatre à cinq cens Anglois, & Normas, lesquels quāt ils sceurent de vray que le siege leur venoit, rendirent ladite ville enuiron le vingtdeuxiesme iour de Mars oudit an, & s'en allerēt leurs corps & biens saufs, à Faloise & à Caen. parmy ce que quāt ils bailleroient dix mil salus, on leur deuoit rendre ledit Montfort leur Capitaine, qui auoit esté prins au Pontaudemer.

En ce temps descendirent du pays d'Angleterre trois mil Anglois à Chierebourg, dont estoit conduiseur Messire Thomas Kiriell : & cheuauchierent par leurs iournees iusques deuant la ville de Valoingnes, où ils mirent le siege, lequel ilz tindrēt longuemēt. Et quāt les François le sceurēt, se assemblerent de toutes parts pour leuer ledit siege. Mais la fin fut, qu'un nommé Abel Roault qui en estoit Capitaine pour le Roy, rendit la ville, lequel parauant se estoit gouuerné grandement. Puis s'en alla luy, & ses compaignons, cheuaux & harnois. Lesdits Anglois apres celle prise se assemblerent, & toutes leurs garnisons pour tenir les champs. Et partirent de la ville de Bayeux de cinq à six cēs combatans, dont estoit chief Matagou. Et de la ville de Vi-re de quatre à cinq cens combatans, dont estoit chief & Capitaine Messire Henry Norbery. Et tous se mirent avecques les dessusdits quatre mil combatans, qui de nouuel estoient venuz du pays d'Angleterre. Et quant ils furent ainsi assemblez, se trouuerent de six à sept mil combatans, lesquels se deslogierent, & passerent tous ensemble les guez saint Clement. Et lors les François, qui tenoient les chāps, le sceurent, & les pourfuiurent, & ferchierent les vns d'un costé, les autres d'autre, tellement que Messire Geoffroy de Couuren, & Ioachim Roault les trouuerent, & ferirent sur leur auantgarde moult asprement, en telle maniere qu'il y

eut plusieurs Anglois morts & prins.

L'An mil cccc. cinquante, le quatorziesme iour du mois 1450.
d'Auril, apres Pasques, le Comte de Clermont, & autres
qui queroient lesdits Anglois, & le Conestable de Frâce,
lequel estoit à saint Lo, eurent nouuelles, comment lesdits
Anglois auoient esté rencontréz. Si se partirent les Comtes
de Clermont, & de Castres, le Seneschal de Poictou, le Sire
de Coiçtiui Admiral de France, le Seigneur de Montgas-
çon, le Seneschal de Bourbonnois, les Sires de Mouy, & de
Maugny, Ioachim Roault, & Robert Conigan, iusques au
nombre de six cens lances, & les Archiers; & cheuauchie-
rent tant qu'ils aconsuiurent lesdits Anglois entre Caren-
ten & Bayeulz, pres d'un village nommé Fourmigny, le xv.
iour dudit mois * d'Auril. Et quant les Anglois les apper-
ceurent, se mirent en bataille, & manderent hastiement
querir ledit Matagou, lequel estoit party d'eulz le matin
pour aller à Bayeulz, qui retourna incontinent. Et ainsi fu-
rent les François & Anglois par l'espace de trois heures les
vns deuant les autres en eulx escarmouchant. Et cepen-
dant firent iceulz Anglois de grans fossez & trous de leurs
dagues & espees, afin que l'on ne peust approucher d'eulx
à cheual. Et à un traict d'arc derriere eux auoit vne petite
riuiere, & grant foison de iardinaiges plains de pommiers,
& autres arbres. Le Comte de Richemont Conestable de
Frâce se deslogea de saint Lo, où il auoit couchié la nuit,
& cheuaucha accompagné du Comte de Laual, du Sire
de Loheac Mareschal de France, du Sire d'Orual, du Ma-
reschal de Bretagne, du Sire de sainte Seuer, Oliuier
de Bron, & plusieurs autres gens de guerre, nombrez
trois cens lances, & les Archiers, iusques à un molin à vent,
au dessus dudit Fourmigny, où ilz se mirent en bataille à la
veüe desdits Anglois, lesquels quāt ils les virent se doubte-
rent, & laisserent le champ, & se retrahirent iusques dessus
ladite riuiere pour se mettre à leur dos. Et lors ledit Con-
estable & ses batailles passerent la riuiere sur le grant che-
min dudit Fourmigny pres d'un village à un gué, & sur un
petit pont de pierre. Puis se combattirent vaillamment Frā-
çois & Anglois, & longuement, tant les compagnies dudit

*Mo.
d'Aoust.

Bb iij

1450.

Connestable, comme celles du Comte de Clermont, & tellement que lesdits Anglois gaingnerent du costé où estoient ledit Seneschal, & les gés du Bailly d'Eureux, que gouvernoit le Sire de Maigny, par deux couleuvrines, dont lesdits Anglois tiroient. Et lors ledit Seneschal de Poitou fit descendre ses gens à pié, & frappa si asprement sur lesdits Anglois, qu'il les rebouta d'un des bouts de leurs batailles de la longueur de quatre lances, & gaingna les deux couleuvrines, & furent tuez deux cens Anglois à celle rencontre par le moyen dudit Seneschal Messire Pierre de Brezé, qui y acquit grant honneur, & tous les autres: car chascun y faisoit vaillamment son deuoir. Et à la fin eurent lesdits François moult grant victoire de leurs ennemis, & leur demoura le champ. Car les Anglois furent desconfits autour d'icelle riuere. Et y furent tuez par le rapport des Heralz qui là estoient, des Prestres & bonnes gens qui les enterrent, quatre mil sept cens septante quatre Anglois. Et y furent prins Messire Henry Norbery, & ledit Iannequin Basquier, & autres iusques au nombre de quatorze cens Anglois. Ledit Matagou, & Messire Thomas Vere s'enfourerent, l'un à Bayeux, & l'autre à Caen, & furent mis les morts en quatorze fosses. Lesdits François s'y gouvernerent tous grandement, & honnorablement. Car ils n'estoient que trois mil combatans, par le rapport des Heralz, desquels François ne mourut que cinq ou six personnes, & lesdits Anglois estoient de six à sept mil. Et pource, disent les sages, que la grace de Dieu fut cause de la victoire desdits François. De ceulz de l'estendart du Comte de Clermont, s'y porta vaillamment ce iour entre les autres le Seigneur de Montgascon: & de ceux du Connestable le Sire de sainte Seure, le Sire de Chalençon, & plusieurs autres. A ce iour furent faits Cheualiers lesdits Comtes de Clermont, & de Castres, fils du Comte de la Marche, le fils du Comte de Boulongne & d'Auvergne, le Sire de Vauvert fils du Comte de Villars, lesdits Seigneurs de Chalençon, & de sainte Seure, & plusieurs autres. Apres celle desconfiture se partirent tous ensemble lesdits François, & tirerent deuant la ville de Vire, où ils mirent le siege, lequel n'y fut gueres. Car ledit Messire Henry Norbery, qui en estoit Capitaine,

en fit la composition luy estant prisonnier, & la fit rendre 1450.
ausdits François. Et par ainsi s'en allerent les Anglois, qui
dedens estoient, de trois à quatre cens lances, corps & biës
saufs à Caen.

En ce temps se partit le Comte de Suffort d'un fort cha-
stel, où il estoit pour la doubte des Anglois qui le vouloiēt
faire mourir, & se mit en mer pour euitier le peril de la mort.
Mais luy estant sur la mer, fut rencontré des gens du Duc
de Sombreflet, lesquels le prindrent, & luy coupperent la
reste, puis l'enuoyerent avecques le corps à ceux de Lon-
dres, qui le pendirent par quartiers à leurs portes. Apres la
reduction de ladite ville de Vire, se partirent le Connesta-
ble de France, le Sire de Laual, & autres qui estoier en leurs
compagnies pour le Duc de Bretagne, & tirerent deuers
luy, & de là à Auranches, où ils mirent le siege, lequel tint
ledit Duc en personne l'espace de trois sepmaines. Pendāt
lequel temps il fit tellement battre de canons, & autres en-
gins icelle ville, que les Anglois qui estoient dedens de
quatre à cinq cens, dont estoit Capitaine vn nommé Lem-
pet, rendirent ladite place, & s'en allerent vn baston ou
poing seulement. Et pareillement se rendit le chastel de
Tumbelaine, qui est vne moult forte place, & imprena-
ble, tant qu'il y ait dedens que mangier, & n'est *bataige *M. bataill.
de canons, ne d'engins, qui y peust faire mal. Car elle est le.
assise sur vn rocq en la mer pres du mont saint Michiel. Et
s'en allerent les Anglois qui dedens estoient enuiron qua-
tre vingts à Chierebourg. Tost apres la prise de Vire se
partirent lesdits Comtes de Clermont, & de Castres, &
autres de leur compagnie : & enuiron le mois de May,
mirent le siege deuant la ville de Bayeulz, & se logierent
és faulxbourgs. Deuers Caen se allerent logier les Comtes
de Dunois Lieutenant general, de Neuers & d'Eu, le Sire
de Cullant grant Maistre d'hostel, le Sire de laloingnes son
frere Mareschal de France, les Sires d'Orual, & de Bueil, &
plusieurs autres Cheualiers & Escuyers. Et es faulxbourgs
du costé des Cordeliers furent logiez le Sire de Montenay
conduiseur des gens du Duc d'Alençon, Pierre Louvain,
Robert Conigan, & autres, avec certain nombre de Fräcs-
archiers. Ledit siege fut clos de tous costez, & fut fort ba-

1450.

tuë ladite ville de bombardes par l'espace de seize iours entiers, & fort oppressee de mines, & tranchees, tellement que elle estoit preste, & en point d'assaillir. Mais le Roy, & les Seigneurs dessusdits eurent pitié d'icelle cité, & des habitants en icelle, doubans la destruction & mal qui s'en pouoit ensuiuir, & pour ce ne le voulurent consentir. Et neantmoins sans leur congie ne sceu, les gens de guerre sans ordonnance pour l'ardeur qu'ils auoient de gaingner, assaillirent ladite cité deux fois en vn mesme iour par vn costé d'icelle seulement. Et là se gouvernerent grandement tant dehors comme dedens. Car il y en eut de morts des deux parties. Mais à la fin ne firent riens les François, ains se retrahirent. Combien que s'ils eussent assaillie ladite ville par l'ordonnance des Capitaines qui bien l'eussent sceu faire sans nul remede, elle eust esté prinse d'assault. Ledit Maragou fut fort espouenté des assaulz. Car plusieurs vaillans hommes y moururent. Et pource parla avecques lesdits Seigneurs François, & rendit icelle cité. Puis s'en allerent luy, Iannequin Basquier, & les autres Anglois de la garnison à Chierebourg. lesquels estoient nombrez des plus vaillans gens de guerre qui fussent en Normandie de leur party neuf cens, qui s'en allerent tous vn baston ou poing, fors aucuns ausquels pour honneur de gentillesse on laissa des cheualz pour porter des Damoiselles, Gentilshommes & femmes. Et avecques ce firent lesdits Seigneurs François deliurer des charrettes pour porter partie des femmes des Anglois qui s'en alloient avecques leurs maris, lesquelles il faisoit piteux veoir. Car il partit de ladicte cité de trois à quatre cens femmes, sans les enfans, dont il y auoit grant nombre. Les vnes portoient les petits en berseaulx, les moyens sur le pouure col, & les grandelets en leurs mains, qui estoit grant pitié. Apres icelle reduction se partit ledit Comte de Dunois de Bayeulz à tout son ost, avecques luy le Comte de Clermont, & ses gens de guerre, lesquels passerent la riuere d'Orne, & menerent leurs gens viure sur le pays en attendant la venue de Monseigneur le Connestable, lequel cependant print le chastel de Bricquebec, & mist le siege deuant la ville de Valloingnes, qui n'y fut gueres. Car tost apres se rendit François le Lieutenant du cha-

du chastel & Capitaine de la place, lequel fit rendre lesdits ville & chastel, & s'en allerent les Anglois qui dedens estoient à Chierebourg. Et cependant les Mareschaulx de France, & de Bretagne mirent le siege deuant sainct Sauueur le Vicomte, qui est vne des plus belles places & forte de la basse Normandie. Mais ils oppresserent fort la ville de fossez, & approuchemens, & s'y gouuernerent vaillamment, tant en fait d'armes que autrement, & tant firent que en pou de temps mirent ceulx de la place en telle necessité, qu'ils se rendirent sans coup de canon ne autre engin. Car toute l'artillerie entierement estoit demouree chargiee à Bayeux pour mener à Caen. A faire lesdictes approuches fut tué d'un trait vn vaillant Escuyer du pays de Berry nommé Iean Blanchefort, dont fut dommage. Ils estoient deux cens Anglois en ladite place, dont estoit Capitaine le Sire de Roberfart, lesquels s'en allerent leurs corps & leurs biens saufs à Chierebourg, & eurent huiet iours de vuidange. Pendant lequel temps se partirent les dessusdits Mareschaulx de deuant ladicte ville de sainct Sauueur à tout les ostages dudit lieu, & tant cheuauchierent qu'ils arriuerent à deux lieues pres de Caen, à vn village nommé Cheues, où estoit logié ledit Connestable de France. Auec luy estoiet, le Comte de Laual, le Sire de Loheac Mareschal de France, le Sire de Coectiuy Admiral de France, le Sire d'Estouteuille, le Sire de Montauben Mareschal de Bretagne, le Seneschal de Poitou, Messire Iaques de Luxembourg frere du Comte de sainct Pol, le Sire de saincte Seuer, & de Bouffac, le Sire de Malestroit, & plusieurs autres Cheualiers & Escuyers, lesquels se partirent dudit Cheues le cinquiesme iour de Iuing. Et pareillement se partirent ce iour de Bretueil les Comtes de Clermont, & de Castres, le Sire de Montgascon, le Sire de Mouy en Beauuoisis, Robert de Flocques Bailly d'Eureux, Messire Geoffroy de Couuren, Messire Charles de la Fayette, & plusieurs autres Cheualiers & Escuyers, gens d'armes, & de trait, iusques au nombre de quatre mil & cinq cens Archiers, iuisarmiers & coustilleurs, & de deux mil Francs-archiers à pié, lesquels tous ensemble auec ledit Connestable, & ceulx de sa compaignie s'en allerent mettre le siege deuant la ville de Caen, &

1450.

se logierent deuers Bayeulz és fauxbourgs d'icelle ville pres de la muraille dedés l'Abbaye de sainct Estienne. Et ce iour mesmes se partirent de demie lieue de Caen le Comte de Dunois, le grand Maistre d'hostel, le Sire de Ialoingnes Mareschal de France son frere, le Sire d'Orual, le Sire de Montcnay gouuerneur des gens du Duc d'Alençon, le Sire d'Yury Prouost de Paris, le Sire de Beaumont son frere, & plusieurs autres iusques au nombre de cinq cens lances, & deux mil Archiers à cheual, cinq cés iuisfarmiers & coustilleurs à tout deux mil Francs-archiers à pié, lesquels s'en allerent logier pres de ladite ville du costé deuers Paris és faulxbourgs de Vauceulles. Incontinent firent vn pont au dessus de ladite ville pour passer la riuere. Par dessus lequel le quatriesme iour passerent les Comtes de Neuers & d'Eu, les Sires de Bueil, & de Montenay, Ioachim Roault, & plusieurs autres, lesquels se allerent logier és faulxbourgs de ladite ville du costé de deuers la mer en vne Abbaye nommee la Trinité. Le Roy se partit de la ville d'Argenten acompaigné du Roy de Sicille, du Duc de Calabre son fils, du Duc d'Alençon, des Comtes du Maine, de sainct Pol, & de Tancarville, du Vicomte de Loumaigne, de Ferry Monseigneur de Lorraine, de Iean Monseigneur son frere, du Baró de Treignel Châcellier de France, des Sires de Blainville & de Pruilly, des Baillifs de Velay & de Lyon, & de plusieurs autres Cheualiers & Escuyers, gens-d'armes & de trait, iusques au nombre de cinq à six cens lances, & les Archiers, & s'en alla logier à sainct Pierre sur Diue pour la nuit, & le landemain à Argeines au disner. Puis apres heure de disner ainsi acompaigné arriua ausdits fauxbourgs de Vauceulles. Et incontinent apres l'arriuement & repeue passa le Roy ladite riuere, & alla par ledit pont, & coucha celle nuit à l'Abbaye & fauxbourgs de la Trinité. Et le landemain s'en alla logier à demie lieue d'illec pres de ladite ville de Caen, en vne Abbaye nommee Ardaine, où il fut durât ledit siege. Le Roy de Sicille & son fils le Duc de Calabre, le Duc d'Alençon, le Côte de sainct Pol, lesdits Ferry Monseigneur de Lorraine, & son frere à tout mil lances, deux mil Archiers à cheual, trois cens iuisfarmiers & coustilleurs, & deux mil Francs-archiers demourerent à ladite Abbaye de la

Trinité, & és villages d'enuirō, où ils furent logiez. En vne Chappelle contre le chastel, & en l'Abbaye dudit saint Estienne estoit logié le Sire de Beauuoir, de Bourbonnois, à tout trois cens trente lances, & mil cinq cens Francs-archiers. Le premier iour que le siege fut mis deuant ladicte ville, fut prins d'assault le bouleuart de la porte en allant à Bayeulz, où il y eut de belles armes faictes. Mais depuis le desemparèrent lesdits François, pour ce qu'il estoit couuert deuers la muraille. Car si tost qu'il fut prins, les Anglois murèrent tost la porte. Tost apres la venue du Roy fit ledit Comte de Dunois assaillir les bouleuars de Vauceulles, qui estoient sur la riniere d'Orne pres de la muraille de ladicte ville, lesquels lās Anglois deffendirent vaillamment, & dura l'assault longuement. Mais à la fin furent prins par lesdits François, & y furent tuez & prins plusieurs Anglois. C'estoit belle chose à vedit ledit siege. Car de tous les logeis y auoit mines qui alloient iusques dedens les fossez de ladicte ville, mesmement du costé dudit Conestable. Car les gens de guerre minerent tellement la tour, & la muraille de deuant ledit saint Estienne, que tout cheut à terre, en maniere que là endroit les François de dehors pouoient combattre main à main. Et lors les Anglois doubtrant estre prins d'assault, demanderent & requierent traictié, lequel le Roy en ayant pitié, & regardant que la ville eust esté destruite, & les Eglises d'icelle desolees, & pour euer l'effusion du sang humain, & des hommes, femmes, & enfans, qui eussent peu estre tuez dedens, octroya & voulut que ladicte ville fust prinse par composition. Combien que à la verité elle eust esté prinse d'assault s'il luy eust pleu, sans nul remede, & le chastel, & le dongeon à la fin, mais non pas si tost. Car ledit chastel est vn des plus forts chasteaux de Normandie, assis sur vn rocq, garny de bouleuars de pierre moult dure, haulz & espés, fondez sur ledit rocq. Et si y a vn dongeon tres-fort assis sur rocq fermé de moult beaux fossez, & parfonds, lequel est fait d'une façon large, & y a haute tour, de la façon de celle de Londres, [ou de celle d'Amboise, si elle estoit entiere.] Combié qu'elle est encores plus grande, & plus grosse, enuironnee tout au tour de quatre fossez tous maçonnez depuis le pié du fossé iusques au hault

** Ces motz
effacez au
ms.*

1450.

à l'egal de la terre, lesquels sont moult haulz. Et si est iceluy dongeon fermé de haultes & fortes murailles tout autour selō la qualité desdites terres. Iceluy chastel est bel & grād. Car il contient autant que la ville de Corbueil ou enuiron, ou celle de Monferrant en Auvergne. Et estoit dedens le Duc de Sombreffet, soy disant gouuerneur de Normandie, sa femme & ses enfans avec luy. Et dedens ladite ville y auoit quatre mil Anglois d'Angleterre, dont estoient conduiseurs Messire Robert Vere, frere du Comte de Suffort, Messire Henry de Rodefot, Messire Expansier Scandi, Guillaume Couuren, Guillaume Logot, Foulques Hestō, Henry Loys, & plusieurs autres. Et parlementerent François & Anglois par plusieurs & diuerfes manieres, & longuement. C'est assauoir de par le Roy, ledit Comte de Dunois, le Seneschal de Poictou, & Maistre Ieā Bureau Thresorier de France : de par lesdits Anglois, Messire Richard Heriton Bailly de Caen, Foulques Heston, & Robert Gaiques, & de par ladite ville Eustace Carmet Lieutenant du Bailly, & l'Abbē dudit saint Estienne, lesquels conuindrēt ensemble, & appoinctierent le landemain de la saint Iean Baptiste oudit an, que ladite ville demoureroit en l'obeissance du Roy, & seroit mise en sa main le premier iour de Iuillet ensuiuant : ou cas que dedens ce iour le Roy, & sa puissance ne seroient combatuz, parmy ce que le Duc de Sombreffet, sa femme & ses enfans, & autres qui s'en voudroient aller à tout leurs femmes & enfans, cheuaux & harnois, & autres biens meubles, s'en yroient. Et pour porter iceulz, on leur bailleroit charroy, & vaisseaux de mer pour les passer en Angleterre, & non ailleurs : Pourueu aussi qu'ils deliureroient tous prisonniers qu'ils tenoient, & tous ceulz de ladite ville, tant gens d'Eglise, bourgeois, & autres qui leur deuoient finance ou autres meubles, seroient, & demoureroient quittes sans leur en faire riēs payer, & sans ce que pour ces causes leur ostassent riens du leur au partir. Et si laisseroient toute artillerie grosse & menue, reserué arcs, arbalestres, & couleuurnes à main. Et pour la seureté des choses dessusdites, & les entretenir sans failir, furent baillez ausdits François dix huiet ostages. C'est assauoir douze Anglois d'Angleterre, deux Cheualiers de

Normandie, & quatre bourgeois de ladite ville. Mais pour-
ce que à ce premier iour de Iuillet ne furent point secou-
ruz, lesdits Anglois rendirent la ville. Et presenta les clefs
d'icelle ville ausdits donjon & chastel, le Bailly dudit lieu,
qui saillit par la porte dudit donjon aux chaps, & les liura, &
mit en la main du Connestable de France, present ledit
Comte de Dunois Lieutenant general. Auquel incontînēt
ledit Connestable les bailla comme Capitaine & gouuer-
neur desdits ville & chastel pour le Roy, & demoura aux
champs pour faire vuidier lesdits Anglois, & leur faire te-
nir leur chemin droict à Estrehan. Apres ledit Comte de
Dunois accompaigné du Mareschal de Ialoingnes, & de-
uant luy deux cens Archiers à pié, avecques les heraulz
& trompettes du Roy, entra par ledit donjon dedens lesdi-
tes ville & chastel: & fit mettre dessus les portaux les ban-
nieres du Roy, lesquelles portoient apres luy trois Escuyers
d'Escuyrie du Roy, qui auoient apres eulz cent hommes
d'armes à pié. Le sixiesme iour de Iuillet ensuiuant oudit
an se partit le Roy de ladite Abbaye d'Ardaine, pour en-
trer en la ville de Caen, accompaigné du Roy de Sicille,
des Ducs de Calabre & d'Alençon, des Comtes du Maine,
de Dunois, de Clermont, de Neuers, de saint Pol, & de
Tancarville, des Mareschaux de Loheac & de Ialoingnes,
du Sire de Rex, & de Coëtiuy Admiral de France, & de
plusieurs autres grâds Seigneurs, Cheualiers, & Escuyers, &
de deux cens Archiers deuât luy, & de cēt lances derriere.
Les bourgeois de ladite ville, & grant multitude d'autres
gens allerent hors de ladite ville aux champs au deuant de
luy, & les presenta ledit Comte de Dunois. Puis firent la
reuerence au Roy, & luy presenterent les clefs de ladicte
ville, lesquelles il receut benignement. Les gens d'Eglise fu-
rent pareillement au deuant de luy en processions, reuestus
comme il est accoustumé de faire, & ainsi entra en ladicte
ville. Puis porterent le ciel sur luy quatre gentils-hommes
Cheualiers & Escuyers, demourâs en ladicte ville. Les rues
estoit couuertes, & tendues à ciel par où le Roy passoit,
& y faisoit moult bel. Car il y auoit grant foison de peuple
par tout, criant Noel, & faisant grant ioye.

Ce iour fut mis le siege deuant Falaise par Poton de

C c iij

1450.

Xaintrailles Bailly de Berry, & le Lundy enfuiuant y arriua. Maistre Iean Bureau Thresorier de France, lequel conduisoit l'artillerie, & les Francs-archiers. Mais quant les Anglois de ladicte ville les apperceurent, saillirent & frapperent tres asprement dessus. Mais incontinent ledit Bailly vint au secours d'icelle artillerie, & furent reboutez lesdits Anglois iusques aux portes de ladicte ville par le moyen desdits Bailly & Thresorier, lesquels s'y porterent vaillamment. Le Roy se partit de la ville de Caen pour aller audit lieu de Faloise le huitiesme iour apres son entree de Caen, & coucha ce iour en vn village nommé saint Siluin : & le landemain s'en alla logier du costé deuers Argenten apres de demie lieue dudit Faloise, en vne Abbaye nommee saint Andry, en laquelle furent logiez auecques luy le Roy de Sicille, le Duc de Calabre, les Comtes du Maine, de saint Pol, & de Tancarville, le Comte de Loumaigne, Ferry Mōseigneur de Lorraine, & plusieurs autres. Le Duc d'Alençon fut logié à sainte Marguerite, à demie lieue pres du costé deuers Paris. En vn lieu que l'on dit la Guibray fut logié le Côte de Dunois, & pres de luy le Sire de la Forest gouverneur des gēs du Côte du Maine. Et là entour en vne Abbaye au dessouz dudit lieu de la Guibray furent logiez trois mil Francs-archiers. Du costé deuers le Maine, au droit de la porte pres du chastel furent logiez le Sire de Beauuau, le Sire de Beauuoir, Iean Monseigneur de Lorraine, & ledit Bailly de Berry. D'autre costé deuers Caen furent logiez les Comtes de Neuers, & d'Eu, le Sire de Culant grant Maistre d'hostel, les Sires d'Orual, de Blainuille, de Montenay, & plusieurs autres, lesquels y firent tous si grandement leurs deuoirs, que les Anglois, qui dedens estoient, prindrent treues le vnziesme iour dudit mois, pour faire la composition de ladicte ville.

En ce temps auoit esté mis le siege deuant Chierebourg par le Comte de Richemont Connestable de France, accompagné du Comte de Lual, du Sire de Loheac Mareschal de France son frere, du Sire de Rex, & de Coëtiuy Admiral de France, du Sire de Montgascon, du Mareschal de Ialoingnes, du Mareschal de Bretagne, du Seneschal de Poitou, du Seneschal de Bourbonnois, des

Sires d'Estouteuille, de Mouy en Beauuoisis, de Messire Gieuffroy de Couuren gouuerneur des gens du Sire de sainte Seure, de Robert Conigan, & de deux mil Frâcs-archiers. Et cependant ledit Comte de Dunois par le commandement du Roy parlementa avec les Anglois de Falaise, lesquels promidrent rendre ladiete ville & chastel au Roy le vingtvniesme dudit mois de Iuillet, ou cas que dedens ce iour ils ne seroient secouruz. pourueu que leur maistre & Capitaine, qui estoit le Sire de Tallebot Seigneur de ladite place de par le Roy d'Angleterre par don à luy fait par iceluy Roy d'Angleterre, lequel Sire de Tallebot estoit prisonnier du Roy au chastel d'Eureux, seroit deliuré en sa liberté & franchise, moyennant certaines autres promesses qu'iceluy Sire de Tallebot deuoit faire au Roy. Et pour la seureté de ce baillerent deux ostages.

Le treiziesme iour dudit mois de Iuillet se partirent le Sire de Cullant grant Maistre d'hostel de France, le Sire de Blainuille, & autres Cheualiers & Escuyers en leur compagnie, Maistre Iean Bureau Thresorier de France, qui conduisoit l'artillerie, & mil & cinq cens Frâcs-archiers; & allerent mettre le siege deuant la ville & chastel de Dampfront, où estoient dedens de sept à huit cens Anglois. Et le Mercredy xxj. iour dudit mois de Iuillet, pource que les Anglois de Falaise ne furēt point secouruz, rendirēt lesdits ville & chastel, & s'en allerent leurs corps & biens faulx en Angleterre. Ils estoient mil & cinq cents combatans des plus vaillans gens, & mieulz en point de la Duchie de Normandie, de leur nation. Et en estoient conduiseurs sous le Sire de Tallebot André Trolopt, & Thomas Hethon. Puis en fut Capitaine de par le Roy ledit Poton de Xaintrailles grant Escuyer d'Escuyerie, & Bailly de Berry.

En ce temps mourut de certaine maladie, Messire François Duc de Bretagne, nepueu & homme du Roy, dont fut grāt dommage. Car il estoit vn notable & sage Prince, ieune homme & vaillant. Dieu luy face mercy à l'ame, & à tous trespasses. Amen.

Le deuxiesme iour d'Aoust ensuiuant ou dit an les Anglois rendirent pareillement les ville & chastel de Damp-

1450. front, & baillerent ostages pour payer certaine somme de deniers; & par ce moyen s'en allerent à tout leurs biens. Cependant estoit tousiours le siege deuant ledit lieu de Chierebourg, ouquel tant qu'il y fut s'y gouuernerent honorablement & vaillamment les François qui deuant estoient, & y eurent beaucoup de peine & de trauail. Car ils y firent plusieurs grans approuchemens, & firent battre ladicte ville de canons, & bombardes, & de plusieurs autres engins merueilleusement, & le plus subtillement que oncques homme vit. Car ils assirent bombardes en la mer, là où elle venoit deux fois le iour, qui greuerent fort la dite place. & tellement que les Anglois, qui dedens estoient, ne sçauoient que faire de eulz rendre, voyans qu'ils ne pouoient plus tenir ne resister. Il y eut vn canon & quatre bombardes rompues. Et audit siege fut tué Messire l'regent de Cocctiuy Cheualier, seigneur de Rays, & de Cocctiuy, Admiral de France, qui fut vn tres-grant dommage. Car il estoit vn des vaillans Cheualiers, & des bien renommez du Royaume de France, & si estoit de bon eage, & competant. Et pareillement y fut tué d'une couleuurine Tudual le Bourgeois bon & vaillant Escuyer, Bailly de Troyes, lequel estoit vn vaillant homme de son corps, à pié & à cheual, bien congnoissant la subtilité de la guerre. Il y eut durant le siege maintes belles armes faites deuant ladicte place, & tant qu'un Anglois d'Angleterre nommé Thomas Gouel rendit lesdits ville & chastel de Chierebourg, dont il estoit Capitaine de par le Roy d'Angleterre, le xij. iour d'Aoust ouudit an mil quatre cens cinquante, qui est la plus forte place de Normandie sans nulle excepter, parmy ce qu'on luy rendroit vn sien fils qui estoit en ostage, & prisonnier du Roy pour sa part de l'argent qui estoit deu au Roy, & à ceux de Rouen, par la composition qu'auoit fait le Duc de Sombresset, luy estant audit lieu de Rouen. Ils estoient mil bons combatans dedens ledit Chierebourg, lesquels s'en allerent par mer leurs corps & biens saufs en Angleterre. Et fut fait Capitaine dudit Chierebourg de par le Roy, le Sire de Bueil à tout quatre vingts lances de retonue. Et ainsi fut toute conquise la Duchie de Normandie, & toutes les citez, villes, & chasteaux d'icelle Duchie mises en l'obeissance

*Cy deuant
Rex,

l'obeissance du Roy en vn an & six iours, qui est vne grant merueille, & appert bien que nostre Seigneur Dieu y a estendu sa grace. Car iamaiz si grant pays ne fut conquis en si brief temps, ne à moins d'occasion de gens, de peuple, ne de dommage, qui est vne grant vertu, honneur & louange au Roy de Frâce, aux Princes, & autres plusieurs Seigneurs dessus nommez, qui l'ont accompagné au recouurement de ladite Duchie. Et premierement & par especial en est & doit estre l'honneur & louenge à Dieu nostre Createur, qui ya ainsi monstré ses miracles. Le temps le deuoit ainsi. Car c'estoit l'annee du grant pardon general de Rome, que l'en appelle l'an du Iubilé. Cedit pays de Normandie a six grosses iournees de lōg, & quatre de large, & y a six Eueschiez, & vne noble Archeueschie, & ya en ladite Duchie de Normandie grant nombre de villes & chasteaulx de present, sans ceulz qui ont esté abbatuz durant les guerres passees. Apres ce fait, ordonna le Roy six cens lances, & les Archiers pour la garde de ladicte Duchie de Normandie, lesquels il fit mettre sur les ports de mer, & enuoya le résidu sur les Marches de Guyenne. Puis se partit pour y aller, & cheuaucha par ses iournees iusques en la cité de Tours, où il arriua ou moys de Septembre prochainement ensuiuant oudit an. Et là fit, & ordonna par l'aduis & deliberation de son grant Conseil, pour rendre graces à Dieu nostre Createur de la victoire qu'il luy auoit donnee, & afin qu'il en feust memoire à tousiours, processions generalles cedit moys de Septembre par tout son Royaume, & d'oresnauant à tousiours perpetuellement par chascun iour, à tel iour comme auidit esté rendue la derreniere ville d'icelle Duchie de Normandie, qui fut Chierebourg ville & chastel, le douziesme iour du mois d'Aoust. Et pria, & commanda le Roy à tous Archeuesques, & Euesques, & autres Prelats de son Royaume, qu'iceluy iour ils fissent garder solempnellement, & enregistrer en leurs Kalendriers, & registres, comme il est apparu par lettres Royaulz, & mandemens sur ce faiz, & lesquels furent leuz & publiez par tout sondit Royaume. Qui vouldroit faire mention de tous les vaillans hommes, & de leurs vaillances durant le recouurement de ladite Duchie, ce seroit longue chose à

Dd

1450.

escrire. Mais neantmoins en fault il aucunement faire mention pour ceulx qui ou temps aduenir pourront veoir, & lire la façon & maniere du recouurement de ladite Duchie. Premierement le Roy a mis à son armee, & à sa guerre, & à ses gens-d'armes moult belle ordonnance. Car il a fait mettre tous ses gens-d'armes, & de trait en bons & seurs habillemens: c'est assauoir les hommes d'armes montez chacun de trois cheualz pour eux, leur varlet & vn paige, tous armez de cuirasses, harnois de iâbes, salades, & espees toutes garnies d'argêt, & laces que portoiēt les paiges chacun de leur maistre. Et estoient leurdits varlets armez de salades, brigadines, iaques, haubergeōs, & haches ou iuisarmes. Et auoit chacū desdits hōmes d'armes pour lace deux Archiers à cheual armez le plus de brigandines, harnois de iâbes & sallades, dōt plusieurs estoient garnies d'argêt, & du moins auoient tous iaques ou bons haulbergeōs. Et estoient tous lesdits gens-d'armes, & de trait, payez de leurs gaiges tous les mois, sans ce qu'ils ayent esté si hardis de prendre nuls autres gaiges ladite guerre durant, nulles gens prisonniers, ne rançonner cheuaux, beufs ne autres bestes quelles que elles fussent, posé ores que les gens fussent de l'obeissance des Anglois; ne aussi les viures prendre sans payer, sinon seulement sur lesdits Anglois, & gens tenans leur party, qui estoient trouuez faisans guerre, & en armes, lesquels ils pouoient prendre licitement, & leur estoit permis, & ordonné de non faire autrement. Ladicte guerre durant se y gouerna vaillamment & honnorablement entre les autres mondit Seigneur de Dunois Lieutenant general du Roy, & aussi firent les Comtes de Clermont, de Neuers, d'Eu, de Castres, de saint Pol, & de Tancarville, le Sire de Cullant grand Maistre d'hostel, ceux d'Orual, d'Estouteuille, & de Blainuille, le Marechal de Ialoinnes, le Seneschal de Poitou, le Mōseigneur de Lorraine, le Sire de Beauuau, le Sire de Bueil, le Sire de Beauvoir, le Sire de Mouy en Beauuoisin, Poton de Xaintrailles Bailly de Berry, Robert de Floques dit Floquet Bailly d'Eureux, Pierre Louuain, Robert Conigan, & plusieurs autres grans Seigneurs, Cheualiers, & Escuyers, qui tous grandement & honnorablement se y sont gouuernez, à grans traux, dāgiers, mesaises, & perils de leurs corps. Quant au fait de la prou-

• sion que le Roy auoit mise à son artillerie pour le fait de la guerre, il y a eu plus grant nombre de grosses bombardes, de gros canons, de veuglaires, de serpentines, de crapaudines, de ribaudequins, & de couleuurines qu'il n'est mémoire d'homme qui iamais veist à Roy Chrestien si grāt artillerie, ne si bien garnie de pouldre, manteaulz, & de toutes autres choses pour approucher & prendre chasteaulx, & villes, & grant foison de charroy à les mener, & les manouuriers lesquels estoient payez de iour en iour. D'icelle artillerie furent gouuerneurs & conduiseurs Maistre Jean Bureau Thresorier de France, & Iaspar Bureau son frere Maistre de ladicte artillerie, lesquels durant ladite guerre y eurent de grands peines & trauaux, & aussi grans prouffits. Car c'estoit merueilleuse chose à veoir les bouleuars, les approuchemens, fossez, trenchees, & mines que les dessusdits faisoient, & trouuoient là maniere de faire deuant tous les chasteaulx durant icelle conqueste. Car en verité il n'y eut place rendue qui ne eust esté prinse par force, & d'assault par vaillance, & subtilité des gens de guerre qui là estoient. Mais tousiours quant lescdites places qui là estoient approuchees, & prestes d'assaillir, le Roy de sa benignité vouloit que l'en les print par composition, pour obuier à l'effusion du sang, & à la destruction de son pays, & du peuple qui estoit esdites forteresses enclos. A ladite conqueste de la basse Normandie, dont estoit chief en son viuant ledit Duc de Bretagne, lequel se y trauailla, & pena moult grandement, tant qu'il vesquit, & tous ceulx de sa compaignie, & par especial le Comte de Richemont Connestable de France son oncle, & ledit Pregēt de Coectiuy que Dieu absoille, & tous autres qui à ladite conqueste trespasserent. Et y trauaillierent fort, & en maintes manieres aussi le Côte de Laual, le Sire de Loheac Mareschal de France son frere, le Sire de Montaubé Mareschal de Bretagne, Messire Gieuffroy de Couuren, Iarnet de Tillay Bailly de Vermandois, & si fit ledit feu Tudual le Bourgeois, tant qu'il vesquit. Pour entretenir le fait & charge de ladite guerre, tant sur le fait de la iustice que sur le fait des finances, & pour conseillier loyaument l'entretienement des gens-d'armes, & recouurement de ladite Duchie, se y gouuernerent

D d ij

1450. & labourerent grandement, le Sire de Treignel Chancel-
lier de France, le Sire de Gaucourt, Messire Theaulde de
Valpargne Bailly de Lyon, Sire Iacques Cueur Argentier,
& Conseiller du Roy, lequel fit & trouua les manieres, &
toutes les subtilitez à luy possibles d'auoir finances, & argët
de toutes parts pour entretenir ladite armee, & souldayer
les gens de guerre, dont il falloit sans nombre. Et aussi firent
Sire Iean Hardoin, & Pierre Bezart, & Messire Iean de Bar,
qui leur fut à grant honneur aydant Dieu, & tous les autres
qui y ont fort pené & traueillié, ausquels doint Dieu par
son plaisir longuement viure & bien mourir.

En l'an de l'incarnation nostre Seigneur, mil ccce. cin-
quante dessusdiz ou moys de Septembre, tres-hault, tres-
excellent, & puissant Prince, & le tres-Chrestien Roy de
France, CHARLES par la grace de Dieu septiesme de
ce nom, apres la victoire qu'il eut de reduire par puissance
d'armes, de recouurer, & auoir en son obeissance sa Duchie
de Normandie, que le Roy d'Angleterre & ses subiets luy
occupoient sans raison, se partit dudit pays de Norman-
die, & cheuaucha tant par ses iournees, & son bon plaisir,
bien pourueu de gardes de par luy en ladicte Duchie de
Normandie, vint en la cité de Tours, & delibera en son grät
Conseil, & par meure deliberation avecques les Princes de
son Royaume, de son sang, Prelats & Seigneurs de son grät
Conseil, de vouloir mettre en son obeissance la Duchie de
Guyenne, & aussi donner prouision à la garde de ladicte
Duchie de Normandie, & en la Duchie de Bretagne. Et
pour ce faire fut ordonné ledit Comte de Richemont Sei-
gneur de Parteny Connestable de France, & oncle du Duc
Pierre de Bretagne nouuel Duc, pour garder & donner
bonne prouision à la garde desdites Duchies de Norman-
die, & de Bretagne par dessus tous, & avecques luy les gräs
Seigneurs, Cheualiers, & Escuyers desdits pays. Et aussi fut
baillée la garde & charge de ladite cité de Rouë, & du pays
de Caux à Messire Pierre de Brezé grant Seneschal de Nor-
mandie, lequel durant ladite conqueste auoit esté Senes-
chal de Poictou. Puis ordonna le Roy en ce mesmes Con-
seil de mettre le siege deuant la ville de Bergerat située en
la Duchie de Guienne en la Comté de Pierregort, assise sur

la riuere de la Dourdongne. Et pour faire mettre ledit sie- 1450.
ge, fit son Lieutenant hault & puissant Seigneur Monsei-
gneur le Côte de Penthieure, & de Pierregort, Vicomte de
Limoges, lequel se partit pour mettre ledit siege luy & Mō-
seigneur Charles de Cullant grāt Maistre d'hostel du Roy,
Monseigneur d'Orual second fils de Monseigneur d'Al-
bret, Messire Philippe de Cullant Seigneur de laloingnes
Mareschal de France, frere dudit grand Maistre d'hostel,
Poton de Xaintrailles Bailly de Berry, & grant Escuyer
d'Escuyrie du Roy, Pierre Louuain, Gieuffroy de saint Be-
lin, & plusieurs autres Cheualiers, & Escuyers nombrez
cinq cens lances, & les Archiers, lesquels tindrent le siege
vaillamment, tant que par leur puissance, & bon gouuer-
nement, mirent ladite ville en l'obeissance du Roy. Puis
sen retournerent les Seigneurs dessusdits, & leurs gens-
d'armes demourerent à eulz hyuerner ou pays où leur fut
ordonné. Et demoura pour la garde dudit Bergerat Messie-
re Philippe de Cullant à tout cent lances, & les Archiers.

En celuy an Monseigneur d'Orual, fils de Monseigneur
* d'Albret nommé Emenyon, fut logié luy, & sa compai-
gnie en la cité de Bazas. Et partit de ladite cité pour aller
courre le pays de Bourdeaulz, & là fit sa course, & print sa
proye, & auoit en sa compagnie Estiennot de Vignolles,
Robinet petit Loup, & l'Espinace. Et pouoient estre de six
à sept cens combatans, lesquels en retournant à tout leur
proye, ceux de Bourdeaulz saillirent, & vindrent apres le-
dit Emenyon d'Albret, & ceux de sa compagnie, cuidans
iceulz Anglois mettre à mort, & prendre lesdits François,
lesquels Anglois saillirent dudit Bourdeaulz enuiron dix
mil hommes. Et vindrent chascun le plustost qu'ils peurēt
à cheual, & à pié, cuidās atteindre lesdits François. Et quāt
vint à l'approuchier, ledit Monseigneur d'Orual, & les Ca-
pitaines dessusdits ferirent si hardiment sur lesdits Anglois
en les tuant, que tous les champs en furent couuerts, & qui
sen peut fouir desdits Anglois sen fouyt. Lors lesdits Fran-
çois les pourfuiurent si asprement, que les Anglois de che-
ual, & de pié furent occis, & morts en la place enuiron deux
mil personnes, & bien deux mil deux cens prisonniers. Et
le demourant, qui mieulx pouoient fouir par les bois,

* Ms. de Lez
brec, & son
sieur ainé.

D d iij

1450. bruyères, & jon-marins, se sauuerent & retrahirer au mieulx qu'ils peurent à Bourdeaux, dont la ville fut fort espouuantee, & non sans cause. Et apres la besongne faicte par lesdits François, ledit Seigneur d'Orual s'en retourna luy, & ceulz de sa compaignie tres-ioyeusement avecques lesdits prisonniers & proye en la cité de Bazas. Et fut celle besongne faite par la grace de Dieu le iour de la Toussaincts, & là fut fort abbatu l'orgueil de ceulx de Bourdeaulz, & de tout le pays, & y eut maintes femmes vesues de ladite cité, & d'autres lieux dudit pays, & d'Angleterre.

1451. **L'**An mil cccc. cinquante & vn le Roy estant en sa cité de Tours, ordonna Monseigneur le Comte de Dunois son Lieutenant general à aller en sa Duchie de Guienne pour la mettre & reduire en son obeissance. Et manda le Roy plusieurs grands Seigneurs de son Royaume cy apres nommez, pour venir hastiuement à la reduction, & conqueste d'iceluy pays. Et vint Monseigneur de Dunois au commencement du mois de May oudit an, & alla mettre le siege deuant les ville & chastel de Montguiõ, & là vint au seruice du Roy Monseigneur le Comte d'Angoulesme, frere de Monseigneur le Duc d'Orleans cousin germain du Roy, & Maistre Iean Bureau Thresorier de France, Pierre Louuain, & autres qui pouoient estre en leur compaignie quatre cens lances, & les Archiers, & iuisarmiers, & trois mil Francs-archiers, lesquels tindrent le siege deuant Montguyon en attendant plusieurs autres grands Seigneurs cy apres declarez. Si y fut le siege par l'espace de huiet iours, & se rendit à mondit Seigneur de Dunois. Et estoit Capitaine dudit Montguyon pour les Anglois vn Escuyer Gascon nommé Regnault Iulien seruiteur du Caprau de Buc. Et apres la reduction d'iceluy Montguyon le dixiesme iour dudit mois de May, ledit Monseigneur de Dunois, & les autres dessus nommez allerent mettre le siege deuant l'une des portes de la ville de Blaye, & se ioignirent avec mondit Seigneur de Dunois ce iour Messire Pierre de Beauuau Seigneur de la Baissiere, & Gieuffroy de saint Belin, qui auoient en leur compaignie huiet vingts lances, & les archiers, & iuisarmiers. Et le Samedy deuant estoient arri-

uez Messire Jacques de Châbannes grand Maistre d'hôtel du Roy, & Ioachim Roault, lesquels se mirent du côté deuers le chastel, & se logierent à la maladerie, & auoient auecques eux deux cens lances, & les Archiers, & deux mil Francs-archiers. Et là arriua par mer grant foison de naues, dont estoit chief Messire Iean le Bourfier General de France, lesquels nauires auoient grant foison de gens d'armes, & de trait, & grant foison de viures pour aduillailler l'ost qui là estoit. Et iceulz nauires en approuchât de Blaye trouuerent deuant le port cinq gros vaisseaulz bien armez, lesquels estoient venuz de Bourdeaulz pour aduillailler, secourir, & aidier ceux de Blaye. Et se combattirent les nauires de France si vigoureusement cōtre les Anglois, tant qu'il y en eut plusieurs morts dedens les nauires d'iceulz Anglois, tant que en fin la desamparèrent & desseurerēt leurs vaisseaulz, & se mirent en fuitte droit à Bourdeaulz, & les chasserent les François iusques au port. Et là se gouerna grandement & vaillamment ledit Messire Iean le Bourfier, & ceulz de sa compagnie. Puis retourna luy, & fonda le naire deuant le port de Blaye, & ainsi fut assiegee icelle ville par mer & par terre. Et deux ou trois iours apres ce fait arriua deuant ladicte ville Monseigneur le Comte de Penthieure à tout cēt lances, & trois cens arbalestriers, & se logea au siege de Monseigneur le Comte de Dunois. Et là furent faits deuant ladicte ville plusieurs grans approuchemens de fossez, de mines, & de trenchees, & fut terriblement battue ladite ville de bombardes & canons, tellement que la muraille fut abbatue en plusieurs lieux. Et dedens estoient pour tenir ladicte ville la plus-part des plus vaillans hommes de la Duchie de Guyenne, tenans le party du Roy d'Angleterre. Et le sixiesme iour ensuiuant pou deuant le iour couchant à l'heure qu'on change le guet, autres Francs-archiers de la compagnie de Iean de Meauze nommé Seigneur de Maugouerne, & les gens de Messire Pierre Louvain monterent sur la muraille de ladite ville, & là commença l'assault de toutes parts, tellement que ladicte ville fut prinse, & y eut desdits Anglois que morts que prins bien deux cens, & se retrahirent à grant haste dedens le chastel le Maire de Bourdeaulz, le Souz-

1450.

mair, & le Sire de Lesparre, & plusieurs autres iusques au nombre de deux cens hommes de guerre. Et quant ceulx dudit chastel se virent approuchiez, & qu'ils ne pouoient estre secouruz par terre ne par mer, traictierent d'eulx rendre, & mettre le chastel en la main du Roy. Et apres la reduction d'icelle ville se partirent Monseigneur de Dunois, & les autres Seigneurs dessusdits, & aussi ceulx qui estoient par mer & par terre, & allerent mettre le siege deuant la ville & chastel de Bourg, & y fut le siege l'espace de huit iours. Et quant ceulz de la ville virent les canons & bombardes assises, & la grosse puissance qui deuant eulx estoit, & les approuchemens de mines, & trenchees, se rendirent leurs corps & biens saufs, & estoient dedens de quatre à cinq cens combatans, dont estoit Capitaine pour le Roy d'Angleterre Messire Berard de Montferrant, & s'en allerent à Bourdeaulz. Et demoura ladite place en garde de par le Roy à Messire Iacques de Chabannes grant Maistre d'hostel. Puis enuoya Monseigneur de Dunois mettre le siege deuant le chastel de Fronfac par mer & par terre, le deuxiesme iour de Iuin. Et fut mondit Seigneur de Dunois par certains iours à Bourg pour faire aucunes ordonnances. Et puis luy venu audit siege de Fronfac, enuoya vn Herault du Roy pour sommer ceux de la ville de Liborne. Et incontinent vindrent avec ledit Herault pour faire leur appoinctement. Et fut baillee icelle ville de Liborne en garde à Monseigneur d'Angoulesme. Ledit chastel de Fronfac est le plus fort chastel qui soit en la Duchie de Guienne, & de tout temps a esté gardé d'Anglois d'Angleterre, pource que c'est le chief de Guyenne, & de Bourde-lois.

En cedit moys de Iuing partit Monseigneur le Côte de Foix, pour aller mettre le siege du costé de sō pays de Bearn deuant la cité d'Aqs, & auoit en sa compaignie cinq cens lances, & les Archiers, & deux mil Arbalestriers. Et Monseigneur d'Albret, le Vicomte de Tartas, le Sire d'Orual son fils, vindrēt tous pour mettre le siege deuāt ladite ville d'Aqs du costé de Bourdeaux, au bout du pont de la riuie-re * de la Dourdongne, & auoit en sa compaignie ledit Seigneur d'Albret trois cens lances, & deux mil Arbalestriers.

En

* de l'A-
dour.

En cedit mois de Iuin se partit le Comte d'Armaignac de son pays, & estoient avecques luy le Sire de Xaintrailles & les quatre Seneschaux de Thoulouze, de Rouergue, d'Aginois, & de Quercy, & le Seneschal de Guienne. Et auoit ledit Comte d'Armaignac en sa compaignie tant des Seigneurs dessusnommez comme des Gentils-hommes de son pays sept cens lances. Et fut mis en ce temps le siege deuant Castillon de Pierregort par Monseigneur le Comte de Penthieure, Monseigneur de Iallognes Marechal de France, & Maistre Iean Bureau Thresorier de France, & auoient en leur compaignie trois cens lances, & les Archiers avec l'artillerie. Et rendirent les Anglois, qui estoient dedens ladite place de Castillon, icelle place, & s'en allerent leurs corps & biens saufs à Bourdeaulz. & fut baillee ladite place en garde de par le Roy audit Maistre Iean Bureau.

En ce tēps se rendit la place de saint Milion, & fut baillee en garde à Monseigneur de Penthieure. Et au bout de quinze iours que la place de Fronsac fut assiegee, les Anglois qui dedens estoient si virent les bombardes, canons, & artillerie qu'ils auoient deuant eulz, & les approuchemens qui y estoient de fossez, & de mines, & la grant multitude de gens & Cheualerie que le Roy auoit, tant deuant leur place qu'autre part par la Duchie de Guienne. Car à celle heure les François tenoient quatre sieges, qui ne pouoient secourir l'un à l'autre pour les grosses riuieres de Gironde, & de la Dourdongne, qui estoient entre deux tres-grosses, à cause des neiges qui fondoient es montaignes en ceste saison. Et voyans lesdits Anglois qu'ils n'auoient pas puissance pour attendre la puissance que le Roy auoit pour lors en Guienne, ces choses considerees se prindrent à parler à Monseigneur de Dunois, & traictierent en ceste maniere, Que si dedens la veille Monseigneur saint Iean Baptiste, lesdits François n'estoient combatuz deuant ladite place de Fronsac, qu'ils la rendroient, & mettroient en l'obeissance du Roy, & que pareillement ainsi feroient ceulz de la cite de Bourdeaulz. Et les Barons du pays se firent forts de rendre les places de la Duchie de Guienne. Et pour estre à icelle iournee de la saint Iean vindrent

Ee

1451. Messieurs les Comtes de Nevers, de Clermont, de Castres, de Vendosme, & de Penthièvre grandement accompagniez, & plusieurs autres grans Seigneurs, Barons, Cheualiers, & Escuyers. Et furent en bataille ce iour pour attendre leurs ennemis, la tres-noble cheualeureuse compaignie, de laquelle icelle iournee fut tenue haultement & honorablement à moult riches & grans habillemens. Et là furent faits Cheualiers Monseigneur le Comte de Vendosme, le Vicomte de Turenne, le Sire de la Rochefouquault, le fils du Seigneur de Commercy, Messire Iean de Rochechouart, le Sire de Grimaulz, Messire Pierre des Barres, Messire Pierre de Montmorin, Messire Ferry de Gran-
cey, Messire Iean de Bordelles, le Sire de Fontenelles, le bastart de Vendosme, Messire Iean de la Haye, Messire Tristan l'Hermite, Messire Iean de l'Estrange, Messire Pierre Louvain, & plusieurs autres iusques au nombre de soixante Cheualiers. Et le landemain au matin, qui fut la veille de saint Iean Baptiste, rendirent la place à mondit Seigneur de Dunois, lequel la bailla en garde à Ioachim Rouault. Et enuyra ledit Lieutenant vn Herault du Roy par deuers le Comte d'Armagnac, qui tenoit le siege deuant la ville de Rion, lequel Herault presenta audit Côte d'Armagnac les lettres dudit Côte de Dunois avecques le double du traictié de Bourdeaulz, afin qu'il leuast le siege. Et ainsi rendit icelle ville de Rion en l'obeissance du Roy, & fut baillée en garde de par le Roy au Sire d'Albret. Et de là s'en alla ledit Herault deuers le Comte de Foix, qui tenoit le siege deuant la cité d'Aqs, & se mirent ceulz d'icelle cité en l'obeissance du Roy. Et apres les lettres veuës & leuës se leuerent lesdits Seigneurs de Foix & d'Albret. Et fut baillé le chastel en garde à quatre Barons du pays. Et ainsi fut rendue toute la Duchie de Guienne : reserué la cité de Bayonne, où ledit Herault porta les lettres de l'appoinctement fait entre Monseigneur de Dunois, & ceulz de Bourdeaulx. Aufquelles lettres ceulx dudit Bayonne ne voulurent obeyr, ains traictierent villainement avecques ledit Herault. Car vn Cheualier d'Angleterre estoit venu en ladite cité, lequel leur certifia que le Roy d'Angleterre auoit grosse puissance sur la mer pour les venir secourir. Et le siege

leur venoit. Et le Mardy vingthuiſtième iour de Iuin mondit Seigneur le Lieutenant à toute ſa puiſſance, qui auoit eſté deuant Fronſac, paſſerēt les riuieres de la Dourdongne, & de la Gironde en vaiſſeaux, & descendirent pres de ſainte Katherine à vne lieue au deſſus de Bourdeaulz, & auſſi fit le Comte d'Armagnac. Et lors mondit Seigneur le Lieutenant enuoya vn Herault du Roy audit lieu de Bourdeaulz, en les ſommant de rendre ladite cité, & de apporter les clefs, leſquelles ils apporterēt, & les baillerent à mondit Seigneur de Dunois en grant reuerence, en luy requérant d'entretenir le traictié tel qu'il auoit fait avecques eulx. Et ainſi le promettoient ceux de Bourdeaulz de le tenir de leur part, & auſſi leur promiſt mondit Seigneur de Dunois. Et lors marchierent leurs batailles. Là vint Maïſtre Iean Bureau Threſorier de France, lequel le Roy auoit fait Maire de Bourdeaulz. Iceluy Maire vint faire le ſerement à Monſieur le Chancelier, & auſſi fit pareillement Ioachim Roault le ſerement comme Conneſtable de ladiſte ville & cité de Bourdeaulx. Et là fut ordonné par mondit Seigneur de Dunois, à Meſſire Theaulde de Valpargne Bailly de Lyon, d'entrer en ladite ville pour prendre ſaiſine des portes d'icelle cité auant que nuls y entraſſent. Et ce fait y commencerēt à entrer les gens de mondit Seigneur le Lieutenant du Roy Comte de Dunois. Et entrèrent les premiers pour auantgarde les Archiers de Meſſieurs les Mareſchaux, & ceulx d'aucuns autres qui eſtoient nombrez mil Archiers, leſquels gouernoit Ioachim Roault Conneſtable de Bourdeaulx, & le Sire de Penuenſac Senefchal de Thoulouze. Et là entra l'auantgarde des hommes d'armes tous à pié: & les gouernoient Meſſieurs les Mareſchaulx de Loheac & de lalloignes. Et apres venoient Meſſieurs les Comtes de Neuers, & d'Armagnac, & le Vicomte de Lautrec frere du Comte de Foix. Apres entrèrent les Archiers de Monſieur de la Baiſſiere Lieutenant de Monſieur le Comte du Maine, qui eſtoient de trois à quatre cents, & les gouernoient ledit Sire de la Baiſſiere, & le Sire de la Roche-foucault. Apres y entrèrent trois des Seigneurs du grāt Conſeil du Roy; c'eſt aſſauoir l'Eueſque d'Allet, Maïſtre

Ec ij

1451.

Guy Bernard Archidiacre de Tours, & le Chancelier de la Marche, & aucuns des Secretaires du Roy, & Messire Tristan l'Hermite Preuost des Mareschaux, qui estoit à cheual, & aussi ses gens. Apres y entrèrent les Trompettes, & Pourfuyans, qui portoient les costes d'armes du Roy, & des Seigneurs à qui ils estoient. Apres y entra vne hacquenee blanche, la selle de velours cramoisi, & auoit sur la croupe vn drap de velours azuré, semé de fleurs de liz d'or d'orfaurerie, & dedens estoient les grans seaulz du Roy, & vn varlet à pré qui menoit ladite hacquenee, & à chascun costé auoit deux Cheualiers vestuz de liuree. Et apres venoit Monseigneur le Châcellier à cheual, qui estoit armé d'un corsellet d'acier, & auoit dessus vne iacquette de velours cramoisi. Apres entra Monseigneur de Xaintrailles Bailly de Berry, & grât Escuyer d'Escuyrie du Roy, monté sur vn courfier blanc couuert de velours bleu chargé d'orfaurerie d'or, & estoit armé de harnois blanc. Et apres luy venoient Messieurs les Comtes d'Angoulesme, & de Clermont, fils ainsné du Duc de Bourbon, armez à blanc, & leurs cheualx couuerts, & leurs paiges apres eux richement habillez. Et apres venoient Messieurs les Comtes de Vendosme, & de Castres, & apres eux plusieurs autres Barons & grans Seigneurs moult richement habillez. Apres entra la bataille des hommes d'armes, qui estoient mil & cinq cens lances, & les gouuernoit Messire Jacques de Chabannes grand Maistre d'hostel du Roy, lequel estoit à cheual armé à blanc, & son cheual couuert, & moult richement habillé. Apres entrèrent les hommes d'armes de Monseigneur le Comte du Maine, qui estoient huit vingts, & les gouuernoit Gieuffroy de saint Belin. Apres y entra l'arrieregarde, qui estoient les gens de Joachim Roault, & les gouuernoit Messire Abel Roault. Auecques eulz estoient les gens-d'armes, & les archiers de Monseigneur de Xaintrailles. Et ainsi allerent toutes les compaignies dessus nommees tout droit deuant la grant Eglise. Et là descendirent mondit Seigneur de Dunois, Messieurs les Comtes d'Angoulesme, de Neuers, de Clermont, de Vendosme, d'Armaignac, & de Castres, & plusieurs autres grans Seigneurs. Et vint l'Archeuesque dudit lieu, & les

Chanoines à la porte de ladite Eglise, & là mesdits Seigneurs baïserent les relictues, & apres s'en allerent aucuns, & les autres demourerent en l'Eglise: c'est assauoir mondit Seigneur de Dunois, & ledit Archeuesque aupres de luy, & Monseigneur le Chancelier au dessoubz, & s'entretenoïent tous trois par les mains. Et deuant eulz estoient deux Heraulx du Roy vestuz de leurs coëtes d'armes, & apres eulz les Seigneurs dessusdits venoient, & laissierent deuant le cueur au lestrin vne des bannieres du Roy. Et ce fait, lesdits Seigneurs sortirent hors de la grant Eglise, puis monterent à cheual, & s'en allerent chascun en son logeis: reserué mondit Seigneur le Chancelier, & autres du Conseil, Monseigneur le grant Maistre d'hostel du Roy, & le Chancelier du Roy: & là se assirent en siege mondit Seigneur le Chancelier, & eulz, pour receuoir le serement du grand Seneschal de Guienne nommé Mésire Oliuier, Seigneur de Coectiuy, & lequel vint là accompagné de plusieurs des gens du Roy, & ausi des Barons de Guienne, & bourgeois de ladite ville. Et là presenta ses lettres, & fit le serement de bien & loyaument seruir le Roy, & faire iustice en ladite ville, & en la Duchie de Guienne. Et commanda ledit Chancelier ausdits bourgeois & habitans d'icelle cité, qu'ils obeissent audit Seneschal comme à la personne du Roy. Et le landemain firent grans processions les gens d'Eglise, & les habitans d'icelle cité, comme l'en doit faire en tel cas. Et le landemain ensuiuant firent le serement les Barons, Cheualiers, & Escuyers du pays de Bourdelois, d'estre bons & loyaux François, c'est assauoir le Sire de Montferant, le Sire de Leparre, le Sire d'Illande, le Sire de Ros, le Sire de Rosson, le Sire de Englandes, Mésire Guillotin de Lenfac, Mésire Gastaut de l'Isle, & Mésire Mondot de Lenfac, lesquels firent tous hommage & serement au Roy: reseruez Mésire Gastō de Greilly Caprau de Buc, & sō fils, pource qu'ils estoient de l'Ordre le Iartiere, qui est l'Ordre du Roy d'Angleterre. Mais toutes ses places furent rendues Françoises, & mises en l'obeissance du Roy. Et ainsi fut toute la Duchie de Guyenne Françoisie, reserué la cité de Bayonne. Et à conquerir & gagner toutes les places que tenoïent les Anglois en ladite Duchie de Guienne, se y gouerna

Ec iij

1451.

haultement & cheualleurement Monseigneur le Comte de Dunois, & de Longueville Lieutenant du Roy, & aussi fit Monseigneur le grant maistre d'hostel du Roy dessus nommé. Et au fait du traictié de Bourdeaux, & de la conduite Monseigneur d'Armaignac, qui se y gouerna moult grandement & honorablement. Le Sire de Xaintrailles grant Escuyer d'Escuyerie du Roy y fit aussi vaillamment. Et pour faire venir les viures par mer & par terre de toutes parts pour aduitailler l'ost, & aussi l'artillerie, y pena & traueilla moult Maistre Jean Bureau Thresorier de France, & Messire Tristan l'Hermite. Et aussi de l'armee qui vint par mer eut la conduite Messire Jean le Bourfier General de France, lequel se y gouerna vaillamment. Et apres la reduction de la cité de Bordeaulz, fut ordonné que Messeigneurs les Comtes de Neuers, de Clermont, & de Castres s'en yroient deuers le Roy leurs personnes, & les gés-d'armes s'en yroient en leurs pays. & ainsi ils s'en allerent. Et s'en allerent Messeigneurs les Comtes d'Angoulesme, de Penthieure, & d'Armaignac, eulz & leurs gens en leurs pays & maisons. Et pareillement furent enuoyez tous les Francs-archiers qui furent à l'armee, & furent nombrez les gens-d'armes, & de traict, qui furent ausdits voyage & conquete, vingt mil combatans. Et delibera le Roy faire mettre le siege deuant la cité de Bayonne. Et pour ce faire fit ses Lieutenans Messeigneurs les Comtes de Foix, & de Dunois. Et le sixiesme iour du mois d'Aoust mirēt le siege deuant la cité de Bayonne, & le mirent Monseigneur le Côte de Foix, Monseigneur le grāt Maistre de l'hostel du Roy, Monseigneur de la Baissiere, Monseigneur de Lautrec frere dudit Comte, Messire Bernard bastard de Bearn, le Sire de Noailles, Messire Theaulde de Valpaigne, Messire Bertrand d'Espaigne, le Sire de Leueden, Messire Martin Gracie, Robinet petit Loup, l'Espinace, les gens de Ioachim Roault, & plusieurs autres, qui estoient nombrez sept cens lances, & les Archiers & juisfarmiers : dont il y auoit trois cens lances des gens du Roy, & quatre cens lances des Barons & Bannerets, des Cheualiers & Escuyers tous feaux-hômes dudit Côte de Foix, & faisoit beau veoir leurscheuaulx & harnois. A ce siege estoit Messire Tristā l'Hermite

Preuost des Mareschaux de France, pour distribuer les viures aux gens d'armes, & tenir la iustice, & Ispar Bureau Maistre de l'artillerie. Et à mettre ledit siege se y gouvernerent grandement, & vaillamment Monseigneur le grant maistre d'hostel de France, & Messire Bernard de Bearn, & aussi ledit Ispar Bureau, lesquels eulx & leurs gens estoient les plus prouchains de la ville. Car au plus pres qu'ils peurent se logierent, & auoient avecques eulx deux mil Arballestriers & pauoiseux. Et à arriuer audit siege ledit Comte fit Cheualiers le fils du grant maistre d'hostel du Roy, le Sire de Cusac frere du Seigneur de Noailles, Monseigneur Bertran d'Espagne, Monseigneur de Benac, & plusieurs autres iusques au nombre de seize ou enuiron. Et à midy arriua ledit Monseigneur le Comte de Dunois, lequel vint mettre le siege deuant ladite ville du costé deuers Bearn, entre les deux riuieres de la Dourdongne, & de la Gironde, qui sont deux grosses riuieres & larges. Car l'un siege ne pouoit secourir à l'autre. Et auoit mondit Seigneur de Dunois en sa compaignie monseigneur de Loheac mareschal de France, monseigneur d'Orual fils de monseigneur d'Albret, & les gens de Monseigneur de Lalloingnes, que gouuernoit pour luy Messire Jean d'Aschier, & les gens de Monseigneur de Beauvoir de Bourbonnois, & les gens de Messire Pierre Louvain, messire Boniface de Valpargne, Robert Conigan, Jehan Carbonnel, les gens de monseigneur de Xaintrailles, & plusieurs autres iusques au nombre de six cens lances, & les Archiers, & iusarmiers. Et à mettre ledit siege se y gouvernerent grandement & vaillamment les Capitaines dessusdits. Et le landemain, qui fut le huitiesme iour dudit mois, ceulx de dedens ledit Bayonne desempererent les fauxbourgs de saint Leon du costé où estoit ledit Comte de Foix, lesquels fauxbourgs estoient tres-fort fermez de fossez, & de gros pallis; mais la multitude des grosses couleuurines, serpétines, & tribauldequins, qui rompoient ledit pallis, & tuoient les gens qui estoient à la deffence, leur fit guerpir lesdits fauxbourgs, & bouter le feu par tout es Eglises & maisons qui dedens estoient. Car ils veioient bien que ceulx de l'ost s'armoient pour les assaillir. Et ceulx dudit ost entroient à la file dedens les

1451.

faulxbourgs, & les pourfuiurent si asprement, que fils eussent esté cent hommes ensemble, ils eussent gaingnée la ville, & fussent entrez en la porte pareillement avecques eux. mais ils ne pouoient monter lesdits fosses pour venir hastiuement, tant estoient parfonds. Car ils n'auoient nulles eschielles. Et se logierent tous esdits faulxbourgs, & estaingnirent le feu, & se logea mondit Seigneur de Foix és Augustins, lesquelz ne eurent loisir de brusler leur Eglise. Et le sixiesme iour ensuiuant vint du costé deuers Bourdeaulz monseigneur le Comte de Dreux Seigneur d'Albret, & le Vicomte de Tartas son fils, qui se logierét au saint Esperit au bout d'un pont de bois, par où ceulx de ladite ville pouoient faillir sur leur siege. lequel pont fut rompu la nuit par les gens du Seigneur d'Albret, lequel auoit en sa compaignie deux cens hommes d'armes, & trois mil Arbalétriers. Et le landemain faillirent aucuns dudit Bayonne par un bouleuart qui estoit du costé de deuers la mer, pour prendre aucunes gens en leur en venant de l'ost. Et lors messire Bernard de Bearn, & aucuns de ses gens vindrent à l'escarmouche vers eulz, & les reculerent iusques dedens ladite ville. Et ainsi que ledit messire Bernard se retrahioit de ladite escarmouche, fut frappé d'une couleuurine, qui perça son paues, & entra la plombee en sa iambe entre les deux os, qui dedens fut tiree, & ladite iambe si bien gouuernee par les mires, que le peril en fut hors. Et le landemain fut prinse vne Eglise forte & fermee de pallis par les gens dudit messire Bernard, moitié d'assault, moitié d'emblee. Et quant ceulz qui estoient dedens virent qu'ils n'auoient pas bonne puissance, se retrahirét dedens ladite ville, & y en eut cinq ou six que morts que prins. Et ainsi fut assiegee ladite ville de toutes parts. Et furét enuoyez le Sire de Lucé, messire martin Gracie, & Lespinace dedés ladite Eglise. Et lors du costé de mondit Seigneur de Dunois furent faites grans approches; & fist iceluy monseigneur de Dunois faire fort tirer canons contre les murailles de ladite ville. Et en verité se les bombardes eussent esté venues, & eussent ietté cōtre ladite muraille, la ville eust esté prinse d'assault sans nul remede. Et quant ils sceurét que les bombardes approuchierent le mercredi dix-huictiesme iour d'Aoust,

d'Aoust, ceulz de ladite ville requirrent à parlementer. Et pour ce faire, mesdits Seigneurs les Comtes de Foix, & de Dunois Lieutenans du Roy, commirent à parlementer avecques ceulx de ladite cité de Bayonne, Monseigneur le grant Maistre d'hostel du Roy, Messire Pierre de Beauuau Seigneur de la Baissiere, Messire Theaulde de Valpargne Bailly de Lyõ, & messire Iean le Bourfier general de France, lesquels traictierent en ceste maniere, Qu'ils bailleroient & mettroient en la main du Roy Iean de Beaumont leur Capitaine, lequel demourroit prisonnier à la voulenté du Roy, & seroit mené deuers luy, & tous les gēs-d'armes, qui dedens estoient, demoureroient pareillement prisonniers en la ville à la voulenté du Roy: & ceux d'icelle ville se soubsmettroient au bon plaisir du Roy, & pour l'offence qu'ils auoient faicte, & faulte d'obeissance, laquelle ils n'auoient faicte au commandement du Roy, payeroient quarante mil escuz. Et cedit iour ils rendirent leurdit Capitaine, lequel bailla la foy presens ceulx de ladite ville, à Monseigneur le grāt Maistre. Ainsi fut traictié par les Seigneurs dessusdits, & ceulx de ladite ville. Et tant que ledit traictié dura, ceulz de Biscaye par lettres à culx escrites de par le Roy, amenerent vins, viures, pains, chairs, & autres choses necessaires pour aduitailler l'ost. Tellement que le siege durant il n'y eut point de faulte de vitaille: jaçoit ce qu'il en venoit de Bearn, de Nauarre, & d'autres lieux. Mais c'estoit à grant peine pour la grant multitude de brigans qui estoient sur le pays. Et vindrent lesdits Biscains à tout douze vaisseaulx d'armee, comme baleniers, binaces, & vne bien grant nauire, & tous en bons & vraiz habillemens, & estoient bien pourueuz, lesquels arriuerent à demie lieuë pres dudit Bayonne: afin que ceulx qui dedens estoient, ne s'en peussent fouir. Et le landemain que la composition fut faicte, qui fut le Vendredy huietiefme iour dudit mois, auquel iour ou semblable nostre Sauueur & Redempteur Iesus-Christ souffrit mort & passion pour nous rachepter en l'arbre de la croix, pou apres soleil leuant que le iour estoit bel, & cler, & faisoit moult beau temps, fut veüe vne croix blanche par ceulx qui tenoient ledit siege, & par les habi-

1451.

** Ms. pauois*

tans de ladite cité, & par tous autres qui la voulurent veoir, & laquelle se monstra au ciel au droit de ladite cité par l'espace de demie heure. Et lors les habitans d'icelle ville & cité osterent leurs banieres & * pennons aux croix rouges, disans qu'il plaisoit à Dieu qu'ils fussent François, & portassent la croix blanche. Tost apres enuiron heure de dix heures ce mesmes iour au matin, entra en ladite cité avecques l'Euesque d'icelle Monseigneur de la Baissiere, pour prendre possession d'icelle ville & cité, & du chastel. Et puis furent portees les banieres du Roy par les Heraux du Roy, au hault de la tour dudit chastel: dont chacun eut grant ioye. Et à celle heure arriua au port d'icelle ville la nauire de Bisquaye, laquelle il faisoit beau veoir.

Le Samedy ensuyuant vingtvnième iour d'Aoust arriua, & entra en ladicte cité monseigneur le Comte de Foix Lieutenant du Roy, qui auoit deuant luy mil Archiers, dont estoit conduiseur Lespinnace, & deux des Heraulx du Roy, & plusieurs autres portans les coës d'armes du Roy, & autres pour ledit Comte de Foix. Et messire Bertrand d'Espagne Seneschal de Foix, qui portoit la baniere du Roy, & estoit armé à blanc, & monté sur vn courfier couuert de velours cramoisi. Apres cheuauchoit ledit Comte de Foix armé de son harnois complet, monté sur vn courfier couuert d'un moult riche drap d'or, qui auoit vn chapefrein garny d'or, & de pierrerie, que l'en prisoit quinze mil escus d'or. Et deuant luy au plus pres de son corps monseigneur de Lautrec son frere, messire Jacques de Chabannes grant maistre d'hostel du Roy, les Sires de Noailles & de la Baissiere, & apres eux sept cens hommes d'armes à pié. Et de l'autre part de la cité entra aussi monseigneur de Dunois, lequel estoit pareillemēt Lieutenant du Roy, & à l'entrer fit Cheualiers Jehannet de Saueuses, le Sire de Montguyon, Jean de Montmorin, & le Seigneur de Bouffay. Ice-luy Comte de Dunois auoit deuant luy douze cens Archiers, deux des Heraulx du Roy, & plusieurs autres Seigneurs auoit en sa compaignie. Et ledit Messire Jehannet, qui portoit la baniere du Roy deuant mondit Seigneur de Dunois, lequel cheuauchoit tout seul apres ladicte baniere armé à blanc, monté sur vn cheual couuert de velours.

cramoisi. Derriere luy estoient le Sire de Loheac mareschal de France, & monseigneur d'Orual, & plusieurs autres grâs Seigneurs. Et apres eulz six cens lances, ainsi que dessus est dit. Et ainsi entrèrent lesdits Seigneurs en ladite cité, & allerent descendre à la grant Eglise, où ils se encontrerent à la porte, à laquelle les attendoient l'Euesque & Chanoines d'icelle cité à tout les reliques: lesquelles ils baisierent en entrant à ladite Eglise. Puis allerent faire leurs oraisons, & incontinent sen retournerent en leurs maisons. Et tost apres enuoya ledit Comte de Foix vn moult riche drap d'or, qui fut prisé cinq cens escus d'or, & mis deuant l'image nostre Dame dudit lieu: & ordonna que on en fist des chappès pour ladite Eglise cathedrale de Bayonne. Le landemain, qui fut Dimanche, allerent les Seigneurs dessusdits, & Monseigneur d'Albret, qui estoit venu le soir deuant. Et ce fait receurent le serement pour le Roy de ceulz de ladite ville, & cité de Bayonne. Et fut ordonné Maire d'icelle ville Mésire Jean le Bourfier, & Mésire Martin Gracie Capitaine du chastel, auxquels deux pour le tout fut commise en garde ladicte cité. Et le mardy ensuiuant se partirent de là les Seigneurs dessusdits, & leurs gens-d'armes pour aller où il leur auoit esté ordonné. Tost apres se partirent les Barons de Bourdelois, & aucuns des bourgeois, & trois Estats de la ville de Bourdeaux: & pareillement ceulx d'Aqs & de Bayonne allerent à Taillebourg où le Roy estoit, pour luy faire hommaige & serement à sa personne: c'est assauoir les nobles Seigneurs faire hommaige de leurs nobles Seigneuries, & pour ratifier & confermer leurs articles, qui par leur traictié auoient esté appoinctes, faictes, & promises, lequel les receut volentiers, & quitta à ceulx de Bayonne de sa grace, & humilité vingt mille escus d'or, des quarante mil qu'ils deuoient luy payer par leur cōpositiō: & aux autres fit auecques eux tellemēt que tous se partirēt contēs de luy, & des Seigneurs de son grāt Conseil. Audit Taillebourg estoient pour accompagner le Roy, Messeigneurs les Comtes du Maine, de Nevers, de Clermont, de Vendosme, de Castres, & de Tancarville. Et eulx estans là, vindrēt les Comtes de Foix & de Dunois, & ledit Seigneur d'Albret. Puis s'en alle-

1451. rent en leurs maisons, & se partit le Roy, & ceulz de sa compagnie pour aller faire leur hyuer au pays de Touraine.

Celuy an fut couronné l'Empereur Federic Duc d'Aultriche, & fut couronné & espoufé à Rome à la fille du Roy de Portugal, par le Pape Nicolas, puis s'en retourna en Allemagne.

Cedit an meut grant guerre en la Comté de Flandres entre ceulz de la ville de Gand, & le Duc de Bourgoingne, pour ce qu'il vouloit mettre sur ladiète ville la gabelle du fel; & dura longuement la guerre, & y eut plusieurs gens morts d'un party & d'autre, & grant partie du pays gasté, & bruslé.

Oudit an eut grant debat en Angleterre entre le Duc d'Yorch, & le Duc de Sombreffet, lequel estoit à toute sa puissance sur les champs en bataille; & ledit Duc d'Yorch pareillement, les vns contre les autres cuidans combattre. Mais les Prelats d'Angleterre, & autres grans Seigneurs les desmeurent de combattre, & traictierent avec ledit Duc d'Yorch, que iamais ne feroit assemblee ne nulle armee à l'encontre du Roy d'Angleterre. Et ainsi s'en retournerent chascun en leur pays.

En cedit an vint le Cardinal d'Estouteuille deuers le Roy, luy requerre de par le Pape Nicolas, qu'il voulsist faire la paix avec le Roy d'Angleterre. Et luy fut faicte responce, que le Roy auoit tousiours voulu, & encores vouloit, pour eiter l'effusion du sang humain, & aussi pour le bien de la Chose-publicque, estoit prest d'y entendre en toutes bonnes voyes & manieres. Et pareillement enuoya nostre saint Pere le Pape l'Archeuesque de Rauenne des Vrsins de Rome par deuers le Roy d'Angleterre, pour luy requerre semblablement qu'il voulsist faire paix avecques le Roy, pour ce que par la diuision desdits deux Royaumes les mescreans auoient conquesté, & mis à leur loy, grant pays de Chrestienté, & conquessoient de iour en iour sur les marches du Roy de Hongrie & des Allemagnes. Et firent responce lesdits Anglois audit Archeuesque, que quant ils auroient autant conquesté du pays du Roy, que le Roy auoit conquesté sur eulx, qu'il seroit temps de parler de sou-

re ceste besongne & matiere. Et ainsi s'en retournerent les-
dits Cardinal & Archeuesque sans autre chose faire.

1451.

L'An mil cccc. cinquante & deux se partit le Roy de la ci-
té de Tours, & fit sa feste de Penthecoste au chastel de
Chicé. Et ou mois de Iuillet ensuiuant oudit an se partit le
Roy dudit chastel, & s'en vint à Mehun sur Yeure pres de
Bourges, & enuoya deffier le Duc de Sauoye, pour certai-
nes causes grandes, & extorsions qu'il auoit fait parauant
au Roy & à la Couronne. Et ou mois d'Aoust oudit an se
partit dudit Mehun, & cheuaucha par ses iournees, & son
ost semblablement, tant qu'il vint au pays de Forests pour
passer, & entrer en Sauoye. Et sceut ledit Cardinal d'Estou-
teuille ces nouuelles, lequel s'en alloit à rome, qui retour-
na deuers ledit Duc de Sauoye, & apres deuers le Roy, &
traicta rant d'un costé & d'autre, que ledit Duc vint de-
uers le Roy, en promettant reparer au bon plaisir du Roy
tout ce qu'il demandoit, & ainsi s'en retourna, & fut ladite
paix faicte à Feurs en Forests.

1452.

Celuy an le vingtdeuxiesme iour du mois d'Octobre ar-
riua à Bourdeaulx le Sire de Tallebot en sa compaignie de
quatre à cinq cens Anglois : & le furent querir en Angle-
terre le Sire de l'Esparre, & autres, par le conseil du Sire de
Montferrant, du Sire de Rozen, du Sire des Lannes, & du
Sire d'Englades, & contre le serement qu'ils auoient faict
au Roy. Et estoient dedens Bourdeaulx pour le Roy, le Se-
neschal de Guienne Seigneur de Coectiuy, & Messire Iean
du Fou Soubz-maire de ladite ville de Bourdeaulx. Et
quant ceux dudit Bourdeaulx sceurent le venue dudit Sei-
gneur de Tallebot, conseillèrent les vns avecques les au-
tres sans le sceu des François qui dedens estoient, qu'ils
se remettroient en Robeissance desdits Anglois. Mais vne
partie de ceulz de ladite ville estoient contens par leur opi-
nion, que iceux François s'en allassent leurs corps & leurs
biens saufs. Et aucuns d'icelle ville cependant allerent ou-
rir vne des portes aux Anglois, & les bouterent dedens.
Et prindrent lesdits Anglois ledit Seneschal de Guienne, &
ledit du Fou, & les gens-d'armes, & autres Officiers qui
dedens estoient. Le Roy sceut nouuelles de ce, & enuoya

Ff iij

1452. hastiuement Messeigneurs les Mareschaulx de France, le Sire d'Orual, Ioachim Roault, & autres Capitaines iusques au nombre de six cens lances, & les Archiers pour garder les places d'entour Bourdeaulz, ainsi que Monseigneur de Clermont Lieutenant general du Roy en sa Duchie de Guienne verroit estre expedient, iusques à la saison nouvelle que le Roy y donneroit bonne prouision. Et pour ce faire se y gouuerna grandement & vaillamment mondit Seigneur de Clermont ainsné fils du Duc de Bourbon. Auuant que les gens-d'armes fussent arriuez au pays, ledit Sire de Tallebot, & les autres Barons & Seigneurs de Bourdelois mirent la plus-part des places dudit pays en l'obeissance du Roy d'Angleterre. Puis y vindrent le Sire de Kamus, le bastard de Sombreffet, & le fils du Sire de Tallebot Seigneur de l'Isle, & le Sire de Molus, & quatre mil cōbatans en leur compaignie. Et amenerent quatre vingts vaisseaux chargiez de farines, & de lards, pour aduitailler ladite ville de Bourdeaulz.

1453. L'An mil cccc. cinquante & trois se partit le Roy de la cité de Tours, & vint en son chastel de Lusignen. Et cependāt le Sire de Tallebot mit le siege deuant le chastel de Fronsac que tenoit Ioachin Roault, & auant que l'armee du Roy fut preste, ledit chastel fut prins, & s'en vindrent les François leurs corps & leurs biens saufs. Le deuxiesme iour de Iuing se partit le Roy de Lusignen, & vint à saint Iean d'Angely. Et le douziesme iour ensuiuant fut mit le siege deuant Couloures par Messire Iacques de Chabannes grāt Maistre d'hostel du Roy, & Monseigneur de sainte Seuerre, & de Bouillac, Comte de Penthieure, & Ioachim Roault. Le dixhuietiesme iour ensuiuant fut ledit Couloures prins d'affault par les Seigneurs dessusdits, & autres qui estoient nombrez de quatre à cinq cens lances, & les Archiers, & plusieurs Francs-archiers. Les Anglois de dedens estoient nombrez huitz vingts combatans, dont en furent tuez à la prinse dedens la ville de soixante à quatre vingts, & les autres se retrahirent. Le Sire d'Englades estoit party de Bourdeaulz pour les cuyder secourir. Et quant il sceut les nouvelles d'icelle prinse, il s'en retourna. Le quatorziesme iour

dudit mois de Iuillet fut mis le siege deuant Castillon de 1453.
 Pierregort sur la riuere de la Dourdongne par Messeigneurs les mareschaux de Frâce, c'est assauoir les Seigneurs de Loheac, & de Iallognes, & Monseigneur le grât Maistre d'hostel, le Sire de Bueil Admiral de France, Messire Loys de Beaumont Seneschal de Poictou, le Comte de Penthievre, Maistre Iean Bureau Thresorier de France, & plusieurs autres grans Seigneurs, Barons, & Capitaines, iusques au nombre de seize à dixhuiet cens hommes d'armes, & les Archiers, entre lesquels estoient les gens de Monseigneur le Comte du Maine, que conduisoit le Sire de la Baissiere nommé Messire Pierre de Beauuau : & les gens de Monseigneur le Comte de Neuers, que conduisoit Messire Ferry de Grancey: les gens de Monseigneur le Comte de Castres fils de Monseigneur le Comte de la Marche, & les gens du Duc de Bretagne, dont estoit chief le Comte d'Estampes son nepueu. Et pour luy les conduisoient le Sire de la Hunaudaye, & le Sire de Montaubé, pource que ledit Comte d'Estampes estoit demouré sa personne deuers le Roy. Et là estoit la grosse & menue artillerie du Roy, dont auoit la charge Maistre Iaspar Bureau Maistre de ladite Artillerie. Et en celle compaignie estoient sept cens manouuriers, lesquels par l'ordonnance dudit Maistre Iean Bureau, & de son frere Iaspar Bureau Maistre de ladite Artillerie, firent hastiuement clourre vn champ de fossez, où estoit toute ladite artillerie grosse & menue. Et incontinent le siege mis, ceulz dudit Castillon le firent sçauoir au Sire de Tallebot, qui se partit incontinent de Bourdeaulz, & vint par ses iournees le Mercredy dixseptiesme de Iuillet oudit an, ainsi que au point du iour, deuant l'ost desdits François, lesquels quant ils sceurent la venue desdits Anglois, se bouterent oudit champ fermé de fossez. Et trouua ledit Sire de Tallebot, le grant Maistre d'hostel du Roy, & ses gens, & aucuns Francs-archiers des François. Et frapperent lesdits Anglois sur iceulx François, qui estoient sur leur chemin, tellement qu'ils se deslogierent pour tirer audit champ, & en occirent lesdits Anglois de cent à six vingts. Et le iour fut hault, & le soleil leué. Et vindrēt les Anglois tant qu'ils virent deuant eux les François de pié & de cheual, qui

1453.

iroient dedens ledit champ. Et marchierent les Anglois hastiuement poursuyuans lesdits François, cuidans qu'ils s'en fouissent. Ledit Sire de Tallebot en contre-attendant ses gens de pié fit mettre vne queue de vin debout pour faire boire ses gens. Et cependant les François de toutes parts arriuoiert, & se mettoient en leur ordonnance dedés ledit champ, & assortissoient ribauldequins, & couleaurines sur leurs fossez deuers la venue dudit Tallebot. Et vindrent derechief les Anglois dudit Castillon dire audit Tallebot qu'il se hastast. Car il leur sembloit que les François fuioient. Et quant ledit Tallebot fut approuchié dudit champ, fut esmerueillé quât il vit les François fosseyez de si parfonds fossez. Là dedens le champ estoient Monseigneur le Mareschal de Loheac, mōseigneur l'Admiral, Mōseigneur le grât Maistre, mōseigneur le Côte de Péthieure, Monseigneur de Bucil, le Sire de sainte Seuer, Monseigneur le Seneschal de Poictou, Ioachin Roault, Monseigneur de la Baissiere, & leurs gens dessus nommez, & plusieurs autres grans Seigneurs, qui tindrent ledit siege vaillamment à l'encontre desdits Anglois. lesquels Anglois vindrent tout droit à la barriere. Ledit Tallebot fut monté sur vne petite hacquenee, & là dist à ses gens qu'ils descendissent à pié, qui estoient avecques luy, de huiet cens à mil Anglois, & Gascons à cheual, des plus gens de bien de ladite Compaignie. Et venoient apres ledit Tallebot à pié de quatre à cinq mil combatans, lesquels ne pouoient si tost venir que ceulz de cheual. Et à l'arriuer auoit ledit Tallebot huiet banieres desployees. Là veissiez combattre vaillamment François & Anglois, de lances, de juifarmes, de haches, & de trait. Et dura le chappellis par l'espace d'une forte heure. Et à la fin furent enuoyez querir le Sire de Montauben, & le Sire de la Hunaudaye avecques leurs gens, lances, & Archiers. Et lors les François & Bretons passerent les banieres en telle maniere, qu'ils frapportoient si durement sur lesdits Anglois, que leurs banieres furent rucees, & là abbatues. Et lors lesdits Anglois tournerent le dos, & se mirent en fuitte. Et les François les poursuiurent à pié & à cheual moult asprement, & d'une couleaurine fut abbatue la hacquenee dudit Tallebot, & fut atteint, & tué luy,

luy, & son dit fils, & plusieurs autres Cheualiers & Escuyers Anglois deuant ladite ville, & ladite barriere. A celle besongne furēt morts en ladite place Messire Edouart Houll, Thomas Aurigan, le Sire de Pingulan Gascon, & trente Cheualiers du Royaume d'Angleterre. Et y fut prins vn Baron d'Angleterre nommé le Sire de Molus. Et pource que les Anglois qui estoient à pié ne pouoient pas longuement poursuiure ne demourer en allaine, pource qu'ils estoient fort armez, se retrahirēt en ladite ville & chastel de Castillon, qui estoient nombrez mil & cinq cens hommes. Et entre les autres se y sauua le fils du Captau Comte de Kandale, & aussi se y sauuerent le Sire de Montferrant, & le Sire d'Englades. Et incontīnēt monterēt à cheual le Comte de Penthieure, le Bailly de Touraine, & plusieurs autres, qui poursuiuirent les Anglois qui s'en fuyoient, en les tuant iusques pres de saint milion. A celle poursuite furēt tuez plusieurs Anglois & Gascons. Et à la besongne dudit champ, & dudit Castillon, furent tuez de trois à quatre cēs des plus vaillans des Anglois. Et le landemain les François approuchierent les canōs & bombardes deuant ledit Castillon. Et le quatriesme iour ensuiuant se rendirent lesdits Anglois prisonniers à la voulenté du Roy, qui estoient mil & cinq cens. Et entre les autres fut prisonnier le Comte de Kendalle fils du Captau, & aussi furent prisonniers le Sire de Montferrant, & le Sire d'Englades, & eschappa le Sire de l'Esparre, lequel auoit esté querir ledit Sire de Tallebot en Angleterre à l'encontre du serement qu'il auoit fait au Roy. Apres la reduction dudit Castillon, se partirent Messieurs les conduiseurs de l'ost du Roy avecques leurs puissances, canons, & artillerie, & vindrent droit à saint Milion, lequel incontinent se rendit, & mit en l'obeissance du Roy : & pareillement la ville de Liborne, laquelle n'auoit pas esté en l'obeissance des Anglois du bon gré des habitans d'icelle parauant. Car on leur auoit baillé aucunes gens de guerre François pour estre avecques eux pour la garde de ladite ville. Mais quant lesdits gens de guerre sceurent que ledit Tallebot estoit arriué à Bourdeaulz, desempererent incontinent ladite ville, jaçoit ce que les habitans d'icelle leur remonstrassent qu'ils ne voulsissent de-

G g

1453. semparer ladite ville, & qu'ils viuroient, & mourroient avec eux pour la garde d'icelle. Et pour ceste cause le Roy les a euz plus recommandez, sans ce qu'ils perdissent riens du leur.

*. est de
Medoc,

En ce temps, ce iour que la bataille de Castillon fut faite, estoient de là les riuieres de la Dourdongne & de la Girōde es pays * d'Amadoc, Monseigneur le Comte de Clermont Lieutenant general du Roy, Monseigneur d'Albret, Monseigneur de Lautrec, Monseigneur le Comte de Foix, Monseigneur d'Orual, Messire Theaulde de Valpargne Bailly de Lyon, le Seigneur de Xaintrailles grant Escuyer d'Escuyrie du Roy, Messire Bernard de Bearn, le Vicomte du Turenne, Gieuffroy de saint Belin, le Sire de Leueden, & plusieurs autres Capitaines, qui estoient nombrez huiet cens lances, & les Archiers. Lesquels Seigneurs se gouvernerent si grandement, & honorablement, que les Anglois qui estoient à Bourdeaulz nombrez huiet mil combatans ne foserent oncques trouuer sur les champs contre lesdits Seigneurs, qui tous les iours couroient parmy le pays d'Amadoc, prenans & menans prisonniers, & faisans le gast des bleds, & des vins. Et là se gouvernerent entre les autres grandement & honorablement mondit Seigneur de Clermont, & aussi fist Monseigneur d'Albret deuant Chasteauneuf d'Amadoc, où il fut deuant par l'espace de quinze iours, & tenoit ladite place pour le Roy d'Angleterre le Sire de l'Isle Cheualier Gascon, lequel le rendit à mondit Seigneur de Clermont, & y demoura Capitaine Robinet petit Loup. Et partirent lesdits Seigneurs François, & allerent mettre le siege deuant Blancaffort : c'est assavoir Monseigneur de Clermont, & Monseigneur d'Albret, & plusieurs autres. Et vint mondit Seigneur de Foix mettre le siege deuant Cadillac, & le Sire de Xaintrailles vint deuant saint Maquaire, & le mit en l'obeissance du Roy. Et mondit Seigneur d'Albret partit dudit Blancaffort, & mit Langon, & Villendras pareillement en obeissance. Et auoient lesdits Seigneurs tenans ces sieges mil lances en leur compaignie, à compter les gens du Côte d'Armaignac, que conduisoit vn Escuyer nommé le Sire de Lauge Seneschal de Rouergue. Et en celle cōpaignie delà lesdites riuieres estoient

la plus-part Cheualiers & Escuyers. Et assaillirent ledit Cadillac, & se retrahirent les Anglois dedens le chastel. Et fut le premier dedens ladite ville ledit Gieuffroy de saint Belin. Et cependant que ledit siege fut deuant Cadillac, fut Monseigneur le Comte de Clermont au siege dudit Blancafort, lequel il print, & y laissa le Comte de Dampmartin. [* Et de l'autre costé de la riuere de Gironde deuant ledit Cadillac entre deux mers furent Monseigneur le Comte de Neuers, Monseigneur le Comte de Castres, Monseigneur le Mareschal de l'alloignes, Monseigneur de Xaintrailles, & vne partie des gens de Monseigneur le Cōte d'Estampes, Monseigneur le grant Maistre d'Hostel de France, & plusieurs autres Cheualiers & Escuyers.] Mondit Seigneur de Clermont se partit de deuant ledit Blancafort, apres ce qu'il le eut mis en l'obeissance du Roy. Et vint à Maquault, & là se tint iusques à la reductiō de Bourdeaulz. Tant comme le siege dura à Cadillac, le Roy fut à Montferrant, & à saint Maquaire, allant & venant de l'un à l'autre pour tousiours reconforter ses gens; tant ceulz qui tenoient ledit siege, comme ceulx de la bastille, & du nauire.

* Adionsté
dous.

Le vingthuietiesme iour de Iuillet oudit an, se partit le Roy de la cité d'Angoulesme pour aller au pays de Bourdelois, & auoit en sa compaignie Messeigneurs les Comtes d'Angoulesme, du Maine, d'Estampes, de Neuers, de Castres, de Vendosme, & plusieurs autres grans Seigneurs, Barons, Cheualiers, & Escuyers. Et vint par ses iournees iusques en la ville de Liborne, & fut son ost deuant Fronfac que tenoient les Anglois, lesquels se rendirent, & s'en allerent d'illec en Angleterre vn baston ou poing. Puis passa son ost la riuere de la Dourdongne, pour conquerir & mettre en obeissance le pays d'entre deux mers; & mirent ses gens-d'armes en obeissance les villes & chasteaulz que y tenoient lesdits Anglois, lesquels se rendirent, & s'en allerent en Angleterre vn baston ou poing. Puis passa sondit ost, & se partit le Roy pour s'en venir à Montferrant: & fit mettre vne bastille d'une partie de son ost deuant Bourdeaulz, en vn lieu que l'en dit * Lermont. Et ceulx de l'autre partie mirent le siege deuant la ville & chastel de Cadil-

* Ms. à Lers
mont.

Gg ij

1453.
* Ces deuili-
gnes ne sont
au Ms.

lac, cōme dit est. [*La maniere comment lesdits François prindrent ladite ville de Cadillac, dont dessus est parlé, fut que] Monseigneur le Comte de Clermōt, Monseigneur le Comte de Foix, Monseigneur d'Albret, le Sire d'Orual, le Sire de Xaintrailles, le Bailly de Lyon, & plusieurs autres iusques au nombre de mil lances, & les Archiers vindrent deuant Bourdeaulz du costé deuers les Lānes pour faire le gast, & faire manger & gaster les bleds & les foings qui estoient sur le pays, afin que ceulz de la cité de Bourdeaux ne s'en peussent aidier. Le vingthuitiesme iour de Septembre oudit an, les François assaillirent la ville de Cadillac: & lors les Anglois desemparèrent ladite ville de Cadillac, pource qu'ils ne la pouoient plus tenir, & se retrahirent au chastel dudit Cadillac, qui est moult fort. Et ou mois d'Octobre ensuiuant se rendirent prisonniers du Roy, & le Capitaine dudit lieu de Cadillac eut la teste trenchiee. A tenir le siege deuant lès ville & chastel estoiet Monseigneur le Comte de Foix, le Vicomte de Lautrec son frere, le Sire de Xaintrailles, Gieuffroy de saint Belin, le Bailly de Lyō, & plusieurs autres: & en leur compaignie estoient mil lances auecques les gens de trait. Dedens ladicte bastille de Lormont estoient Monseigneur de Loheac Marechal de France, Monseigneur de Bueil Admiral de France, Messire Loys de Beaumont Seneschal de Poictou, Messire Jacques de Chabannes grant Maistre d'hostel, Monseigneur le Comte de Penthieure, Monseigneur de la Hunaudaye, Monseigneur de Montaubē, & plusieurs autres Seigneurs, & Capitaines iusques au nombre de quinze à seize cens lances, auecques les gens de trait, & artillerie. [* Là estoient Maistre Iean Bureau Thresorier de France, laspar Bureau Maistre de ladite artillerie] Messire Tristan l'Hermite Preuost des Marechaux, lequel conduisoit, & ordonnoit le fait des viures, & de la iustice audit siege. Et pres d'icelle bastille estoient les vaisseaulz de l'armee du Roy par mer: c'est assauoir de Bretaigne, de Poictou, d'Espaigne, de Hollande, & de Flandres, armez & aduitaillez. Et là furent sans partir dedens la riuiere de Gironde, iusques à ce que ladite ville de Bourdeaulz fust mise en l'obeissance du Roy. Dedens Bourdeaulz estoient pour le Roy d'Angleterre, le Sire

* Adouste
au Ms.

de Kamus, le [Sire de Clifton, le bastard de Sommerfet, le Sire de Lesparre Gascon, le Sire de Rozen] le Sire d'V-fas, le Sire de l'Isle, & en leur compaignie estoient de trois à quatre mil Anglois d'Angleterre, & autant ou plus du pays de Gascongne. Et empres la bastille de Lormont auoient fait les Anglois vne bastille au dessus de celle des François pour garder leur nauire: dont vne partie d'entre eux estoiet dedens Bourdeaulz, & les autres dedens leur dite bastille. Et là furent les deux puissances chascune en leur bastille, & és vaisseaux depuis le premier iour d'Aoust, iusques au septiesme iour d'Octobre. Et quant les Anglois & Gascons se virent oppressez par deffaulte de viures, & aussi que toutes les places du pays de Bourdelois estoient mises par force d'armes en l'obeissance du Roy, firent composition de eulx en aller eux, & leur nauire en Angleterre: & ceux de Bourdeaulz & de la cité demoureroient en l'obeissance du Roy, demourans paisibles, & vrais obeissans, en faisant le serement de nouuel de non iamais eulz rebeller à l'encontre du Roy leur souuerain Seigneur. Et pource que aucuns des Seigneurs du pays, & aucuns de la cité de Bourdeaulz auoient esté querir les Anglois en Angleterre, en rompant leur foy & serement qu'ils auoient faict l'annee de deuant au Roy, qui par force les auoit conquis, seroient bannis dudit pays de Bourdelois vingt personnes telles qu'il plairoit au Roy de ceux qui auoient esté querir les Anglois en Angleterre, dont en estoit vn le Sire de Duras, & vn autre le Sire de l'Esparre. Et fut faicte la composition le dixseptiesme iour d'Octobre oudit an. Et en verité le Roy y traueilla, & pena grandement, en confortant & ordonnant le fait de son ost, & de son armee, en allant de place en autre, & en mandant à ses armées ce qu'ils auoient à faire. Par son bon sens & bonne conduite fut reduicte toute la Duchie de Guienne, & mise en son obeissance. Et n'eust esté la mortalité qui se mist en son ost, les Anglois fussent tous demourez prisonniers ou morts de fain, & ceulz de Bourdeaulz pareillement, ou au moins eux renduz à la voulété du Roy. Mais le Roy considerant ladite mortalité leur bailla legiere composition pour escheuer le peril de ses gens-d'armes, & aussi pour eschangier air. Et à celle guerre, & au recou-

1453. uement du pays d'entre la riuere de la Gironde se y gou-
uernerent tres-grandement, honnorablement, & vaillam-
ment Messeigneurs les Commissaires, tant à la desconfitu-
re dudit Seigneur de Tallebot, comme en plusieurs autres
places qu'ils prindrent, & assiegierent: c'est assauoir Mon-
seigneur de Loheac Marechal de France, Messire Iacques
de Chabannes grant Maistre d'hostel du Roy, Monseigneur
le Comte de Penthieure, Messire Pierre de Beauuau Sei-
gneur de la Baissiere, Messire Loys de Beaumont Senes-
chal de Poictou, Maistre Jean Bureau Thresorier de Fran-
ce, le Maistre de l'artillerie, le Preuost des Mareschaux
pour le fait des viures pour aduitailler l'ost. Et pour accõ-
paigner le Roy ce voyage durant estoient Messeigneurs les
Comtes du Maine, d'Angoulesme, d'Estampes, de Neuers,
& plusieurs autres Seigneurs, tant comme le siege dura de-
uant la cité de Bourdeaulz, lequel se tenoit par mer & par
terre. Et s'en allerent les Anglois à tout leur puissance & na-
uire par mer en Angleterre, & les aucuns s'en allerent par
terre à Calais. Et aussi se partit le Roy, & toute son armee,
& s'en allerent chacun hyuerner en son pays. Et laissa le
Roy bonne prouision de gens-d'armes, & de trait dedens
ledit Bourdeaulz. Et pour gouuerner ladite ville, & la Du-
chié de Guienne establíst Monseigneur de Clermont,
Messire Theaulde de Valpargne, & Maistre Jean Bureau
Thresorier de France, & Maire dudit Bourdeaulz. Et s'en
vint le Roy par ses iournees en sa cité de Tours.

Celuy an ou moys de May, le grant Turq print la cité de
Constantinople. Et fut né le fils du Roy d'Angleterre nom-
mé Edouard.

1454. L'An mil cccc. cinquante & quatre enuoya le Roy grant
nombre de gens d'armes & de Franks-archiers dedens
la ville de Bourdeaux. Et cependant ordonna faire deux
forts chasteaulx pour tenir le peuple de ladicte ville en sub-
iection. Et y estoient pour ce faire commis Monseigneur
le Comte de Clermont, Monseigneur de Xaintrailles Ma-
reschal de France, Maistre Jean Bureau Thresorier de Fran-
ce, & Maire de ladite ville, Messire Theaulde de Valpar-
gne, & Maistre Girard le Boursier: & ainsi furent comman-
dez les chasteaulx en les fortifiant de iour en iour.

En ce temps print le Duc d'Yorch le gouuernement du Roy d'Angleterre, & fit mettre en prison les Ducs de Sombresset, & de Clocestre. Le Duc de Sombresset fut mis en la grosse tour de Londres, & le Duc de Clocestre au chastelet de Pontfort. 1454.

Et en ce temps espousa le Comte de Charrolois fils du Duc de Bourgoingne la fille du Duc Charles de Bourbon. Et mourut le Roy Iean d'Espagne en l'eage de cinquante ans, qui fut grant dommage. Car il estoit beau Prince & bon.

Ou mois de Mars ou dit an mourut le Pape Nicolas, & fut fait Pape Calixte.

Celuy an ou mois de Feburier, le Roy d'Angleterre manda les aucuns des Seigneurs de son Royaume, & leur remonstra commēt le Duc de Sombresset, & le Duc de Clocestre estoient prisonniers, lesquels estoient prochains de son sang. & ordonna qu'ils fussent deliurez. Et s'accorderent plusieurs d'iceux Seigneurs, en baillāt caution d'ester à droit. Et apres la deliurance dudit Duc de Sombresset, vint iceluy Duc au gouuernement du Roy d'Angleterre. Et le Duc d'Yorch s'en alla secrettement en son pays, doutant qu'iceluy Duc de Sombresset ne luy fist desplaisir de sa personne. Et fut en ce temps decapité le Sire de l'Esperre à Poictiers.

L'An mil cccc. cinquante cinq ou mois de May le Roy Lenuoya Monseigneur le Comte de Clermont, Monseigneur de Loheac, & plusieurs autres Capitaines en la Cité d'Armaignac. Et pareillement le Comte de Dampmartin, le Bailli d'Eureux, & plusieurs autres ou pais de Rouergue à l'encontre dudit Comte d'Armaignac: pour ce qu'il n'auoit voulu obeir à mettre l'Archeuesque d'Aux en possession & saisine de ladite Archeueschié, lequel estoit esleu de bon droit, & de ce auoit les bulles du Pape. Et vouloit ledit Comte qu'un nommé Lestun le fust: & l'auoit mis en possession outre le gré du Roy en ladite Archeueschié: Et pour ces causes & autres, le Roy remit ledit Archeuesque en possession, & ce fist faire à force de gens-d'armes. Parquoy depuis le Roy fit mettre le siege deuant la cité de 1455.

1455.
*Ms. Lestoi-
 re, vulgaire-
 mēt Lestou-
 re.*

*Lestoure, & se rendirent ceux de la cité: & pareillement toutes les places de la Comté, & celles de Rouergue, & celles de Valdore: & perdit ledit Comte ses terres. Et ainsi sen retournerēt lesdits Seigneurs & Capitainés où le Roy leur ordonna.

En ce temps le Roy Henry d'Angleterre par le conseil du Duc de Sombreffet manda tous les grans Seigneurs de son Royaume venir deuers luy chacun à son simple estat, pour ordonner des haultes affaires du Royaume d'Angleterre: dont en vint vne grant partie à Londres. Et se pensa ledit Duc d'Yorch que il se y trouueroit. Et y vint le plus fort, & partit de son pays à tout mil combatans: & apres luy venoient de quatre à cinq mil combatans. Et vindrent les nouuelles à Londres deuers le Roy d'Angleterre, qu'iceluy Duc venoit en armee à tout six mil combatans. Et delibererent le Roy d'Angleterre, & le Duc de Sombreffet de prendre avec eulz ce qu'ils pourroient finer de gens pour aller au deuant de luy. Et fist sçauoir aux autres grans Seigneurs qui estoient en ladite ville de Londres, qu'ils allaissent avecques luy. Et se rencontrerent les deux parties sur les champs, & fut le Duc d'Yorch le plus fort. Et là furent tuez le Duc de Sombreffet, le Comte de Nortombelant, & plusieurs autres grans Seigneurs. Et mesmement le Roy d'Angleterre y fut nauré par le col d'une fiesche. Et y furent que morts que prins de quatre à cinq cens homes. Et mena le Duc d'Yorch le Roy, & les prisonniers dedens Londres. Et print le gouuernement du Roy, & du Royaume d'Angleterre.

En ce temps se retrahit ledit Comte d'Armaignac, quāt il eut tout perdu, es Royaumes de Nauarre & d'Arragon.

1456. **L**An mil cccc. cinquante & six fut prins à Paris le Duc d'Alençon par le commandement du Roy, par le Comte de Dunois, Messire Guillaume Mompenny Cheualier du Royaume d'Escoffe, & Messire Guillaume Cousinot Bailly de Rouen. Et fut mené en Auvergne deuers le Roy, & mené prisonnier à Chantelle. Et demourerent les enfans de Sauoye en ostages deuers le Roy, pour entretenir ce qui estoit accordé par le Duc de Sauoye.

Cedit

Oudit an fut en ce Royaume grant * planté de pluye. 1456.
 Pour apres le Duc de Sauoye & sa femme vindrēt deuers le Roy. Et eut la fille du Roy vn fils du Prince de Pimōt ain-
 né fils du Duc de Sauoye, lequel l'auoit espousee.

En ce temps vint l'ambassade du Roy d'Espaigne pour
 confermer l'alliance des deux Royaumes de France &
 d'Espaigne.

En ce temps vint le Prince de Nauarre deuers le Roy
 demander la Duchie de Nemours.

En ce temps vint le Cardinal d'Auignon de Bretagne,
 venant de canonizer saint Vincent de l'Ordre des Iaco-
 bins en la cité de Vennes.

En cedit an ou moys de Septembre partit Monseigneur
 le Daulphin de son pays de Daulphiné par le conseil du Si-
 re de Montauben, & de Iean de Lestun bastard d'Armai-
 gnac, & d'autres, à tout dix ou douze cheuaux seulement,
 & sen alla deuers le Duc de Bourgoingne.

En ce temps leuerent les Chrestiens le siege que tenoit
 le grant Turcq deuant la cité de Haussebours ou pays de
 Hongrie.

Ou mois de Nouembre oudit an fut le Roy à Vienne, &
 tint les trois Estats du pays de Daulphiné, apres le parte-
 ment de Monseigneur le Daulphin.

Le quatriesme iour de Decembre ensuiuant oudit an
 trespassa Monseigneur le Duc de Bourbon en son chastel
 de Molins, & fut enterré en l'Abbaye de Souuigny.

En ce tēps vindrent les Ambassadeurs du Duc de Bour-
 goingne deuers le Roy pour le fait de Mōseigneur le Daul-
 phin, & rendirent la responce que mōdit Seigneur le Daul-
 phin auoit fait aux Seigneurs du Daulphiné que le Roy
 auoit enuoyez deuers luy.

En ce temps vint le Cardinal d'Auignon deuers le Roy
 pour auoir vn dixiesme sur les gens d'Eglise de ce Royau-
 me, pour aller sur les Turcs, comme il disoit.

L'An mil cccc. cinquante & sept vindrent à Lyon les 1457.
 Ambassadeurs du Roy d'Espaigne deuers le Roy, pour
 confermer les alliances des Roys de France & d'Espaigne.
 Et aussi y vindrent les Ambassadeurs du Roy de Hongrie,

Hh

1457. & de Bouesme, pour demander Madame Magdeleine fille du Roy, par mariage, pour ledit Roy de Hongrie.

En ce temps partirent les gens-d'armes de Monseigneur le Daulphin des places du Daulphiné par l'ordonnance du Roy, qui commist le Seigneur de Castillon en Vendelays pour gouverner le pays, comme il auoit fait deuant.

En ce temps se partit le Roy desdits pays de Daulphiné, & de Lyonnais, & fen vint en Bourbonnois, & de là en Berry.

Le xx.iour d'Aoust oudit an partit de Honnefleu Messire Pierre de Brezé Seigneur de la Varenne, & Comte de Mauleurier, accompagné de Robert de Floques Bailly d'Eureux, Thibault de Tarmes Bailly de Chartres, Messire Guillaume Cousinot Bailly de Rouen, Jacques de Clermont Bailly de Caen, Messire Iean de Brezé Bailly de Gisors, Messire Iean Seigneur de la Heuze, Iean Carbonnel Seigneur de * Cenzenges, Raoul Seigneur de Barrilly, Dauid Bouchard Lieutenant de Monseigneur le Comte d'Eu, & plusieurs autres Seigneurs bien accompagnez de gens-d'armes, & de trait, iusques au nombre de quatre mil combatans.

*Cy apres
Cenzenges,

Le xxv.iour dudit mois d'Aoust oudit an se partirent les Seigneurs dessusdits de la fosse de Loire, & tindrent la mer, & allerent en plusieurs lieux sans aucune aduenture trouuer ne descēdre en terre par la grāt importunité du temps. Le Dimenche ensuiuant vingthuitiesme iour dudit mois descendirent à deux lieues de Sanduich en Angleterre environ heure de six heures au matin de seize à dixhuit cens combatans, & se mirent en trois batailles bien ordonnees. Pour l'auantgarde y auoit Guillaume Carbonel, & Guillaume du Periel. A la conduite des gens de Messire Iean de Bueil Admiral de France, Guillaume Chenu, & Pierre Michiel avecques leurs compagnies, Philippe l'Honneur l'enseigne, & les gens du Bailliage de Rouen, Thomas de Loraille, les gens du bailliage de Caen en bataille, l'enseigne de Monseigneur le Comte d'Eu. Pour la conduite Dauid Bouchart l'enseigne de Monseigneur le Comte de Dunois, soubz la conduite du Bailly de Caen, & Hector d'Yvel. l'enseigne de Monseigneur le grant Seneschal de

Normandie, à la conduite de Guillaume Vallee, leã Car-
 bonnel avecques sa charge de sa petite ordonnance, le Si-
 re de la Heuze avecques ceux de Dieppe, le Sire de Pruil-
 ly, & deux cens Francs-archiers sous l'enseigne Jean Blof-
 fet seigneur de Carrouges, & trente hommes d'armes en sa
 compaignie. A l'arrieregarde estoiet Monseigneur le Bailly
 d'Eureux avecques son enseigne à sa compaignie, & deux
 cens Francs-archiers de son bailliage. Les Francs-archiers
 du bailliage de Gisors sous la cōduite du Lorrain. Et l'en-
 seigne de Caux soubz la conduite de Guillaume de Vil-
 lers. Lesdits auantgarde, bataille & arrieregarde marchie-
 rent deux grosses lieues à pié, & trouuerent de tres-mau-
 uais chemins; & cheminerent iusques à vn bouleuart rem-
 paré nouuellement, duquel les fossez estoiet plains d'eau.
 [Et estoit iceluy bouleuart fait & assis deuât l'une des por-
 tes dudit lieu de Sanduich.] Auquel bouleuart trouuerent
 les dessusdits François deux estendars garniz de trait, & y
 fut donné vn assaut bien aspre, & plusieurs y furent ble-
 cieuz des deux costez. Il y mourut plusieurs Anglois, & par
 force d'armes fut gainné ledit bouleuart, & desemparé
 par lesdits Anglois, lesquels se retrahirent en ladite ville.
 Le Bailly d'Eureux, qui estoit en ladite * auantgarde, de-
 moura durant ledit assaut sans partir, & longuement apres
 que ledit bouleuart fut prins & gainné, ne marchia ne a-
 uant ne arriere nullement, & ainsi auoit esté ordonné. Mō-
 dit Seigneur le grant Seneschal, le Bailly de Chartres, le
 Bailly de Rouen, Regnault de Giresme avecques les gens
 de Messire Pierre Louvain alloient par mer, & menoi-
 ent plusieurs combatans, & arriuerent à ladite ville quant &
 quant ceulz de pié, qui fut vn tres-grant reconfort ausdi-
 tes compaignies avec la belle ordonnance, conduite, &
 bon gouuernement qui affoiblit bien fort le courage des
 Anglois. Et y auoit vn guidon de Monseigneur le Comte
 de Dunois, que portoit Gaillart de Ianoilhac. Dedens le
 haure de ladite ville fut trouué vne grant carraque, & trois
 grosses nefz de guerre, & plusieurs autres nauires où se-
 stoient retraits plusieurs Anglois, qui portoient, & eussent
 porté pour lors grant dommaige à la compaignie. Mais
 mondit Seigneur le grāt Seneschal enuoya le Duc d'armes

* arrie-
regarde,

H h ij

1457.

de Normandie deuers ceulz qui estoient esdites nauires, & manda que fils ne cessoient qu'il seroit brusler lesdites nauires. Et quant ledit Duc d'armes eut parlé ausdits Anglois, fut prins appointement qu'ils seroient esdites nauires, & cesseroient de faire guerre, pourueu que leurs personnes seroient sauuees. Et l'appointement tel qu'il fut prins par ledit Duc d'armes fut tenu, & entretenu de point en point. En ce mesme iour fut ordonné par mondit Seigneur le grant Seneschal, & fait commandement à tous, que nul si hardy à peine de mort, ne touchast aux biens des Eglises, & que l'honneur des femmes fust gardé, & ne boutast homme feu, ne ne fust homme tué de froid sang. Lesquelles choses furent bien & honnorablement entretenues sans les enfreindre, qui est vne grant louange donnée par lesdits Anglois au Roy nostre souuerain Seigneur, & ausdits Chiefs & compagnies. Et à celle heure entrerent lesdits gens de pié en ladite ville par la porte, & ceulz de la mer par le haure, auxquels donnerent lesdits Anglois bien à besongner. Car tousiours se deffendirent, & rallierent en chacun carrefour de ladite ville. Et si bien firent les François qu'ils rebouterent les Anglois hors de ladite ville à bien grant peine, & les enseignes mises aux portes, ausquelles se rangierent lesdits François, comme besoing leur fut. Car les Anglois se rallierent à grant puissance. Et vindrent plusieurs des parties voisines, lesquels auoient esté aduertiz que lesdits François deuoient venir audit lieu de Sanduich. Et par leur ficele disoient, qu'ils n'en croiroient riens iusques au veoir. Les Anglois, qui tousiours enforçoient, tindrent les escarmouches hors des portes contre les François bien dix heures sans rompre, & y en eut plusieurs blechiez des deux costez, & des Anglois morts à chascune saillie. Mondit Seigneur le grant Seneschal estoit à cheual, les Baillifs d'Eureux, de Chartres, de Rouen, & de Caen, & plusieurs autres pour faire les diligences, & entretenir leurs gens ausdites escarmouches & saillies. Et y furent faits plusieurs Cheualiers iusques au nombre de trente, dont les aucuns sont: c'est assauoir Robert de Flocques dit Flocquet Bailly d'Eureux, Thibault de Tarmes, Jean Carbonnel Seigneur de Cezenges, & plusieurs autres. Lesquels dessusdits le firent gran-

* Cy deuant
Genexes,

dement & vaillamment. Enuiron cinq heures apres midy, eu regard aux escarmouches qui auoient duré fort & longuement sans rompre, & tousiours lesdits Anglois enforçoient, & que les François auoient esté longuement sur la mer en grant tourmente pour l'importunité du temps qui leur auoit esté fort contraire; fut aduisé par mondit Seigneur le grant Seneschal de Normandie, lesdits Baillifs, & autres Seigneurs, que retraite se deuoit faire, & que trop griefue chose seroit à leurs gens de porter le faiz de la nuit apres les grans trauaux qu'ils auoient souffers. considéré qu'il en y auoit plusieurs de bleciez, & la plus-part qui n'auoient ne beu ne mangié * de tout le iour: & aussi que tousiours venoient Anglois fraiz de tous costez, qu'il seroit bõ de faire retraicte. Pour la conduicte de ladite retraicte estoient mondit Seigneur le grât Seneschal, lesdits Baillifs, Guillaume de Vallee, Iean Carbonnel, & plusieurs autres nobles hommes, & autres, qui le firent si bien & si vaillamment, que par plusieurs fois * repousserent lesdits Anglois. Et à chascune desdites fois en fut tué, & plusieurs natures, * d'un costé & d'autre. A ladite retraicte ne fut tué de coup de main d'Anglois homme du party du Roy. Bien en furent plusieurs bleciez du trait. Et se trouuerent bien deux mil Anglois garniz de trait à grant abondance. Il n'y eut autre dommage sur lesdits François, fors qu'en vn coquet où estoient douze hommes de guerre, lequel esfondra. Et pource en noya neuf, qui fut grant dommage. Et entre lesquels estoient Guyon de Villers natif du pays d'Anjou, Iean de Periers, Guillaume Cauzon Breton, & le grant Dompon, lesquels auoient fait bien & grandement le iour leur deuoir. Dieu leur pardoint par sa grace, & face vraye mercy, & pardon, & à tous les autres. Se n'eust esté la grant foison des vins qui estoient en ladite ville de Sanduich, dont plusieurs Archiers se chargierent plus que besoing ne leur en estoit, mondit Seigneur le grât Seneschal, & toute la compaignie y eussent demouré toute la nuit, se n'eust esté pour la cause desdits vins. Ils s'en partirēt avecques plusieurs grans biens & richesses, & plusieurs nauires grans & petits gaingnez au haure de ladite ville: entre lesquels nauires auoient trois grans nefes de guerre, & fen vin,

* Ms. si pou
non

* reboute
rent.

* des deux
costez

H h iij.

1457.

drent poser l'ancre à la rade à deux lieues dudit Sanduich. Duquel lieu de la rade ils estoient partiz au matin, & là furent iusques au Mercredy ensuiuant. Les Anglois à grant nombre estoient à terre tousiours en bataille au trait d'un canon les vns des autres. Messire Iean de Brezé Bailly de Gisors, & plusieurs autres grans Seigneurs ne bougierent de ladite rade où ils estoient demourez quant ilz arriuerēt, par l'ordonnance des Seigneurs dessusdits, pour garder le grant nauire qui ne pouoit approucher de ladite ville. Et le Ieudy prouchain ensuiuant se partit ledit Seneschal auecques toute sa compaignie, & auoient grant foison de prisonniers, & plusieurs autres biens, & vint arriuer à ladite fosse de Loire, & de là à la ville de Honnefleu, où lesdits prisonniers furent mis à finance, & le butin party.

Celuy an fut chiere annee par tout le Royaume de France, & en plusieurs autres lieux & pays mortalité.

Cedit an le huietiemesme iour du mois de Decembre iour de nostre Dame vindrent en la cité de Tours les Ambassadeurs du Roy de Hongrie: C'est assauoir l'Archeuesque de Tolerance, l'Euesque de Passot, le Comte de Lancelot grant Iuge de Hongrie, le Sire de Stenemburgue, & le Mareschal de Bouesme. En leur compaignie estoient plusieurs Cheualiers, & Escuyers en grant estat, & au nombre de sept à huiet cens cheuaux. Et furent au deuant d'eulx l'Archeuesque de Tours, l'Euesque du Mans, l'Euesque de Coustances, le Châcellier de France, & plusieurs du sang & du grant Conseil du Roy: c'est assauoir Monseigneur le Comte de Foix, Monseigneur le Comte de Dunois, Monseigneur le Comte de la Marche, Monseigneur le Comte de Vendosme, le Seneschal de Poictou, le Gouverneur de la Rochelle, le Bailly de Touraine, & plusieurs autres grans Seigneurs, Cheualiers, & Escuyers.

Le xviiij. iour dudit mois de Decembre furent les Ambassadeurs du Roy de Hongrie, lesquels presenterent leurs lettres, & les receut le Roy grandemēt & honnorablemēt. Et y estoient presens Monseigneur Charles fils du Roy, Messieurs les Comtes de Foix, du Maine, de la Marche, & de Dunois, & Monseigneur le Chancellier de France, & ceulz du grant Conseil, le grant Seneschal de Nor-

mandie, & plusieurs autres Cheualiers & Escuyers.

1457.

Cedit an ou mois de Decembre mourut le noble Roy de Hongrie, de * Balhaigne, & Duc d'Aultriche, dont fut vn grant dommage. Et le premier iour de Ianuier oudit an sen retournerent les Ambassadeurs dudit Roy de Hōgrie, lesquels auoient esté grandement festoyez.

Oudit mois de Ianuier vindrent deuers le Roy le Duc d'Orleans, le Duc Artur de Bretagne, les Comtes de sainct Pol, & d'Angoulesme, cuidans estre aux nopces dudit Roy de Hongrie, & de Madame Magdelaine fille du Roy. Les nouuelles oyes de la mort dudit Roy de Hongrie, fut fait son obsequie aux despens du Roy grandement & honnorablement en l'Eglise sainct Martin de Tours. Au partement desdits Ambassadeurs de Hongrie leur fut présenté par le Gouverneur de la Rochelle grant nombre de vaisselle d'argent, & grant somme d'or pour les fraiz à vn chacun. Ainsi se partirent, & sen allerent tres-contés du Roy. Et furent conuoyez seurement par le Royaume de France. Et puis furent festoyez en la ville de Paris, & receuz bien honnorablement, & menez par l'obeissance, & par les subiects du Roy iusques en Allemagne. Le disner que leur fit le Comte de Foix à sainct Iulien de Tours fut moult noble, & furent moult grandement seruis de bons vins & bones viandes, en diuerses manieres. Et encores eussent esté plus grandement festoyez du Roy, & des Princes qui là estoient, se n'eussent esté les nouuelles qui suruindrent ausdits Ambassadeurs de la mort de leur dit Seigneur & Maître le Roy de Hongrie.

L'An mil cccc. cinquante & huit le Roy fit ses festes de Pasques, & de Penthecouste en sa cité de Tours. Puis ordonna sen venir en son chastel de Montargis. Et là manda estre, & venir les Pers de France, les Seigneurs de son Parlement, & de son grant Conseil.

1458.

Ou mois de Iuing ensuiuant trespassa le Roy Alphons Roy d'Arragon, lequel Roy trespassa ou Royaume de Naples. Lequel Royaume il auoit conquesté sur le Roy René Duc d'Anjou.

Et ou mois d'Aoust ce mesme an trespassa le Pape Ca-

1458. lixe du Royaume d'Arragon en la cité de Rome. Et incō-
tinent fut créé Pape Pius natif d'Italie.

En cedit moys vint le Roy à Vendosme, & tint son grant
Conseil qu'il auoit ordonné estre à Montargis, où il ne vint
point à l'occasion de la grant mortalité qui estoit en la cité
d'Orleans, audit Montargis, & és pays d'environ. Et là estās
les Seigneurs deuant-dits, c'est assauoir ceulz de son grant
Conseil, le Pers de France, & les Seigneurs de son Parle-
ment, fut condamné le Duc d'Alençon perdre & confis-
quer toute sa terre, & son corps demourer prisonnier à la
voulenté du Roy. Et fut mené prisonnier au chastel de Lo-
ches en Touraine. Et se partirent le Roy, & tous les autres
Seigneurs dudit Vendosme, & s'en allerent chacun en leur
pays.

Ou mois de Novembre ensuiuant oudit an trespas
Messire Artur Duc de Bretagne, Comte de Richemont,
Seigneur de Partenay, & Connestable de France, qui en
son viuant fut vn vaillant Cheualier, & Prince de hault
courage, & eut en son temps plusieurs grās victoires à l'en-
contre des Anglois.*

*Icy finist le
Ms. duquel
nous nous
sommes ser-
uis.

1459. L'An mil cccc. cinquante & neuf apres le trespas dudit
Connestable de France, succeda apres luy à ladite Du-
chié de Bretagne le fils de Madame d'Estampes seur de
Monseigneur d'Orleans, laquelle le mena en personne au-
dit pays de Bretagne prendre la possession.

1460. EN l'an mil cccc. soixante environ le commencement
du mois de Iuillet, fut semé certain langage par gens
plains de zizanie, & disoit on qu'ō vouloit empoisonner le
Roy estant à Mehun sur Yeure. De laquelle chose apres ce
qu'il en fut informé, ficha tellement ledit empoisonnement
en son cœur, qu'oncques puis n'eut ioye ne santé. Mais
pource qu'il en auoit esté aduerty par vn Capitaine qui
bien l'aymoit, y adiousta pleine foy, & se desconforta telle-
ment qu'il en laissa le boire & le manger par l'espace de
sept iours ou environ, qu'il ne s'osoit fier à homme de
gens, ne prendre aucune refection. Et iusques à ce que les
Physiciens luy dirent que s'il ne mangeoit qu'il estoit mort
pour quoy

pourquoy adonc se pena de manger, mais il ne pouoit. Car ses conduicts estoient ja tous retraicts. Et adonc depuis se confessa, & ordonna comme bon Catholique doit faire. Et adonc voyant sa maladie engregier, & ses iours decliner, receut bien & deuotement ses sacremens, & fit ses derrenieres ordonnances, & leez tels que bon luy sembla : & ordonna à ses executeurs qu'il vouloit estre sepulturé en l'Eglise Monseigneur saint Denys en France, en la Chappelle où son pere, & son grant pere sont enterrez. Et ainsi fina ses derniers iours le iour de la Magdeleine, en l'an & mois dessusdits, en la dessusdite ville de Mehun sur Yeu.

Le Mardy ensuiuant fut fait son seruice en l'Eglise saint Denys moult sollemnellement, tout ainsi qu'on a accoustumé de faire tous les ans pour le Roy Loys le Gros jadis Roy de France.

Le Mercredy cinquieme iour d'Aoust à dix heures de nuit fut apporté le corps du Roy Charles à Paris, & demoura hors de ladite ville en l'Eglise de nostre Dame des Champs, & reposa iusques au landemain qu'il fut porté à nostre Dame de Paris. Et y eut quatre des Seigneurs de la Cour de Parlemēt qui tenoiēt les quatre cornets du poesse reuestuz de manteaux d'escarlade, & plusieurs autres Seigneurs de ladite Cour vestuz de vermeil tenās ledit poesse.

Item apres ledit corps, lequel estoit couuert d'un poesse de drap d'or bien riche en vne littere, laquelle portoient six vingts Hanouars, estoient Monseigneur d'Orleans, Monseigneur d'Angoulesme, Monseigneur d'Eu, & le Cōte de Dunois, faisans le ducil à cheual tous quatre.

Item apres un chariot, auquel auoit esté apporté ledit corps de Mehun iusques à Paris, couuert de velours noir, signé du long & du trauers d'une grant croix blanche de drap de velours moult riche. Et audit chariot y auoit cinq cheuaux qui le menoient, couuerts iusques à terre de velours noir figuré, & ne voyoit on que les yeux desdits cheuaux. Et apres cedit chariot y auoit six paiges vestuz de velours noir enchapperonnez de mesmes, montez sur six cheuaux, & les harnois de velours noir.

Item deuant le corps estoient Monseigneur le Patriarche, lequel fit le seruice, tant à nostre Dame de Paris, qu'à

1460. S. Denys, & ceulz de nostre Dame de Paris, du Palais, & des parroiffes

Item deuant estoit Monseigneur le Recteur, & l'Vniuersité de Paris, Messeigneurs de la Chambre des Comptes, Messeigneurs des Requestes, Monseigneur le Prieuost de Paris, la Court de Chasteller, les bourgeois & autre peuple de Paris chacun en ordonnance.

Item deuant estoient plusieurs Religieux, & les quatre Ordres des Mandiens d'icelle ville de Paris.

Item derriere ledit corps estoient toutes ses gens, apres lesquels venoit peuple innumerable. Et y auoit deux cens torches de quatre cens liures, que portoient deux cens hommes vestus de noir. Et tout deuant estoient toutes les clochettes de Paris, que portoient hommes vestuz de noir.

Item en l'Eglise nostre Dame de Paris, laquelle estoit rendue doublement de toille perse semee de fleurs de Me, fut apporté ledit corps, & mis au meillieu du cueur: & la fut chanté Vigilles, & le lādemain la Messe, laquelle Monseigneur le Patriarche celebra. Et fut le Vendredy sixiesme iour d'Aoust. Cedit Védredy apres midy les Seigneurs dessus nommez apporterent ledit corps de Paris iusques à la croix aux fiens, laquelle croix est entre la Chappelle S. Denys, & le Lendit, auquel lieu eut grant altercation entre les Religieux de S. Denys, & lesdits Hanouars, lesquels ne vouloient aller outre: pource qu'ils disoient leur estre deu dix liures parisis pour le porter iusques à S. Denys. Et demeura assez grant piece sur le chemin: & tellement que les gens de ladite ville de S. Denys prindrent la bierre ain comme elle estoit pour porter ledit corps: & ce voyant ledit grant Escuyer dudit feu Roy, respondit ausdits Hanouars au cas qu'ils leur fussent deuz ils les auoiēt, parquoy le chargerent & le porterent iusques à l'Eglise S. Denys au milieu du cueur. Et estoit bien huit heures auant que ledit corps arriuaist en icelle Eglise de saint Denys.

Item auoient apporté les gens du Roy vn ciel de drap d'or, auquel estoient huit lances pour le porter, & sur le chemin de Paris endroit la dessusdite croix aux fiens, voulurent huit religieux de S. Denys bien richement reuestuz prendre ledit ciel pour porter sur ledit Roy iusques au

lieu de S. Denys; mais fut refusé par le grant Escuyer, en disant que n'estoit pas la coustume de porter ledit ciel sur iceluy corps parmy les champs, mais seulement parmy les villes. Et quant ledit corps fut arriué à la porte de ladite ville, fut là faite station, & là furent dites certaines Oraisons propres. Et adonc fut baillé ledit ciel aux dessusdits hui& religieux, lesquels le porterent iusques à l'Eglise S. Denys sur le corps.

Item à celle heure furent chantees Vespres seulement pour ledit Roy, & le landemain Matines, c'est assavoir, *Dirige*. A six heures du matin Messeigneurs d'Angoulesme, de Dunois, le grant Escuyer, l'Euesque de Paris, la Court de Parlement, l'Euesque de Bayeux fit le seruice, les Euesques de Troyes & de Chartres l'office, les Euesques d'Orleans, d'Angiers, de Besiers, de Senlis, de Meaux, l'Abbé de S. Germain des prez, l'Abbé de S. Magloire, & l'Abbé de S. Victor, & tous les dessus nommez furent à la Messe, & n'y eut qu'une grant Messe pour ledit Roy. Monseigneur d'Orleans fut à la grant Messe, Monseigneur d'Eu n'y fut point. Car il partit cedit iour au matin.

Item apres ladite Messe fut le Roy mis en terre en la Chappelle de son grant pere, entre son dit grant pere & son pere, & estoit le chueur d'icelle Eglise tēdu tout autour par bas de velours noir, & aussi vne Chappelle qui estoit au milieu dudit chueur, souz laquelle estoit ledit Roy, & par dessus estoient tant de cierges qu'on pouuoit mettre. Et estoit le Roy dedens vne biere de plomb tout de son long, en laquelle estoit vne autre dedens de bois.

Item estoit par dessus la figure dudit Roy sur vn mathe-ras, vne paire de fin draps de lin, & le poelle dessusdit. Et estoit ladite figure vestue d'une tunicque, & vn manteau de velours blanc à fleurs de lis fourré d'ermes, tenant en vne main vn sceptre, & en l'autre la main de iustice, vne couronne dessus sa teste, & vn orillier de velours dessous.

Item apres l'enterremēt dudit corps eut grosse altercatiō entre le grant Escuyer, & les autres Escuyers d'Escuyrie dudit Roy, & les Religieux dudit S. Denys, pour le poelle qui estoit souz la dessusdite figure : pource qu'iceulz Es-

1460. cuyers disoient ledit poeſle leur appartenir, & ledits Religieux au contraire. Et tellement que ledit poeſle fut mis en la main de Monſieur de Dunois, & de Monſieur le Chancelier de France. Et en fin fut appointé que ledit poeſle, qui eſtoit de drap d'or bien riche, demoureroit à l'Egliſe.

Item, & au milieu de la deſſusdite grant Meſſe y eut vne predication que fit maistre Thomas de Courſelles Docteur en Theologie, à laquelle auoit grant peuple priant pour ledit deſſunt, & les vns plorans. Lequel Roy fut intitulé le Roy Charles ſeptieſme de ce nom tres-victorieux.

Item, & apres l'enterrement d'iceluy Roy fut crié; *Dieu ayt l'ame du Roy Charles tres-victorieux*, comme deſſus eſt dit. Puis apres, *Vive le Roy Loys*. Et adonc les Huiffiers, & autres Seigneurs ietterent leurs verges ſur la foſſe d'iceluy.

Item apres toutes ces choſes faites alla vn chaſcun diſner en la grant ſalle de l'Abbé d'icelle Eglife, où fut court planniere & ouuerte à tous venans. Et de ceſte heure le diſner fait, les graces dites, Monſieur de Dunois dit à haulte voix, Que luy & tous les autres ſeruiteurs auoient perdu leur Maistre, & qu'un chaſcun penſaſt à ſe pourueoir. A quoy furent pluſieurs moult dolans, & alors commencerent ſes pages fort à plorer.

FIN DE L'HISTOIRE DV ROY

CHARLES VII.



LA GENEALOGIE

DES ROYS DE FRANCE,

DEPVIS SAINT LOYS,

iufques à Charles VII.

*Et l'extinction du faux droit & mussie querelle pretenduz
sur le Royaume de France par les Anglois.*



AR ceste genealogie cy apres transcrip-
& figuree pouez veoir & scauoir les li-
gnees & generatiōs des Roys qui ont esté
en France, depuis le Roy saint Loys iuf-
ques au Roy Charles septiesme de ce nō:
& quel tiltre de succession les Roys d'An-
gleterre ont eu en la Couronne de France depuis saint
Loys. Car parauant n'y auoient ilz riens, mais estoient liges
vassaulx & subiectz du Roy & de la couronne, comme bié
appert & sera sceu par les Histoires & Croniques de Loys
pere du bon Roy saint Loys, de Philippe Auguste son
pere, en leurs viuans Rois de France. Et mesmement aussi
par saint Loys, qui desconfit en bataille le Roy Henry
d'Angleterre, & apres ladite desconfiture se partit de Fran-
ce pour aller oultre mer.

Après le bon Roy saint Loys fut Roy de France Philip-
pe son filz, qui eut deux filz. Le premier eut nom Philippe
le Bel, qui fut Roy de France apres son pere, & l'autre eut
nom Charles, qui fut Comte de Valois. Iceluy Philippe le
Bel eut trois filz, & vne fille. Le premier filz eut nom Loys,
& fut Roy de Nauarre & de France, lequel n'eut que vne
seulle fille Comtesse d'Eureux. Le second filz eut nom Phi-
lippe le Long, & fut Roy de France apres Loys son frere,

I i ij

pource qu'il n'auoit nul hoir masle de son corps, lequel Philippe n'eut que vne fille nommee Marguerite, laquelle fut Comtesse d'Artois. Le tiers filz fut Charles le Bel, qui fut Roy de France apres Philippe le Long son frere, pource qu'il n'auoit nul hoir masle de luy. Lequel Charles le Bel Roy de France eut vne fille nommee Blanche, qui fut Duchesse d'Orleans, & n'eut ledit Charles nul hoir masle de son corps. La fille d'iceluy Roy Philippe le Bel, seur des Roys dessus nommez, eut nom Ysabel, qui fut mariee à Edouard de Vvindezore, & fut depuis Roy d'Angleterre, & de luy sont venuz les Rois d'Angleterre qui apres luy ont esté.

Par les genealogies & articles precedens pouez veoir, & par ce que les dessusditz freres Roys de France, c'est assauoir Loys, Philippes, & Charles, freres germains & Roys de France successiuement l'ung apres l'autre n'eurent nulz hoirs masles de leurs corps, conuint que la Couronne vint par succession legitime à Charles Comte de Valois frere germain dudit Roy Philippe le Bel, comme au plus prochain & legitime hoir de la Couronne de France, par ce que les trois filz de Philippe le Bel cy deuant nommez, qui l'vng apres l'autre furent Roys de France, comme dit est, moururent sans auoir hoirs masles de leurs corps.

Item est vray, que apres le trespas du Roy Charles le Bel filz dudit Roy Philippe le Bel, lequel Roy Charles trespasa, comme dit est deuant, sans hoir masle de son corps, Edouard de Vvindezore Roy d'Angleterre, filz de Ysabel fille d'icelluy Roy Philippe le Bel, & seur dudit Roy Charles le Bel, print le nom & tiltre de Roy de France, disant que la Couronne & Royaume de France luy appartenoit à cause de Ysabel sa mere. Et depuis à ceste cause par ce moyen luy & ses successeurs Roys d'Angleterre ont denié au Roy de France les foy & hommage & deuoirs en quoy ilz estoient tenuz, & qu'ilz luy deuoiennent, & doibuent faire, & encores l'ont. Et ne leur souffrit pas à tant que de toute leur puissance ce ilz luy ont fait guerre mortelle, & encores font.

Item, & se ainsi eust esté, ou feust que femme eust droict & peust succeder à la Couronne de France, les filles des trois freres germains cy deuant nommez successiuement

Roy de France l'vng apres l'autre eussent eu droit deuant la mere dudit Edouard, qui n'estoit que seur d'iceulx freres.

Item & se femme n'auoit droit de succeder à la Couronne de France, comme auoir ne pouoit par ordonnance & constitution & loy du royaume anciennement approuues & confermees par le Roy de France & Empereur Charlemaigne, ledit Edouard ne ses successeurs Roys d'Angleterre n'y pouoient ne ne deuoient auoir droit.

Item & à ce propos par vsage & coustume notoirement gardee & obseruee de tout temps au Royaulme de France, toutesfois que vne femme est deboutee d'aucune succession, comme de fief noble, les fils qui viennent & descendent de elle en sont exclus & forcloz, ne il ne sera pas trouué que femme succedast oncque ne donnast droit de succession à homme ne à femme quant à la Couronne de France. Parquoy il appert assez euidentement, que la loy que femme ne succedast à la Couronne de France, ne fut pas faicte du temps ne au temps dudit Edouard, ne de Ysabel sa mere, comme aucuns l'ont voulu & veulent dire. Car se ainsi eust esté, ledit Edouard Roy d'Angleterre n'eust pas fait au Roy de France Phelippe de Valois l'hommage qu'il luy fit auant qu'il luy meust guerre, ne qu'il se attribuaist le tiltre de Roy de France: duquel hommage par les lettres dudit Edouard, qui sont au tresor du Roy de France à Paris, peult bien à plain apparoir, & par lequel hommaige & lettres repugnoit que ledit Edouard feust Seigneur souuerain & vassal d'une mesme chose.

Item, & non obstant serment de feaulté, hommaige lige, & aultres choses dessusdictes, ledit Edouard en venant contre son serment, & en perseuerant de mal en pis à iniuste & mauuais tiltre, comme cy deuant est dit & allegué plus à plain, fit guerre au Roy de France son Seigneur lige de la Duché de Guienne, & aultres terres qu'il tenoit lors au Royaulme de France. Et en oultre mit la main en la personne de son Seigneur le Roy de France, en comettant felonnie & crime de leze maiesté en tous cas & degrez. Parquoy il forfit & confisqua lors tout ce qu'il auoit au Royaume de France, tant en Guienne comme ailleurs. Lesquelz

cas & crimes sont assez notoires sans cy plus
rer.

Item apres toutes lesquelles choses pour la m
caption, & prinse que fit ledit Edouard en la per
Iehan Roy de France son Seigneur lige, vn certa
se fit à Calais en l'an mil ccc.xl. Par lequel traictié
lee & baiffée aux Anglois la Duché de Guienne &
truel, avec vne certaine somme d'argent, qui leur
mise: & tout pour la deliurance dudit Roy Iehan, que
Roy Edouard tenoit lors prisonnier. De laquelle fi
fut lors baillé la somme de quatorze centz mille
d'or audit Edouard. Par telle condition toutes-fois,
autrement, que toutes gens de compaignie, & autres
d'armes estans en France tenans le party dudit Edo
ilz deuoient faire vider des villes & forteresses qu
noit audit pays de France. Et avecques ce ledit Edo
deuoit enuoyer ses messages & procureurs à Bruges de
l'an que ledit traictié fut fait, pour faire & accom
choses deuant touchées, avecques autres, par luy, f
fans, & les Princes & Seigneurs d'Angleterre, iurez su
ctes Euangiles, & sur le corps de Dieu sacré promesse
dont ilz ne tindrent riens. Car point ne furent, ne en
rent lors à Bruges, ou allerent, & furent par long tem
messages & ambassadeurs du Roy de France pour en
ner & acomplir ce que par le Roy leur Seigneur auoi
accordé & promis faire de sa partie, comme ces c
sont toutes notoires & bien sceues.

Item & par ce que ledit Edouard ne ses confors ne
drent pas ce qu'ils auoient iuré & promis faire, comm
est, il conuint que le Roy de France par puissance d'a
à grans dommaiges, despens, & interestz de luy & d
subiectz, tant par sieges comme autremēt, mist hors d
Royaume les Anglois qui dedans estoient. Parquoy il
suyt que les Anglois sont tenuz de rendre & restitue
Roy de France tout ce que par le traictié de Calais leu
baillé sur les conditions & limitations dessusdictes, a
ques dommages & interestz. Et par ce que dit est, &
tous droitz, appert que ledit traictié de Calais est nul
que il estoit fondé sur toutes violences & iniuste que

Et qui plus est, que ledit Edouard ne l'a pas accompli ne tenu ainsi qu'il auoit iuré & promis faire, comme il est assez notoire.

Item est vray, que audit traictié de Calais fut dit & déclaré ledit Roy de France Phelippes, qui fut premier Cōte de Valois, estre venu legitimemēt à la Courōne de France comme le plus prochain hoir à ladiēte Couronne en descendāt de masse à masse par droiēte ligne du Roy saint Loys, & aussi de ses predecesseurs Roys de France. Fut lors dit & déclaré aussi, comment & par quelle façon & maniere les Roys d'Angleterre tenoiēt du Roy de France la Duché de Guienne.

Item est vray, que apres toutes ces choses les Anglois, en perseuerant en leur oultrageuse & dampnable querelle, firent plusieurs excès & malefices au Royaulme de France, & de fait se efforcèrent de tenir la Duché de Guienne, la Comté de Ponthieu, & de Montruel, sans en vouloir recongnoistre à souuerain le Roy de France Charles cinquiesme de ce nom lors regnāt. Pour laquelle cause, avecques autres raisonnables, icelluy Roy de France Charles cinquiesme par main forte, voye de fait, execution de iustice, fit ramener & remettre en sa main la Duché de Guienne, la Comté de Ponthieu & de Montruel, & icelles appliquer au demaine de la Couronne de France. Car la plus belle acquisition qui peult venir à vn Roy & Seigneur souuerain, est celle qui vient par confiscation, & par especial de crime de leze maiesté, comme sont les cas dessus recordez.

Item & avec ce peult apparoir, & appert clerement par ledit traictié de Calais, & par lettres & escriptz du Roy Edouard, que le Roy de France ne renia oncques au ressort & souueraineté desdites Seigneuries, qui furent baillees au dessusdit Edouard Roy d'Angleterre par le traictié fait à Calais, comme dit est. Et par iceluy mesme traictié seront sceuz plusieurs exploitz de iustice faitz en Guienne de par le Roy de France par auāt & depuis le temps de Charlemaigne Roy de France, en demonstrent que ladiēte Duché estoit par droit heritaige & demaine de la Couronne de France & des Roys de France. Et mesmemēt aussi peult

K k

relle des Anglois & de leurs confors, & les tresinhumains & douloureux crimes, sacrileges, forces, violences, & maulx sans nombre & irreparables qu'ilz ont faiz, & encores font au Royaulme de France contre Dieu, sainte Eglise Catholique & la foy Chrestienne, contre toutes loix & drois mystiques & aussi politiques, contre toute nature & generation, & generalmente contre tout bien, comme feroient ou pourroient faire gens sans loy & sans crainte de Dieu. Plaise à nostre saint pere le Pape especiallement en pitié considerer ces tres douloureux crimes & malefices commis & faiz, comme dit est, contre Dieu & humaine nature: & sur ce pourueoir de sa grace, comme à sa Sainteté appartient, & que faire le peult par vertu de l'auctorité & puissance à luy de Dieu ordonnée & commise.

LA DESCRIPTION DE GAULE.

Iulius Cesar en son liure *de bello Gallicano*, que lon appelle Iulius Cellus, descript Gaule, qui ores est appellee France, & la deuise en trois Prouinces.

La premiere est Celte, qui vault autant à dire comme celle de Lyon, qui commence au Rosne, & finit à Gironde.

La seconde celle de Belge, qui commence aux premieres parties de Gaule par deuers le Rin, & dure iusques à la cité de Paris, & s'estend tout contremont vers Orient.

Et la tierce est celle d'Aquitaine, qui, selon la descriptiō de Plinius & Iulius Cesar, commence au fleuve de Gironde, & d'une part au mont de Mont-ieu, & d'autre cousté iusques à l'entree d'Espagne.

La premiere Prouince doncques, qui est Lyon, contient mainte noble cité. La premiere est Lyon, Chalon, Austun, Sens, Troyes, Auxerre, Meaulx, Paris, Orleans, Chartres, Eureux, Sez, Lizieu, Auranches, Constances, Bayeux, le Mans, Nantes, Vannes, Angiers, Renes, Tours, & Bourges. Mais Sens & Austun furent d'ancienneté de plus grāt noblesse & de plus grant auctorité que nulles des autres. Car la cité d'Austun fut aussi comme principale & maistresse de toute Gaule, au temps que Iulius Cesar & les Rômaïns

K k ij

tenoient le pays, pource qu'elle obeit aux Emperours de Romme elle garda & nourrit la grace & l'amour que elle auoit tousiours aux Rommains. Et la cité de Sens fut de si grant affaire, & de si grant fierté, que les Francs Senonois assiegerent Rôme, & la prindrent par force, & encloyrent les Rommains dedans le Capitol: & auant qu'ilz sen voulsissent retourner, ilz eurent des Rommains grant nombre d'or & d'argent. Toutesfois Orose, qui fait la description de Gaule, la deuise en quatre Prouinces, & ne se accorde pas que Tours & Bourges soient en la Prouince de Lyon, ainçois veult dire qu'elles sont d'Acquitaine, pource que elles commencent au fleuve de Loire, & durēt iusques aux montz de Mont-ieu, ayans plusieurs fleuves courās par celle Prouince, desquelz le Rofne est le plus grant.

Après la description de la Prouince de Lyon met Iulius Cesar celle de Belge, dōt les plus nobles citez sont cy après nōmees. La premiere est Coulongne, Tongre, Treus, metz, Toul, Verdun, reims, Soissons, Amyens, Noyon, Beauuais, Vermendois, Arras, Tournay, Cambray, & maintes autres, où maint fleuve court par celle Prouince, dōt le Rin, Marne & Meuse sont les plus grans. Mainte riche forest contient, desquelles celle d'Ardenne est la plus grant: & est si grande, que elle dure bien cinq mille de long.

La tierce Prouince s'est Aquitaine, qui mainte noble cité cōtient. La premiere est Clermōt, Nerbōne, Chaours, Toulouse, Gayette, Rodes, Lymoges, Perigort, Poiries, Bourdeaux, Xaintes, & Angoulesme. Mainte riche forest contient, & maint grant fleuve. Deux des plus renommēz sont Gironde & Dordōne. Ce fleuve, qui est nommé Dordonne, retient le nom de deux fontaines, dont l'une est appelée Dor, & l'autre Donne. Si est nommée ceste Prouince Aquitaine, pource qu'elle est plus habondant de fontaines & de fleuves, que nulle autre.



L'ESPÉRANCE,

OV
CONSOLATION DES
TROIS VERTVS,

C'est à sçauoir, Foy, Eſperance, & Charité.

PROLOGVE.

Comment M. Alain Chartier regrette les nobles Cheualiers du temps paſſé, qui par bonne diſcipline militaire maintenoient France en liberté, depuis par laſcheté miſe en ſouffrance & ſeruitude.



*Q*u' dixieſme an de mon dolent exil,
Après maint dueil & maint mortel peril,
Et des dangiers qu'ay iuſques cy paſſez,
Dont i'ay ſouffert graces a Dieu aſſez;
N'a pas grantment és Chroniques liſoye,
Et és hauts faiz des anciens viſoye,
Qui au premier noble France fonderent.

*Ceulx en vertus tellement habonderent,
Que du pays furent vrais poſſeſſeurs,
Et l'ont laiſſié à leurs bons ſucceſſeurs,
Qui tant leurs mœurs, & leurs doctrines creurent,
Que leur Royaume & leur pouoir accreurent.
Et ſe firent honorer, & aimer,
Craindre, & doubter deçà & delà mer.
Juſtes en faiſ, ſecourans leurs amis,
Durs aux mauuais, & fiers aux ennemis,*

Kk iij

*Ardans d'onneur, & haults entrepreneurs,
Amans vertus, des vices repreneurs:
Regnans par droit, heureux & glorieux,
Et contre tous fors, & victorieux.*

*Or ont regné en grant prosperité,
Par bien amer iustice & equité,
Et ont leßé apres mainte victoire
Le pays en paix, en hauteße & en gloire:
Et noz peres, qui deuant nous nasquirent,
En ce bon temps durerent & vesquirent:
Et passerent le cours de leur eage,
Seurs de leurs corps, en repos de courage.*

*Las! nous chetifs & de male heure nez
Auons esté à naistre destinez!
Quant le hault pris du Royaume dechiet,
Et nostre honneur en grief reproche chiet:
Qui fut iadis franc, noble, & bien-heuré,
Or est fait serf, confus, & espeuré.
Et nous fuitifs, exillez, & dispers,
Auons tous maulx essayez & expers,
Et tous les iours en douleurs gemissons,
Pouures chassez à honte vieillissons,
Desfers, despirs, nuz, & desheritez
Pour droit suyuir & amer veritez.
Portans en cueur dur regret & remors,
Du temps perdu, pays conquis, amis mors,
En l'auenir que penser ne saons,
Fors que petit d'Esperance y auons,
Quant nous voyons ainsi France decheoir,
Et à nous tous du dechiet mescheoir.*

*Je souloye ma ieunesse acquitter
A ioyenses escritures dicter,
Or me conuient autre ouurage tisser,
De cueur dolent ne pourroit ioye yssir,
Paine, paour, pouureté, perte, & doute
Ont asiegé si ma pensee tonte
Qu'il n'en saut rien fors que par leur dangier.
Ainsi me faut mon sentement changier,
Car en moy n'est Entendement ne sens*

D'escire, fors ainsi comme ie sens.

** Douleur me fait par ennuy, qui trop dure,
En ieune aage vieillir malgré nature,
Et ne me veult laisser mon droit cours viure,
Dont par douleur ay commencé ce Liure.*

** Langueur*

*Comment Melancholie vient assaillir l'Acteur, & des maux
qu'elle fait aux esprits où elle habite.*

EN ceste dolente & triste pensée, qui tousiours se presente à mon cueur, & m'accompagne au leuer & au coucher, dōt les nuiz me sont longues, & ma vie ennuyeuse; ay long temps trauaillé & foullé mon petit Entendement, qui tant est surpris & enuironné de desplaisans frenesies, que ie ne le puis exploictier à choses dont me vieigne liesse ne confort. Et cōme n'agueres la memoire des choses passees, l'exponentement des dispositions presentes, & l'orribleté des perilz auenir eussent reueillé tous mes douloureux regraiz, mes adouces imaginations, & ma paour deffice de seureté; ie demouray comme homme desperdu, le visage blesme, le sens trouble, & le sang meslé ou corps. Et en ce point vint vers moy vne vieille toute defarroyee, & comme nonchalent de son habit, maigre, seiche, & flestrie, à couleur pale, plomee, & ternie; le regard bas, la voix entreprise, & la leure pesant. Son chief estoit roqué d'un queuurechief sale, encendré, & son corps afublé d'un mantel de tenné. A l'approucher sans mot dire m'enveloppa soudainement entre ses bras, & me couuri visaige & corps de ce malheureux mantel: maiz de ses bras si estroit me ferroit, que ie sentoye mon cueur ou dedens destraint comme en presse: & de ses mains me tenoit la teste & les yeux embrunchez & estoupez, si que ie n'auoye l'aise de veoir ne oyr. Et ainsi comme homme euanoui & pasmé, me vint porter au logis d'enfermeté, & me ietta en la couche d'angoisse, & de maladie. Mesmes Entendement ce ieune & aduisé bachelier, qui m'auoit ^{* suiuy} vne foiz de loing, l'autre de prés, selon ce que Dieu m'en dōna l'acointance, abuura elle de si estranges & merueilleux buurages confis en forcenerie & en descognoissance; que le bon

& saigé, qui ad ce besoin m'auoit conduit iusques au liſt, demoura de coustemoy estourdy, estonny, & comme en lirtargie. Et depuis ay-ie ſceu que ceste vieille ſappelle Melencholie, qui trouble les penſées, deſeiche le corps, corromp les humeurs, aſfoibliſt les ſenſitifz eſperits, & maine l'omme à languour & à mort. Par elle, ſelon la doctrine de Ariſtote, ont eſté & ſont ſouuent les haultz engins & eſueuez entendemens des parſons & excellans hommes troublez & obſcurciz, après frequentation de trop parfondes & diuerſes penſées. Car les quatre vertus ſenſuelles dedâs l'omme que nous appellons ſenſitiue, imaginatiue, eſtimatiue, & memoire, ſont corporelles & organicques, & ſe peuent greuer par trop ſouuent, ou en trop fort euure les exploicter. Ainſi que entre les cinq ſens de dehors, l'œil ſe trouble pour regarder clarté trop reſplendiſſant, ou par trop ſouuent lire, ou ficher ſon regart ſur choſes menues, & delices, ou de differente figure.

*Chetive creature humaine,
Née à travail & à paine,
De fraelle corps reueſtue,
Tant es foible & tant es vaine,
Tendre, paſſible, incertaine,
Et de legier abbatue:
Ton penſer te deuertue, .
Ton ſol ſens te nuit & tue,
Et à non ſçauoir te maine.
Tant es de pouure venue,
Se des cieux n'es ſouſtenue,
Que tu ne * penz viure ſaine.*

* puis

*Trois hideuſes femmes, c'eſt à ſçauoir Deſſance, Indignation, &
Deſeſperance ſ'apparoiffent à l'Aſteur.*

A Inſi durement enferme de corps & de penſet, fus reuerſé ſur icelle tres-ennuyeuse couche, où i'ay depuis pluſieurs iours demouré à fade bouche, & failly appetit. Et apres grant foibleſſe, long ieûne, aſpre douleur & eſtonnement de mon ceruel, que Dame Melencholie tourmentoit entre ſes dures mains, ſenti ouurir, crouler, & remou-
voir la

uoir la partie qui au milieu de la teste siet en la region de l'imaginatiue, que aucuns appellent fantasie. Et à celle heure se presenterent au deuant de ma pensee vers la partie fenestre & plus obscure de mon liët, trois horribles semblances, en figure de femmes espouuentables à veoir.

Description de Deffiance.

LA premiere portoit sur son braz vn escrain de fer fermé à doubles clefs, qu'elle tenoit en serrées en son poing, & dessus les espauls vne besace plaine par deuant, & vuide par derriere. Si estoit ceinte d'vne ceinture, & secourcée d'vne autre. Et à toutes deux pendoient bourses, & sachets plains de diuerses besongnes. Encore auoit ses mains & ses bras ployez par dessus son fardeau, comme femme qui de chascun se doute, & qui s'appareille à fuite. Son regart n'estoit iamais arresté ne esleué vers les cieulx, mais derriere, & à costé gestoit ses yeulx effrayement, & n'auoit en sa maniere arrest, ne fermeté en sa contenance, dont assez donnoit à congnoistre la desseureté & souspeçon de son cuer.

Narratiue de l'habit, & maintien d'Indignation.

LA seconde portoit vn court mantel, & dessoubz icelluy comme en repostaille auoit l'vn de ses bras couuert, duquel elle tenoit vnes treffinglans escourgiées, ainsi comme s'elle eust pour pansé par vengeance aucun en surprise fuster ou battre. L'autre bras auoit tout deliure & descouuert, dont elle tenoit vnes tables ouuertes, en quoy elle lisoit, & ramenteuoit les ingratitudes, les faultes, & les iniures que on luy auoit faictes. Sa face estoit vermeille, & enflambee, & ses yeulx estincellans, & tresperçās de regart. Le cuer, & le corps luy estoient tant enfléz de despit, & de felonnie, que elle fust creuce, si elle ne se desgorgeast par tençons, & reprouches, ainsi que vn moult qui boult ou tonnel, & par faulte de vent rompt la barre, & le bondail.

L I

Description de la forme, & nature de Desesperance.

LA tierce estoit escheuelee, & sa robe pourfendue sur le pis, les yeulx presque mortifiez & enfoncez en la teste, la couleur desteinte, vn suaire sur son braz, le cheuestre ou coul, & le coustel ou poing.

Si tost que ces trois abhominables monstres me furent apparuz, la seconde auoit tel desir de respondre par sa bouche arrogans & rioteuses parolles, que la haste de parler luy entrerompoit sa voix, & faisoit sa langue bauboyer: & la multitude des reprouches, & mesdiz qui s'efforçoient yssir de son apostumé courage, empeschoient l'vn l'autre, ainsi que presse de gens qui se hastent de saillir par vn estroit guichet. Or me commença icelle à arraisonner, sans attendre ne semondre les autres, mais euergondément, & à haulte voix disoit telles parolles.

Indignation fait remonstrance des abuz, & vanitez qui regnent és Cours des Princes, voulant induire à desloyautezuers son Prince le subiect travaillant en affection.

MAleureux, & mal né, vile, & reboutee personne; desnué de biens, & delessié d'amis, * bersault de toutes pars, des aduersitez de fortune. Quel conseil penfes tu prendre à conduire desormais ton estat & ta vie? Ou quelle follie te meut d'approucher desormais Cour ne Palais Royal, ne de plus seruir à office publicque? quant sans exaucement, & sans prouffit tu y as perdu le temps de ta plus vertueuse ieunesse, & ton labour en vain degasté? Et maintenant la chose est ad ce venue, qu'il n'y a plus pour toy d'attente, fors poureré, & peril. Se tu n'as peu en temps d'abondance toy garnir & pourueoir contre les necessitez humaines; comment le feras tu en temps maigre, souffraiteux, & contrainct de indigence? Se la Cour a mescogneu tes seruices, & les ingrats oublié tes biens-faiz; que penfes tu desormais prouffiter à la chose publicque ne à roy mesmes? quant bien-fait & malefice sont tout en vn compte, sinon en tant que par long vsage malice a plus de hardement, & d'entree? Mescognois tu Cour, & si l'as tant est

* bersoudé.

fayee? Au moins ce fruit en deusses tu auoir rapporté,
 que pour la congnoistre tu la sceusses fouir, & escheuer.
 Ne scés-tu que Dissimulation a de si long temps occupé les
 portes, & les entrees des Cours des Princes, que Verité,
 qui tant a hurté à l'uy, & se fait ouyr dehors par public-
 ques euures, ne puet auoir dedans entree? As-tu oublié
 Lucan, qui t'aprint vne fois que, *Auctorité de Cour ne peut ia-* Lib. I.
mais souffrir compaignon, & que entre gloire & enuie a guerre Pharsal.
perdurable & immortelle? Souuienne toy que vie curial est
 de la nature des folles & dissoluës femmes, qui plus cherif-
 sent les derniers venuz, & giettent les bras ou coul plus ar-
 damment à ceulx qui les pillent & diffament, que à ceulx
 qui trop les aiment, & seruent. Et se tu veulx cognoistre
 fortune, & te soubzmettre à sa variableté, de tout temps en
 Cour la trouueras. Là se bat-elle de ses tours bestournez,
 & fait ses mutatiōs, & son entregiet. Ores prant son deduit
 à faire d'un cheitif mescogneu un puissant orgueilleux, qui
 tout descongoist, & d'un hault Satrape esleué en vaine
 gloire, & en pompe, un meschant, foulé, & deffait, qui de-
 puis vit en vergoingne du dechiet de son estat, & en def-
 fiance de sa vie. Ores eslongne les prouchains, ores rap-
 prouche les eslongnez. A des prent la petite cheuance des
 pources, pour adiouster au grant monceau des tres-riches,
 puis depart soudainemēt ce monceau; si qu'il n'y reste que
 la place vuide. Vne fois fait repaistre les yeux des fols, qui
 sont en bruit, à remirer la suite de ceulx qui les compai-
 gnent, & enclinent. Autresfois les fait aller seuls, & des-
 daignent de ceulx qui les blandissoient. Se tu as le courai-
 ge, ou (pour plus proprement parler) la folle outrecuidan-
 ce de toy vouloir ingerer iusques au dangereux *dangeon, *donjon
 où dame Cour se retrain en son priué: saches que le guicher
 en est si petit, la planche si estroite, & le fossé desloubz si
 profond, & y court le vent d'enuie à si grans bouffees, que
 à l'entrer ou à l'yssir tu n'y pourras blecier sans guarison, ou
 trebuscher sans ressource. Mais la vanité de l'onheur mon-
 dain, & le delit que l'erreur humaine prant d'auoir pouoir
 sur autrui, allechent les folles pensees à tousiours vouloir
 r'entrer en cest expérimenté peril: comme l'oysel, qui fiert
 en la *retz, où il a veu les autres surpradre, & couvrir. Dou- *reiz

loureux fut le iour que tu yssis de l'escole de science, pour entrer en la tourbe des ambitions mondaines. Tu y auoies delectation d'esperit, repos de cuer, plaissant occupation, honneste poureté, richesse de peu, seure leësse, desir à mesure, & content appetit. Or es failly de franchise en seruage, de seureté en dangier, de contenté par cité en ambition souffreteuse; & t'a fortune gectée en ceste tempeste, que tu vaugues comme en vne nef qui perist, & que le vent faict ferir contre terre. Tu vois que chascun quiert à part sa priuee saluation, & que tous en tirent ce qu'ils peuvent comme de chose abandonnee & perdue. Haa meschant auenture! tu ne pues gecter d'estre parsonnier du peril, mais tu n'as pas esté compaignon du proufit. Que diras tu de tes desconnoissans acointez, que tu as seruis comme tes amis, fors que le nom d'amy a esté commun à eulx, & à toy, mais l'amitié t'est à toy seul demouree? Toutesuoies veult la loy d'amitié que son emolument soit reciproque, & doit retourner à celuy dont il vient par egal gratitude. Oreste tien allé sans retourner. De quoy parlons nous? Celle loy d'amitié, dont les anciens vserent, est pieça reuouee par la sentence de dame Cour. Et se tu veulz congnoistre les amis de maintenant, mets peine premier à congnoistre ta fortune. Car elle, & tes amis sont mesurez d'une mesme mesure, & pareille duree. Assez te trouueras loé de tes eures, se aucunes en y a dignes de memoire. Mais à toute celle louange on te lessera disiecteux. Et combien que soit grant ton loz, & ta gloire, ce ne te vault rien seul. Car avecques ce fault il du pain. Tu languiras en celle louange, & vn autre se engressera en eures reprouchables. Iuge tes faiz par autrui, si congnoistras que l'issue de ton cas est sur toutes choses redoutable, quant tant d'anciens saiges Philosophes, qui ont resisté à fortune par sapience, n'ont sceu sans mort eschapper les curiaux maladuentures. Note Senecque, que Neron apres tant de doctrines, & de seruices, fist mourir par seignee en vn chault bain. Quel guerredon eut Tullies pour moult d'offices eureusement exercez à Rome par son industrie sauuee, fors qu'il fut par Anthoine decapité felonnessement? Demostenes Prince de beau parler, & mirouer de toute eloquence, est il à oublier; que les Atheniens, qui

Cic. de Amic

tant de foiz par sa langue, & par son sens sauuerent leur cité, firēt puis par enuie mettre à mort? Encore nous est Boëce autre exemple. Car pour trop aimer, & deffendre le publicque prouffit, fut il par le Roy Theodorich emprisonné à Pauie, où il composa son Liure de Consolation, finant ses iours en prison miserable. Qui est le cuer, qui se pourroit contenter de tant d'ingrattitudes, & de seruices sans guerredon? Ton courage se doit il appaiser, de souffrir ensemble seruice, pouureté, & trauail en peril? Comme peut estre ta langue sans clameur, & sans plaintes, quāt la bouche où elle siet est familleuse par souffreté, & les autres *sont oillez sans desserte des biens que tu cuides auoir desseruiz? O infortuné homme! Tu qui as passé les dangereux voyages, & les ennuieuses veilles, & tant d'autres, qui ont porté sur leurs espaules la douleur de leur exil, & trauaillé en pouureté auecques la chose publicque, deuez vous pou priser vostre loyauté, quant pour la garder vous estes desheritez de vostre pays, & pour la soustenir & seruir, vous estes foulez, auilez, & chetifz! Maintenant vous peut bien venir au deuant la parolle de Diogenes, qui tenoit celuy pour bienéuré, à qui ne chault souz quel main & seigneurie soit la terre.

*sont deli-
cieusemēt
& sans des-
sertes, peus
& nourris
des biens
&c.

*Qui pourroit descrire,
N'a compter souffrir,
Tous ce qui descrire,
Et à meschief tire
Nostre humanité?
Courroux nous martyre,
Faveur, hayne, ou ire,
Nuisent à eslire,
Penser, faire, ou dire
Ce qu'est verité.
Infelicité,
Et aduersité
Sans auctorité,
Font la probité
Des meilleurs despire.
Et necessité
En mendicité,*

Ll iij

*Met fragilité
En perplexité,
Dont le sens empire.*

Quant celle plus par ire, que par raison fut fort esmeuë à parler, la parolle de eschauffaison & de felonnie luy faillit; mais non pas la volenté de pis dire. Et lors la premiere descripte, apres ce que elle eut geté son regart paou reu-
sement autour de soy, pour viser se aucun estrange l'escou-
toit, à voix tremblant & * basse print à dire ainsi.

*Deffiance faict piteux regrets sur l'affliction du pouvre peuple
François, disant, que Dieu l'a du tout abandonné pour le
tirer à desobeissance.*

SE les pensees des hommes estoient tournees en haultes voix, & les couers gemissemens en lamentations publiques, nos oreilles seroiēt estonnees, & nos cueurs espo-
uentez d'ouyr la douloureuse affliction, & les piteuses plain-
tes des bons François. Car en villés, & en carrefours n'or-
roit on que cris & pleurs, & parfont souspirs, qui à present
murtrissent, & tuent en recelée les courages où ilz sont ta-
pis. Tous apperçoient, & preuoient leur commune de-
sertion & ruine, & chacun attend le chef enclin la colee, &
la persecution, comme ceulx qui habitent en vne maison
qui chiet, & se n'en peuent saillir pour la ruine escheuer, ne
querir le remede de la soustenir pour y demourer. Dy moy
homme despourueu de reffuge, & deffié de secours, en
quoy pues tu auoir ta fiance? Se tu veux pour la chose pu-
blique faire loyal deuoir, ton pouoir est petit, & ton trauail
fera en vain, quant presque tous comme chose iuree, tirent
de toutes pars à la descirer & destruire: & que chascun en
arrache & emporte sa piece sans contredit, & faict son far-
del pour s'en aller. Hée dieux! qui eust cuido veoir Iustice
si esbranlee, qui est le principal pillier, & soustenement du
commun bien? Or est elle minee par le fondement, & ne
tient plus que à petites estayes toutes pourries de corrup-
tion, pour faire de la publique poureté priuee richesse.
Puet estre que entre tes grandes confusions de pensees tu

choisiras vie solitaire, & voudras recueillir à coup tes esperits occupez és choses publiques, comme homme réduit à soy-mesmes. Tu n'as rien pensé fors que vn songe, dōt le fait se passe en le songeāt. Cuides tu ainsi eschapper à fortune? Saiches qu'elle a tant plus de droit sur les hommes Curiaulx, à leur faire sentir meschief & misere, comme ils ont plus exploictié aux pourchaz des fortunes prosperitez. Et tu as veu que le plus bas, & penible degré de peruerse fortune est, auoir esté eueux. Où yras tu doncques, ne quel seur & agreable retrait as tu aduisé? Es citez publiques ne pues tu demourer, sans auoir quelque regrait au rabais de ton estat, & amere poincture de souffrir entre les riches citoiens dangereuse indigence. Et qui plus est, n'y pourras viure sans doubte; ainçois à chascun bruit cuideras estre surpris ou par armes d'ennemis, ou par inconstance de priucz courages, dōt les despourueuz euenemēs sont aujourd'huy moult douteux. Des champs ne puet on en ces iours sans effroy de cuer oyr parler; puis que le fer, & la force y regnent par auctorité de violence, & que homme n'y a la maistrise sur sa cheuance, ne seurté de sa vie. Les pays champestres sont tournez à l'estat de la mer, où chascun a tant de Seigneurie comme il a de force. Et moins y ont de pouoir les naturels Seigneurs, que les estranges raiuisseurs, dont la terre est semée comme de langoustes, qui par leurs tourbes gastent les regions: & les laissent en desert, & en frische. Dont ie conclus par neccessaire consequence, que les champs inhabitez feront les citez fameilleuses. Car l'aguillion de faim, & contraincte * neccessité de querir à viure, fait faillir le loup du bois: pource que neccessité surmonte nature, & la pour force de yssir de ses reigles, & de ses loix. Et se tu notes bien cest antecedent, il porte laquelle, & inconueniens infinis, & irreparables, que désia tu pues par pensée preueoir en ses premisses. Fouir ce brouillas de temps, & ceste police epidimice, & habiter en estrange nation, te pourroit sembler vn conseil receuable; à l'exemple de Anthenor, & de Enee, qui eschaperent la flame de Troye, & les glaiues des Grècz. Recorde toy de Virgile, qui en sa tres-delicieuse poesie racompte les destourbiers, & desesperez meschiefs, où ledit Enee fut par sept ans de-

* Contrainte
de viure

** mollieue* lietté en sa fuite ennuyeuse, & la lecture de la ** diuine elo-*
 quence dudit Virgille te vaudra experiment. Las/d'autre
 part a tant d'angoisses qui te estoupent le pas, que ce che-
 min est triste à entreprendre, & grief à maintenir. Or viuras
 tu en estrange nation comme né de nouuel à recommen-
 cer en apprentissage de mœurs, & de vie, regretant la dou-
 leur nayue du naturel pays, qui tousiours demeure em-
 prainte ou courage: & plaindras à tousiours la ruine de ta
 nation, quant les estrangers feront de toy spectacle de moc-
 querie, suspect & mesprisé comme homme dechassé, vil,
** vile reli-* ** relenqui*, & honteux demourant de la destruction de
que ta terre; portant le blasme dont tu ne peux mais. A insi seras
 en seruitute comme esclaue, & ta renommee en dangier
 d'estranges ** gens*. Que vaut taire aux perils sans leur mes-
** d'estran-* chance? Quelque part que tu ailles l'infortune du pays te
glers, poursuiura, & rabaissera ton loz, & empeschera ta seurté.
 Autre desconfort y a, que ie ne puis celer. Car angoisse pre-
 ueuë est à demy passée Ou il fault toutes les euures du tēps
 present renuerser au contraire: ou qu'elles vous mainent
 briefuement à ce que vous auez, à tel meschief fouy, puis
 que ie voy que en ** souffrant nonchalamment* regner la ti-
 rannie de vos ennemis, vous cheez par vne recruë souffran-
 ce en leur seruitute, comme les perdris qui en fuiant à des-
 pourueuë negligence le perdrieur qui les cheuale, cheent
 en sa tonnelle. Et ceux qui desmaintenant par hatiuereté vo-
 lontaire choisiroient à foy transporter soubz puissance en-
 nemie, pourroient bien sembler Calcas, qui par les respon-
 ses qu'il eut en Delphos ou temple d'Apolon de la destru-
 ction de Troye, se tourna vers les Grecz: ou estre equiparez
 à Caton le Romain, qui delaiissa sa liberté, & saillit hors de
 sa cité espouentée, pour fuir la fortune & la force de Ce-
 sar. Mais l'issuë de leur euure damna leur constance. Car ils
 trouuerent leur mort là où ils queroient leur seurté, & s'en
 allerent tachiez de déloyauté à la perdition qu'ils fuioient.
 Vise doncques quel party tu doiz eslire, ne quelle consola-
 tion ou adresse tu esperes en telle perplexité trouuer. Ami-
 tié s'est retraicte, & chacun la rappelle à foy, seulement en-
 close en son cueur sans partir. Ceulx qui sont riches à foy,
 sont pouures à autrui. Aide & confort sont taris. Le sens
 me

Hom. x. Il.
Virg. 5. Aen.

me fault avecques la parolle. Et plus n'y voy, fors que Dieu
a les François delaisiez, & oubliez.

O createur perdurable!

Sapience inestimable!

O eternité estable!

Et pouvoir incomparable!

Bonté qu'on ne peut comprendre

Qui tout scés sans rien apprendre:

Et pnes donner, & reprendre.

Et feiz sans exemple prendre

Les cieulx où n'a que reprendre,

Et la terre corruptible,

Et par amour charitable,

Et charité amiable

Formas homme à toy semblable

De ame viue espiritale

Conioincte à un pou de cendre,

Et vouts que l'un l'autre engendre:

Et y mis vertuz d'entendre,

Et vouloir pour à toy tendre,

Et memoire pour s'estendre

Au preterit remembrable,

Tant souffris estre muable

Sa fortune variable,

Et sa vie miserable

De toutes pars guerroyable,

A resister foible, & rendre:

Et si le laisses esprendre

De passions, & surprendre,

Qui font son sens tourner mendre;

Et chanceler, & suspendre

Le iugement raisonnable.

Mais ton ayde insuperable,

Ta science veritable,

Ta iustice redoutable,

Et ta grace secourable

Le peuent de tout deffendre.

Et s'il veut à toy s'attendre,

Sans soy laisser vaincre ou rendre;

M m

Et maugré fortune entreprendre,

A soy garder de mesprendre,

Son merite est plus loüable.

Tandis que ma pource fantaisie tourmentee de diuerſes conſiderations recueilloit les parolles en la proſe deſſus recitee, debatant à par moy tous ces partiz: & que ça ne là ie ne trouuoie fors eſpouuementement, & contrarieté: ie demouray tout ſuſpens, & ſurpris, & mes penſées vagues & eſgarees, ſans ordre, & ſans certaine fin ne vraye election. Si ſ'auança incontinent la tierce eſpece, qui en maniere de viſion m'eſtoit apparüe, & depuis ſe fut tenue derriere les autres comme en tappinage. Et en affuiant vers moy, m'eſcria en ceſte forme.

Comment Deſeſperance exhorte par pluſieurs exemples ſoy deffaire ſoubz vmbre d'euiter captiuité.

DESESPERANCE.

FOl amuſé à neant; deçeu par la vanité de ceſte briefue vie, qui prens ton plaſir à viure pour trainer languour, & angoiſſe porter! pourquoy te plaſt ce qui te tourmente? Et comme ne laiſſes tu de bon gré, ce qui mauſgré toy te leſſera? Que vaut ta vie dont tu ne peux acquerir que miſere, qui croiſt avecques tes ans, & ſ'enforce contre toy quant ta vertu ſe affoiſliſt? Ton aage tourne ja vers declin, & les maleurtez de ta nation ne font que commencer. Que penſes tu veoir pour plus viure, ſi non mort d'amis, rapine de biens, champs en gaſt, citez deſtruiſtes, ſeigneurie forcée, pays deſolé, & commune ſeruitute? Que apprendra ton engin deſormais fors à plaindre & gemit, & à chāger nourriture en diſette, & honneur en reproche? Se Neſtor (qui ſelon les hſtoires veſquit iuſques à trois cens ans parſonnier de la grant proſperité de Grece) ſe douloit de nature qui tāt l'auoit faiſt durer pour veoir trop de fois mort d'amis, & douleur de prouchains: tu dois auoir petit regret de remaindre viſ quant ton pays periſt deuant tes yeulx, & que fortune te oſte l'eſpoir & le ſoulas de ta vie. Penſe que par viure en ſi mortelle ſaiſon, ne emporteras autre fruit,

fors d'estre longuement maleureux. Et vne fois mourir te puet preseruer de sentir mille fois le iour trop piz que la mort. O quans haults cueurs d'ommes exercez es mōdaines enfermetés, ont volontairemēt choisy la mort pour escheuer seruitute de vie, ou pour preuenir mort plus vergoingneuse! Le vertueux Catō se occist à Vtice pour se forclorre de la tyrannie de Cesar. Mithridates Roy de Pōte, apres tāt de batailles surmōtees, & diuerses lāgues faictes ses tributaires, tourna au remede du glaiue quant il eut failly à trouuer mort par poison pour l'ysage de la medicinē qui depuis fut nommee de son nom. Et luy pleut plus mourir de sa propre main par homicide, que son fils Pharnaces, qui sa mort conspiroit, se esiouist d'auoir souillē ses mains ou sang de son pere par parricide detestable. Hannibal qui tāt rabaisa la gloire des Romains, que leur pouoir, qui le monde seigneurissoit, fut restraint & ferrē dedans leurs seules murailles; apres sa fortune muēe en infelicitē, porta tousiours en son anel le venin cōme remede final de ses doubtes au besoin, & au destroit du peril de sa vie donna au venin le nom de sa mort, pour tollir aux glaiues des Romains la gloire de l'occision de si hault Duc. Jugurthe, qui par force & engin auoit seigneury en Affrique, l'auāça la mort es prisons de Rome, voulant abregier le douloureux temps de sa captiuitē. Et le glaiue tourna Neron contre soy à l'effusion de son propre sang, pour preuenir les glaiues de Virginius, & de Galba, qui à mort le persecutoient. Encore en plus fraele sexe trouueras tu exemples de femmes, qui par mort abregce ont trouuē remede contre douloureuse vie. Ainsi le fist Lucrece, pour oster la vergoingne de sa chastetē corrompue. Et Dido contrainte du doulant regret de perdre sa plaisāce, soy mesmes se ietta en vn feu où fut arse, & bruslee. Et la fēme du Roy Siphace choisit mourir en sa libertē, plus que viure serue à homme Romain. Et toy pourquoy veulz tu vieillir en telle male mescheance, & viure en souhaitant la mort tous les iours? La cheualerie de ton pays est perie & morte, les estudes sont dissipees, le Clergie est dispers, & vague, & opprimē: & la regle & moderation de hōnestetē Ecclesiastique est tournée auecques le temps en desordonnance, & dissolution. Les citoiens

*Suet. in Ner.
cap. 49.*

*Valer. lib. 6.
cap. 1. Virgil.
4. Æneid.
Plut. in vita
Scipion.*

font despourueuz d'esperance, & descognoissans de seigneurie, par l'oscurté de ceste trouble nuée. Ordre est tournée en confusion, & Loy en desmesuree violée. Iuste seigneurie & honneur deschiet, obeissance ennuie, patience fault, tout tombe, & fond en l'abisme de ruine, & de desolation. Maudit soit le regrait qui t'amoneste de vouloir reseruer ta vie, pour te verser entre tant de tempestes, & de abominations miserables. Car tes meilleurs iours, & ton ioyeux temps est le premier passé. Et dès que ieunesse faut, là commence chagrin, & soucy de pensee. Bon fait laisser aller vn espace de ton brief aage, pour toy preseruer de cheoir en vieille poureté. Car il n'est misere plus aspre ne tant impatient enfermeté, que souffrir ensemble poureté, & vieillesse. Poureté ne puet vieillesse nourrir, & vieillesse ne veult poureté endurer. Romps doncques le lien de ta vie, qui te tient en cest amer seruage, & te deliure à coup de meschiefs infinis, par vn tout seul meschief. Eschappe à vne foiz les dangiers de fortune, & oublie tout, fors que aussi bien toust ou tard te conuient il mourir.

Dieux! comment se puet-il faire,

Que homme se veult tant mesfaire,

Et par erreur contrefaire.

La noble foy de nature?

Qui tel cure

Prent à le faire durer.

Que pour son mondain affaire,

Où tousiours a à refaire,

Luy mesmes se veut desfaire

Par mort & desconfiture

Pour iniure,

Ou par faute d'endurer?

Pourquoy rompt il la iointure

De si digne creature,

Que Dieu fit à la figure

De l'Eternel exemplaire.

Pour luy plaire

Par son sens à mesurer?

Helas! trop se desnature

Qui se liure à pourriture.

** La trinité*

Et son ame à l'aventure:

Quant infortune contraire

Le fait traire

A son corps deffigurer.

C'est contre Dieu procurer,

Au saint Esperit murmurer,

Et charité foriurer,

Et de grace soy retraire,

Et fortraire

De gloire qui tousiours dure.

C'est contre soy coniuurer,

C'est raison de mesurer,

C'est du tout auenturer,

Pcur le moins le necessaire:

Loy forfaire,

Et estre au crespne patiure.

*Nature desirant la conseruation de la creature raisonnable appelle
l'Entendement pour la guider & reduire à raison.*

L'ACTEUR.

PAr leurs paroles espouventables, & tresperçans le cœur,
& la pensée, m'auoiēt ja ces trois derroyees & sedicieu-
ses deceuereſſes bestourné le sens, & aueuglé la raison, &
mené iusques pres le mast de mortelle forcenerie en grant
haine de ma vie, & souhait de mourir, quant Nature toute
foible & abatue par melancholie, & par douleur, se print à
fremir & hericer contre la terrible freour de mort, comme
celle qui ne puet souffrir ne oyr la violente destruction de
son ouurage: mais tousiours r'appareille & soustient en ou-
tre de son pouoir, ce que fortune, maladie, ou l'elementaire
contrariété y deffait pour nous faire durer nostre droit pe-
riode. Si se esuertua tellement, & esmeut toutes ses veines,
nerfz, & ses arteriques spondilles & muscules, que par son
esbranler & debattre elle esucilla l'Entendement, qui couste
moy sommeilloit, & le bouta si vertueusement, que en sur-
sault il se leua ses yeux à paine demy ouuers, & la paro-
le tremblant & bauboyant, & se print à guermenter di-
sant.

Mm iij

*Entendement commence à redresser l'Acteur fouruoyé
du chemin de patience.*

ENTENDEMENT.

HAa ! vray Dieu en quelle resuerie ay-ie esté, ne quel fâtafieux somme m'a ainsi surpris ! que i'ay oublié moy-mesmes & delaisié le conduit de toy homme dont Dieu m'a donné la garde.

L'ACTEUR.

Sir V r ces motz tournant ses yeulx vers l'obscur anglet de mon liét, il entreuit les trois infernaulx messagers qui deuant m'auoient sermonné. Si se * ferra plus pres, criant ainsi.

*Entendement admonnest l'Acteur constitué en tribulation,
d'auoir son recours à Dieu, pour le preseruer
de mauuaise tentation.*

ENTENDEMENT.

HAa ! homme à quoy penses tu ? tourne toy vers moy, & aduise en quel dāgier tu te leisses couler : & prie Dieu qu'il te gart de mauuaise pensee, & de tentation diabolique. Ne souffre pas ton sens vaincre par ces trois enchanteresses maudites. Car plus seroies digne de grant paine en les suiuant, comme Dieu t'a plus donné de science pour les escheuer. Leurs noms sont Indignation, Deffiance, & Desesperance. Cestes furent nourries és tenebres d'enfer, ennemies de la paix, des consciences, & aduerfaires du salut des ames.

*Entendement entre en la memoire de l'Acteur, en ouurant le guis-
chet d'icelle qui estoit enrouillée d'oubliance, & occupée par er-
reur ; & introduict deux belles Dames, c'est à sçauoir Poy, &
Esperance.*

L'ACTEUR.

PAr telles parolles me amonestoit en gros, & en trouble, encores tout pesant de trop dormir, & degousté par l'amertume des poisons de melencholic. Et ie qui estoie apres tant d'ahan demouré comme esperdu & esuanoy, ne pouoie ses parolles imprimer en ma pensee, ne les recueillir

par bon semblant. Car i'auoye tourné ma face, & ma fantasie fichée vers ces trois monstres : iusques ad ce que Entendement se retrahi vers la partie de ma memoire, & ouuri à grant efforts pour donner plus grant clarté vn petit guichet, dont les verroulx estoient compressez du rooil d'oubliance. Par là entrerent incontinent trois Dames, & vne tres-debonnaire & bien encontenancée Damoiselle, qui longuement auoient musé à ce petit huys, mais nul ne leur ouuroit. Mesmement Entendement, qui defferma le guischet de ma memoire, les mescogneut à l'entrer. Car encorcs auoit il ses yeux esbloys, cōme prisonnier, qui d'vne trouble chartre vient soudainement à la lueur du Soleil. Par l'entree de ces Dames fut la place esclarcie de lumiere. Mais les yeulx de l'Entédement malade en estoient reprimez. Car la petite vertu de la veuë affoiblie du mal & des tenebres d'erreur, ne pouoit si grant resplandisseur soutenir. Pōurant estoit le regart d'Entendement tousiours abatu, & reflexy vers mon liēt, & sur l'anglet où les trois dampnees mentresses se tenoient, voire si que tourner ne se sçauoit vers lesdictes Dames, ne les receuoir & bien vieignier comme à garde de malade affiert. Mais demouroit en vne vergoigenuse desconnoissance, tant que la premiere des trois Dames se enhardit par doulces parolles que de son humble autorité, & de sa tres-auctorisee simpleste, elle commença en telle sentence.

Foy remonstre & declare à Entendement sa noble & hautaine extraction, & qu'il doit domter soubz luy l'appetit sensitif, pour par bonnes eures inuiter son Createur à luy donner sa grace,

FOY.

QVe songes tu, Entendement raisonnable, image de l'eternelle vnitē, cler ruisselet decourant de la source de vie, ray issant de la resplandisseur du souuerain soleil, dont nul ne puet fouyr la chaleur, rayant en corps humain pour enluminer les tenebres des mortels? Tu fus créé par le souuerain ouurier, qui point ne chome, duquel la prouidence veille pardurablemēt sur ses creatures, & ses beaux cieulx tournent, influent, & esclairent sans cesser enuiron la ter-

*c'est à dire,
magistra-
lement,

re. Or es conioint à corps humain, pour gouuerner la partie vegetatiue * despotiquement, & l'appetit sensitif par seigneurie royale, & politique. Nature, que Dieu t'a baillée en ayde, n'est pas oiseuse en sa commission, ainçois par ses belles vertus, qui luy ministrent chascune en son ordre, s'estudie à continuer l'espece humaine, & conseruer le indiuiduel suppost. Car la puissance Vegetatiue iamais ne repose ouec ses filles, Nutritiue, Formatiue, Assimilatiue, & Vnitiue, qui sont en continuel euure en leurs forges, dont

*bouffent

les soufflets * soufflent par les membres esperis de vie, de mouuement, & de congnoissance, pour reparer le dommage de l'umour radical, dont partie se consume, & degaste à chacun moment. Et tu, qui es plus parfait de toutes creatures, ça ius delaisse ton euure entrerompue, & ton office sans exercice, comme vacant. Et par negligence l'ame perdurable cheoit en peril, dont la perte est trop plus grande que du corps mortel. Ne scés tu que le hault Maistre des euures, dont la prouidence ne fait riens en vain, t'a mis en corps d'omme pour toy exercer, & pour dōpter l'appetit sensuel, & le mener par discipline à raison? Et se les passions humaines te contrecistent, de tant est ta victoire plus glorieuse, & ton merite plus precieux. Car l'excellence de vertu est pesee selon la difficulté de son euure. Les choses qui sont sans peine & sans danger doiuent estre sans loyer & sans loüange. La preuue t'en dōna par euure & par doctrine mō disciple saint Pol herault & publicur de mes commandemens; & t'enseigna que en enfermeté, & en peril est la perfection de vertu, & en enfermeté prenoit-il son delit, & sa gloire, pour la consequence du guerredon, par la seurte de la grace diuine, qui ne fault point au besoing aux trauaillans. Car celuy qui te fit, n'a pas voulu ta création pour toy veoir perir, mais te fist pour toy aidier, & adresser ta fragilité par la vigueur de sa grace, que tu ne puis desseruir fors par trauail en euures meritoires : vainquant le monde charnel par l'espirituelle puissance. La porte, par qui on entre à vie bien heureuse, est bien petite, estroite, & penible : & se faut baissier, humilier, & courber ses membres en mes-aise & angoisse. Mais le portail par qui on va à perdition est large & patent, & y entre l'on de legier

2.^e Cor. 12.

Matth. 7.
Luc. 13.

gier par vne double porte, dont l'un des huys est commission de pechié, l'autre obmissiõ de bien fait. Pourquoi dõc souffre ta nõchalace saucugler en la nuee de corps mortel, seduit par les passions humaines; & cheoir auec la pesantueur de la charnalité abbatuë par les hurs de fortune; quãtu le dois enluminer & resfourdre, & retirer l'anciẽne masse du corps humain encline à vice, & infecte par l'originel pechié en nouuelleté d'esperit purifié, & en participation de grace. Vse donc de ton deuoir, & ne laisse pas ce corps serf au monde te tirer auecques soy à perdition. Mais fais guet, & escoutes sur ta garde. Car en temps de tribulation se recueillent les fruits de merite, & sont ouuers les thresors de gloire à ceulx qui viennent, trauallez & chargez de biens-faits, à la porte de grace. Psal. 125.
vers. 6. & 8.

Entendement commence à cognoistre Foy par enseignes tant du vieil que du nouveau Testament, & pour à icelle fermement adherer sans fluctuation, met en suspension toutes subtilitez disputatiues, comme sont Syllogismes demonstratifs, Dialectique, Sophistique, ou Pseudographie.

L'ACTEUR.

Entendement escouta de grant entente ces tres-dignes Enseignemens, & congnt bien que ils venoient de l'eschole du maistre qui les crea. Car toutes choses retournẽt de legier à leur principe, & retiennent par naturel inclination l'empreinte de la fin à laquelle leur Createur les ordonne. Si se vergoingna de sa faute, confuz, & humble, prest à receuoir correction & doctrine. Et en ceste vergoingner'appella à soy tous ses officiaux puissances, dispersez & esgareez es destours des mondains desirs. Et pour celle heure surpedit la commission des trois seurs, Demonstratiue, Dialectique, & Sophistique, qui d'apparence verballe pouoient troubler, & empescher sa raison. Et les soubmist du tout en l'obeissance, & franche seruitute de la Foy diuine. Adonc celle Dame congneut sa contrition, & le vid humilié & docile. Si le conforta par l'assurance de la diuine clemence, qui iamais ne clost son giron à ceulx qui vers elle retournent. Et comme elle eut mise sa main sur les

N n *

yeulx d'Entendement, la veüe luy esclarcit. Si que en la vertu d'elle mesme, & par les diuines enseignes, & aoune-
 mens celestiaux qu'elle portoit, il la choisit, & congneut
 visiblement que c'estoit Foy. La premiere enseigne dont il
 la congneut estoit vn liure ancien, dont la couuerture fut
 de couleur obscure, pourtraicte de diuers signes, & figures
 entremeslées cerimonieusement, qu'elle portoit clos, &
 ploié souz son bras senestre. Et cestuy est le Pentatheucon
 de Moyse, qui fut la figure & l'ombre de la Loy de grace,
 dont la lumiere resplandissoit eternelment en la diuine
 *preueance dès le commencement du monde. La seconde
 enseigne estoit vn autre liure à sept fermouers defermez,
 escrit du sang de l'aignel sans tache, qui fut digne de cestuy
 liure ouurir par sa vertueuse passion, lequel elle tenoit de
 l'autre main tout ouuert: si que on y pouoit lire clerement
 les raliances, & reconciliations de Dieu à homme, & le de-
 cret de l'abolition de pechié avec promesse de gloire, & sa-
 lut. La tierce enseigne estoit vne couronne d'or à douze ri-
 ches fleurons arrenchiez par ordre selon leur dignité, dont
 les vns estoient si haults qu'ils tresperçoient les cieulx, les
 aucuns moyens, & autres plus bas, selon que la diuine or-
 donnance les y assist par diuers degrez, ainsi que la vision
 de l'eschiele qui apparut à Iacob le figura iadis. De laquel-
 le aucuns eschielôs passoïent les cieulx, les autres touchoïent
 à la terre, & les tiers moyénoient entre deux. Et iceulx sont
 les douze articles de la Foy. Les premiers surmontent les
 cieulx iusques à la contemplation de la diuinité, & de la
 trinelle distinction des personnes en l'vniõ d'vne seule es-
 sence. Les autres s'arrestent au moyen, touchans le merueil-
 leux mystere de l'Incarnation, Passion, Resurrection, & As-
 cension, qui plus approuchent de nostre humanité, & nous
 monstrent la mortification de pechié par la viuification
 que homme receut conioinct à Deité, & la vie de grace par
 la mort que Dieu souffrit en l'vniõ diuine avec humaine
 nature. Mais les derreniers s'enclinent à la perfectiõ de no-
 stre vie humaine, par infusiõ du saint Esperit, & des dõs de
 grace; & par l'adressesment de noz euures à salut & à gloire,
 en la puissance & par les merites de l'Eglise fondee sur la
 foy des saints Apostres, deslors que à saint Pierre furent

* predesti-
 nation

Gen. 28.

Matth. 16.

baillées les deux clefz, l'une de discretion pour discerner les indignes de avecques les dignes, l'autre de iurisdiction espirituelle pour absouldre & lier par Vicariat diuin exercé en terre, & approuvé es cieulx. Moul't fut releescié Entendement, & tres-cōforté de sa douleur, quāt il congneut par si douloureux enseignes celle que tant souuent en l'estude de sainte Theologie & en ses secretes meditations il auoit suyue & honoree. Et bien s'atendoit par elle estre enluminé & iecté hors des doutes qui l'aguillonnoïēt, & soulagié de la grant charge que le corps mortel foulé de tribulations publiques & priuees luy donnoit. Si se print à reuerer Foy en conioyſſement d'esperit par ce nouueau
 * metre: * c'est à dire,
vers.

Cantique melodicux que fait Entendement des loüanges & sublimité de la Foy, & de la production d'icelle.

O Haulte vertu diuine!
 Sous qui s'abaisse & s'encline
 Estude, sens, & doctrine,
 D'entendre si haultement.
 O clarté qui enlumine,
 Quant raison faut & decline,
 Et opinion indigne.
 Tu vins du haut firmament
 Pour donner soulagement
 A humain Entendement,
 Et oster l'empeschement
 Du charnel encombrement,
 Qui trouble le iugement
 Par son imperfection,
 Et met son entention
 En argumentation
 Pleine de deception.
 Mais ta grand' perfection
 Surmontant opinion
 Donne ferme adhesion
 Dont le cuer se determine
 A Dieu qui tout examine,
 Où science nette, & fine:

Nn ij

*Comme la source, & la mine,
Le fondement, la racine,
Et la puissant medecine
Qui l'esprit purge & affine
Par divin esleuement:*

*Et luy donne exaultement
Sur son propre sentement,
Sans prendre autre fondement,
Syllogisme ne argument,
Fors par le lieu seulement
D'auctorité qui ne ment,
En qui du tout nous som.
Car loy, ne religion,
Ne vers Dieu deuotion
Ca^{*ius} sans toy n'eussion.
Mais par ta prouision
Le croyons sans uision,
Iusques à la fruision
De sa maiesté benigne.*

Foy cognoissant qu'Entendement d'elle desiroit aide, se prend à l'interroguer, s'il a gardé le serment de fidélité par luy presté à son Createur à la reception du saint Baptesme.

L'ACTEUR.

PAr telle modulation recordoit Entendement les hautes louanges de Dame Foy, requerant son aide contre les assaulx de Deffiance, de Indignation, & de Desespouoir. Elle d'autrepart, voulât encercher les causes de l'exoine d'Entendement humain, & de l'enfermeté du corps malade, premist telles interrogations.

Foy remonstre à Entendement la tres-excellente dignité de l'ame, & la promesse qu'elle luy a fait au saint Baptesme.

FOY.

O Tu Entendement figuré au patron de la Trinité, par ces trois puissances, Cognoissance, Volenté, & Memoire, vnies en la substance diuine, seule ame qui parles

creatures faictes en ce visible mōde congnois par reflectiō
comme en vn mirouer obscur enluminé de Foy, les inuisi- Rom. I.
bles euvres de Dieu, que apres ta glorification verras face
à face. As tu memoire du Sacrement que tu me feis en la
reception du sain& Baptisme, où tu renonças aux pompes
& deceptions de l'ennemy, de char humaine, & te dedias 1. Cor. 13.
& consacras du tout au service du Createur?

ENTENDEMENT. Ouy dame.

Foy demonstre que par elle on peut vaincre toutes tentations.

F O Y.

CRois-tu que ma vertu puisse toutes tētations surmon-
ter, & vaincre les mondaines passions, & eschapper les
tourmens des paines & afflictions temporelles, & que sans
moy est impossible acquerir la grace de Dieu?

*Entendement requiert Dame Foy, estre confirmé
à surmonter les passions.*

ENTENDEMENT.

CE croy-ie. Mais des passions & tourmens vaincre &
surmonter, voudroie-ie bien estre par toy plus confer-
mé. Car icy gist le pois de ma charge, soubz qui ploye la
foiblesse de mon pouure pouoir. Si ay besoin de fort &
ferme appuail en cest endroit.

*Foy enseigne par exemples des bons anciens Peres du vieil Testa-
ment, & des Martyrs, & Sain& personnages du nouuel, que
par elle toutes tribulations ont esté surmontées, mesmes par po-
ures pucelettes les Tyrans & Emperours ont esté confuz.*

F O Y.

IE le te mōstre par exemple des choses faictes, qui est plus Gen. 22.
certaine preuue que par argument faillible. Abraham iu-
stifié par moy fut si vertueux en creāce, que il submist la
pitié de nature à l'obeissance de la Foy, quant il vbulut sa-
crifier son fils, pour obeyr à celuy Dieu qu'il creoit. Si fut
vaincuē nature en vainquant ses affectiōs par humilité de

N n iij

Exod. 15.

Foy, & fut volontairement contraincte ad ce qu'elle vouloit contrainctement. Noë premuny de Dieu par amonition, & garmy de la seurte de la Foy, acquist le merite de cognoistre la fureur diuine ou deluge, & foy pourueoir de l'Arche pour son salut. Ainsi en foy il cogneut le peril que par foy il escheua. Le peuple d'Israel en foy passa la rouge mer à sec, qui par infidelité noya les Egyptiens. Venons au temps de grace & à la reuelation des diuins secretz iadis muslez & couuerts soubz les ceremonies du vieil Testament. Et se bien y pensons deuotement, il n'est si dur cuer, ne tant incredule, qui ne doie estre rauy en l'admiration du merueilleux mistere de Chrestienne foy, par qui l'humilité des prescheurs a surmonté la maiesté des Roys; les simples idiots ont confondu les subtils Philosophes, les tendres vierges & les fraësles femmelettes ont vaincu la felonnie des Tyrans, & la sapience du monde est tournée en desprisable folie. Cy fit Dieu vn chief d'euure par ma main, où nature perdit son ordre, & estimation humaine, se rendit confuse quant elle vit mon pouoir conduire par impotente humilité, & mon sens par humble & simple ignorance. Et lors fut foulée la vanité de vie mondaine, & la foiblesse des humbles esuertuée. Car les Martyrs vainquirent leurs persecuteurs en mourant, & par mort ont trouué l'entree de perdurable vie, & triumphe sur la mescreantise des viuans. Neron, Diocletian, Domician, & Maximian, qui tindrent la Monarchie du monde, s'efforcerent d'estaindre par force & par occision le nom Chrestian. Et par simplicité & humilité de foy il fut exaulcé. Car leurs glaiues espar dirent le sang innocent des Martyrs, auquel fut destrempé le mortier du haut edifice de sainte Eglise. Or sont morts les Tyrans en opprobre de renommee au monde, & en damnation perdurable. Mais les Saints viuent en eternité es cieulx, & en louenge & en deuotion en terre. Les humbles ont effacié les orgueilleux, & les rebutées personnes sont esleues es haultx throsnes dont les pompeux sont cheuz. L'empire de Rome, qui par armes faisoit trembler soubz foy tout le monde, est succumbé par simple predication à mes piez. Et où fut iadis le riche Palais du cruel Empereur Neron, est à present la deuote Eglise du tres-debonnaire &

humble prescheur sain& Pierre. Assez te doit suffire ceste preuue à cognoistre ma vertu, & à esperer en la viguour de mes armes victoire contre les passions humaines, & resister ce aux enuaillemens des tempestes du monde.

Entendement recognoist que par vertu naturelle ne peut venir à parfaite cognoissance de vertu supernaturelle, si par Foy n'est esleué en grace sus nature.

ENTENDEMENT.

BEaux* enseignemens, miraculeux exemples, & artificieulx ouurages m'as à present declarez & ouuerts (mere tres-charitable, & maistresse excellente) & qui surmontent la comprehension naturelle de ma pensee. Car l'art de l'égin humain ensuit nature en ses euures. Mais l'art diuin, dont tu es instrument, la precede & tient serue & subiecte, & luy mue ses rigles & ses loix par esprituel pouoir, qui est par dessus les* metes de sa cōmission. Et nostre sens humain en force de sa nature limitée ne peut toucher iusques à l'infinie bonté diuine, se par vertu supernaturelle participant celle haulte infinité, il n'est esleué en grace sus nature. Ayes doncques, ayes maintenant compassion de mon enfermeté, & regarde à l'importunité de ce corps passible, qui me tient comme en cep empesché d'aller iusques à parfaite congnoissance, & me tire à imperfection. Excuse moy vers Dieu, qui telle compaignie m'a baillée, & fil te plaist ouste vn doubte qui m'est trop pesant, & respons à ceste demande. Cōme ta vertu soit si grande, que par vraye Foy sont reprimées toutes affections peruerfes, & toutes tribulations & angoisses tantost surmontées : Pourquoi souffre Dieu ou Royaume tres-Chrestien (ouquel ton nom est soustenu, & ta puissance exaulcée) regner dure persecution, & tres miserable aduersité?

Foy magnifie à Entendement la puissance de Dieu incomprehensible, auquel la bonté sur nous continuellement veille, l'admonestant ne chercher raison des faicts de Dieu, & que en ce mortel monde ne faut y prendre ses aises, ny constituer sa fin.

PAr ta demande fondée sur vne complaincte ay-ic at-
tainct la playe de ta doléance. Car tu ne scez pourquoy
fut faicte l'assemblée de ame perdurable à corps mortel,
ainçois veulx l'vsage du corps chaléger par droit, pour de-
meure seuré & permanente. autrement va. Car ce corps est
vn heberge de ton pelerinage, & t'est baillé à exercer ta
vertu, & ta constance esprouuer. La couronne n'est donnée
fors aux victorieux, & nul n'a victoire s'il n'a ennemy. Par-
tant est sa repugnance l'auancement de ton merite, & sa
nuissance le redoublement de ton loyer. Il desire repos ou
monde, & il* est né à labour. Il cherche delices & aises, & le
Royaume des cieulx se veut forcer, & raurir par violence
de paine, & d'affliction. Il tire par sapesanteur ou parfont
d'abisme, & tu le pues par agileté esleuer par dessus les
cieulx, & acompaigner à gloire en la final resurrectiō, com-
me il t'a acompaigné aux paines de ceste vie. Maintenant
oste ta sole presumption, & vaine complaincte. Le retourne
à ta demande. Ferme en ta memoire par deuotes cōsidera-
tions, que cil qui tout fit sans besoing d'aide, & sans requé-
ste d'autrui conseil, mais pour espandre la largesse de sa
bonté, a la cure, & le gouuernement vniuersel des Royau-
mes, & des personnes, & que sa prouidence adresse toutes
choses aux fins pourquoy il les crea, se leur desordonnance
ne les en destourne. Et saiches qu'il ne composa mie cest
artificiel monde en son eternelle pensée, & ne le forma pas
ainsi ordonnancement en nombre, pois, & mesure, par si iuste
proportion, qu'il n'y a que redire, en establisant sous luy
les terriēnes puissances, pour le nonchaloir, & laisser à l'ad-
uenture sans gouuernail, ne patron. Certainement sa cha-
rité n'est point oiseuse sur nous : ainçois du permanant
throsne de son eternité a regart ententif sur la mutatiō des
temporelles seigneuries, & leur rechange leurs fortunes,
leurs temps, & leurs lieux par diuerses habitudes, & men-
sentiers entremeslez subtilement, qui tous tendent au grāt
chemin du souuerain bien, & en la louenge du createur, li-
mite de sa permanence, maintient leurs mutations, & de-
uersitez, & leurs mouuement, & diuers estat, monstrent la
magnificence de sa gloire. Qui pourra doncques reprendre
l'ouurier

2. Timot. 2.

* fut fait
Act. 14.

l'ouurier à qui nul n'aprist oncques riens ? Ne comment puet homme reprouuer l'effect, dont il ne scet attaindre la preuue ne la cause ? Que as tu donné à Dieu pour ta creation, ou quel forfait luy pues tu reprocher, s'il change en toy ce qu'il a fait sans toy ? Le potier fait d'une masse diuers pots, l'un pour seruir en honneur, & l'autre en vilté, & casse ceulx qu'il a faits quant son gré y est. Et nul ne luy puet dire, Pourquoi le fais tu ? Est il aduenant, que la doulouere fismeuue contre le charpentier, ou le marteau se rebelle à son feure, & luy demande manche plus à son appetit que au prouffit de l'ouurage ? Les Roys sont l'instrument de la diuine ordonnance. Et tu veulx pour eulx raisonner contre celuy qui fitraison, & causer à la cause de toutes causes ? Cerche en ton foible papier, & examine le compte de leur office, où est le deffault, & ne quier point la faulte en la parfaicte bonté qui remple les autruis deffaux. Ne demande compte au maistre deuant qui fault compter. Mais suppose sans doubter que sa science est infallible, sa prouidence irreuocable, & sa volenté droicturiere. Car ta pouure capacité seroit tost esgarée à querir l'estimation de son infinie puissance, ne ta veüe ne pourroit souffire à si grant lumiere soustenir. O souueraine sapience plus parfonde que la terre, & plus haulte que les cieulx ! qui mesuras les temps, & assignas à toutes choses leurs metes ! où est, celuy qui iugera de tes iugemens ? ou qui preuerra l'auenement de tes ententions ? Et tu creature, qui veulx si auât encercher, mōte ou firmament, & descens en abisme ; r'appelle le preterit, & auance le futur ; desueloppe la mixtion des destinées, embrasse l'ordre des causes, le nōbre des effects, la mesure des temps, & la dependance de leurs fins. Et puis dispute contre le Createur, qui leur ordonnance a enregistré ou liure de ses secrets. Mieulx te vault conuertir ta subtilité deceuable à congnoistre toy mesmes, que trauailler en vain à espuiser la mer, à mesurer les cieulx, & estriuer à cil qui nōbre les estoilles. Las ! à paine as tu le sçauoir de congnoistre tō fait, & de gouverner vn seul corps terrestre, qui n'est par cōparaison qu'un ver de terre. Laisse, laisse faire à Dieu de l'estat des Royaumes, & de la transmutatiō des puissances. Car nul Royaume fors le sien n'est permanent, ne estable.

O o

Rom. 8.
Esa. 45.
Ierem. 18.

Sap. 15.

Qui bien quiert par congnoissance
 Des iugemens l'ordonnance,
 L'alliance,
 La durée, la constance,
 L'abondance
 De la haulte pourueance
 Où toute bonté se puise:
 N'en doit mettre la doutance
 Sur la diuine substance.
 Trop s'auance
 Par presumptiue fiance
 Qui se lance
 En si grant oultrecuidance,
 Et deffert blasme, ou reprise.
 Mais Dieu a sa marche mise
 Es cieulx, & en leur pourprise,
 Et assise
 Par merueilleuse deuise,
 Et maistrise,
 La terre au deffous comprise,
 Pour donner signifiante
 Comme elle est à luy soubz mise.
 Et veult que ce nous souffise,
 Et qui vise
 Au firmament qui reluisse,
 Et le prise:
 La preuue est la route quise
 De l'infinie puissance.

Entendement se plaint à la misericorde de Dieu, & à Foy de l'affi-
 ction du pouure peuple François.

ENTENDEMENT.

Dieu me deffende que ie doute de sa puissance. Mais
 ses guerredons, & ses punitions sont sur les creatures se-
 lon leurs euures terriennes, & limitees par sa iustice. Las! &
 i'apperceoy qu'elle tourmente tant nostre Chrestienne Frà-
 ce, que ie m'en plains à sa misericorde, & à toy, en vertu de
 celle qui elle merite, de estre preferuée & ressource. Et me guere

mente comme sa pitié ne s'estent sur son peuple tres-Chretien tant desolé.

FOY.

Se tu te merueilles des aspreses de sa Iustice, poise à l'encontre la largesse de ses graces mescongnues.

ENTENDEMENT.

L'un & l'autre fait bien à remémbrer. Mais sa misericorde est par dessus toutes eures.

FOY.

Que diras tu, se les vices de ton Royaume vous rendent indignes de misericorde?

ENTENDEMENT.

L'espere que sa debonnaireté ne nous traite pas selon nos fautes, mais selon sa clemence; & que nos indignes desertes ne luy tollent pas la dignité de ses pardonnances.

Iustice, & misericorde sont en Dieu sans contrariété.

FOY.

SA misericorde, & sa iustice ont paix ensemble: ne pour ses iustes punitiōs n'est il moins misericordieux, ne moins iuste pour sa misericordieuse indulgence.

ENTENDEMENT.

I'ay fiance de sa misericorde: mais en sa iustice ie suis serupuleux.

Congnoissance de la gravité de son peché fait iuger que Dieu plus use d'equité que de rigueur.

FOY.

PEnse à tes iniquitez, & tu y congnoistras l'equité de sa Iustice. Lors pourras tu entendre ses iugemens, quant tu scauras tes deffauts iuger, & tes offenses appercevoir.

ENTENDEMENT. Ceste conclusion m'est obscure.

Le moyen de proceder à congnoistre la difference des estats des creatures.

FOY.

LA declaratiō entendras par ceste proposition. Qui veut discerner les estats des creatures par le Createur, il com-

O o ij

mence trop hault ; & ne puet à son commencement fournir, ne iusques à fin acheuer. Mais par la perfection des choses créées, doit on entrer à congnoistre la perfection du Createur, qui leur foiblesse soustient, & leurs erreurs corrige. Et se tu vouloies ceste humble ordre tenir en nostre procès, ie te donneroie tresclere solution à ce que tu demandes.

ENTENDEMENT.

l'accepte celle forme qui plus te semble doctrinable.

Par l'estat des choses corporelles, on vient à congnoissance des choses spirituelles.

FOY.

*Arist. lib. 2.
de anima,
cap. 4.* VOicy celle qui est plus proportionnée à ta puissance. Car par l'administration des sens corporels, & par l'espece des materielles choses, te faut faire tō discours aux espirituels.

ENTENDEMENT.

Parfais, Dame, ce que tu as commencé : & tu me trouueras ententif, & docile.

Le propre erreur se doit corriger par exemple d'autrui en semblable qualité.

FOY.

DE la sainte Bible me vueil ie aider cy endroit, & par exemple d'autrui faiz, soudre la question qui te tient en l'erreur des tiens par affection.

ENTENDEMENT.

*Matth. 9.
Luc. 6.* Soit ainsi comme il te plaist. Aussi est il escript, *Que en nos propres fais nous est opinion deceuable, & sentence incertaine.*

Foy declare que les Principantez, Royaumes, & Seigneuries ne sont point créées par violence ny puissance humaine, mais par le vouloir de Dieu.

FOY.

SE nous croyōs que les terriennes puissances furent établies par le pouoir du Ciel, nous deuōs croire, que cil qui les fist, les maintient, ou defait. Car toutes choses ont d'une

mesme cause leur estre, & leur durée. Et qui diroit que seigneurie fut entreprise par la violence des plus fors sur les mendres, peu de merueilles seroit de veoir subuertir, ou muer chose fondée sur si petit & inique commencement: & qui mieux fust appelée tyrannie, que regne. Pourtant croyons nous que Saul fut le premier Roy estably de Dieu, à qui il bailla le septre de puissance, & l'vñction de grace, pour gouuerner son peuple. Et neantmoins, pour ses offenses luy osta il par mort en bataille, & à ses hoirs le Royaume, & le transmuà à Dauid, qui regna sur le peuple d'Israël vertueusemēt, & le laissa à son fils Salomon, qui le tint paisiblement apres luy, iusques ad ce que les deliz charnels peruertirent son sens. Mais si tost qu'il declina de la loy de Dieu, pour suyir ses plaisirs, Dieu luy suscita nouueaulx ennemis. Combien que lors ne luy sourdit pas ouuerte guerre pour les merites de son pere. Mais la fureur diuine tourna sur son fils Roboam, & luy retrenchà les dix pars de sa seigneurie, & tollit les cueurs, & l'obeissance de ses subiects. Car il auoit vers les sages de son peuple courage desdainieux, & despris de leur loyal cōseil, & vouloit suyure l'appetit de ses desirs, & l'opinion des fous, & voluntifs iouuenceaux qui le seruoient.

Par peché les Royaumes sont ostez, & translatés d'un à autre, & Dieu seul est qui les donne, & oste selon le merite & demerite de ceux qui regnent.

O Roys de terre, qui seés en chaire tremblant, & commandez par auctorité deceuable sur le peuple peruer-
tible! retenez ceste leçon du Roy des cieulx qui siet en trone pardurable, dont le Royaume ne se puet changer, ne l'auctorité contredire. Vostre regne faut avec vostre vie: & le sien seigneurist sur la vie, & sur la mort de tous, & de toutes choses. Vous regnez sur les suiects & sur les serfs, & il regne, & commande sur les Roys. Vous mettez loix transitoires au monde, & la loy perpetuelle deslie vos loix & lie vos puissances. Esleuez vos yeux, & humiliés vos cueurs à retenir de sa doctrine, Que par luy seul peuēt les Roys regner. Voiez que au premier Roy par luy estably il retolli le sceptre, & au tiers amoindri son obeissance, & soubtrahi ses

subiects, en signe que vostre regence ça ius n'est fors commission reuocable au plaisir du conseil de là sus. Et affin que le delit de l'onneur ne feist mescongnoistre la charge, ne delaya du premier la paine apres l'offece : pour declarer en la primitiue institution des Royaumes la condition du deuoir des Roys. Maleureuse, & trop pesante est la Couronne aux Roys, qui pour elle s'endorment en vaine gloire, & s'eniurent d'oultrecuidance, quant en descongnoissant leur humanité vsurpent l'onneur diuin. Et pour la cremeur qu'ils tiennent par force sur leurs suiects, oublient la crainte qu'ils doiuent à Dieu par raison. Ainsi se attribuent de droit l'onneur, que d'eulx ne peussent prandre, ne en la fin retenir. Ceux font du siege Royal chaire de pestilence, & la pompe de leur esleuement est la sentence de leur ruine. Car sieges Royaulx fondent sous l'omne chargé de pechié : & sa chaire se renuerse sur luy plus durement de tant cōme le fez de sa Courōne est pis soustenu. Nabugodonosor esleua son orgueil à soy faire aouer cōme Dieu : & Dieu l'abaisa iusques à paistre ouecques les bestes. Saichiez que les yeux de Dieu veillēt sur les pechiez des Royaumes, pour les chastier ou subuertir. Et te souuiēgne que il est escript que, *Les iniustices & desloyaulx mauuaisez appareillēt les Royaumes à mutation, & les changent de gent en gent, & les tirent au bas par leur pesanteur.* Car pechié est de si vile & caduque condition, qu'il attrait à soy misere & seruitute : & son delit est tousiours acompaigné de maleur, & poursuy de peine. Ainsi la diuine Iustice, qui est droicturiere, ne puet souffrir ceulx seigneurir sur les hommes, qui sont serfs à pechié. Pour ce transporte Dieu les Royaumes de main en autre.

ENTENDEMENT.

Pourquoy aduient-il qu'en les punissant de pechié, il les met en main plus pechereffe?

La correction, que enuoye Dieu par la tribulation, est signe de son amour.

FOY.

LA est manifestee sa Iustice, & agraué le tourment du pecheur. Car comme par pechié s'est esleué contre la

benigne seigneurie de Dieu, par punition est il foullé, & abaissié sous la dure tyrannie de pechié, qui veut toutes choses môdaines* soubzmettre à soy, se submettre à Dieu. Et par contraire, le mespris de Dieu rent l'omme Ybriet & serf à toutes choses. Vn fer lime l'autre. Et vn pecheur chastie son semblable, & deuient instrument de la diuine Iustice. La lime se vse, & puis est deiectée comme inutile. Et le fer limé, par l'amendement du maistre est reabilitié, & mis à proffit. Le pere prend la verge pour battre son enfant, & au battre la froisse & derrompt; & puis la met ou feu, quant il est appaisié. Sus tous par ceste maniere tient Dieu son chapitre, & sa reformation, & qui ne se sent de sa discipline, se tienne forclos de sa grace. Le fils naturel est batu de son pere au dedans de l'ostel quant il mesprêt, mais l'omme pour son forfait est sans ferir mis hors de tous poins. Et qui lit l'Isaie peult trouuer l'exemple de ceste parolle, & noter en l'histoire comme le Royaume des Assiriés fut le flaël que Dieu appareilla pour amahir son peuple d'Israël: puis brisa il son flaël, & destruisit le Royaume de Assur, & en transmua la seigneurie aux Persans, & aux Medes: & fist Babiloine inhabitable, & ramena son peuple de seruaige en liberté.

*surmôter

Hebr. 12.

Apo. 3.
Prou. 3.

Isa. 10. 37

Entendement s'enquiert à Foy, pourquoy est le peuple puny pour le pechié du Prince.

E N T E N D E M E N T.

Doncques si les aduersitez des Royaumes sont executions de iugement diuin, par la descognoissance des Roys; pourquoy portent les poures & bas subiects la penitence d'autrui pechié? Et comment adiousté Dieu nouveau tourment sur le trauail de leur labour?

F O Y.

Sainte escripture te montre que par les pechiez du Roy est puny le peuple, & par le pechié du peuple est deprimé le Roy.

Entendement s'enquiert à Foy derechef, pourquoy le peuple est puny pour le peché du Prince, & le Prince puny pour le peché du peuple.

ENTENDEMENT.

2. Reg. 24.
4. Reg. 25.
Jer. 52.
Ezech. 18.
*tirez

L'Effect congnois ie bien par exemple, Car par le pechié de Daud moururent lx. mille hommes de son peuple. Et par l'offence de ses subiects fut le Roy Sedechias puny de Dieu, pris de Assiriens, & ses yeulx* cernez hors de sa teste. Mais de toy vueil- ie sçauoir la cause de ceste alternatiue punition, qui semble desroguer à la diuine Iustice, & de mentir le texte qui dit, *Que le fils ne portera pas l'iniquité de son pere, mais que chacun soustendra le pois de son fardel.*

Peché est cause primitive de l'institution des Roys, & si tous estions iustes, ne seroit necessaire preminence de l'un sur l'autre.

F O Y.

Rom. 1.
Timoth. 13.
Rom. 7.

Les faicts de Dieu vainquent nostre iugement en les iugeant, & son infiny pouoir iustifie toutes ses euures en les faisant. Car il est iustice absoluë, qui de soy mesmes est iustifiee. Toutesuoies, pour le suppleement de nostre ignorance nous laissa il sa parolle és saintes Escriptures, qui ne peuvent faillir. Et par icelles bien entendues pouons de sa Iustice iugier, que l'establissement des Roys est fondé sur l'occasion de pechié ou peuple. Car se tous fussions iustes, crainte de seigneurie ne nous auroit mestier. Et comme escript l'Apostre aux Romains; *Le Roy n'est pas la cremeur des bien-faisans, mais des mauuais. Et la loy n'est pas mise aux iustes, mais aux pecheurs.* Et ne fait pas à laisser, que à la requeste importune du peuple, leur fut baillé le premier Roy. Encores par Samuël preaduertit Dieu son peuple des corruptions, & de l'infection, que les pechiez des mauuais Roys respendent ou peuple par vicieux exemple: & neantmoins voudrent auoir Roy.

Vn Prince vertueux est le soleil & lumiere de ses sujets pour les incliner à viure vertueusement. Et au contraire le Prince vicieux est comme une fontaine envenimee, doit tous les beuans sont empoisonnez par mauuais exemple.

O quelle

O Quelle resplendissante clarté espart sur son regne vn
 saige & vertueux Roy Catholique ! Certes , comme
 en iettant ses rais sur la terre le beau soleil abat , & depart
 les brouillas , & rend le iour cler : Ainsi le Roy droiturier
 confond , & * desprise toute iniquité , par l'egart de sa pru-
 dence , & r'adresse toutes choses à honnesteté par l'honneur
 de ses iustes faits , & renommée. Las ! au reuers qui pourroit
 penser la poison , & le venin , que l'inique & vicieux Roy
 seme par son Royaume ! Car l'iniquité descend des grans
 aux menuz , & le peuple suit la fortune , & vit au patron de
 ses souuerains. Le Roy peuers fait ses subiects dissolus. Et
 à Prince sans sens , peuple sans discipline. Vn liure faulx es-
 cript fait errer ceulx qui y lisent : & ceulx qui le contre-es-
 cripuent adiouster faulx sur faulx. Et se le Roy est le liure
 du peuple où il doit prendre enseignement de vie , & amen-
 dement de meurs , quant l'original est corrompu , les copies
 en sont traitées faulses. Catarre qui descend de la teste es-
 chauffe le foye , charge le cuer , empesche l'estomac , es-
 stoupe les entrailles , & altere tout le corps. Le vice qui du
 Prince redonde sur les subiects , peruertit l'ordre , trouble
 l'office , & empire la condition de tous les estats de son peu-
 ple. Car de la maladie qui meut du chief se sentent tous les
 membres. Entendent icy les Roys , & se ils congnoissent
 que en leur iniquité pend le pechié de tous , ils garderont
 leur dignité entiere sur tous , & vertueuse pour tous. Or en
 droit s'ensuit il , se les Roys furent establis à occasion du pe-
 chié du peuple , & à sa requeste , & les pechiez des Roys re-
 dondent es suiects , que sur ceulx dont vient l'achoisson , &
 où se multiplie la coulpe , doit tourner la vengeance. Tant
 est la nature peruerse des hommes , serue à paine , & obligée
 à correction , que puis que sa male inclination ne la puet te-
 nir en regle sans Roy , elle doit souffrir la charge & affliction
 qui sourt des vices du Roy. Pourtant est puny vn peuple
 pour son Roy , & le Roy pour l'offence de ses hommes , quāt
 la dissolution leur est ouuerture de vices , ou sa negligence
 d'exaulcer les vertus , & reprimer les meffais , est commen-
 cement de leurs desordonnances. Grant mouuement de
 discipline & de meurs doit exciter les Princes à vertu , quāt
 leur bonté puet à tous proufiter , & leur iniquité tant nuire

P p

*Et que le
bien

à vn chacun. Et de tant comme* le bien est plus vniuersel & commun, est-il plus excellent : & par le contraire le mal plus damnable. Comme par vne mesme discipline se iugent deux contraires, aussi dit le Sage, *Qu'à ceulx sera fait tres-afpre & tres-dur iugement qui s'ieent en haults sieges, & que les petitiz auront paine adoucie de misericorde. Mais les puiffans sentiront la puiffance des fors tourmens.*

Comment vertu, qui descend de supernel habitacle, est celle seule qui faiet florir, & durer les Royaumes: au contraire la gloire des mauuais, & seigneurie, n'est que comme feu d'estoupe de res-petite durée.

*f. niveau

Oyez Roys, oyez ce que le grant Roy a ordonné de vous, & se vous aimez les honneurs & les magnificences, aimez vertu pour laquelle seruir les auez, & sans laquelle garder ne les pouez. Certainement vertu qui vient du ciel, où habitent les choses perdurables, retient la trace & la semblance d'icelle de sa natiuité. Pour ce fait elle les puiffances durer, & ceulx qui l'ensuiuent demourer en leur entiere-estat. Mais vice, qui naist de basse fragilité & de passion humaine & variable, iusques au mespris de Dieu, fait ses euures non durables, & les retraits au decheement de la foible impotence dont elles naissent. Car toutes choses retournent à leur principe. Et qui ne commence son euure sur affection vertueuse, & ne la conduit au * niveau, & sous la mesure de raison, semble à cèluy qui edifie sur faulx fondement, & conduit son ouurage en tasche pour apparoir, non pas pour durer. Mais quelque beauté apparente qu'il monstre, l'edifice neantmoins s'encline, & tend de son premier estre à dechiet & à ruine. Recorde toy des sentences escrites, & des choses experimentees, & tu les trouueras accordants en cest endroit. Car la gloire des mauuais & l'esleuement des indignes est comme le feu dedans l'estoupe qui peu y dure. Or prennent ils à coup autorité vsurpee, & puiffance non deuë, & s'aveuglent en la vanité de leur fortune, quant pour le bruit des honneurs mondains, qui les estonnent, ils ne peuvent escouter l'admonnestement de raison. Leur estat n'a point de pié ferme. Car chose de legier venue legierement dechiet, & les arbres plus hastifs

portent fruit de maindre garde, & de plus courte duree, que ceulx qui à longue attrempance & droit cultiueement reçoient leur meurtre en la chaleur du soleil. Pource vois tu si peu regner ceulx qui en outrecuidance & par pechié sauancent es haultx gouuernemens. Et comme leur haulte pompe monte soudainemēt, ainsi trespuche leur estat, leur nom perist, leur auoir se pert, & leur lignage chiet en desertion en vn moment. Dauid ne pot ce merueilleux iugemēt dissimuler, quant il disoit: *J'ay veu le mauuais esleué comme un hault Cedre, & quant ie fus passé en moy retournant, ie n'en vey plus branche, tige, ne racine.* Tu vois doncques comme les regnes & les puissances establies sans droicteure, ou cōduis par déraison, sont non certains, & tirent le Roy & le Royaume à paine & à mort, qui est la soulede, & le guerredō de pechié selon saint Pol. Et ce loyer doit estre rendu selon la qualité des desseruans. Et pource faut il par force que les iniquitez du Prince (qui est publique personne, dont le meffait attrait vniuersel esclandre, & domaige) attrayent aussi telle generalité de paine sur tous.

*Psal. 36.
vers. 37.*

*Exhortation aux Princes de recognoistre que toute puissance
vient de Dieu, qui est fondement radical
de tout pouuoir.*

Rois de ce bas monde enferme,
Où Dieu a mis fin & terme
Que nul ne peut trespasser:
Vostre pouuoir n'est pas ferme,
Se Dieu ne le vous afferme,
Par qui main vous fault passer.
Que vault à tort amasser,
Et poure peuple lasser,
Quant vous estes de tel germe
Que mort vous fait trespasser,
Et vostre pouuoir casser,
Dont souuens n'est plouré larme:
Se vostre cuer ne s'afferme
En Dieu, qui ferme & defferme,
Compter fault au rapasser.
Pour ce dois raison passer.

Pp ij

*Voz desirs, & compasser,
Si que Dieu les vous conferme.*

*Entendement demande à Foy, pourquoy sont punis les
iustes avecques les mauuais.*

E N T E N D E M E N T.

B Elle doctrine & parfonde instruction se puet recueillir de tes parolles. Mais encores ay-ie vn scrupule sur la diuine iustice, de tant que elle punist les iustes ouecques les pecheurs, & les innocens met ou compte des peruers. Las! quantes iustes & paisibles creatures ont pourté la paine & angoisse de ceste guerre! Quans hommes de honneste vie en ont pris honteuse mort, & maintes cheuances bien acquises ont esté rauies & tollues iniquement? Le voy les meschans & les reprouchables personnes comblez & habondans, les prudens & honnestes hommes mendians & disetteux. Chasteté longuement gardee en honneur est cōtraincte à vilain meschief, par necessité & par outrage. Homme n'a ce qui est sien, ne bien fait ne reçoit le guerredon de sa vertu. Mais la force fait vn droit à parfoy, & oultre cuidance vsurpe & s'attribue l'honneur sans la desserte. Où est doncques la diuine iustice, ou à quel temps est elle reservee? quant iamais ne nous puet secourir ne redresser à plus grant besoing.

Foy remonstre que de l'affliction des bons en ce monde, ne de l'exaltation des mauuais ne se faut esbahir, & croire qu'en toutes choses Dieu est iuge, droicturier.

F O Y.

SE vostre bieneurté estoit és biens de ce monde, & vostre arrest sy fichoit sans autre vie attēdre, ou plus hault bien esperer; grant apparence auroit en ton argument. Mais la droicturiere & finable punition des damnez, & le loyer des bien-eureux n'est pas à acquerir les biens & honneurs transitoires de ce monde. Car qui void les mauix impunis, & les biens mal guerredonnez entre les terriens, puet penser ou qu'il est vne autre vie où tout est reformé par égalle iu-

ffice, ou que celuy iuge, qui en ce mortel mōde nous maintient, n'est pas droicturier enuers tous. Et par cest argument s'efforcent aucuns de monstrier la perpetuité de l'ame, la resurrection du corps, & le general iugement. Mais il doit à chacun souffrir ce que le Createur en a ordonné, & voulu par moy annoncer. Toutesuoies des pechiez publiques voit on toujours ça jus tost ou tart exemple du courroux de Dieu, & execution de paine sur les delinquans. Car quant les orgueilleux sont plustost en haut esleuez, tant tresbuchent-ils plus brief & durement. Et les cheuances mal acquises mettent l'acquireur à mes-aise & en peril, & en foy espartant comme elles vindrent, laissent tousiours luy ou ses hoirs reprouchiez & souffreteux.

ENTENDEMENT.

De l'estat des iniques laissons auenir comme Dieu ou fortune veult. Car en leur perte a moins de dommaige & de plaintes. Mais sur l'affliction des iustes vueil-ie oyr ta responce.

FOY.

Cuides tu cognoistre le iuste d'avecques le pecheur, & estre certain du secret des pensees, dōt Dieu a reserué à soy la cognoissance? Les punitiōs des hōmes ne sont pas tousiours selon le present meffait, ne pas ne leur en est besoin. Car se à tous propos qu'ils commettent pechié estoient punis, on les cognoistroit par spectacle. mais Dieu premuni de toute misericorde punist souuēt les pecheurs quant il les trouue faisant bonnes euures presentes, pour la vengeance des meffaits qui semblent passez & oubliez. Ou temps du meffait n'est pas homme capable de la grace de correction & de penitēce. Si le prent Dieu plus à chastier, quant il est bien disposé à le recevoir. Tant est sonue sa sapience, & sa iustice si enlaccée à sa pitié & grace, qu'il attend longuement à flageller les mauuais, en espoir de leur amendement, & remunerer les bons pour esprouuer leur souffrance, & accroistre la perfection de leur merite. Mais il recompense sa demeure par augmentation de grace, ou par aggrauement de paine. Le medecin ne baille pas à boire au malade à l'appetit de sa soif, mais choisit &

attent l'eure au prouffit de sa santé. Et se le patient crie & se guermente de la durté de son mirrhe, qui le laisse en telle chaleur esleuer, pourtant n'est meü le sage Phisicien à luy ottroyer. Car telle compassion dommaigeable ressemble mieulx à cruauté que à pitié. Cest exemple meü saint Hierosme mon greffier ou Prologue de la Prophetie Abacuc, qui en escriuant en la personne des hastifs desirs humains, contre la tardité & longue souffrance des iugemens de Dieu, forma la demande pareille à la tienne : & là en trouueras tu la responce plus amplement, & entédras comme l'ignorance humaine demande souuent à Dieu contre son salut. Et il, qui a donné à toutes choses lieu, & temps, & scet quant son aide & son secours, ou ses chastiemens nous sont salutaires, les depart non pas à nostre * affection, ne à l'eure de nostre desir, mais à sa voulenté raisonnable, & au prouffit de nostre perfection. Or ne te esbahis doncques plus, se tu vois souffrir paine à ceulx que tu reputes iustifiez. Car tu ne scés quel gaing espirituel redonde de ce temporel dommaige, ne quel pechié passé & couuert se tapit soubz celle iustice repute.

*election

Entendement s'enquiert de Foy, pourquoy sont punis pour les fautes de l'administration publique ceux qui n'en ont aucune charge.

ENTENDEMENT.

SAlomon, qui fu aprentif à ton escole, nous donna pour regle qu'on a le tourment par ce mesmes dont on fait le pechié. Comme doncques sont tourmentez pour les debatz publiques ceux, qui és choses publiques n'ont aprouchement ny office?

Foy respond à Entendement, que non seulement ceux qui mal administrent la chose publique sont punis, mais aussi ceulx qui à tel damnable gouvernement ne contredisent, ou par flaterie & ambition y consentent.

FOY.

TOn erreur est fondée sur ignorance. Car tu cuides que celuy seul fait l'offence à Dieu, qui commet en appert l'execution du pechié. Autrement va. Certes les consentans ou qui de leur pouoir ne résistēt : & les autres qui blandissent à la fortune des pecheurs, suyuent leur bruit, & cō-

joissent à leur vanité, sont parsonniers & nourrisseurs de pechié, & donnent le hardement de faire mal, & l'obstination de continuer. Haa ! Entendement, si tu cognoissois tous ceux qui si long temps ont dissimulé les iniquitez, dōt ceste corruption epidimial est aduenue, & quelz hommes ont honoré la vaine gloire des mauuais esleuez, & quis l'ombre & le port sous l'orgueil des autorisez par iniquité : tu dirois que peu en a qui se peussent laver de ceste tache. Et vous tous François, qui auez rendu honneur aux estats vsurpez, & aux richesses rapinées, & non pas à vertu : pourquoy laissez vous ployer la grauité de voz courages à adorer & coniouyr ceulx, que leur desuergongnee entreprise, ou vostre folle souffrance ont esleuez en autorité sans merite ? Comme vous pouez vous débaismer d'auoir en cest endroit commis * ainsi que vne publique Idolatrie, ^{* comme vne priue} dont vos meurs sont corrompus & vostre police peruertie ? Qui est apres ces fautes celuy qui se iugera digne d'eschapper la commune paine de vostre Royaume ? Les vns ont commis le pechié, les autres en dissimulant ont donné consentement & adhesion raisible au mal. Aucuns par non obuiuer aux publicques infectiōs ont esté ahoison de la croissance des maux, & multiplication des mauuais. Autres par encliner & tenir en reuerence & chierté les puissans dissolus, leur ont donné cueur & entreprise de soy estudier à vice : & leur ont esté la vergoingne de leur eshontee dissolution, laquelle par volenté les fauorisans ont ensuie, & désirée. Encores te di-ie que se aucuns y a entre les autres vertueux, ou Dieu les oste du monde, qu'ils ne soient infects par la contagion des autres, ou les preuient & retrait par affliction, & par aigre paine, à ce que la vanité des delices ne les seduise parmy les mauuais. Auec ce, croy que les vicieux souffre la diuine clemence viure, ou pour attendre leur correction, ou pour exercer à vertu les bons entre les aguillons des crimineux. Laisse desormais ceste question, & te souffise de demourer en ceste sainte & humble pēsee, que celle verité infinie, qui de nos biensfaits ne peut mieulx valoir, ne par nos faultes empirer, tiēt sur tous egalle & droicturiere Iustice, nō pas par nous, ne pour nous, mais par l'essentielle perfection de sa naturelle bonté.

Entendement interroge Foy, pourquoy l'Eglise est affligée.

ENTENDEMENT.

IE me contente de ceste submission deuote. Mais pourquoy Dieu souffre sa sainte Eglise, & ses sacrez ministres ainsi defouler, viltoier & mespriser, voudroie-ie bien encores, fil ne te desplaisoit, enquerir : & ne m'en puis deporter quant ie voy les Prestres à Dieu desdiez, & les Moynes benoitz, & le Clergé sur tous autres mocqués, & enuahiz les premiers, & les biens des Eglises abandonnez en proye, & en rapine. Et tu souuerain Pastour, pourroyes fil te plaisoit, ton Eglise & tes ouailles preseruer de toute violence, & de guerre : comme tu ayes deffendu d'y main mettre, & sentencié en sainte Escriture, que *qui leur touchera, touchera la prunelle de ton œil.*

L'ambition, auarice, & mauvais exemple de vie Sacerdotale est cause que l'Eglise est affligée, & l'honneur d'icelle tant amoindry. Et tout ainsi qu'en sa naissance par poureté & humilité a esté esleuee, maintenant par richesses est vilipendee, & son honneur aboly.

FOY.

C. 1.

MAlachias le Prophete t'en donra là solutiō, par la bouche duquel Dieu ietta la maledictiō sur l'iniquité des peruers hommes d'Eglise, en leur disant : *La bouche des Prestres est une espargne de science & de doctrine, qui doit rendre compte de la bonne obseruance de la loy. Car le Prestre est comme un Ange messagier du Dieu victorieux. Et vous Prestres qui auetz foruoyé de la droite voye, & escandalizé le peuple par le mauvais exemple de voz vices, & rompu le conuenant de sainte purté, que vous m'auiez fait ; ie iuge & dy que pour la transgression de vostre saint estat vous serez abaissés & foulés au dessous des autres, & chacun vous courra sus & mesprisera, cōme le reprouche du monde.* Ce sont parolles diuines, & maintenant sont les cas commis, la paine executée, & la prophétie auérée. Ne vois tu l'orgueilleuse pompe, l'insatiable ambition, & les meurs eshontez de ceux qui se dient ministres de Dieu, & seruent au monde ? Tant en est huy qui quierent la praye des reuenues, les fruiets des benefices, & le seruice de Dieu & salut des

des ames laissent en nonchaloir ? A autrui commettent ils volontiers le deuoir de l'office : mais ils retiennent pour eulx le prouffit. Ils vaguent par les desirs mondains, & s'ingèrent aux vanitez des Cours temporelles, & aux occupations des eures layes : & à toy Dieu du Ciel, dont ils veulent estre dits vicaires sur terre, laissent ils conuenir de ton Eglise. Ha! vray Dieu, tant perilleux vicariat ne se doit tant hardiement demander, pour l'exécuter si negligemment. Et me merueille comme * homme ose prendre orgueil & presumption pour dignité de benefice, dont il desdaigne le mystere & le deuoir. Las ! non pas le deuoir & le sacrifice seulement ont ils en mespris, mais se hontoient de vestir l'abit & de garder l'estat de leur profession : & tiennent à honte l'Ordre dont ils conuoient & prisent tant l'emolument. Puis doncques qu'ils ne honnorent leur dignité, qui les honnorerà ? Se ils desdaignent sainte Prestise, qui la prifera ? Se elle leur est à vergongne & à charge, de qui sera elle loüee & soustenue ?

* puet homme
me

O sainte mere Eglise, tu fus fondée sur humilité, qui est la premiere pierre de l'edifice de Iesus-Christ, & par humilité gardée sous la cremeur de Dieu, & esleuee en exaltation sur le monde. Maintenant par orgueil contre Dieu te fault tourner en depression sous les mondains. Tes ministres, & predicateurs de Foy furent iadis en sang martirez. Et ils sont ades tirans d'argent, & negociateurs de la terre. La sainte conuersation du Clergié esmeut pieça les courages des Princes, & des conquereurs à toy donner, & la dissolution des Clers enhardit ades chacun à leur tollir. Et tu Dante poëte de Florence, se tu viuoies ades, eusses bien matiere de crier contre Constantin, quant ou temps de plus obseruee religion le osas reprendre, & luy reprouchas en ton Liure, qu'il auoit ietté en l'Eglise le venin, & la poison dont elle seroit desolée, & destruite. Pource que il donna premier à l'Eglise les possessions terriennes, que aucuns autres auctorisez docteurs luy tournent à louange, & en merite. Qui te mouuoit à si Catholique Empereur enuair & blasmer, fors les scismes, les discords, les desordonnances, & iniquitez que tu veoyes naistre en l'Eglise par l'abondance des richesses du Clergié ? qui sont nourriture

Qa

Ms. ne les
penst bien
dōner sans
pechié.

d'ambition, & d'enuie; ainsi que la gresse est nourrissement de feu, & l'uille de la flamme. Je ne t'accorde pas que pour l'abus des receuans soit frustrée la charité du donneur. Et se les Clers ne peuvent abuser des possessions sans damnation, il ne s'ensuit pas que Constantin* ne fist chose de bonne entente à les donner sans son pechié. Ainçois doit la punition tourner sur les abusans, non pas sur luy qui les donna pour en bien vser, & affin que nécessité de viure ne induisist & menast à pechié les ministres de sainte Eglise, ou que la simple poureté de l'Eglise ne fut foulée trop de legier par temporelle puissance, ou desdaigneuse disette. Vray est qu'il ne les donna pas aux hommes, mais à Dieu pour ce qu'il veoit que l'Eglise, & mesmes l'ordre Catholique estoit comme en voye d'estre delaissee, pour ce que peu de gens se ingeroient au lieu saint Pierre recueillir, pour le petit prouffit ou reuenu qui y estoit. Et lors Constantin meubien & releuemēt de l'Eglise, luy donna les possessions terriennes qu'elle tient, qui depuis s'est augmentée des dīmes & oblations courans, avecques les censures & offertes ecclesiastiques, qui est le droit patrimoine du crucifix, qu'il acquist de son precieux sang par sa tresdouloureuse passiō. Tant seulement en sont les Prestres dispensateurs, & ministres, & en tiendra Dieu la raison & le compte sur ceulx qui les veulēt posseder comme leur chose, & enrichir leurs parens, & accroistre & augmenter leur temporel patrimoine.

*Comment la negligence des Prelats, & dissolution des
bas Prestres, engendrent le scan-
dale en l'Eglise.*

* c'est Bo-
heme

O Saint Prophete Daud, tu preuoyés bien ceste abusīō en esperit, quant en parlāt de ceux qui vsurpent le Sanctuaire de Dieu ainsi que leur propre heritage, tu les condamnas à estre comme la roē, dont le dessus reuiert au des-sous, & comme l'escouble deuant le vent qui n'a point d'arrest ne de duree. Ta parolle est à present confirmee par l'euure. Car la moleste oppression du Clergié de France (dont tu Entendement te guermentes) & la persecution des Prestres de * Bahaingne occis ou dechassez nous en

font certains. Ne plaise à Dieu que telle confusion se multiplie en pis sur son Eglise. Et pour vray l'estat present fait la sequelle auenir moult douteuse, puis que les pechiez du Clergié prouoquent si auant l'indignation de Dieu, & attrayent la hayne & mespris de ses loix. Car celle secte perilleuse a plus de fauteurs que d'aduersaires. Et se la racine en est en Bahaingne, les branches & les rainisseaulx s'estendront ailleurs, & voudra chacun tollir à l'Eglise ce qu'il ne luy donna pas. La dissolution des bas Prestres commainça ceste playe en Bahaingne, & la negligence des grans Prelatz la fera croistre & durer par tout, qui tant fuient les saincts Conciles comme les mauuais enfans l'eschole. Plus y a, car ils veulent estre crains, & fulminer de leger sentences, & excommuniemēs sur les peuples pour menues debtes, & pour chacune legiere achoison, & ils ne doutent la sentence du Prestre perdurable, qui puet lier & absouldre, & qui offrit son corps & sa vie pour noz pechiez. Nous voyons que tout ordre & reigle de sainte Prestrise est bestournée, & qui est dure chose, les subiects se veulent maintenant tous exempter de leurs Prelats. Mais plus dure chose y a. Car les Prelatz se viuent & contiennent cōme exēpts du deuoir de leur estat, & de la cremeur de Dieu. Cognoissent au moins que Iesus-Christ est le souuerain Euesque de l'Eglise, dont le Testament fut de humilité & de charité, & du iugement duquel nul ne pourra appeller. Lors leur vendra à memoire la reuelation d'Ezechiel, qui hautement maudissoit les pastours qui ne paissent que eulx mesmes. Si auront frayeur du grant mechief dont Dieu les menasse. *Exch. 34. & Luc. 23* Je me tais des simonies & contractz illicites. Car l'air se obscurceroit de la seule recitation. Et si ne vueil point trop auant entrer à detester la promotion des indignes, dont l'Eglise gemit, & ie m'en plain, & les Royaumes en chieent tous en detrimēt, & en reprouche. Dieu! quel merueille se ils en sentent la debilitation, & le dommage, puis que les Roys procurent telles promotions, dont leurs Royaumes ont faute de conseil, disette de doctrine, exemple d'iniquité & spectacle d'ignorance. Or as satisfaction de ton doute, & n'auras desormais moins l'opprobre & la vexation du Clergié, se tu penses bien que la dignité de l'estat fait la gra-

Q q ij

uité de l'offence. Car à ce mesmes propos, te dy au contraire de la crainte de Dieu, qui a deffendu de toucher à ses ministres. Certes qui abuse de son priuilege il le pert, & qui se transporte en aucune apostasie, ou irregularité, il est hors d'administration Ecclesiastique, & priué de tout son priuilege.

*Entendement s'enquiert pourquoy sont polluz & gastez
les saincts lieux des Eglises, puis qu'ils n'ont
en rien mespris.*

ENTENDEMENT.

ENcores remain le doute de la violation des Eglises, & pollution des saincts lieux, dont l'iniure est à Dieu, non pas à ses ministres. Car l'iniquité des vicieux Prestres n'en-coulpe en rien l'immunité des saincts temples.

Dieu souffre que les Eglises soient selon l'opinion des hommes polluz & maculées, pour punir l'ambition & vaine gloire des Prestres, qui s'attribuent sous l'ombre de l'Eglise l'honneur de Dieu.

F O Y.

IE te renuoye à Ezechiel. Là liras tu comme la vanité des Prestres, qui s'enorgueillit és magistras du temple, & se delite és honneurs deus à Dieu, & vsurpez par eulx, est punie en ce dont elle quiert sa desirée vaine gloire: & la permissiõ diuine souffre violer les saincts lieux pour abatre le violent orgueil de ceulx qui s'en attribuet l'honneur & la seigneurie arrogamment. Neantmoins la diuinité du Tout-puissant demeure inuiolable, & les lieux qu'il asanctifiez n'empirēt pas leur dignité par l'indignité des hommes. Se polution ou sacrilege est fais ou temple, la conscience des faiseurs est premier polue, & leur foy violée, ne la tache n'en demeure en l'Eglise, mais és ames des pecheurs qui le font, ou pour qui pechié Dieu le souffre faire. L'euure est de soy vile, mais toute la vilté en tourne sur les coupables de la vilennie. O Chrestiens que Dieu a esteus parsonniers de vie perdurable, & qui apportastes du sainct baptisme la marque, & l'esigne de Iesus Christ vostre Dieu & vostre Seigneur &

maistre : comment osez vous violer ce qu'il vous a laissé çà ius pour vostre sanctification, & pour sa memoire? Dont auez vous cueur qui vous esmeue, ne piez qui vous portent à entrer par violence, & par pechié, le lieu où vous deuez recourir, pour estre purifiez de pechié? C'est le retrait des repentans, & vous y faictes attrait de larrecin? C'est le lieu de reconciliation, & vous y exploictes par force les conseils de iniquité: Vous ostez à Dieu, dont tout vient, ce qu'il a retenu & consacré à luy pour sa part. Et il vous forclorra de participer à sa grace. Je me esbais comment les mains sacrileges peuent obeir au cueur endurcy à executer si grief malefice, dont l'iniure est à Dieu directement. Et pourquoy creature ose tant presumer contre Createur, qu'elle face rebellion au Tout puissant, & force en la maison du Prince de toute verut.

Que mescongnoistre Dieu, & ne faire exercer Iustice, est cause de la ruine des Royaumes, & perdition des batailles, & de tous maux.

Saichent tous, & vous François, que descongnoissance de Dieu, & faute de Iustice vous ont acoustumez à sacrileges. Apprenez, se ne le sçauiez, que ceste seule offēce souffist à confondre Royaumes & Seigneuries, à destruire & dissiper ostz, & batailles, & pour le peché d'un, faire ses confors mal-heureux. Car l'offence est si damnable, qu'elle forclost toute grace de biē faire, & tout cueur de prouffiter en vertu. Pompee apres tant de victoires establit ses cheuaux au temple de Salomon, & depuis ne fit fruit à foy, ne à la chose publique de Rome, ne honneur à sa renommee; ains de toutes ses entreprinſes ne luy aduint sinon desconfortures, fuittes, & villaine mort. Heliodorus, qui vint pour rober le temple, fut feru par punition de Dieu deuant tous. Antioche despouilleur des temples fut mangé de vers, & sa chair tourna en pueur, & pourriture luy viuant. Et le Royaume des Assiriens fut translaté aux Persans & aux Medes en la fin du regne de Balthazar pour les sacrileges de son pere. Trop ne pourroyē detester cestuy horrible meffait, dont l'offence est à Dieu seul, & à luy seul a reserué la vengeance. Car religion est de si grant excellence, que mesmes des

Macha. 3.

Ibid.

Ibid.

Q 9 iij

temples des païens efforcer a Dieu souffert auenir punitiōs publiques. Et combien que les Idolatres attribuaissent diuinité à choses vaines, toutesuoies n'a il pas voulu que mespris on force fust faicte sans paine en lieu dedié par eux au titre de deité, pource que les mescreans ne deuoient sainement villener ne mescraindre ce que par erreur ils adouroient comme Dieu tout-puissant. De ce curēt les Gaulois experimēt apres la prise de Rome, quant ils voulurent *assaillir le temple d'Apolon en Delphos, où ils perdirent la multitude de leur ost, & la force de leurs armes fut dissipée & destruite. D'autres exemples te donnera Valere largement. Et se tu prens garde aux cas à auenir, tu verras tous ceulx cheoir en miserable vie, ou finer par honteuse mort, qui se sont forclos de l'aide de Dieu par la nuisance de ce pechié.

Genuahis

*Paul. ad
Heb. ca. 10.*

De sainte Foy Chrestienne

*Nous fut la Foy ancienne
Et table Moïscienne
La pieça figuratiue.
L'autre Loy fut terrienne
Et ceste est celestienne
De pechie Physicienne,
Et reconciliatiue,
Sainte, & viuificatiue,
De damnation crainsiue,
Ou de gloire expectatiue.
Quant le grant iuge vendra,
Duquel la sentence viue,
Finale, & diffinitive,
Contre qui nully n'estrine,
A perpetuel tendra.*

*La un chacun attendra
Le loier que Dieu rendra
Tel qu'à l'euure appartendra,
Al'egal de sa deserte.
Le haut orgueil descendra,
L'umblé cuer és cieulx tendra,
Le foulé se soustendra,
Lors sera Iustice ouuerte,*

Et pouruuee recouuerte,
 Et malice descouuerte,
 Plus ne se tendra couuerte
 La iustice droitcuriere.
 L'heur mondain cherra en perte,
 Equité sera aperte
 Et de tous sens, & experte
 Des ingemens la lumiere.
 Si n'est drost que homme se fiere
 En presumption si fiere
 Que ades trop doute, ou enquiere
 Sus diuine prouidence.

Mais Clergié qui a science,
 Sens, on grant experience,
 Prelature, & audience,
 Et les biens de Dieu demande:
 S'il n'a humble patience,
 Religion, continence,
 Et crainte obedience,
 Tant est sa coulpe plus grande,
 Il peche, & antruy escande,
 Il enfraint ce qu'il commande,
 Dont Dieu luy fera demande
 Au iour du dernier arrest.
 L'Euangile dit & mande,
 Que l'Eglise en tel commande
 Souffre necessaire escande,
 Mais se garde par qui c'est.

*Comment Entendement s'esbahist & s'enquiert comme se
 peut faire que afflicte on tant dure au Royan-
 me de France.*

ENTENDEMENT.

Combien que tes saintes resolutions ayent humilié ma
 pensée à bien sentir de la diuine Iustice : si voudroi-je
 oultre bien entendre, comment la punition es parties de
 nostre Royaume dure si longuemēt, & que tousiours croist
 & agrege puis vingt ans.

FOY.

Dy moy combien a que tes Princes & le peuple François commencerent à laschier leurs cueurs à vilté & à pollution d'onneur & de vie, & ie te respondray par apres.

ENTENDEMENT.

Ie confesse que de noz iours auons peu veu qui ait gardé honnesteté de vie, grauité de meurs, ne purté de conscience: ains a chacun applicqué l'auctorité de sa puissance, & l'abondance des biens, à l'appetit de son vain desir, plus que au debuoir de son estar.

Comment le Royaume de France est en affliction, pour l'obstination de peché, pour le contemnement des corrections de Dieu, pour auoir laissé la vertu des progeniteurs, & par ambition auoir voulu le gouuernement du Royaume.

FOY.

ET se Dieu a si longuement souffert vos meurs obstinez, & attendu l'amendement de vos dissolutions, comme ne pouez vous soustenir l'equité de sa Iustice? Vous voulez qu'il vous souffre viure iniques & mauuais, & ne le pouez souffrir iuste & droiturier? Ses corrections vous ennuiuent si tost, & il a tant longuement enduré vos deffaulx? Mesure temps à tēps, & tu trouueras que les pechiez ont trop plus duré que les penances. Car ils commencerent long temps auant la paine: & si durent, & multiplient entre les chastiemens. Tu veux que Dieu destourne son flaiel de dessus les pecheurs: & ils ne veulent destourner leurs cueurs de pechié. Comme seront ceulx dignes de sa paix, qui le prouoquent à greigneur indignation? Le beuf qui estrie contre l'aguillon est poinct doublement. Et qui résiste à discipline, & mesprise correction, sera mesprisé du correcteur. Et se vn fils empoigne par rebellion la verge de son pere, le pere recourt au baston qui est plus dur, & oblie le chastiemēt de discipline pour la rigueur de punition. Et par la bouche du Sage mande Dieu à ceux qui mettent en nonchaloir sa doctrine, & mesprisent ses chastiemens, qu'il se rira en leur mortel misere, & se mocquera de leur soudaine confusion. Visez, vous François, & ramenteuez à vous mesmes, comme vous

me vous avez vescu puis le trespas du Roy CHARLES quint decenom, qui vous laissa le Royaume comblé de biens, eureux de paix, & seur d'ennemis. Auez vous bien vſé de celle haulte prosperité? Vos predecesseurs l'acquirent par exercice de dignes euures, & par vſage de vertu. Et les successeurs la perdent par nonchalance de biens-faits, & par abusioſion de puissance. Dieu la donna par le merite des bons peres: & il l'a tollue aux enfans forlignez, pour leurs demerites. Vos grans chiefs ſeſtudierēt dès lors à embrasser la ſeigneurie, & à enuie entre eux meſmes. Ceux Princes, qui par aage, & par aineſſe deuoyent eſtre patrons d'honneur, & mirouer de perfeſtion, furent monſtre de pompe, & aguilion d'enuie. Les vieulx ſe ^{*aſſubieſti-} ^{reſcar} aſſentirent à ambition pour ſurmonter l'un l'autre par arrogance: & les ieunes apprirent à corrompre leurs meurs enſemble par faute de doctrine, & par diſſoluë compaignie. Or ont tant bien retenu l'emprainte de legiere vanité, qu'ils ont voulu viure comme galans en-prodigalité oyſeuſe, & ſoy veſtir comme iongleurs en habit deſſroyé: ne la deſatrempance de leur courage ne s'eſt peu celer ſoubz la deſguiſure de leur habit, & le deſſroy de leur maintien a mis en meſpris l'oſtination de leur ſens. Les nuits leur ont eſté trop courtes pour leurs deſuergōdees plaifances, & les iours trop brieſs pour dormir eſ liz ſans exploit prouffitable. Que ont ils gardé des excellēces ^{*Royaume} ſeigneuriaux, & retenu des dignitez des Princes, fors le nom ſaint & vain ſeulement, dont leurs euures les dementēt, & deſdient? Voulentiers reçoieēt les reuerances, & la crainte des ſuieſts avec l'emolument des terres. Mais le fais de bon gouuernement, & la charge de tranquillité, & de Juſtice (qui ſont les fais de leur principal charge & office) ont ilz abandonné. Cuidoient ils ſeigneurir contre nature de ſeigneurie, & regner maugré la voulenté & l'ordonnance du Roy des regnans? Il ne ſe puet faire. Car toute-puiſſance eſt de Dieu, & les Princes ſont miniſtres & inſtrumens de ſa ſaincte prouidence. Et que fera l'inſtrument ſans l'ouurier, quant l'oſtil, qui n'eſt pas propre à ſon ouurage, il puet mettre ius, & reprendre un autre. Tu homme mortel veulx gouuerner le peuple de Dieu contre ſon vouloir, & ſans ſa crainte, & il t'aſſuieſtira mauſgré toy ſans t'y

R

appeller. Gens aueuglez d'onneurs seigneurifans verbaument sur les pouures, & vrais subiects & serfs des iniquitez, & des vices; pensez que cil qui vous a donné naistre vous bailla seigneurie, & cil qui vous fait retourner en poudre, & en vers pourris, la vous puet retollir. Roy qui portes couronne & sceptre en ce monde, qu'as tu dauantage sur vn pouure berger: ou que t'a donné nature, & ton pere plus auant, fors ce que Dieu y a mis par priuilege de grace? Tous estes d'un germe, & entrez en ceste vie fraesle nuds, & plorans: & en yffez despoillez, vils, & abominables. Or n'y pouez riens prandre pour vous, se non vostre repas viatique: ne rien en emporter, fors la tache de vos deffaux, ou le merite de voz vertus. Et vous vsurpez violemment, ou indignement exercez l'office diuin, & tournez en vostre priue gloire, & à vostre plaissance & prouffit, ce qui est estably pour l'honneur de Dieu, & pour l'vtilité de tout le peuple. Qu'est seigneurie sinon auctorité humaine sous la puissance de Dieu establie, pour garder loy à l'vtilité publique & paix des suiects? Autrement en voulez vsfer. Car vous en faictes violence brutale en mespris de Dieu, abandonnee à rompre la loy, pour le delit ou rapine priuée ou trouble des suiects. Il vous semble, que seigneurie vault autant à dire comme puissance de mal faire sans punition. Cuidez-vous

^{* en partie} tenir de Dieu, ^{*} par paraige, & parier auecques le non-pareil: vous luy deuez foy, & hommage, & seruice comme ses creatures, & auec ce comme ses ministres, & à son peuple

Rom. 13. iustice, garde, & droicteure, comme administrateurs, & commis. Et se vous ne le faictes, il reprendra son fié, & reuoquera vostre commission, & vos mauuaistiez mettra en perdition, & baillera sa vigne à autres vigneron, qui la cultiueront pour faire fruit en droicte saison. Les seigneuries qui viennent par hoirie furent au premier comméce en forme de election: & l'exellence vertueuse de ceux qui à ce furent esleuz, les rendit dignes de tel honneur, & depuis tournerent à leur premier hoir par permission du peuple.

matth. 7. 12. Et qui fit ce, fors la confiance de nature, & l'esperance de l'honneste nourreture & sainte doctrine des bons parens?

Luc. 6. Car naturelle vertu procrée communemét ses effectz semblables à leur cause, & de bons peres engendrent vray sem-

Hor. Od. 4. lib. 4.

blablement les bons fils. Le sens, & grauité des vaillans parens se espart, & communique à leur generation, par vsage de bien endoctriner, & frequentation des hautes euures. Ainsi plusieurs communittez ont accepté seigneurie hereditaire nommee Royaume, comme plus parfaicte, & semblable au regimẽ vniuersal qui tout deppend du chef, lequel est commencement, & fin de toutes choses creées. Car là est perfection acheuee, où la fin & le commencement se ioingnent, & que multitude est ramenee à l'vnité d'vne simple & indiuisee puissance, qui est dictẽ ou appelee Monarchie. Autres ont accepté les magistrats de homme choisy, & exalté en seigneurie, ou principauté pour sa vertu. Et ceste principauté s'appelle Aristocracie, qui est à dire puissance de vertu, de laquelle vsèrent les Senateurs de Rome, & les Venitiens en l'institution de leur Duc en vsent encore. Aucuns y a qui se gouernent par personnes establies à presider certain temps, pour garder le iour, & l'egalité à chacun de la communauté en auctorité, & puissance en son endroit, selon les estas & richesses. Et ainsi instituerent les Florentins leurs Prieurs des arts, & Conseil des Anciens. Et ceste puissance s'appelle politiquement Timocracie, qui est en commun parler, election, que aucuns par l'instabilité douteuse de souuent echanger seigneurie, & affin de oster achoisons de diuisions au choisir & partialitez de gouerner, ont escheué, & mieux aymé cōtinuer par ordre de nature, & reigle de doctrine leur seigneurie en vne morigence maison, & glorieuse lignee, que souuent choir en tumulte de mutations, de discords, & d'enuies. A ces trois politiques especes sont opposites trois inciuiles vsurpations de maistrise. * Cest à sçauoir Tyrannie, confusion populaire, & pluralité seigneuriale.

* Ms. au Royaume contraire, Tyrannie à Aristocracie, en laquelle peu de gens veulent maistrise: par iustice, Oligarcie, Timocratie, Democratie, qui est gouuernement populaire, en confusion & sans ordre.

Comment Foy deplore les notables & vaillans hommes qui souloient estre en France, & par lesquels elle a esté exaltée, regrettant la corruption de maintenant, & deprimee nourriture des Gentils hommes.

R r ij

*Arist. lib. 1.
Rhet. ad
Theod. ca. 3.
Idem cap. 7.
lib. 4. politic.
& d. cap. 8.
2. ad Theod.
quã Aristocratiã vocat
optimatum
electionem.*

O Noble Maison des fleurs de Lys, qui tant as engendré de haux hommes, & fleuri longuement par la renommée de tes glorieux Roys en vn mesme sang & famille! où est la magnificence honnoree de ton estat? Qu'est deuenue la louable ordonnance de viure, la monstre de hōnesteté, la constāce de courage, & de meurs, & la haultesse de cuer & d'entreprise, que tes deuanciers laisserent aux successeurs? Tout est corrompu, chasteté qui souloit tenir tō estre certain, par son eslōgnemēt la laisse souspeçonneux. On nourrist les ieunes Seigneurs es delices, & à la fetardise, dès ce qu'ils sōt nez: c'est à dire qu'ils apprenēt à parler. Ils sont à l'escolle de goliardies, & viles paroles. Les gēs les adoutēt es barbeaux, & les dūisent à desconnoistre eux mesmes, & autrui. Qui est celuy tāt ignorāt, qui ne sache bien que à l'entour d'eux se ingerent par presumption, ou entrent par faueur, hommes qui ne les *seussent informer de science, ne vīager à quelque bon ouurage? Ne vois tu que desordonnance a si desfreiglē celle police, que ceulx sont dūis aux aises priuées, & conduis en la paresseuse negligence, qui sont ordonnez pour trauailler au commun bien, ainsi que fils estoient seulement nez à boire & à menger, & le peuple fait pour les honorer? Plus y a. Car ce fol langage court aujourdhuy entre les Curiaux, **QUE NOBLE HOMME NE DOIT SCAVOIR LES LETTRES**, & tiennent à reprouche de gentillesse bien lire ou bien escrire. Las! qui pourroit dire plus grant sōlie, ne plus perilleux erreur publier? Certes à bō droit puet estre appellé beste, qui se glorifie de ressembler aux bestes en non sçauoir, & se dōne loūange de son deffaut. C'est trop oublié le priuilege d'humanité pour viure brutalement en ignorance. Car se homme a excellence sur les bestes par sçauoir, bien doit surmonter les autres hommes en science, qui sur les hommes a seigneurie. Si ne sçauroye reprendre celuy qui dit, que le Roy sans lettres est vn asne couronné. Par ainsi il ne faut douter que seigneurie & seruitute sont establisement de loy raisonnable, non mie don de fortune. Et se tous sont egaux humainement quant à l'engendrer & au naistre, cil qui par la loy a preeminence de gouuerner, doit auoir par exercice perfection de cognoissance. Il est clair que domi-

* seuent

nation & seruage sont instituez par statut humain, mais ils ont leur commencement en la faculté de dame Nature. Car ceux qui Politiques nous escrirent, ont baillé par conclusion que les hommes d'esleué entendement sont habilittez par le don de Nature à gouuernement & seigneurie. Et les rudes qui ont leur vigueur es forces corporelles sont deprimez & donnez à naturelle seruitute: ainsi que le corps mortel est subiect à l'esprit pardurable. Et se tu veux sçauoir dont est source telle ianglerie mensongere, penes que les mauuais officiers ne peuent conuenir avec le Prince sage, & seruiteur desloyal desire maistre ignorant. Car vice est fondé d'ignorance, & nourry sous tenebres, & loyauté requiert cognoissance & lumiere. La sottie d'un petit homme ne nuist gueres qu'à luy seul: & peu d'autres se soubtrillēt à le deceuoir. Mais Prince non sachant trouble l'estat d'un chacun, & est la targe des mauuais, & la couuerture des crimes. Doncques doit auoir sçauance de tout cognoistre celui qui tout a en garde. Car la discretion d'eslire & sens d'escheuer est seant à l'omme, que tous contendent à plus vouloir approuchier par auctorité, ou surprendre par malice. Et plus doit cautelement & sagement aller cil qui plus perilleusement doit trebuchier. Et par raison eil a besoing de sçauoir sur les autres qui ne puet errer sans dommaige des autres. Ia pour telles legieretez de parler & faute d'entendre, ne sera fauécée la sentence du diuin Platon, qui tenoit les seigneuries & choses publicques pour heureuses, quand les studieux hommes & parsons en haut sçauoir les gouuernoient. Salomon le Roy tres-sage & paisible en fait la preuue, quant tant de Liures de saincte doctrine escriuit, & par sens & science dissipa toute iniquité, & ietta de sa seigneurie en son temps meschief & discordes. Auicenne qui profondement attingnit les secrets de Nature, & vous laissa les belles distinctions de Philosophie & Medecine en son Liure des Canons fut Prince d'Aboaly. Et son ennemy Auerroes commentateur d'Aristote estoit des Ducs de Grece. Iulius Cesar, heureux de victoires, & glorieux en empire, n'estoit-il Orateur & Philosophe excellent, & trouuons ses orations escriptes, & des euures d'Astrologie par luy amendees? Et se les Histoires sont veritables, l'Almage-

*Dial. 5. de
Iust. inf.*

*Suet. in Iul.
Cesare. cap.
55. & 56.*

R r iij.

*Val. lib. 3.
cap. 7.*

ste, & autres principaux liures des celestiaux sciences sont attribuees à Ptolomee Roy d'Egypte, qui assembla la noble Librairie en son pays, dont nul ne pouuoit estimer le nombre de volumes. Et Mitridates Roy de Pont comprint tant de science qu'il parloit par xxij. langages à xxij. nations qui sous luy estoient. Ne scez tu que és premiers ans furent les sept artz appelez liberaux, pour ce que les Princes, & les liberalles & franchises personnes y estudioient. Et aussi par iceux sçauoir vient on à liberté, & par liberté à franchise, & seigneurie. Et d'autre part, les haux hommes qui premierement establirent principautez, & firent les Loix, par qui le monde est gouverné, furent ensemble Princes, & Clercs sçauans, & puissans Cōseillers, executeurs & conditeurs des Loix par leur sens, & conseruateurs d'icelles par pouoir vigoureux. Et plus se assurerent ou sçauoir que ou pouoir. Car sçauance est de soy mesme puissante. d'acquérir & accroistre pouoir. Et puissance sans sens, est comme vn arc sans corde, & comme vn beau bras paralitique bien formé d'os, & de chair, & de nerfs, & desgarny de sensitifs esprits. Qui augmenta plus Rome à venir à seigneurie, que les artz liberaulx, que Numa Pompilius par grans amonitions de science annexa aux loix morales, & policiennes, & aux faicts triumphaux de Romulus son predecesseur; iugeant que euure de faict, supposé que executée soit, se elle n'est ratiffée par la loy de prudence, n'est comme point durable. Quant Licurgus, & Phoroneus ou temps des Grecz, & depuis Iustinian, & les autres Empereurs Romains eurent estably & ordonné les loix, ils reseruerent aux Princes le pouoir de les interpreter & soustenir. Autrement elles eussent esté faictes en vain: Car la loy escripte est de soy morte, & sans vigour. Mais le Prince est la loy viue, l'ame & l'esprit des loix, qui leur donne pouoir & vertu, & par son sens & adressement les viuifie. Et puis que és loix, & escriptures est la prudence & le sens humain: indigne chose est, que celuy demeure non sçachant qui est la vie des loix, & l'adressement du sçauoir du monde. Par ceste descongnoissance tels Princes ont voulu viure seigneurs des hommes & subiects des vices, ils ont descongnu Dieu leur souuerain Roy pardurable, & il les a faitz estre descon-

gneuz par leurs temporels subiects. Ils ont voulu soubmettre humaine raison à leurs mondains desirs, & il les a soubz-mis à sa raison eternelle.

Le peché de blaspheme, vie voluptueuse, & paresse, ont mis les François en la seruitude de leurs ennemis.

O François, François ! vous auez par vne damnee & accoustumee blaspheme despité le nom de celuy à qui tout genoil se doit flechir, & il vous a par l'vsance de sa Iustice mis en blasme, & en reprouche des nations, & fait ployer vos corps, & encliner vos testes deuât vos ennemis. La vie outrageuse est tournée en miserable mort, vague & voluptueuse vanité en estroite prison, & fierté orgueilleuse en tres-humble & ployante seruitute. Cognois tu or endroit que negligence marâtre de vertus & mere de folie tire l'omme à basse renommee & en indignité de seigneurie ? Par semblable est malheureuse ignorance imperfecte en soy, & en ses euures impotente. Et qui laisse la cognoissance de Dieu & de son office, pour s'uir comme les bestes mues ses seulz deliz, grace & seurte le delaisent ; & paine, honte, & misere le poursuiuent iusques en vergongneuse fin.

ENTENDEMENT.

Retourne à l'interrogatoire premier, duquel tu me sembles auoir vn peu esloigné. Et me contente de la longue duree de nos maux.

Comment l'ire de Dieu dure sur les pecheurs tant que dure leur iniquité.

FOY.

MAis excuse se tu scez la tres-durcie & longue obstination de vos cueurs, ains que tu accuses la longueur de tō iuge. Et se il delaye à soy appaifier, plus delayez vous à vous repentir. Tousiours aura sa main à ferir estendue, *Psal. 77
v. 13* tant que son peuple ait retourné sa face vers luy en humilité. Crainte & humiliation attrait misericorde, & mespris & murmure aggraua vengeance,

Quelles autres persecutions cognois-tu auoir tant duré, que par icelles selon Catholique introduction nous deuions apprendre à souffrir, & retenir en si continuelles douleurs exemplaire de longue patience?

Comment par blasphemies les enfans d'Israel se rendirent indignes d'entrer en la terre de promesse, & furent menez prisonniers leurs chefs de guerre, & les plus honorables de leur terre.

FOY.

Deuter. 1. **N'**As tu pas leu que le peuple d'Israel fut par quarante ans errant par les deserts pour leurs contradictions, & murmures, dont ils enaigriront sur eux l'indignation de Dieu? Aussi as-tu leu de ceulx qui furent chefs de la rumeur & ahoison de desobeissance? Lesquels, comme dit le texte, n'entrèrent point en la terre de promesse: ainçois les souffrit la diuine determination mourir les vns apres les autres es deserts, & en purger peu à peu la compagnie ains que mettre son peuple en la possession de l'heritage à luy promis. En autres pars d'escritures en a assez de pareilles sentences. Entre les autres, bien specialement en la transmigration de Babiloine, quant pour les blasphemies du nom de Dieu, preuarication de loy, & infection d'idolatrie, Hieremie par le decret du iugement des cieus anoncia en Hierusalem, que les Princes, & les chiefs du peuple, les anciens & les maiours des lignées seroient menez prisonniers en Babiloine, le temple despoillé, & le peuple transporté en estrange seruitute, comme puis aduint. Et quant le peuple retourna de seruage en franchise, & de l'affliction de Babiloine en la tranquillité de Hierusalem, les blasphemateurs du Tout puissant, & les violateurs de la loy, qui furent commencement & exemple d'inimitié, ruinèrent ils en paix en leur pays? non. Ainçois dura la persecution tant que celle generation maudite fut estaincte & ostee de dessus la terre. Et leurs enfans, que travail auoit appris à patience & vexation, introduis à entendre, recouurerent comme innocens de peché le merite de grace, & comme

comme vrais enfans d'Israël l'eritage de leurs peres. La durée de celle playe fut longue, ainsi que de l'aage d'un homme enuiron de septante ans, afin que les mauuais cependant mourussent en chetiuoison, & que Dieu restituast sa terre de peuple tout nouuel examiné par aduersité. Icelle mesme persecution effaça les iniques, & fit l'espreuue & la confirmatiō des bons. Si fut cōuenable en deux endroiets. Car Iustice diuine se manifeste en extermination des reprouuez. Et le souuerain biē des * ieunes & des nouueaulx, est d'amatir leur desir voulentif par paine contrainteue es premiers ans, & porter le jou de subiectiō sur la chaleur de adolescence. <sup>* iouuen-
ceaulx</sup> Considere les discors de l'infortune presente, & tu y trouueras correspondance. Combien que ce n'est en entente, de ramenteuoir ceux que leurs coupes selon le droit * diuin ont semblablement tiroz, & tirent chacun iour notoirement à despourueuē mort, ou publique male meschance. ^{* commun} Vueille Dieu que ce qui nuit aux viuans, prouffite aux succedans, & que ce flael soit plus abregé, & misericorde plus prochaine à vous à la loy de grace, que au peuple des Iuifs en la loy de rigueur. Et ce puet venir par voz contritiōs, & depent de la clemence du pere eternal, qui puis la Passion de son filz Iesus-Christ a plus tenu close sa fureur que sa benignité: Et * qu'il appaire estre vray, il a plus auancé sa misericorde au peuple Chrestien, qu'il n'a fait aux enfans de l'ancien testament, ausquels il retardoit sadiete clemence, & misericorde plus sans cōparaison, qu'il n'a fait aux Chrestiens puis sadiete Passion. <sup>* en l'hu-
manité de
son filz a
auancé, &c.</sup>

*Entendement requiert congnoistre que les maux que l'on
souffre soient par punition diuine,
& non par fortune.*

ENTENDEMENT.

POUR oster les demourans de mes doubtes, & confermer ma pēsee en cremeur de Dieu, mōstre s'il te plaist, que ce que nous souffrons soit punitiō diuine: & que on ne le doie imputer à fortune, ne aux efforts de humaine puissance & de mondaine entreprise.

*Foy demonstre punition venir de l'ire de Dieu, & la donne à
cognoistre par trois raisons.*

FOY.

MAintes choses manifestes se monstrent en ceste malediction, qui te feront certain de ce que tu quiers. Car les causes efficientes de chacune chose reluyent en leur effect, & la demonstration humaine se commence en imperfection par les accidens & par les effects imparfaits. Mais ie ne m'arreste à tel discours. Car argumens & syllogismes sont forclos de mes metes. Si viens à ce que les saintes Propheties en enseignent, & trouue que trois choses principales donnent signe de diuine fureur sur les nations, & de l'ire de Dieu contre les seigneuries. La premiere, quāt le mal & la persecution commencent aux Souuerains, & aux Princes; & que les chiefs sont premiers ferus & exterminiez, ou effacez d'entre les autres par descouenable mort, ou deprimez en sens & en pouoir pour maleurté damnee. De ceste parla Dauid, qui disoit à Dieu: *Tu as seru la teste en la maison du manuais, & desnüé le fondement de sa force iusques au col. Tu as iecté ta malediction sur les Sceptres, & sur les cheue-
tains des gens-d'armes.* La seconde enseigne du iugement diuin se descouure, quant les hommes chicent en nōchalence de remede en aduersité: mais descognoissent leur eas & leur peril, & ont l'aduis troublé au besoin, conseil incertain & vaguant en la necessité. Et tu celestiel Isaie, qui en la loy de Moyse euz esperit Christien, & sembles mieulx escripteur d'Euangile que annonciateur de Prophetie, descriuis clairement ceste demonstrence en la persecution que tu predicts sur Egypte: laquelle l'Abbé Ioachim & autres saintes personnes ont depuis exposée pour France, disant ainsi en la personne de la diuinité: *Je amatiray vostre cuer dedans vos entrailles, & precipiteray vostre conseil: & mettray en vous esperit tournoyant, variable, & sans constance: en vous feray errer comme l'omme yure qui pert le scauoir de soy conduire, & la vertu pour soy soutenir.* Tiercement peut on apperceuoir le glaiue de Dieu leué sur les seigneuries, lors quant entre les efforts des forains ennemis s'engendrēt es royaumes discordes ciuiles, & que la force de resister dehors est tournée sur

Isai. 19.

soy mesme pour confondre sa propre resistance. [* Pour certain l'euidence en est tout oultre manifeste, se on voit que ou dedans des haultx palais naissent & croissent intestines dissentiōs, & priuées deffiances.] Car le venin & l'infection de ciuile discorde fut ordonné de Dieu pour reprimier l'orgueil des haultesses mondaines : & afin que ceux qui surmontoient les autres si esleuément, que nul autre mondain ne les peust humilier, fussent par eux mesmes reprimez en humilité sous Dieu, & ramenez à cognoissance de leur fraëlle puissiance. Et ce nous ratiffie la decision Euangelique, *que aux Royaumes diuisez mande desolation & ruine.* Applique or endroit ces signacles à ta matiere, & regarde quelle pestilēce merueillable, & quieulx exploictz de condemnation sont cheuz sur tes Princes & sur les haultes personnes & hommes esleuez de ton Royaume. Nombre par les ans les males auentures, & tu te esmerueilleras comme en si peu de temps tant de puissans hommes sont periz ou mors, & la gloire de seigneurie venue en captiuité & à misere en brief espace. Où est vne noble maison en France, qui se puisse dire quiēte des dangers de prison, ou exempte des douleāces de nouuelle mort? De toutes parts les chasteaux sont habitez de veufues esplourees ou desolces femmes de prisonniers : & sont les seigneuries en mains d'enfans & d'orphenins. [* Et se aucuns vous sont demourez en estat, qui ayent l'aage, & le droit de seigneurir; à plusieurs defaillent les dignitez & vertus de seigneurie: & tant plus empeschans que exploictz, & à faire charge plus conuenables que à donner confort.] Brief en tous estatz les magnifiques en euvre, les excellens en sçauāce & en industrie, les preux & courageux en armes & en vaillance, vous sont presque tous fortraiz, puis l'un, puis l'autre. Et ne vous est gaires demouré de si grant nombre de parfaits hommes, fors vne multitude poure, esperduē, & despourueuē, sans force, sans adresse, & sans cuer; voire avec telle infelicité, que si par bonne inclination ou grace aucun se eslieue entre vous & dispose à haultesse le cuer & à bien faire, Dieu & fortune ne le laissent durer, & ne vous peult demourer chose en estat qui soit esperance de vostre ressource. Entre ses angoisses, & aux plus fortes contraintes de voz affaires

Adionsté du
Ms.

Matth. 12.
Marc. 3.
Luc. 11.

Adionsté du
Ms.

voz cueurs s'essuanouissent, & vous laissez couler à la fortune comme femmelettes. Si perillez nonchalamment à vostre escient, sans mettre nul arresté cōseil en voz euures.

*Foy reproche aux François leurs seditions intestines
& guerres ciuiles.*

Bien est aueré sur vous le langage du Prophete qui disoit: *Vous parlerez beaucoup, & il ne s'en fera riens. Vous conseilerez souuent, & voz conseilz seront vains, variables, & dissiperez. Et procederez en voz faits comme l'aveugle, qui va tatonnant à la paroy, & ne sçet à quoy s'affermir, ne en quel endroit il en est.* Ainsi en faictes vous. Car voz conseilz sont sans liberté & sans ordre, voz opinions, par affection, voz conclusions sans arrest, & voz ordonnances sans exploict. A vous en aduient ce que Dieu decerna par la voix d'Isaie sur ceux qui chastier ne se vouloient, par telz termes: *Mandez & remandez, attendez & r'attendez, maintenant deçà, maintenant delà. C'est le chemin parquoy vous cherrez en arriere, & serez marchiez sous les piez, enlancez, prins & perilz par variableté de conseil, & par faulte de constance.* Au surplus il vous est aduenue comme à gens maudiz, que si maleureux que vous estes, ne puez ensemble viure ne durer, & destruisiez vous mesmes, & aneantissez voz euures par voz debatz & enuies, plus que par les glaiues de voz aduersaires. Vous estudiez à rebouter l'un l'autre, & * nōchalez le reboutement de voz ennemis. [* Vous auez malice & entreprise contre voz prouchains, & estes negligens & simples vers voz persecuteurs. Vous ne puez endurer des vostres, & vous seuffrez estre desers & chetifz par vos contraires.] Quelle chose puet ayder à celuy qui nuit à soy mesmes? Ou comme pourra durer la cité, où le siege est par dehors, & la guerre au dedans? [Par ces significances cōgnoissez que la main de Dieu est sur vous. Mesmement aduersité ne vous aprent riens d'amendement, & trauail ne vous donne point de cōgnoissance.] Que esperera l'en de vous, quand vous mettez vostre gloire, & appliquez vostre estude plus soigneusement ad ce qui est la ruine de vostre prosperité, & la demolition de vostre puissance? Tant sont baignez & emprains voz cuers en murmures & en prieuez discords, que iusques

*vous en-
dormez au
reboute-
ment

Adiouste du
Ms.

dedans les couches, & au milieu des tables de ceux qui mengeuent & dorment ensemble, est la soufpeçon couuerte, & la fiance faillie. Vous demandez paix à Dieu par rancune, & requerez misericorde l'espée au poing. Vous voulez estre aimez sans charité, & demourer en seurté sans bonne foy. Pourquoy vous gardera Dieu des ennemis, quand vous perdez vous mesmes ? Quelle humilité pourriez vous parder en temps heureux, quant voz presumptions & voz rumeurs croissent entre les meschiefs ? Vostre honneur perist, puis que voz vaillances s'espreuuent à mordre & abbayer l'un l'autre en trauers, & en tapinage comme chiens & chatz de chetif courage, & laissez la proteſtiō du commun salut. Certes en cest aage semble bien estre consumee la vision que la Roynne* Basine monstra à Chilperic pere de Clouis sur la generation des François : dont ie me rapporte au texte de voz Chroniques, que vous deuez lire & sçauoir entre autres histoires, se à negligence ne tiēt. Arrestez vous sur ces points, & deormais ne reuoquez en doute que sur vous ne soit espandue l'ire diuine, qui vous rauale & destrainct par dessus la fortune du temps, & plus vous grieue & empesche que ne fait l'ambition outragieuse de ceux qui vous guerroyent.

*Ms. Sabaz
ne

En toutes entreprises faut auoir toute sa fiance en Dieu.

Tue aduersité tourmente,
Chair esment, & monde tente,
Et malin esperit attente
Pour sa tente
Peruertir & decenoir:
Ferme tousiours & presente
Corps, cuer, sans fiance, attente,
Conscience à Dieu patente,
Force, entente,
Raison, vouldenté, sçauoir.
En la bonté excellente,
Vers qui tout se represente
Et à qui riens ne s'absente,
Là est de salut la sente.
Tu fuz né pour la deuoir.

SR iij

*Là se r'apaise & contente
Cœur, qui à Dieu se guermente,
Et lamente.*

*Là puet il confort auoir.
Et si te fais à sçavoir,
Que armes, engin, ou auoir,
Et quanque homme puet sçavoir,
N'esmouuoir,
Est sans luy force impotente.*

*Crainte ne la puet mouuoir,
N'affection d'esmouuoir
De iustice au droit du voir
Promouuoir,*

*Soit briefue, tardine, ou lente.
Mais qui vent clair percevoir,
Et droit conseil recevoir,
D'orgueil se doit remouuoir,
Et pourueoir*

*Que arrogance ne luy mente.
Lors en faisant son deuoir
Puet les sept dons recevoir,
Que saint Esprit fait plouuoir,
Et r'auoir
Grace prouchaine & presente.*

L'ACTEUR.

*Ms. affe-
grit,

PAr ces solutions & decissions Catholiques demoura Entendement * assoulagié, & rendu en plus doux repos de consciéce. Car des secrets de sa pensee furent baloyez tous scrupules sur les iugemens diuins, & la crainte de Dieu, qui entre tels scrupules se tapissoit, moitié receuë, moitié rebutée, demoura seule victorieuse en la discretion d'Entendement. Celle l'esmeut à derechef former nouuelle demãde sur ce qui est auenir de ces premisses en ceste sentéce.

*Entendement demande à Foy, quelle retribution fera Dieu
apres plusieurs peines souffertes en ce monde.*

ENTENDEMENT.

DAme qui portes en toy les dignitez figuratiues de saint Esprit, & par sainte simplicité columbine as

vertu de diuin message à confermer les creatures en cognoissance du Createur, langue & parolles tresperçans plus que glaiues agus pour paruenir iusques à la diuision de l'ame ioincte au corps sensitiuement, & de l'esperit esleué à Dieu par espirituelle grace, & feu embrasé de vray amour & crainte de celuy qui nous appella à son amitié pour foy enamourer de nous le premier. Ce que nous est adueni me donne à present moins de pois à porter, de tant que tu m'as monstré clerement l'equite diuine, & l'iniquité de noz humaines offences. Et cil ne doit indignement soustenir la paine, qui arrogamment a commis la desserte. Mais quel soulagement dōneras-tu à nostre petite foiblesse? quel confort du temps auenir, ou quel espoir d'alegement nous promets-tu? comme tō maistre & nostre iusticier nous ait tous faits pour participer à sa bonté & estre accueillis à sa clemence, & qu'il ne hee rien de ses euures, & de luy, qui est la bonté des bons, ne puet mal yssir. Que deuendrons nous, ne quelle fin mettra-il en noz males meschances?

Foy non voulant vsurper iurisdiction sur sa seur Esperance, renuoye à icelle Entendement, pour auoir solution de certaine question proposée.

FOY.

TE souffise ce que j'ay dit, & ne me contraincts à embrasser autrui office. Car combien que mes seurs & moy soyons alliées, & noz fins & noz commencemens soient vni en vne mesme cause efficiente, & finale, & noz moyens conuincts & inseparables; & toutesuoies appartient ceste demande à ma seur Esperance, vers qui tu en trouueras la response.

L'Acteur declare que c'est que de Foy & d'Esperance, surquoy elles sont fondées, & en quoy elles different, & de la contrariété de vertu, & de vice en leurs operations.

L'ACTEUR.

DAme Foy apres ces parolles garda silence, & donna lieu de parler à Esperance sa seur, comme à celle qui adresse

*Ad Heb. 11.
D Hier. cap.
28. epist. 41.
tract. 9. part.
3. D. Bern.
serm. 10. in
Psal. qui ha-
bitat in ad-
itorio. c. in
demo. de pe-
nit. dist. 4.*

** al. Alegon*

Ier. 17.

l'esperit à entēdre par desirēuse cōfiance ce que nous deuōs premier entendre par entiere foy. Car la creance va deuant l'espoir, & la certaintē d'esperer est fōdēe en la fermitē de biē croire. Aussi est appellee Foy la substance, c'est à dire le fōdemēt des choses esperables, & l'argumēt des choses qui ne peuēt apparoir par humaine raison, pourtāt que'elle n'a point de piē ne de soustenuē, en quoy elle se puisse fonder sur sens humain. Mais par les esles de ferme adhesion, elle eslieue la credence de l'ōme sur son propre sçauoir. Et quel part que soit experimēt ou argumētation, cesse le merite & la perfection de sainte foy. Si est par metaphore cōparable à l'oyse, qui s'appelle * Aleriō, lequel n'a point de piez pour errer sur terre, mais est tout son mouuement par esles qui l'exaucent en l'air. En Esperance doncques nous attendons ce que par foy nous croyons. Et qu'est Esperance sinon certaine attente de la beneurtē future par grace de Dieu & par preuention de saints merites? Vray est que nous pouuons aucunes choses ça ius esperer, comme, la grace de Dieu, son aide, & le benefice de protection & de soustenāce. Mais toutes ces choses ne sont fors moyens de paruenir à la beneureuse fin de perdurable gloire: puis que es choses de ça ius ne s'arreste Esperance, se non en tant qu'elles sont les adresses & conduites de son chemin. Ainçois passe plus outre son appetit & sa fiance, & tire iusques au parfait & souuerain biē: outre lequel ne faut rien querir, & qui est la fin de toute tendence & inclination des choses creées. Si dy que toutes noz attentes mondaines sont appellees Esperance par analogie, & par participatiō, en tant que leurs fins subalternes tendent en la final & infinie fin, & participent de sa bontē, de laquelle les autres fins particulieres prennent leur nom & leur biē. Et qui espere en Dieu auoir santē ou victoire, ce doit estre pour appliquer celuy don de grace à gloire & à salut. Et toutesuoies nous puet bien Esperance conforter es choses de ça bas, en tant qu'elles se peuvent rapporter à celles de là sus. Car toutes choses furēt faictes de Dieu, & pour Dieu: & par Dieu ont leur durēe sous Dieu, & leur reduction en Dieu. Cest ordre estably entre les vertus garda dame Foy, en r'enuoyant la congnoissance de la derreniere question à sa seur Esperāce. Et icelle

comme

comme officiere du Prince d'ordonnance, dont toutes les euures sont réglées ordonnéement, garda son rang & print sans enuie & sans arrogance l'office de parler, que Foy luy laissa par humilité & par ordonnance d'honneur. Car les bontez des vertus ne sont iamais discordans ne derogeans ensemble, ainçois conforment & accordent bien auecques bien, & verité auecques verité. Mais entre les vices a cōtrariété & debat, & mettēt trouble & en dissention sur foy mesmes la pēsee où ilz habitent. Paresse veut dormir & nonchaloir, & auarice quiert trauail & chagrin. Ire meurt riotes, noises, & cris, & luxure conseille blandir, flater, & deceuoir. Remirons icy la merueille des euures diuines. Car comme la propriété de sapience soit d'ordonner ses effects, nous trouuons que tout ce qui est de Dieu tient & garde ordonnance, & ce qui naist de peché tourne en desroy, en agitation confuse, & inuolution desordonnée. Or mist Foy Esperance au deuant de la couche, & se retira vn^e petit. Et si tost qu'Entendement sentit Esperance approucher, ses esperitz se esleuerent, & se dressa & leua ses yeux ententifs de l'oyr en attendāt reconfort. Ceste dame Esperance auoit la facieriante & ioyeuse, le regard hault, & la parolle agreable, la main garnie d'une boëte de cypres pleine d'oiemens cōfiz de promesses faictes iadis aux Peres par les Prophetes, & à nous par la bouche du Filz de Dieu: & cestuy est le bāme de consolation des saintes Escritures, qui nous nourrist en Esperance, & assouaige les douleurs des angoisses du monde. En l'autre main tenoit l'anel de la verge d'un ancre d'or, dont le bec estoit fiché dedans les cieulx, affermé en la seurte de la parfonde misericorde du Createur. Tantost ceste dame ouurit sa boëte, & le lieu fut rempli de si delitable odeur, qu'elle me tresperça iusques au cuer, & surmonta la puour, dont les trois dessus escrites fantasies m'auoient empunaify. Si ne peurent Desfiance & Desesperance plus endurer celle delicieuse^e senteur, qui est à leur nature contraire cōme tyriaque à venin. Et se tirerēt arriere en l'ombre de la courtine du liēt, cōme en tapinage. En ce moment Entendement confermé par Foy, & ja touché de loin de l'odeur de la boëte & de l'approuchement d'Esperance, que Foy luy eut desia fait cognoistre, l'arrai-

M. pou-
chet.

* flairent

*Entendement entre en familiarité avecques Esperance, & en
 declamant ses vertus & louanges luy
 demande son aide.*

ENTENDEMENT.

*vaincues

Bieneureuse & conioye soit ta desirée venue, Dame se-
 courable, source de confort, & refuge des adoulez. Car
 en plus grant necessité ne me puet ta vertu secourir, que en
 ceste mienne douleur, où i'ay esté puis ton esloignement
 pis qu'en sepulture, & par ton approuther me sens comme
 ressourdant de l'ombre de la mort en clarté de vie. O com-
 me bien apert, que de bon lieu & de la fontaine viuifica-
 tiue fut ta naissance! Car sans toy la vie de l'omme est com-
 me image de mort, & comme corps sans ame, vie sans viure,
 & mort sans mourir. Par toy sont froissées & * rompues les
 miseres du monde, entre lesquelles où tout autre conseil
 deffaut, tu demeures en champ non vaincue contrestant
 les meschiefs des maleureux: si que tu ne les delaisses ius-
 qu'à rendre lesperit. Et se les autres vertus se departent, si
 remains tu seule contre male fortune. Mais qui te pert, ne
 les peut retenir. Ta grant puissance maintient la vigueur &
 l'esperit, & ne te puet force tollir, ne violence fortraire.
 Seule erreur de pensée, & faulte de foy te font delaisser
 ceulx qui contre nature eulx mesmes se delaissent, & e-
 striuent à deffaire en eux ce que nature y a fait en la ver-
 tu de ton maistre. Comment doncques. m'as tu ainsi de-
 laissé: & pourquoy m'as esté si loingtaine, qu'à peu suis suc-
 cumbé en la fosse de Desespoir? Pource que tu t'es demu-
 ciée de moy au besoin, n'y n'ay eu enseigne, signe, ne appa-
 rence de toy par, grant temps; ainçois escoutoye & regar-
 doie de toutes parts, se ie verroie ou orroye chose qui me
 donnast apparceuance de ton retour. Mais les meurs des
 hommes, ne l'estat des choses presentes, ne me monstroient
 quelque signifiante de toy. Si me tenoie pour habandonné,
 & pensoie que l'habitation de cestuy nostre Royaume te
 fust de tous poincts interdite de Dieu, comme terre con-
 damnee & maudite, iusques à ce que Foy, qui eslieue l'es-
 perit en la contemplation du pouoir misericordieux de la

fus, t'a cy amenee. Car par les meditations & appartenances de ça ius ne sceusse attaindre à comprendre de ton aduenement quelque remonſtrance. Et puis que grace de Dieu, & le merite de dame Foy t'ont aconduitte : ie te prie que t'aprouches de moy, ſi que ie te puiſſe embrasser & tenir. Car aſſez ne me ſuffiſt pas de te choiſir à l'ueil & de loin, ains * m'eſt beſoin de toy touchier & adherdre, & appuyer <sup>me be-
ſoigne</sup> ſur ta force ma foibleſſe. Si tu me ſouſtiés ie ne puis tomber en deconfort, mais me tendras en eſtant par conſolation eſtable. A toy ſe reclament ceux qui par la tempeſte de mer ſont deieſtez des vagues & des vents. En toy ſe aſſeurent ceux que les ceps & les manicles tiennent eſſiennéz és tenebres des priſons. Et encores ne te peuent defauouër ne ſoy deſſier de toy ceux qui entre les tourmens vont mourât en veux & en regraiz. Et ſe ainſi eſt que en ruine des corps & des biens tu maintiens & redreſſes l'eſperit par don de Dieu, qui ne veult pas ſa creature de tous points treſbuchier ſans reſſource, aide moy cõtre ceſt infortune, & ne me vucilles en neceſſité eſloigner. Car entre les grands paours & incertainetez eſt la probation de bonne Eſperance plus reluifant & plus loiſible. Appren moy à conceuoir quelque choſe, qui conferme mon enfermeté, & où ie puiſſe ſicher mon attente auenir entre les varietez preſentes.

Eſperance remonſtre à Entendement la nobleſſe de l'homme, & pourquoy Dieu a conioinct l'ame raiſonnable au manoir terreſtre du corps mortel.

E S P E R A N C E.

Q Velle folle penſee, ou quel legier deſarreſt t'a ainſi deſmarchié de ton ordre, Entendement eſpirituel? Fus tu baillé à l'homme pour ſeruir aux paſſions ſenſuelles, ou pour les reſrener? N'a pas la commixtion de l'homme ſon eſtre communiquant avec les pierres, ſon viure avecques les plantes, ſentir avecques les beſtes, & entendre avec les anges? Humanité print toutes ces mixtions és elemēs corruptibles & paſſibles; excepté toy, qui vins ou corps par inſuſion des cieulx, pour eſtre par deſſus les autres parties elementées: auſquelles tu ne dois pas eſtre aucunement ſub-

Tr ij

Ouid. i. Me-
tam.

* c'est à dire,
demeure

jeſt ne duyſible, mais les ſeigneurir & tirer à raiſon par obeyſſance. Viſe quel honneur te fit Nature en la formation de corps humain, dont la face eſt dreſſee en haut, en ſigne que toy, qui dois leens regenter, procedes de ceſtial naiſſance. Les autres beſtes ſont figurées le chef enclin, & les membres courbez vers la terre. Et l'omme a la corpulence droicte, & le viſage leué ès cieux, où l'ame tend par naturel appetit. Car là eſt ſa premiere maiſon, ſon aſſurance, & ſon dernier refuge. C'eſt le Palais de celuy qui te produit de ſoy pour te reduire à ſoy: duquel la diuinité eſt par tout par preſente, eſſence & puiſſance, & habite les Cieux par gloire & preeminence. Qui te puet doneques en terre remouuoir de ta fiance, quant ton eſpoir eſt fondé ès cieulx? Ou pourquoy te deffies tu de celuy, en qui * maint eternelment inuariable ſeurté & certaineté eſtable? Il ne t'a pas formé par grace du Ciel, pour toy difformer par corruption du monde. Mais tu es reſſormé par luy, pour toy confermer à luy. Ne cuide point qu'il te faille d'aide, ſe tu ne luy euides auoir failly d'obeiſſance, & qu'il ne te viegne à ſecours par pitié, ſe tu retournes à luy par humilité. Car il t'eſt beſoin eſperer de luy, ce que tu ne peux auoir ſans luy. Conuertis ſur toy l'occeſſion de tes doubtances, & n'ayes ſcrupule en ſes ſtatuz, ne ſouſpeçon en ſes promeſſes. Car le ciel & la terre ſont tranſitoires. Mais ſa parolle ne ſera ja faulſe ne irritée. Ne il ne fera vaine la pure & parfaicte Eſperance de ceulx qui droicturierement en luy ſe affieront.

*Reproche metrical contre les entrepreneurs arrogans,
qui n'aſſieent leurs entrepriſes ſur
diuin pouoir.*

Gens laſches & recreuz,
Deffiez & meſcreuz,
Et de vertu deſcreuz,
Qui à ſouffrir ne ſ'apprennent:
Et les biens qu'ils ont euz,
Et par grace receuz,
Ont trop toſt deſcongneuz
Sans ſçauoir dont ils les prennent.
De leger vers Dieu meſpreneuz,

*Et d'esperoir tost se desprennent,
 Quant fortunes les surprennent
 Tost sont en ire cheuz.
 Mais ceux qui à droit comprennent
 Leurs fautes, & se reprennent,
 Et sous Dieu tout entreprennent,
 Sont d'esperoir bien pourueuz.*

*Esperance recite par modulation iubileuse les sainctz Peres, qui
 par inuincible longanimité ont esté perseuerans à
 croire les promesses diuines.*

O Comme l'Escripture sainte est par tout semee des louā-
 ges des Peres pour l'immobilité de leur esperance ! Et
 quantesfois est ramenteüe la gloire & l'exaltation donnees
 à Dieu pour benefices de grace, attenduz par Esperance &
 renduz par effait ! Les Patriarches ne furent point remis ou
 foulez de souffrir, ne ennuyez d'attendre. Car Dieu ne sera
 ja oublieux de secourir, ne prometteur frustratoire neant
 plus qu'il fut à Noë, lequel nous monstra permanableté de
 foy & d'euure sous feable esperance. Abraham fut il fru-
 stré de son Esperance bien attendue ? quant apres tāt d'ans
 passez sa lignee se multiplia sur terre comme l'arene de la
 mer, de laquelle moult de generations sont yssues ? Dauid
 n'espera pas l'aide de Dieu en vain, & la benediction don-
 nee sur sa semence. Car ses enfans regnerent apres luy sur
 son peuple, & de sa lignee nasquit le Sauueur du monde.
 Tu scés par lecture, comment les enfans d'Israel attingni-
 rent apres assez de trauail & d'engan à la terre de promissiō
 esperée, & de la seruitute de Babiloine reuindrēt par main-
 tes tribulations, * lxx. ans reuoluz dedans le pays de Syrie,
 & en paix tres-souhaitee: exceptez les desgarnis de Foy, &
 vuidez d'Esperance, qui n'eurent pas le courage fort à en-
 durer, ne la longanimité de bien attendre ; & en perdant le
 cueur & en laschant la main & la vertu, finerent ou milieu
 des miseres, & se fercloirent du fruit d'Esperance. Simeon
 mon nourry ne voulut pas pour neant si longuement viure
 en espoir, & decrepitément vieillir, en attendant quant il
 luy fut reuelé qu'il ne verroit sa mort, qu'il n'eust veu par
 auant le Sauueur de la terre. Or vesquit il tant d'ans en at-

*Genf. 6.
 Ecclf. 44.
 Ad Heb. 11.
 Genf. 21.
 Hebr. cod.
 Rom. 4.*

*2. Reg. cap.
 7. 1. Paral.
 cap. 17.*

** Al. lxxi.
 Deuter. 8.*

Lxx. 21.

T t iij.

tendant, qu'il mourut assouuy de son attente. Ouvre tes oreilles, & escoute la trompe, & la voix des proclamations diuines, & tousiours orras tu parler de moy. Car entre les commandemens de bien meriter sont meslees les amonitions de bien esperer. Le Createur pour homme exercer à vertu a baillé les pointures aduerses: & pour l'exciter à perseuerance y a adiousté loingture d'Esperance. La pointure le retrain des deliz transitoires, & loingture l'atraire aux biens meritoires. Aduersité le garde d'aller par delices en perdition: & ie le soustien qu'il ne deffaille en tribulation. Tant de fois s'admonnestoit Dauid à longuement attendre en attendant, & à soustenir virilement les fés des penances qu'il plaist à Dieu charger dessus l'óme: que à dire vray tout son euure semble estre tixu de ma tresine, & la liziere de sa tixture renforcée de confiance. Bien y appert. Car par souuēt loier & recorder mon nom, il demonstre qu'il veut (comme que soit) imprimer en cueur d'omme fermeté d'Esperance, de laquelle il fut pourueu pour prouffiter à foy, & exemplifier aux autres. En luy trouuons nous les dōs de science & de crainte, de sapience & de pitié, de force d'Entendement & de conseil, qui sont la fecondité & la largesse du saint Esperit. Par science il cōgneut les incertaines Esperances des mondains, & par sapience la certaine expectation des biens du ciel. Crainte les fit tourner vers foy mesmes à cōgnoistre sa propre fragilité, & pitié l'enclina à considerer par compassion l'infelicité d'autrui. Force l'esuertua à resister perseueramment aux tentatiōs humaines, & attendre constamment les consolations diuines. Entendement l'esclaircit à discerner les biens corruptibles des dons pardurables: & conseil l'adressa à eslire la partie plus salutaire. Ne scez tu que cestuy fut esleu de Dieu & aimé des hommes? & touteluoies il fut par tant de tentations esprouué, & trouué ferme en Foy, & seur en Esperance. En quantes manieres pourchassa Saul le peril de sa vie, & par quelles graces fut il preserué? Quelle tempeste luy sourdit quant son filz Absalon tira à rebellion son peuple contre luy? & quel courroux soustint il en la prodicieuse occision de Abener, & en la sedition de Salomon, & de Adonias ses deux enfans? Et neantmoins entre les pertes des autres

1. Reg. 19.
2. j.

2. Reg. 15.
2. Reg. 3.
3. Reg. 1.

biens luy demoura Esperance, & tousiours l'eut en cueur par reconfort, & en bouche par doctrine. Et se son exemple, ou son enseignement, ne te souffissent, vise comme l'Escripture te conforte sus la longue demeure des soulagemens & secours de Dieu, en comparant la tolerance diuine à vn long dormir. En ceste similitude, l'ame deuote troublée par le monde appelle son espoux, luy disant: *Sire, pourquoy dors tu? Esueille toy, & n'oublie pas nostre poure & foible impotence, besoingneuse de tō secours.* Mais par apres est il trouué ou texte, que nostre Seigneur s'est esueillé de dormir. Qui vault à dire, que depuis ce qu'il a permis son peuple tourmenter, & assez esprouué leur confiable & ferme souffrance, il met à euure les remedes de sa consolation, & exploicte sa misericorde qui estoit suspendue de tout euure, & ainsi que reduicte à vn repos sommeilleux. Mesmes à cestuy propos, trouues tu, que le Sauueur se vult endormir en la nasseille, iusques à ce qu'il fut esueillé par ses Apostres, qui perissoient, luy dormant, par tempeste de mer. Et à son reueil les blasma de leur petite Foy, & reprint leur doubteuse diffidence. A quelle cause se vult endormir entre les naufrages de mer celuy qui tousiours veille sur le gouuernement des mers, & des terres? Pour vray il n'auoit pas tant mestier de dormition, comme les disciples atioient besoin de doctrine: ainçois queroit plus leur repos que le sien; & leur asseurance en Dieu entre les perilz par exemple, que la recreation de son sommeil par dormir.

Math. 8.

Marc. 4.

Lc. 8.

*Esperance declare à Entendement les graces & prerogatives
que Dieu a fait aux Chrestiens sur toutes
les autres creatures.*

O Chrestien, qui tant as d'auantage de grace & de congnissance sur les autres creatures, & es appellé à si haute perfection comme à gloire perdurable, & aux riches douaires de beatitude de corps & d'ame! comme te puet fr alluchier la lescherie des deliz de ce monde, & le regrait de les perdre tant descouragier, que tu me delaisse? Qui te meut à faire à Dieu tant d'iniure, comme de vouloir deuenir par Desesperance son euure qu'il a fait pour esperer en luy? Il s'est humilié sous soy, pour t'esleuer sur toy. Il t'of-

fre & presente par grace la gloire que tu ne peus de toy acquerir par merite. Pourquoi veux tu deffaire en toy ce que tu n'as pas fait de toy ? Ia ne doit tourner le blasme de ton iniquité en reprouche sus sa misericorde : & ne t'affiert de mal iugier par deffiance sur celuy qui seablement te iugera. Il eongnoist ton entrée & ton yssue, ains que tu sois fait, & tu entreprends cognoissance sur la prouidence de ses ordonnances auenir. Endure de celuy qui te fait durer, & ne sois recreu contre celuy qui te crea. Las ! à qui prouffiteras tu, se tu contrestes à Dieu, & discordes à toy mesmes ? Tresdommageux escange te conseille Desesperance, quât pour laisser l'ennuy de vie temporelle, te fait prendre le chemin de mort perdurable. C'est trop descogneu par homme, cil qui tant s'est voulu faire cōgnoistre à homme Catholique, que autre Loy n'ot oncques son Dieu, si familier ne aprouchant à soy, comme la loy Chrestienne. Il a voulu prādre humanité, pour participer par compassion, & secourir par grace à ton enfermeté. Il a acōpaignée nature humaine à diuinité, pour l'esleuer sur les cieux en eternité. De qui te deffies tu entre les humaines impotences, quant humanité est si ioincte à Dieu Tout puissant ? Par aduētūre pourras tu estre meu en abomination de ta vie, à l'exemple d'autres qui sont mors de leur propre main par desplaisance de viure. Et te viendra au deuant la mort, du sage Caton qui se occist à Vtice. Et le faut de Marcus Curtius en la fosse de Rome, ou l'occision que fit Lucrece de soy-mesmes, par vergongne de son cas. Mais tel argument est deceptif, & plain de fallace. Les autrui fautes ne nous doiuent enseigner à faillir, ainçois sont plus exemples de fuir, que d'ensuiuir. Encores te dy-ie que cest argumēt, qui procede par comparaison * ressemblable, se puet soudre par similitude. Car Foy Chrestienne t'a baillé prouision de si haulte Esperance, que les paiens, & les Idolatres n'y pourroient atteindre. Iadis les anciens quisrent leur felicité en humaine vertu, & leur gloire finale en la durée & multiplication de leur renommee au monde. Si leur sembloit que ceulx qui se occioient par magnanimité, viuoient par louenge és memoires des hommes, & és lectures des histoires, & laissoient aux autres exemple de fort courage, & mespris de la mort.

Mais

La. 2.

Plot. in eius
vita. Val.
lib. 5. cap. 9.
auther in di-
alogo quem
suscripsit de
Instanti de-
solat. Glissa
talamis.
Linnus sub
fin. lib. 1.
Val. lib. 6.
cap. 1. Plot.
in parall.
* raison-
nable.

Mais ie te dy que ceulx ne furent pas dignes de confuir la beatitude de l'autre vie, & les bienurtez des esleuz, ains arresterent leur desir, & assirent les bonnes de leur tendée au loz de vertu, & à l'onneur terrien. Or est depuis Dieu ^{leau. re.} deuenu homme, qui par communicatiō de deité à humaine nature nous a fait parçonniers des conseils diuins, & descouuert les secrets du paradis, qui furent muciez, & celez aux cultiueurs des * Idoles. Il a renuersé & euacué la ^{* autres loix} mortelle Esperance, & la vaine gloire temporelle de ceste vie, pour qui les autres s'octroyent, & preschié humilité, & mespris de soy mesmes, & constance en infortune pour exaulcer nostre Esperance par dessus tout guerredon mortel & plus haut que terrien honneur. Infere de ce discours, que se les payens se donnoient lors la mort par folle Esperance de gaigner renommee entre les hommes, ou pour escheuer honte en viuant, tu qui as attainit la source de vraye Esperance plus auant que eux, ne dois apres eux desirer vanité mondaine, ne craindre la vilté de ceste vie. Et n'as à prendre forme d'ouurer à leur exemple, mais te fault mouler sur plus hault patron, & desirer ta vie sans la prisiier, & mespriier la mort sans la desirer. Ta vie fut establie pour desseruir à bien mourir, & ta mort ordonnée pour entree de miculx viure. Se tu auances ta mort, tu te recules du merite de ta vie, & se tu as en chierté la garde de ta vie, tu commenceras à mourir apres ta mort. Dispose doncques ta vie autrement que les payens, & t'appareille à viure apres mourir, & laisse cōuenir de ta mort à celuy qui assigne leurs termes & leurs metes à toutes choses.

*Trop est chose aduenturee .
Prandre mors de snaturee,
Pour loz de peu de duree
Qui dechiet.
Car louenge procuree
En tel mors desfiguree
Est de legier obscuree,
Et eschiet
Qu'en oubliance emmuree
Enuie desmesuree,
Detraction coniuree,*

Vu

L'omme enchiet.

Mais la bonté espuree

A la vie mesuree

De tous par regle iuree,

Qui ne chiet.

Esperance donne à cognoistre à Entendement qu'il est necessaire mettre la main à l'euure qui veut auoir prouffit, & soy preparer par merite qui veut auoir grace. En assignant quatre fainctes & fallacieuses Esperances, c'est asçauoir Presumptiue, Defectiue, Opiniatiue & Frustratiue, où sont comprinses ydolatrie, obstination des Juifs, & l'erreur de la bestiale secte Mahometique.

ESPERANCE.

VN doubte te vueil- ie desnouer, où plusieurs sont enue-
loppez, qui veulent esperer sans Esperance, & vsurpent
pour neant mon nom, & mes euures. Ceulx mettent en
leurs cueurs attentes vaines, sens, & esperances fainctes, &
adulterines, & en retenant mon ombre, laissent ma lumie-
re. Ainsi cherchent leur confort à faulses enseignes, & trou-
uent leur desconfort à la verité. Et quant ils sont cheuz de
leur folle emprise par erreur, dient que espoir les a deceus
par confiance. Mais se i'estoye deceptiue, ie ne seroye ser-
uante de celuy qui est droicte voye, pure verité, vraye vie,
& souueraine sapience. Pource te vueil donner à congnoi-
stre quelles sont les contrefaictes Esperances, qui les per-
sonnes mainent à confusion, le bras au col, & en riant par
consolation fainctiue, & folle fiance mal fondée, les tirent à
gemissemens, & à lermes. La premiere Esperance bastarde
s'appelle Presumptiue. Ceste fraude les hommes, qui s'a-
tendent aux biens qu'ilz ne veulent desseruir, & quierent
grace sans merite, & fruiet sans labour. Si semblent à celuy
qui attend la goule baée, & les mains * ployees, se la vian-
de luy entrera en la bouche, & en soy paissant ahanne assez
fil porte sa main iusques à son visage. Mais saichent que
Dieu n'aide point par effect ceulx qui se nuysent par leur
deffaut. Car il est le souuerain ouurier, mais l'homme est
cooperateur de son euure. Et se tu te laisses couler en non-
chalance, il te laissera nonchaloir. Quoy que soit, qui con-

1. Ioh. 14.
2. 1. Tess.
2. Colos. 1.

* lieen

ques s'ayde par merite, il le secourt par grace. N'as tu es escripts des payens, que leurs Dieux se courroucent aux lasches, & aux paresseux? Et pour neant les requiert par oraison, qui n'aide sa requeste par faire deuoir. Mais en veillant, conseillant, & en bien faisant, octroyent ilz aux hommes prosperement leurs desirs. Et puis qu'il est ainsi dit des idoles, qu'en pèseras tu de Dieu Tout puissant, qui tant est iuste, qu'il ne gaste ses benefices en vain, & ne depart pas ses largesses sans desserte? Moult est dure marastre, & perilleux aduerfaire molle paresse. Et combien qu'elle soit à tous contraire, toutesfois est elle formelle ennemie de ieunesse, & de adolescence, à qui le temps de labour & de semaille appartient, pour preparer moissons en la vieillesse. Voulüst Dieu, que vous nobles François ne feussiez point amusez par ceste sophistique Esperance, ne legiers en souhaits fantastiques, & inutiles desirs; ainçois missiez l'engin à l'esgart, & la main à l'euure. Car chalenger le bon heur sans pourchaz & sans exploict, est plus presumption que Esperance. Et soy frander d'Esperance par crainte trop paouruse, est pusillanimité deffice de Dieu, & lascheté de courage recreu de bonne foy. Esperance & crainte sont opposites aucunement, non pas contraires, en tant comme crainte est don du saint Esperit. Ainçois peuent estre ensemble en vn mesme subiect. Car Esperance esleue l'omme à esperer sur sa propre puissance par confidence de la diuine bonté, & crainte le fait retourner à doubte de soy-mesmes par consideration de sa fraelle nature. Mais crainte prise pour passion humaine, & qui plus proprement s'appelle paour, est vne deffiance de cueur qui rend l'omme douteux en fiance de Dieu. Si puet bien chascun esperer de grace plus que n'en puet deffervir, & craindre de punition plus que diuine clemence ne luy en veut donner. Mais la bonne Esperance doit estre si certaine, que le doubte ne soit desesperée. Autre Esperance y a imparfaite, qui se nomme Deffectiue par faulte de fondement & de pié. Et ceulx la practiquent à leur dommage, qui afferment du tout leurs desirs en choses variables, & assient entierement leur Esperance sur incertainté mondaine. Mais quelle seurte se puet prendre en ce qui est douteux? Qui querra

V u ij

fermeté en ce qui est enferme ? Comment te soustendra ce qui ne se puet maintenir ? Le ne dy pas que és choses mondaines, on ne puiſt s'attendre par Esperance relative, mais non mie ſy arreſter par determination ſubſtantieue. Et qui ſy ſie autrement que par relation à la diuine Esperance, marche ſus la glace d'une nuitee, ou ſ'appuye au baſton de roſeau. Se tu t'aſſeures en force de corps, d'autre part t'eſpaoura vieilleſſe qui t'approuche croulât : & vne petite ſieure oſtera le confort de ton Esperance. Se ta beauté te delecte, c'eſt annuit herbe, demain foin. Telle fleur eſt plus toſt paſſee que venue. Trop peu te durera la ioye del'auoir, & longuement la regraiteras perdue. Les autres ſ'affient en grant finance : Mais qui eſt choſe moins feable que pecune, qui communement ſ'amasse par la deſloyauté des acquerans, & ſe garde par deſſiance des reteneurs ? Sa nature eſt de couleur comme l'eau, & ſ'eſpartir de legier comme l'argent viſ. Elle guerroye & deſſie celuy qui la retient, & ſ'eſtudie à renouueller maîtres & ſoy loger en bource nouuelle. Veulx tu donc auoir taſſiance en ce qui rompt la foy de tout le monde ? Tu diras d'autre part, que tu es fort d'amis, & appuyé d'alliez. Or regarde que tu ne preignes en lieu de la potence le baſton pointu, & qu'en t'appuyant l'aguillon de ton appuy ne te entre dedans la main. Mais ſans ceulx, en ſont d'autres qui ſ'affient en l'amour des Princes, & aux conioiſſemens des fortunes, auſquelz ſouffle la reſponſe de Dauid, qui deſſend de ſoy fier és Princes & és filz des hommes ſans ſalut. Vne tierce illegitime Esperance deçoit les folz, que l'en puet intituler Oppinatieue. Là ſ'arrestent gens outreuidez, qui donnent auctorité à leur propre ſens, quant ilz croient obſtinément aux conſeils de leurs teſtes, & ſe gouernent ſoubz l'Esperance de leur cuiderie. En ceſte deception giſt le comble de la folie humaine, qui eſſaye par obſtination immuable muer aux choſes leurs proprietiez, & cuydent faire de volenté raiſon, d'opinion ſcience, d'argument fallacieux. demonſtration neceſſaire, & de fol cuider infallible Esperance. Or eſt le cornart rauy en ceſte deſuerie, qu'il cuide eſtre fait pour enſeigner le monde, & luy ſemble que ſes reſponces ſoient loix imperiales, & ſes fantaſies ſentence d'Euangile. Et quant il a

*Pſal. 105.
uerſ. 5.*

tout fait, ses esperances sont comme feu d'estouppes, & son sens tourne à neant comme songe d'homme, qui a dormy. Adōcques apprend-il, que mieux vault chercher autrui conseil par humilité doubteuse, que s'aheurter au sien par outrecuidee arrogance. Vn homme seul puet estre Roy sur les autres. Mais il ne puet pas regner par vn seul sens. Car ce qui à plusieurs touche & appartient, doit par plusieurs estre traicté. L'auctorité de regenter reside à vn seul chief, mais la discretion de regence naist de plusieurs engins, esquelx les dons sont espartis, qui affierent à si haut ministere. Et se tu demandes, quel est le sens des Roys, ie te respons qu'il est plus en bien croire conseil, que biē le donner. Car bien conseiller compete à chascune personne priuee. Mais choisir le bon conseil, & eslire du sens des autres conseil prouffitabel, loist à celuy qui chacun doit ouyr, & pour chacun exploictier. Oultre te dy, que les meurs de Roy sont plus acomplies ou Prince simple de soy, & docile à bon conseil, que en Prince subtil & volentif. Car yser de propre sens compete à vie singuliere, & monastique, & soy regler au iugement de la greigneur part, est regime politique & ciuil. Et ce que se dit des Roys en ciuilité, se puet appliquer aux peres de famille en œconomie, qui ne doiuent mespriser le gros sentement des seruans, ne l'aduis des commensalz de leur famille. Reuenons ad ce que aux opiniaistres & obstinez est Esperance Opinatiue tendue comme vn filé. Là se prennēt ilz par cuider. Et quant leur faige folie les amenez à non vouloir sobrement sçauoir, leur fol sens les tire à ignorer pereilleusement. Haantant est dangereux sçauoir sans doctrine, & par trop croire de soy, mescroire de Dieu. Mais plus eshontee chose est obstinee persistence en erreur, & soy vouloir auant perdre, que corriger. Cil qui tumbé, & se ressourt, a moins de vergongne, que cil qui par hôte de releuer demeure souillé en la fange. Et plus est loüable bon amendement, que vicieuse faute n'est reprouchable. Car faillir est humaine imperfection. Mais discipline & correction sont euures diuines. Dont vient ce que le peuple des Iuifs est par si long temps en dispersion, & rebouté de Dieu, fors par mescreantise obstinee, & par Esperance Oppinatiue. Ils ont descongneu le Sauueur, &

Vu iij

si dient qu'ils attendent Messias. Ils esperent ce que ja est aduenu, & mescroient ce qui leur aduiendra. Pourquoy le desirent-ils quant ils l'ont reffusé ? ne cōment attendent-ils la venue de celuy, que ils ont mesprisé venu ? Leur esperāce est euacuée, & leur créāce vaine; pource qu'ils n'ont voulu humilier leur sens au vray entendement des escriptures. Grande est leur malediction, quant ils quierent l'entention des anciens volumes, & ne les veulent entendre : & que les maistres de leurs Synagogues les nourrisset en abus, & peruertissent le sens des sainctes lettres, pour diuertir leur gēt de vraye conuersion. Et tant les a conquis peruerse ahurterie, & Opinatiue Esperance, qu'ils ne daignent encliner leur entendement au sens de la lettre, mais osent forcēr les saincts textes, & contraindre la verité des Prophetes à expositions controuuees. Las! se la sainte Bible, dont ils ont violé la sentence, ne les radresse, au moins les deust rauiser leur longue seruitute, & la paine de leur misere. Et se ils ne croient aux parolles, creussent aux faits. Voyez qu'il a passé mil trois cens * soixante quatre ans qu'ils sont exillez & dejettez en diuerses terres, comme gent reprouchiée & serue; & leur est cessée l'vnctiō de leurs Rois, & le sceptre de Iuda transferé en autrui seigneurie, qui par les visions de leurs mesmes Prophetes est clere demonstrence que Messias est venu. Or l'attendent encore, & peuent bien attendre. Il ne vendra plus en conuersation d'homme, ne comme redempteur secourable; mais bien en majesté diuine, & comme redoutable iuge. En oultre, ils afferment qu'à sa venūē il ressuscitera tous les morts de la lignee de Iuda, & les fera derechief habiter ensemble sur la terre en prosperité. Et par ceste fantastique inuention les Docteurs de Iuifuerie les tiennent en infidelité. Car souz Esperance de la resurrection temporelle, les confortent de mourir en exil & misere, en attente d'estre ramenez de seruitute à liberté, & morts & vifs r'assembler en leurs pays. Qui bien y prent garde, ils violent leurs engins à pouoir congnoistre ce que ne puet estre, & veulent vsurper à verité les dits des Prophetes pour les appliquer à leurs fantasies. Ezechiel & les autres parlent bien de la resurrection final, où tous seront suscitez à damnatiō, ou à gloire en la fin du siecle. Mais

* al. cin-
quante

Cap. 7.
Dan. 12.
Job. 14.

iceulx fols Iuifs destournent sa parolle à la resurreccion des hommes au monde, pour habiter la terre, qui selon la lettre est frenaisie intollerable, & chose impossible. Car toute la rondeur terrestre ne souffiroit pour habiter & labourer tous ensemble ceux qui sont morts & vifs de la lignee de Iuda. Mais par ceste parolle de Ezechiel est entenduë la continuation de l'espece humaine, qui par generation quotidienne ressuscite incessamment, & resuscitera tant cōme Dieu permettra que nature fructifie & croisse tout par sexe raisonnable. Car autrement le faudroit faillir & cesser, pource que sans faueur, mort la deprent & corrompt tousiours. Et plus feroit, se par continuation d'euure de nature n'estoit resuscité & produit homme pour habiter la terre. Et Dieu qui l'a creëe pour habitation des hōmes, ne veut pas qu'elle demeure vacante. Et pource selon Ezechiel, la ressuscite d'hommes par generation contre l'opprimement de mort. *Ierem. 16.*
 Derechef Hieremie & Ysaye prophetiserent de la seruitute & captiuité des Iuifs, & annoncerent la restitution de *Idem. 29.*
 leur liberté & reestablisement à leur pays & à leurs loix. Predirent aussi la reedification du temple, & la renouation de *Idem. 23.*
 la sainte Cité apres les pestilences. Ces deux Prophetes eurent la vision, mais elle fut accomplie en Ieconias & sa *1. Esdr. 2.*
 lignee, qui apres la transmigration de Babiloine (par laquelle le peuple des Iuifs fut transporté soixante & dix ans en seruitute) retournerent en paix & beneurté en Hierusalem: & restaurerent le temple & les murs de la cité par l'industrie de Neemias. Maintenant se confortent les folz Iuifs en ces propheties passées, & attendent les promesses, qui sont iapayées aux preudes hommes de deuant eulx, pour qui elles furent dites. Les meschans se promettent liberté, & restitution de leur pays, par les escriptures mal entendues, & glosent & lisent à leur entête. Mais leur attente est faillie. Ils se esioissent en la lecture & interpretation faulse: & leurs predecesseurs ont ia eue la ioye du vraye fruit. Par ceste Opinatiue Esperance demeurent ils mescheans, serfs, & aueuglez. Puis que Titus destruisit Hierusalem le quarentiesme an apres la Passion de Iesus-Christ, où il vendit vnze cens mille Iuifs, & cent cinquante mille en furent occis, selon la recitation de Iosephus. Et depuis ne eut entre eux

esperit de prophetie, vision, reuelation, ne autre uisitation diuine, ainsi qu'ils auoient par auant ceste incredulité. Car la consummation des escriptures, & les visions des prophetes prindrent leur fin en Iesus-Christ : & il, qui est du tout parfait & accomply, fut l'acheuement, & la perfection des propheties, quant sa diuine lumiere euacua la nubileuse lueur des inspirations prophetiques, ainsi que la grant torche offusque la clarté des petites chandelles. Et se tu demandes, pourquoy n'a Dieu du tout exterminé celle gent incredule, ainsi qu'il fist Sodome & Gomore? le respondray qu'il les a voulu laisser viure en misere cōme gent abandonnee, pour vituperer la memoire de leur erreur, & en l'exemple de detestation de leur lignée à toutes generations, & en tous temps. Lisent & relisent souuent, cherchent & estudient és fables du liure de Thalmut, qu'ils ont compilé de bourdes cōtre les Chrestiens: neantmoins en lisant se trouueront viure meschans, & mourir damnez, se par humilité de pensée ils ne retournent à congnoistre la vraye Esperance, & gouter les sēs esprituelz de la lettre plus que le charnel. Car les cerimonies de l'ancienne loy furent l'escaille de la noix, dont la loy Chrestienne en la plenitude du temps & meurté de fruiet a gousté le noiau. Et se pour auoir le noiau, fault briser l'escaille. Bien doiuet les Chrestiens laisser les anciennes cerimonies & couuertes, puis qu'ils ont attein à la verité, qui dessouz estoit figurée & couuerte. Or gardent les fils de Iuda l'escaille & l'escorce, si elle leur souffist par Opiniatiue Esperance. Mais les enfans de adoption de Iesus-Christ auront le noiau.

*Les propheties du vieil Testament sont acomplies,
& verifiées par le nouuel.*

CIL qui vie à tous donna,
Et pouoir sus raison a,
Dont grace à tous foisonna,
Où mout precieux donna,
Par prophetes sermonna
Iadis, & loy ordonna,
Qu'il leur proportionna,
Et circonstansionna,

Et conuirt

Et courrit & enuironna,
 Lia, acconditionna
 De cerimonies mai^{es}
 En trestrouble coleur paites,
 Parolles prains & enceintes,
 Deffences tresfort restraints,
 Ordonnances bien contraintes
 A grans promesses abstraites
 Et par figures empraintes
 Auecques visions saintes,
 Et Esperances non faintes,
 D'auoir ioye apres les plainctes,
 Et atteindre à grans attainctes
 Quant le temps seroit venu.
 A son conuent tenu,
 Si que tout est aduenu
 Du gros iusques au menu,
 Et descouuert tout à nu
 Ce que Dieu auoit tenu
 Clos, couuert, & contenu
 On vieil testament chenu.
 Homme a ô Dieu conuenu,
 Et iusqu'à luy paruenü,
 Et Dieu est homs deuenü,
 * Si est l'embuche desclose,
 Le signe cede à la chose,
 Cerimonie est forclosé
 Qui tenoit couuerte & close
 En vert bouton rouge rose.
 Le vieil testament propose,
 Le nouuel preuue & expose.
 Sur gros texte clere glose.
 L'un promet, nonce, & dispose.
 L'autre contente, & repose.
 Le premier dresse & ordonne,
 L'autre acomplit & foisonne
 Et met la fin & la bonne.
 L'un seme, l'autre moisone.
 L'un punist, l'autre pardonne.

L'un merite, l'autre guerdonne.

Et l'ancien la fucille donne,

L'autre fleurit & bonte.

Celuy verdoie & bourionne,

Cestuy vendenge & entonne,

Escorce & fucille habandonne

Et queult les fruiets assignez

La pieça predestinez

Par prophetes designez,

Sombz figure encourtinez,

Maintenant determinez,

Ouvers & enluminez,

Desclos & descourtinez.

Si est le pouoir finez

Des Prophetes affinez,

Et les Iuifs indignez

Demeurent folz, obtinez.

R Este encores vne quarte desesperable Esperance, que ie ne sçay proprement nommer, si ie ne la dy Frustratiue. Et ceste amuse les legiers en creance à esperer leur secours, & attendre leur bien, de chose qui ne peut prouffiter ne aidier. Là s'aherdent & affichent ceulx qui trop se fient à leur bonne fortune, & essayent aduventureusement tous perils auenir en la fiance de leur heur passé. Autres ne sont pas loing de telle folie, qui tant doutent la fortune & le heur de leur ennemy, qu'ils en perdent cueur & entreprinse: ainsi que se fortune estoit chose créée, qui s'adonnast du tout à fuyure autrui vouloir. Icy faillit Cesar, qui tant de fois cōmit à fortune l'estat de ses batailles, & les perils de sa vie plus que à raison, & s'y fia comme s'elle ne luy osast faillir: Puis apres les glaiues de tout le monde surmontez, en Theffalie fut il sucumbé; & mort en vn conseil par greffes à escrire. Policratus se reffia tant qu'il ietta son anel en la mer, croyant le retrouver, & recouurer par heur. Car riens ne luy estoit fors à sonhait: mais puis fut il meschant, & pendu. Sous telle deception commença entre les hommes le pechié de idolatrie, quant Ninus fit vne statue d'or pour memoire de son pere Belus, & la cōmanda adourer du peuple cōme Dieu: dont les hōmes foibles de sens & faciles à per-

*Suet. in eius
vita cap. 82.
Plut. Herod.
Halicarn.
lib. 3. Valer.
lib. 6. cap. 11
Sabellie. li. 6
Ennead. 1.
Strab. li. 14.*

nicieux exemples ont depuis prins la coustume de adourer & prier les idoles, & faire images à leurs proefmes & biens-faïcteurs, ou à ceux qui en leur vie, auoient esté puissans & redoubtez. Ainsi vindrent en vsage les Idoles des Payens; & pour commemoration de l'idole de Belus, furent nommez leurs images Bel, Baal, Belphegor, Baalin, & Belzebuth. Et depuis autres noms leur ont esté imposez selon les sortes pensees de ceulx qui à telles fantasies s'abestirent. Car la rude & inepte gent de lors sentoit desia en gros par nature instinct estre deuë adoration & recongnoissance à quelque chose diuine. Mais pource qu'elle ne sçauoit à qui attribuer celuy hōneur de deité, elle par affection le donna aux hommes, qui en leur temps auoient vescu en auctorité mōdaine, & en dignité sur les autres. Car de plus haute perfection ne peurent adonques les simples hommes atteindre la congnoissance. Iupiter, qui en celuy aage estoit Roy de Crete, fut par telle folie apres sa mort appelé Dieu, à l'occasion de la magnificence & delicieuse vie, dont il auoit vscé en son regne. Aussi fut Minerue exaulcée à Athenes comme deesse, pour la recongnoissance des arts qu'elle trouua. Et semblablement fut Apollo deifié, pour son excellence, & pour les merueilles qu'il feist sur les corps d'homme par art de medecine. Trop estoit celle multitude de gent indifcrete & deceuable, de demander aide diuin aux mors, & de querir diuinité où humanité estoit faillie & corrompue. Pou deuoient de leurs requestes s'efforcier, ne fier, quant ils supplioient hūblement à ceulx, à qui ceulx seuls attribuoient la faculté d'octroyer, & attendoient receuoir les biens en vertu de ceulx, qui sans eux n'auoient nulle vertu. Et se les hommes auoient deüiez, superflue chose & inutile estoit que homme requerrist par necessité celuy qu'il auoit fait Dieu, & eust besoin du pouoir dont luy mesmes donna la puissance. A dire voir, le commencement de ceste superstition payenne viñt de la tyrannie des hommes, qui firent leurs predecesseurs adorer par force ou par crainte, puis apres tourna ceste nouuelleté en vsage, & maintindrēt volentiers par longue acoustumance ce qu'ils auoient commencé par contraincte. Car il n'est si dure, ne tant violente introduction, que trait de temps ne ramene à sem-

Iſa. 46. Na.

21. Iud. 6.

Oſe 9.

4. Reg. 1.

Luc. 1. Para.

8. Ierem. 2.

*inexperte

Lactant.

lib. 1. de fals.

relig. c. 8.

Idem eodem

cap. 15.

blance de nature, ne si grand erreur à qui impression de parole continuelle ne donne face de verité. Les enfans ensuyrent leurs peres en l'abusion des faulx Dieux, & où raison les en desamonestoit, la Foy de leurs predecesseurs vainquoit par auctorité de doctrine inuiolable. Mesmes que en ceste Loy payëne n'estoit souffert à nul mespriser le cultiue-mēt des Dieux, sans blasme de sacrilege & sans paine. Et ce fut l'achoisson, qui si lōg temps endurcit les courages des Romains, contre la doctrine Catholique : dont la terre Romaine fut consacree du sang de tant de martyrs, ains que les Empereurs voulsissent receuoir le nom Chrestian, imputans à criminelle inconstance, & mesprison contre leur sang & leurs ancesseurs, se ils ttespassoient la religion de leurs peres, ne les traditions de leurs maiours. Encores depuis la sanctification de Rome par vraye Foy estoient les cueurs tant enclinez à l'emprainte de leur premiere Loy acoustumée, que plusieurs disoient auoir perdu leur prosperité, puis qu'ils auoient laissé le cultiue-mēt de leurs premiers Dieux. Contre laquelle tentation, & pour euacuer de tous poins le * regret qu'ils auoient au cultiue-mēt des faulx Dieux, Sainct Augustin compposa le liure de la cité de Dieu : & Lactance escriuit le volume des diuines Institutions. Ausquels tu pues auoir recours en l'explication de ceste matiere. Vray fut que Dieu compatient à l'humaine ignorance, & à la vanité des engins humains, qui pour neant traualloient à congnoistre la diuinité, voulut de luy mesmes se faire congnoistre, & manifester au dernir eage. Et pource que l'homme ne puet esleuer son iugement oultre le pouoir de humaine science, il se fist hōme. Et en voulant exaulcer humanité humilia sa deité, & print charnelle fragilité sans delaisser eternelle diuinité, affin que en vertu de Dieu humain homme fust fait diuin, & que luy, qui diuinement se fist hōme, peust estre congneu Dieu humainement. Car par similitude, & communication de mortelle nature le pouoient lors veoir, & oyr, & en vertu des euures diuines faictes en corps humain le eroire, & adourer vn Dieu qui en sa simpleste est infiny à congnoistre, & homme en sa mortalité est impuissant en vertu. Mais sa deité est congneuë aux hommes en l'humanité, & son

*regart

Héb. 2.

Luc. 2.

1. Tim. 2. 1.

Tit. 2.

humanité glorifiée & crainte par l'vñion de sa deité. Merueilleusement est icy renuersee & confundue la besterie des Idolatres, & la Foy Chrestienne triumphe en cest endroit glorieusement sur leur folle creance.

Respons maintenant, payen, à ceste demande, Qui est plus possible, ou que Dieu Tout puissant se humilie à estre homme, ou que homme impotent se exaulce à estre Dieu? Se tu as voulu faire les hommes Dieux, qui n'as pas pouoir de toy mesmes faire homme; croy que Dieu s'est peu faire homme, qui a l'eternelle vertu d'estre par luy mesmes, & en qui, & par qui sont toutes choses. Or a il subuerty tō erreur par contraire, & du tout euacué ta Frustratiue Esperance. Et puis que par ton petit sens tu erroyes à le congnoistre de toy, la sapience de Dieu t'a appelé à le congnoistre par soy. Hemi helas! bien auoit Dieu pourueu à l'homme en la naissance de Iesus Christ. Et desia estoit toute la terre arrousee de la source de grace par infusion de cōgnoissance d'un seul vray Dieu, & illusion d'Esperance Opinatiue tournee en Esperāce certaine: quant le Deable pere de tenebres fist naistre sur terre, & esleuer au mōde Machometh. Et ce souffrit Dieu, comme aucuns tiennent, pour punir le pechié d'Heraclius l'Empereur, qui foruoya de la vraye clarté Catholique, où Dieu l'auoit appelé, & se soilla d'heresie par adhesion donnée à Nestorius heretique mescreant l'vñion des deux natures en la personne de Iesus Christ. Or fut l'air obscurcy derechief, & la nuee de folle decognoissance mit obstacle entre Dieu & hōme par la seditiō de Machometh; dont Armenie, Capadoce, Galacie, Pont, Paphlagonie, Bithinie, Misie, Frigie, Libie, Catie, Licie, Mesopotamie, Sirie, Fenice, Palestine, & grāt part des regions d'Asie, aux Eglises desquelles s'adressent les Epistres des Apostres, fut enuenimee. Toute Africque & aucunes prouinces de Europe vers Occidēt iusques dedās Espagne, & vers Oriēt iusques en Thrace & Panonie sont peruerties de foy Chrestienne & infectes par semence de zizanie, & de secte nouvelle. Il affiert bien aux Catholiques sçauoir par quelle malice Machometh seduisit tāt de gēs, & cōme il tira derechef les inconstans à folle & Frustratiue Esperāce. Car les mespris de sa charnelle doctrine bien cogneuē fait prisiier la foy Catholi-

Xx iij

que és esperits où elle est empreinte. Si te dy que trois choses luy donnerent audience & attrait. L'une, que luy qui estoit à son commencer marchand & meneur de chameaux, fit tant par deceptions & par art de nigromance, qu'il espousa vne dame noble & riche appelée Cadigan : laquelle seigneurisoit en la prouince de Corrozaine. Et si tost qu'il se sentit garny de tant de richesses, il conceut en son cuer l'ambition de seigneurir és parties de Turquie, & d'Arabe. Si attira à sa part par dons & par promesses les robustes & les malicieux hommes, & ceulx que contrainte & poureté enclinoit à meschief, ou que leurs vices auoient mis en mespris, ou leurs oultrages en depreffion, se adjoingnirent à luy, & contrahirent soubz son conduit ainsi que vne compaignie de larrons, qui de roberie & rapine se enrichirent, & acccreurent* leurs routes par impunité de mal faire. Et souuent leur aduint, qu'ils eurent de bonnes fortunes contre ceux qu'ils assaillirent pour rapiner, & autres fois estoient chassés, refoulez, & confusés entreprisés de leur peruers cheuetaine, lequel moult de fois par trahison & aguets fist occire ceux qui luy contrestoient, & tant qu'à trait de temps violence, cruauté, & la malice de son engin luy donnerent és parties d'Asie grant bruit & grand crainte. Or se sentit puissant par rapine, & doubté par fureur. Mais la vilté de son estat & de sa basse naissance luy reprimoit le courage de s'appeller Roy; pour ce mesmes que son premier office de simple chamelier sembloit entree trop desconuenable pour soy esleuer à si haut tiltre. Adoncques subtila son engin à soy faire croire & appeller message de Dieu, & soubz ce nō gaingner adhesion & suite de peuple. Et pource se fit honorer & reputer par ses alliez & facteurs, & par les simples hommes d'Arabe, & des vns par crainte, des autres par erreur, & des autres par fantasie, se fit au premier donner le nom & la renommée de Prophète. Les siens sy assentirent, pour luy obeyr & flater. Les autres n'oserent cōtredire pour escheuer sa fureur, & les rudes & inexpers le creurent follement par la contrefaçon d'un faux miracle. Car vne colombe, qu'il auoit affaictée à manger des pois emmiellez en ses oreilles, vint à l'eure de sa predication seoir sur son espaule portant son bec à l'oreille du trompeur,

*leur rote

pour querir sa pasture. Si cuiderent les maleureux abestiz, que le saint Esperit en espee de colombe luy reuelast ses mensonges de par Dieu, qu'il preschoit au peuple par art diabolique.

Voicy cy l'entree des propheties de Machometh. Et tu Machomiste, qui dois auoir plus hôte que gloire, de dōner foy à la doctrine de tel aeteur; n'as tu vergongne de ouyr & croire comme messagier de Dieu, celi qui par rapine, murtre, ambition, & tromperie a vsurpé le nom de Prophe-
te? Don de Prophetie se assiet sur les humbles & sur les innocens, & l'office de messagerie diuine n'est iamais commis à celuy dont la vie est contraire à sainte doctrine. Messa-
gier doit sur foy porter l'enseigne de son maistre. Mais ce-
luy a de foy effacé le signal de Dieu, qui se souille des taches de meurtre & de tricherie. Or s'est fait le cabuseur adourer, & les sots abusez ont rendu honneur & louange au maistre de deshonestez, & au controuueur de toute infamie. Apres
ceste entrée se aida le malin esperit de ce deceueur du mō-
de d'une seconde cautelle, & s'appensa que extremite n'ac-
quiert rien sans debat, & que la vie moyenne a ses adresses
à tous chemins. Si voulut prandre & amasser sa doctrine de
toutes loix, pour gaingner gens de toutes parties. Malicieu-
sement il entrelassa en ses dicts partie du vieil Testament, &
partie du nouuel; en donnant appetit à Iuifs & à Chrestiens
à sa secte: & desloyalement il corrompit le sens de ce qu'il
en print, pour effacer la substance des autres loix, & l'inter-
preta à fauce entente. Par dessus ce, en coulorant sa forme
de faire cauteleuse soubz auctorité diuine, se disoit estre
ordonné de Dieu à moderer les trop grās rigueurs & aspres
ordonnances des loix de Moyse & de Iesus-Christ: & que
Dieu ayant compassion de la charge du peuple, voulut cō-
plaire à l'inclination des hommes, & leur eslargir la regle
de viure par luy, qui estoit son message. Or print il de la loy
des Iuifs la circoncision & la prohibitiō de la char de pour-
cel, & en aucune similitude de la loy Chrestienne & du Ba-
ptesme, establit aux Sarrafins les eauës où ils se lauent sou-
uent, cuidans par eauë pure estre nettoyez de leurs pechez
sans confession & sans penitence. Auec ce pour non oster
aux Chrestiens l'Esperance du ciel, où Dieu a reserué leur

Chap. ius. lib.
1. art. 4. inf.
Oris. 2. art. 6

principale fiâce, il promist à ses disciples Paradis, & menaça ses contraires des peines d'enfer. Mais il vfa du nom de Paradis pour non les estrangier, & altera la chose du tout pour la loy bestourner. Car en la ioye du paradis auenir, ne promet il autre chose fors charnels deliz, & concupiscéces de corps & des yeux, boire & manger delicatiuement, & cohabiter avecques belles femmes, abondances de richesses, vaisseaux & riuieres de laiët & de miel, & toutes autres mondaines delices qui sont contraires à l'estat de perfection & de gloire, & communes aux hommes & aux pourceaux. Ne en toute sa menterie ne trouueras tu que en la vie auenir il promete quelque gloire à l'ame, ne vn seul don en beatitude d'esperit. Ainçois baille tout le guerredon au corps pourrissable, & à l'appetit de la charongne. Et par son parler ceux qui viuent au siecle en aises & en delices ont desia leur paradis en ce monde, puis que autre chose ne promet par delà que ce que dont les delicatifs finent bien pardeçà. En oultre recueillit ce faux Prophete des deux Testamens certaines abstinences de boire & de mengier, & de cohabiter avecques les femmes en certains iours iusques au soleil absconfant, que il appella les ieufnes du mois Ramazan. Et semblablement commanda faire cinq oraisons par iour, & neuf genuflexibus, deux au point du iour, deux apres midy, deux apres soleil absconfé, & trois apres le soupper. Par telle condition que toute la nuit fut exploitée à boire & à mangier sans cesser, & à soy coniouyr en toutes delices entre les bras des femmes charnellement, iusques à si cler iour qu'on peult cognoistre vn fil blāc d'vn fil noir. Trop peu prisoit le merite de telle abstinence, qui si tost s'en recompēsoit par tant d'excès; & pou valoit le ieufne du iour en Esperance de si orde nuit & de tant dissoluë charnalité. Des idolatres aussi & de leurs abusions voulut il retenir quelque chose, pour les induire à soy, & joindre: quant il ordonna Lalahah. C'est le voyage chascun an à la Meke, qui estoit vne maison applicquée aux vituperables sacrifices de l'idole Venus. Et à present est le grant pelerinage & la maistresse Mahommerie des Sarrazins [* au Royaume de Tonnyn.] Là se despouillent nudz excepté d'vn petit queuurechief autour de leurs rains, & iettent en deuotion

* Ces mots
ne sont au
Mss.

déuotion par dessoubz leurs mēbres genitoires pierres qui
 cheent en vn grāt moncel illec iadis amassé en l'hōneur de
 Venus & des idoles. Et ce voulut il retenir des idolatres
 pour rendre honneur à sa maistresse Venus, dont il se mon-
 stra par sa doctrine plaine de toute dissolution & d'ordure
 adourateur volontaire: & par sa luxure, qui surmōta toutes
 autres, obeissant, subiect, & serf à corruption. Dieu, quelx
 signes de Prophete, & quelx euures de message de Dieu!
 Ne comme peut estre creance d'homme si legiere, que
 telles baguenaudes soient prises pour doctrine? ou telles
 superstitions pour vraye religion? Desloyal Machometh, tu
 promettoies moderer les trop estroictz mandemēs des loix
 de iustice & de grace: mais ta moderation est tournee en a-
 bus, & en lieu de attrempance tu as prins l'extremité disso-
 lue. Tu deuoyes eslargir les loix estroictes, & tu as ouuert la
 voye, & abandonné la bride à ton appetit sensuel. Mal pour-
 uoit à la rigueur des loix, qui donne loy à illegalité. Et celle
 loy est contraire à raison, qui est fauorable à charnel desir.
 Mais cōmēt se puet conuenablēmēt la loy eslargir en cho-
 se que nulle loy ne puet assez refraindre? Mieulx vault par
 l'estroict loy perdre les delices, que par la large soy priuier
 de vertus. Car la partie de la chair essaye tousiours à gai-
 gner sur le frain de raison. Et toutesuoyes la roide bride luy
 est cause de soy exercer en vertu, & la lasche luy donne
 licence de mesprendre. Je me merueillasse des viles & des-
 hōnestes sentences de ta loy deslice. Mais la vilté de ta vie
 me oste la merueille de tes parolles. Car chascun parle selō
 ce qu'il sent, & la vie est le tesmoyn & la source de la doctri-
 ne. Si ne m'est pas estrāge se tu enseignes aux autres gour-
 mendie, & luxure abandonnee, & la promet en l'autre sie-
 cle pour gloire; quāt tu mesmes t'osas vanter que tu auoyes
 par don de Dieu, le pouoir de quarante hōmes en tes rains,
 pour accomplir l'euure de luxure. Aussi en pris-tu si outrā-
 geuse part, que tu euz ensemble quinze fēmes & deux chā-
 brieres, & enseignas aux tiens en prendre par abondāce, &
 en abuser par desmesure. Tant donne nature aux hōmes de
 inclinatio à luxure, que loy a plus mestier de les en restrain-
 dre, que y contraindre. Pource veut raison que le pouoir
 de nature, qui est ample & commun, soit conditionné par

*Ms est
exercice
& la lasche
licence, &c.*

Y y

auctorité de la loy. Or as tu voulu par tes exēples amplifier le pouoir de nature, & deslier l'auctorité de la loy. Qu'est-ce autre chose fors mettre tout à bandon, & outre nature provoquer le monde à superflu delit, & à commune & publique luxure? Ne souffisoit il pas laisser faire nature sans la parforcer? Falloit-il reueiller à haults cris de nuit les endormis pour les ammonester aux euures veneriēnes? Assez deuoit estre assouie ta desordonnance d'auoir plusieurs femmes, sans auoir estably les repudier à quelconque cause, pour*repeupler les litz des femmes nouuelles.

*remplir

O vile creature, indigne de congnoistre la loy de Dieu! Compaignon des pourceaux, & disciple des boucs! où as tu aprins que don d'espirituelle Prophetie soit donné aux hommes charnelz? ou quelle reuelation se assiee sur la pensée où regne fornication & ordure? Ce ne puet estre. Car l'Esperit prophetique, qui procede des cieux, ne se donne fors és cueurs netz & elleuez en hault par contemplation, & substraiz d'embas par mespris les deliz de ce mode. Et les Anges messages de Dieu sont tāt purifiez, qu'ilz ne s'apparent fors aux chastes personnes. Comment doncques croiroit l'en que l'Ange, Gabriel t'eüst reuelé la loy dont tu te vantes, quant toutes les legions des Anges abhominent & desdaignent ordure desordonnée, & pollutiō vituperable? Celle mensonge te eüst assez besoing à couvrir ta vergongne. Car lors que tu tumbas du mal de epilepsie, dont Dieu t'auoit feru, tu disoies que ainsi t'abatoit la visio de l'Ange Gabriel, qui t'apparissoit visiblement; inuisible aux autres: duquel ne pouoyes sans tumber soustenir la lumiere. Forte bourde a cy, & digne de risée & de mocquerie, se la perte de tant de ames n'en fust ensuye. Et quoy que tu dies, ne Dieu ne Ange ne s'entremet oncques de telle desuerie. Ce fut Sergius vn Moine apostat, infect de heresie Nestorienne, & debouté de l'Eglise, qui te suggera ceste mauuaistié pour mettre en trouble sainte Chrestienté, & cōplaire aux Nestoriens hereses. Et luy qui estoit biē pourueu de lettres & peu de meurs, ne chastia pas ses vices par sa science, mais peruertit son sçauoir à l'agrauement de sa mauuaise vie: & bien monstra que trop est perilleuse l'assemblee de grant Clergie avecques mauuaise pēsee. A similitude du bō vin, qui se corrompt & aigrift par le mauuais vaisfel. Celuy Ser-

gius ton pareil en ambitioñ esleut ta proximité, pource qu'il auoit esté refusé en l'Eglise souueraine de Romme à y estre colloqué, & pourueu en auctorité de prelatuŕe Pôŕtŕical. Et pource indigné vers l'Eglise & cité Catholique, voulât s'en venger & soustraire les Chrestiens de leur sainct propos, se ioingnt à toy, & te informa de seditiôs erronees & cōtrouuees, & t'enseigna à bastir le liure d'Alchorā, où tes adherās apprennent la lecture de desmesuree volupté, & reçoient volentiers l'ouuerte licence & cōgié de s'aoillier en leurs plaisirs charnels, & en effrenees luxure. Et pource les eus tu si prests à obeyr. Car tu conformas ta doctrine à leur appetit, & dōnas loy familiale à la char, attrayāt les cueurs en vanité deceuāte. Ce nōobstāt tiercemēt acquis tu les paoureux & les foibles, par espouuement & par menaces, si tost que tu te sentis puissant & adextre des cruels satellites. Car tes escrits portent que tu es enuoyé en la vertu du glaiue, pour mettre à mort ou en seruage ceux qui ne te croiront. Ainsi te suyrent par terreux ceux que tu ne peus esmouuoir par erreur. Mais quelle reuerance puet estre due à loy introduite par cruauté? Ou comme croira homme par deuotion ce qu'on luy fait cōfesser par force? Pour certain la dignité de religion est si franche & si noble, qu'elle ne puet souffrir violence; & où foy pert sa liberté, elle pert son merite. Car Dieu ne demāde sur la creature gaigner fors le cueur, & ne le veut pas rauir comme tolu, mais receuoir comme dōné; pource qu'à la pure & liberalle perfection de sainte foy affiert attraire par douceur, nō pas en rigueur fortraire. Pour ce vult la hautesse du Sauueur apparoir en humilité: & enseigner benignement, non pas forsaiblement à le craindre. Car il n'entra pas ou monde armé de glaiues, mais rempli de vertus, quant par sa digne parolle & simplē predication conferma, & par miracles acquist à foy sa sainte Eglise. Ainsi ne fit pas Machometh, ains prit ce demourāt de l'introduction d'idolatrie, & s'ayda de la force du glaiue comme les idolatres font: contraignans les gens par forces menaces, & par tourmens à leurs sacrifices. Et bien l'esprouuerent les benoists Martyrs, qui tant soutindrent d'ahan en refusant d'offrir seulement de l'encens aux idoles. Là est atteinte la reprobatiō des faulŕes sectes, que on puet mieux

*Act. 15.
1. Theŕŕ. 2.
Ioan. 3.
Eccles. 23.
Ierem. 17.
Apos. 2.*

Y y ij

appeller illegitimes, que loix, & preuarications, que doctrines. Car où verité & raison, qui sont fondement de la Loy diuine, leur faillent, ils*recourent au glaue & à la fureur, & s'aydent des instrumens de l'outrage humain.

Esperance prouue la noblesse de Foy Chrestienne & prééminence sur toutes autres loix, qui ne peut venir d'autre legislateur que de Dieu eternal.

GLorieux Dieu! bien as priuilegié ta sainte Foy Catholique, & iustificée sur toutes les autres. Et quiconques a sens sain & cler Entendement puet congnoistre qu'elle est diuinemēt dōnee plus que trouuee humainemēt: quāt par elle sont balloyees toutes ordures, obscuritez enluminees, iniquitez r'adresses, & les autres introductions vaines, irritées & confuses. Et se nous voulons entrer en cōparaisons, quelle chose puet estre plus diuine en contemplation, plus iuste à bien viure, plus honneste en humanité, plus riglee en mœurs, plus proufitable à chacun, plus paisible pour tous, plus garnie de bōne Esperance & tendāt à souuerain guerdon que sainte Chrestienté? Regarde toute Euuangelique doctrine de nostre Dieu & de nostre maistre, & tu n'y trouueras sinon admonnestemēt d'amour, de iustice, & de paix, conseilz de sainte pureté, d'innocēce, & d'aide à son prouchain, deffences de dissolution, de deshonneur, de desordonnance, & d'iniquité: confors de patience, d'obeissance, d'humilité, & de consolatiō en ce monde, & espoir de perdurable gloire aduenir. L'Euuāgile s'accorde aux iustes loix moralles, aux doctrines des Peres & des sages, à honneste conuersation, & attrempance de vie. Elle apprend à croire & adorer vn seul Dieu eternal & souuerain, & endoctrine l'omme à grace, hospitalité, compassiō, misericorde & charité à ses proësmes. Son auctorité ne desfroque iamais à bonne raison, ne ses statuts ne discordent du chemin de vertu. Elle ne induit à croire chose qui ne soit en la louange de Dieu, à prendre forme ne estat dont naiffe vil-escande, ne dissolu exēple à dire parole vergōgneuse ne reprouchable, ne à faire euure qui tōurne en autruy dōmaige. Se Chrestiens sont tenus croire aucuns articles plus hauts que la capacité d'engin humain, là est cōgneué la haute excellence de leur

Dieu, & la diuinité de leur loy. Et appert qu'elle ne soit pas trouuee par erreur d'ommes, mais baillee de souuerain maistre, quant elle surmonte leur inuention. Mais c'est par celle preeminence que tous ses points sont à la gloire & exaltation de celuy que ils croyēt, & à l'honnesteté & prouffit des vrayz croyans. Et finablement en tous & chacuns les points & ordonnances de la loy diuine tout tend & conclud à biē, à salut, & à honneur tant vniuersel que particulier. Et si respond aussi bien à l'eternel fait & louange qu'au mondain, & au mondain qu'à l'eternel : comme procedant & retournant à vn seul & vray Dieu, duquel toute sainte loy & toute vie humaine & perdurable par necessité & apparente raison depend. Aduise que toutes les autres loix sont baillees par homme, mesmes l'ancien Testament vint de Dieu aux hommes par le ministere de Moysē. Cestuy est baillé par la bouche de Dieu, lequel comme predict le Prophete, a esté veu en terre conuerser avec les hommes. N'auons nous pas en escrit que les Philosophes reprindrent les Payens pour l'adoration des Idoles? Et deslors par Philosophie ataignirent Socrates, Platon, & Aristote à la cognoissance d'un seul Dieu. Pour laquelle opiniō, qui s'accorde à Chrestienne foy, Socrates fut condamné à mort à Athenes. Et si est notoire que luy & saint Denys firent iadis autel au Dieu incongneu, mais en la fin le cogneut saint Denys par la predication de l'Apostre, & par la grace du baptesme. Dy moy que iugeroit Philosophie de la secte de Machometh effrenée en luxure, & desordonnée en delices de corps, quant toutes les sentences morales dampnent excès, & appreuuent moderation en delit, & attrempee parcité és euures de la char.

Derechef voyons comme sainte Catholique Religion honnore souueraine diuinité, & pouruoit au regime de pure humanité. Que peut elle plus haut ficher sa creance, qu'en vn seul Dieu eternal deuant toutes choses, createur de toutes choses, & puissant sur toutes choses? Ce ne sont pas les Idoles ne les dieux controuuez à l'appetit des hommes. Mais il est creu selon verité & l'enseignement de parfaite sapience. Et se les Catholiques treuuent que Dieu pardurable ait voulu foy faire homme pour hommes sau-

Y. y. iij.

L'apostre
ainsi vint

Rom. 12

uer, ceste creance n'est pas pour deroger à sa maïesté : ains est exaucer & glorifier son humilité & sa clemence. Mais qui pourroit reprendre Iesus-Christ d'auoir mespris contre loy de nature, quant si conuenablement luy a'establi nourriture moderee, & generation deuë & legitime ? Et se sa foy enjoint abstinéce, elle y adioint mesure : à ce que par abondance le corps n'enchee en peché ; ou par faute de nourrissement il ne tourne en foiblesse. Haa ! combien peu de chose contente nature ! Certes si legier nourrissement luy souffist & prouffice, que les excés des Sarrazins, qui selon la loy de Machomet luy sont plus chargeux que les ieunes des Chrestiens, ne leur sont dommageables. Car la parcité est tresoriere de la santé, & ou corps mesgre & vuide est l'esperit remply & les sens plantureux. Et qui voudroit parler des enfans procrez & nourris, ie fais iuger toute Chrestienté que l'estat de mariage indiuïs & vny entre deux personnes est duiſſible & consonant à vraye amour, loyale engendrure, vtile à soigneuse nourriture, & necessaire à bõne doctrine des enfans. Et tu, que iugeras de la multiplication des femmes Sarrazines avec vn seul mary ? & de la diuersité discordable des enfans, sinon amour espartie, lignee douteuse, nourriture nonchalue, & enseignement de sedition entre les fils d'vn mesme pere ? A laquelle achoison aduiët souuent effusion de sang par le discord des freres és maisons des Princes mescreans, pour la mescongnoissance de l'ordre, ou priorité des enfans de plusieurs meres. Et se tu, qui aucunesfois as voyagé sur leurs marches, en as congnu des enseignes. Souffise toy tant d'auoir ouy la diuersité des loix, dont sourt la vanité des fotes & frustratiues Esperances : & par l'adhesion d'vne seule sainte foy, t'arreste & afferme à la vraye & parfaite Esperance. Se tu crois en Dieu, assure toy en luy. Mais qui demanderoit dont vendra ceste seureté ? le dy qu'elle doit commencer par examen de conscience & loyalle ententiõ de bien ouurer. Et premier conuiët retourner à soy-mesmes par correction, & soy atourner à faire deuoir. Ainsi & non autrement puet on trouuer assuree Esperance. Car tant est bon espoir en Dieu contraire à tout crime, que l'ame coupable ne puet estre ailleurs

Ecclesiastici
2.34.

mieux ne si bien asseuree. Coulpes est nourrice de soupçon, & la crimineuse conscience fait la paoureuxse pensée. Aussi offense couverte est tesmoignée par l'ouuerte paour, & les membres tremblans monstrent le cuer enferme & blessé, comme la rouge face la honte du courage. Et si sçachez que nul ne peut asseurer celuy que sa conscience effraye. Pour ce est iniquité suspecte & mensongiere à soy-mesme. Mais innocence est de sa nature consolatiue & feable. Oste doncques Esperance presumptiue, qui te rend indigne d'auoir les biens, puis que tu presumes les auoir sans deuement les esperer. Ne te arreste point à defectiue Esperance, ne aux suffrages des biens mondains, qui ne peuent par toy estre retenus, ne toy par eux soustenu. Regarde que tu en vses en telle maniere qu'ils ne t'abusent: & que tu t'en aides sans souffrir qu'ils te nuisent. Mais ne fais pas ton Esperance serue à choses desesperées, ains les fais seruir à ton Esperance. Puis te conuient il laisser ahurtes volentez, & opiniatiues Esperances, pource que celuy qui suit son propre conseil se priue d'autrui suite, & seul doit fortioyer qui tout seul se guide. Mais qui prise l'autrui aduis sera prisé des bien-aduisez, & qui sçait ployer son sens à autrui esgard, employera ses amis, & rendra les ennemis ployans. Apres ces choses te garde d'Esperance frustratiue, & se tu argues ton malheur par tes fautes, & tes bonnes aduentures selon la raison de ta conduite; tu ne seras pas deceu par folle Esperance, ne surpris à despourueu par mesconnoistre. Recueille tes bonnes fortunes en humilité douteuse d'empiremens, & conforte les mauuaises par patience aduisee d'amendement. Si te tournera la bonne Esperance en aide de seurte, & la mauuaise en prouision d'auis. Lors que tu garderas ces quatre points, ie seray pres de toy, & tu aproucheras celuy dont ie suis prouchaine, qui est pere & gardien de toute bonne Esperance, & emplit les desirs de ceux qui fermement & droicturierement s'attendent à luy.

*Arif. 4. E.
thic cap. 9.
erubescunt,
qui pudore
afficiuntur.*

*Doctrine pour paruenir au tres-souuerain bien, pour la vision
& fruition daquell homme est créé.*

*SE tu veux haut aduenir,
Et de meschief reuenir,
De tes faits bien conuenir,*

*Et au confort paruenir
 De bon espoir à venir.
 Pour plus accroistre ton bien:
 De Dieu te faut souuenir,
 Paine & cure soustenir,
 A rien vain ne te tenir,
 Ton sens trop ne soustenir,
 Fortune ne maintenir,
 Qui est faincte & ne peut rien.
 D'autrui sens aide le tien,
 Aduise qui te dit bien:
 Croy conseil & le resien,
 Et de ire tost te renien.
 Aime les bons, & soustien
 Pour meilleur en deuenir.
 De flateur loingtain te tien.
 Tous tes amis entretien,
 Sur ta garde te maintien:
 Ton secret clos contretien,
 Batz, pres du lyon le chien,
 Ainsi te dois contenir.*

Entendement supplie à Esperance luy declairer, & figurer par exemples de similitude du passé qu'il doit esperer en l'aduenir.

ENTENDEMENT.

GRandement conforté, & profitablement conseillé me sens par ta presence: & tes belles probations speculatiues sont moult claires, & apparentes. Mais apres soubtiles raisons seulent moult prouffiter gros exemples: & les receuons agreablement pour doctrine, & gardons fermement en memoire. Et qui ne puet attaindre à cōgnoistre son fait par argument parfont, faidera de ententibles exemples, qui sont communs aux simples & aux saiges, & empraignent fort ou courage, pour la proportion & qualité que noz singuliers cas ont avec les priuees aduentures des autres. Aussi science ne traite point des choses singulieres, ainçois les relaisse à experience & conseil, qui besongnent par patron & par

par exemple. Et de ces trois ay-ie affaire en mon especial cas. Si te plaist moy monstrier en autrui, ce que ie doy esperer de moy. Et que ie entende par pratique des choses passees, ce que tu me raisonnes de mes Esperances futures.

Esperance preuue par plusieurs exemples du temps passé, qu'en aduersité & sous le fleau de Dieu ne faut perdre courage, ny soy desancrer du haure de bon espoir.

ESPERANCE.

A Exemples ne pues tu pas faillir, se tu lis les saints, volumes, & les escrits des histoires, & les annales Chroniques de France: & tes deuanciers, qui en necessité se sont donnez bon espoir, & pris fort couraige, sont bien à ramenteuoir pour louange d'eux. Et pour exemple, souuiene toy comme Matathias & ses enfans les Machabees fuitifs & recelez és montaignes se ressourdirent en la persecution de Antiochus. Celuy Tiran auoit vsurpé & asseruy toute Iudee, & interdite la loy & les sacristes. Il tenoit les simples en subiection par forces, les variables en faueur par corruption, & aux traistres du peuple donnoit attrait & recueil pour soy aidier de leur malice contre leur pays à la destruction de leur loy. Et tu scés comme si peu de gens chasses, garniz de bonne Esperance, & entre les cas desespererez endurciz à tout souffrir, deliurerent leur pais, retablirent les loix, & redarguerent par puissance & par iugement les reniez de leur loy, & les traistres & turbateurs du pays commun. Puis que tant apparurent vertueux ceux qui n'auoient apparence de remede, il est à croire qu'ils forcerent leurs sens à esperer maugré fortune, & faire vertu de leur necessité: & que la deffiance de humaine puissâce tourna leurs cueurs en Esperance diuine conceue en hault couraige, & cōduicte par ferme entreprinse; & les fit de vaincus vainqueurs, & de chasses assaillieurs, & de humbles & deboutez les seigneurs & les maistres. Ils appellerent à iustice ceulx qui les auoient dejettez par outrages, & firent droit au pays, & satisfaction à Dieu & à sa loy, des traistres & preuaricateurs. Entre lesquels Alchinus, & autres ses complices, aprestant de richesses extorquées, & de gloire vsurpee par

1. Machab.
cap. 2.

Zz

Machab. 9.
1. Esdr. cap. 2.
Ecl. 49.

Esdr. 3.

Iud. cap.
6.7.

trahison, finist miserablement. Neemias & Esdras peuuent en cest endroit estre nombrez entre mes feables, qui en autre temps de persecucion conceurent en leur pensee la merueilleuse Esperance de rassembler le peuple dispers en seruage par la persecucion des Assiriens, & se esuertuerent à reedifier la sainte cité & le tēple demoliz. Et tant trauailla Esdras le preud'hōme, qu'il restaura la saintelibrarie, par qui fut la loy renouuelee & recouree, qui long tēps auoit demouré oubliee & nōchalue. N'as tu pas leu comme Debora la Dame saige habitant soubz l'vmbre d'vne pālme se esleua en haute Esperance ou meillieu du peuple d'Israel, qui par vingt ans auoit esté persecuté de Iabin Roy de Cananee : & contre l'opinion de Barrach lors dūcteur du peuple, retira la victoire des mains des ennemis, & triūpha heureusement par la descōfiture des Chananeēs, & par la mort du Duc Sisara. Que aduint-il de Gedeō, ou tēps de l'oppression que fit le Roy de Madian sur Israël? ne desconfit-il pas avec trois cens combatans, cent & vingt mil hommes, & deliura par haulte Esperāce son peuple de langueur & de misere? Toutesuoies estoit il poure laboureur, homme non congneu, de petit estat, & de basse famille en la lignee de Manasse. Mais où grace de Dieu & vertu d'homme se adioignent, rien n'est impossible à faire ne illicite à esperer. Et bien souuēt met Dieu au pouuoir de homme, ce que homme ne puet comprendre en sa pensee. Ces exēples sont manifestes entre les miracles de mes euures. Mais puet estre que ton sentement encor empreint és mondaines mutatiōs appete plus exemple de humaine industrie, que de diuine grace. Veulx tu doncques veoir ton cas en autrui, & les a- uentures de nos iours, comparer humainement à celles des anciens predecesseurs? Lis Omer, Virgile, Tite Liue, Orose, Troge Pompee, Iustin, Flore, Valere, Stace, Lucan, Iule Celse, Brunet, Latin, Vincent, & les autres Historieurs, qui ont trauaillé à allonger leur brief aage par la notable & longue renommee de leurs escriptures. Là trouueras tu ton fait tout iugé, & exemples correspondans à la matiere. Si te merueilleras en lisant les aduenemēs que la providence diuine a transmué de meschief en beneurté sur les hommes contre humaine estimation. Là trouueras Troye destrui-

Et par Theseus & Iason ou temps de Laomedon, & releuee
 en plus grant gloire ou temps de Priamus. Ailleurs pourras
 lire comme Athenes, Lacedemone, & Thebes furent tant
 de fois asseruies, destruites, & desolées ou tēps de Xerxes,
 de Philippes, & de Alexandre: qui depuis si glorieusement
 se ressourdirent. Bien te sera estrange la fortune de Mithri-
 dates Roy de Pont, souuent triumpfant & souuent vaincu.
 Car quant tu noteras ses batailles desconfites & renouuel-
 lees, son ost huy mort & destruit, & demain restably viue-
 ment: il te semblera que les occis reuēquissent sur le
 champ, & que sa desconfiture portast la semblance & la
 pompe d'une victoire. D'autrepart seras instruit en di-
 uers volumes de l'estat de Rome, qui par sa haulte & in-
 uiolable Esperance preseruee entre les infortunez cas, fut
 conduite au sommet de * haultesse iusques à seigneurir sur
 tout le monde. Qui la fonda, fors que Troyens desconfits &
 exilez de leur terre, & dechassez par tempeste de mer? Il est
 doncques à croire, que si hault euure ne fut iamais cōman-
 cee ne conduite, sinon par gens esprouuez en haulte ne-
 cessité. Car la durté de leur trauail les encouragea à querre
 leur repos: & l'ennuy de leur bas estat les esuertua à esperer
 haulte gloire. Ne fut celle excellente Romaine cité prinse
 & arse des Gaules iusques au Capitole? Ne fut elle aussi as-
 siegee de Hannibal victorieux Duc de Carthage, quant
 apres quatre notables barailles surmontées en pou de
 iours, & la Romaine cheualerie occise, il assist ses tentes à la
 tierce pierre pres de Rome? Et toutesuoies icelluy iour fut
 vendu à Romme le champ où il seoit, & par vne Espe-
 rance non froissée entre si desesperables miseres, dedans
 les murs assiegez, entre les vaincus, se trouua l'achepteur du
 champ couuert des armes du vainqueur. Or lis apres, si
 sçauras que icelle cité se ressourdit puissamment, & tour-
 na celle aduersité en l'augmentation de sa gloire. Quelle
 admiration puēt on prendre ou faict de Marius tant de fois
 despoillé d'armes & priué de sa franchise, & tantost a-
 pres restitué en liberté & en honneur de puissant Duc &
 redouté Cheuetaine? Cestuy fut singulier exemple des
 heureuses issues de peruerse fortune, luy qui n'auoit du de-
 mourant de sa fortune, que la seule vie ou dangier de ser-

*Plus in The-
mist. in Luc.
& in Pon. p.
Iust. lib. 38.*

* honneur

*Tis. Lin. in
pr. l. 1.*

*Plus. in eius
vita.*

*Plus. in eius
vita.*

uage & peril de mort. Car apres ce qu'il eut esté Duc desconfit & chetif, recouura il le pouoir de commander sur la vie des legions prestes à combattre, & sur la mort de ses ennemis prochains à desconfiture. Encores te puis-je dire pour vne persuasion receuable, que les humiliez par peruerse fortune ont souueraine occasion d'Esperance, pource que entre les extremes perils se nourrist & efforce la haultaine vertu, & souuent desespoir de salut a forcé nature & fortune à sauuer les periffans. Les conquerans ont la doubte de perdre, & les perdans ont espoir de recouurer. Cil qui a le dessus en sa fortune, s'orgueilleit, & s'endort, & entr'oblie és deliz de sa conquête. Et celui qui est au dessoubz, aguisse son engin à la presse de son angoisse: & fil n'a Esperance du destour de son maleur, si puet il esperer le retour de l'eur de son ennemy. A ce propos te seguiront les histoires qui sont toutes pleines de ruynes, & de miserables tresbuchemés des grâs conquerors. Et trouueras peu de ceux, qui par ambition de rapine, & par outrage d'orgueil ont enuahy autrui, auoir eu louable fin ne honneste issue de leurs entreprises. Semiramis fut celle qui premier voulut cōquerir les Indes & Æthiopie: or fut occise de son propre fils. Hercules assist les * metes de sa conquête és fins de l'Oceanne mer, & il fut mort par vne femme d'une chemise empoisonnee. Mitridates fournit assez de batailles, & guerroya maintes Provinces, & en la fin fut guerroyé par son propre fils iusques à soy occire. Phelippe troubla toute Grece & Macedoine, puis fut occis par vn sien souldoyer. Alixandre n'estoit pas content de la conquête de toute la terre: & vne poison venimeuse luy retrancha son orgueilleux couraige, si que au cueur & au corps souffisy vn sepulcre d'environ cinq pieds. Xerxes assemblea si grans barnaiges, que par l'abeurument de ses cheuaux fassiechoient les fleues: ses maneuvres rompirent la grant montaigne de Athos pour y faire tra- uerser la mer & flouter les naues, où parmi son nauire cou- urit la mer Mediterrienne iusques à y faire vn pont de ri- uage à autre; puis luy tourna fortune le doz, si que le mal- eureux apres tant de nauires & de gens perduz eschap- pa à paine de ses ennemis par soy fuyr en vne tres-pe- tite nacelle. Mais il n'eschappa pas la main de son pre-

Iust. lib. 1

*merches

tost, qui pour escheuer son meschief l'occit par trahison.
 Que dirons nous de Cyrus, qui tant espendit de sang hu-
 main sur la terre? La Royne Thomiris nous fait sage de son
 issue, qui le surmonta par vaillance, & puis fit mettre son
 chief en vaisel plain du sang des occis, en disant : Cyrus
 faoule ta mauuaise cruauté, & estanche ta soif en ce sang
 humain. Considere la petite conclusion des grans fais de
 Hannibal, & ceste exemple te pourra suffire pour tous. Car
 celui Duc redoutable patron de cheualerie, & maistre des
 victories, fut si coustumier de vaincre, qu'il luy sembloit a-
 uoir surmonté fortune, & desconfit malheur, & que Dieu
 & les destinees fussent iurees avec luy. Or se trouua sans
 pays & sans gens fuitif en estrange nation, chassé de ses en-
 nemis, suspect à ses hostes: & ne trouua secours en sa misere
 fors de effacer sa dolente vie par venin. Ia n'est besoing de
 multiplier exéples en cest endroit. Car se tu près ton loisir à
 lire Senecque es Tragedies, Iehan Boccace en son Liure du
 cas des nobles; tu ne orras autre leçon que de la *choiste des
 haultx hommes, la perte des conquereurs, & le raualement
 de ceulx qui trop ont voulu surmonter. Conforte toy en
 ce, & pense que le bruit de tes ennemis n'est pas perdura-
 ble, quant souuét apres tous les efforts de l'outrage humain,
 les violans exurpateurs d'autrui region sont confondus &
 aneantis, & la terre ou par aller remaint aux anciens habi-
 teurs. Mesmement le plus de fois si peu de preu demeure
 aux conquereurs, que ils degastent leurs puissances, & con-
 sument leurs forces; & par leurs violences les assaillis se ex-
 ercitent aux armes, tant qu'ils apprennent de leurs enne-
 mis à eux deffendre, & à recouurer la victoire sur les vain-
 queurs. Si en ont finalement les deffendeurs prouffit &
 discipline, & les enuayseurs dommage de ruine. Laissons
 ester l'incertain estat, & la gloire caduque des turbateurs
 de la terre. Arrestons nous à la certaine Esperance de ceux,
 qui entre les persecutions de guerre s'attendent d'auoir
 paix, & ou milieu des miseres esperent prosperité & repos.
 Car à cestuy propos seruent les exéples que tu me requiers.
 Veux tu derechief exemples de plus fresche & nouvelle
 memoire? laisse les liures, & assure ta creance en la recita-
 tion des anciens hommes: en quel aage le Royaume de Si-

*Inst. in prin-
cip. lib. 3.*

Inst. lib. 1.

Satis te san-

guine, quem

sisti, cuius-

que insatia-

bilis semper

fuerit.

*Plut. in eius
vita.*

**chance.*

cile fut tant troublé par Manfroy & Conradin, que nul n'y cognoissoit espoir de remede, ne prouision de conseil; iusques à ce que le bon Charles d'Anjou par merueilleuse & non cuydee prouesse restablit Sicille en son premier estat. Semblablement pues auoir ouy parler de la tempeste que fist n'agueres en Castille Pierre soy disant Roy, pour laquelle le aggrauer il appella à son aide les Payens d'Auffricque & les gens d'Angleterre, qui tourmenterent les Espaignes maintes années, & a grant occision de peuple, & desolatiō de la terre, desia presque inhabitee. Mais la iustice diuine par la force des Cheualiers de France restitua Castille en la paix & seur estat où elle demeure iusques à ores. Quantes mortelles afflictions & intolerables soustint le Royaume d'Escoce par plusieurs anneés ou temps de Robert de Brus Roy des Escotz? Cete pourront reciter telz qui encores viuent. Car puis cent ans par ses aduersaires Anglois, & aucuns ses rebelles d'Escoce il fut persecuté en sa personne, & comme Prince desherité, guerroyé en son pays, & chassé par sa terre comme le songlier par les fors buissons; voire si auant, que apres quinze tans rencontres que batailles de ses propres gents souz son conduit desconfites, ne luy resta autre refuge fors que fuir seul es lieux plus desers & incogneuz auec les bestes sauuages. Encore estoit il doubteux à si grant hoste sejourner en si forain heberge plus d'une nuit. Perdit il pource son Esperāce ne l'heritage de son Royaume? Certes non. Car il fut depuis victorieux en la bataille de Benabourg, où luy accompaigné de trente & deux mille combatans ou enuiron, desconfit Henry Roy d'Angleterre, & sa compaignie & aliez, qui estoient cent cinquante mille cōbatans, dont en la place & en chas-
*residu se moururent des Anglois plus de cinquante mille, & le^r remanāt fut chassé, & leur Roy aussi, biē cinquante lieues dedās son pays d'Angleterre. Tant que apres celle grosse desconfiture & bataille ledit Roy Robert porta paisiblement le sceptre Royal par toute Escoce. Se ces exemples foraines ne souffisient, fais querir à ton Esperance les Chroniques de ta nation, dont la similitude des caste pourra plus tendremēt mouuoir par affection de nature, & mieux cōfermer ta pensee pour leur plus cogneuē certaineté. Ramentoiz à toy

mesmes Childeric tiers Roy de France chassé de son pays en Lorraine, & priué de sa Couróne Royale. Et te souuienné que par apres le restablirent les François à honneur & en gloire, & engēdra Clovis le fort roy & premier Chrestien, qui mist en sa subjection la terre du Rin & les grans mótaignes Pyrenees. As tu oublié la pitoyable aduersité de Loys Debōnaire filz & successeur de Charlemaigne tāt ou Royaume de France cōme en l'Empire? O combié lamentable & perilleuse au Royaume fut l'iniure & destitution honteuse de si grant Prince, se l'honneste reparation ensuiuant ne leust couuerte! Certes nul ne pourroit plus outrageux vitupere penser que desappointer son Roy de toute auctorité, & le degrader reprouchablement de l'hōneur & de l'estat & enseignes de cheualerie. Ce fut sans cause faict à cestuy debonnaire Roy & Empereur. Et se lē faict estoit iniurieux & detestable de soy, la cōdition des faiseurs aggrauoit l'amertume de sa desplaissance. Entre lesquelz ses propres enfans, & ceux qu'il auoit honorez de dons, & de graces, furent complices & coupables de si hault crime. O enfans outrageux, comme osastes vous entre la fresche memoire des louanges du glorieux Charlemaigne attemper si honteusement sur son honnouré filz & vostre pere? Grant merueille fut que l'excés de vostre ingratitude ne peut effacer la large misericorde du piteux Empereur. Car puis que la clemence diuine l'eut restitué à son estat primerain, il recogneut humainement vers vous, & par humble *pardon ^{*pardon-} donna ce que grace diuine auoit ouuré sur ^{nance.} luy par pitié secourable. Et apres tant d'opprobres receuz & pardōnez regna il en magnificēce, & mourut plain d'ans & de bon renom, vous laissant les Empire & Royaume entiers & paisibles par dessus ces cas recitez. Se tu vouloyes mescognoistre les tēpestes espouuantables, les clameurs du peuple fuyāt, & les sanglantes boucheries des hōmes mors a ras, & cōme on trāsportoit les riches garnemens des maisons ardans en diuers temps que les Gothz, les Vandres, les Huns, les Sefnes, & les Danois entrerent pieça en France, tu en auras la preue par les Eglises lors destruićtes, dilapićees & arses, & par la trāslatiō des corps sainćts & dignes reliquaires de pays en autre; dōt aucūs ne furēt puis rapportez. Et ne trouueras pas que à celle heure remede sy peult

trouuer, fors par le merite des saintes personnes, & par miracle diuin. Que ce soit vray, la cité d'Orleans ne peut par autres armes eschapper de la main des Vvandres que par les prieres de saint Aignan: en vertu desquelles lesdits Vvandres s'entrechoururent sus, & furent mors & chassez de deuant ladicte cité sans main d'homme. Paris fut en ces terreurs preseruée par sainte Geneuiefue: & Xaintes en Xaintonge par saint Viuien Euesque d'icelle cité. Et le pareil cas aduint aupres de la Cité de Tours ou lieu de saint Martin le Bel, par les merites du glorieux S. Martin, qui vult garantir sa bonne cité. Escoute comme patiemment en cremeur de Dieu se maintint le benoist saint Leu de Troyes contre Atilla le Roy des Huns ou temps de ces mesmes persecutiōs, & tu y trouueras doctrine de humble & prouffitabile obeissance. La Legende recite, que le saint homme fist ouurir les portes de la cité au tyrā & mefcreant Atilla, qui n'espargnoit le glaive à sexe ne à aage, & menoit avecques soy plus de milliers d'hommes que noz

^{*de centes-} Princes du iourd'huy n'assembleroient de grant temps. Le ^{ces.} fist il ainsi pour faueur d'omme, ou pour crainte de menace? Soyons seurs que non. Mais le tyran se intituloit Atilla fils de Zendebus nourry en Engady, Seigneur de la terre, crainte du monde, & flael de Dieu. Et quant le saint Euesque ouyt le nom du flael de Dieu, ne luy sembla lieu de contrestre par puissance, mais plus de soy soubzmettre par humilité. Et pourtāt fist ouuerture, en disant que bien feust venu le flael de Dieu. Ainsi voulut plus honnorer le tiltre diuin, que craindre le Tyran inhumain; & en monstrant sa cité preste à la correction, deseruit misericorde & grace d'en eschapper, ainsi que l'enfant qui se vient rendre soubz la verge du pere. Si entra le Tyran en la cité sans y pouoit mal faire: & s'en passa outre par l'autre porte, où il ne sceut demourer. Car l'umblē obeissance du bon Confesseur osta l'ire de Dieu, & forclouy en tel endroit l'executoire du flael. Pensons que le pouoir de Dieu infiny puet donner fin és fraelles puissances des terriens orgueilleux, & resfourdre la foiblesse des humiliez. Car ainsi plein de graces est il, & aussi large de confort, comme il fut au temps de la naissance de Philippe Dieu-donné Roy de France, qui pource fut surnommé

surnommé Dieu-donné. Car il nasquit par don de Dieu inopiné aux hommes, & vint sur la terre en temps de esperance, naissant d'une Roynne hors aage de porter enfans, pour estre le confort & l'esperance du peuple de France lors tourmenté de guerres, & pour réunir en luy seul le courage des François diuisez en diuerses affectiōs de regner. Autresfois aduint il à Phelippe, qui pour ses vertus fut appelé le Conquerant, & à Loys son fils, que Dieu emplit du sens de vieillesse en ieune corps vertueux de force, autant merueilleux trouble durant leur regne, que celuy que tu vois en ton temps. Car l'Empereur Othe allié & aidé du Comte de Champagne, & le Roy d'Angleterre cōforté & acompagné des Cōtes de la Marche & de Bretagne, leur coururent sus, par deux costez du Royaume en vne mesme saison, à si grans ostz efforcez, comme pour tout accrauer à vn coup: & eulx à peu de gens espartiz en deux lieux desconfirent les deux ostz vne fois, & à grant crainte sans bruit gaignerent l'hōneur & la force sur leurs orgueilleux menaceurs. Mais ce fut par vne si haulte grace espartie en deux lieux & à vne heure, que l'exploict du pere contre l'Empereur, & du filz contre les Anglois semblerēt vne mesme recomblee victoire. Et n'eut le pere loisir de esioyr si tost son filz par luy mander la deconfiture de Othe, que le filz ne luy rēdit celuy iour guerredō d'une autre ioye par les nouvelles de sa victoire sur les Anglois. Te ramenteuoir à present les exemples qui sont de fresche memoire, seroit plus narratiō superflue, que allegation necessaire. Pource ie relaisse à toy mesmes la recordatiō du cas du Roy Charles le quint ayeul de Charles septiesme de ce nom à present regnant, & la consideration de l'estat infortuné du Royaume à l'entree de son regne, & de la beneurté de France à l'issue de sa vie. Car encores en tiennent leurs comptes les vieillars, qui se virent si au vray en leurs fouiers, que ce semble mieux experience d'euvre presente, que l'histoire escripte de chose passée. Et se les autres exemples te estoient obscurs, ou moins appropriez à ton entente, en cestuy ne pues tu nier verité du fait, ne mesconnoistre la partie de ton cas.

A A a

370 L'ESPERANCE, OV CONSOLATION

*Les histoires du temps passé sont pour exhorter à vertu par le loyer
de ceux qui ont vescu vertueusement, & fuyr peché par la pei-
ne de ceux qui en vices ont consommé leur aage.*

Pour les haultx faiz meritoires,
Les renommées & gloires.
Des victoires,
Les meffaitz & biens notoires
Ramenex à nos memoires
Transitoires,
Et noz sens edifier,
Sont escriptes les histoires,
Et poësies fictoires
Narratoires
Des mauuais accusatoires,
Des bons recommandatoires
Laudatoires
Pour leurs faiz iustifier.
Ainsi par verifier,
Et temps en estudier
Employer,
Ont voulu certifier
Les Clerz, & specifier
Sans nier,
Les cas qui aduindrent *loires
Et pour nous humilier,
Et à vertu affier,
Et lier,
D'antruy faiz clarifier,
Monstrer & exemplier,
Et tirer
Noz presens cas peremptoires.

* c'est à di-
re, lors

ENTENDEMENT.

Ces exemples sont entendibles & prouffitables. Mais
puis que tu m'apprens à esperer apres les autres, monstre
moy en qui & comment esperent les autres.

ESPERANCE.

En Dieu, qui est le commencement & la verru de toute
euure, & la fin & perfection de tout espoir.

Entendement senquiert à Esperance des moyens subalternaux & conduisans à la souveraine fin, source inexpuisable de toute perfection.

ENTENDEMENT.

PAravant m'as tu prouué, que Dieu est la souveraine Esperance. Mais autres moyennes & subalternes Esperances faut-il chercher, qui conduissent à ceste finale. Si tu veulx faire en cest endroit aucuns menus interrogatoires, pour sçavoir qui puet aidier à esperer & adresser à mon Esperance. Le premier, se oroïson puet conforter en esperât, & prouffiter à mon espoir, & cestuy expédié ie produiray les autres par leurs ordres & lieux, selon la poursuite de la matiere de tes responses.

Esperance enseigne Entendement à prier pour obtenir la grace de Dieu, & que nostre Seigneur point ne l'a donné sans la preparation de l'homme à la recevoir par le moyen d'humiliation du liberal arbitre, & de cooperation du vouloir.

ESPERANCE.

SEoroïson n'estoit prouffitable & cōsolatiue, celuy Dieu, qui rien n'establi en vain, ne l'eust onc ordonnée, ne baillé la forme de le orer. Car combien qu'il soit seul tout puissant à faire son vouloir de ses dons & graces, avecques ce est il iuste & droiturier à les biē employer: & ne les octroye pas à ceulx qui les mesprisent, & ne les demandent, mais les soustrait aux ingratz qui ne les cognoissent. Si veult que on luy recognoisse ses graces donnees, & estre requis & aduoué pour patron en toutes euures faire. Car sans luy nul homme n'est souffisant à rien commencer ne fournir. Autrement faudroit dire, qu'il distribuast les tresors de sa bōté en tasche & en gast, autant aux nonchalans & indignes, comme à ceulx qui les requierent & desseruent. Qui seroit forcenerie à dire, & contre la diuine iustice auiler la dignité des dons de Dieu, & dénier le franc arbitre de l'homme, lequel puet * meriter ou demeriter, obtenir ou perdre les dons de grace. La creation de l'omme proceda de celuy seul, qui fit toutes choses de neāt. Mais la perfection

*Ms. merir,
ou desme-
rir.*

A A a ij

& salut de l'homme procede de merites humains, & depend de grace diuine. Car celuy qui te fit sans toy, neté iustificera pas sans toy. Te creer sans toy puet estre remonstrance de son pouoir magnifique, & iustifier l'omme sans merites seroit le desordonnement de sa iustice faire. L'omme est euure de maistre & de absolue puissance. Mais iustifier l'omme est ouurage de iuge, & de ordonnance droituriere. Assez te donna Dieu quant il te bailla estre, & vie, entendement pour iugier, & vouloir pour eslire. Et s'il t'eust baillé de fait par luy mesmes ce qu'il mist en ton pouoir d'acquérir par ton industrie; tu ne fusses pas si parfaitemēt créé comme tu es. Car les bestes & les plantes ont l'estat de leur estre & perfection ordonnée de nature, laquelle ils suivent sans desuoyer, par statut necessaire. Et tu as en ta franchise & en ton pouoir le conduit de ta vie, & l'election de ton bien, ou de ton mal. Les bestes sont contraintes par leurs inclinations & appetis aux fins où ils les enclinent: & tu pues contraindre les tiens appetis, & r'amener par ton seul vouloir à la raison. O quelle prerogative, & cōbien digne excellence donna Dieu à l'omme, quant il mit en son vouloir l'adressesment & le choix de son pouoir! Les autres non ayans ames, ont leur pouoir reglé en ce qu'ils peuvent par institution de seruitute. Mais le pouoir d'ōme est reiglé en ce qu'il veult selō le droit de fraîche seigneurie. Pour les bestes dōcques ne fut pas suffrage d'oroison estably, cōme elles ayēt leur estre & leurs fins artestez & desterminez: ainçois est approprié à l'omme, qui est en la queste de sa perfection, & travaille en l'election & ou choiz de sa bieneurte, ou de son meschief, besoigneux d'aide & de soustenuē, si mestier d'oroison, par laquelle (en remembrāt sa fragilité) il acquiere l'aide du Tout-puissant, & l'adressesment de celuy qui tout sçet. Car combien que l'enfant, qui de nouuel est appris à aller, ait de ce faire le pouoir de soy; si a il tousiours l'ueil & le cry vers sa mere pour doubte qu'il a de tressbucher par son impotēce, & pour l'attente que naturelle affection luy dōne du soustenement de la mere qui l'a appris à aller. Encore vois-tu que le patient malade s'esuertue, & prent espoir de sa guerison par seulemēt se pouoir plaindre & parler à son Mire. Et quoy que ie t'aye seulemēt dit cy de

uant des bestes brutes, s'iretiennent elles en eulx quelque forme d'oroison, & de recognoissance & louange de cil qui les fit. Tu le vois au chant des oyseaulx qui jettēt leurs voix & leurs cris vers les cieux: & en leur endroit les ensuiuēt les plâtes & les herbes qui se enclinent vers le Soleil, quelque part qu'il se remue: en rendant par signe l'honneur à leur Createur, duquel nature leur a denié la vocalle louange. Ad ce s'accorde Daud, qui dit que les ieunes corbeaux crient à Dieu quant leurs peres par l'estrangeté de leur blanc * plumage les descongnoissent, & laissent à ~~fouler~~ *poil fou-
ge paistre au commencement: & tesmoigne que Dieu à ~~lage~~ leur inuocation & priere les pouruoit de viande à celuy besoin, iusques à tant que leursdits peres les ayent recongneus & pris en cure. Le te dy plus, que celuy qui ne s'attent à l'aide & secours de là hault par humilité, descongnoist par orgueil son impotence ça bas. Et se homme laisse le suffrage d'oroison, il contredaigne Dieu; ainsi que celuy qui pert les biens par desdain de demander, & se rend trop nonchalant de sa perfection, ou trop presomptueux de ses merites. Cognois maintenant que oroison porte confort & prouffit; & tien de moy, que oncques oroison ne fut presentee de bon cuer à Dieu sans rapporter fruit.

*Entendement s'enquiert pourquoy l'oroison de l'homme
n'est tousiours exauce.*

ENTENDEMENT.

COMment puet estre vraye ceste tienne sentence, quant tant de gens luy requierent ce que ils n'obtiennēt pas; & que souuent deux aduerses parties demandent chacune à Dieu victoire pour soy, & confusion pour son ennemy, qui sont choses repugnantes en demande, & incompatibles à obtenir.

Esperance respond à Entendement, que Dieu par l'exemple d'un bon medecin, qui ne donne chose au patient nuisible, combien que souuent la demande, tousiours n'exauce l'oroison du postulant quand elle n'est faite à son prouffit.

A A a iij

Dieu veult & souffre estre prié d'omme selon l'affection temporelle & humaine. Mais il veult l'exaulcer selon sa raison eternelle & diuine. Tu ne le pues prier sinon ainsi que tu sens. Et il ne veult exaulcer sinõ ainsi qu'il doit. Fragilité & deffault sont l'émouuement de ta priere : & puissance, & perfection sont la source de ses dons. Doncques se tu par ton ignorance deceuable ou par affection peruertie faulz à faire ta demande : la iustice inuariable, & la science infallible ne fauldront pas pourtant à faire son oïroy. Si ne ensuit pas Dieu tes oraisons à ton appetit, mais reigle sa largesse par sa sainte prouidence : & donne non pas tout ce qu'il te faut, mais ce qui te vaut, non pas ce que tu demandes, mais ce que deusses demander. Ta fragilité te fait demander à ton appetit, & sa bonté luy fait tourner ton oraison à ton prouffit. De ce t'a baillé parauant bonne similitude ma seur Foy, qui a premiere parlé. Car le medecin ne donne à boire au malade quant il le demande à son appetit, mais quant il est temps au prouffit de sa santé. Maintenant se tu * qui as vaincu les vices de l'ame demandes victoire sur ton corporel ennemy : puet auenir que Dieu te laissera vaincre quant au corps afin de humilier ton cueur, à ce que tu puisses auoir victoire sur orgueil, qui est le prince de tous les vices. Et que sera il de ton vainqueur, à qui Dieu a souffert auoir la temporelle victoire qu'il demandoit? Il est possible que vaine gloire & presumption le mettra en seruiture de pechié, & lors triomphera sur luy orgueil, qui par l'auueiglement d'arrogance le fera trespucher souz toy quant au monde, & souz Dieu en damnation perdurable. Or a il eu ce qu'il vouloit, non pas ce qui luy valoit : & son oraison luy est, comme dit le Psalmiste, retournée en pechié, pource que son entention n'estoit pas droicte. Et tu qui es vaincu des hommes, & humilié, n'as tu pas eu la victoire que tu luy demandoies, quant tu as surmonté le prince de tous les vices, & es deuenu digne par ton humilité de triompher sur les hommes? Tu as ton compte à la mesure de la raison infallible, & ton aduersaire s'est mescompté par folie mondaine. Humaines oraisons sont comparables à la requeste

* Ms. quies
vaincu par
les vices,
&c.

d'un trespasſant, qui demande ſon chemin. Car hommes ſont comme voyageurs, qui tous tendent à venir au ſouuerain bien, & prennent leur voye par diuers chemins, & ſouuant ceulx qu'ils eſliſent pour les guider les ſont foruoyer. Mais Dieu eſt vraye voye, verité, & vie. C'eſt la guide qui ſcet & conſidere toutes les diuerſes ſentes des hommes, & r'amene ceulx qui le requierent à la droite ſente, que nul ſans luy ne puet trouuer ne cognoiſtre. Car autāt comme le ciel eſt exaulcié ſur la terre, ainſi toutes les voyes de Dieu ſont exaulcees ſur les voyes des hommes, & celes & eſtrāges aux mondains. Se celuy doncques qui demāde la voye ſe doit laiſſier mener à ſa ſeable guide, & paſſer ſans contredit les deſtroiz où il le meine, combien que ils ſoient eſtranges à ſon * eſtimation, & faut qu'à luy obeiſſe. Par plus forte ^{imaginati} ^{tion.} ^{1042. 14.} raiſon l'omme, qui requiert l'aide de Dieu, ſe doit laiſſer adreſſer au maiſtre des adreſſes. Preigne au mieulx toutes les choſes qui luy aduiengnēt ſouz le conduit de la prouidence diuine ſans murmurer, & ſoit touſiours en fiance de r'apporter le fruit de ſon oroïſon. Sçaiches que Dieu ſcet mieulx qui fait maiſtier à homme, & l'a plus en grant chiereté que homme ſoy meſmes. Car de luy, qui premier cōmança à aimer, ains que l'homme l'aimaſt, naiſt & procede toute loyalle amour & charité. ^{1042. 4.} Si n'eſt nulle plus ſeure oroïſon, que celle qui eſt conſormee au vouloir de Dieu, quant le deſir de la creature ſe r'apporte au plaïſir du Createur, à qui plus plaïſt noſtre preu, que noſtre dommaige ne nous pourroit deſplaïre.

ENTENDEMENT.

Ceſte ſolution me engendre doubte nouuel, & ie me fonde ſur l'Eſcripture qui dit, que oroïſon appaiſe l'ire de Dieu. Son vouloir doncques ſe conforme à nos prieres, non pas noz oroïſons à ſon vouloir, quant par elles ſon indignation eſt moderee.

ESPERANCE.

Ton argument procede d'ignorance.

ENTENDEMENT. Comment?

ESPERANCE.

Par ce que tu ne cognois la condition ne la difference des qualitez, & des attributions des noms de Dieu.

ENTENDEMENT.

Monstre moy celle difference qui me deçoit.

ESPERANCE.

Volontiers. Mais note bien mes parolles, & saine m'en-
tens ceste distinction.

ENTENDEMENT. Procède outre.

*Les qualitez & proprietéz essentiellement conuenantes à Dieu se
peuuent verifier des hommes: & comment les affections
humaines peuuent estre attribuees à Dieu.*

ESPERANCE.

*deppen-
dance.

A Vcuns noms & tiltres sont attribuez à Dieu principa-
lemēt, & essentiellement aux hōmes en apres par par-
ticipation & * dispositiō. Bōté & sapiēce premieremēt ap-
partiēnt à Dieu, & il en cōmunique aux hōmes telle part
comme leur foible condition en a & puet receuoir. Pource
est-il veritablement de foy & sage & bon. Car sagesse & bō-
té sont tiltres de perfection, & toute perfection est en luy, &
procède originaulment de luy. Mais aucunes qualitez ap-
propriées aux hommes principaulment, sont attribuees à
Dieu par transsumption. Entre lesquelles ie compte ire &
fureur, qui sont passions humaines, & tiltres de imperfe-
ctiō. Et pource ne competent pas ces tiltres à Dieu verita-
blement. Car luy qui est tout parfait, tout constant & inua-
riable, n'est iamais, à prōprement parler, iré ne furieux.

ENTENDEMENT.

Comme doncques parle tant l'Escripiture de sa fureur &
de son ire?*Nous ne pouuons cognoistre Dieu à sa diuine essence,
dont sommes contraincts à y aller par hu-
maine coniecture.*

ESPERANCE.

O Quant grant difference a entre l'eternelle science de
Dieu, qui toutes choses congnoist telles qu'elles sont: &
le petit Entendement de homme, qui iuge des choses ainsi
que il les comprend. Dieu iuge de toy diuinement, qui est
iuge-

iugemēt cler & veritable, mais tu ne pues par toy mesmes le congnoistre sinon humainement, dont est ta congnoissance troublee & imparfaicte. Et puis que tu ne le pues congnoistre en la perfectiō de sa diuinité, tu n'as congnoissance de luy, sinon entant que se puet estendre le iugement de tō humanité. Pource l'appelles tu iré ou courroucié à la semblance des hommes, quant tu sens ses punitions; & dis qu'il est appaisié, lors que son flael cesse. Beaulx amis, ceste mutation n'est pas en luy: elle est en toy, qui reçois punitions ou graces, differentement de luy qui est sans differēce, ainsi que le Soleil luit sur les bons & sur les mauuais. Celuy qui ouure sa fenestre a de la lumiere, & celuy qui la ferme contre le Soleil demeure en tenebres. Or n'est pas le Soleil plus cler ou plus tenebreux, pourtant se l'omme, qui se gist à fenestres fermees, iuge qu'il est encores nuit. Ainsi selon l'Escripture, ire est attribuee à Dieu non pas pour alteration qu'il reçoie en soy, mais pour les passions que tu souffres par sa iustice, dont l'emolument est en toy, & à luy demeure eternellemēt la cōstante permanence de sa saincte voulēté.

Entendement interroge Esperance, de quoy profite oraison enuers Dieu, puis que sa voulēté est inuariale.

ENTENDEMENT.

SE sa voulēté est inuariale, & que eternellement il ait voulu & sceu toutes choses, sans changier vouloir, pour neant seroient oroisons & prieres.

Esperance demonstre à Entendement, que la science de Dieu est immuable, & ce nonobstant n'y a aucune necessité qui lie le liberal arbitra de l'homme, & demeure frāc à prendre le bien ou le mal.

ESPERANCE.

TV quiers chose que nul ne puet trouuer, & veulx estre acertené de ce que Dieu a laissé douteux. Plusieurs Docteurs ont subtilié leurs engins à accorder la predestination de Dieu auec le frāc arbitre de l'omme. Mais ils ont pagé par dessus, sans trouuer le fons, & volé à l'entour tant qu'ils n'ōt veu en quoy reposer leurs engins entreuerchiez. Les responses en ceste matiere arguent contre le respon-

. BBb

*oy mes-
mes

*de la sciē-
ce procede

dant, & les argumens retournent cōtre celuy qui argue. Tu veulx dire en arguāt que Dieu sçait toutes choses ains que elles auiegnēt. Et puis que sa science est certaine & invariable, s'il les sçait, de necessité elles serōt. Doncques n'y peult il pour noz oroisons ne muer ne chāgier. Or retournōs l'argument cōtre * soymesmes, & disons ainsi: Se Dieu ne peult chāger l'estre des choses à venir, il est quāt ad ce nō puisār, & s'il n'a pouoir és choses qu'il sçet estre futures, il faut dire qu'il sçet plus qu'il ne puet, qui est erreur manifeste: ou que tu confesses que il ne sçet riens de ce qui est à venir. Que vault multiplier argumēs en matiere arrestee? Certes quelque chose que arguēt les hommes, à la verité il a puissance infinie sur toutes choses, & de toutes choses invariable sciēce. Et neantmoins l'estat des choses auenir est de soy muable, & la voulēté de l'omme franche à essire le bien ou le mal, & la puissance de Dieu inclinable à noz oroisons exaulcer. Souffise toy se nous te relatons ce que les saincts Docteurs en ont escript, & demeure sur le point où ils se sont arrestez. Car cōbien que leurs determinations ne puissent vuidier tous doutes, pour certain elles sont vuides de toute erreur. Nous croyons fermement que Dieu est vne simple & souueraine essence, qui par soy mesmes & en soy mesmes cōme tout parfait cōgnoist toutes choses. Et voyōs clerement que hōme est vne substance composee & imparfaicte, & qui mendie dehors la congnoissance des choses par leurs especes. Et Dieu congnoist toutes creatures ains qu'elles soient faictes: & homme ne congnoist riē s'il ne luy est representé par les sens de dehors. Ainsi la science diuine n'a quelconques proportiō avec la sçauance des hōmes, & ne dois rien iuger de son sçauoir par le tiē. Car ta sciēce depend des choses que tu scez de luy, & les choses qu'il sçait dependent de sa science absoluē. Elles sont de luy par eternelle congnoissance & sapience sceuēs clerement, & parce qu'il les sçait de luy: & de sa grace tu le scez, pourtant qu'elles font leur mutation. Dōcques pour ce ne se peut muer sa science. Car * sa science precede leur estre. Et s'il congnoissoit les choses par elles mesmes, sa cōgnoissance ensuyuroit l'estre des choses. Ainsi il congnoistroit les choses possibles, douteusemēt, & les choses necessaires par certāineté reel-

le cōme tu fais. Mais puis qu'il congnoist tout par luy mesmes, qui tousiours demeure estable & perdurable, sa science est necessaire, eternelle, & infalible. Croy & n'en doutes point, qu'il congnoist les choses à venir presentialement, les choses temporelles eternellement, les choses muables inuariablement, & les choses contingentes necessairemēt; ne la variabileté des choses ne varie sa science, ne sa sciēce ne force leur contingence. Car l'estre d'icelles est de soy chose muable en elles, & par elles. Et la sciēce qu'il a d'elles est en luy, & par luy establemēt necessaire. Il les scet necessairemēt par soy mesmes qui est necessaire, telles qu'elles seront; & aduiēgnēt cōtingētemēt par leur nature, qui de soy est variable, telles qu'elles sont. Soyés certain que toutes choses luy sōt presentes en son eternité. Car il a tout ensēble de tousiours & pour tousiours son sçatōir, & tout son estre parfait & acōply. Les choses corporelles subiectes à mouuēmēs & à mutations soubz le temps n'ont iamais ensemble leur estre passé ne leur estat à venir. Car le passé leur est ia tollu, & le futur leur reste à attendre. Mais tout le temps ensemble luy est plus present que n'est à toy l'heure de maintenāt. Je t'en baille materiel exemple ou cētre du cercle, ou pour plus grossièrement exemplifier à l'essieu de la roē. L'essieu qui la roē soustient demeure en vn estat, & les parties de la roē meuenēt à l'entour variablement. Il est quant de soy tousiours en vne mesme habitude vers toutes les parties de la roē, qui de tous costez luy sont presentes: mais elles chāgēt tant que en elles est leur habitude vers luy, selon qu'elles se meuēt haut ou bas. Ainsi * par la mutatiō des choses que Dieu * soustient ne se change son essence, ne sa science ne varie. Quiers la variation du monde és choses qui de soy sont muables, & laisse à Dieu son estable permanence sans scrupule & sans doute. Ne mes croy pas l'autorité de sa puissance pour la necessité de sa science. Car cōbiē que il saiche les choses à venir necessairemēt en soy, comme elles seront: si les puet il seigneurieusement muer en elles cōme il luy plaist par noz oroisōs, par sa misericorde, ou par noz merites. Et certainmēt sa necessaire sciēce, son infinie puisāce & sa volētē irrepugnable, sōt si d'accord qu'il sçait tout ce que il puet, & puet tout ce que il veult.

Soyes content de ceste deduction. Car ça ius tu n'en pues auoir plus, & à moy mesme qui suis sa fille n'en a il plus permis. Ce pues tu sçauoir, que se oroïsons & merites ne prouffitassent, & Dieu eust si destiné les choses que le franc arbitre de l'omme fust contraint par necessité, ie fusse pour neant créée.

*Entendement esclarcy par Esperance, congnoist oraison esleuer
l'homme à Dieu, & à iceluy le reconcilier.*

ENTENDEMENT.

PResupposons que oroïson fut introduicte pour moyenner entre grace diuine & necessité humaine, & que les hautes richesses & graces de Dieu n'ont quelconque proportion avec la chétieue misere de pouure humanité: se aucune sainte cōnexiō n'y trouue l'abitude qui rapproche l'omme de la clemēce diuine, de laquelle ioincture faire tu attribues l'office à oroïson. Or endroit reste à sçauoir la forme d'oroïson.

*Esperance demonstre à Entendement la maniere de prier pour estre
exaucé, en deduyfant l'oraison Dominicale en sept parties.*

ESPERANCE.

* Qui fera
celuy,

OV* est celuy, qui baillera forme de doctrine sur le souverain Docteur: ou quelles plus agreables parolles voudras tu prādre à le prier, que celles par qui il veult estre requis? Sa iustice est ton ordinaire iuge. Mais sa misericorde se fit partie pour toy quāt luy mesmes te aprint à former cōoroïson, & te bailla le patrō surquoy tu dois ouurer. Ne demande autre forme que celle que Dieu te dōna, & que l'Eglise t'apprent. C'est l'oroïson Dominicale dictée par la bouche de celuy, qui par doctrine & par exēple nous aprint à
*orer, quāt luy mesmes aux affaires de sō humanité requis son pere, & que il vult que sa deuote Patenostre, qu'il ordōna, fust enregistree ou liure de ses saintes Euuāgiles, cōme vne medicinal recepte pour remede des maladies des ames. Ceste digne oroïson, que tu dois auoir apprise, contient sept petitions, dont les trois premieres sont attribues

Mas 6. Luc
11.

* adorer,

à l'onneur & loüenge du Createur, & les quatre ensuiuans au secours & salut de la creature. La premiere des trois est à la sanctification & exaltation du nom de Dieu. La seconde à la fruition de la gloire de son Royaume pour les benoïstes ames. La tierce à l'accomplissement de sa droicturiere volenté, par laquelle comme vraye reigle & esquierre noz volenté obliques sont r'adreccées. Et ces trois demandes ordōna Dieu, non pas pour auoir loüenge ne chose qui accroisse sa beatitude, mais pour veoir le deuoir de humaine* creature. La premiere des autres quatre demande le suffrage de nourriture pour soustenir le corps mortel. La seconde procure remission des passez deffaulx. La tierce quiert remede contre les perils des temptations presentes. La quarte, secours pour preseruacion des maux à venir. En ces sept parties se treuve le sommaire de toute oroïson, & l'abregié de ce qui te fait besoin à demander. Et non pourtant ne font à laisser les autres suffrages de l'Eglise, qui tous se puisent en ceste fontaine comme en la source. Dieu veult auoir de toy aucun treu pour ta creation, & de chascun iour que tu passes en sa garde, luy dois peage & recongnoissance. Mais il veult estre payé en la monnoye qu'il a ordonnee. Pour ce t'a il baillé les coings à la forger, quāt il ordonna le diuin* PATER NOSTER: qui est le mosle & l'exemple, sur qui toutes oroïsons sont forgees. Or as tu de plus haute escole que la mienne la forme d'oroïson en soy. Si te faut informer par dessus de la disposition du requerrant. La bouche prononce les parolles, mais Dieu regarde le cueur. Si doit estre en priant ton affection ardemment deuote. Car nul octroy n'est fait liberalment, sil est demandé nonchalamment. Soit avec ce ta pensee entieremēt ententue à ta requeste, & * sequestree pour lors de toutes autres cures. Et tiens pour seur que se toute ta pensee ne poursuit ton oroïson, elle demeure en chemin comme fleche tiree d'un arc sans empenons. Celuy aussi de qui tous dōs viennent entieremēt veult estre requis d'entiere pensee. Ayes semblablement ferme entente ad ce que tu requiers, pource que l'oroïson ne prouffite sinon en tant que la Foy du requerrant luy donne de merite. Car bien doit perdre le don qui se deffie du donneur, & follement demande qui

* M^r. grati-
tude,

* Pater n^o
stro

Act. 15.
1. Thes.
2. Ioā. 3. Ap.
1. Luc. 21.
Rom. 12.
Eph. 6. Col.
4. 1. Thess. 5.
1. Pet. 4.
* sequece

pense estre esconduit. Retien ces enseignemens, & tu seras souffisamment instruit en tes oroisons.

ENTENDEMENT

Tes enseignemens ay-ie bien retenus. Mais tien en ceste partie l'ordre encommencee, & fortifie tes raisons par exemples.

Esperance demonstre qu'oroison est moyen tres-necessaire pour impetrer enuers Dieu de sa demande fruition.

ESPERANCE.

TV me appelles à chose de petit labeur, & de grant effect. Car iacoit ce que de ceste matiere les exemples sont par tout druement semez és escriptures, & legiers à trouuer; si sont-ils de tres-parfont mystere, & ne trouueras point que le nom de Deité veint oncques si tost à congnoissance d'omme, que incontinent apres oroison ne l'ensuiuist. Car oroison est si attrayāt à Dieu, que ceulx mesmes qui ont attribué deité aux choses mues, leur ont tantost rendu le deuoir d'oroison. Remembre toy des dits de Valere au Liure qu'il fit des choses dignes de memoire. Ne dit il pas que les gens de la religion Payenne, qui adoroient les idoles, n'entreprenoient iamais aucune chose notable sans faire oroisons, oblations, & obsecrations à leurs Dieux? Et se infortunes publiques leur suruenoient, leur premier remede estoit de reparer les deffaux commis en leur loy, & r'appaiser par sacrifices & oblations l'ire de leurs dieux; la vengeance desquels ils reputoient leur male aduenture. Toutes celles gēs vserent de telles obseruances, & appellerent leurs dieux vengeurs des malefices, & guerredonneurs des biens faits. Et pour appaiser leurs vengeances, ils leur faisoient sacrifices appelez expiations, & vserent en sacrifiant de aucunes prieres, qu'ils nōmoient obsecrations, ordonnees pour requerrir prosperitez ou victoires. Agamemnō l'Empereur des Grecs sacrifia aux dieux sa fille * Ephigene sur la marine, lors qu'il vult passer la mer pour assieger Troye; priant à Neptuneus le Dieu de la mer, qu'il fust propice à sa flotte, & à Æolus le Dieu des vens qu'il soufflast eueusemēt ses voeles au port desire. Et Pyrus au retour du siege occist par sa-

* attirant

* al Effegi-
mcc

crifice la belle Polixene, combien que ce fust la plus noble prise que les Grecs eussent recouste du feu de Troye. D'autre part enuoya Priamus Calcas en l'isle de Delphos, pour requerir l'aide & sçauoir les respons du Dieu Apollo. Ainsi en tous leurs haultx affaires ne mespriserent oncques oraison, cōbien qu'ils mescogneussent celuy qu'ils deuoient aller. De elle firent ilz preambule en toutes grās choses. Et tu Scipion l'Affricain es loué à tousiours mais des aucteurs, de ce que apres la doloieuse bataille de Cannas tu ordōnas à Rome à l'entree de ton Cōsulat, que tous les Dieux fussent requis & feis entrelaisser toutes euures de paix & de guerre publiques & priuees, pour entendre premierement à la reconciliatiō des Romains vers leurs dieux, & à solliciter les oreilles de tous les dieux par multiplicatiōs de requestes à faueur, & à graces. Ces exēples ne sont pas recitez pour les ensuyr en creāce de religion, mais pour esmouuoir à curiosité de deuotiō. L'auctorité du vieil Testamēt ne te faudra mie en ce cas. Ains cōtribuera pour sa part autāt d'exēples commela Bible contient de fais notables, qui tous furent cōmencez ou cōduitz par oraison. Mais pour contēter ton desir en diray aucuns, & te r'enuoyeray au Liure quant au surplus. Noé fut preserué au deluge par oraison. Moysē par ses prieres fit diuiser la mer, & donner sec passage entre les vndes au peuple d'Israel. A la requeste de Iosué le Soleil *retarda de absconser sa lumiere, & retira ses raiz d'Occidēt pour esclairer aux Cheualiers d'Israel en la victoire deuant Gabaon. Ne sçais tu que les batailleurs du peuple de Dieu enchassoient leurs ennemis, quant Moysē leuoit ses mains au ciel par deuote oraison pour ses combatans: & si tost qu'il les abaissoit, le faiz de la bataille chargeoit sur les siēs? Par oraison & priere fut Sapience donnee à Salomon. Par oraison fut faicte la promesse à Dauid, que Iesus-Christ naistroit de sa semence. Et par oraison vainquit-il tous ses ennemis. Et il le recognoist en ses Pseaumes, qui sont tous confitz de louange de Dieu & de suffrages d'oraison. Pour certain nulles materielles armes ne sont si penetratiues ou vertueuses à rompre batailles & à dōner victoires, cōme est la vertu d'oraison. Les anciēs Princes de Frāce en ont dōné maintesfois la preuue. Car ceulx d'ētreux qui plus ont esté

Valer. lib. 1.
cap. 3.

Gen. 6. 7.
8. Exod. 14.
Eccles. 39.
Psal. 77.
vers. 16.
Iudith 5.
Hebr. 11.
Ios. 10.
Isa. 18.
Ecc. 45.
*se garda
de esconser

Exod. 17.
3. Reg. 3.
2. Paral. 1.
2. Reg. 7.
1. Paral. 12.

dediez à Dieu, & edifier les Eglises pour suffrages d'oraison acquerir, triompherét comme victorieux. Clouis, Clotaire, Dagobert, Charlemagne sont mes tesmoins. Et si ne vueil pas trespasser en cest endroit la memoire du bon Roy Robert, qui tant fut dedié à oraison, qu'il pourtoit la chappe en Chœur pour commencer le chant, & entonner les Antiphaines en l'Eglise. Et comme en vn iour solennel il commença à haute voix le tiers, A G N U S D E I, les murs de la cité que ses gens assiegeoient trespuchierent deuant eulx.

Du nouuel Testament ne te vueil riens exemplifier plus. Car celuy qui est exéplaire de tous, t'en bailla en soy-mesmes par ce que i'ay dit dessus vn exemple pour tous.

Cantique des profits d'oraison.

Homs qui est formé de terre,
Foible com. vaisfel de verre
Naist & vit, travaille & erre
Pour beneurte acquerre.
Si est mis au monde en ferre
Ainsi qu'en lices de guerre,
La chair l'esmeut & l'enferre.
Le maling esperit l'enferre,
Le monde s'il puet l'aterre.
Or luy faut vertu enquerre,
Et grace de Dieu exquerre
Qui merites luy asserre,
Par qui il puisse conquerre
Ceulx qui le viennent surquerre.
S'il chiet, s'il fault, ou s'il erre,
Luy mesmes tout vis s'enterre,
Et perd toute sa defferre,
Et le bien qu'il deuoit querre:
Dont il a besoin de cerrer,
D'aouer & de requerre
Sans cesser & sans recreerre
Cil qui les serrez defferre,
Et les enferrez defferre.
Car oraison est l'enuerre,

** c'est à dire
l'euvre*

Que

*Que Dieu prend d'homme pour erre
De le remettre en son erre.*

*Entendement requiert estre instruit des sacrifices &
oblations conuenables à faire.*

ENTENDEMENT.

SE l'ay bien entendu les faiz anciens, obsecrations & sacrifices sont choses conioinctes, dont ne m'as tu pas satisfait, quāt tu termines la matiere d'oroison, & oublies oblation & sacrifice.

ESPERANCE.

Cest argumēt est lateral à ta demande. Si te feray en cest endroit vne transuersaine digression sans forme de respōse.

ENTENDEMENT.

Mais que la matiere soit à ma doctrine, à toy soit le choiz de la forme.

Esperance declaire l'origine & fondement qui peut induire les hommes à premierement sacrifier, & que du sien iustement acquis & non de l'autrui doit on faire oblation à Dieu. Et comment grand' playe est venue en l'Eglise pour auoir prohibé mariage aux Prestres.

ESPERANCE.

LEs premiers hommes qui habiterent la terre, cerchie-
rent premier leur necessité que leur perfection. Car perfection attrait l'omme à la querir ordonnéement. Mais necessité le force à luy pourueoir prestement. La rigueur de necessité ne souffre point de repugnance, tant est son effort imperieux. Mais la perfection de beneurté souffre sans contrainte, quant le plaisir qu'elle donne, & le desir du requerrant s'accordent. Et combien que au premier celle gent demy brute*quist sa substenation de viure, ains que la cognoissance de Dieu: & comme l'estre des choses est enchainé, entrerent par la cognoissance des choses à eux necessaires ou desir de cognoistre les parfaites. Ils eurent au commencement gros Entendement, desnué de discipline & naturel sens, sans longue experience. Dont quant ils goustèrent les biens que ils n'eurent pas faiz, mais trouuez, la

*cerchast

CCc

remembrance de leur necessité passée, & la doubte de celle auenir les esmeut à enquerir de l'ouurier, dont ils auoient attainé l'euure, & à approuchier à celuy, de qui tel bienfait leur pourroit foisonner. Car homme n'est pas fauteur des creatures de Dieu, mais contemplateur de ses euures. En regardant doncques les choses proufitables de embas, & contemplant les choses merueillables d'enhaut, ils cogneurent grossièrement que leur soustenement dependoit de plus haute puissance, que celle d'omme. De là en auant ne furent gens qui ne recogneussent sur eux aucune souueraine puissance, ou goustassent quelque pou de la cognoissâce de deité. En ceste premiere & obscure apperceuance sont *uenies

*offre les soubz-mist à recognoissance, & firent *offerte à Dieu de ses mesmes dons, & non pas qu'il eust besoing de prendre ce que luy mesmes auoit peu donner. Ainsi commencerent sacrifices & oblations, immolations de bestes, & autres offertes & *holocaustes, que la loy anciēne auctorisa depuis, où il est escrit & commandé, que nul ne se deust *comparer

*l'autel deuant *l'autier des dieux vuide d'offrande, & que sacrifice fust fait à Dieu, & les dismes luy fussent rendues de toutes les meilleures & les premieres choses qui naissent sur terre, pour recongnoistre que tousiours auoient ils & auroient mestier de celuy qui les leur auoit donné. Ainsi

*multipliez comme les dons diuins furent de plus en plus *cognuz, les oblations & les sacrifices furent aussi plus amplement faits & accomplis. L'ordre des ministres du temple commença par ceste introduction, qui apres fut institué cerimonieusement, exempt des autres indignes charges, & fondé & soustenu sur les offertes & oblatiōs de l'autier. Pource ne prindrēt point les Prestres de la lignee de Leuy partie en la terre de promission, quant l'heritage fut departy aux lignees d'Israel, ains receurent de l'vniuersel peuple les dismes & offertes. Et nulle partie ne leur fut assignee sur le tout, ne sur partie d'iceluy heritage; mais ils eurent leur tout sur les parts de chacun. Ainsi les lignees d'Israel, excepté celle de

Ecl. 35.

Exod. 23. &

34. Deut. 16

Num. 5.

Exech. 44.

Num. 10.

Leui, prindrent leurs portions des parts limitees. Mais limitation ne puet toucher à celuy qui la seigneurie de toute terre possede. Et puis qu'il auoit tout donné, ses ministres deuoient de tout prendre. Car equité & gratitude ne peuvent souffrir qu'ils fussent mis en equalité de partage avecques les autres, qui le tout auoient diuisé & departy entr'eux. Doncques en signe que tout procedoit de luy, & que tout estoit sien, de toutes choses luy estoit & deuoit estre faite offerte, disme, ou oblation.

Or as tu l'institutio des sacrifices. Si demeure à declairer la qualité des sacrifiants. Il est notoire que colombes & aigneaux sôt presentez à Dieu, mais bõne deuotio fait le present digne. Prestres magent les aigneaux & viuēt des offres du sacrifice: & Dieu retient le cueur du sacrifiant. La mort du sacrifice est es choses qui sont offertes, mais vray sacrifice est en la cõscience. Pource est il escrit que, *obeyssance de* *Isa. 66.*
cueur est plus agreable à Dieu que sacrifice des bestes. Le Createur de toutes choses n'a mestier d'estre nourry de la pasture d'icelles offrandes. Car luy, qui assouist les familleux, n'a pas *Ecc. 35.*
faim de mēgier la chair de tes aigneaux: & tes chādelles ne dōnent pas clarté à la lumiere de luy, qui est souuerain Soleil. Où est dōcques la vertu de ton sacrifice, sinō en ta iuste obeyssance & humilité? Les oblatiōs de dehors sont la figure apparente, & le manifeste mystere de l'onneur diuin. Et l'ō- *Jerem. 7.*
me fait droiturier sacrifice à Dieu, qui d'entiere pēsee s'offre & souzmet à ses cōmādemēs executer de sō pouoir. Car *Psal. 40.*
cueur qui se dōne tout à Dieu ne puet faillir au dō d'Esperance, & pour tels sacrifices fut il enuoyé en terre. Escoute *vers 6.*
que t'en dit Dauid, qui tant fut ardāt en sacrifice, & ferme en espoir: *Sacrifiez à Dieu sacrifice de iustice, & lors esperez en luy.*

O homme qui fais sacrifice de rapine, & offres à Dieu ce que tu as tollu à ton prochain, quelle Esperance dois-tu prendre en tes sacrifices? Ce que tu as tollu n'est pas digne de estre offert, & ce que tu offres ne toulte l'indignation diuine. En offrant de rapine, tu sacrifies aux yeux des hōmes qui te voyent. Mais rends ce que tu as tollu, & tu sacrifieras devant les yeux de Dieu. Bien est deceüe la folle fiance de ceux qui cuident faire grant euure, quant ils offrent à l'Eglise en vieillesse ce qu'ils ont en leur ieune aage mal

CCc ij

acquis. O tardive congnoissance couuerte de sacrifice feint! tu as tollu à Dieu par rapine l'obeyssance de ses commandemens, & la crainte de son nom: & le cuides appaïser de ce qui n'est pas tien. Saiches que l'oudeur de ton encens luy put, & tes sacrifices luy sont plus ennuyeux que plaisans. L'Escripture t'apprent qu'il a souuent mesprisé les sacrifices des crimineulx de sa maïesté, pour l'abomination de leurs crimes. Escoute qu'il dit au peuple dur de cuer & sousttrait de sa parfaite obeyssance : *Vous mesprîez mes com-*

Prou. 15. 21.

Ecc. 34.

mandemens, & voulez que ie prise vez offrandes. Vous reboutez ma discipline, & voulez que i'accepte voz oblations. Il me ennuye de voz sacrifices, voz solemnitez me sont griefues à esconter. Si tourneray ma face quant vous me cuiderez appaïser par voz sacrifices. Car i'apperçoy que ce peuple qui me honore de bouche a le cuer loin de moy. Ne plaise à Dieu que ces sentences de refus dites des Iuifs pieça morts soient auoiries sur les Chrestiens viuâs! Si doubtay-ïe que les courages des hommes presens soient fort eslongnez de luy, qui sur tous a approuché propiciement le peuple Chrestien. Et croy qu'en ces presens iours les plus lointains de son obeyssance sont les plus prochains de son aultier. Iadis Messes furent establies de gens mesprisans choses temporelles, & ordonnées au *maistre des sacrifices. Maintenant ils quierent toutes seculietes occupations, & fuyent leurs mysteres & offices espiuels, comme euures reprouchables. Nul ne demande qu'il doit faire en son office, mais que vault le benefice. Haa! maudite introduction! Haa! desordonné abus! Vous avez fait de l'Eglise, de Dieu fosse de larrons, & du saintuaire diuin banque de tricherie. Les saintes Euuangiles sont supprimées, & les constitutions sont desrogees, & exercice de barat & de questueux proufite à present est triomphant; & les saintes doctrines des Peres rejettes & arriere mises, lesquelles pouoient & deuoient souffrir à vn chascun ministe-

* mystere

Jerem. 7.

Marth. 21.

Mar. 11.

Luc. 19.

re en l'Eglise. Mais chacun a voulu prédre nouvelle forme. Or fut il pieça fait vn nouuel statut en l'Eglise Latine, qui desleura l'ordrc du saint mariage d'avec la dignité de Prestre souz couleur de purté & chasteté sans souilleure. Maintenant court le statut de concubinage au contraire, qui les a attrait aux estats mondains, & aux deliz sensuels

*Co lieu est
recité par
Jean le Mai-
re de Belges
en son prom-
ptuaire des
conciles, ap-
pelant ce li-
vre l'Exil.*

& corporels. Et qui plus est, se sont rendus à immoderée auarice, en procurant par symonie & par autres voyes illicites, litigieuses, & processives en corruption, & autremēt, benefices & prelatures espirituelles. Et avec ce se sōt souilleez & occupez és affaires citoyens, & és negoces & cures temporelles. Et ce premier statut departit pieça l'Eglise Grecque d'avec la Latine. Et ores la desordonnance auaricieuse des Prestres a fait separer les peuples de * Behaigne * Bahagne de l'Eglise de Rome. Que dy-ie de Behaigne? mais de Chrestienté presque toute. Car les gens de l'Eglise ont si auilenné par leurs coulpes eux & leur estat, qu'ils sont ja desdaignez & des grāds, & des menus du mōde: & les cueurs estrāgez de l'obeissance de sainte Eglise par la dissolution de ses ministres. Car, comme dit est, ilz ont laissé les espousailles, mais ils ont repris les illegitimes, vagues, & dissolues luxures. Je ne vueil plus auant eslargir ma parolle. Car tant ont telles Constitutions de lieu, comme on y prent de plaisir.

Que a apporté la Constitution de non marier les Prestres; sinon tourner & euitier legitime generation en * ad- * auoult- uoultrise, & honneste cohabitation d'vne seule espouse en * uicie: multiplication d'escande luxure? Se ie disoye tout ce que i'en pense, ie diroye plainement que la gresse des biens temporels meslee du souffre d'enuie, & la chaleur d'ambitiō & de luxure ont fait leur apprest pour mettre le feu en l'Eglise. Mais ceste matiere est de trop grande & parfonde inuestigation, & la determination douteuse. Si m'en tais à tant, fors que ie prie celuy, qui nostre dite mere sainte Eglise a cōsacree de son digne sang, qu'il n'en souffre ja aduenir ce qu'il m'en laisse penser. Si n'entens-ie pas pourtant blasmer les preudes hommes d'Eglise de bonnes meurs & honneste cōuersation: ne aussi les seculiers, qui de deuotion parfaite ont doné à l'Eglise les possessions. Car ils se sont deschargez pour monter vers Dieu en esperit plus legierement. Et le Clergié en a prins si grant fais sur ses espauls, qu'il le courbe tout vers la terre, & le destourbe à regarder sus aux cieus. Car l'appetit auaricieux des Ecclesiastiques a si surmōté leur raison, que leur damnation y gist manifestemēt, & si fait la destruction temporelle d'un chacun: qui est &

390 L'ESPERANCE, OV CONSOLATION, &c.
peut estre vitupere à l'honneur vniuersel de l'Eglise deça
bas, & ou deprimement de soy, & principalement des Ec-
clesiastiques, qui tels maux commettent. Douleur me fait
ce dire. Car ie suis deffié de leur duree qui à bien iuger ap-
proche hastiuement sur eux en toute desesperance. La nef
qui porte grant voile cingle en grant peril, & nulle riuere
ne dure longuement hors de son canel.

Recueille par parties ce que ie t'ay dit de la dignité des
sacrifices, & de l'indignité des sacrifiens; & ayes pour de-
terminé, que là où l'abomination de Dieu se tourne con-
tre les sacrifices, la persecution encommence sur les hom-
mes, & especialement sur les sacrifiens. Dont pour leur ini-
quité il faut qu'autres l'achaptér & comparét, qui est dou-
ble damnation ausdits sacrifiens, & misere diuerse à autrui.
Et pour te satisfaire-briefuement ô exemples; selon l'ordre
accoustumé, prens ta preuue sur Ophny & Phinees les en-
fans de Hely & Prestres de l'autier, dont les sacrifices furét
abominables à Dieu. Et la decison de leur cas est traitee
en la sainte Escripiture comme chose passée. Mais la pro-
phetie de Daniel reste à venir, qui designe la venue d'Ante-
christ, & le temps de persecution pour les abominations
du temple, & * distraction du quotidien sacrifice. Par ceste
digression dependant de la demande dessusdite pue-tu
sçauoir, qu'oroison & sacrifice proufisent à conseruer & re-
stablir les choses priuees & publiques. Sur tout près pour
confirmation Valere, qui te dit par arrest, que les seigneuries
anciennes furent tousiours estables tant comme ils serui-
rent & sacrifierent deuëment à la diuinité.

1. Reg 2.

Dan 7.

Ch 8.

* al. con-
traction, &
detraction.




LE CVRIAL

FAIT PAR MAISTRE

ALAIN CHARTIER.

*Lequel il enuoya à vng sien Compaignon, qui auoit
voulenté de venir en Cour.*



V me admonnestes & enhortes souuēt,
homme eloquent, & mon frere tres-
amé, ad ce que ie te prepare lieu & en-
tree à vie curiale que tu appetes, com-
me tu dis; & que par mon ayde & in-
tercession tu y puisses auoir office. Et
ad ce es tu indeuement esmeu par la
commune erreur des hommes, qui les
hōneurs mondains & pōpes des gens curiaux repete estre
choses plus bienheurees que autre. Ou afin que ie ne iuge
mal de tō desir, tu cuydes par auenture que ceux qui vac-
quent aux offices publicques facēt plus vertueuses euures,
& * les reputes plus dignes d'en auoir merite. Et si y adiou-
stes autre cause qui t'esmeut, c'est à sçauoir l'exēple de moy,
qui me empesche de seruir en la Cour Royal, à fin que tu y
vses tes iours par compagnie avecques moy: & que y puis-
sions ensemble iouyr de la * douceur d'amitié, qui des long
temps est entre nous deux. Et * ainsi congnois-ie bien que
ton courage n'est point eslongné de moy, & de mon amitié,
& que la grace d'humanité n'est point en toy assechee: qui
comprend ses amis presens, & ne laisse point au besoin à cō-
seiller & ayder les absens à son pouoir. Et croy que tō absē-
ce ne m'est pas moins griefue, que est la mienne à toy mes-
mes: [* ainçois me semble que toy absent, ie n'ay pas moy-

* sont repu-
tez.

* douce a-
mitié.
* en ce,

Adiousté de
Ms.

mesmes, là où les lieux & les affaires nous desioignent. Mais puis que Dieu ou fortune ont tant séparé nostre destinee, que tu vacques franchement à tes choses priuees, & que ie suis occupé aux choses publiques en seruant en doloieuses passions : quant i'ay de moy mesmes compassion, lors suis-ie esioy de ton aise, & près plaisir en ce que tu euades les miseres que ie seuffre chacū iour. Et se ie blasme ou accuse fortune pour moy, ie la loue d'autre-part pour toy, en tant qu'elle t'exante des angoisses que ie seuffre en Cour, & qu'elle ne nous y a pas fais tous deux meschans.

Tu desires, cōme tu dis, estre en la Cour avecques moy :
 conuoite & ie desire encores plus estre priueement & singulierement
 avecques toy. Et se pour moy tu laissoyes volentiers ta franchise & priuee vie, ie deueroie plus volentiers pour l'amour de toy laisser ceste seruitute mortelle : pource qu'amour s'acquitte mieux* ensemble avec tranquillité, que en
 *en humble
 tranq. orgueilleuse misere. Souffise à toy & à moy, que l'un de nous deux soit infortuné, & que de ma meschance tu ayes compassion, & ton repos me soit soulas, à fin que nostre amitié voye & congnoisse plus certainement l'une & l'autre fortune. Mais que demandes-tu ? tu quiers chemin à toy perdre,
 *chemin à l'exēple de moy, & veulx saillir du * haure de seureté pour
 toy noyer dedans la mer. Te repens-tu d'auoir liberté ? es tu ennuyé de viure en paix ? Telle-maleurté seuffre nature humaine, qu'elle appete ce qu'elle n'a pas, & se fuyt du bien qu'elle a sans aultruy dangier. Ainsi mesprises tu la paix de ton courage, & le seur estat de ta pensée : & par l'erreur du mesprisement que tu en as acquis, * les choses qui de leur
 *Ms. 'tu cō-
 uoites &
 desires les
 choses, qui
 de leur
 mesme cō-
 dition sont
 plus à mes-
 priser, que
 à louer par
 la vie d'au-
 truy. mesme condition sont plus à mespriser, que par vices d'autrui à priser, tu loues & exauces. Je me merueille moult cōme toy qui es prudent & sage, deuens si forcené de toy offer exposer à tant de perils. Et se tu veux vser de mon conseil, ne prens de riens exemple à moy à poursuiuir les Cours & publiques muurmures de hauts Palais : ainçois te soit mō peril exemple de les fouyr & escheuer. Car ie n'oserois affermer que entre le bruit de ceux qui y tournoient, y ait chose seure ne salutaire. Tu cuideras espouoir trouuer, e-
 xercice de vertu en misere ainsi publique : & aussi certes
 les y

les y trouueras-tu, se tu fais veu de batailler constamment cōtre tous vices. Mais donne toy garde que tu ne soyes des premiers vaincus. Car ie te dis que les Cours des haux Princes ne sont iamais desgarnies de gens desloyaux par beau langage deceuans, ou par menaces espouuentans, ou par enuie contendans, ou par force de dons corrompans, ou par flaterie blādissans, ou par deliz aleichās, ou en quelque autre maniere le bon vouloir des preud'hommes empeschans. Car nostre pource humanité est de legier enclinee à ensuir les meurs des autres, & à faire ainsi comme ils font. Et à peine peut eschapper celuy, qui est assiegé & assailly de tant d'aduersaires. Or prenons que tu perseueres en ta vertu, & que tu eschappes la corruption de tels vices; encores en ce cas n'as tu pas rien vaincu sinō toy mesmes: mais c'est à plus grant ahan que tu ne l'eusses fait en ton secret & priué. Et soyes certain, ou que ta vertu te y fera mocquer, ou ta verité te y fera hayr, ou que ta discretion te y rendra plus suspect à mauuaises gēs, qui mesdisent de ceux que ilz cognoissent estre sages & loyaulx.

Reste doncques que tu y auras labeur sans fruiēt, & vseras ta vie en peril: & si y acquerras plusieurs enuieux. Et se tu estriues à leur enuie, ou que tu en preignes vengeance, ie te dis que ton vengement t'engendrera plus aigres aduersaires que parauant. Et par le contraire, ceulx qui scauent dissimuler, sont prisez, & temporisent és Cours plus que autres gens. Les abus de la Cour, & la maniere des gens curiaulx sont tels, que iamais homme n'y est souffert soy esleuer se il n'est corrompable. Car vertu, qui est en tant de manieres enuironnee, se elle ne se orgueillist elle est mesprisee, se elle ne se flechist elle est par force rauallee, * ou dehors chassée. Où est doncques celuy qui se pourra garder d'estre corrompu, ou qui en eschappera sans mal auoir? Tels sont les ouurages & les manieres de la Cour, que les simples y sont mesprisez, les vertueux enuiez, & les arrogans orgueilleux en perils mortels. Et se tu y es rauallé au dessous des autres Palatins, tu seras enuieux de leur pouoir. Se tu y es en moyē estat, dont tu n'ayes souffisance, tu estriueras de plus auant monter. Et se tu peulx paruenir iusques aux haults secrets, qui sont fort à redouter & à craindre; adonc y seras tu plus

*Ms. & se cl-
le n'est
froissée, el
le est de-
hors chas-
sée.*

DD d

* jonchez

* famoc,

meschant de tant que tu y cuideras estre plus eureux. Et de tant seras-tu en plus grant peril de tresbuchier, comme tu seras monté en plus hault lieu. Car à ceulx que fortune la variable a plus hautement esleuez, ne reste plus sinõ cheoir de si haut si bas: pource qu'elle ne leur doit plus riens sinon ruine. Se tu as pris d'elle ce qu'elle t'a peu & voulu donner, alors tu es débiteur de toy mesmes, à fin qu'elle rende celuy meschant qu'elle auoit deuant esleué, & qu'elle se mocque du meschief de celuy qu'elle auoit en le montant aueuglé de gloire vaine. Car les grans vents, qui soufflent és haultes Cours, sont de telle condition, que ceux qui se y sont seulement * couchez, demourent apres leur desappointement comme vn spectacle d'enuie, detraction, ou de hayne à tous gens: & se trouuent subiects iusques à estre vituperez & rauallez entre les populaires, & que ceulx qui parauant les poursuyuoient & flattoient, r'apportent d'eux plus grans blasmes & derisions que les autres. Car multitude de gens mesprise tousiours ceulx que fortune a plus raualez, & si est enuieuse de ceulx qu'elle voit esleuez. Fortune fait volentiers ses ieux és hauts degrez, & és souuerains encores plus. Et quāt elle se bat és petits, ce n'est pas si acertes. Car du meschief des pources gens ne fait elle compte, ne que fouz-rire. Mais elle rit à plaine gueulle, & bat ses paulmes, quant il meschiet à grans Seigneurs. Il ne luy chault gueres d'essayer sa fortune és petits lieux, mais à faire les grās trebuscher elle tēd voulētiers ses lacs: & les pources & dejettez fait-elle souuēt hault mōter en certaineté incertaine, & en regle de irregularité. Ceulx deçoit elle volentiers, qu'elle trouue aisez à deceuoir, & variables comme elle est. Mais les constans & vertueux, qui d'elle ne font compte, & desquels se voit mesprisee, elle les laisse en paix. Car elle rit & flate pour neant à ceulx, qui ont haut & entier courage. Maintenant elle s'essaye à iouster contre les plus forts, & maintenant eslieue les plus foibles. Maintēāt rit aux vns, & maintenant rechigne aux autres. Mais l'omme qui est vertueux & acouragé, mesprise son riz, & * son amour, & ne doute riens ses menaces. Mais la Cour fait trop plus grant compte de celle fortune qui les gens y attrait de legier oublians leur pouure estat, & eux mesmes descognois-

sans si tost qu'ils sont hault montez; qu'elle ne fait les sages, qui pour bien ne s'oublient, & par ambition à honneur ne fessayēt à mōter. Se tu veulx perdre ta franchise, adōcques dois tu sçauoir que tu auras à habandonner toy mesmes, quant tu voudras poursuyr la Cour, qui fait à homme de laisser ses propres meurs pour les mesler à ceux d'autrui. Car sil est veritable, on le tendra aux escol^s de *flaterie. S'il aime vie honnest^e, on l'apprendra à mener vie deshōnest^e. S'il est paresseux & nonchalant d'auoir prouffit, il sera laiss^e auoir souffreté. Car sil ne sçait ou ne veut riens demander, aussi ne trouuera il qui riens luy donne. S'il y entre importuneement, les *importuns l'en debouteront. S'il a accoustumé de manger sobrement, & à droit heure, il disnera & souppera tard, ou mēgera en telle façon qu'il desaccoustumera son temps, & sa maniere de viure. S'il a accoustumé de lire & estudier és liures, il muera oiseux toute la iournee en attendant que on luy ouure * l'uy du retrait du Prince. S'il aime le repos de son corps, il sera enuoyé deçà & delà comme vn coureur perpetuel. S'il veut coucher tost, & leuer tard à son plaisir, il faudra qu'il veille tard, & qu'il se lieue bien matin, & qu'il perde souuent les nuits sans dormir ne reposer. Se il sestudie à y trouuer amitiē, il s'abusera. Car iamais elle ne sçait troter parmy les salles de ces grans Seigneurs: ainçois elle se tient dehors, & n'y entre avec aucun. Car elle est trop mieux congneue par ceux qui en vsent, experts des ieux de fortune, que ceux qui y entrent ignorans, * sechars, bestournez. Or regarde doncques frere, re garde par grande deliberation, lequel des deux tu esliras, ou que en m'en yssant ie te retraye à nostre commun prouffit, ou que en y entrant me remaines à nostre dommage commun. Et n'oblie pas que qui sert à Cour, tousiours luy conuient estre hoste, hebergié en autrui maison. Et si faut qu'il mangeusse à autrui appetit, aucunes fois sans faim avecques les gens familleux: & autres fois apres grans peines, souffrir faim ô les mieux: repeuz. Et si faut qu'il veille souuent au gré d'autrui, depuis qu'il a commēcé à dormir par grief sommeil. Et quelle chose est plus serue, que soubzmettre à fortune les vertus de nature, & les droits de vie humaine, veu qu'il n'est chose plus franche en homme que

* faintise

* importuns
neux le re-
bouteront.

* la porte

* ignorans
ses cures.

viure naturellement? Entre nous seruiteurs, ne faisons que viuoter à l'ordonnance d'autrui: & tu vis dedans ta maison comme vn Empereur. Tu regnes comme vn Roy paisible soubz le couuert de ton hostel: & nous miserables Curiaux tremblons de paour de desplaire aux Seigneurs des haultes maisons. Tu peux manger quant tu as fain, & à ton heur: & nous mangeons si gloutement, que souuent le nous fault vomir. Tu passes les nuits en dormant, tant comme il te plaist: & nous apres trop de vins & de grans peines, couchons souuent en lits plains de vermines, & aucunesfois à tout le bast. Retourne, frere, retourne à toy mesmes, & après à congnoistre ta felicité par les miseres que nous souffrons. Mais nul homme ne prise assez les aises qu'il a en sa priuete, * sinon que parauant il mesprise les angoisses, lesquelles il a souffertes en l'administration publique. Aristote le Philosophe se glorifia d'auoir laisse le hault palais du Roy Alexandre, & aima mieux delaissier en ceste misere son disciple Callistenes, que plus y demourer, luy qui sus tous les hommes de son temps aima la franchise. Diogenes refusa les grans richesses & honneurs mondains à quoy on l'appelloit, & les fuyoit pour habiter franchement dedans le tonneau où il couchoit. Et de tant se osa-il vanter, qu'il estoit le plus puissant; pource qu'il pouoit plus de biens refuser, que celuy Roy Alexandre ne luy en eust peu donner. Car vraye Philosophie est, quant on sçait mespriser la vanité ambicieuse des gens & biens de Cour, & apprendre à ses escolliers, que trop plus a d'humanité és petites cases, qu'il n'a és Cours des Seigneurs & Princes. Et les feues de Pythagoras, & les choux dont mangeoit Horace, leur rendoient plus grande * faueur, que ne trouua Sardapalus és grans & delicieux vins aromatiques qu'il beuuoit: pource que ses delices estoient mistionnees du fiel des pesans cures & des angoisses mondaines, qu'il auoit sur le cuer. Souuent fait le peuple de grans admirations de la riche robe d'un orgueilleux pautonnier, mais il ne sçait par quel labour ny à quelle difficulté il l'a acquise. Le peuple aucunesfois honnore le grant appareil d'un homme puissant; mais il ne compte point les aguillons qu'il a à sentir en le pourchassant, ne les enuieux qu'il acquiert en le monstrant. Autrefois regar-

* Il n'a
premier
souffert
mesaise en
l'admin.

* fauoremēt

de le peuple l'ordonnance & grant famille des haulz seigneurs, mais il ne sçait pas de quelle despence ils sont chargez pour les soustenir & nourrir, ne ne considere pas le tiltre dont ils sçauent certainement qu'ils n'ont point en eux le merite. Se nous appellons vn lieure lyon, ou se nous disons que vne ieune fille laide, bossuë, & mal atournee fust aussi belle comme Helene, ce seroit chose mensongiere & digne de derision. Et toutesuoies entre nous Curiaux effrontez & esceruelez ensuyuons les noms des offices plus que leurs droits & effectz. Nous sommes verbaux, & appelons les parolles plus que les choses. Et * ainsi sommes nous ^{*En ce} contraires au sage * Salomon, qui desiroit plus soy exercer ^{*Caton} vertueusement en office publicque, qu'il ne conuoitoit d'en auoir le nom. Et tellement se gouerna quant il y fut appellé, qu'il fut tousiours trouué digne de mieux auoir: & de tant estoit il plus honoré, comme il fuyoit plus les honneurs & les mōdanitez. Mais par le contraire nous conuoi-
tons estre honnorez, combien que nous n'en soyons pas dignes, & si prenons les honneurs comme par force, ains que y soyons appelez. Et de ce s'ensuit que nous perdons à bon droit ce à quoy nous ingerons, & que ofons demander indeuement. Et nous fuyent les honneurs à la verité, que nous poursuiuons trop solement.

Parquoy, frere, ie te conseille que tu te delites en toy-mesmes de la vertu. Car elle rēd joye & loyer à ceulx qui biē yuiēt. Ta grāt souffrance te retiengne dedās ton petit Senacle: & ne te repoutes pas vertueux par ouyr dire cōme font les gēs de Cour, mais mets peine de l'estre par effect de euvre veritable. A quoy cōgnois tu la gloire des Palatins, qui pour leur misere miserable ont necessité que l'en ait pitié d'eux? Ne me poursui point de fait, mais par la plainte de mon malheur te chastie, ne ne regarde, ou ayes consideration à ce que ie suis souuēt avec les mieux vestuz: mais aye pitié & compassion en ton cueur des perils dont ie suis assiegé, & des assaux dont ie suis environné nuit & iour. Car il m'est besoin de * garder de quel pié chacun vient à moy, ^{*sçauoir} & de bien noter le pas & peril de chacune parolle qui me fault de la bouche, affin que par moy esgarer ie ne soye surprins, & que en parlant despourueuement ie ne donne ma-

DD d. iij

tiere à homme de faulſement relater, ne mauuaifement interpreter ma parolle, que iamais ie ne puis dedans rebouter. Car la Cour eſt nourrice des gēs, qui par fraude ou par faintiſe ſe eſtudient à tirer les vns des autres parolles telles, par leſquelles ils les puiſſent perſecuter: ad ce que au moyē des parolles d'autrui qu'ils rapportent, ils puiſſent entrer en la grace de ceux qui ont auctorité & puiſſance de ayder ou nuire, & qui plus prennent plaisir en faux rapports que en veritables parolles. Se tu as office en Cour, ſi t'appareille à y combattre. Car ſe tu y as aucun biē, autres appeteront de te l'oſter, & n'en eſchapperas ſans debat. Aucun machinera par quel moyen il te puiſſe deceuoir, & faudra que tu te tourmentes pour y reſiſter. Et puis quant tu auras employé ton corps, ton tēps & tes biens à le deffendre, vn autre nouuel venu à la Cour ſupplantera ta benediſtion, & la te oſtera ſ'il peut. Et ainſi perdras à grāt douleur ce que tu y auras acquis à grant labeur: ou ſi il te demoure, ſi ne demoureras tu pas guiere ſans paour d'iceluy, ou d'autres enuieux que ils ne mettent peine à le te oſter. Deuant que tu y euſſes offiſſe, tu eſtois en paix & moderation de viure. Et auſſi quant tu l'auras, tu ſeras deſſié d'un autre, qui ſeſſorcera de donner pour le te tollir: & faudra maugré toy que tu donnes comme luy, afin qu'il te demeure.

Regarde, donc, frere, regarde cōbien ta maiſonnette te donne de franchiſe, & luy ſaches grē de ce qu'elle te reçoit cōme ſeul ſeigneur. Et depuis que ton huiſſet eſt clos, nul n'y entre ſil ne te plaift. On frappe ſouuent à la porte d'un riche homme. Es hauts palais y a touſiours noiſes & murmures. Es grans places ſont les grans peuples, dont l'en eſt durement preſſé. La ſalle d'un grant Prince eſt communement infecte, & eſteſchauffee de l'alleine des gens. L'huiſſier y donne de ſa verge ſur les teſtes de ceulx qui y ſont. Les vns y entrent par force de bouter, & les autres eſtrient à y reſiſter. Aucunes fois ſe y trouue plus auāt porté vn pouure homme, qui par auant durement en auroit eſté debouté, & le plus fier orgueilleux, à qui homme n'eufſt oſé parauant toucher, ſ'en trouue aucunesfois le plus arriere eſlongnié, & en plus grant dangier. Illec ne ſcet homme au certain ſe ſon eſtat y eſt ſeur, ou non. Mais quoy que ſoit, touſiours eſt

il en doute de sa fortune. Et quāt tu y cuideras estre plus en grace, alors te souuiengne du Poëte, qui dit que ce n'est pas trop grant louange de auoir esté en la grace d'un grant Prince ou d'un Seigneur. Et affin que tu cognoisses mieux la Cour, qui ores court, ie la vueil icy à present descrire & diffinir.

*Hovattius:
Epist. Ep. 17.*

La Cour, affin que tu l'entendes, est un Conuent de gēs, qui sous faintise du bien commun se assemblent pour eux entretromper. Car il n'y a gueres de gens qui n'y vendent, achettent, ou eschangent aucunes fois leurs rêtes, ou leurs propres vestemens. Car entre nous de la Cour nous sommes marchans affairētez, qui acheptons les autres gens, & aucunes fois pour leur argent nous leur vendons nostre humanité precieuse. Nous acheptons autrui, & autrui nous, par flaterie ou par corruptions. Mais nous scauons tres-bien vēdre nous mesmes à ceux qui ont de nous affaire. Quel bien donc y peux tu acquerir, qui soit certain, sans doute, & sans peril? Veux tu aller à la Cour vēdre ou perdre ce bien de vertu que tu as acquis hors d'icelle? [* Ie te dis, que quant te efforceras d'y entrer, lors commenceras tu à perdre la seigneurie de toy mesmes, & ne jouyras plus des droitz de ta franchise.] Certes, frere, tu demandes ce que tu deusse * deffier, & ficher ton Esperance en ce qui te tire à * perdition. Et se tu y viens, la Cour te seruira de tant de mensonges controuuees d'une part, & de l'autre te baillera tant de cures & de charges, que tu auras dedans toy mesme bataille continuelle, & soucy angoisseux. Et pour certain homme ne pourroit bonnement dire, que ceste vie fut bienheuree, qui par tant de tempestes est achaptee, & en tant de contrarietez esprouuée.

*Adionsté de
Ms.*

* fouyr
* peril.

Et se tu me demandes que c'est que vie curialle, ie te responds, frere, que c'est vne pouure richesse, vne habondance miserable, vne haultesse qui chiet, un estat non estable, ainsi comme un pillier tremblant, & vne moureuse vie. Et ainsi peut estre appelée de ceulx qui sont amoureux de sainte liberté. Fuyez hommes vertueux, fuyez; & vous tenez loin d'icelle assemblee, se vous voulez bien & seurement viure. Car comme gēs bien assurez sur le riuage de la mer, nous nous voulons noyer de nostre gré mesmes; & nostre auen-

glement mesprisons, qui ne peut ne veult veoir ne cognoi-
 stre nostre pouure meschief. Car comme les fols mariniers
 * auisemēt se font aucunesfois noyer par leur despourueu * gouuerne-
 ment, ainsi attrait la Cour à soy, & deçoit les simples gens,
 & se fait conuoiter cōme vne ribaude bien paree par son ris
 & par son baïser. La Cour allēche friandement ceux qui y
 viennent en leur vſant de fauces promesses. La Court rit au
 commencement à ceux qui entrent, & puis leur rechine a-
 pres, & aucunesfois les mort tres-asprement. La Cour re-
 tient les chetifs, qui ne se ſçauent eſlongner, & tousiours
 aduoue auctorité & ſeigneurie ſur ceux qu'elle a ſurmon-
 tez. La Cour ſouuent auſſi par erreur oblie ceux qui mieux
 ſeruent, & y deſpendent follement le leur; pour enrichir
 ceux qui n'en ſont pas dignes, & qui l'ont tres-mal deſſerui.
 Et l'homme maloſtru, qui ſe y eſt allēché, y ayme mieux pe-
 rir que ſ'en iſſir, & y veult auancer ſon cours de nature, ſans
 iamaïs auoir franchise iuſques à ſa mort. Croy ſeulement,
 frere, & n'en doute point, que tu exerces tres-bon & * tres-
 * prouffita- notable office, ſe tu ſceſz bien vſer de ta maiſtriſe que tu as
 ble en ton petit hoſtel. Et ſi es & ſeras puiſſant tant comme tu
 auras ſouffisāce de toy meſmes. Car qui a petite famille, &
 la gouuerne ſagement, en paix, il eſt Seigneur [* & ſi eſt plus
 * Adiouſté du bieneureux de tant qu'il ſe maintient franchement; com-
 me il ne ſoit choſe tant precieufe deſſouz le Ciel, qui puiſſe
 eſtre de ſouffisante commutation contre franchise.] O for-
 tunez hommes qui viuez en paix! O bien euree famille, où
 il y a honneſte poureté, qui ſe contente de raiſon, ſans
 manger les fruiçts d'autrui labeur! O bieneurée maiſon-
 nette, en laquelle regne vertu ſans fraude ne barat, & qui eſt
 honneſtement gouuernee en crainte de Dieu & bonne mo-
 deration de vie! Illecques n'entrent nulz pechiez, illec eſt
 vie droituriere, où il y a remors de chacun peché, & où il
 n'a noiſe, murmure, ne enuie. De telle vie ſe eſiouyſt natu-
 re, & en telles aiſes vit elle longuement, & petit à petit ſ'en
 va iuſques à plaiſante vieilleſſe & honneſte fin. Car comme
 dit Senecque en ſes tragedies: *Vieilleſſe vient à tard aux gens
 de petites maiſons qui viuent en ſouffisance.* Mais entre nous
 Curiaux, qui ſommes ſerfs à fortune, viuons deſordonnée-
 ment, & ſi vieillifſons plus par force de cures que par nom-
 bre

bre d'ans, & par faute de bien viure sommes frustrez de la soueueté de nostre vie que tant desirons, & nous hastons d'aller à la mort que tant redoubtons. Souffise toy doncques, frere, souffise toy de viure en paix * à tout par toy, & apprens à t'en contenter par noz meschiefz. Ne te mesprise pas tant, que tu preignes la mort pour la vie. Ne delaisse pas à faire le bien, que tu serois contraint de reparer par apres à grans regrets, pour querir ce que te seroit horrible à trouuer.

Finablement ie te prie, conseille, & admonnestes, se tu prises aucunement saincte vie & honnestes, & se tu ne te veulx aller perdre, que tu ostes ta pensee, & dissipes toute ta voulenté de non venir à Cour, & soyes content de toy retraire sauuément dedans l'enclos de ta maison priuée. Et se tu n'as ou temps passé congneu que tu ayes esté bieneuré, si apprens à le cognoistre desormais. Et à Dieu te command par cest escript, qui te * doint sa grace.

* donne

*Curia dat duras, ergo si tu benè curas
Viure securè, non sit tibi Curia cura.
Curia curarum genitrix, nutrixq; malorum,
Iniustus iustus, inhonestus æquat honestos.*

Adieu si de
Ms.




LE QVADRILOGVE

INVECTIF, FAIT PAR MAISTRE
ALAIN CHARTIER.

PROLOGVE.

Tout ainsi que par l'ordonnance du supernel Monarche, Principauliez & Seigneuries sont créées & establies ; aussi sont leurs fins , ruines & decadences. Et souvent la souveraine sagesse verse du trosne imperial vng orgueilleux Prince soubz la seruitute de son ennemy , puis par humilité le restablit en son siege.



recours

naissances

LA tref-haute & excellente majesté des Princes, à la tref-honnoree magnificence des Nobles, circonspection des Clercs, & bonne industrie du Peuple François, Alain Chartier humble Secretaire du Roy nostre Sire, & de mōtref-redouté Seigneur Mōseigneur le Regent le Royaume de France, Daulphin de Viennois, loingtain imitateur des Orateurs, Salut en crainte de Dieu, humiliation soubz sa justice, cōgnoissance de ses iugemens, & * retourner à sa misericorde soubz la poincture de sa punition. Comme les hautes dignitez des Seigneuries soiēt establies soubz la diuine & infinie puissance qui les eslieue en florissant prosperité & en glorieuse renommee, il est à croire & tenir fermement, que ainsi que leurs commencemens & leurs * croissances sont maintenus & adressez par la diuine prouidence, aussi

est leur fin & leur ^{*}detriment par sentence donnee ou hault conseil de la souueraine Sapience, qui les aucuns verse du hault throsne de imperial Seigneurie en la basse fosse de seruitute, & de magnificence en ruine; & faict des vainqueurs vaincus, & ceulx obeyr par crainte qui commander souloient par auctorité. Mais quant doulce misericorde entremeslee avec droicturiere iustice donne sur les Princes & sur les peuples le decret de plus attrempee punition, l'orgueil de trop oultrecuidé pouoir, qui se descongnoist, est rabaisé par puissance ennemie. La superfluité des biens mondains, qui est nourrice de seditions & de murmure, est chastiee par sa mesme nourreture. Et l'ingratitude des dons de Dieu est punie sur les homes par sustractiō de sa grace, que apres bon amendemēt & loyalle correction il enuoye & redresse les seigneuries, & les peuples en parfaite paix & restitution de leur disposition premiere. Ainsi diuise ses graces merueilleusemēt selon la diuersité des personnes, des lieux, & des temps. Et comme maistre & seigneur mue, croist, & amendrist, fait & deffaict en ses euures selon sa tres-raisonnable voulenté que nul ne peut decepuoir. Encore selon les droiz de nature, qui ont leur commencement en la diuine prouidence, & l'instrument de leur ouurage ou mouuement en la lumiere & en l'influence des corps celestielz, nous demonstrent les maistres de tres-innestimable science d'Astrologie, que ou liure des cieulx, qui en si large volume est escript de tant diuerses emprainctes & images, se peut congnoistre le cours de la duree des seigneuries & des citez que les Naturiens appellent periode: & qu'elles ont leurs maladies & leur mort comme les hommes en leur endroit. Ainsi celluy, qui tout puet, depart & retranche les puissances, & de sa perdurable eternité mue les choses qui soubz le temps decourent. Et il, qui est infiny en hault pouoir, met commencement, moyen, & fin en toutes ses euures soubz le mouuement des cieulx: comme le porier, qui autour de sa roe faict d'une mesme masse diuers portz de diferentes façons & grandeurs, & les grans casse & desrompt se bien ne luy plaisent, pour en faire des petits, & de la matiere des mendres refait il les plus grans. Et se memoire nous puet aulcune chose ramenteuoir, & les anciens liures

de noz peres apprendre à congnoistre nos fais par les leurs: toutes anciennes escriptures sont plaines de mutations, subuersions, & changemens des Royaulmes & des Principaultez. Car comme les enfans naissent & croissent en hommes parfaitz, & puis declinent à vieillesse & à mort; ainsi ont les Seigneries leur commencement, & leur accroissement, & leur declin. Où est Niniue la grant cité, qui duroit trois iournees de chemin? Qu'est deuenue Babiloine, qui fut edifiee de matiere artificieuse pour plus durer aux hommes, & maintenant est habitee de serpens? Que dira l'en de Troye la riche & tref renommee? Et de Ylion le chastel sans per, dont les portes furēt d'iuoir, & les colonnes d'argent; & maintenant à peine en reste le pié des fondemens, que les haults buissons forcloent de la veue des hommes? Thebes qui fut fondee de Cadmus le fils de Agenor, & la plus peuplee de dessus la terre pour son temps: en laquelle part pourroit on trouuer tant de reliques de son nom, que gens se puissent mōstrer nez de sa semence? Lacedemoine, dont les loix vindrent à diuerses nations, desquelles encores nous vsons, ne peut oncques tant estroitement garder les loix de Ligurgus le droiturier, qui furent faictes pour sa perpetuation, que sa vertu ne soit extaincte & aneantie. Athenes fontaine de sapience, & source des haultes doctrines de philosophie, n'est elle pas en subuersion, & les ruisseaulx de son escole taris & assiechez? Carthage la bataille-resse, qui domptoit les elephans à batailler, & qui iadis fut tant redoubtee aux Romains, où a elle tourné sa grant gloire, sinō en la cendre du feu où elle fut arse & embrasee? Mais parlons de Romme, qui fut derreniere en souueraine maiesté, & excellente en vertu. Et notons bien la parolle de Lucan, qui dit que de elle mesme par sa pesanteur elle decheut. Car les trop pesans faiz font les plus griefues cheoistes. Par ceste maniere chascune à son tour & en son ordre se chāgent, rabaisent, ou soubuertissent les eueufes fortunes, & le bruit des Royaulmes. Ainsi comme la Monarchie du monde & la dignité du Souuerain Empire fut iadis translatée des Assiriens aux Persans, des Persans aux Grecz, des Grecz aux Romains, & des Romains es mains des François, & des Germains. Et combien que ces

choses soient assez euidentes à congnoistre, si y errent plusieurs. Car en racomptant le fait qu'ilz cōgnoissent à l'ueil, ilz demeurent en descongnoissance de la cause. Et pource que les iugemens de Dieu, sans qui riens ne se fait, sont vne parfonde abisme, où nul entendement humain ne scet prendre fons ne riue; & que noz sens sont trop foibles, noz ans trop cours, & noz pensees & affections trop frailles à les cōprendre: nous imputons à fortune, qui est chose fainte & vaine, & ne se puet reuencher, la iuste vengeance que Dieu prent de noz deffaultes, laquelle, ainsi que dit Valere, vient bien à tart. Mais la longue attente est recompensee par agraument de paine.

Comme doncques en l'an mil quatre cēs vingts & deux ie veisse le Roy Anglois ancien aduersaire de ceste Seigneurie, soy glorifier en nostre ignominieux reprouche, enrichir de noz depouilles, & despriser noz faiz & noz courages, & des nostres, qu'il a vers soy attraitz, fortifier les vouldentez en son alliance; & ouec ce noz vices croistre avecques le temps, & à noz aueuglees affections adiouster tousiours quelque chose à nostre confusion: l'ay conclud en ma pensee, que la main de Dieu est sur nous, & que sa fureur a mis en euure ce flael de persecution. Si ay curieusement encherché par le discours des saintes Escriptions les fautes & les punitions de noz peres, & des primerains: & en grant crainte debatue en ma pensee, se ceste douloureuse affliction est en verge de pere pour nostre chastoy, ou ^{*en rigueur} ^{de iustice} de iuge pour nostre extermination. Et entre les autres Escriptions comme ie leusse le tiers Chapitre d'Isaie, le cuer m'est troublé de freeur, & les yeulx obscurciz de lermes, quant ie voy sur nous les coups feruz, qui sont signes de mort, & donnent enseigne de la diuine indignation, se nous n'y querons briefue medecine. Et qui plus auant en veult entendre, lise le Chapitre qui est parolle de Dieu, où la langue ne la plume d'omme mortel ne puet attraindre. Et ie meu de compassion pour ramener à memoire l'estat de nostre infelicité, & à chacun ramenteuoir ce qui luy en touche, ay composé ce present Traicté, que ie appelle le Quadrilogue: pource que en quatre personages est cest euure compris. Et est dit inuectif, en tant qu'il procede par ma-

niere d'enuayssment de parolles, & par forme de reprendre. Si ne vueille aucun lire l'une partie sans l'autre, à ce que on ne cuide que tout le blasme soit mis sur vn estat. Mais se aucune chose y a digne de lecture, si vaille pour attrait à donner aucune espace de temps à visiter & lire le surplus.

*Dame France laidangee de ses ennemis, habandonnee de ses amis apparoit en vision en trespiteux habits
à l'Acteur du present Liure.*

L'ACTEUR.

ENuiron l'aube du iour, lors que la premiere clarté du Soleil, & nature contente du repos de la nuit, nous rappellent aux mondains labeurs : n'agaires me trouuay soudainemēt esueillé. Et ainsi que à l'entendement apres repos se presente ce que l'en a plus à cuer, me vint en imagination la douloureuse fortune, & le piteux estat de la haulte Seigneurie & glorieuse Maison de Frâce, qui entre destruction & resource chancelle doloieusement soubz la main de Dieu, ainsi que la diuine puissance l'a souffert. Et comme ie recueillisse en ma souuenance la puissance & diligence des euures des ennemis, la desloyaulté de plusieurs subiectz, & la perte des Princes & Cheualerie, dont Dieu par maleureuse bataille a laissé ce Royaulme desgarny, qui me fait durement ressoigner l'issue de ceste infortune : ie contrepensoye & acōparoye à l'encontre la grandeur & distance des parties de cedit Royaume de France, dont les ennemis ne souffiroient garder le quart, le merueilleux nombre des nobles & gens deffensables, qui trouuer se pourroient, les haultes richesses qui encores y habondent en plusieurs lieux, les subtilz engins, prudence, & industrie de gens de diuers estatz qui y ont naissance & vie. Apres lesquelz partis ainsi debatus à parmy, sembloit que faulte de donner & de receuoir ordre, discipline, & reigle à mettre en euure le pouoir que Dieu nous a laissé, est cause de la longue duree de nostre persecution. Si est à doubter que la verge de punition diuine soit sur nous pour noz pechez, & que l'obscurité de noz vices & meurs corrompues aueugle en nous le iugement de raison, & noz partialx desirs refroidissent

l'affection publique. Ainsi demourons en la desconnoissance de nostre infortune aduenir, & à noz ennemis par puillanimité & failly courage donnons sur nous victoire, plus que leur prouesse ne leur en acquiert.

Tandis que en ce debat entre espoir & desesperance mon entendement trauailloit, vng legier somme me reprint, comme apres la pesanteur du premier repos il aduiet souuent vers le matin. Or me fut aduis en sommeillant, que ie veisse en vn pays en friche vne Dame dont le hault port & seignouri maintieng segnifioit sa tres-excellente extraction. Mais tant fut dolente & esplouree, que bien sembloit descheue de plus hault hōneur que pour lors son estat ne demonstroit. Et bien apparoissoit à son semblant, que forment fust espouventee & doubteuse de plus grant douleur & maleurté aduenir. Et en signe de ce, ses blons cheueulx, qui à fin or estriuoiē de couleur, veissiez respandus & degettez sans aournement au trauers de ses espauls : & vne courōne d'or sur son chief portoit, qui par diuers hurs si fort estoit esbranlee, que ja panchoit de costé enclinee moult durement. De sa vesture ne me puis-ie pas passer ne taire, & mesmement du mantel ou paille qui son corps couuroit, dont le merueilleux artifice fait à ramenteuoir. De trois paires d'ouurages sembloit auoir esté tissus & assemblez. Premièrement en chief d'ancienne*brodure enrichie de moult precieuses pierres, y estoient figurees les nobles fleurs de lys, tout en trauers semces des banieres, gonfanōs, & enseignes des anciens Roys & Princes François, en memoire de leurs renommées & victoires, & de leurs louables entreprises. Ou milieu se monstroient entaillees lettres, caracteres, & figures de diuerses sciences, qui esclarcissent les entendemens & adressent les euures des hommes. A la partie d'embas, qui vers terre pendoit, assez pouoit on veoir pourtraictes & entremeslees plusieurs bestes, plâtes, frui&z, & semences tendans de leurs branches en hault, & naissans de la bordure d'embas, comme de terre plantureuse & fertile. Qu'en diroye-ie plus ? De si precieux & riche ouurage estoit basti celluy mantel, & de si longue main auoit on mis peine à y ouurer & faire l'assemblee des parties dont il estoit composé, que dessoubz le ciel ne feust veu le pareil,

*broderie

et son visa-
ge par de-
uers à se-
nestre co-
sté.

* souillées.

se fortune enuieuse de longue prosperité l'eust souffert en sa beaulté demourer. Mais tant luy despleut l'excellence & duree de si parfait euure, qu'elle tourna * son peruers & se- nestre costé, & ouurit voyes dōt celuy mantel assemblé par souueraine industrie des predecesseurs estoit desia par violētes mains froissē & desrompu, & aucunes pieces violentement efrachces : si que la partie de dessus se monstroit obscurecie, & pou de fleurs de lys y apparoiſſoiēt, qui ne fussent debriscées ou * salies. Ne demande nul se la partie moyenne estoit neantmoins demouree entiere ne conioincte, & les lettres formées & assises en leur ordre. Car si separees, des- charpies, & desordonnees furent, que pou se pouoit assem- bler qui portast prouffitabile sentence. Mais se nous venons à parler de la basse partie, ceste seule chose en puet on dire, que tant la veoit-on vſee, en gast, & en destruction par ru- dement froyer, tirer, & detraîner; que en plusieurs lieux l'é- prainte de la terre apparoiſſoit descouuerte, & les arbres & semences comme desracinees, geētées, & pendans au tra- uers par paleteaux : si que on n'y puet congnoistre ordon- nance, ne esperer fruit. En somme tant estoit celuy habit changé par empiremēt de couleur & de beaulté, que ceulx qui telz le bastirent à peine congnoistroient leur ouurage. Du mantel me deporteray à tant de present, pource que trop longuement ne vueil sur description demourer, ne ce n'est la fin de ce present **Quadrilogue**. Touthoye pour ap- plicquer à mon entention principale, vueil soubz briefue- té declairer les gestes & contenances de ceste Dame. Vng riche palais ancien auoit de costé soy, sumptueusement e- difié de murailles eleuees, & de haultes tours, compassé, comprins, & enuironné de diuerſes & differentes habita- tions par engins de souuerains ouuriers, enrichi de entail- leures, peintures, armoieries, & autres menueries plaisans à l'ueil. Mais par negligence des maistres des euures, & en deffault de bonne reparation, les eaues & les vens y auoiēt tel dōmaige porté, que de plusieurs lez estoit prest de fon- dre & verser tout ius. Et n'y apparoit refection, sinon aucuns appuis de petites & foibles estayes, que pour passer temps & à la haste, non pas à durer, on auoit çà & là assises : où & quant la ruyne sembloit greigneur, & le peril plus prou- chain.

chain. Lors que ceste Dame regarda celuy seigneurieux edifice & Maison Royal presque decheoir, elle qui leans auoit esté nourrie en habondance de biens & d'onneurs, descouurit de dessoubz son mâtél l'vng de ses bras couuert & paré de fleurs de lys & de dalphins és quartiers, & estayoit le costé qui plus penchoit, & par pesanteur s'enclinoit, & tiroit grant partie du surplus à tendre en ruine; & contretenoit de celuy bras le plus principal pan de mur, & qui portoit le branle du surplus, & neantmoins se desmenoit & descreuoit en plusieurs endroitz, & des principaulx pilliers s'enclinoient au faiz des aucuns. Or fu moult fort greuee de si long trauail. Si se retourna couuerte de lermes à l'entour de soy, comme desireuse de secours, & contraincte par besoing. Et en icelle heure aperceut trois de ses enfans, l'vng estât droit en armes appuyé sur sa hache, effrayé & songeux: l'autre en vestement long sur vn siege de costé, escoutant & taisant: le tiers en vil habit renuerié sur la terre, plaintif & lágoureux. Comme elle les eut choisis à l'ueil, indignée en son hault courage vers eulx, les print à reprendre de leur oyseuse lascheté par parolles entrerompues souuent de douloureux souspirs, qui de cucur adoulé luy mouuoient, leur disant en ceste maniere.

France assaillie de ses ennemis se guermente par tres-piteux regretz, faisant reproche aux lasches François, qui par ambition, volupié, & auarice, plus la persecutent que les ennemis estrangiers.

FRANCE.

O Hommes foruoyez du chemin de bonne congnoissance, femenins de couraiges & de meurs, loingtains de vertus, forlignez de la constance de voz peres, qui pour delicieusement viure, choisissez à mourir sans honneur! Quelle mufardie ou chetiueté de cuer vous tient les mains ployees, & les voulentez amatiees, que vous baissiez, en regardant deuât vos yeulx vostre commune desertion: & musez aussi comme attendâs de quel part versera le faix de cestuy vostre naturel heberge & retrait, lequel vous pouroit tous accrauerter, & enclorre vostre ruine soubz la sienne? Et toutesuoies vous ne mettez les mains en euvre, à ce que ie soye secouruë par vostre trauail. Qui est ce-

FFF.

luy, qui pourroit assez blasmer ou reprendre voz passées & delicatues conditions, où vous estes nourris, & y voulez enuieillir ? Ne quelles assez aspres parolles pourroye-je prédre, pour vous reprocher vostre ingratitude vers moy ? Ce vous puis ie mettre au deuant, que apres le lien de foy Catholique, nature vous a deuant toute autre chose obligé au commun salut du pays de vostre natiuité, & à la defence de celle seigneurie, soubz laquelle Dieu vous a fait naistre & auoir vie. Encores dis-je que pou doit priser la naissance, & moins desirer la continuation de sa vie, qui passe ses iours ainsi que fait homme nay pour soy seulément, sans fructifier à la commune vtilité, & comme celuy qui extainct sa memoire avecques sa vie. Helas ! tant est es entiers couraiges prouchaine, & si inseparablement enracinée l'amour naturelle du pays, que le corps tend à y retourner de toutes parts comme en son propre lieu : le cueur y est donné, comme à celle habitation qui plus luy est agreable, la vie & la santé y croissent & amendent, l'homme y quiert sa seurte, sa paix, son refuge, le repos de sa vieillesse, & sa derreniere sepulture. Et puis que telle est la loy que nature y a establie, il fault dire que nul labeur ne vous doit estre grief, que nulle aduenture ne vous doit estre estrange à soustenir pour celuy pays & seigneurie sauuer, qui depuis vostre natiuité iusques à vostre mort est quant de foy ouuert enuers vous à toute soustenance, & qui vous repaist & nourrist entre les viuans, & entre les morts vous reçoit en sepulture. Si est force de dire, que ceulx sont desnaturez, qui au commun besoing, & pour le salut de leur pays & seigneurie n'efforcent leur pouoir, & mieulx veullēt soy laisser perir avecques la chose publicque, que pour icelle soy exposer à peril. Doncques pourroit il sembler que la loy de nature, qui toutes ces choses soubz le ciel oblige par lien indissoluble, seroit plus parfaictement accomplie es bestes mues, que en vous autres ; & que vous seriez trouuez plus desnaturez qu'elles, qui n'ont pas entendement de raison, quant les oyseaulx au bec & aux ongles deffendēt leurs nidz, & les ours & les lyons gardent leurs cauernes à la force de leurs * grifs, & de leurs dens.

* grifs

Retournōs au faict des hōmes, & iugeōs nous mesmes par

autrui, & nous souueigne que, cōme tesmoignent & racōptent les anciēnes histoires, les Troyens pour leur pays dēfēdre soustindrēt le siege des Grecs dix ans entiers deuāt leur citē. Et les peuples appelez Scites en la guerre qu'ilz orēt auecques le Roy Daire de Perse, furent mis en dēscōfiture, & par ce se mirēt tousiours en fuyte, iusques à ce qu'ils vindrent au lieu, où estoient les sepultures de leurs peres & predecesseurs. Lors se combatirent iusques à la mort, comme ceux que pitié naturelle de leurs pays & parens cōtraignoit à resistance, & à garder le lieu de sa naissance & sepulture de leurs lignies. Dure chose est à moy, que ainsi me cōuiuent plaindre: mais plus dure & de mendre reconfort, que vous qui me deuez soustenir, deffendre, & releuer, estes aduersaires de ma prosperité: & en lieu de guerre don querez ma destruction en l'auancement de voz singuliers desirs. Mes anciens ennemis & aduersaires me guerroyent en dehors par feu, & de glaiue. Et vous par dedans me guerroyez par voz conuoitises & mauuais ambitions. Les naturelz ennemis quierent me oster liberté, pour me tenir en leur miserable subiectiō. Et vous me asseruissiez à l'vsaige de voz desordonnances & lascheté, en cuidant demourer deliures des dangiers & perilz de ma fortune. Ilz me portent dommage comme partie contraire par leurs entreprinſes d'armes & de cheualerie. Et vous soubz l'ombre & le nom d'amis & deffenseurs, paracheuez ma perte & desertion par faulte de gouuernement conuenable. Moulrudes & rigoreuses vous pourront sembler ces miennes parolles, mais à les comparer à vos euures & à ma necessité, elles sont de moindre austerité & aspreté, que le cas qui se offre ne le requiert. Tournez voz yeulx, & conuertissez vostre iugemēt sur vous mesmes. Desnuez voz pensees de toutes affections qui vous meuuent à part, & vous congnoistrez que les plusieurs de vous laissent la seigneurie dōt vous estes subiectz, sans deffence, exposée à toute fortune: comme la nef degētee par tempeste de mer, qui va la voile baissée où le vent & les vagues la dechassent. Vous greuez & guerroyez voz ennemis par souhaitz. Vous desirez leur dēscōfiture par prieres & parolles, & ilz pourchassent la vostre par entreprinſes de faict. Vous conseillez de les dechasser, & ilz be-

FF f ij

songnent en vous dechassant. Leur trauail & songneux desir de conquerir esbahist voz couraiges, & vostre negligence de deffendre enhardist leurs volentez. Les lermes des femmes, & les souhaitz des hommes ne leur acquierent pas l'aide de Dieu, ne l'acomplissement de leurs vouloirs. Mais aux trauaillans, saiges, & curieux, aduiennent de don des cieulx & de leurs pourchatz les prosperitez & les ressourfes. Pensez que riens ne souffist vouloir le salut & liberte publique, & desirer la confusion de son ennemy. Il faut mettre la main à l'euure, & de l'euure vient la louenge & le guerredon. Mais où sont doncques ceulx, qui en ces conditions cheualeureuses quierent leur renommee & leur perfection, quant ilz ne se apparoissent & mettent auant en besongne: & que entre les aultres en puet on si peu choisir pour telz, dont ceulx qui bien font sont dignes de plus grât loz? Où est la prudence des Clercz & Conseilliers, qui par leurs sens ont maintz Royaulmes preseruez & rejeuez en perilleuses auentures? Que est deuenue la constance & loyaulté du peuple François, qui si long temps a eu renom de perscuerer loyal, ferme, & entier, vers son Seigneur naturel, sans querir nouuelles mutations? Le me doubte que tous trois soient rabaissez & auilez de la dignité & deuoir de leurs estat. Plusieurs de la Cheualerie & les nobles criét aux armes, mais ilz courent à l'argent. Le Clergié & les Conseillers parlent à deux visages, & viuent avec les vians. Le peuple veult estre franc, & en seure garde, & si est impatient de souffrir subiection de seigneurie. O tres-redoutable & perilleuse accoustumance de voluptez & de aises! O enuieillie & enracinee nourriture de pompes & de delices! Tant auez bestourné & ramoly les courages François, que ceste subuersion, dont fortune nous fait cizeau de si pres, nous auez couuée & mise sus. Et toutesuoies sont & demeurent les cueurs par vous si enuolopez, que le peril de la seigneurie, & de eulx mesmes, & la doubte de leur prochaine desertion ne les peult retraire de leurs delicieuses accoustumances. Telle est la condition naturelle des delicieuses voluptez, qu'elles sont impaciens de tout labour, contraires à vertueux ouurage, marrastrs de diligence, & nourrices de pusilanimité. Elles vous perdent, & si ne

les voulez perdre. Elles vous font & laissent perir, & si ne les voulez laisser. Elles ont esté & sont le rabaissement de vostre force, & la confusion de vostre pouoir, & en querant vostre ressource & relieuement, vous les entretenez & accueillez. Moult est forte chose de delaisser longues accoustumances. Mais qui au befoing se veult employer, & aux honorables faictz & vsaige endurcir, il ne trouue pas apres nul si plaissant trauail comme celuy dont l'onneur & la renomnee naissent aux vertueux.

Scipion l'African, quant premier demena son ost en Afrique, commanda que toutes choses qui en ses legions seroient trouuees prouocans à volupté, en fussent tantost degectees. Hānibal, apres ce que Capue fut reduite en sa subiection, & qu'il y eut esté haultement receu, & delicatiuement traité, trouua les cueurs de ses Cheualiers changez, & amatiz de leur premiere vertu. Et pour exemple de hault Prince adiouter, le pareil cas en aduint à Alixandre apres la conqueste de la grant Babiloine. Et Sardanapalus en perdit sa seigneurie & sa vie. Puis donc que les grans conquerans en la grant gloire de leurs victoires ont esté auilez & amendriz par l'accueil de volupté, quelle seurte peuvent auoir ceulx, qui soubz les dangiers de tres-peruerse fortune s'endurcissent à delicieuse vie & corruption de leurs meurs? Et tels y a, qui iour & nuit sont par les bois & par les chiāps à chasser les bestes, au gibier de oyseaux. Et les autres rompent cheuaux aux pourchas des offices, des estatcz, & des cheuāces, & de leurs autres plaisirs, qui pour honneur acquerir, & leur naturel debuoir acquiter, ne laisseroient le repos d'une nuit, ne ne souffriroient le dangier d'un estroict ou mesaisié hebergement.

Querez, querez François les exquisas saueurs des viandes, les longz repos empruntez de la nuit sur le iour, les outrages des robes & des ioyaux, sans garder difference des estatcz ne des degrez de ceulx à qui ilz appartiennent, les blandisses & deliz femenins. Endormez vous cōme pourceaulx en l'ordure & vilté des horribles pechez, qui vous ont mis si pres de la fin de voz bons iours. Estoupez voz oreilles à toutes bonnes amonitions. Mais ce sera par telle condition que plus y demourerez, plus approuchera le douloureux

Fff iij

iour de vostre extermination. Et en pourrez tant vser, & si longuemēt vous y aouiller, que trop en auoir pris vous fera souffreteux à tousiours. Semiramis de Babiloine laissa bien à moitié ses cheueulx à peigner, quant en les peignant on luy nonça la rebellion de sa cité: & demoura l'atour de son chief demy à point & demy desordonné, iusques elle eust par pouoir d'armes sa cité mise en subiection. Les Dames de Romme apres la miserable bataille de Cannes changerent la richesse de leurs habitz, & la cointise de leurs estarz. Le pays de Languedoc en la prinse du Roy Iehan se mua en vestures & gouuernement de hommes & de femmes, en delaisant toute reimonstrance de leesse & festiuité. Quelles gens estes vous, ne quelle durescé a il en voz couraiges, qui ainsi vous laissez perdre à vostre escient, sans vouloir delaisser ce qui vous maine à perdition, & vous tire à la mort les bras au col? Apprenez à congnoistre vostre infelicité par les fortunes heureuses de voz ennemis. Et vous souuiengne que les glaces d'yuer, ne la diminution du viure, la pestilence des maladies contagieuses, ne le long trauail des armes vestir & porter nuit & iour, ne leur cassent leurs fortes entreprises, ne ilz n'en laissent sieges à mettre, ne champs à tenir. Et tous voz faitz se delassent par chascune legiere achoison ou particuliere volenté. Toutes bonnes nouuelles vous semblent victoire, & toutes mauuaises vous esbahissent comme desconfite bataille. Car voz couraiges volages & vicieux ne sont en nulle chose affermez. Vos engins trauaillent à acquerir finance, & voz vanitez à les degaster. Vostre entendement se occupe à les querir & assembler, mais vostre sens est perdu quant à les employer. Pleust à Dieu que bien fust escript en vos souuenances, combien prouffite à l'exaũcement de seigneurie scauoir saigement departir le guerredon des bons, & pugnition des mauuais, sans suiure le bruit ou l'affection. Car la correction des mauuais oste le hardemēt de mal, & la recongnoissance des bons est le redoublement de leurs biensfaitz. Et qui plus fort est, ie ose bien dire que celle seule vertu de recongnoistre les bons, qui peu volentiers emprennent, & les mauuais qui se ingerent rebouter, est celle qui souuerainement conferme & maintient les Prin-

ces en leurs *seigneuries & majestez. Si n'estoit pas sans *Estats & seigneu-
 cause, que pour louenge & memoire les Rommains fai-
 soient images de divers metaulx, ars, & curces triumphaus
 à ceulx, qui vertueusement se portoient pour accroistre la
 Seigneurie Rommaine, & augmenter le bien publicque de
 leur cité. Taisons nous à tant de ces choses, combien que
 trop ne les pourroye reprouver ne blasmer. Si venons à
 vous remonstrer en brief, que la iustice de vostre querelle
 (posée que autre *achoisson ia n'y trouuissiez) vous doit re- *occoisson
 bouter le hardement és courages.

Saichons premicrement, qui sont ceulx contre qui vous
 auez à guerroyer. Et se bien en enquerez, c'est la lignee de
 Sergestus & de Hangeustus les Saxons, qui comme soul-
 doyers vindrent au secours du Roy de la grant Bretagne
 oppressé de dures guerres. Et depuis occuperent & prin-
 drent le pays pour eulx, quant ilz le sentirent despourueu
 par guerre de sa bonne Cheualerie, & par trahison soubz
 faintise de paix occirent le surplus de la noblesse du pays.
 C'est la lignee de celuy, qui debouta & occist son souuerain
 seigneur Richard Roy d'Angleterre, pour vsurper tyranni-
 quement sa seigneurie. Ce sont ceulx, qui voz peres & voz
 predecesseurs ont souuent guerroyez, ars & degastez voz
 champs & voz villes, & qui de telle lignee sont yssus, que
 naturellement conuoitét aneantir du tout vostre generatiō.
 Ce sont ceulx qui se sont adioinctz & alliez aux desloyaulx
 & rebelles de ce Royaulme, dont à la cōfusion de leur que-
 relle ilz ont adioüsté desloyaulté en soustenant les euures
 desloyalles de leurs alliez & compaignons.

D'autre part vueil monstrier les raisons qui doiuent voz
 courages enflammer, & vous donner seurte & confiance.
 Vos ennemis anciens & naturelz vous assaillent à leur en-
 treprise, & viennent chalenger vostre terre & vostre pays
 sur vous. Ilz sont assaillans, vous estes deffendeurs. Ilz veu-
 lent asservir vostre liberté, & vous auez à vous deffendre
 de leur seruage. Ilz quierent vostre mort & perdition, &
 nature vous oblige à deffendre vostre seurte & vostre vie.
 Ilz s'efforcent d'oster & raurir par force la vie & la substan-
 ce de voz femmes & enfans, que nature vous contrainct à
 doucement nourrir, & tendrement aimer. Ilz veulent de

bouter vostre Prince droiturier & naturel Seigneur, que voz vies & voz corps sont tenuz deffendre ; & tendent occuper le siege Royal pour vous deffouler souz leur tyrannie. Enuis entreprendriez les conquestes de voz predecesseurs, qui soubzmissent grant partie de Grece en leur subiection, laquelle de leur nom s'appelle encores Gallogrecie, & conquirent Romme iusques au Capirolle: quant la terre surquoy vous habitez, & qui vous soustient & donne pasture, ne puez pas secourir ne deffendre, & vous laissez estre comme exillez sur vostre mesme pays, que delaisier ne voulez, ne garder ne le scauez. Quelle chose est-ce doncques qui peult tant refroidir & tant rabaisser voz courages? Les ennemis ne sôt de fer, immortelz ne inuincibles, ne que vous. Ilz n'ont glaiues ne armeures, que vous n'ayez des pareilles: ne sont en si grât nôbre que vous ne foyez autant ou plus. Leur eur ne fera pas fortune leur estre tousiours ainsi propice, qui de sa nature est enuers tous muable. Si fault par force dire, que filz ont riés d'auance qui les eslieue sur vous, c'est hardement de courage. Et se vous auez rien, qui soubz eulx vous desprime, c'est la multitude de voz pechez qui cōuertist vostre cueur, & atrait à soy, & laissez estaindre la lumiere de vostre gloire, & destruire vostre seigneurie deuant vos yeux sans remede y querir ne mettre, sinon que la grace de Dieu y euure en soy. A laquelle deseruir vous mettez petite paine, & ne puez en ce point longuement temporiser, sans veoir decheoir le nom François à vostre perdurable vitupere & malediction.

L'ACTEUR.

CEs parolles moult aigrement & de cueur courroucé disoit aux trois dessus descriptz ceste Dame trefadoulée: & de ses beaulx yeulx, dôt les ruyssaulx de lermes couloient, regardoit si effrayement leur desroyé maintien, que bien sembloit soy sentir d'eulx iniurice ou mescongneue. Et apres ce que chascun se fu longuement tenu de parler, celluy qui gisoit réuerse sur la terre plaintif & langoureux, & tât attainct de mal, que nulle vertu ne luy estoit demouree sinon la voix & le cry, print à parler, & respondre ce qui sensuiuit.

Le poëte

Le pauvre Peuple allegue ses doléances & iniures à sa mere Dame France, que luy font souffrir les pillars gens d'armeaulx sous ombre de deffendre la chose publique : & combien que tous il nourrisse, il est de tous pillé & foulé.

LE PEUPLE.

HAa! mere iadis habondant & plantureuse de prosperité, & ores angoisseuse & triste du declin de ta lignee: ie reçois bien en gré ta correction, & congnois que tes plaintes ne sont point defraisonnables ne sans cause. Mais trop m'est amere deplaisance, que j'aye de ce meschief la perte & le reproche ensemble, & que m'en doyos en riens tenir suspect. Et quât d'autrui coulpe ie porte la tres aspre penitence, ie suis comme l'asne qui soustiens le fardel importable: & si suis aguillonné & batu pour faire & * souffrir ce * *soustenir* que ie ne puis. Ie suis le * berfault contre qui chacun tire saiettes de tribulation. Haa! chetif doloireux! dont viét ceste * *berfaul* vlsance, qui a si bestourné l'ordre de iustice, que chacun a sur moy tant de droit comme sa force luy en donne? Le labeur de mes mains nourrist les lasches & les oyseux, & ilz me persecutent de faim & de glaiue. Ie soustiens leur vie à la sueur & trauail de mon corps, & ilz guerroyent la mienne par leurs oultrages, dont ie suis en mendicité. Ilz viuent de moy, & ie meur par eulx. Ilz me deussent garder des ennemis, hélas! & ilz me gardent de mēgier mon pain en seureté. Comment auroit homme en ce party patience parfaite, quant à ma persecution ne peult on riens adiouster que la mort? Ie meur, & transis par deffault & necessité des biens que j'ay gaignez. Labeur a perdu son esperance, marchandise ne trouue chemin qui la puisse sauement adresser. Tout est proye, ce que l'espce ou le glaiue ne deffend. Ne ie n'ay autre esperance en ma vie, senon par desespoir laisser mon estat, pour faire comme ceulx que ma despouille enrichist, qui plus ayment la proye que l'onneur de la guerre. Que appellé-ie guerre? ce n'est pas guerre qui en ce Royaume se maine. C'est vne priuce roberie, vng larrecin habandonné, force publique soubz vmbre d'armes, & violente rapine, que faulte de iustice, & de bonne ordonnance, ont fait estre loissibles. Les armes sont criées, & les

G G g

estendars leuez contre les ennemis. Mais les exploitz sont contre moy, à la destruction de ma pource substance, & de ma miserable vie. Les ennemis sont combatus de parolles, & ie le suis de faict. Regarde, mere, regarde, & aise bien ma tres-langoureuse affliction; & tu cognoistras que tous refuges me deffaillent. Les champs n'ont plus de frâchise pour moy administrer seure demeure, & ie n'ay plus dequoy les cultiuer ne fournir pour y recueillir le frui& de nourriture. Tout est en autruy main acquis, ce que force de murs & de fossez n'environne. Et encores en meilleures gardes a il de plus grans pertes que chacun voit. Or conuiendra il les champs demourer desers, inhabitables, & habandonnez aux bestes sauuages, & ceulx qui par trauail de loyalle marchandise ont les aucuns en leurs necessitez secouruz, demourer despourueuz & esgarez, & perdre par courroux la vie apres les biens. Le soc est tourné en glauiue mortel, & mes mains, qui ont porté le fais dont les autres recueillent les aises en habondance, sont souuent estrain&tes iusques au sang esandre; pource que i'ay raui ce que ie n'ay mie. Si fault que le corps decline en deffault des biens, & que en langueur soubz seigneurie dissipee, & chargée de famille, mendiant ie viue en mourant: voyant la mort de ma pource femme & de mes petis enfans, & desirant la mienne, qui tant me tarde que ie la regrette chacun iour, comme celuy que courroux, faim, & deffiance de confort mainent douloureusement à son dernier iour. Du surplus ne fault faire enqueste, ne demande: les euures sont publiques, & le tesmoing en est intolerable famine, qui en court & courra sus à vng chacun si amerement, que tard sera de regretter la passée habondance, & vouloir par raison departir le demourant des choses consumees par outrage. Et s'en ensuyura, que nature, qui chacun enseigne à conseruer sa vie par la recreation de mâger, laschera la bride & la licence de le raur par force où il sera. Dont les commencemens sont ia moult merueilleux, & les conclusions seront tant redoubtables, que la chose sera plus espouventable à veoir qu'elle n'est merueilleuse à imaginer. Ennuyeuse chose est à racompter, & plus griefue à soustenir ma piteuse desolation. Car ie suis en exil en ma maison, prisonnier de

mes amis, assailly de mes deffendeurs, guerroyé des soul-
doyers, d'ot le payemēt se fait de mō propre chatel. Et pour
faire vne abhominable somme de mes malles meschances
infinies, ie ne voy aultre demourant ou exploict des lōgues
guerres de ce Royaulme: sinō terres en friche & pays inha-
bitable, multitude de vesues & d'orphennins chetifz, &
mendians, & desolez, & mutatiōs de biēs, qui des mains de
ceux qui les ont gaignez sont transportez aux plus fors &
rauisans. Et tellement est la chose muce, & changee de sa
nature, que entre l'impetuositē des armes se tarissent les
loix, & iustice a laissē son siege & tribunal, auquel se siet &
preside voulētē. Si a fait icelle vng tel edict, que ce que for-
ce veult elle puet, ce qu'elle puet elle acomplift, ce qu'elle
acomplift elle appreuue, ce qu'elle appreuue est exaulcé
& loué, & non puny. Par droicte comparaisō, la nostre po-
lice Françoise semble de present l'ostel d'vng mauuais mes-
nagier, qui dissipe sa presente substance auant qu'il pour-
uoie à celle à venir, mangeue sa vigne en vergeuz, & vuide
ses greniers hors de saison à la comble mesure, si que le pain
luy fault au plus grant besoing. Le fourmy se pouruoie &
espargne en Estē contre la durte de la froide saison, & pour-
uoit à sa necessitē deuant qu'elle le surpraigne. Haa ! hom-
mes François ! vous faictes le rebours, & gastez auāt la main
ce dont vous deussiez ayder es autres grans affaires, & met-
tez le faiz de vostre guerre à la charge du peuple, qui soubz
vous deust demourer entier, comme vne espargne pour se-
courir aux extremitēz, & pour auoir recours en peruerse
fortune.

Se ie veisse que par cheualcreuse hardiesse de la guerre
(dont vous faictes le bruit) les ennemis sentissent la perte
& le dommage, le mien en seroit plus aysē à soustenir. Mais
tousiours mal souffrir (quant il ne redonde à aucun bien)
fait le courage cheoir en desespoir, & perdre pacience en-
tierement. Et quant pacience fault, qui soustient les coura-
ges contre la durte de fortune, & qui tient les autres vertus
alices & conioinctes: ne doubtez qu'elles se separent & de-
partent. Si aduient souuēt que pacience faillie, toute obeis-
sance, subiectiō, & constance defaillent, & tourne l'ordre
de vertu en desordonnee confusion. Affez le puet on noter,

G Gg ij

& prendre exemple du Roy Roboam, qui pour les oppref-
 fions de son peuple, qu'il ne voulut amendrir ne cesser, en
 delaisant le conseil des sages anciens, & en adherant à la
 sottise opinion des ieunes & non sachs, perdit de sa sei-
 gneurie dix lieues & demie. Le Peuple si est membre no-
 table du Royaulme, sans lequel les Nobles ne le Clergié ne
 peult souffire à faire corps de police, ne à soustenir leur estat
 ne leur vie. Si ne me puis trop donner de merueille que il
 doye si estre habandonné à toute infelicité, & persecuté par
 les autres membres subgectz à son mesme chief. Ne ie ne
 voy meilleur similitude à ce propos, sinon que nostre police
 Françoisse est comme l'omme furieux, qui de ses dēt mort
 & desfire ses autres membres. Trop bien pourueurent à tel
 inconuenient les anciens Rommains, quant pour garder les
 parties de leur communauté chascun en sa dignité & en son
 ordre, ilz establirent les Tribuns du peuple, qui auoient l'of-
 fice d'icelluy soustenir, & deffendre sa franchise contre le
 Senat & la puissance des nobles hommes. Ainsi n'est pas.
 Car sans aide ne secours ie suis delaislé es mains des rauif-
 seurs, comme la praye des autres, qui me contraignēt à crier
 à Dieu vengeance contre eulx, de l'importable & dure affli-
 ction que ilz me donnent. Car, comme souuent repetent les
 anciens escripts, pour la misere des pures, & gemissemens
 des souffreteux, la diuine iustice donne semence de tref-ai-
 gre punition. Or s'en gart qui en coulpe s'en sent. Car il n'est
 pas à penser que tant de couraiges tourmentez, & voix tref-
 pitoiables, qui comme par desespoir adressent leurs criz &
 leurs plainctes aux cieulx, ne esmouuent à pitié la clemence
 du tref-misericors & tout puissant Createur: & que sa iu-
 stice ne leur sequeure à la confusion de ceulx dont proced-
 ent telles iniquitez. Et ie qui suis en attente de ma mort,
 & desesperes de ma vie, ne scay plus autre part recourir. Ainsi
 descharge mon cueur enuers toy, mere tref-redoubtable,
 exempt de la coulpe des griefz maulz dont ie porte la paine:
 & merapporte à ton bon iugement de sçauoir à qui en
 est le blasme. Je doy bien estre tenu comme excusé, & de-
 laissé pour chetif que ie suis, sans adiouter à ma misere blas-
 me ou reprouche. Car douleur & mesaise me chassent à la
 mort si durement, que ie seiche sur le pié sans attente de

mieulx. Ne ie ne scay plus sinon mauldire celuy qui ce me fait, plaignant ma grant douleur, dont Dieu par sa pitié me vueille garder, & ietter briefuement hors de ceste langoureuse vie, puis que desormais n'y puis demourer fors en orfanité.

L'ACTEUR.

A Tant se teut. Car par mesaise de corps & disette de manger, auoit la parolle & les esperitz affoibliz : & comme tout accrauanté de douleur pouoit à peine parler. Si print les parolles celuy qui en armes estoit, & commença lors à respondre tout hault, & de cuer courroucé, ce que cy apres est escript.

Le Cheualier suiuant armes essaye soy purger contre le populaire, disant que le peuple abusant de richesses en temps de paix s'abandonne à blasphemés, partialitez, murmures & oyseuseté voluptueuse: & pource qu'il mesconnoist l'ayse & beaulté de paix, Dieu permet qu'il soit vexé par guerre, en laquelle chercher une scintille de iustice est soy abuser.

LE CHEVALIER.

Maintenant voit-on clerement la petite constance de ton muable couraige, Peuple seduit & legier à deceuoir, quant tu ne scez souffrir l'ayse de paix; & si ne peux soustenir la durté de la guerre. Car alors que tu es riche, puissant, & plantureux de biens, tu ne pues viure sans blasphemé & sans murmure. Et aussi tost que la foule des guerres que tu pourchasses vient sur toy, tu es enclin à toute seditiō: & ne les puis soustenir sans fouruoyer de vraye obeissance. Tu te plains de moy, & crie à Dieu vengeance des maux que toy mesmes tu as pourchassez. Mais tu ne te iuges pas de ta mesme coulpe, ainçois fais la clamour & le bruit des presentes pertes & afflictions, sans ramēteuoir tes faulces passees qui en sont la cause. Souniegne toy en combien grant ingratitude & volenté iniurieuse follement affaictée, tu as souffert & passé la grant douceur de paix, la seurté de iustice, & l'abondance des biens qui depuis trēte ans iusques à l'entree des guerres a duré en ce Royau-me. N'estoyes tu pas lors remply de richesses, enuironné de

GGg iij

delices avecques toutes franchises d'en vser à ton plaisir. Recongnois au moins que tu, ta femme, & tes enfans mangiez vostre pain en seurte chacun sur son lieu & soubz sa seigneurie, comblez de tous biens, sans perte, & sans danger. De ce temps là puis tu auoir remembrance. Car Dieu scet le bruit, la rumeur, & l'escande opprobrieux que tu donnoyes deslors à ceulx, qui en plantureuse vnion & tranquillité te gouuernoient. Icelluy tēps detestoyes & tenoyes à mauuais, en tresgrant ingratitude vers Dieu, & vers ton Prince. Or le te fault à present *regracier, & louer ce que tu blas moyes si aigrement.

O combien dangereuse chose est à courage d'omme, qui descongnoist sa condition, & ne scet viure en multitude de biens mondains ! Mais plus forte chose est de endurer grant aise, à ceulx qui sçauent penser que fortune les puet de legier transmuier en douloureuse mesaise. A ce propos narrent les Histoires Rommaines, que la longue paix descongneue, la plenitude des biens qui enorgueillist les couraiges des ingratz, & la delicieuse oysiuete qui donne occasion de soy subtilier à mal, furent causes des batailles intestines, guerres, & discors d'entre les Rommaines es temps de Catilina, de Sylla, & de Marius : dont la seigneurie Rommaine plus par eulx mesmes que par estranges ennemis est deceue du tout sans ressource, qui fu telle & si haulte comme les ruines le demontrent apertement. Ainsi le fol peuple, qui ne desire aultre chose que discord & mutation, quiert souuent & cōuoite ce qui plus luy est contraire. Si te diz, que tes rumeurs & particulieres affections, tes mensongieres parolles, & ta legiere creance ont mis & appose sur toy ceste tres-amere diuision. Par toy, & les partis que tu as choisis follement, & soustenez de obstinée vouldenté est ceste guerre source & agrauee. Et n'as oncques cessé iusques à ce que ta parfaite paix ait esté troublee, & muee en tres-cruelle diuision. Or en as tu assez, & plus que porter n'en pues. Tu l'as prouoquee & appelee à toy : si fault que tu en seuffres les aguillons, & les poinctures. Car qui pourchasse guerre, la doit querir par telle condition, qu'il se soubzmette aux malles aduētures qui de guerre naissent. Guerre de sa propre nais-

sance vient de faulte de iustice. Car se tous estions iustes, force d'armes ne nous auroit besoing. Se tu veulx doncques en guerre querir bon ordre, mesure, & raison, tu travailles en vain. Car se le plus iuste, qui oncques nasquit, faisoit guerre, ce ne puet estre sans aucunement autrui greuer. Car tous ceulx de mauuais vouloir, qui en temps de paix ne l'osent mettre en euure, prennent hardement de foy mettre sus, soubz vmbre de guerre. Par dessus tout ce, puis que tant me charges, te diray ie plus. Penses tu euader la main de Dieu, dont tu requiers vengeance sur nous autres? quant ta vaine indignation, ta folle cuidance, & ton erreur sont les achoisons & la racine des maulx que nous faisons. Ayes en memoire les punitions, qui pour les murmures & impaciëce du peuple d'Israel encõtre leurs chiefz, vindrent sur eulx es temps de Moysse & de Aaron: dont les aucuns furent viz transgloutifz en terre, les autres deuorrez de serpens, & embrasez du feu qui du ciel descendit. Confesse maintenant ce que tu ne puis dënier, & batz ta coulpe de tes mauuais pechiez; & ramentois en toy mesmes que tu crias Noel de la grant feste & ioyeuse liesse du douloureux fait, pour lequel tu dis maintenant helas! cent fois de iour. Et requiers Dieu, qu'il te pardonne ton auenglement & ta folie. Non pas qu'il punisse les autres, qui pour icelle erreur seuffrent avec toy, & dõt tant de preudes hommes ont esté trop horriblement en champs, en bois & en villes mors par aucuns des tiens à plusieurs & diuerses fois, & sans misericorde. Tant que l'escande en est es autres Royaulmes à la perpetuelle honte & diffame du peuple François, qui es temps passez estoit renommé de toute benignité. Toutes ces choses sont congneues & notoires, & m'en rapporte à Dieu, qui les voit. Et neanmoins ie les passe. Car ameres sont à ramentenir, fors tant que ie ne me pourroye tenir de dire, que la legiere foy, muable, & petite loyaulté des subgectz à ceste seigneurie, est mouuement & achoison de la venue de noz ennemis sur nous, qui autrement n'en eussent prins le hardement. Et puis que parler en fault si auant, & que tu me donnes reproche de lacheté, ie te ose dire que ton enfermeté & petite constance est grant cause que mieulx ne se fait. Car en plusieurs lieux,

non pas en tous, qui ne se donroit aussi grant garde de toy que des ennemis, ta folie & petite foy feroit de haultx dommages, que toy mesmes & autres achepteroyes par apres.

Derechief pource que tu te plains si tristement, qu'il semble que nul n'ait douleur ou mesaise fors que toy mesmes, & ne comptes à rien les fortunes des autres, combien que chascun son dueil plaint: ne penes tu pas que les nobles hommes en leur estat ayent à souffrir autant que tu as? Quant est il de haultx hommes, & de nobles Dames, exilez de leur pays, & mal receuz entre toy & les autres, despourueuz de tous biens, souffreteux de confort, agrauez de douleur pour leur loyauté acquiter & garder? Quantes malles nuitz, & disettes de boire & de manger endurent souuent ceulx qui le mestier de la guerre frequentent, chargez de fer, au vent & à la pluye, sans autre couuerture que du ciel: & y perdent souuent leurs cheuaulx & leur chastel, mettēt leur vie en aduātūre de mort, & souuēt y meurēt! Et de faire plusieurs qui se mettent en * point de bien seruir, ont leurs terres vendues & engaigees, & apres cheent en poureté. Et vng gras bourgeois qui cōpte ses deniers par default d'autre besongne, ou vng riche Chanoine qui employe le plus du temps à mengier & à dormir, criera sur nous; pourquoy nous ne combatons, & que nous ne chassons les ennemis comme l'en chasseroit coulombs d'une * pesiere. Et ainsi que s'il estoit aussi legier à faire comme à le deuiser sur le coute, coste le vin. Mais toutesuoies ceulx qui ainsi iugent de la guerre en leur foyer, n'en laisseroient vng iour de leur aise, ne n'en desbourseroient vng denier, sinon à regret & en le plaignant comme chose perdue, quant il fault que puissance de Prince y mette la main. Et se nous auions besoing, nous recueilleroient à peine aussi peu que les ennemis. De ceulx viennēt les clamours & les plaintes, qui sont plus fournis & plus aysez que nous ne sommes: mais l'affliction est sur le peuple de labeur, & auons les paines & le trauail. Je ne parle pas de tous. Car assez en est de preudes hommes constans. Mais les douleurs que ie dis sont plus souuent trouuez en ceulx, qui plus mettent auant de plaintes & de murmures. Et tant y a (dont ie me tais) qu'il ne chault à plu-

* paine

* chene-
miere

à plusieurs qui tiegne la Seigneurie, mais qu'ilz soient prochains des prouffitz, & loing des pertes. Et plus choisiroiēt desaduouer leur naturel Seigneur pour garder ou accroistre leurs richesses, que souffrir perte pour demourer en loyaulté. Voulüst Dieu, que chascun eust tousiours eu le bien publicque, & l'onneur de la seigneurie deuant les yeulx, & que les courages y eussent esté fermez & arrestez, cōme ilz deuoiēt. Helas ! nous ne fussions pas cheuz en cest inconueniēt, ou le fortune eust esté si puissant sur les loyaux & entiers courages, qu'elle nous eust vng peu reboutez de prosperité, au moins nous feussions nous plustost ressours par l'vnion & fermeté de noz volentez. Autremēt est. Car ainsi que vne maladie attrait l'autre, aussi viennent les afflictions des hommes d'une mutation en plus grant. L'exemple en est cler. Car nous auons quis diuision en nous mesmes, pour trouuer mutation de gouuernement en nous. Et d'entre nous l'auons derechief mis dehors nous, & dehors nous contre nous. Il appert, quant pour soustenir vne outrageuse & desloyalle folie nous auons tant allé d'vng en autre, que nostre souuerain Seigneur est baillé à gouuerner es mains de son mortel ennemy.

O constance tres-louable, & vertu digne de memoire perpetuelle, par qui les seigneuries sont faictes longuement durables, & les hommes quoy qu'ilz seussent eschappent en hōneur les dangiers de peruerse fortune ! Bien as trouué pou de courages François, qui ta doctrine ayēt en ces merueilleux dangiers de guerre ensuye. Et bien heureux sont ceulx, qui en si griefue tempeste & troublee confusion se sont maintenus sans reproche. Toutefuoies quoy que soit aduenü au temps passé, nous deuons auoir assez appris pour noz courages affermer, en ce qu'est auenir, & aider à redresser par meilleur aduis ce que nous mesmes auons bestourné par folle creance. Et n'y doit nul homme espargner peril de corps, perdition de biens, trauail de pensee, ne despense de cheuance. Assez trouuons es Histoires Rommaines de males aduentures suruenues aux Rommains, & que fortune auoit mis iusques au bas. Mais de tant se ressourdoient ils plus vertueusement, comme le besoing les rendoit plus contrains. Et filz auoient perdu des Cheualiers,

HHh

ilz en establiſſoient des nouueaulx, & mettoient ſus des gēs
 fors de tous eſtatz, meſmes des ſerfs : & les apprennoient &
 faiſoient exercer aux armes, & par la cure de bonne or-
 donnance qu'ilz y mettoient, ſ'en aydoient en leurs batail-
 les, & deuenoient vaillans & hardis. Car en toutes choſes
 vſagerent les hommes ſeurs & arreſtez en leurs euures.
 D'autre part, ſe le Treſor de Romme eſtoit deſgarny de
 pecune, chacun bailloit liberalment le ſien, & meſmement
 les Dames leurs precieus ioyaux pour ſecourir à la neceſſi-
 té publique, & rachapter le temps de proſperité * comme
 de leur propre chatel. Ne rien ne leur eſtoit plus chier, que
 ce qu'ilz expoſoient pour la ſeigneurie & bien publique
 de leur cité. Encores affin de monſtrer par exemple, que au
 beſoing commun des Rommains nulle choſe particuliere
 tant fuſt precieufe n'eſtoit eſpargnee ne recelec, racompte
 Vegece que comme aux engins de guerre, dont les Rom-
 mains deſſendoient le Capitolle de Romme, fuſt deſſailly
 le cordage, les Dames de Romme firent couper leurs blōs
 cheueulx, & bailler pour faire cordes, & ſecourir à la pu-
 blique neceſſité: & conſentirent leur plus chier & naturel
 aornement eſtre conuertie en rude myſtere, & traité par les
 rudes mains d'ouuriers mecaniques ce que depuis l'heure
 de leur naiſſance auoient eſpargné ſur leur chief, & de leurs
 mains ſongneuſement cultiué. Maintenant, las! dolēt, m'eſt
 aduis que ie voy le contraire. Or endroit dit le pere à ſon
 filz, & le voiſin à ſon prochain: Beaulx amis, le tēps eſt mer-
 ueilleux, & ne ſçauons comment l'eſtat des choſes preſen-
 tes tournera. Si fault mūcier, garder, & fouir en terre, ou
 faire transporter en autre pays noz auoirs & noz cheuan-
 ces. Qu'eſt-ce autre choſe à dire, ſinon que en ſoy cuidant
 ſauuer à part forclorre l'aide de ſes biens au beſoing com-
 mun, & priner eulx meſmes & la choſe publique de l'vſa-
 ge des biens qui d'elle ſont iſſus? Mais de tant ſont ilz de-
 ceuz, que maintesfois perdent leur chatel pour eſcheuer
 de prouffiter au bien commun. Et croy que le trop parler
 en charge ou accuſatiō d'autrui, ne ſoit ja choſe trop loua-
 ble. Ie puis ſeulement dire, que oncques honneur, vertu, &
 ſalut vniuerſel de la communauté de la ſeigneurie ne fut
 moins emprainz es courages qu'il eſt de preſent. Tournez

voz yeulx à l'eauiron à congnoistre les conditions & les meurs des hommes de tous estatz. Et vous verrez, que les plusieurs songent à parfoi vne singuliere forme de querir leur salut. Haa ! Dieu Tout-puissant, se tous ceulx qui à ce se soubtilent, ioingnissent ensemble leurs entendemens à chercher la ressource de leur seigneurie, ilz gaingnassent à la prosperité commune le salut de leurs estatz & de leurs vies ; quant par leurs parciaulx desirs ilz le perdent avecques la seigneurie, que ilz delaissent en perdition.

Or se plaint le peuple de nous, or crient & murmurent les communes gens contre la seigneurie, pour l'argent qui sur eulx est aucunesfois leué pour la defence du pays. Ilz veulent estre gardez & deffendus. Et si se font les plusieurs forcer, de contribuer à la garde, ainsi que s'ils voulsissent auoir les biens à leur part sans riens souffrir, & nous laisser les perilz & les peines sans riens auoir. Nous ne pouons pas viure du vent, ne noz reuenues ne nous souffiroient à soutenir les fraiz de la guerre. Et se le Prince ne recueult de son peuple, dont il nous puisse payer, & en seruant à la communauté nous viuons des biens que nous trouuons : à Dieu m'en rapporte d'auoir noz consciences excusées. Et puis que l'aduersité est commune à tout le Royaulme, il est force que chascun en seuffre ce que Dieu luy en enuoye. Et Dieu scet se nous en sommes quittes & exemptz ! Car se l'en se plaint de nous où nous allons, ceulx qui viennent & passent sur noz terres ne nous portent pas moins de grief que nous faisons aux autres. Ainsi se tout estoit pesé en iuste balance, les trauaulx & perilz que nous souffrons, les fraiz, despens, & dommages que nous soutenons, & de l'autre costé les maulx que nous faisons : nous n'auiôs pas moindre part de la douleur, que le peuple qui crie sur nous. Peult estre que soubz vmbre de nous, maintz grans oûltrages se font. Car en guerre, où la force regne, & le fer seigneurist, ne puet droit dominer. Mais à bien enquerir, il sera trouué que gens de peuple, & de bas estat se mettent sus soubz le nom d'armes, & sont coupables de ces horribles excès. Et naist d'entre ceulx du peuple le mal, qui sur le peuple redonde. Parquoy la charge n'en doit pas du tout estre sur les nobles hommes, qui mieulx aimassent viure en leurs maisons cō-

HHh ij

me seigneurs, qu'estre herbergerz à regret & comme hostes en autruy dangier.

Se le peuple d'oc se plainct, & il est foulé & blecé, i'appelle Dieu à tesmoing que nous n'en sommes pas sainz, & que assez en auons nostre part. Et puis qu'il fault comparer mal à mal, cest auantage ont les populaires, que leur bource est comme la citerne, qui a recueilly & recueult les eaues & les agoutz de toutes les richesses de ce Royaume, qui es coffres des nobles, & Clergié sont amédries par la longueur de la guerre. Car la foiblesse des monnoyes leur a diminué le payement des deuoirs & des rentes que ilz nous doiuent, & l'outrageuse chierté que ilz ont mis és viures & ouurages leur a creu l'auoir que par chascun iour ilz recueillent & amassent. Or ont verseulx nostre chatel, & maintenant ilz crient contre nous, & nous blasment que nous ne combatons à toutes heures, comme ceulx qui peu doubtent mettre en aduanture sans raison & ordre la Noblesse & le Royaulme, & qui feroient assez grant marché du sang des nobles hommes, dont filz estoient perduz le Royaulme ploureroit la mort par apres. Dieu me gard que ie deffende ou debate, que il ne seroit bon de greuer & guerroyer ses ennemis, & les combattre en lieu & en temps que on puisse trouuer son aduantage. Et moult y a de vaillás Cheualiers & Escuyers en cestuy Royaulme, qui ne demanderoient pas plus grant heur que de soy y trouuer pour y faire leur deuoir. Mais en armes a il aussi bien sens, pour attendre son bon & delay, pour faire bon preu à son aduantage, comme il y a en marchandises, ou autres moindres affaires. Et doit estre reputé à plus grant honneur & louenge au chief de bataille, scauoir saigement retraire & sauuer son ost, & le tenir entier quant il est besoing, que par trop aduentureuse hardiesse l'exposer à perte, & laisser attrempance & mesure pour cuider acquerir le nom de vaillance. Il ne m'est besoing pour ma raison confermer, de querir anciennes histoires du temps passé, mais vous baille par leçon ce que nous auons veu n'agueres, & de noz iours. Et recordons en noz cueurs le fait de la malheureuse bataille de Agincourt, d'ot nous auons chier comparé, & encores plaignons le douloureux infortune, & en portés sur nous tou-

te celle malle meschance , de laquelle ne pourrions saillir sinon par diligemment trauailler , & saigement souffrir & chastier nostre hastiueté perilleuse par la seurte de bonne attrempance.

Moult grant difference a, ou doit auoir en conseil & en euvre, entre le Prince eureux de prosperité qui veult icelle garder & deffendre , & celuy qui de peruerse fortune se veut ressourdre , & oster la victoire de la main du vainqueur. Telle euvre auons nous à mener, en quoy plus chiet d'acquest de sens, que d'ouurage de chaulde colle. En pareil cas le monstra bien le saige Rommain Fabius Maximus au temps de sa Dictature, apres les innumerables pertes que firent les Rommains par la folle entreprinse de Varro le Consul à la bataille de Canes à l'encôtre de Hannibal lors effeué en orgueil par la haultesse de ses victoires. En laquelle bataille furent tant de nobles hommes perdus, que pour magnifier sa victoire Hannibal enuoya en Cartage trois muis des anneaulx d'or qui auoiēt esté prins en leurs doigts. Mais Fabius depuis ce tint son ost ensemble, & costoyoit ses ennemis, & les dommageoit peu à peu de gens & de viures. Et combien qu'il fust prouocqué à bataille par Hannibal, & que le peuple murmuroit contre luy que il ne combattoit, neantmoins oncques ne voulut souffrir que la Cheualerie Rommaine déprimée par les victoires de l'aduersaire fust à vng coup & comme par la derniere fois exposée és perilz de fortune, qui moult estoit fauorable au vainqueur. Et tant y contresta, que le peuple en desfogant au tiltre de son honneur esleua en Dictature & comme son compaignon Minucius le Maistre des gens de cheual : & celuy qui soubz luy, & son subiect estoit, fut fait son egal & compaignon. Or cuyda Minucius pour assouuir le vouloir du peuple soy combattre contre Hannibal, mais il fut honteusement vaincu, & eust perdu ses legions se Fabius ne luy eust secouru & rebouté les ennemis. Ainsi fu contrainct rendre graces de son secours à celuy, dont il auoit escandé l'honneur : & tenir pour vertu la constance de Fabius, que parauant auoit appellée l'ascheté. Par laquelle le Dictateur Fabius mena Hannibal si durement peu à peu, & sans dommage de la Cheualerie

HHh ij

Romaine, que à tres-grans & dures pertes apres toutes ses victoires il fu dechassé d'Italie en Affricque, & fu vaincu & mort miserablement. Plaise à Dieu, que ainsi nous en puisse aduenir. Et si fera il, s'en nous ne tient. Car quelque mal que nous souffrions par nostre peché, & par la diuision d'entre nous François, on voit cleremēt que les pertes sont & ont esté grandes, & les dangiers merueilleux. Et nous scauons mettre peine à le sageement greuer, & auoir patience de souffrir, trop plus legiere chose est à nous si fortunez que nous sommes de le dechasser, que à luy si exaulcé comme il cuide, de nous conquerir. Pren doncques en gré, mere, ce que le Peuple me contrainct de respondre, & iuge de nostre debat à ton bon plaisir. Car de ma part ie m'en cuide assez estre deschargié.

L'ACTEUR.

A Peine eut mis cestuy fin à ses parolles, que celuy qui premier parlé auoit print à repliquer par impatience de ouyr reproucher ses fautes, & dist.

Le Peuple replique à Noblesse ou gen/darmerie, que si aucune reprehension se peult trouver ou populaire, elle est fondee sur la dissolution d'elle, viuant en hobance & ingratitude de ne reconnoistre Dieu, & que sur toutes raisons la lascheté de gendarmerie & infidelité à la chose-publicque induit le peuple à murmurer.

LE PEUPLE.

OR voy-ie bien que ainsi que violence se donne droit par sa force où elle n'a riens, en semblable maniere veult oultre cuidance confondre verité par haultaines parolles, & soy descharger de ses euures vituperables sur ceulx qui mais n'en peuuent. Dieu tant est affection humaine vaine chose & muable, quant celle desloyalle voye a mise fortune en ses variables euures: que de ce qu'il meschiet aux chetifz, on leur met sus que c'est par leurs dessertes. Comme celuy qui son chien veult tuer, & pour couleur de son faict luy met sus la rage. Tu dis que ie suis cause de ceste pres-maudite guerre, & que ie l'ay pourchassée & bastie par impatience de la haulte prosperité de paix. Tu dis que par

ma folle erreur & les partis que i'ay longuement soustenuz, est ceste confusion & maleurté suruenue. Si te respondz, que la folie des moindres hommes est fondee sur l'outrage des plus grans, & que les pechez & desordonnances descendent des greigneurs aux plus petis. Car selon que les Princes & les haults hommes se maintiennent en estat & en vice, le peuple y prent sa reigle & son exemple, soit de bien ou de mal, de paix, ou d'escande. Pour ce te dy que de la grant planté des biens & des richesses du temps paisible, les puissans & les nobles hommes ont vû en gast & dissolution de vie, & en ingratitude & desconnoissance de Dieu, qui a fuscité contre eulx la murmure du peuple. Si est vostre desmesuree vie, & vostre desordonné gouuernement, cause de nostre impaciencce, & commencement de noz maux. Car lors que les biens & les richesses multiplioient par le Royaulme, & que les finances y habondoient comme source d'eau vive; voz pompes desmesurees, voz oyssuetez aouillees de toutes delices, & la desconnoissance de vous mesmes vous auoit ia & a bestourné le sens. Si que ambition d'estatz, conuoitise d'auoir, & enuie de gouuerner, vous commencerent à mener à la confusion où vous estes. Et par ces trois estoit & est consummee la pecune royale, & les thresors de seigneurie euacuez en tēps d'habondance. Ne la multiplication de l'auoir lors suruenant de routes pars, ou la consideration de la necessité auenir ne peuent mouuoir voz courages à congnoistre qu'il soit expedient en reseruer au Prince pour son besoing: ne à pouuoir, que tout ne soit auant despendu que receu. Et comme la soif aux ydropiques en beuiant leur croist & augmente, ainsi qui plus en auoit plus en conuoitoit auoir. Si estoit la voix du peuple comme les mouettes, qui par leur cry denotent le flot de la mer. Car noz parolles, que tu appelles murmure, signifioient deffors le meschef, qui pour ces causes estoit à venir. Or est ainsi que d'oultrage & de desordonance viēt murmure, de murmure rumeur, de rumeur diuision, de diuision desolation & escāde. Et qui est cause de telz commencemens, ne doit pas estre decouplé des sequelles. Doncques se tu me blasmes, qu'en si dure aduersité ie ne peuz paciēce garder, & en telz

haultes prosperitez tu n'as peu retenir attrempance ne moderation : ton inconstance ne doit estre diſte moindre que la mienne, & ton excuſation moins receuable, de tant comme ton ſens & ton auctorité eſt greigneur.

¶ Venons à parler de la folle erreur & des partis que tu m'accuſes d'auoir ſouſtenuz. Et ſil eſtoit ainſi grāt beſoing du dire, comme il eſt honneſte du taire, de tel vice ou opprobre comme il y puet auoir, aucuns des tiens ne ſe ſçauroient lauer, ne que moy. Et puis que l'euure de faiſt va deuant les affectionz; & les parolles legieres du menu peuple, ie me rapporte à toy de conclurre qui eſt en ce le plus chargé. Tant puis-ie dire que i'ay creu ce que par lettres, par renommee, & par predication & enortemens de preſumptueux Clercz on m'a miſes oreilles. S'ilz ont erré, à eulx en doit on demander le * tort: & ſur eulx en ſoit la vengeance, quant ſoubz vmbre de nous eſclarcir verité, ilz nous ont mis en ces obſcures tenebres. D'une autre choſe ſuis ie par toy contraint de reſpōdre, quant tu me notes de ſouſpeçon, de faulte d'aide; & de refus, ou doubte de recueil de toy & des tiés; & que tu affermes que ceulx du peuple, qui ſoubz ton vmbre ſe ſont mis ſus, ſont les delitz dont tu acquiers le mauvais los. A pou de parolles ie oſe affermer, que tes faitz que chaſcun congnoiſt me donnent plus cauſe de deffiance vers toy, que au Prince ne donnent de confiance. Et ſe monſtrer le fault, ie produiroye exemples en lieu de raiſons, & nommeroye les lieux & les villes où pluſieurs des tiens ont habité, tant comme les viures & les rapines des biens, que ilz n'auoient pas acquis; les ont peu ſouſtenir. Mais ilz ont failly aux places, quant la proye leur a failly, & prins des amis ce que ilz n'euffent oſé ſur les ennemis calégier, pour laiſſer les lieux aux ennemis que ilz ſe eſtoient chargés de garder aux amis. Aſſez me vueil de ceſte choſe taire à peu de parler. Mais à ce que tu diſ que aucuns des miens ſont les maulx, ſoubz vmbre de toy; telz que ilz ſont tu les a fais, & de ce que ilz ſont tu dois porter le faix. Tu leur es vmbre à faire leurs iniquitez, & ilz te ſont nombre à multiplier tes vices, & croiſtre ta compaignie de larçons, pour auoir plus de ſouldees, & acquerir greigneur renommee: dont tu deſtruis & le peuple & ton honneur. Et ſi
te ren-

* retour

te rendent tes pechez en l'horreur des cruaultez de ta compaignie, indigne d'auoir la grace de bien faire, deffié ou descouragé d'auoir victoire sur tes ennemis, & en la fin te mettront à confusion, si par meilleur aduis n'y donnes aucun prouchain remede.

L'ACTEUR.

VN peu musa celuy qui en armes estoit. Et puis reprint en ceste maniere à parler.

Estat de Noblesse par maniere de replicque soy deffendant, reproche au peuple que l'excès d'habitz & de pompes est plus desmesuré en luy que en noblesse, à laquelle mieux apparait vsaige de precieux accoustremens que au peuple, & que aux vrais nobles n'est faicte condigne recompense de leurs loyaux services, dont peuent venir plusieurs encombres.

LE CHEVALIER.

ATes ditz cōnois-ie bien le vouloir de ton couraige, & que quant tu peuz & oses, tes faictz & tes parolles sont en rigueur: mais quant crainte te oste le hardemēt, encores demeure ton langaige aigre & poignant pour tousiours courir sus par detractiō à meilleur de toy. Tu fais tes plaintes de la vanité, des pompes, & dissolution des estatz de nous, & semble que trop fort te dueilles de la cōsumption des finances, dont la despence est sur la bource des nobles, & les trefors en sont en tes coffres. Toutefuoies ne te desplaie, ie te dis que tu en fais sur tous le plus à blasmer. Or te demandé-ie dōcques, qui est plus dommageable vice, ou à nous d'abuser des estatz oultre ce que mesure dōne quāt ils nous appartiennent, ou à toy de les prendre telz qu'ilz ne te appartiennent pas? Et pour conclure cōtre toy sur ce point du temps dont tu parles, & de cestuy, ie appelle les viuans à tesmoing, que tu te es selon toy desfroyé en estatz trop plus que nous. Et tu en vois encores les enseignes, quant vng varlet cousturier & la femme d'un homme de bas estat osent porter l'habit, dont vng vaillant Cheualier & vne noble Dame souloient estre en Court de Prince tenuz tresbien parez. Ceste très-scandaleuse faulte est venue de plus

hault que de toy ne de moy, quant ceulx qui ont eu à départir les guerredons des biensfaitz & des honneurs, les ont donnez aux robes & aux apparences de dehors: dont chacun a prins telle instruction, que fort est à congnoistre l'estat des hommes à leurs habitz, & choisir vn noble homme d'auec vng ouurier mecanique.

Encores parles tu de gast & de consommation des finances, dont à moy guerres ne affiert d'en respondre. Car mien n'en a esté le prouffit, ne sur moy n'en doit tourner le reprouche. Tât scet chacun que la cité, qui sur toutes les autres a esté tachee de murmure, & de desobeissance, a englouty toute ceste pecune dont tu parles cy deuant: & que le peuple d'icelle a entonné & recueilly la gresse du labeur & conqueste des autres pars du Royaulme, & les dernieres espargnes des nobles hommes, comme le gouffre & l'abisme où tout est descendu. Puis en a rendu ce guerredon, que l'apostume de son orgueil enflée de trop auoir est creuée de toutes pars, & a respandu par tout le venin & la poison de horrible & cruelle sedition, & les euures de inhumaine tyrannie. Veez cy les achoisons de ta murmure, & les mouuemens de ton impacience. Veez cy les dissolutions que tu nous reprouches & metz au deuant, pour pallier tes couuertes machinations de bouche, que tu as assez descouuertes de fait. Tu as fait cry contre l'eslargissement des despenses, & les legieretez & esbaudissemens des ieunes nobles hommes. Mais tu ne as pas geété ton opprobrieuse voix cōtre les desloyalles effusions de sang humain qui ont froissé le lien de iustice, & ouuert le chemin de abhominacion. Tu as accusé les ieunes & les trop eslouyes ioyeusetez, mais tu as excusé & soustenu les trahisons & les conspiracions detestables, dont tu es en ce ruineux party. De ton erreur, & des partis que tu as soustenuz, ne te pues tu guerres excuser, quant ton obstination y a mis en aucun temps celle loy auant la main, que qui te disoit le contraire de ta faueur estoit ains sa parolle iugé digne de mort, & sa sentence donnee auant le cas. Et se publiques exhortations te ont à ce meu, ie m'en rapporte aux publieurs du dire, & à toy du croire. Si en demeure le tort à qui il deura. Mais de la mauuaise affection vient l'aueugle & legiere creance.

Et ce puet aider à deceuoir par parolles d'autrui, qui dedans foy meſmes eſt deſia corrompu par mauuaife penſee.

Ainſi tu ne te puis par raiſon plaindre, & ne te veulx de bien fait louer: ne tu ne ſceſz mettre frain en tes deſirs, ſinon de vouloir touſiours le contraire de ce que tu dois. Les mauſx (ce qu'il en y a) ſont mis en compte, mais les biens-faiçts ſont en peu de heure oubliez, ſans auoir remembrance de maintes belles aduentures & honnorables exploitz, que pluſieurs nobles hommes ont faitz és iours paffeſz en ceſte guerre. Ilz ne peuent pas à vng coup tout deſconfire. Car ainſi que le mal que nous auons, & la guerre que nous ſouſtenons, ne fut pas miſe auant à vne ſeule heure: auſſi ne ſera la reſſource trouuee à vne fois. Mais il faut ſaillir de ce meſchief, en ſouffrant des douleurs, des confors, & des doubtes meſlez de eſperance. Et ſe tu veulx reſponce à tes chargeans paroles, qui touchent des places habandonnees ſans gneres de deffence; ie te dy pour plus auât entrer, que auſſi en trouueras tu qui moult puiſſamment ont eſté deffendues ſaus point de ſecours. Et eſt force que en guerre ſi entremeeſlee & dangereuſe ait des biens-faiç & des faultes. Mais ie n'ay veu les biens guerredonner, ne les faultes punir. Si ne ſçay, ſe honte y a, qui plus en doit rougir, ou ceulx qui faillent à leurs gardes deffendre, ou ceux qui leur faillent de bon ſecours. Et ſur tous en eſt plus la vergongne à ceulx qui leur deffaillent, & les biens-faiçteurs & mal-faiçteurs mettent cy en vng reng, que ce n'eſt ce que vertu en donne aux bons, le contentement de leurs cueurs au iugement des hommes y a pou de difference. A qui t'en prendras tu? ie ne ſçay, fors que à faulte de cōgnoiſſance, & à ce que les haultx & puiſſans hommes entre les grans abundances que ilz ont de toutes choſes, ont le plus de ſouffreté & de deſpit de ouyr dire verité, & que par leur puiſſance, ilz finent de toutes autres beſongnes: mais de louenges veritables ſont ilz touſiours diſetteux. Toutefuoies verité a telle proprieté ſinguliere, que tant plus eſt ſoulee, de tant plus ſe reſſourt. Et ſont ſes commencemens poignans & durs à ſouſtenir, mais ſon iſſue eſt agreable & ſumptueuſe. Mais la deſcongnoiſſance des haultes ſeigneuries ne puet ſouffrir l'entree, & ne daigne congnoiſtre le fruit de l'iſſue. Son

contraire tient autre chemin. Car son entre e leur est at-
trayant & plaissant, mais sa conclusion est traistre & plaine
d'amere repentance qui à tard leur vient.

L'ACTEUR.

Longue fu, & trop aétaineuse qu'il n'affiert, la cõtencion
de ces deux, qui eſtriuoient ensemble par parolles mor-
dans tres-haineusement. Et sans nul mot dire les eſcouteit
le tiers, qui de coste se ſeoit, ne encores n'auoit ouuert sa
bouche, iusques à ce qu'il vit les parolles trop multiplier &
approcher aux faiz, & qu'il se ſentit point & aguilloné de
la charge que chascun deboutoit de foy, pour verser sur luy
cõuertement. Et fu l'entree de son parler telle.

*Le Clergié, onyes les aspres querelles du Peuple, & de Noblesſe, qui
regeſtoient les cauſes de guerre l'ung sur l'autre, comme arbi-
trateur & amiable compositeur remonſtre, que le brouillas du
temps bruinieux de guerre entrelassee de ſeditions domeſtiques
ne se peult parfaictement eſclarcir ny reſtablir à ſa diaphanique
luminosité, que grande alteration ne ſoit faicte: ſignifiant que
trois choſes, c'eſt aſſauoir ſçauoir, cheuance, & obeiffance, ſont
requiſes à ung Prince qui veult mener guerre, pour en auoir
bonne iſſue. Et oultre qu'il faut que chascun s'eſuertue de ſon
coſté à tirer au collier pour la reintegration du bien publique.*

LE CLERGIE.

Aſſez & plus que noz ſens ne peuent redrecer, ou noz
paciences ſouffrir, auons sur nous de discors & debarz,
& ſommes perſecutez de diuiſion dedans & dehors, ſans
ceſte nouuelle tencon eſmouuoir. Et ſi voulons ceulx reſ-
ſembler, qui voyét le feu embrasé & eſprins par leurs lieux
& habitations, & ſont en queſtion pour debatre entre eulx
qui le feu y a mis, & à qui le deuoir de l'eſtandre appar-
tient: & tandis ſe bruſle la maiſon par leurs difficultez &
negligences, quoy que chascun y deuſt comme au feu cou-
rir, & euitier la deſtruction de ſon hoſtel, & pourchaffer le
ſalut de celuy à ſon voiſin. Si ne voy pas que noz conten-
cions, ou noz parolles ſemees en appert ou en ſecret des
vngs contre les autres, nous puiſſent getter de ce dange-

reux pas. Ains fault tirer au collier, & prendre aux dens le frain vertueusement. Et se le cheual par battre & flageller, & le beuf par force d'aguilloner durement, tirent hors leurs voictures des effondrieres & mauvais passages: ainsi croy-ic que le flael de la diuine iustice, qui nous fiert par l'aduersité presente, nous doye esmouuoir à prédre courage, pour nous hors getter de ceste infortune. En gré preigne celuy qui en a le pouoir, l'aduersité que nous souffrons, & plus en gré que nous ne le recepuons, ou congnoissons. Car quoy qu'elle souffise pour punir noz maulx selõ sa pitié, ie doute que assez grande ne soit elle pas selon noz faultes, & la descongnoissance que nous en auons. Et se nous passons ceste sans auoir congnoissance de Dieu, en plus grande pourrions nous entrer, qui mieulx apprendra à congnoistre ce que Dieu puet, & ce que nous valons.

De ce me tais à tant, & dis pour retourner aux difficultez que nous querons, que ainsi que de longue maladie, dont les membres sont alterez & corrompus, ne puet on retourner à guerison sans diuers actes & mutations merueilleuses & recidiues: aussi ne pouons nous geñter de ceste tribulatiõ tumultueuse & entremeslee, sans souffrir maintz douteux assaulx, & mortelz perilz: & que la contagieuse infectiõ, qui entre nous court, ait prins son cours, si que par apres les choses retournent à leur nature. Si ne croye nulz, que entre telz embrasemens de guerre puissent estre faictes euures sans plainctes, & au^{*} consentement d'un chacun. Et se tu y quiers ou veulx trouuer du tout repos de cuer ou appaisement de conscience, tu sembles celuy qui quiert raison entre les forcenez.

Et pour nõ euaguer longuemēt autour de ceste matiere, & venir au fondement de la possibleté de mettre fin en ces griefues disensions; qui ne correspond pas en fait, ne en euvre à ce qu'en est es volentez & desirs hatifs des hommes: considerons que à Prince qui maine guerre, & a puissance de gens, conuient auoir trois choses principales, Sauance, Cheuance, & Obeissance. Sauance, pour congnoistre son fait, & celuy de son ennemy. Cheuance, pour ses contraires attirer, & ses aidans soustenir. Et Obeissance, pour exploicter promptement en lieu & en temps, à l'auan-

II i iij

* conuain-
quement

cement de son prouffit, & escheuement de son dommaige. Enquerre nous fault donc se nous ne les auons. Mais il ne souffist pas entierement les auoir, se nous ne voulôs & scauons saigement nous en aider. Quant de la sauance, chascun scet que en ce Royaulme sont gens de hault sens & de clere congnoissance. Si y puet auoir obstacle iouxte les parolles de lsaie, qui dit que souuent le conseil des saiges est irrité ou precipité de Dieu par faulte de bien congnoistre tenir de luy. L'autre obstacle si est. Car quelque grace de bon entendement, ou discrétion de bien iuger que Dieu ait mis és testes & comprehensions des ieunes hommes, leur capacité ne pourroit les regardz particuliers & cautel-les ingenieuses, qui affierent à si hault euvre, bien conduire ne comprétre. O guerre d'ennemis, & diuision d'amis! discordz de Royaulmes, & batailles ciuiles & plus que ciuiles au dedâs des citez & des seigneuries! Par vo' est mis le ioug de seruitute sur les tres-haultes puissances. Par vous est donné à congnoistre aux hommes mortelz, que sur eulx regne Dieu immortel, qui l'orgueil de leur fier pouoir puet reprimier & asseruir à moindre de soy, & la vanité de leurs grans habondances chastier & ramener à indigence & necessité. Soit donc regardé quantz aguerz d'ennemis, dangiers de seruans, & de souldoyers mal contens, indignation de gens esconditz ou reboutez, murmure de subgetz, plainctes de peuples, & de communs rapportz, diuers & soupçonneux litiges, & riotes entre les siens, Prince menant guerre est contrainct d'escouter, doubter, & refraindre. Et chacun congnoistra que plus d'eur, seurte, & franchise, souffisance, & faculté de viure à son gré est en la maison d'vng petit bergier, que és haultx Palais des Princes: que grant auctorité de seigneurie a faict estre serfz à plusieurs pour celle auoir, mais plus que serfz quant le besoing contrainct à la defendre.

Or est à iuger selon ces premisses l'estat & l'infelicité des Princes, qui pour acquerir seigneurie, ou pour demourer seigneurs de celles qui leur appartiennent, sont faicts serfs & subgetz à gens de diuerses affections & contraires volentéz, & à pourueoir & auoir l'ueil à choses repugnans, & aux cas qui soudainement leur suruien-

nent, soit à leur auantage quant bien en veulent vser, ou en leur preiudice se obuier n'y sçauent. Dont se puet en-
fuiure clerement, que se le plus saige Prince que oncques
Dieu mist sur terre estoit enuironné des pesans affaires, &
des cuisans poinctures, qui pour releuer ceste seigneurie
opprimee suruiennent en chascun iour: dur luy seroit à y
pourueoir au bien de la chose publicque, & aux diuers
appetitz des hommes. Le sçauoir raisonnablement croist
auecques les ans & la longue vie, & grans experiences
font les certains iugemens. Si est la sçauance en ceulx qui
ont plus veu & plus vescu. Neantmoins iusques cy a eu la
seigneurie mestier de Prince sachant, & de assistance de
gens qui ayent sçauoir. Et se des euures passees en ce tēps
de guerre se peult faire rapport sans vanterie & sans arro-
gance: on a peu veoir en peu de iours vng Prince en ieune
aage eslongné par fureur & sedicion de la Maison Royal-
le, dont il est filz & heritier, guerroyé de ses ennemis, as-
sailly de glaïue & des parolles, de ses propres subgetz:
doubteusemēt obey du surplus de son peuple, delaislé de
ses aides principaulx, où il se deuboit fier: despourueu de
tresor, enclos de fortereffes rebellans. Et qui bien a sceu
comparer & remembrer les tristemens des choses de ce
temps iusques à ores, quoy que les faictz de ceste seigneu-
rie ne soient comme chascun bon cueur doit desirer, n'a
pas esté sans peine, appensément, & diligence de les ré-
mettre de si bas point en l'estat où nous les voyons ius-
ques cy. Dieu en est tesmoing, les plus simples l'ont peu
iuger, & les plus rudes clerement le congnoistre. Et n'a pas
encores trois ans que l'ay veu en plusieurs hommes de
tous estatx si enferme & petite foy, que les plusieurs en
leurs courages fuyoient l'adhesion de leur seigneur, & l'ai-
de de leur seigneurie comme chose perdue, & comme
malade iugié à mort, & habandonné sans remede, qui de-
puis ont reprins cueur & bonne fiance. Là est trouuee la
fermeté, & esprouuée la vertu, où sont les extremes perilz,
quant le sens demeure entre les grans doubtes, & la con-
stance au milieu des terribles & merueilleuses aduentu-
res. Lors ne se doit la chose publicque delaisser, quant l'in-
fortune & maleurté d'icelle la rend plus besongneuse de

bon secours. Car comme en nous redonde le bien de la prosperité publique, aussi deuons nous les infortunes & malles meschances de son aduersité ayder à soustenir, & non luy deffaillir de faict ne de couraige en necessité. Ceste maniere tint le vertueux homme de vaillât & entier courage Matathias, & ses enfans les Macabees en la persecution que fist le Roy Antiochus sur le peuple d'Israel par la desloyauté d'aucuns peruers hommes d'iceluy peuple, qui vers luy se tournoient. Car apres que la cité de Iherusalem eut esté par trahison prinse, pillée, & arse à grant & lamentable occision, & le peuple en seruitute & en dispersion, Matathias & ses enfans, qui s'estoient retraiz és montaignes, recueillirent les fuitifz & les desolez en petit nombre: & delibererent en leurs couraiges choisir la mort, ains que veoir l'affliction, & le declin du peuple, & de leurs freres. Et tant vertueusement se gouuernerent, & maintindrēt si peu de gens, qui és montaignes se tapissoient, que ilz rachapterent de leur sang & par leur mort la seruitute, & desolation de leur peuple, & remirent le Royaulme de Iudas en franchise & haulte dignité.

Tel & semblable exemple auons nous en semblable cas du vaillant & magnanime Capitaine Scipion, qui bien fait à ramenteuoir & reduire à memoire. Comme ou temps que la Seigneurie Rommaine estoit si durement foulée par Hannibal, apres ses grans victoires, que és couraiges des Rommains n'auoit plus comme nulle esperance du salut de leur cité, & que la plus grant partie d'entre eulx descendoit en opinion de monter nefz, & habandonner la cité de Romme, & aller demourer & habiter en autre region: luy qui le peril commun de luy & de tous les autres congnoissoit, le vouloir aussi du Senat qui se vouloit departir, vainquit les doubtes de son cueur par l'affection publique. Si tira son espee emmy le conseil, & iura haultement que qui parleroit plus de habandonner la cité, sentiroit au trenchât de son espee, quel doit estre le guerredon de ceulx qui la chose publique delaissent pour leur singulier salut. Et en celle voulenté fut suiuy par ceulx qui auoient bon vouloir. Et depuis demourerent à Romme, & se releuerent en leur haulte auctorité, De ce se puet ensuyure que scauance &

ce & cōstāce ont mestier à qui se veult tirer de peruerse fortune. Et nous, qui en tel estat sommes, en auons eu & auons bien besoing de plus que Dieu ne nous en donne, & que nous n'en desseruons. Mais se nous en auons vſé aucunement plus grāns besoings, & maintenant apres vng peu d'amendement de la premiere infelicité nous y defaillons, les meschiez, où nous nous sommes trouuez, ont esté tres-mauuais, mais le rencheoir nous sera mortel. Assez fait ceste parolle à noter, mais plus à doubter, pource que vexatiō & trauail doit l'entendement esclarcir, & le sentement accroistre. Et où le rebours est, c'est signifiāce de cueurs endurcis & de volenté obstinée, quant apres aduersité ne vient aux hōmes congnoissance des achoisons & des offenses qui les ont à telz meschiez asseruis: ains retournent dès que ilz se sentent quelque peu deschargez, à leurs premieres accoustumances, comme le chien à son vomissement. Et qui ceste voye voudroit suiuir pour l'esperance qui est de meilleur prosperité, legierement pourroit retourner en pis que le bruit de la premiere confusion que nous auons à tel douleur passée. Ce que ia Dieu ne vueille aduenir.

Après nous fault aucunemēt entēdre, pour cōgnoistre la difficulté du faict que nous menōs, se nostre finance se puet estēdre selō nostre necessité. Et en ce pas ne me vueil-ie trop auāt bouter. Car fort est à moy de biē en iuger, & à plusieurs qui en parlēt de biē le cōprendre. Ce puis ie sçauoir, que la fināce telle que nostre Prince la requeult, n'est pas prise de reuenue, mais vient par industrie & diligēce. Et la despēce qu'il fait pour noz affaires n'est pas vne chose limtee, mais c'est vne droiſte abisme où tout se fond & despēd. Car qui maine guerre ne puet mettre cōpte ne nōbre en la mise, soit sa recepte petite ou grande. Or est le demaine en partie occupé par les ennemis, & de l'autre partie degasté par ceulx qui sur les pays viuent. Et si sont les aides, qui leuer se souloient pour la guerre, * cessées du tout pour le relieuement du peuple. Et se on demande d'autre part, quel aide vient au Prince de ses subgetz: la responce en est clere. Car la verité est congneue à chascun. Et qui comparage le temps de paix passé à celuy qui est de présent, longue difference y a entre les aides fais au Prince en celuy temps paisible, &

KKk

celuy que on luy fait en cè temps besongneux. Et se plus large estoit la financè, l'aide, & la reuenue, assez y a gens & besongnes où l'employer: comme souldees de gens d'armes, estatz de seigneurs, mises d'engins de guerre, fraiz d'armees de mer, voyages d'ambassadeurs, presens aux estrangers, dons à ceux qui seruent, biensfais aux aidans, corruptions aux nuisans. Et plus y a, dont ie me tais à tant: que ceulx qui sont plus tenuz de seruir se font plus chier achapter, & conuient traire par largesse les plusieurs à faire le deuoir, où loyauté ne les pourroit mener. D'autres faultes puet assez auoir sur ce point. Car iustice & liberalité sont deux vertus, qui regardent les guerredons & les largesses, & les poissent & mesurent egallement selon les droitz & les desertes. Si doubte, que en ce cas ne soiēt pas bien gardees leurs ordonnances & leurs rigles, & que erreur ne soit en la distribution par trop despendre & eslargir es lieux où il n'affiert, & mal recompenser ou donner à qui dessert. Ainfile trop, qui va d'une part, n'a point de contrepoix: & ne peut la balance soy tenir droicte, ne la mesure estre gardee.

A cest argument sefforcent aucuns de donner solution, en disant que ainsi a il esté tousiours: & ne fut oncques, que en Court de Prince n'eust des seruices mal congneuz, & des biensfais mal desserui. Mais à l'encontre de ceste euation ie dy pour repliche, que tousiours en est il mal prins. Si ne doibt l'usage auoir lieu, dont l'vsier porte preiudice: mesmement quant le temps & la poincture des cuisans affaires cōtraingnent à restraindre ce que la planté des biens, & l'oyseux eslongnement des grans cures auoit fait ouuert & habandonné. Et combiē que rigle si estroicte ne sy doye donner que la vertu de liberalité, qui tant bien siet en hault Seigneur, n'ait tousiours vers le Prince son effect: toutesuoies puis-ie bien soustenir, que celle vertu pour circonstances regarde lieu & temps de donner, & que en temps de habondance & de oyseueté telle donation seroit dictē euure de largesse, qui maintenant se deuroit appeller prodigalité. Bien doibuent auoir regard à ce que dit est, ceulx qui trop pour eulx y pourchassent, & plus en est sur eulx le peché & la charge, que sur le Prince, que franchise & noblesse de couraige fait doubter des siens esconduire. Et

quiconques se veult enrichir avecques vng Prince necessiteux, & accroistre trop grandement sa substance & son estat des biens de celuy qui peu en a pour la sienne sauuer, mōstre par sa priuee affection que son courage est indigne de seruice publicque. Loing de ceste acoustumāce se gouuernerent les peres Rommains, quant les plusieurs d'iceulx amendrissoient leurs maisons & pouoir, & la magnificence de leurs estatz, pour nous estre en charge à la chose publicque en temps de necessité.

D'vng autre inconuenient ne me puis ie taire. C'est que aucuns chiefz & conducteurs de gens prennent l'argent des gaiges de leurs souldoyers sans le leur departir, en les faisant viure sur le peuple. Si encourent la villaine tache de larrecin farcie de desloyaulté. Et en soy constituant cōme les grans larrons, qui emblent à la seigneurie, nourrissent & soustiennent vne niee d'autres larronneaux, pour rober sur le peuple. A tant me deporté de ce propos, fors que ie adiouste ceste conclusion, que loyal subgect ne doit pour le prouffit de la guerre en delaisser l'honneur. Et ceulx qui le bien de vertu, ne le salut publicque, mesmement aux entreprises de guerre, ne veulent plus que le gaing, ne feront ja au par aler euure saluable. Car le prouffit & la proye maintiennent les affections legieres & variables des conuoiteux à soy mettre en auenture. Mais le bon vouloir & fidelité des vertueux maintient le cueur & entendement à leurs vies exposer pour le salut publicque.

Des exēples puet on assez traire de plusieurs histoires en cest endroit, & mettre auant plusieurs haultx & saiges hommes, qui volontairement ont voulu prendre la vie pour recouurer à la chose publicque sa prosperité. Comme Codrus le Roy des Atheniens, qui eut respōce des Dieux, que s'il mouroit en la bataille il auroit victoire. Et combien que ceste responce fust venue à la congnoissance des ennemis, & que deffense fust faicte que nul ne s'embarist à ferir Codrus: toutesfois il changea son habit royal en vesture de sacquemēt, affin que nul ne l'espargnast; & par sa mort acquist à son peuple victoire, & à la cité seurte de ses ennemis. Cursius ne faillit il pas en la tref-parfonde ouuerture de terre, qui aduint au marché de Romme, dont la cité estoit en pe-

ril; & ne se pouoit combler selon le dict des anciens, sinon que la plus digne & noble chose Rommaine y fust descendue? Mais le iouuencel sachât que prouesse de noble cueur estoit la plus digne chose, faillit à cheual tout armé dedans celle abisme inestimable, qui apres luy se reclouy pour le sauvement de la cité. Decius se voua à mort pour sauuer les legions que il conduisoit. Et Samson le fort pour les Philistins ennemis du peuple d'Israel crauenter & confondre, abatit sur soy & sur eulx par sa grant force la maison où ilz tenoient leurs grans conuis. D'autres histoires pourroye assez amener, mais il me souffist d'auoir monstré que cheuance & auoir ne sont que asseffoires & serues à vertu, & comme chamberieres qui ministrent ce qui est necessaire à fragilité humaine. Et si sont fortes à auoir, & dangereuses à garder, à distribuer perilleuses, douloureuses au perdre, & necessaires à Princes & à Seigneurs à leurs guerres conduire & acheuer. Sans elles ne pouons ceste euure mener, & toutesuoyes elles nous defaillent de fournir à souffisance, & nous leur defaillons de les exploicter à prouffit.

Reste maintenant le tiers point, où nous auons à declarer, quelle obeissance doit estre gardee vers le Prince guerroyant par sa Cheualerie & par ses subgetz. Si fais ma premisse iouxte la tres-griefue sentence de Valere, que discipline de Cheualerie estroitement retenue, & rigoureusement gardee, maintient les Seigneuries acquises, & si acquiert celles qui sont à l'encontre deffendues. Et qu'est discipline de Cheualerie, sinon loy ordonnee & gardee à l'exercice des armes & des barailles, soubz le commandement du chief, & pour l'vtilité publique? Ceste ont gardee si curieusement tous ceulx, qui acquièrent oncques hault honneur & victoire par proesse d'armes, que nulle chose ne se faisoit contre droit de cheualerie, ou contre le commandement du chief, dont la peine ne fust capitale & mortelle. Bien y apparut au fait memorial de Manlius Torquatus, lequel, au temps qu'il conduisoit les legions Rommaines, fit trancher la teste à son propre filz, pource qu'il festoit combattu aux ennemis contre son commandement, iagoit ce qu'il eust la victoire obtenue. Et en ce cas la victoire que fit le vaillant iouuencel comme vainqueur ne puet effacer

la desobeissance qu'il fit comme transgresseur. Pourquoy la rigueur de la discipline cheualereuse vainquit la pitié naturelle du pere. Car celuy qui admonnestoit d'estre le pere misericors pour le deuoir de sang acquiter, se monstra iuge rigoureux pour la loy d'armes aigrement observer.

Diuerfes histoires se pourroient produire à ce propos, d'autres punitions & aspres iustices faictes par faulte de garder l'obeissance de l'ordre du tres-honorable mestier d'armes. Et oultre de ceulx, qui pour ces causes ont esté capitalemēt punis, trouueroit on plusieurs es Rommaines escriptures, qui pour menues & petites negligēces ont esté batus de verges à l'estache, & rabbaissiez du reng de cheualerie iusques à l'estat des seruans à pié. Par ceste maniere fut puny Aurclius par le Consul Cocta. Car il fut batu de verges & remis avec les gens de pié pource qu'il auoit negligemmēt laissé ardoir par les ennemis partie de la closture du logis que il deuoit garder. Et Lucius Ticius fut condamné à aller nudz piedz sans compaignie parmi l'ost, & les gens de cheual qui avecques luy estoient, à seruir de pierres ceulx qui iestoient des fondes, pource qu'ilz estoient renduz vilainement aux ennemis sans deffense. Iugeons les plus grans & difficiles choses par les doubtes que nous apperceuons es moindres. Si scauons que nulle communauté ou compaignie ne se puet maintenir sans iustice. Et mesmement entre les larrons, pour continuer ensemble & departir leurs proyes, fault-il vne maniere de iustice garder l'vng vers l'autre. Combien que iustice ne soit ce pas pour faulte de la matiere & de l'entention, se non qu'elle est ainsi dicte par similitude. Et se il est ainsi que vne famille faille à garder ordre & obeissance vers vng chief, comment durera vn ost de gens garnis d'armes & esmeu de courages? Ne comme se pourra garder leur seurté vers les ennemis, & leur paix entre eulx & leurs amis, sinon que leurs vouldentez soient en la puissance d'vn chief, & leurs pouoirs limitez à l'obeissance du commandeur, qui sur eulx puisse garder iustice d'armes, & discipline de cheualerie?

Que diray-ie doneques de nous, ne quelle esperance

K Kk iij

pourray-ie prendre en noz entreprinſes & armées, ſe diſcipline de cheualerie & droituriere iuſtice d'armes n'y ſont gárdees ? Autre choſe ne ſe puet dire, fors que en ce cas nous allõs comme la nef ſans gouuernail, & comme le cheual ſans frein. Dieu tout-puiſſant, tu ſceſ & congnois que qui vouldroit en ceſte partie les abuz corriger, plus y auroit de coupables que de correcteurs. Car chacun veult eſtre maĩſtre du meſtier, dont nous auons encores peu de bons apprentis. Tous peuent à peine ſouffire à greuer par guerre les ennemis, mais chacun veult faire compaignie & chief à par ſoy. Et tant y a de cheuetains & de maĩſtres, que à peine trouuent ilz compaignõs ne varletz. Nul ne ſouloit eſtre dit Eſcuyer ſe il ne ſeſtoit trouué en fait de ſouuerainne proüeſſe. Nul n'eſtoit appellé aux gaiges de hõme d'armes, ſe il n'auoit honneſtement prins priſonnier de ſa main. Maintenant ſçauoir ceindre l'eſpee, & veſtir le haultbergeon, ſouffiſt à faire vn nouveau Capitaine. Or aduiét-que ſont faiçtes entreprinſes, ou ſieges aſſis, où le ban du Prince eſt crié, & le iour ſouuent nommé pour les champs tenir. Mais pluſieurs y viennent pour manière, plus que pour doubte de y faillir; & pour paour d'auoir honte & reprouche, plus que pour vouloir de bien faire. Et ſi eſt en leur choiſ le toſt ou le tard venir, le retour ou la demeure. Et de telz en y a, qui tant aiment les aiſes de leurs maiſons plus que l'honneur de nobleſſe dont ilz les tiennent, que lors qu'ilz ſont contrains de partir, volentiers les portaſſent avec eulx; cõme les lymaz qui touſiours traient la coquille où ilz ſe herbergent. Et ſe ilz les vouloiét garder par la manière qu'elles leur furent acquiſes, ce ne ſeroit pas en y re-poſant. Car au trauail de leur corps, & au peril de leurs vies, ont les anciens nobles hommes acquis les honneurs & les drois de nobleſſe. Nous voyons noſtre Prince, qui depuis quatre ans n'a ceſſé de voyager ſans guerres de repos. Nous voyons les eſtrangers aliez de noſtre Royaulme, qui paſſent les fortunes de mer pour venir à noſtre ſecours, & eſtre parſonniers de noſtre aduerſité & de poſtre peine. Et les pluſieurs de ceulx, qui ſont plus tenus de deſcendre, attendent & eſcoutent quel en ſera le bruit: & ſe laiſſeroient auant chacier & charger du fais de la guerre, iuſques à eſtre de-

boutez de leurs maisons, que ilz meissent peine de peuenir ne de chasser la guerre loing de foy.

Ceste ignorance ou faulte de cueur est cause des durtez & rapines, dont le peuple se complaint. Car en deffault de ceulx dont on se deuroit aider, a fallu prendre ceulx qu'on a peu finer, & faire sa guerre de gens acquis par dons & par prieres, au lieu de ceulx que leur deuoir & leaulté y semonnoit. Si est faicte la guerre par gens sans terre & sans maisons, ou la greigneur part, que necessité a contrains de viure sur autruy : & nostre besoing nous a conuaincus à le souffrir. Et encores ne nous a la penitence de ce peché chastiez. Et quant les vaillans entrepreneurs, dont mercy Dieu encores en a en ce Royaulme de bien esprouez, mettent peine de tirer sur champs les nobles pour aucun bienfaire, ilz delaient si longuement à partir bien enuis, & s'auancent si tost de retourner volentiers, que à peine se puet riens bien commencer ; mais à plus grant peine entretenir ne parfaire. Encores y a pis que ceste negligence. Car avec la petite volenté de plusieurs se treuve souuent vne si grant arrogance, que ceulx qui ne sçauoient riens conduire par eulx, ne vouldroient armés porter soubz autruy : & tiennent à deshonneur estre subgectz à celuy, soubz qui leur puet venir la renommée d'honneur, que par eulx ilz ne vouldroyent de acquerir. O arrogance auéglee de folie, & petite congnoissance de vertu ! O tres-perilleuse erreur en fait d'armes & de batailles ! Par ta malediction sont desconfites & desordonnées les puissances, & les armées desioinctes & diuisees : quant chascun veult croire son sens, & suyure son opinion. Et pour foy cuyder equiparer aux meilleurs, font souuent telles faultes, dont ilz sont deprimez soubz tous les moindres.

En memoire me vient, que i'ay souuent à plusieurs ouy dire : le n'iroye pour riens soubz le panon de tel. Car mon pere ne fu oncques soubz le sien. Et ceste parolle n'est pas assez pesce, auant que dicte. Car les lignaiges ne font pas les chiefz de guerre, mais ceulx à qui Dieu, leurs sens, ou leurs vaillances, & l'auctorité du Prince en donnent la grace, doiuent estre pour telz obeiz : laquelle obeissance n'est mie rendue à la personne, mais à l'office & à l'ordre d'armes &

discipline de cheualerie, que chascun noble doit preferer à tout autre hōneur. Mouuoir nous pēuent à ce faire moult d'anciennes hystoires. Mais avecques ce nous doiuent contraindre à ceste obeissance les maulx qui par oultre cuidāce & faulte d'obeyr sont aduenuz, & aduiennent en noz vies, & deuant noz yeulz. Et se hystoires prouffitent à regretter vng peu cest orgueil, lisons Titus Liuius, & nous trouuerons que les Dictateurs & les Consulz, qui conduisoient les batailles Rommaines, estoient souuent esleuz à Rome de vaillans hommes que on enuoyoit querre és champs où ilz faisoient les labours de la terre. Comme il aduint de Fabricius, de Lucius Quintius, & de plusieurs autres: qui neantmoins estoient si craintiuement obeiz, que où les faultes aduenoient contre discipline d'armes, pitié n'y auoit lieu, lignage ne hault port n'y donnoit faueur, & prieres n'y auoient mestier. Si estoit telle leur euure, que par euures & par enseignemens ilz apprenoient aux gens, qui armes portoient, que plus estoit à doubter le cheuetaine que les ennemis, & les paines des honteux deffaulx plus cruelles que les playes que ilz raportoient des aduersaires.

Celer ne se puet ce que loyalle affection contrainct à dire. Et quoy qu'il touche haults faitz & haultes personnes, i'en parle selon ma petitesse. Mais oncques ne fu veue à l'ueil, ne leuē par escript maindre discipline, ne plus fraile iustice d'armes, que celle que nous disons tenir sur nostre cheualerie. Qui sera celui qui me puiſt mettre auant vng hault honneur rendu pour vertueux seruice, ne vne seule correction pour delictz infiniz commis en chief contre toute ordonnance d'armes, & au reuers des loix & coustumes des preux & des vaillans? Et se aucun en acquiert pour ſçauoir ce que nulz ne puet ignorer: quantz en auons nous veu desobeir aux mandemens, enfreindre les deffences, venir quant il leur plaist, & s'en aller à qui qu'on deplaist? habandonner les gardes pour garder chose habandonnee sans cause, liurer les forteresses pour soy deliurer de force, au besoing faillir & soy rendre sans besoing, faire departir les compaignies & tenir compaignie à part? Et se aucun ſçauoit de toutes ces choses moy monſtrer vne pugnition, dont

dont l'exemple peust estre doctrine d'aucun amende-
ment, aucunement setoit ramollie la rigueur de mes
parolles. Mais à Dieu me rapporte de ce qu'il en est,
& à chascun de ce qu'il en congnoist. Pis me fait, que
les nobles hommes y prennent si peu garde & aduis, que
à peine se laissent ia les plusieurs bouiter en l'ordonnan-
ce des autres, sans difference de meurs ne de vouleu-
tez. Et ne craignent aucuns encourir male renommee,
contre qui noble cueur doit auoir plus mortelle guerre,
que contre autres ennemis. Et doiuent entre les autres tel-
le * marque porter, que leurs euures les facent congnoistre
des autres, & que nul de eulx en son semblable ne laisse ta-
che de reprouche, sans y donner le remede. Comme firent
les Scipions à Romme quant ilz osterent à l'vng des hoirs
de Scipion l'African l'anel qu'il portoit, où estoit empraint
l'image du vaillant Scipion, pource qu'il ne faisoit pas les
euures de celuy, dont il portoit si noble enseigne. De Mar-
cus Scaurus est il aussi escript vne responce de vertueux pe-
re, & vergongneuse aux gens de failli couraige. Car com-
me il luy fu noncié, que son filz s'en retournoit vilainemēt
d'une bataille, & venoit deuers luy: il respondit, que plus
ioyeusement il allast à l'encontre de ses os, se il luy fut rap-
porté mort par vaillance, que il ne le recepuroit en sa mai-
son apres vne faulte si deshonnorable. Ce fut dict de pere
constant, & entierement ferme de garder l'honneur de sa
maison & de sa noblesse: & fūt sentence de homme de grāt
crainte. Mais par la bouche de femme & de fraisle sexe fut
en semblable cas surmontée ceste parolle: quant vne Da-
me de treshaute renommee vint à l'encontre de ses en-
fans, qui d'une bataille s'enfuyoient. Et pour confondre
leur vituperable honte & lascheté, laissa la commune ver-
gongne femenine. Car elle se descourrit par deuant en leur
disant, Puis que fuyr vouloient, que ilz rentrassent au
ventre qui les auoit portez, & que autre lieu n'auoit pour
eulx sauuer. Comme s'elle voulüst dire, que mieulx leur
vaulüst n'auoir oncques esté nez, que estre yssuz de son ven-
tre au reprouche de eulx & de leur lignee.

Si doit estre discipline de cheualerie, & crainte d'on-
neur gardee es maisons des nobles, comme en l'ost du Prin-

LLI

ce. Car la reuerence & saluable doctrine des vaillans peres & anciens d'vng lignage puet plus aux ieunes prouffiter à vertu, que la paour de la iustice de leur chief. En somme se la sapience du sage Salomon, la proesse du preux & vaillant Hector, la constance des Macabees, la force de Sanson, les cautelles de Vlixes, la multitude des legions de Daire, & de Xerces, & l'auoir de Octouien, estoit en vng ost desordonné, sans iustice, & sans discipline de cheualerie; la sapience seroit au paraler irritée, la proesse ramollie, la cōstance froissée, la force debilitée, les cautelles aneanties, la multitude dissipée, & l'auoir degasté. Et se biē y auenoit, plus deuroit estre imputé à fortune que à raison. Ces choses & noz autres deffaultes ne sont pas à racompter pour entrer en contention des vngs aux autres; ains seroient du tout à traire, à qui n'en voudroit plus vser pour correction que pour reprouche. Si ne les recite pas pour donner charge, mais pour y prendre aduis. Et à tant souffise à chacune ce peu que i'en scay dire. Car quoy qu'il soit de petit effect, il procede de grant abondance de bon vouloir.

L'ACTEUR.

VNe seule replicque requist auoir celuy qui les armes portoit. Et print à dire.

L'homme d'armes par une petite replicque respond au Peuple sur le point qu'il auoit taxé Noblesse pour la corruption de discipline militaire, luy disant estre chose difficile aux gens d'armes & souldoyers inferieurs garder l'ordre de vraye gendarmerie, si n'est qu'ilz ayent patron & exemplaire des Cheueains & principaux Seigneurs, pour auoir instructif de discipline militaire: & la vraye assurance d'vng Prince est auoir bons & loyaux Conseilliers.

LE CHEVALIER.

DE la sçauance & congnoissance, qui doit acompaigner la majesté des Princes & des Seigneurs, & leurs cheuances conuertir en maintes eures, me puis ie bien taire, & en laisser les parolles à ceulx en qui en sont les faix & les dangiers. Mais ie m'arreste à l'obeyssance & discipline de cheualerie, dont nostre estat est à present reprouché &

griefuement reprins. Où est celuy de nous qui puet garder ordre d'armes, ne discipline de cheualerie à par soy? Et qui la recepura ou retédra, s'elle ne luy est baillee & maintenue? Comment commencera elle entre les mends, se elle est deffaillie és plus haults? Et comment la garderont les subgetz, se leurs souuerains la corrompent? Et qui veult attaindre la racine de ceste maladie, il fault venir au fondement & à la source, dont ceste ordonnance cheualereuse doit prendre sa continuation & sa naissance, & que des maistres vienne le patron & l'exemple, sur quoy leurs aides & leurs apprentis doiuent ouurer. Les tres-cilleuz enseignemens d'Aristote pratiquez par voye de fait firent toutes choses subgettes & surmontables à la cheualerie d'Alexandre. La constance & courageuse admonition du Roy Priamus redoubla la prouesse du vaillant Hector. Les aguets & aduisez gouuernemens de Hannibal firent à ses gens passer les Alpes, & les grans marestz & merueilleux passages sans grant dommaige. Les entreprinse & exercite d'armes du Roy Charles le grant donnerent à Rolant, Ogier, & Oliuier leur grant renommee, qui encores dure. Et le meur adressement & hault esgart du Roy Charles le quint & Charles son filz derrenier mort, fit le bon Bertran de Claiquin tant de fois vaincre les ennemis glorieusement, & le Royaulme de grief maleur soy reslourdre en paisible bieuureté. Cestuy Bertran laissa de son temps vne telle remonstrance, en memoire de discipline & de cheualerie dont nous parlons, que quiconque homme noble se forfaisoit reprouchablement en son estat, on luy venoit au manger trencher la nappe deuant soy. Ceste estroite garde d'honneur & de seurté fit le large chemin de proesse és gens cheualereux qui lors viuoient, & ceste ouuerture de vengeance rigoureuse forcloit toute voye aux faitz deshonneurables. Et en cest endroit l'aspre de venger chauldement telles honteuses offences est tenue aux Princes & aux homes d'auctorité, qui en autre cas seroit pour cruauté reputée, quoy que à Princes singulierement appartient clemence & debonnaireté: pour ce que puissance fait les seigneurs redoutables, mais clemence les fait estables & fermes. Et de la clemence & humanité du Prince naist con-

dence, de confidence seurte, de seurte hardement d'entreprendre, & constance de conduire. Mais du contraire de clemence naist souspeçon, de souspeçon vengeance, rancune, separation, & murmure. Plus auant ne me pensay-je pas à bouter és debatz de ceste matiere, & m'en rapporte à ceulx qui ont les faictz publicques à conseiller d'en acquitter leurs loyautez plainement. Car doubte de desplaire aux personnes ne doit pas empescher les choses prouffitables aux communittez & aux seigneuries. Et qui ne donne conseil sinon à l'appetit, non pas à la raison; son opinion n'est conseil, mais flaterie. Si dy que en la loyauté des conseillers gist la seurte du Prince, & le salut de la chose publique, & là deuons chercher le fons de toutes noz difficultez, & la solution de noz debatz.

L'ACTEUR.

TElle repliche finie, combien que chascun s'efforçast de adiouster aucune autre chose à ses parolles: la Dame dessus descrite leur commanda silence à garder. Et puis fit conclusions en leurs argumens & questions, en parlant & disant ainsi.

France apres auoir ouy les ennuyeux debatz de ses trois enfans, les exhorte pour la conseruation du Royaulme, que d'ung vouloir commun ilz s'estudient à pourchasser le bien publicque, en estant toutes affections de partialitez; & qu'ilz ressemblent à tout le moins aux petites mousches à miel, c'est assauoir, que pour l'entretien de leur police, & tuidion de leur Roy, entre eulx gardent paix: concludant que leurs plaidoyez seront mis par escript.

FRANCE.

IE ne vueil voz excusations & deffenses plus longuement escouter, ne en voz discordz & descharges l'vng vers l'autre ne gist pas la ressource de mon infortune, se non en tât que chascun le doit appliquer à son chastoy plus que à vitupere de son prouchain. Mais l'affection du bien publicque puet estaindre voz desordonnances singulieres, se les volentez se contraignent en vng mesme desir de com-

mun salut. Et en souffrant leur fortune, & les vns vers les autres gardans patience, puet à tout ensemble venir le bõ heur que chascun veult querir par diuers remedes. Et puis que Dieu & nature vous ont creéz plus parfaitz des autres choses qui ont ame, ne soyez pas plus desordonnez que les maindres bestelettes, ne plus negligens ou moins enclinez à vostre commune saluation, vtilité & deffence, que sont les mousches à miel, qui chascune en leur exain gardent leurs offices & leurs ordres, & mettent leur vie pour defendre & entretenir leur assemblée & leur petite police, & pour garder la seigneurie de leur Roy, qui regne entre elles soubz vne petite rusche, que moult de fois, quant il est nauré en leurs batailles contre vne autre compaignie d'autres mousches, elles portent & soustiennent à leurs acsles, & se laissent mourir pour bien maintenir sa seigneurie & sa vie. J'ay assez ouy dire de vos tençons, pource vueil que à tant vous en surceez. Toutesuoies affin que en vain n'ait esté gastee vostre saison, ie ordonne voz raisons estre escriptes, à ce que chascun y congnoisse sa faulte par autrui, & que ceulx qui les liront effacent l'erreur de leurs cueurs, dont ilz se trouueront par leurs prouchains reprouchiez en la lettre : & que cy endroit n'ayez pas disputation haineuse, mais fructueuse.

Honneste protestation de l'Acteur, que non pour raurir vaine gloire s'est appliqué à compiler le present Quadrilogue, mais pour monstrier la sincerité de son affection qu'il a au noble Royaume dont il est extraict, & pour donner occasion aux liseurs de prendre fruct qui redonde à l'honneur & exaltation dudit Royaulme.

L'ACTEUR.

A Doncques me appella. Car assez pres estoye, ou i'auoye trop escouté. Si me dist : Tu qui as ouye ceste presente disputation faicte par maniere de Quadrilogue inuectif, escri ces choses, affin qu'elles demeurent à memoire & à fruct. Et puis que Dieu ne t'a donné force de corps, ne vsage d'armes, sers la chose publique de ce que tu peuz. Car autant exaulça la gloire des Rommains, & renforça leurs

LLI ij

courages à vertu, la plume & la langue de leurs Orateurs, comme les glaiues des combatans. Les personaiges foyrent adoncques de mes yeux, & le dormir me laissa. Si ay accomply de mon petit sentement les commandemens d'icelle Dame par ce present Escript. Et à chascun lecteur prie le vouloir interpreter fauorablement, & y iuger & congnoistre la bonne affection plus que la gloire de l'ouvrage. Car ie afferme loyaulment, que le mouuement de ceste euure est plus par compassion de la necessité publique, que par presumption d'entendement, & pour proufiter par bonne exhortation, que pour autruy reprendre.

FIN DV QVADRILOGVE.



DIALOGVS

FAMILIARIS AMICI

ET SODALIS

Super deploratione Gallica calamitatis.

AB ALANO AVRIGÆ EDITVS,
ac nunc primum ex Ms. Cod. vulgatus.

AMICVS.



VID te, fidiſſime, præter morem tuum contriſtatum, aliorſum quàm te deceat vultu, vocèque deicis; ut iam non idem qui eras videaris? Eſt tibi ut bono cimi in plebem fama quod ſatis eſt. Apud Magnates fauor mediocris abſque jactura eſt, ſtudiorum induſtria, copiæque literarum; quibus animum regas, curasque ſoleris. Sunt amici, quorum utaris conſilio, rebusque fruaris; quibusque tecum, ut veri ſolent, omnia communia ſunt. Honoris & rei publicæ rebus neque relegatus es, neque onuſtus. Res familiaris, ſi animi tui modèſtiam expertus ſum, tibi ſuppetis; ut neque te prætereat ad inuidiam, nec ad neceſſaria tibi deſit. Eloquentia prudentiaque melioris plures ſequaces, paucos æquales habes. Ingenuè natus es, egregiè vitam agi, nulli obnoxius niſi virtutis inimicis, quibus diſplicuiſſe vera laus eſt. Integer tuo corporeque ſanus es, ſi non tuarum abuſu virium ſponte inſanias. Quo te igitur impetu exagitas? quid te maceras? quaſi floridam ætatem ad ſenectutem intempeſtiue præcipites. Cur, Atropos, feſtinas officium reſiſtentis? Mors non lenta veniat, ut etiam rapiti ſila non perfectæ reſcindas. Age igitur, ut forte ſciet virum: & vitam, quæ brevis eſt, decurre ſuauiter. Clamat Tragicus,

Dum fata ſinunt viuite læti,
Properat vita curſu citato.

456 DIALOGVS SVPER DEPLOR.

Hac enim est pars nostra, neque habet amplius homo de labore suo sub sole, nisi ut bene uiuat & letetur.

SODALIS. *Ita loqueris, quasi fecisse ac dixisse ex aequo sit.*

AMICVS. *Non sic existimo, sed ad virtutem solitis viris rectitudo rerum facilitatem, iniquitas violentiam facit.*

SOD. *Homines sumus, intra nos bellum est innatum. Et quis est, qui semper victoriam ex hoste intestino retulerit?*

AM. *Non tu homo es, ut grex hominum fragilis, & multitudo passionum securitrix: verum, qua tu viros reliquos virtute exuperas, eadem animo imperes.*

SOD. *Vtinam talis mecum sim qualis apud te: Sed qualescumque, homines sumus, non dii.*

AM. *Et si Deos immortales dignitate non attingimus, diuinitatis tamen participes & imitatores virtus facit.*

SOD. *Rectè putasti. nam qui heroicam pertingerent, caelestem vigorem diuinâ, que vires inuestiunt: ut Homericum illud de Hectore, quem Deipuerum nominabat: & illud Maronis,*

Credo equidem, nec vana fides, genus esse Deorû. Sed ubi quæso hodie tales?

AM. *Si non huc usque, tamen quoad possumus imitamur.*

SOD. *Dicis ut fas est. Si verò par facis, id operæ precium est.*

AM. *Me ipsum iudicare, errare est. Id tamen unum mihi arrogo, ut qualiscumque sim, laus vinam.*

SOD. *Felix es, si non letitia mensuram exuperes. Vita quippe jocundorum quasi via lubrica est. qui in ea graditur, ante se vadit; ut se cum velit non resineat.*

AM. *Vbiq; periculum. verum in mæroris quàm in letitia partem effluere incommodius est.*

SOD. *In utrumque habet entrapelia modos, locos, & tempora. Tempus enim ridendi, & tempus flendi. Qui secus facit, non viri, sed ioculatoris vacat officio. Neque aequale in omnia, aut per omnes, medium virtutis: sed quod illo tempore deest, isto superfluit.*

AM. *Dixisti sanè. Sed quid vita modum continuaueris, ne me celes.*

SOD. *Vt sunt tempora, sic sunt mores.*

AM. *Inconstantiam prædicas,*

SOD. *Imò virtutem puto cum tempore morigerare animum.*

AM. So-

AM. Socratem tibi obicio, quē virum morosum fama loquitur. Illi tamen inter aduersa & prospera similis vultus eademque frontis serenitas, ut cum etiam cicutam mortis poculum iam hauisset, inter expectatam mortem desperatamque vitam hilaritate pari disputans persisteret.

SOD. Hominem producis modestissimum & beatum, qui rem priuatam aquanimiter semper habuerit: sed errore publicæ rei aliquādo commotus est, ut suorum ciuium iracundiam & sibi mortem parauerit.

AM. Iam intelligo quid mouearis. In communi damno tibi priuatam mæstitiam comparas.

SOD. Et quis adeo ferrei cordis, aut ferino lacte nutritus, ut publicos casus non doleat?

AM. Scio doloris incitamenta & tibi & bonis viris superesse, & quibuscumque rem publicam saluam volentibus.

SOD. Quid igitur me accuses?

AM. Quia præter atatem tuam & grauitatem tanti viri id agis, neque modum seruas.

SOD. In priuatis benè persuades. Sed publicos casus quis lacrimis aquabit?

AM. In omnibus ab extremis declinare, prudentis est.

SOD. Expecta paulisper, queso. veterum voluminane legisse recordaris?

AM. Vinam, tam intellexisse, quàm legisse meminerim!

SOD. Ex voluminibus illis te victum fatearis, si perlegeris quàm acerbo animo Deorum immortalium, & rerum publicarum iniurias maiores nostri pertulerint.

AM. In memoriam habeo.

SOD. Fatearis ergo necesse est, illis iniuriis non sibi ira modum, sed impetus fecisse priores.

AM. Mentem capio, sed rem ipsam planius redige in memoriam.

SOD. In promptu est exemplorum copia.

AM. Quin unum duntaxat.

SOD. Scipionem Africanum audisti virum clarissimum, cum Hannibal triumphis iam intumisset, & Romam obsidione conturbaret, quid egerit?

AM. I quo cœpisti.

SOD. Patribus spe destitutis, cum de linquenda ciuitate iam

MMm

consensissent, gladium medio in consilio princeps eduxit, publico iurando contestans, quemcumque de ciuitate deferenda postea locuturum, rei publicæ pœnas vitamque dare: tantò que furore fugituros viros retinuit.

AM. Legi, & apud Liuium sic habet littera.

SOD. Quo pacto ergo in consilio, ubi liber animus, ubi modus, pondusque seruantur, acrimonia tam vehementi vir inclitissimus irruerit; nisi quoniam publica offensiones modum austeritatis humane prætereunt, nec mæstè satis depleri, aut acriter vindicari sufficiunt?

AM. Teneo.

SOD. Præterea, ex veteri Testamento signum habes, cum in offensione diuini nominis, aut legis suæ blasphemiam, vestes abscindunt: quasi non solum agrè iniuriam ferre, sed ob iniuriam publicæ grauitate relictâ insanire videantur.

AM. Iam conclusum teneo quod petisti. Sed nec iniurias, quibus te ipsum atteris, eiusmodi esse cognouit tantos questus, tamque immoderatos gemitus excutiant.

SOD. Eheus! quæ docti simul & indocti, indigenæ & exteri, confabulantur, tu quæris quasi nescias.

AM. Quid nesciam obmisse. Tu verò dic quod sentias.

SOD. Commune periculum ex naufragantibus qui ignorauerit?

AM. Ignorare communia mihi insipientia est; tibi scienti & interrogato non respondere, indignitas.

SOD. Etsi

——infandum verbis renouare dolorem

Me moneas, —————

pergam quò velis.

AM. Perge obsecro.

SOD. Nunquam hominibus vita magis onerosa, mors minus timefcenda fuit, quàm mihi, regnicolisque nostris, quibus vitales spiritus radiosque seruat dies. Et iniquum sidus ortum apparuit, cum rei publicæ gloria occideret. Felices, si anticipata visâ, calamitates rei publicæ præuixissemus: si morte præuentos nos fatum intuentis malis eripuisset, aut in futurum ad meliora natales dies Lucina seruasset. Sed quæ meliora speramus? Ætas nostra, quæ perditissimos alii homines, nefandissimam posteritatem promittit. Si eadem natura vis est insita rebus, ex similibus similia procreans, quæ

les nobis filios aut successores expectamus? Auream etatem habere priores, quam posteritas deterior in argenteam primò, in aream proinde vitiis commutauit. Nostra vero etas tantis polluta sordibus, infamia fœtens, & puris animis exhorrenda, vix aliarum fecibus comparata, stercorea dici meruerit. Fuit pridē apud nos Gallicum nomen gloriosum, apud ceteros venerabile. Nunc & nobis ipsi graues, & alijs ridiculosi sumus. Nostri maiores virtutibus & gloriā suis antecessoribus hereditauerunt, inuenta tenuere, auxēre retenta, aucta perfecērūt. Nos verò prosperitatis nostra prodigi, inuenta corrumpimus, & corruptionis inuenimus additamenta. Exarsimus bellis inchoandis, regendis errauimus, defecimus terminandis. Ciuilia bella quanto studio aluerimus experimur. In testino tamen igni materiam sceleris, & malarum artium sulphura subministramus. O fragiles in perniciem Gallorum animi, ac in virtutem pertinaciter resistentes! Maiores nostros, alienosque populos virtute remissos olim bella corripuēre, nos corrupēre. Illa repressēre libidinem, hæc expressēre. Illa virtutem hominum excitaūere sopitam, hæc molliciem prurientem excitauēre. Aliena virtus in infirmitate perficitur, nostra autem in infirmitatibus infirmatur. Fuit olim, cum nostra res publica floreret: Virtutis honos, & emeritos premia, laudēque manebant. Nunc sola diuitia precium sibi vendicant, paupertas exprobrabilis. Ex publicis priuata congerere, prudentiam dicimus. Commune es artificio raptum iri, noua quadam hominum coniuratio est, in quam ante grauiata filios edoceant. Temeraria malignitatis aggressio, fortitudo vocatur. Exteriùs hostis expugnat, sed vitiorum pestis impugnat interiùs. Armis gloriam querere, memoriāque sui longam facere, viri bellatores pridem cupiēre: signa, imagines, tabulas, & ex hoste spolia penetralibus affixa filijs relinquentes. Nostri verò temporis commilitones, incendia, cedes, stæpra, rapinas, sacrilegia, fraudes, in memoriale surpissimum, & perniciosum spectaculum filijs derelinquunt. Verte in circuitu oculos, aures erige, & undique fœda visu, audituque exhorrenda circumspicies. Publicè priuatimque omnes abutimur, jus iniuriāque permiscuē habemus. Præst publicis rebus ambitio, ut priuatis prossit. Diuina humanaque præter ordinem confundimus: ut crescant profana/acris auferimus. Quis verecundiā scelerum rubet? quis indicij metu terretur? Licere credimus quicquid libuerit. Solæ pecunia colitur, & cudentis malleatoris opus adoratur. Et quem laborum finem consequi huius artibus possumus?

Quis his moribus debetur exitus? Incendium face (que paravi nostris manibus intueor, quibus publica res ardeat; & Gallicis bustum miserabile, ruinæque flebiles, tanquam nostra ignominia perpetua signa remaneant. Cadunt bello Proceres, ruit patria, bella crebrescunt. Robur nostra virtutis passim deperijt. funditus cadimus. Me enim ipse reputo, quicumque dies hos latus agit, quasi qui patris funus decantans prosequitur. Sine igitur ut rei publica casum indignetur. Et cum res ipsa fletus suadeat, jocos ne frustra commoveas.

A M. Durumne adco manet propositum, ut secus quam sentis, non audias?

S O D. Imò obaudiam, & tædet & pudet, ut se tam tristibus laceritia nomen commisceat.

A M. In hoc emergunt sapientum animi, ut etiam dura modestè ferant.

S O D. Ego autem in hac re moderari, immodestiam puto.

A M. Tibi & rei publica quid commodi est, ut cum ea pereas?

S O D. Utinam pro ea, non cum ea! Atque ego diuinam mentem imprecor, ut Camilli viri consularis olim sententia fuit, si quid in rem publicam nostram grandioris mali celestia moliantur, in caput hoc inque nostram familiam expleant, dum res publica melius habeat. Non enim Catone meliores sumus, quo nullus vir prastantior sua ætate vixit, qui rem publicam & libertatem offendi non ferens, Vticam profugus sponte interijt. Nec vita nostra Marcij Curcij militaris viri dignior, quam pro rei publica salute redimenda persoluit, cum in profundam voraginem Romano foro eques insilijt.

A M. Piè dixisti. Verum potius id enitaris, quo & communi, & tui periculo te eripias; & rei publica, dum locus est, consule.

S O D. Ita me mones, quasi in me spes publica sita sit.

A M. Imò veluti participem utriusque fortuna cum republica insisto, ut bono animo sis: ac cum de rei perditione dubitatur, de animi consilijque salute agatur.

S O D. In hoc solo obsequi possum, ut condoeam.

A M. Verum alios adhortari & verbo nosti, & animo vales.

S O D. Quid surdis canamus? Pauci ad rem publicam studia conuertunt, nulli seipos rectè moneri patiuntur.

A M. Mirandum loqueris. Ego autem opinor frustra bonis uti, qui sibi viuunt.

S O D. Veraces, insuper & perniciosum ciuem dixerim, qui

publica negligat. Sed iam id commune vitium est, remque defendit hominum numerus, ut pro virtute habeatur, publicus detraxisse, quatinus priuatis addamus.

A M. Errorem perniciosum puto. Nam quocumque priuatas copias in communem egestatem videris, ibi rei publicæ nomine delictum est.

S O D. Iam sentis quid mihi molestum sit. Hæc enim mali signa præsumimus.

A M. Signa hæc utinam non verè præsignent. Navis naufragium patitur, qui postea felix portum inuenit. Non semper mergit casus, quem perimit periculum.

S O D. Congruè exemplificas.

A M. Mihi sic visum est.

S O D. Iamque exemplum in te retorquebo, si ad interrogatum hoc primum respondeas.

A M. Age.

S O D. Naufraga navis salutem quis speret, si remigia confracta, si malum incisum, velum fenestratum, gubernacula disproportionata habeat?

A M. Nullus.

S O D. Sane equidem naufraga naui prædictis destituta nostra res publica par est. Prudentiam, quæ gubernaculis modum ponit, & medium ductu consiliat, nec intus habemus, & extra contemnimus audiendam.

A M. Absonum est. Nam omnia prius experiri consilio quàm armis, & prudentia iudicio quàm fortuna euentu, securos facit; maximumque rei publicæ firmamentum est, animus in consulendo liber.

S O D. Aliud quære tutamentum, hoc euannit. In proximo est quòd Xerxes Persarum Rex suis euocatis loquebatur: Vos equidem, ait, euocaui, ne solus fecisse viderer. Verumtamen mementote vobis parendum magis, quàm suadendum.

A M. Magnæ calamitatis ostendis initium. Te autem de exemplo, quod superest, edicere gestio.

S O D. Absoluam paucis. Remigia primum confracta gerimus, si temperantiam, quæ qualitates animalis que actus proportionibus & motibus aquat, mollitie, delicatisque superfluis dissoluimus. Fenestratum velum protendimus, si iustitiā aut fauore laxamus, aut stringimus luore. Ut enim velū ad venti quantitatem aut protenditur, aut minuitur, nauimque librat ad mensuram: sic iustitia omnibus æquabilis, & ad

M M m iij

omnes commensurata, corporis politici conseruat equitatem. Malum incisum erigimus, si generosos viros bella prostrauerunt, aut virtutem fortium animorum illecebre moreque corrupti fregere. Nobis dum hac insunt, etiam salus ipsa saluare si cupiat, non possit. Desino ultra percurrere. Iam lacrimis excussit dolor, verbisque viam suspiria stringunt. Stimulatur dictis abditus corde gemitus. Moderna prae grauat metus futurorum. Prona est timori semper in peius fides.

A M. Spem etiam, quae vltima omnium deserit infelices, ne proce-
ris. Saepe enim salus fuit. salutem non sperare.

S O D. Fragile solatium, vbi omnia praeter spem deficiunt.

A M. Certe & vera spes esse potest.

S O D. Imò, mera est.

A M. Dūs aqua potestas, ut olim fuit. Et poterit mitigari caelestis ira, & fortuna vultus immutari.

S O D. Probe dixisti, si mores communicaueris. Salustium audisti, quid dixerit? Si te ignauiae foci cordisque dederis, frustra deos implores: irati, infestique sunt.

A M. A parente meo in seniorum caena tenui, & à puero doctus sum, graues discordias saepe regna nostra vastasse, non perdidisse.

S O D. Vtinam nunc pares!

A M. Illae maiores & strepitu, & armis, & pernicioſa vastitate feruntur, & horridiores bellis.

S O D. In superficie iudicas, & falleris.

A M. Cur fallor, tu iudica.

S O D. Quae tu narras virorum corpora, & patria, calcum vastitati dedere: haec mores & animos arma sustulerunt. Homines bellis anterioribus per ciconias deuicti sunt; hoc nostro civili bello virtus subcubuit, virtusque victoriosa triumphat. Non enim hominum morte regna pereunt, sed quod humana impietas scelere tollit, generatione prouida natura restau-
rat. Neque dominia firmat corporum humanitas fragilis; sed caelica vir-
tus, quae Dei donum est, & ab aeternis orta sedibus, terrena stabilit: quan-
tamque partem suae claritatis accipiunt, tantum & durationis à sua æ-
ternitate participant.

A M. Profundè nimis inuestigas.

S O D. Profundus dolor grande ingenium facit, & duris in rebus ar-
gutia maior?

A M. Licetne amplius perscrutari, quid nobis praesens civile bellum
plus quam alia bella sustulerat?

S O D. Aptè ad materiam quaesisti quod & mœrorem prouocet, &

questus lacrimosos aperiat.

A M. *Progredere ulterius.*

S O D. *Non rerum tanta jactura, quanta hominum neque hominum, quanta animorum. Nos res, & populos, simulque consilium amisimus miseri.*

A M. *Consilium forsitan ad tempus reliquimus, non amisimus; dum ad id revocata mente vertamur.*

S O D. *Vanis coloribus ducervis, nec argumenti metam expectas.*

A M. *Fare quod superest.*

S O D. *Concede ergo paululum verbis moram, inde euagare quod velis.*

A M. *Tuum amodo sit dicere, mihi audire imperabo, donec sis.*

S O D. *Habere quondam Græci litteras & studia viuendi, sapientiam, dicendi genus, & militandi disciplinam, quibus orbe subactis præcellerent. Illa eadem sustulit à Græcis Romana industria, & ad Romanos mundi gloriam, & populorum secum traxerunt imperium. Comes namque virtutis præclara potestas, & quò se virtus transtulerit, sequuntur imperia. Inde ut verum vicissitudo est, litteras & studia Græcorum, leges vitæ, militiæque modum ab illis populis ad nos diuina voluntas, aut proauorum merita transtulerunt: illosque artibus virtutisque relictos tanta ex arte corruisse miramur. Floruit post illos nostra res publica, & in rebus pacis ac belli nomen magnificauit. Viros habuimus & corpore magnos, & animo fortes, sublimes ingenio, sermone graues, & opere magnificos: quos virtutis amor, & morum compositio nobis genuere præclaros. Eheu! ex rerum & morum mutatione fortunæ fauorem à nobis euulsum agnoscimus. Paruos etenim corpore homines, sed animo minores, intelligentia terrestres, verbis molles, & opere fragiles enutrimus. Negliguntur litteræ, qui sapit, sibi sapiat, & in sapientia sua esuriet. Per fortunam & temeritatem ad rem publicam magistratus ascenditur. Vnicuique tantum licentiæ est, quantum audaciæ. Vnde cumque habere, vitæ lex est, & disciplina militum, absque ordine quomodo libet euagari. Ex aliorum periculis nobis prospicere facile est: & qua virtutis penuriâ priores corruere, arbitrari nos stare dementia est. Fleuisse legi Philostratum Græcorum egregium quendam cum Tullium in concione perorantem attendisset; quoniam Græcam eloquentiam vir Romanus exuperabat. Non impie igitur, qui rei publicæ bona velint, euanescentem virtutem desceant. Illa enim sola imperat, sola felices facit & securos populos. Iniqua numquam imperia retinentur diu. Solidum est quid-*

quid virtute roboratur. Et qui libertatem velint, rationi, virtutique seruiant. Iam dicendi finem facio. Si nos virtus fugit, ruina prosequitur.

A M. Perdoctè enucleasti nostræ fomenta calamitatis. Vnum expectabam, ut ex genere ad specialiora descenderes. Et cupio, mali tantiradix tenacior quæ sit, edoceas.

S O D. Ex sacris litteris habes, quoniam radix omnium malorum cupiditas, sub cuius nomine diuitiarum fames, & ambitus potestatis clauduntur.

A M. Id scio, quoniam avaritia latentium indagatrix lucrorum est, manifesta que præda avidissima vorago: neque habendi fructu felix, & cupiditate querendi miserrima. Ambitum quoque novi, qui ventosam gloriam & honores ambiat immeritos. Ille pompa periculum, & magnitudine sibi casum preparat. Ille invidiam nutrit degenerem, quæ maximè genita Palatij, supremis semper rebus aduersatur. Sed in iustissimo quocumque imperio malos homines & ambitus reos, & avaritiâ corruptos olim inuenimus. Hæc enim vitia cum regnis annexata nascuntur. Aduersum hæc constituti sunt, qui publicè præfunt: quæ si tollantur, Magistratus, & Prætoris vacabit officium. Res eadem nunc est, ut pridem. Hæc ipsa pestis cum supremis certamen habet imperijs. Vincenda est igitur.

S O D. Rem faciendam loqueris, factorem omittis.

A M. Consularium virorum sollicitudo hæc est, ut vitia, quæ rem publicam opprimunt, ipsi reprimant.

S O D. Absurdumne putas, ut qui victi sunt, de victoria contendunt? Qui enim se ipsum cupiditate superauit mala, quo pacto aduersus cupiditatem victus rebellabit?

A M. Leges sunt, quæ ubi homines ingenio prauo præter æquum oberrant, pœna meriti que in rectum callem reducunt.

S O D. Aliquando lex nomen quondam assumpserat; sed ut lex sit nunc, vix legisse satù erit. Princeps ipse animata lex est, cuius æquitas leges viuificat, ac eadem mortificat Regentis iniquitas. Salubre populis iusta legi est subesse: sed salubrius bono Rege regi. Sic qui rem publicam curant, ex lege bona optimam faciunt: cum auctoritate statuentis adimplētis sequitur utilitas. Mihi nunc, ob tuum de legum seueritate sermonem, in mentem venit quod Anacarxis leges hominum telis aranearum comparabat, quæ paruas quidem muscas retineant alligatas; sed animalia maiora, tela dissoluta, libera euadunt. Sic exiguis hominibus legis pœnam soluere imperant, qui sibi ipsis soluendæ legis licentiam usurpant.

A M. Vehementer admiror, si vera loqueris, virorum impudentiam.

S O D. Rem

SOD. *Rem in oculis habes, coram est, & vsu iam velut concessa præterijt.*

AM. *At ego interea, quæ de re publica præcipiuntur, id in primis teneo, ut nemo honestè præsit, qui non iustè.*

SOD. *Idem sentio. Sed ridiculosa res est, & turpe rei publicæ spectaculum; si viri polluti in sublime resideant, quasi eorum vitia spectanda in circuitu populi exhibeantur. Viniit exemplo mobile vulgus, moresque & fortunam potentum prosequitur. Nec instituta tam rectè imprimunt edito, quam vita gubernantis exemplo. Quòd si maiores propriæ dignitatis vitiatore sint, erunt alienæ integritatis corruptores. Minimus quisque qui peccat, sibi peccat. Sed quorum vita ceteris imago est, cum peccauerint, omnibus peccant.*

AM. *Omnes ad rem publicam capevandam anhelant, ad virtutem pauci. Ideo plerique rem publicam absque virtute attingunt.*

SOD. *Quidquid inueniant, publica non querunt, quicumque sine virtute communem induunt maiestatem.*

AM. *Forte euenit, ut in commune bonus sit, qui etiam priuatis vitij irritatur.*

SOD. *In hoc comparata est natura bonorum, ut nulla bona inuicem dissideant, aut malo consonent. Mala malis possunt esse contraria.*

AM. *Rectè conceditur. Sed ex una virtute aliam sequi, non est consequentia necessitatis. Adtemperatum esse non sequitur esse iustum, neque qui iustus ideo fortis.*

SOD. *Præteruè euadis, neque tamen respondes. Ex Logicis elementis didicisti, quòd ad uniuersalem particularis sequitur, non e contra. Qui ergo in commune bonus est, ad particularia prauus esse non potest. Recto gradu per virtutem ad rem publicam iter ostenditur. Ideò virtutis officium publicæ rei beneficium præuenire necesse est. Dum enim proprijs affectibus vir non dominatur, aliena quo pacto moderabitur? Propterea bonis patrum doctrinis optimi viri, ex optimis autem viris commodissimi ciues efficiuntur. Et ex commodissimis ciuibz probatissimos erigi licebit, quorum moderamine res publica felix crescit, & felicior perueniat.*

AM. *Commune rerum morumque velamentum est, & eo vulgariter utimur, quòd armorum strepitus leges exaudiri, ac vitiorum, quæ bello geruntur, frequens copia virtutem exerceri non sinunt.*

SOD. *Peccare volentibus quidquid placet persuadet, & qui ve-*

NNn

recundiam flagitiorum reliquere, à peccati⁹ regimen mendacia sumunt. Leges eo defendi praestantius oportuit, & acrius observari, cum vehementius ferè impugnantur. Virtutem augeri studiosius licet, ubi cum vicijs certamen agitur. Neque sine contrarietate Virtus splendeat, cum circa difficilia sint ars & Virtus. Ex insensatis sume iudicium. Nam unum contrarium alterius iuxta positione roboratur. In bello ob eam rem leges rigidissimas, & acerrima virtutis incitamenta nobis exemplificauere priores. Taceo quòd paruis in rebus spreta militaris disciplina grauissima supplicia decreuerit. In quibus enim maximum peccandi damnum sequitur, supplicij maximi metu prouidissimè peruenitur.

A M. Obsecro, dum rei dignitas, atque tempus conueniant, quia de optimis ciuibz sermonem traxisti, uti, qui rei publicae praesidia sint, quos tu optimos ciues & rei publicae dignos designes, edoceas.

SOD. Qui diuina colat, humana moderetur, vacet honestis, iustitiam seruet; neque se sibi, sed publicae rei natum attendat, hunc egometuò Magistratibus praeficiendum dixerim. Non enim imperia per se subsistunt, sed à Deo est omnis potestas. Nox quaque se cetera caeleste aliquid venerari, thura adolere, sacrificijs numina placare. Et quicumque diuinæ maiestati religiosè constanterque famulantur, alijs facilliter imperant. Modestos nihil praecipitat. Tenax honesti nullis tenetur illecebris. Iustus & nemini nocens, & cunctis officiosus erit. Et qui publicis curis mentem animumque dederat, iam se ipsum exuens vniuersalem virum induit, non homo vnus, sed omnis in omnibus effectus.

A M. Pulchrè de moribus optimi viri differuisti. Sed paulisper obsecro in rei publicae cura moremur. Illic enim & scire vtilissimum, & delectabile perscrutari. Dic igitur, quibus in rebus publici Zelatoris opus eminebit.

SOD. Si & bona patriae auxisse, & mala in se transferre voluisse studuerit. Illi etenim felicissimi viri, quos ante commemorauimus, qui sibi mortem pro rei publicae vita quaesierunt, in vnius hominis interitu omnium parauere salutem.

A M. Difficillimum illud, & rarissima virtutis opus. Nam vnicuique innatum est, dulcem vitam quam longissimam seruare.

SOD. Patriae patribusque numquam satis datum esse potest. A patria & parente vitam accepisti, vitam debes: quia. Vita periculo strictius alligaris, ut rei publicae felicitatem quam maxime duraturam serues. Hac enim lege bella licent, hac mortis genere

singulari viuit res publica. Et quam fugimus, patres nostri dixere gloriosam.

A. M. Nostris moribus aliena res est. Ut homines viuunt, sic loquuntur. Viuere cupimus omnes diutissime. quare aptissime de his, quæ viuendo fiunt, colloquemur.

• *S. O. D. Infelicitèr viuit, qui vitam communi damno redimit: & honestas mors beatiore efficit, quàm turpis vita.*

A. M. Non eadem hominum corpora, neque par ingenium ut olim. Præsens ætas & alios animos dedit, & alia patitur documenta. De his dico opus est quibus sit facta locus.

S. O. D. Quid tunc me dicturum velis, quod non sis auditurus?

A. M. Nosse velim qua in re præter vitæ damnum, viri virtus in commune luceat.

• *S. O. D. Exteriores fortunam quæris, & exteriori bono tibi satisficiam. Qui enim sibi parcus est, ut ampliudo rei publicæ sequatur; hunc ad modernos mores comparatum supremè laudauerim.*

A. M. Paucos habet hæc secta discipulos.

S. O. D. Doctores olim multos habuit, & fuere qui proprijs detraxerent, ut publicis adderent. Alij suæ domus, suæque familie spreuerunt augmenta, ut in commune detrimenta vitarent. Valerium Publicolam spectes, qui proprias ædes apparatusque comminuit, ne publica rei fieret onerosus. Si verò de gloria, quæ virtuti vicinior est, exempla velis, Fabium habes Maximum Consulem, qui oblatum filio Consulatum repulit, ne eadem familia frequentia Magistratus antecelleret.

A. M. Remotissima, & nostris Gallis stupenda producis. Id enim maximè negas, quòd maximè volunt.

S. O. D. Et hi minimè volunt, quòd maximè debent. Quo enim quisque maiora cepit ex publico, maiora debet.

A. M. Tanta suauitate animos irretit honoris ambitus, quasi offibus cohereat. Eo more cuncti viuimus, ut omnes sibi maiora & meliora quàm alteri velint.

S. O. D. Nemo bonus sibi meliora putabit, quæ rei publicæ deteriora sunt.

A. M. Ut sunt mores, sic opiniones. Sunt, qui dum sibi bene est, rem publicam malè habere non credant.

S. O. D. Ego vice versa existimandum censeo, dum res publica malè

NN n ij

habeat, nulli benè esse. Quis inter conuiuias splendidè epulatus, purpureis stratis insidens, odoratus aromate, musicis lenitus, in cadente domo laetum se felicemque dixerit? Quos honores saluos sibi credas, cum patria pereat?

AM. Dicent, Salutem rei publicae multi volunt, nostrae verò familiae nos soli studemus. Undecumque rei publicae salus erit, in nobis salus spes nostra. Nobis igitur maximè, dum locus est, prospiciendum.

SOD. Affectatam ignorantiam respondes. Qui enim sedes excelsas tenaciter cupidèque seruant, eas sapius impronidè turpiterque perdunt.

AM. Respondent, Quod aduersa feret fortuna patiendum erit. Interim verò dum prospera est, utamur, aiunt. Et si obniti prodest, dum quis nobis diuitias, honores & magistratus auferet, vitam auferat.

SOD. Huc vsque satis est mihi. Omnia fortuna & affectatis desiderijs, neque ratione regi fateris.

AM. Sic vitam instituit hominum numerus, & ut animosum quoddam opus laudent, successuque gaudent operis.

SOD. Vera est Tragœdi sententia, prosperum ac felix scelus virtus vocatur. Sed nemo se tuto periculis tam crebris offerre potest. Quem saepe transit casus, aliquando inuenit.

AM. Nil de se non existimat fallax gloria, ut qui honoris splendore enascitur, se sibi securum sornare pollicetur, quasi fortuna imperet.

SOD. Saltem quos praesens fallit gloria, aliorum ruina praeteritis praetereat.

AM. Cantio futurorum nulla est, praeteritorum multa obliuio. Solus praesens agitur dies. dum tunc praetereat, alterque succedat, fortunam vicisse putamus.

SOD. Putasne hoc prudentis viri officium esse?

AM. Imò & moderna sapientia praeedicatur id agere, ut homines tempus praetereant, vivantque cum tempore.

SOD. Caueant eos ne tempus praetereat. Non rectè ambulat, qui viam ante se longè non prospicit. Et qui semitas residui itineris minus considerat, patietur offendiculum; quoniam exitus rerum metui, vera prudentia est.

AM. Alterius temporis homines alterum viuendi genus adinueniunt. Ut mores & leges hominum inter plagas terrenae uoluntatis variantur, sic cum tempore altero altera est vita.

SOD. *Flauunt tempora, fortunæ locorum commutantur, alterantur homines. Sed prudentia illa directrix, & auriga virtutum, rerumque mediatrix, manet incommutabilis. semper eadem, æterna, immensa, diuini vigoris; sine qua rebus humanis esse consistentia non potest, & si ab hominibus auferatur, in se tamen integra perdurat.*

A M. *Antiquam prudentiam descripsisti, nouam inuenimus. Tua virorum rei affectus ad qualitatem bonique mensuram coæquat. nostra verò, vice versa, res & rerum fines ad nostra desiderabilia commensurat.*

SOD. *Fallax, & fragilis, atque ficta est illa versutia, quam tu prudentiam dicis: hæc homines sui ignorantia in mortes turpissimas praua arte perduxit. Per eius tramites impij aulas Regum conscendunt; eosdemque, cum deserit, in profundissimas carcerum tenebras demergit. Hæc gradus facit, quibus ad horrenda spectacula, & spiculatorum securi ascendatur. Cuius exaltatio præcipitium est, summitas ruina, principium honos, vulgi impropria, finis frequentissimus, mors inhonestæ.*

A M. *Quæstunculam vnâ, si te non grauat sermonis prolixitas, insuper oro vt dissoluas.*

SOD. *Non mihi Delphicum oraculum, vt ad omnia respondeam.*

A M. *Si non quantum difficultas exigit, saltem quantum sufficit facultas, edoceas.*

SOD. *Docere sapientibus & doctis concessum, cunctis autem incerta opinionem dicere.*

A M. *Non sententiam exopto, sed disputationem.*

SOD. *Tu verò dic quid dubitas, ego quid sentiam.*

A M. *Videre mihi videor confinia regnâ hysdem vitijs laborare, prauisque artibus homines vbique malignari: neque tamen tantis affligi pœnis, aut simili ruina prope esse. Si igitur vera dixisti, cur pari peccato eadem supplicia non respondeant?*

SOD. *Quid apud externos agatur, iudicat Deus. Nos verò quæ sentimus iudicemus.*

A M. *Attamen ita fama habet, & nos aliorum populorum scelera audimus, sentimusque nihilominus prosperari eos.*

SOD. *Os in calumoniis, & testa mare conari exhaurire; cum de iudicijs immensæ diuinitatis contendas. Extollis sapiens, vt deprimat: in altum tollit iniquos, vt profundius præcipites: patitur prosperari, vt impropria iustis infligat: bellis & pestibus terram prauis hominibus expurgat, ad sanitatem.*

A M. Sed & boni quamplures simul intereunt cum pessimis.

S O D. Qui in sua iustitia moriuntur, in aeternitate viuunt.

A M. Quid? si soli impij morte tollantur, & diuina iustitia magis elucebit.

S O D. Nescis quod iustitia sua occultauit ab hominibus, & velut abyssum multam fecit illa, ut lateant. Raro enim in oculis eiusdem hominis peccatum & pena. Et qui vidit peccatores gloriari, aut pati inflos; forsan morte praeventus nec horum supplicia, nec illorum premium aspiciet. Lento enim gradu ad vindictam procedit Deus, & ad remunerandas iustitias dissimulatur est. Expectat enim horum poenitentiam, illorum autem constantiam longè probat: sed in publicis offensionibus commune flagellum suscitatur Dominus. Hos occidit, quia peccauerunt; illos, quia non se opposuere peccantibus. Hos è medio tollit, ut contagione peccatorum non putrescant; alios iustitiam sectantes corrigit, non ut culpam puniat, sed ut ad vitandam culpam praemuniat. Curans medicus cum putridis humoribus bonos ut plurimum simul expurgat humores: debilem reddit patientem, ut illum postea in vigorem nouum reformet. Sic quid cogites Deus super regna, ignaros homines relinquit. Comedunt hi & bibunt, & in pace sua gloriantur. Et ecce repente venit ira Dei super eos, & mala quae non praeviderant. De regnis igitur exteris quid argumentaris? quanquam ab omni virtutis ordine nos longius abesse crediderim, qualescumque tamen sint, idem Deus est qui nos affligit; illos autem sustinet, ne cadant. Sed dum venerit tempus visitationis suae, si peccauerint in eum, & substraxerit brachium suum ab eis, erunt similes nobis. Tempora verò & momenta iudiciorum Dei in Patris potestate sunt, nec est nostrum scire aut indagare.

A M. Peccauerunt maiores nostri, & afflicti sunt per tempora: non tamen prope ruinam adducti, de qua in principio nostrae locutionis lamentabaris.

S O D. Reuersi sunt, & misertus est eis. Nos in peccatis nostris veterescimus. Poenitentiam eiecimus de cordibus nostris, & non est rubor in fronte nostra. Propterea forsitan eiecit nos Deus à facie sua, & auertit oculos ut non videat, obturauitque aures ut non intret in eas noster gemitus. Vide quoniam gentem Iudeorum elegit olim sibi Deus in peculiarem populum, deditque eis benedictionem super omnes gentes, & pepercit iterato iniquitatibus eorum. Tandem verò poenituit eum, & reliquit eos ut perirent in adinventionibus suis, & nunc in seruitutem vagantur super faciem terrae. Nos autem, qui praeter ceteris Christianorum populis maiora sumpsi-

mus de manu Domini, si Dei timorem ingrati deponimus, maiori nos ipsos supplicio dignos damnamus.

AM. Et quis adeo petulans, aut sibi ipsi confusus erit, ut Deum non timeat?

SOD. Quæ nos ignoramus & spernimus, quomodo metuemus?

AM. Ignorare Deum qui nisi mentis incaps poterit, à quo uiuimus, mouemur, & sumus? Fide enim & timore Dei Regum nostrorum thronus fundamentum accepit; eundemque seruata religio heredibus confirmauit. Dicant Clodoueus, Clotarius, Dagobertus, Pipinus, & Karlemagnus huic ueritati testimonium, qui cum fide & deuotione Reges ceteros præcellerent, maiestate imperiique meruere fieri celsiores. Antiquorum fuit sententia, quoniam facile imperium hys artibus retinetur, quibus ab initio partum est. Est igitur difficile retineri imperium, si contrarijs artibus innitatur. Si enim oppositum in opposito, & propositum in proposito.

SOD. Patres nostri honorauerunt quæ nos ignoramus. Propterea non immerito metuendum, ne ueniat super nos illud Apostoli, Quia non probauerunt Deum habere in notitiam, tradidit illos Deus in reprobum sensum.

AM. Castigati fors an reuertemur, agnoscemus eum, & agnosces nobis. Dat enim sapius intellectum vexatio.

SOD. Ecce iterum atque iterum plaga magna, & horrenda belli strages super nos, & fugimus eum; neque reuertimur ad percutientem, ut misereatur, & cesset manus sua.

AM. Spero quoniam dabit pacem post vulnera, & agnoscemus quia misericors est, neque secundum iniquitates nostras retribuet: sed in multitudine misericordiarum saluabit nos, ut sciamus quoniam uana salus hominis.

SOD. Utinam atque utinam mihi protrahatur mors, quousque iam incognita pax è cælo adueniat. Si autem longè sit à nobis, pro munere id postulo, ut hæc mihi dies postrema sit, & quod meditatione præcogito, oculis non videam.

AM. Belli tadium, pacis incitamentum est. Vastitas Prouinciarum, stragesque hominum bella constringit: quasi qui materiam igni submoueat, ut extinguatur.

SOD. Si bella fastidimus, bellorum primum fermenta fastidiamus. Bella enim propter seipsa non mouentur, sed propter concupiscentias hominum: quasi reprimantur, bella reprimi necesse est.

A M. In ore hominum est, quoniam utraque ex parte bellantium pax optatur.

S O D. Nomen pacis quis abnegabit, quo in terris nihil suavius resonat? Sed in rebus ipsis analogia est, & qua nomine conveniunt se aliquando dissonant.

A M. Imò verbo & facto pacem & volunt & perquirunt.

S O D. Diuinum spiraculum est, si concordantibus in bonum animis cōmunis pax, uniuersaliſque tranquillitas ordinata petatur.

A M. Ita aiunt, & hæc communis vulgi letitia est.

S O D. Incerta, infirmæque vulgi credulitas, cui rumores animos faciunt, eiusque iudiciam simul cum fortuna imitatur.

A M. Etiam inter Magnates & Satrapas ita assertitur, & ab hijs in populum fama descendit.

S O D. Fallere aut falli non credis homines, qui Palatia regunt, in quibus mendacia nascuntur.

A M. Res ipsa docebit.

S O D. Desiderij magnitudo spem reprimat. Id cum studiosius opto, timidiùs expecto.

A M. Si pacem voluerint bellantes, quis resiliat ut non sit?

S O D. Scio pacem omnes velle sibi.

A M. Habeant igitur.

S O D. Id aduertat Deus, sed regno & rei publicæ pax sit.

A M. Et hijs sibi pacem desiderant, & illi. Conveniant igitur, & erit pax.

S O D. Paralogismus, & à secundum quid ad simpliciter fallaciam facis.

A M. Dixisse parum est, si dicti rationem non subiunxeris.

S O D. Infirma consequentia est: volo mihi pacem, ergo volo pacē.

A M. Peccatum paralogismi tu ipse, qui nosti, manifesta.

S O D. Perspicuum est, si pax quæ sit rectè attenderis.

A M. In communi intellectu accipio, quod subtilius est à te expectabam.

S O D. Pacis ignorantia miseriarum notitiam facit. Quicumque pacem dum habent negligunt, quasi felicitatis dissipatores posterius cum labore requirunt, quod cum desidia perdiderunt. Bella concitare facillimū, sedare quid difficilius? Lata via quæ ducit ad bellum, sed strictissimas, remotus, & obsitus angustijſ exitus. Propterea sapientum mos est in pace metuenda bella prauidere, in bello paci necessaria cogitare. Et ut diffinitiuè intelligatur, Pax est concordantium

cordantium in bono animorum ordinata tranquillitas. Quicumque autem querentes quæ sua sunt, non quæ rei publicæ, ambita quietè retinere, & concupita indefensè possidere studuerint, hi sibi pacem, imò suam pacem pertrahant: non autem veram pacem, quæ in bonum concordēs animos conciliat, & ordinem rei publicæ in harmonia debitæque proportionē componit. Est enim pax rei publicæ sanitas, & debita partium communitatis inuicem habitudo. Et velut corpus humanum in sanitate perdurat, cum inter qualitates & humores temperamentum, quod ad iustitiā Medici vocant, & proportionis harmonia complexionī seruantur: sic incolumis rei publicæ status perseverat, si partes quæque ad totius bonum legitimos ordines teneant, & neutra alterius locum aut officium usurpare presumat. Ex pacto in bonum uniuersale particulares concordarent animi, & cum id potissimè intenditur, ad singularia bona per eum facillimè deuenitur.

A M. Vno dumtaxat verbo mihi satisfeceris, si ostendas, cum ex particularibus bonis commune bonum conflatur, cur per particularia bonorum desideria ad commune bonum non rectè incedatur.

S O D. Syllogismum falsigraphum componis, cum intellectu principiorum deficias. Ex particularibus enim bonis propter se acceptis nihil unum conficitur, quoniam contraria nulli umquam tertio conueniunt. Bona verò priuata propter se quæsitā contrarietates & bella faciunt, cum à diuersis pŕtantur quæ unico competant. Ex particularibus verò bonis ad commune bonum ordinatis resultat bonum publicum. Si autem ad eum ordinentur, necesse est ut ipsum in intentione precedat, & priuati boni desiderium velut participatiuum subsequatur.

A M. Satiasti animum, & de re ipsa doctè differuisti.

S O D. Angit mentem nimis fortunæ disparitas, quæ paci, quā tu prædicas, rectè non conuenit.

A M. Pax tantæ perfectionis est, ut omnibus & semper conueniat, omni tempore omnique fortunæ consonet: quidquid eam attigerit, partē suā mansuetudinis faciet, velut mirra odorifera, cuius solo contactu sibi commixta redolebunt.

S O D. Aliud est dare pacem, aliud accipere.

A M. Quisquis donet aut accipiat, habere maximum est.

S O D. Scio expedire ut habeatur, habendi modū difficile habeo.

○○○

A M. *Res ipsa, tempusque modus docebit. Nam & victoribus pax utilis est, & victis necessaria. Hi commodè concedunt, illi necessario petunt.*

SOD. *Victoribus melior pacis conditio. Habent unde ad votum accipiant, & unde pro imperio negent.*

A M. *Fortuna leges illegitimas non nosci, dat sæpè vincere, cum victoria uti negat. Tunc quoque magis inuestiganda pax victoribus, cum eius arbitrium in eorum manu est. Fugax namque, & dominorum commutatrix est victoria; victoremque à victo superari, fortuna iocus est. In mentem venit Hamonis illius Carthaginensium peritissimi sententia, qui, cum Hannibal, gravissimis prælijs Romanos viribus spoliasset, urbemque armis cingeret, in Senatu Cartaginis perorabat, ut ad petendam pacem Legati Romam mitterentur. Nunc, ait, petendi nobis utilitas, cum apud nos maneat donandi facultas. Spreta autem eius oratione, & fortuna Carthaginensium eversa est, & ciuitas. Volat dubijs victoria pennis, incerta quo resideat. Longo labore quasita breui spatio retinetur. Xerxem Persarum ducem potentissimum, qui mare nauibus obumbrauerat, fluuios equorum potu siccauerat, montes abruperat, aquora pontibus subiecerat, una cimba vix saluum reduxit. Troia succensa breuem latitiam, flebilemque victoriam Graecis attulit. Nam & terris sparsi sunt, & aquoribus iactati, tantoque ex numero vix tandem reliquiae superfuere.*

SOD. *Mirum, si adeò inconstans est victoria, quomodo apud hostes nostros tanta diuturnitate retineatur.*

A M. *Eam cur victoriam appelles, quæ victoribus ut victis angustias incommoditatesque contulerit? Crede mihi, etsi patriam vastauerint, si oppida subripuerint, si acies prostrauerint, agendo tamen passi sunt. Terra nostra armis oppressa est, sua gentibus atque virtute destituta. Hysque tandem sic fuit sua preciosa victoria, ut qui nos à principio cum quadraginta millibus inuaserunt, victores tamen vix cum sex millibus pugnent.*

SOD. *Parum refert cum paucis, aut cum multis vincere, dum tamen vincant.*

A M. *Vincendo consummuntur, neque maioribus eorum victis rebus frui licuit. Concedis nobis suæ victoria modus, ut bene de nobis ipsis confidamus.*

SOD. *Quis benè confidet, ubi victi sunt animi, & præter pacem nihil iam spei habemus, quæ in ambiguo est?*

AM. Quod in fieri est, incertum habetur donec fiat.

SOD. Dictorum opinio est facti fides.

AM. Fiet, & credes.

SOD. Post rem, securæ est affirmatio, ante rem fallax.

AM. Si incredulus manes, alij patere ut credant.

SOD. Rumores edicta facis.

AM. Imò quod verè dicitur, verè refero.

SOD. Verba sequeris, ego rem aspicio.

AM. Sine me aliquanisper in spe pacis solari.

SOD. Vana spes, quæ dolore redimitur. Memini, & scio, quotiens nomen illud pacis me fefellit.

AM. Dic igitur cur non esse pacem suspicaris?

SOD. Sed tu dic in quo pacem sperauerim, cum nemo ad pacis principis studiosus sit.

AM. Durus es, & nimis exasperans.

SOD. Caue ne tu facilitate nimia decipiaris.

AM. Dic quæso, pacis quæ principia putes.

SOD. Si nos qui in bella proiecere mores abjecerimus, hoc pacis fundamentum est. Si tenuerimus, etiam habitam pacem corrumpemus. Nescis, quia pacis comes iustitia? Quocumque iustitia progressa sit, sequitur pax. Nescis, quod iustitiam in particularibus desiderijs cæcam dirigit veritas? Has fœdere diuinæ providentiæ colligatas, nec fortuna vincere, nec humana poterit astutia separare.

AM. Sunt æquissimi viri, neque omnes fortuna temporis abstulit. Hij magistratum accipiant, & ceteros opere & exemplo ad vitæ temperamentum reducant.

SOD. Manlius Torquatus quid responderit audisti? Cum vrbe corrupta moribus decretum sibi Consulatum abnegasset: Ego, ait, neque mores vestros ferre queam, neque vos meum imperium. Sic forsan probatissimus quisque nostri temporis poterit respondere.

AM. Quid igitur expectamus? Quis nos manet exitus, vno tu verbo argumenta conclude.

SOD. In Deum refero sententiam. quod ab eo decretum est fiat. Si pacem nostram voluerit, etsi hominum desideria resistent, fiet. Ab eo plaga fuit, ab eo solo speranda medicina. Quidquid laborent hominum ingenia, à Deo est regnorum tranquillitas. Donum enim celeste pax est, & supernæ beatitudinis quædam in terris imago. Cesset igitur

476 DIALOGVS SVPER DEPLOR. &c.

*nostra disputatio, agamus quod nostra interest, ut dispositione sincera
patis capaces nos exhibeamus, & exoranda paci deuotos, & suscipien-
da non ingratos.*

*A M. In eandem incido sententiam. Ad quietem nos somnus eno-
cat. Vale, frater.*

S O D. Ecce ipse vale, & nos in communi pace valeamus.

FINIS DIALOGI



ALANI AVRIGÆ

EPISTOLÆ.

De detestatione belli Gallici, & suasionem pacis.

EPISTOLA I.

Vsquequo dudum, inuictissimi Gallorum principes, & longa clade contriti populi; usquequo bella ciuilia producetis? Non dum satis vobis compertum est quàm infestis animarum periculis & rerum incommodis intestina bella gerantur? Iam enim non futura vastitatis metuenda damna predicimus? sed præterita præsentiaque cernimus exhorrenda. An ne satis bellis ciuilibus concessum est, ut iam penitentes humanitatis nostra recordemur, & lachrymas nostris miseriis simili pietate donemus? Redeant apud se corda mortalium, ut quod in cæteris enenisse perhorrent, sibi quisque futurum pertimecant. Viros enim vidimus, quos longa ætas inueteratique labores Gallica gloriæ famosos pepererant, in cruenta cadauera computruisse, unamque necasse diem quos varia loca & anni prolixiores educauere sublimes: bellorum autem stragem, depopulatas vrbes, studiorum desertionem, Ecclesiarum sacrilegia, stupra virginum, uxorum adulteria violenta. Et si nostros animos non terreant pertinaces, nostra tamen tandiu contaminari tellus non sufferet. Taceo prægnantes abortiuos fœtus fame & inedia non ad visam, sed ad viriusque mortem peperisse. Parvulorumque mortes prætereo, quos cum non esset qui panem frangeret, languor & clamor in simo iacentes extinxere. Quantas populorum strages pestis subsequuta, morbidaque lues & fames ^{mortes} magnorum comes indiuisa malorum ferro suffulerint, is indices qui

○○○ iij

pagos inhabitatos, campos steriles, solitudines in plateis, viasque vepribus clausas inuenit. O intestina rabies, belli familiaris nefandissima scelera! quam variis nos calamitatibus inculcatis? Nemo enim sane mentis non intelligit, quāto ex felicitatis apice decidimus: neque pius patriæ zelator lachrymas continebit, si & prætēritæ beatitudinis recordator, præsentisque nostræ misere confusio- nis comparator existat.

Discite viri, quos bella ciuilia sollicitant, quos ibi fructus, quod vite premium, aut animæ meritum comparastis, ubi iam magnificorum Galliæ Principum Procerumque strenuorum splendidissima serenitas. Eheus! quos in opulentis palatiis vobis pax ostentabat illustres, eorum plurimos bella domesticis excitata gladiis in carcerem, aut in mortem detruserunt: quorum casum Gallicæ regiones tantis defensoribus orbata deplorat. Grauiam siquidem damna sunt, nec nostris seculis reparanda. Sed non parum maioris fortuna nostris fletibus adiecit; cum studiosos virtutem literasque colentes aut gladiis occubuisse, aut sparsos bellis, & furore profugos inspicimus. Et quam ferro vitam sustulerunt, claudunt doloribus, non relicturi qui eadem claritate perluceant; cum eis docendi locum, ceteris discendi spacium ciuilia bella non relinquunt. Et veluti lampadis lumen cum olei fomenta non succedunt, simul oleo deficiente consumitur: sic cum doloribus extinctam doctrinam mendicabimur ad exteros, quam de nostrorum studiorum fontibus acceperant. Sentient, proh dolor! Ecclesiæ, fideique robur illa in parte detrimentum, & regia palatia, iuraque fori spoliata consilio durius ingemiscēt. Si verò rerum iactura moueamur, quis paternos agros auctos, quis lares aut igne succensos, aut vastitati feri/que relictos non doleat? Quis sibi quicquam proprium, aut fortunæ substantiā suis securus liberis referuabit? Id saltem cum publica fortuna dolendum, quod nostris spoliis hostilia regna ditentur: quodque laborum ope parata, conseruataque vigore, manus aliena nostris auferat ab oculis. Pigeat adeo ciuilibus bellis paruisse, ut cum nostras hostis ipse prædatur diuitias, gloriam irrideat: & qui dudum ceteris nationibus terrori stetimus & horrore, præda ridiculoque simus indecores. Sentiant populi, quid ciuilis hæc insania belli contulerit: & iam nil præter amissam libertatem inuenient, quam non nisi cum anima quis amittit. Quisquis proculdubio bellis exarsit ciuilibus, ita se instituit, ut & securitate careat, & solita libertate priuetur. Neque in tam intestinis discordiis tutum refugium, aut durabile consilium est: quod non ipsius violenta conditio incertum faciat, & caducum. Non alius est apud quietos

populos seruitutis ingressus, aut misera captiuitatis apud miseros initium, quàm bellis errare ciuilibus. Nam & in his, quibus non intellectus, sed naturalis virtus imperat, penetrantur dispersa, vnita verò sua conne-
ctione seruantur. Hoc testantur experimentorum certitudo, Philosopho-
rumque sententia. Hoc amplius ipsa confirmat verbi Dei nunquam irri-
ta veritas, quæ regnis in se diuisis desolationem minatur, domorumque
ruinam. Nutrix si quidē imperiorū & publicarū rerū concordia, cuius ali-
monia parua res crescunt: at ex aduerso discordia res maxima dilabuntur.
Satis, immò & plusquam satis huius rei flebile testimonium afferunt no-
stræ calamitatis indicia: vt non exteriora, vetusta quoque perquirantur
exempla. Attamen quia in re nostra sapius odio, seu fauore præpediti su-
mus: libeat ex prioribus aliquid reminisci, quo nostræ infelicitatis exitum
curiosius caueamus.

Clarissimas orbis vrbes, validissimos potentatus, & imperiosissima re-
gna, quid nisi solus ciuilis furor euertit? Concussit sæpè regiones hostilis in-
cursus, & vastitati in quoque submitit: quo proiecto, eadem in pace fortu-
na restituit. Sed alto à culmine ruinam trahere, ac prosternere funditus,
intestinis furoribus reservatum est. Bello forensi si enantur, aut commu-
tantur: sed non tolluntur dominia. Sola vero ciuilis rabies venenum est,
quo rei publicæ vita necatur. Troianas opes, & ineluctabile regnū Dar-
dania, cuius fatum decem annorum obsidione dilatum est, nihil eruiisset,
si virorum animi concordassent: cuius reum sceleris transfugam Cal-
cantem Græcorum partem sequutum, & vrbis secreta pandentem ar-
guit historia. Neque desunt, qui Antenorem Venetorum & Paduæ, Æ-
neam quoque Romanorum patres, tanta prodicionis fontes accusant.
Fingunt poemata, quibus vtilitas sententiarum verborum suauitati mis-
cet, ab Agenoride Cadmo cœpisse Thebas, dentibusque iactis serpenti-
nis nascentes ciues nascendo mutuis ciuilibus gladiis corruisse. Hinc si al-
legorica veritas ex figmento trahatur, non aliud accepimus documen-
tum, quàm veneno serpentina seditionis radicitus infectos in stragē fa-
cile ruere. Hoc ipsum illius enersio ciuitatis firmavit. Cuius rei amplitudo,
& nominis gloria serpentinos mores ferre non sustinens, fraternis acie-
bus odijque prophanis Etheoclis & Pollinici extincta est. Si Romanes
libet attendere, quos mundus habuit exemplaria probitatis, quid aliud Cæ-
saris & Pompeij bello quaesitum est, quàm Romano sanguine campos
fluentes humentibus oculis intueri? ac casis patribus, strato, Senatu, vrbe
polluta, ordine turbato sacratissimi Consulatus, & violata libertate,
cruento subseruisse victori: nec nō ex liberiori obgarchia & polycratica,
aristocratico timori subiacere. Sed & Catilinæ artes, Ceterique dolose

diuraciones, & Gracchorum Drusorumque semper repullulans populare
dissidium, Marianaque scelera, ac civilis semper recidiva contagio, caput
orbis Urbem mundo tremendam, propè solitudinem inque vastitatem
deiecerunt. Periculum ex alijs sibi facere, prudentis est. Verum si nostro-
rum Annales attendamus, nunquam Vandalos, Gothos, Saxones, aut
Dacos, quorum populos Gallicum robur expanit, agris Francorum ex-
cubasse nominamus: nisi cum per belli civilis rimas intrarunt. Habet intus o-
di domesticum fragor alterna corruptionis elementa: sed pacis seminaria
non desinit habere, quæ natura virtute sapius remiiscent.

Heus tu, ô homo! si quid in te natura potens fecit dumque clima reli-
quit, si ab auis non degeneras, redeat in priscos mores effrena feritas. At-
que ut Adam post peccatum nuditatem fragilitatemque cognovit, quo
lapsu cecideris agnosce, provide quo lassurus, & patriam dum liter fatis
aduersantibus eripe. Tu verò mentis in conspectu pia meditatione præ-
pone chari pignora sanguinis, natos dulces, & propinquorum lachrymas,
lacepsitamque patriam pacem manibus complois hortari. Nec mirum,
cum vicina regiones & Gallica damna sentiunt, & deplorant. Vesana
siquidem mentis est, domesticorum auelli blandicijs ut hostium verbis
minacibus contremiscas: at inter aduersos domi captiuitatem, & exilium
in patria pati, cum tuorum liberales amplexus effugeris. Adde ubi an-
res obtinueris, pacique restiteris induratus, exitus quis te manet: quid ex
te natis nasciturisque filijs perpetui mœroris pater impius adicias. Huius
tam prophani ministerij ad manes proculdubio brauium reportabis, quod
truncatam forsan insepultumque cadauer anima supplicium, æternum
fama opprobrium scriptis verbisque maledictione posteritatis duratu-
rum conflagris: & patriæ parricida in te, in tuo nomine proleque lues, quod
perimæ ipse commiseris. Si vero casus, imo erinis (luctatorem verius di-
xerim) adeo perniciose mentem opusque duxerit, ut iram in tuos inque
patriæ viscera ferro vindices, turpissimam laudem & flebile gaudium ti-
bi parabit inhonesta victoria: ut cum stridentibus gladijs fratrum
cruorem effundas, si non rigide natus es, natura tibi lachrymas excutiet.
O infelicissima victoria, quæ victoribus plus quam victis incommodita-
tis angustiaque contulerit! O vilissimum nefandumque triumphum, quo
qui vincit, virtute famaue cadit: ut cum rempublicam persequitur, cum
ea inglorius degenerque pereat. Habuerunt instituta Romanorum, & ex
libris legimus, nullos unquam Duces inter eos ex civili certamine hono-
rem retulisse triumphi, quicquid fortiter animosque gessissent. Non enim
rectum putauerunt sanguine suorum civium partem victoriam læta
pompa solemnique ritu recolare: sed intra animos suorum causam & rei-
publica

publica dolere pericula. Quis furor est, bellis civilibus, impacataque Vita
Velle senescere: & mortem, quæ naturam prope est, arcescere proprius?

Videre mihi videor tria fuisse civilium bellorum semper initia, quæ populos
mersere potentes, & nos in eas fortunæ angustias adduxerunt. Gallica
quædam potestatis celsitudo supremæ, grauis opibus, & gloria tumens; con-
tēperixque Dei, & potētia aspernatrice alienæ, suo pondere ruinā præpa-
rauit. Sic enim crescendi detrimentique modum immensa diuinitas rebus in-
fluit, mundanorumque; Vanitatibus illudens excelsa deprimis, cōprimis in-
flata: & quæ nec alijs deferant, nec sibi sufficiunt, nec bonitatis ineffabilis
largiflua dona cognoscunt, ad Dei timorem sui que noticiam conterendo
reducit. Nascebatur inde, quæ res ardua consequitur, inuidiæ rabies, pōpa-
rum ambitus, & dominandi cæca cupiditas: quibus inter plures vnius sub
colore regni potestas ambigua vacillabat: quo nullum futura confusionis
certius indicium.

Nulla quippe fides regni socijs, omnisque potestas
Impatiens confortis erit.

His artibus publico sub colore arma priuatis affectibus induimus,
partes sequenti quisque suas odiis exarsimus infandis, quibus neque pa-
lacia, neque ciuitas, neque oppidum, neque cella monachalis, aut pastora-
le cessit tugurium. Sed iura sanguinis, parentum reuerentiam, thori con-
sortium, mensæ contubernium, partialis cōtagio penetravit. Quo iure, qua-
me iniuria partem quisque suas tutatur conticeo, ne vulnus tangendo tu-
mescat. Sed si cui peruersa fuit aut infidelis intentio, boni speciem simula-
uit. Nulla enim extrema facinora in publicum emergunt, nisi boni simula-
crum induerint. Pulmentorum sub sapore sorbentur toxica, ipsum vene-
nū auro bibitur: nempe malignādi praua semper industria vices equitatis
assumit, ut cum nomine placeat, re noceat. Processit & demum in nostræ
cladis cumulum petulans insolentia, quæ patriæ mores patrumque instituta
corrumpens, primum virtutibus bellum indicebat. Namque ut opes ocium-
que lingua pax auxerat, sic virtutis studium mollicies ipsa minuebat. Cœ-
pēre luxu omnia effluere, neque delicijs neque cultui modus esse: aut sce-
lerati cuiusquam virtuosique distinctio, nisi quam nitor vestitus oculis
ostētabat. Et hæc animos delicata cōsuetudo penitus enervauit, suasque
luxus opum populator vile nefas: quod inhonestum ocium, ac virtutis
negligentia perpetravit.

Iam pax incognita, iam abundantia sterilis, temporumque tranquilli-
tas damnabantur, lubricatique animi in facinus fragiles, in verum or-
dinemque nouitate proni mutatione feruescebant.

*Additū ex
Ms. Cod.

P P P

mus cecidimus, sic pacem fastidiendo bellis incidimus: & oppugnata virtute, nostris vitijs obruimur.] Quid moror? Accessit his tempestivus hostis antiqui bellicosa feritas: siue hanc nostri mores nostraque discordia provocavit: siue nobis diuina maiestas addidit in flagellum. Et curcum loquor, inter Anglos nuper regnantem: quo nullus proposito danior, acrior armis, vindicta rigidior, in probos inmitior, attentior in diuites nostris annis visus est. Et ut nostra miseria summam paucis completar, fuit hac nostri fundi calamitas, quod moribus in eis corrupti, inimici intolerabiles, infesti crudelisque propinquis, in hostem fugaces, in facinus flagitiumque precipites, diuinis humanisque legibus aduersi, Deo odibiles, & Angelorum custodijs inuisi, ex errore in lapsum cecidimus. Id quidem nobis lucri fecimus, ut apud nos viuamus miseri, apud externos autem habeamur abiecti. Enimvero quanta vis amicitiae concordiaeque sit, ex diffensionibus atque discordiis percipi potest; & iam nostra damnatione didicimus, quod pulchra pax & securae tranquillitatis vitam felicem efficiat. Hanc igitur equum est potioribus votis optari, quam errore noxio non impune fastidimus.

Excute ergo, viri, excute fraterno sanguine manibus madentes gladios, & iungite dexteras. Lachrymas osculaque miscere, venientem unanimes suscipite pacem: & cum in limine est, atque ostia pulsat, pessulum non obdat. Desinat iniuriarum quisque reminisci, ut sua publicaeque salutis recorderetur. Utinam obliuiosa caligine regeretur quicquid odiorum athleta saniens exercuit, & letheis poculis ut leue sonnum ablueretur. Adest tempus, offertur occasio, & iam placidis circumuolat alii gratissima pax, quarens ubi primum insideat. At bellicivis seminaria ipso belli fragore confraeta sunt, prostrata est illa Gallicorum altitudo ventata; & gloria prope puluerem reducta est, quae sublimes inflatosque animos in Dei contemptum, alienaeque potestatis spreum, & virtutis ignorantiam deduxerat. Bellicivis artifices quamplures, & capita, suis artibus, ipsisque civilibus armis deleti sunt. Et quod tertium erat contagionis exordium, luxum in arummas, delicias in anxietatem, & copias ad inopiam bellorum atrocitas, aut, ut veram loquar, diuina correctio reduxerunt. O immensa & ineffabilis Dei providentia, cuius incomprehensibilia iudicia, & via inenarrabiles! Id demum in tuis exacerbationibus signum pietatis accipimus, quod & nos corrigendo dirigas, & dirigendo salutis viam simul atque serenitatis virgam ostendas. Quid enim cum populo tua maiestatis iram provocanti mitius egisse potuisti, quam Regem saluasse superstitem, & fortuna sauenti, ausisque furialibus in eum abcen-

di negasse licentiam, quatinus edoctus præteritis futura prævideat, nostraque pacis stabilimentum existat? Ceterum, quis ingratus abnegat, quod nobis misertus iudicium propiciationis ostendas? cum Virgam furoris tui Henricum illum Gallicæ genti tremendum confregisti, ut ex eo non nostræ potestate, sed tua virtute, sine Gallica manu, Gallica tamen tellus triumphet. Cesset oratio præteritis euagari, & lacrymas fortuna dare. Amodo futuris consulere cum necessitate cogimur: aggrediamur virtutem. Cessit diminutus hostis exterior, & bellorum primordialis ipsa materies, * ipseque Deus nostræ concordie clemens aspirat, si non pertinacibus animis nostræ paci nostraque saluti resistamus. Nobis natura regem instituit, lex stabilivit, & diuina miseratio cladibus eripuit, ut dispersiones nostras congreget. Et quos in varias partes diuersa traxit affectio, in verum heredem natura legeque regno petitem conscientia recta conciliet. Dementia siquidem opus, & perditissimum inconstantia genus censetur, Regem aspernari liberalem, ut tyrannicæ ditioni subseruias. Pape! perniciosum periculum fragileque certamen in se constituit, qui natura renititur. Hæc haud dubium iure suo violenta reducit. Nullum enim violentum perpetuum. Quinimo repetunt proprios quæque recursum, redituque suo singula gaudent.

* spiritusque
nostra

Eya, Viri Gallici, quid nostræ paci morā facitis? Fauet Deus, natura mouet, Rex euocat, res ipsa temporaque congruunt. Soli restant animi, quos si tam sacro operi negat impietas, lapso tempore natura trahet. Ac bellitadinem & arumnarum impatientia pacem velle compellent, cum forsitan Deus & fortuna negabunt. Tuus qui nos Virga correctionis percussit Altissimus, induratos pacique rebelles, ac clementia donis indignos malleo perpetuæ indignationis confringet. Gentibus enim, quæ bella volunt, per Prophetam imputatur dissipatio, vastitas quoque & contritio in viâ eorum, quia viam pacis non cognouerunt. Adhuc si celi motus, siderumque perpetuos decursus attendimus, ea pace regi constabit, quibus sempiterna vita deputata est. Hanc solam in terris habere possumus, sine qua beatos esse non liceat, & quæ paradisi similitudinē mortalibus ingerat & figuram. Quicquid præterea mens agitet, aut ceca molitur nostræ mortalitas, huc tendimus, & nostris laboribus pax fructus est, & mea tranquillitas. Finis enim belli pax, neque bellamus ut bellemus, sed ut pacem viuentibus optandam consequamur. Ratione recta pacem quarimus, sed humana passione à pacis semitis per bella deuiamus.

Indicet igitur pacis amator, quibus deuus is aberraret, qui pacem perse-

PPP ij

quitur. Ille siquidem per vulnera & mortes pacem longe fugientem per-
 *humanitati quirit, effugat operibus quam votis euocat. Ac ille modestia & *hu-
 militati sese dare facilis est, quam lucrificasse summa victoria est. Nemo
 enim nisi victor bellum pace mutauit. Quin etiam olim summum illis
 gratitudinis beneficium ferebatur, qui pacem ferro petitam ingenio atque
 industria placabili componebant. Et cum vita precio, corporisque suppli-
 cio quaereretur, pia suasionem aequanimiter aderat comparata. Ea pietate
 Sabina mulieres Romanaeque coniuges utriusque sanguine permixtos
 paruulos inter acies ordinatas cum porrigerent, iam vibratos gladios co-
 *híbuerunt, pacemque communibus lachrymis concesserunt. Et ut *intimius
 nostrorum exempla moneant, ex Annalibus recolimus Clotildem Francorū
 Regina inter Clodouei suosque filios bella sedasse ciuilia, quibus regni la-
 titudo à Rheno usque ad Rhodanū vastabatur. Simili merito nostrae paci
 conferant iura sanguinis, & virorumque permixta cognatio, si non a na-
 tura prorsus nos ipsos efficiamus alienos, animis discordamus, sanguine
 iungimur. Idque restat, ut cordis duritiem ad sanguinis unitatem re-
 formemus; ac si nostri non miseret, saltem patriae natis nepotibus-
 que communibus misereamus, quos nostra bella miserandos relin-
 quent.

Sed breuitatis amor imperat, ut orationis decursum restringamus:
 primum tamen visuri, quae sit illius pacis conditio, quae tantis studiis no-
 bis inuestiganda praedicatur. Hoc autem potissimum siue praecceptum siue
 monumentum affero, ut ad Deum pacis auctorem nostrae pacis qua-
 ratur initium, à quo necis vitaeque momenta dependent. Si iratus est
 furor eius, quis pacem sperabit? si nos percutit, quis nos proteget? si capti-
 uos despicit, quis à captiuitate liberabit? Pauens tremensque pertimesco,
 ne manus eius adhuc extenta sit; quia non est reuersus populus ad percu-
 tientem. Quid autem scribat Hieremias attendamus: Quis misere-
 bitur tui? quis contristabitur super te? aut quis ibit ad ro-
 gandum pro pace tua? Tu dereliquisti me, dicit Dominus.
 Nec minus pace intrinseca opus est, ut à passionibus, ira, odio, fauoreque
 liberi, animos aptemus ad pacem, & quam adeo pie petimus, dignè conse-
 quamur. Non enim est pax impijs, sed in patiente disposito agens agit.
 Sunt ea propter regulanda desideria, restringenda odia, affectus frenan-
 di, & legi rationique parendum. Iamque fortunam non sequamur, sed
 virtutem & nostros mores, non ad tempora, sed ad aequum rectumque
 componamus. Absurdum enim pacem his artibus moribusque quari,
 quibus bella concitata sunt. Nam principia contrariorum liquet esse con-

traria. Constat autem Vbi superfluitate morbus incæpit corporibus, contraria paritate curari. Eo pacto necesse est, si pacem volumus, ut paci contrarios caueamus abusus, & fortes animos atque viriles constantias induamus. Non enim muliebribus votis Dei parantur auxilia, sed vigilando, consulendo, bene agendo, prosperè omnia cedunt. Vbi vero te ignavia socordiaque dedideris, frustra deos implores. irati enim, infestique sunt. Enimvero diuina misericordia iam placata nostram conspirabit ad pacem, si mentes concordie capaces inueniet. Dabit desuper non fictam pacem, non suspectam, non odiosam: sed quæ est concordantium in bonum animorum ordinata tranquillitas. Hac enim est, quæ nihil curiosius queri, nihil præstantius observari, nihil dulcius inueniri liceat. Hac felici tranquillitate quiescimus, hac boni finem quærimus, hac rerum ordinem morumque seriem conseruamus.

Verumtamen huius speciem ficta quidem & adulterina paces accipiunt, quæ pacis titulum nomenque mentite, re dissonant. Has velut Scyllam & Carybdim & Sirenes in exitium dulces, & in naufragium suauiter detrahentes vitandas annuncio. Primam siquidem simulatam dicimus pacem, quædo quis pacem loquitur cum proximo suo, & occultè ponit ei insidias. Secundam appellauere quidam affectatam, quam qui volunt, simul & quæ sua sunt appetunt: neque suos affectus ad pacis necessitatem, sed pacem ad sua desideria metiuntur. Ambas nostri videre dies, quarum ingressus vana exultatio, sed flebilis exitus merito nos efficit cautiore. Tertia verò pax imprecata est, cum quis exemplis crudelibus, mortisque terrore virorum corpora tacita, sed non corda subiecit. Et hanc Syllana rabies. Roma consecuta est, cuius titulo se pacis auctorem Sylla sapiens appellauit, cum trucidatis Marianis eius in conspectu Roma siletet. Parthiaque tellus eius pertulit insaniam, cum diebus abominandis manus impia cruentas secures in mortem exercibat, lingua verò pacem extollendo clamabat. Sic eo rerum turbine verba factis, mentes mentibus, & omnia omnibus discrepabant. Tantopere rerum vices & ciuitatis illius fatum omnia miscuerant. Illas obsecro non velut paces consequamur, sed tanquam bellorum latibula fugiamus. Forſan enim harum satellites venient, & dicent, Pax, pax: & non erit pax. Iure nequaquam licito bellum amittitur, nisi titulo iusto, recta intensione, necessitate, & Principis auctoritate concessum sit. Simili iudicio ad restaurandam pacem affectio publica, animus in consulendo liber, indulgentia largitas, & Principis or-

dinata potestas exiguntur. Si est idcirco pax ipsa tranquillitas ordinata, si ad pacem ordinata potestas vires habeat precipuas, ab uno illius ordinis series effluet, & ad unum caput, ut Principem atque Regem ordinata multitudo necessario reducentur.

Igitur bone Rex, quem fortuna tenellum periculis evulfit, & duris exercet laboribus, patientia vince dementiam, temeritatem clementia reprime. Nam & aves cali pradones, & fere nemorum mansuetudinis atque humanitatis usu domantur, ut pugnis insideant, veniantque vocata. Tua enim res agitur, & quo tibi maior instat pacis utilitas, cuius regno debitor effectus es, eo cura praestantior inuigilet. Vos autem Principes & Proceres, qui hucusque sparsi bella timetis, & pacem negligitis, reuocate animos, ac si praesse vultis in populos, pacem in subsidium, aut arma in regni praesidium assumatis. Non enim vobis ipsis praestis in populos vel subditos: sed ut Regi parere populoque prodesse valeatis. quod si spernitis, & simulata fide temporibus obsecundatis; neque pace frui, neque bello claros fieri licebit. Sed auferet Dominus forsitan partem vestram, & velat truncos inutiles, & qui frustra terram occupant, radicibus extirpabit. Eos autem, quorum integra fama, & fides infracta tanta tempestate permansit, non nostra oratio, sed sua virtus hortabitur. Ex fine siquidem opus meritum sumit, resque laudem: & cum ceterae virtutes collaudentur, sola perseverantia coronatur. Aliorum vos tanti Duces certaminis, & cemmoti Principes, studiosius aggredior, atque adiuro per immaculata Virginis misericordiam salutare: si quid apud vos regia domus gignendo, patriaque fouendo meruerit, animos ad pacem convertite, viresque nimium patriae damnis exercitas in hostes externos diuertatis. Perniciosus enim reipublica vir alitur, qui eius detrimento sui desiderij supplementa comparat, aut quicumque pacis aut publicae restorationis amorem odiis postponit iniquis.

Nonne & viros grauis poena sequuta est, qui gentes pacificas bellis infestauere forensibus? Hoc Alexandri venenum, Dary currus laesit, Antiochi vermiculosa putredo, mugitus Nabuchodonosor, Cyri sanguinolenta submersio, Craesi patibulum, Hannibalis sua manu commissum homicidium, Holofernis muliebre iudicium, Aman suspendium, & Caesaris stillis ferreis stipatum consilium ducere. Vbi verò tyrannos, extraneaque arma mouentes

supplicia dira concutiunt; quid natale solum impudenter conturbantibus à Deo prater tormentum durissimum, opprobrium vile, exitusque vita damnatissimus parabitur? Qui verò iniurias odiaque patrie charitati condonant, & animos ad pacem moderantur; vita tui, & honesta morte digni redduntur. Vobis autem Consalibus & Cleris Principes & populos hortari liceat in doctrina sana, in verbo veritatis, in charitate non ficta: & paci Regique contradicentes renuncere. Audi verò, miserrande populus, cui pax nutritrix est, & beatitudo tranquillitas: excutere de pulvere miserrande servitutis, naturalem cognosce dominum, pacem discce pati. Lustè etenim obedire regemque sequi, cui gradus maxima dignitas est, atque summa securitas. Sed mutationibus orbisque dominiis inclinare, instabilitas est, quam merito consequitur pœnalis infelicitas. Fortasse ideo condolendum præteritis, & futuris consulendum est. Melior enim tarda pœnitentia, quàm repentina subversio.

Ad te pastremuræ stylum conuerto famosa civitas, obtestorque viscera, si quid tibi gloriæ est regni sedere Gallia caput, & nominis maiestatem consequi; non te meretricio prostituas alieno. Non civitas peccatrix olim increaris appellari, quæ iustitiæ cultrix, & veritatis origo predicabaris in orbem. Iam sola sedere incipias, & plena populo delitiis abundabis. Compatere polluta fama, ac desolationi tua cōdoles: & oculis in te conuersis tui casus teipsam pœniteat. Tantum pacem velle tibi salus erit, volendi quoque & consequendi facultas simul, cum te praeueniat regis pacem offerentis gratuita voluntas. Habeo in promptu quo resurgas, si non pertinacia teipsam ruina damnaueris. In te demum Virgo puerpera nostra finalis spectatur oratio. Vosque sancti Martyres Dionysi cum socijs, quorum sanguinis effusione Gallica tellus Christiana religioni consecrata est, deuotis mentibus obsecramus, eam, quam non potest mundus dare pacem, apud pacis auctorem non in nostris meritis, sed in suis miserationibus impetrate. Et cum te Dei genitricem, Gallicæ gentis patronam, vosque Martyres nostræ fidei collocamus Apostolos: deditas vobis sedes, solemnia templa, cultusque deuotos, arcete à periculo: ac pacis patrocinio gregem vestrum in portum salutis dignis suffragijs perducatis. Amen.

Inuectiua contra ingratum Amicum.

EPISTOLA II.

MALVISSEM tecum de beneficiis quàm querimoniis contendere, vir ingratus; & in laudes tuas facilius calamus efflueret, si non tua opera opponerent. Sed nihil aliud quàm inuectiuam scribere tibi tua me inhumanitas coegit, quam ex intimo in alienum, & ex grato in ingratum videor commutari, aut ut rectius loquar simulatione ignoratam opere agnosci. Hoc enim solum gratitudinis tibi debeo, quod tandem te ipsum manifestasti, ne ulterius fiducia tui fallerer, cum satis sis fidem irritasse priorem. Agis non ut amicum, sed ut te decet: & me ipsum doces ad amicitia capescenda fœdera cautiorem. Contempsisti non me, sed te ipsum: neque ego à te tam contemptus, quàm tu contemptibilis, qui iam fortunatus non agnosci quàm miser & afflictus. Totiens obsecrasti mihi prosperi Dei deus. Ego tibi oppresso ope consilioque affui, te postulantem non exaudire nesciui. Me audire iam tædet & pudet te, cum dolens tuos affexi dolores: & tristem me despicias, praesentiam tuam negas. Ego tibi vitam & quicquid viribus & ope poteram, tuae necessitati exhibui. Certe non alienus factus es, sed ad te ipsum redisti, & qualis esses tandem mores ostendere. In me tantum alteratio est, cui alia nunquam fuit de tua integritate opinio. At tuae mentis habitus non inimicus est, sed detectus: & si mores tui tibi subtrahant, conscientia tamen ingratitudinis monet, eo quòd inuitus me vides, quo gratitudinum mearum cogeris reminisci. Parui existimas forsitan fragilitates meas. Ego vero eas tantopere caripendo, quòd & si exiguae sint, multa tamen processere charitate. Qui enim quantum posset egisse volet, si non quantum vult potest, plus quàm potest egisse videtur. Dedignarer recitatione in te beneficia enarrare mea, ne potius ea irritare quàm detegere viderer. Sed digna est illegalitas tua cui referantur: & ut apud Terentium est, Iste commemoratio quasi exprobratio est immemoris beneficii. Quamquam enim à benefactore commemorari beneficia indignum sit, indignius tamen susipientem obliuisci. Est enim animosus in mentibus curialitatis impensa facilis obliuio, sed susceptae longa memoria: ac obliuiosè accepta gratitudo actorem repetit, & susipientis neglectu indignata se ipsam reduci cupit in memoriam.

Non

Non mireris quod tibi impropero, sed mireris te ipsum qui amicitia mea impropertum facis, & me recordari communes quod agnoscere negligis. Presumis me debito fecisse, quod amore feci: & de te omnia putans, iuri tuo meam liberalitatem imputas. Certè non tibi natus sum, & quannus auctoritate fulgaris, ego ut tu natus liber liberè vivo: nec amare non amantem scio, aut Urbanus esse contemnenti. Nusquam ego fortuna libens scriui, sed amicitia: quæ vicissitudinem si non operis, saltem voluntatis habet. Satis in me exuberasse credis, si me vides. Si mihi porca pateat tua, pro magno haberi existimas. Sed non sic vitam contempsi, ut eam tua vanitati debeam: nec adeo pompa proximus esse placeat, quod tuus pedissequus dici delectet, tuumque simulachrum pronus adorem. Et quantum lusque homuncio sim, aliquam mihi partem honestatis ascribo: quanquam & si fortuna non foris ostendat, intus auferre non potuit. Dum mihi desunt res, non deest animus. Ac si quod fortuna donum non meum, sed mecum est, tollere poteris. Quicquid autem ex virtutis studio excerpti, meum manet, tantillum quantum est. Nec eo minus amicitia dignus sum, quo pauper. Paruum enim amicitia fundamentum in diuitiis est, tum propter pecuniam: nec veri amici sunt, sed falsi apparent. & sublata non veros tollit, sed fictos manifestat. Videor iam dispar tibi, nec amicitia coequabilis. Ego verò virtutem amicitia mensuram existimo, non fortunam. Te dilexi cum deterior esset fortuna tibi, neque paruit mihi fortunatio: te carpendere infelicem, & periculorum tuorum me socium, operumque mearum participem te fecisse. In causa es quia egenus sum, nec parum temporis aut facultatis modicum tibi concessi: aut verius dicam, in te consumpsi. Equidem nec fecisse me pœnitet, nec opus recepisse vellem exhaustum, sed consumptum. Tempus persolui amicitia quod debui, nec operi pœnitentiam, sed austeritati tribuo. Non piget quod feci ad meritum mihi, sed pudet immemori fecisse tibi. Sic vanis hominibus cordis penuria exinaniri solet, ut quorum debitores sunt, hos inuisos habeant: quasi turpe sit cuiuspiam ope eguisse, & recordari. Non hæc scripsi, ut te ad amicitia iura reducam, aut quidpiam repetitionis prætendam. Satis est, ut me non ignarum ingenij tui, seu granitatis mea incuriosum minime iudices. Gloriam, & potentia tua fastum tibi relinquo. Quæ tua sædifraga ingratitudine deturpasti intus habeas. Maneant, ego ad me reductus viam, & in hoc gloriabor à te segregatus, quod infractam meam fidem reporto, tuam violatam relinquo. In me de cetero nihil vendices. Vive tecum, & cum his quibus amicitiam simulare industria est, amicitia carissima caritativis. Et vale, ut decet viros, qui sibi solis valent.

QQQ

placatas alliciat. Ij te decent labores, hac tua fragilitati verba & incitamenta conueniunt: vs pacem suadeas. Age quod neminem plura egisse pudebit, & tua prolis tuitione paci consule. Cunctis commoneas quod cunctis optandum est, neminique dedecentem & omnibus utilem pacem perquire. Quod utinam expleas ad gloriam tibi cum fructu, nostramque salutem, concedente pacis auctore, qui te dirigat felicibus incrementis. Amen.

FINIS EPISTOLARVM.



LES
POESIES DE
MAISTRE ALAIN
CHARTIER.

LE DEBAT DV REVEILLE-MATIN.

A Pres menuit entre deux sommes,
Lors qu'amours les amasreueille,
En ce pays cy où nous sommes
Pensoye ou list ainsi qu'on veille
Quant on a la puce en l'oreille,
Si escoutoye deux amoureux
Dont l'vng à l'autre se conseille
Du mal dont il est douloureux.

Deux gisoient en vne couche,
Dont l'vng veilloit qui fort amoit,
Mais dès long temps n'ouvroit sa bouche
En pensant que l'autre dormoit:
Puis ouy-ie qui le nommoit,
Et huchoit pour mettre à raison,
Dont l'autre formoit le blasmoit,
Et disoit, Il n'est pas saison.
[*Disoit celui qu'amours tenoit
En telle pensèe amoureuse,
Que de dancier ne luy tournoit,
Ne de faire chere ioyeuse:
Ce me semble chose honteuse
Que de dormir tant & si fort,
Et de tant m'est elle ennuyeuse,
Car il ne sert de riens qui dort.]

**Adieu
du M.*

QQ q iij

Dist eceluy qui dormir vouloit,
 Et à dormir auoit apprins,
 Et de parler ne luy chaloit,
 Car de sommeil estoit esprins:
 Frere se vous auez emprins
 A veiller pour vostre plaisir,
 Les autres n'y sont pas comprins,
 Face chacun à son desir.

Ha ha/ dit l'amoureux, beau sire,
 Tel voulüst veiller qui sommeille,
 Tel pleure qui bien voulüst rire,
 Tel cuide dormir qui s'esueille:
 Non pourtant bonne amour conseille,
 Et meult souuent le dit on bien,
 Que l'un amy pour l'autre veille
 Au gré d'autrui, non pas au sien.

Le veillasse moult volentiers,

Beaux amis, pour vostre plaissance,

Se vous peüssiez endementiers

Dormir pour moy à souffissance:

Mais remettez en oubliance

Jusqu'à demain toute autre chose,

Et dorme qui aura puissance,

Car il languist qui ne repose.

Oblier, las il nentr'oublie

Par ainsi son mal qui se deult.

Chascun dit bien, oblie, oblie,

Mais il ne le fait pas qui veult.

Tel le voudroit qui ne le peut,

Penser luy fault, plaise ou non plaise:

Mais cil qui la douleur n'a queult

Si en parlent bien à leur aise.

Et quel bien, & quelle conquete

Peult il doncques venir à homme,

De veiller & rompre sa teste,

Sans prendre ne repos ne somme?

Cela ne sert pas d'une pomme

A ce de quoy homs a besoin:

Dormez, & puis apres en forme

Faites ce dont auez le soing.

Le dire ne vous couste guere,

Mais ie le sens bien autrement:

Bien dormir est chose legiere

A qui pense legierement:

Pour ce fait on fol iugement

Bien souuent, & à pou d'arrest,

Sur ceulx qui ont tel pensément,

Quant on a essayé que c'est.

Est-ce par ieu ou passe-temps,

Ou fil vous en va en ce point?

Ie ne pourroye estre contents

Quant à moy de ne dormir point.

Qu'avez vous? quel mouche vous point,

Dont tant en vain vous trauaillez?

Au fort ia n'ira moins à point,

Se ie dors tant que vous veillez.

Iouer, las! nenni. c'est acertes

Si au vif qu'on ne pourroit mieulx,

Puis que tout y va, gaing ou pertes:

Il est assez de plus beaulx ieux.

Mais quant vng bon amy est tieulx,

Que vers son amy bien se porte

Et à toute heure & en tous lieux,

Il n'est riens qui tant reconforte.

Quel reconfort, ne quel secours

Vous peult il venir de ma part,

Se vostre mal vous vient d'amours,

Ou du trait d'vng plaisant regart,

Ou de refus, dont Diex vous gart?

Car plus vouldroit tenir prison.

Celle qui a gecté le dart.

Porte avec soy la garison.

La garison ne me peult pas,

Amis, venir de vous ne d'ame,

Ne ie ne puis passer ce pas

Se ce n'est par mercy de Dame.

Mais fà vous com amis sans blasme

Ie dy ce qui m'estraint & charge,

* desgor-
geant

En * desceourant ma dure flamme
I'en auray le cueur plus à large.

Doncques puis que vous le voulez,
Et que le dire vous prouffite,
Et la douleur dont vous doulez
Amendrist, d'estre plainte, & dicté:
Ie vous requiers que ie m'acquitte
Enuers vous d'en oyr le compte,
Et s'à autres ie le recite,
Ie vueil auoir reprouche & honte.

Par Dieu, frere, ie vous diray, *
Com à homme à qui ie me fie
De ce dont plus grand desir ay;
Soit pour ma mort, ou pour ma vie:
I'en ay long temps vne seruie
A mon gré bonne, sage, & belle,
Et de tout bien tref-assouie,
* Fors que pitié n'est pas en elle.

* Maiz

Certes puis que nature a mis
En elle tant de biens en cœuure,
Il ne peult estre, beaulx amis,
Que soubz eulx pitié ne se cœuure:
S'elle si tost ne se desqueuure,
Portant ne vous desconfortez:
Car il ne faulr pas qu'il recœuure
Ne vous, se bien vous y portez.

* ennuy &

Porter, las! qui pourroit iamais
Amer Dame plus loyaulment,
Que i'ay fait celle, & que ie fais,
Dont i'ay souffert tant longuement
Dure peine, * ennuyeux tourment,
Qu'il pert que ie fuz né à tout,
Et qu'onques ne fu autrement,
Et si n'en puis trouuer le bour.

Dea compains, qui se veult soubzmettre
Dessoulz l'amoreuse maistrise,
Il se fault de son cueur desmettre,
Et n'estre plus en sa franchise,
Se vostre vouldenté s'est mise

En Dame

En Dame où il a tel dangier,
Il fault qu'il en soit à la guise,
En vous n'est pas de la changier.

En moy n'est-il, ne il n'affiert
Si non de prier & de plaindre,
Comme celuy qui merci quiert,
Et qu'amours fait à ce contraindre.
Mais fil est ainsi que pour faindre
Plusieurs ont du bien, comme on dit,
Et le loyaulx n'y peult attaindre,
Je suis maleureux & maudit.

Qui bien a commencé parfasse,
Qui bien a choisy ne se meue:
Car à la fin quoy qu'on pourchasse,
Qui dessert le bien il le treuve.
Vng cueur loyal de fine espreuue
A plus de ioye, quoy qu'il tarde,
Que n'ont ceulx qui font Dame neuue
De chacune qui les regarde.

Vng bien de ceulx qui loyaulx sont,
Quant il leur peult d'amours bien prandre,
Est si grant, que les faulx n'en ont
Pas les cent mille pars du mendre.
Mais le grief mal que c'est d'attendre
En longue douleur la desserte,
Leur fait sembler qu'on leur veult vendre
Ce qu'amours donne ailleurs en perte.

Je ne sçay se trop en enquiers,
Mais puis qu'en moy tant vous fiez,
Or me * comptez ie vous requiers,
Quant il auient que vous priez.
La belle, & mercy luy criez
A basse voix, à ioinctes mains,
Pour chose que vous luy diez
Y trouuez vous ne plus ne mains?

Certes quant à ceste demande,
Croyez & le saichez de voir,
Que la douceur d'elle est si grande,
Le beau parler, & le sçauoir

*dites

R R r

Soit d'eslongner ou recevoir,
 Et sa responce si courtoise,
 Que plus luy pry sa grace auoir,
 Et mieulx scay que ma douleur poise.

Il n'est point de Dame en ce monde,
 S'il aduient que on la requiere,
 Qu'il ne faille qu'elle responde
 En vne ou en autre maniere.

Dame n'est mie si legiere
 Que pour son droit ne se deffende:
 Combien que sa durte soit fiere
 A la fin fault qu'elle se rende.

Pour plaindre ne pour sospirer,
 Ne pour riens que ie puisse dire,
 Autre chose n'en puis tirer
 Ne d'octroyer ne d'escondire:
 Fors sans plus qu'il me doit souffire
 Sans y réclamer autre droit,

*s'elle *Qu'elle veult mon bien & desire,
 Et de chacun en son endroit,

C'est vne chose bien seant
 A Dame de tout bien vouloir,
 Et de n'estre à nulluy beant.
 Bel'acueil si a bon vouloir,
 Mais s'un loyal pour mieulx valoir
 De tous pointz à vne se donne,
 Il se doit de son mal doulour,
 Se autrement ne le guerdonne.

Trembler, tressaillir, tressuer,
 Triste de cuer, foible de corps,
 Cuer faillir, & couleur muer
 M'a veu souuent, & mes yeulx lors
 Plourer ens, & rire dehors,
 Pour estre aux ioyeux ressemblant:
 Et puis n'y trouué-je rien, fors
 Courtois parler, & beau semblant.

Se le beau semblant vient de cuer
 Nayf, & non pas contrefait,
 Ne croyez, frere, pour nul feur,

Puis qu'elle congnoist vostre fait,
Et pour l'amer de cueur parfait,
Vous voit souffrir si dure peine;
Se le mal d'amours vous meffait,
Croyez qu'elle n'est mie seinc.

Nully ne prent melencolie
De chose dont il ne luy chault:
Se i'ay du mal c'est ma folie,
*Ce ne luy fait ne froit ne chault.
Et au fort qui plus bee hault,
Et plus a fort à besongner:
Par Messire Odde, & par Mahault
Le pouez assez tesmoingner.

Or par la foy que vous deuez,
A Dieu & à vostre Maistresse,
Est-ce tant que vous y auez
D'esperance ne de promesse?
Auez vous prise ceste adresse
De l'amer tousiours sans rappel,
Et de renoncer à liesse
Pour demourer en ceste pel?

Si m'aist ores Dieu, que ie sens
Mon cueur si hors de mon baudon,
Que quoy que soit, folie ou sens;
Puis que ie le donnay en don,
Et n'eussé-ic i' jamais guerdon,
Il me conuient en ce point viure,
Et se i'en meurs Dieu me pardon,
Si seray de tous maux deliure.

Mercy de Dame est vng tresor
Pour enrichir amans sur terre,
Si n'a pas chacun ce tresor
Qui a volenté de l'acquerre:
Mais le faut en dangier conquerre,
Et en souffrir douleur amere.
Car pour crier ne pour requerre,
Nul n'a bien s'il ne le compere.

Que puis ie comparer plus chier
Que mettre cueur, vie, & courage?

R Rr ij

Je n'ay mieux pour en gieu couchier,
 Si bon plege, ne tel ostage.
 Mais ma Dame à trop l'auantaige,
 Dont la chose est tres-mal partie.
 Car elle tient mon cueur en gaige,
 Et fault qu'el soit iuge & partie.

Aux amans est de bien seruir,
 Afin qu'en grace ilz aduiennent,
 Et aux Dames de deffervir
 A ceulx qui à droit se maintiennent.
 Puis que les biens des Dames viennent,
 A elles est deu le seruice,
 Et est bien raison qu'elles tiennent
 Sur leurs seruans court & iustice.

Je ne dy pas, Dieu m'en deffende,
 Qu'il ne soit raison qu'elle iuge
 Sur moy tel peine & tel amende
 Qu'il luy plaist : car pour cela fu-ge
 Contraint de vñir à refuge
 Vers elle, qui ne s'en recorde.
 Mais bien seroit en vng tel iuge
 Vng pou plus de misericorde.

Puis que vous estes si auant,
 Sçavez vous com' il en ira?
 Il vous fault viure en la seruant,
 Souffrir tant qu'il luy souffrira:
 Et puis quant ell' vous sentira
 Humble, secret, & bien amant,
 Par Dieu son cueur s'adoulcira.
 Dame n'a pas cueur d'aimant.

Helas ! ie n'ay pouoir, n'espace
 D'aller auant, ne de retraire.
 Je suis le poisson en la nasse,
 Qui y entre, & ne s'en peult traire.
 Viure en ce point m'est si contraire,
 Qu'il me fait cueur & corps faillir:
 Mais pour riens que ie sache faire,
 N'en puis eschapper ne faillir.

En attendant sans soy lasser,

Ne autre que vous accuser,
 Vous conuient il le temps passer.
 Bien attendre n'est pas musier.
 Trop grant attrait fait amuser
 Souuent, & deçoit, & aluche:
 Mais soubz vn courtois refuser
 Sont les biens d'amours en embuche.

Dés long temps ie n'ay sceu ouurir,
 Ne trouuer maniere ne tour,
 De ceste embusche descouurir
 Où est ma ioye en vn destour.
 I'ay esté emprés & autour,
 Mais oncques à elle n'auins:
 Et quant ie viens à mon retour,
 Ie suis en l'estat que ie vins.

Bel acueil n'est mie flays
 D'amours, qui n'a cure d'orgueil:
 Mais l'a fait franc en son pays,
 Si que nul si hardy sur l'ueil
 De clamer droit sur bel acueil,
 Ne changer de ses biens, fors ce
 Qu'il en donne de son bon vueil,
 Sans faire contrainte ne force.

Nully ne peult amours forcer
 A donner les dons qui sont siens,
 Ne ie ne m'en vueil efforcer
 Qu'à requérir grace, & plus riens.
 Mais tant qu'en loyauté me tiens
 Peult suruenir autre seruant,
 Et me reculer de ses biens
 Que i'ay pourchassé par auant.

S'aulture luy plaist, & elle l'ame,
 De trop plaindre ne vous pouez:
 Mais s'elle pour seruant vous clame,
 Si l'en merciez & louez,
 Autrement ne vous y ioïez.

Car il conuient que les * dons voïent
 Aux saintz à qui ilz sont vouez.
 Ceulx qui n'en ont si s'en appaisent.

biens

R.R. r. iij.

Las voire ! mais comment prendra
En gré cueur qui longuement sert,
S'il voit vng autre qui tiendra
La ioye des biens qu'il dessert?

*S'en bien seruant on
le dessert,
Son seruice est bien
aduenant,
Quant le temps & le
loyer pert,
Et le reçoit vn sur-
uenant.

* Adionste
du Ms.

*Celuy est bien fort qui se asseret,
Pour venir à si grant dangier,
Que son seruice & loyer pert
C'est assez pour vif enragier.

[*En amours n'a se plaisir non,
Tely cuide estre receu,
Et plaire & auoir renon,
Qui en est bien souuent deceu :
Et quant vne Dame a veu
Des gens. d'un & d'autre degré,
Puis que le chois luy en est deu,
Elle se doit prendre à son gré.

Or pry-ie à Dieu qu'il m'en doint
Selon le bon droit que i'y ay,
Et que ja Dieu ne me pardoint
S'oncques vers elle variay.
Mais puis que premier la priay,
Et qu'elle congnoist mon desir,
Je prie à Dieu où me fiay,
Qu'il ne luy doint pas pis choisir.

Ainsi l'aube du iour creua,
Et les compaignons se dormirent,
N'oncques nulz d'eulx ne se leua
Tant qu'huit heures leuer les firent.
Si mis en escript ce qu'ilz dirent
Pour mieulx estre de leur butin,
Et l'ont nommé ceulx qui le virent,
Le debat Reueille-matin.

LA BELLE DAME SANS MERCY.

Et parle, l'Acteur.

N'Agueres cheuauchant pensoye,
Comme homme triste & douloureux,
Au dueil où il faut que ie soye

Le plus dolant des amoureux;
Puis que par son dard rigoureux
La mort me tolli ma Maistresse,
Et me laissa seul langoureux
En la conduicte de tristesse.

Si disoye, Il fault que ie cesse
De dicter & de rimoyer,
Et que i'abandonne & delaisse
Le rire pour le larmoyer.
Là me fault le temps employer,
Car plus n'ay sentement ne aise,
Soit d'escrire soit d'enuoyer
Chose qu'à moy n'à autrui plaise.

Qui voudroit mon vouloir contraindre
A ioyeuses choses escrire,
Ma plume n'y sçauroit attaindre,
Non feroit ma langue à les dire.
Ie n'ay bouche qui puisse rire,
Que les yeulx ne la desmentissent:
Car le cueur l'en voudroit desdire
Par les lermes qui des yeulx issent.

Ie laisse aux amoureux malades,
Qui ont espoir d'allegement,
Faire chansons, ditz, & balades,
Chacun en son entendement.
Car ma Dame en son testament
Prist à la mort, Dieu en ait l'ame,
Et emporta mon sentement,
Qui gist ô elle soubz la lame.

Desormais est temps de moy taire,
Car de dire ie suis lassé.
Ie vucil laisser aux autres faire
Leur temps, car le mien est passé.
Fortune a le forcier cassé
Où i'espargnoye ma richesse,
Et le bien que i'ay amassé
Ou meilleur temps de ma ieunesse.

Amours a gouuerné mon sens,
Se faulte ya, Dieu me pardonne!

Se i'ay bien fait, plus ne m'en sens,
 Cela ne me toulte ne me donne.
 Car au trespas de la tres-bonne
 Tout mon bien fait se trespassa.
 La mort m'assist illec la bourne
 Qu'onques puis mon cuer ne passa.

En ce penser & en ce soing
 Cheuauchay toute matinee,
 Tant que ie ne fuz guere loing
 Du lieu où estoit la disnee:
 Et quant i'eu ma voye finee,
 Et que ie cuiday hebergier,
 Pouy par droicte destinee
 Menestriez dedans vn vergier.

Si me retray volentiers
 En vng lieu tout quoy & priué.
 Quant deux mes bons amis entiers
 Sceurent que ie fuz arriué,
 Y vindrent, tant ont estriué
 Moitié force, moitié requeste,
 Que ie n'ay onques escheué
 Qu'ilz ne me mainent à la feste.

A l'entrer fuz bien recueilly
 Des Dames & des Damoiselles,
 Et de celles bien accueilly
 Qui toutes sont bonnes & belles.
 Et de la courtoisie d'elles
 Me tindrent illec tout ce iour
 En plaissans parolles & belles,
 Et en tres-gracieux seiour.

Disner fut prest, & tables mises,
 Les Dames à table s'assirent,
 Et quant elles furent assises
 Les plus gracieux les seruirent:
 Telz y ot qui à l'heure vinrent
 En la compaignie liens,
 Leurs iuges dont semblant ne firent
 Qui les *tenoient en leurs liens.
 Vng entre les autres y vy,

*tenoient

Qui

Qui souuent alloit & venoit,
Et pensant com' homme rauy,
Et gueres de bruit ne menoit.
Son semblant tres-fort contenoit,
Mais desir passoit la raison,
Qui souuent son regard menoit
Telz fois qu'il n'estoit pas saison.

Defaire chiere s'efforçoit,
Et menoit vne ioye fainte,
Et à chanter son cueur forçoit
Non pas pour plaisir, mais pour crainte.
Car tousiours vng relaiz de plainte
S'enlassoit au ton de sa voix,
Et reuenoit à son attainte
Comme l'oyfel au chant du bois.

Des autres y eut plaine salle,
Mais celuy trop bien me sembloit
Ennuyé, maigre, blesme, & palle,
Et la parolle luy trembloit.
Gueres aux autres ne sembloit,
Le noir portoit & sans deuise,
Et trop bien homme ressembloit,
Qui n'a pas son cueur en franchise.

De toutes festoyer faignoit,
Bien le fist, & bien luy sceoit.
Mais à la fin le contraingnoit
Amours, qui son cueur ardeoit
Pour sa Maïstresse qui veoit,
Que ie choisy lors clerement
A son regard, qu'il asseoit
Sur elle si piteusement.

Assez sa face destournoit
Pour regarder en autres lieux,
Mais au trauers l'ueil retournoit
Au lieu qui luy plaisoit le miculx.
L'apperceu le trait de ses yeulx
Tout empenné d'humbles requestes,
Et dis à par moy, Si m'aist Dieux,
Autel fuz mes comme vous estes.

SSf

A la fois à part se tiroit
 Pour reformer sa contenance,
 Et tres-tendrement souspiroit
 Par doloieuse souuenance:
 Puis reprenoit son ordonnance,
 Et venoit pour seruir les metz.
 Mais à bien iuger la semblance,
 C'estoit vn piteux entremetz.

Après disner on s'auança
 De danser chacun & chascune,
 Et le triste amoureux dança
 Adés à l'autre, adés à l'vne;
 A toutes fist chiere commune,
 A chascune son tour alloit:
 Mais tousiours reuenoit à vne,
 Dont sur toutes plus luy challoit.

Bien à mon gré fut aduisé
 Entre celles que ie vy lors,
 S'il eust au droit de cueur visé
 Autant que à la beauté du corps.
 Qui croit de leger les rapportz
 De ses yeulx sans autre esperance,
 Pourroit mourir de mille mors

* Auant * Ainçois qu'ataindre à sa plaifance.

En la dance ne failloit riens
 Ne plus auant ne plus arriere,
 C'estoit garnison de tous biens
 Pour faire au cueur d'amant frontiere.
 Jeune, gente, fresche & entiere,
 Maintien rassis & sans changier,
 Douce parolle, & grant maniere
 Dessoubz l'estandard de dangier.

De ceste feste me lassay,
 Car ioye triste cueur traucille:
 Et hors de la presse passay.

* derriere * Si m'assis * dessoubz vne treille
 Drue de fueilles à merueille,
 Entrelacee de faulx vers,
 Si que nul pour l'espeffe fueille

Ne me pouoit veoir au trauers.

L'amoureux sa Dame menoit
Dancer quant venoit à son tour,
Et puis seoir s'en reuenoit
Sus vn preau vert au retour.

Nulz autres n'auoit à l'entour
Assis, fors seulement eux deux,
Et n'y auoit autre destour
Fors la fucille entre moy & eulx.

L'ouy l'amant qui souspiroit,
Car qui plus pres est, plus desire,
Et la grant douleur qu'il tiroit
Ne scauoit taire, & n'osoit dire:
Si languissoit aupres du mire,

* Qui nuisoit à sa guarison.

Car qui art ne se peult plus nuire
Qu'approucher le feu du tison.

Le cueur en son corps luy croissoit
D'angoisse & de paour estraint,
Tant qu'à bien peu qu'il ne froissoit
Quant l'un & l'autre le contraint.
Desir, bonté, crainte reffraint
L'vng eslargist, l'autre resserre.
Si n'a pas peu de mal empraingt
Qui porte en son cueur telle guerre.

De parler souuent s'efforça,
Se crainte ne l'eust destourné:
Mais en la fin son cueur força
Quant il eut assez seiourné.
Puis fest vers sa Dame tourné,
Et dist bas en *plourant adoncques:
Mal iour fut pour moy adiourné
Madame, quant ie vous vis oncques.

Ie seuffre mal ardent & chault,
Dont ie meurs pour vous bien vouloir,
Et sa voy que ne vous en chault,
Et n'avez d'y penser vouloir:
Mais en trop moins qu'en non chaloir
Le mettez quant ie le vous compte,

S S f ij

* E:

* parlant
Cy commence
l'Amant à
parler à sa
Dame.

508 LA BELLE DAME

Et si n'en pouez pis valoir,
N'auoir moins honneur ne plus honte.

Hclas! que vous griefue, ma Dame,
S'vng franc cueur d'homme vous veult biẽ,
Et se par honneur & sans blasme
Je suis vostre, & vostre me tien?
De droit ie n'y ÷hallenge rien,
Car ma volenté s'est submise
A vostre gré, non pas au mien,
Pour plus asseruir ma franchise.

La soit ce que pas ne desserue
Vostre grace par mon seruir,
Souffrez au moins que ie vous serue
Sans vostre malgré desseruir.
Je seruiray sans desseruir,
En ma loyauté obseruant:
Car pour ce me fist asseruir
Amours d'estre vostre seruant.

Quant la Dame ouyt ce langaige;
Elle respondi bassement,
Sans muer couleur ne couraige,
Mais tout amoureusement:

*La Dame
somme sa
response.* Beau sire, ce fol pensement
Ne vous laissera il iamais?
Ne penserez vous autrement
De donner à vostre cueur paix?

L'Amant. Nully n'y pourroit la paix mettre,
Fors vous qui la guerre y meistes,
Quant voz yeulx escripent la lettre
Parquoy deffier me feistes:
Et que doulx regard transmeistes
Herault de celle deffiance,
Par lequel vous me promeistes
En deffiant bonne fiance.

La Dame. Il a grant fain de viure en dueil
Et fait de son cueur lasche garde,
Qui contre vng tout seul regard d'ueil
Sa paix & sa ioye ne garde.
Se moy ou autre vous regarde,

Les yeulx font fais pour regarder.
 Je n'y prens point autrement garde.
 Qui mal * y scet s'en doit garder.
 S'aucun bleſſe autruy d'aventure
 Par coulpe de celuy qui bleſſe,
 Quoy qu'il n'en peult mais par droicteure,
 Si en a il dueil & tristesse.

* y ſent
 L'Amant.

Et puis que fortune & rudeſſe
 Ne m'ont mie fait ce mehaing,
 Mais voſtre tres-belle ieuneſſe,
 Pourquoy l'avez vous en deſdaing?

La Dame

Contre vous deſdaing, n'ataine
 N'euz ie oncques, ne n'y vueil auoir,
 Ne trop grant amour, ne trop hayne,
 Ne voſtre priuete ſçauoir.

Se cuider vous fait parceuoir
 Que peu de choſe peult trop plaire,
 Et vous vous voulez deceuoir,
 Ce ne vueil ie pas pour tant faire.

L'Amant

Qui que m'ait le mal pourchaffé,
 Cuider ne m'a point deceu.
 Mais amour m'a ſi bien chaffé,
 Que ie ſuis en voz lacz cheu.
 Et puis qu'ainſi m'eſt eſcheu,
 D'eſtre à mercy entre voz mains,
 Si m'eſt au cheoir meſcheu.

Qui pluſtoſt meurt en languiſt moins.

La Dame.
 * gracieuſe

Si * amoureuſe maladie
 Ne met gueres de gens à mort,
 Mais il ſiet bien que l'en le die
 Pour pluſtoſt attraire confort.
 Tel ſe plaint & * tourmente fort,
 Qui n'a pas les plus aſpres deulx,
 Et ſ'amours griefue tant, ſu fort
 Mieulx en vault vng dolent que deux.

* gemente

Helas ! ma Dame, il vault trop mieulx
 Pour courtoisie & bonte faire,
 D'vng dolent faire deux ioyeux,
 Que le dolent du tout deſfaire.

L'Amant

Je n'ay desir ne autre affaire,
 Fors que mon seruice vous plaise,
 Pour eschanger sans riens meffaire
 Deulx plaisirs en lieu d'un mesaise.

La Dame. D'amours ne quier courroux n'aissance,
 Ne grant espoir ne grant desir,
 Et si n'ay de voz maulx plaissance,
 Ne regard à vostre plaisir.
 Choississe qui voudra choisir,
 Je suis franche, & franche vueil estre,
 Sans moy de mon cueur deslaisir
 Pour en faire vng autre le maistre.

L'Amant. Amours qui ioye & dueil despart,
 Mist les Dames hors de seruage,
 Et leur octroya pour leur part
 Maistrise & franc seigneurage.
 Les seruans n'y ont dauantage.
 Fors tant seulement leurs prouchatz:
 Et qui fait vne fois hommage,
 Bien chier en coustent les rachaptz.

La Dame. Dames ne sont mie si lourdes,
 Si mal entendans, ne si folles,
 Que pour vng pou de plaisans bourdes
 Confites en belles parolles,
 Dont vous autres tenez escolles
 Pour leur faire acroire merueilles,
 Elles changent si souuent leurs colles.
 A beau parler closes oreilles.

L'Amant. Il n'est iangleur, tant y meist
 Desens, d'estudie, & de peine,
 Qui si triste plainte feist
 Comme celuy qui le mal maine.
 Car qui se plaint de teste saine,
 A peine sa faintise cocuure:
 Mais pensée de douleur plaine
 Preuve ses parolles par ocuure.

La Dame. Amours est cruel losangier,
 Aspre en faict, & doux à mentir,
 Et se scet bien de ceulx vengier

Qui oüident ses secrets sentir:
 Il les fait à soy consentir
 Et par vne entree de chierté.
 Mais quant vient iusqu'au repentir,
 Lors il descouure sa fierré.

De tant plus que Dieu & nature
 Ont fait plaisir d'amours plus hault,
 Tant plus aspre en est la poincture,
 Et plus desplaisant le deffault.
 Qui n'a froid n'a cure de chault,
 L'vng contraire est pour l'autre quis.
 Si ne scet nul que plaisir vault
 Sil ne l'a par douleur * acquis.

L'Amant.

*conquis

La Dame.

Plaisir n'est mie par tout vng,
 Ce vous est doux qui m'est amer.
 Si ne pouez vous, ou aucun
 A vostre gré me faire amer.
 Nul ne se doit amy clamer.
 Sinon par cueur ains que par liure:
 Car force ne peult entamer
 La volenté franche & deliure.

L'Amant.

Ha! ma Dame, i'à Dieu ne plaïse,
 Qu'autre droit y vueille querir,
 Fors de vous monstrier ma mesaise,
 Et vostre mercy requerir.
 Se vostre honneur veux surquerir,
 Dieu & fortune m'e confonde,
 Et ne me doint ia acquerir
 Vne seule ioye en ce monde.

La Dame

Vous, & autres qui ainsi iurent,
 Et se condamnent & mauldient,
 Ne cuident que leurs sermens durent
 Fors tant comme les mortz se dient,
 Et que Dieu & les Saincts s'en rient.
 Car en tels sermens n'a riens ferme,
 Et les chetiues qui sy fient
 En pleurent apres mainte lerne.

L'Amant.

Celuy n'a pas courage d'homme,
 Qui quiert son plaisir en reprouche,

Et n'est pas digne qu'on le nomme,
 Ne que air ne terre luy touche.
 Loyal cueur, & voir disant bouche
 Sont le chatel d'homme parfait:
 Et qui si legier sa foy couche,
 Son honneur pour l'autrui deffait.

La Dame. Villain cueur & bouché courtoise
 Ne sont mie bien d'une sorte,
 Mais faintise tost les accoise,
 Qui par malice les assort.
 La mesure faulx semblant porte,
 Son honneur en sa langue fainte,
 Mais honneur est en leur cueur morte
 Sans estre plore ne plaincte.

L'Amant. Qui pense mal bien ne luy veigne,
 Dieu doit à chacun sa desserte,
 Mais pour Dieu mercy vous souueigne
 De la douleur que j'ay soufferte.
 Car de ma mort ne de ma perte
 N'a pas vostre douceur enuie:
 Se vostre grace m'est ouuerte,
 Vous estes garant de ma vie.

La Dame. Legier cueur & plaissant folie,
 Qui est meilleur quant plus est briefue,
 Vous font ceste melencolie:
 Mais c'est vn mal dont on relieue.
 Faictes à vos pensees triefue.
 Car de plus beaulx ieux on se lasse,

**Je ne vous* **Je n'ayde nulz, ne ne griefue:*
ayde Qui ne m'en croira, ie m'en passe.

L'Amant. Qui a faulcon, oysel, ou chien
 Qui le suit, aime, crainct, & doute:
 Il le tient chier & garde bien,
 Et ne le chasse ne deboute.
 Et ie, qui ay m'entente toute
 En vous, sans faintise & sans change,
 Suis debouté plus bas qu'en soute
 Et moins prisé qu'un tour estrange.

La Dame. Se ie fois bonne chiere à tous

Par

Par honneur & de franc courage,
 Je ne le vueil pas faire à vous
 Pour escheuer vostre dommage.
 Car * amours est si petit sage,
 Et de creance si legiere,
 Qu'il prent tost à son auantage
 Chose qui ne luy sert de guiere.

*amans

Se pour amour & feaulté
 Je pers l'accueil qu'estrangers ont,
 Dont me vauldroit ma loyauté
 Moins qu'à ceulx qui viennent & vont,
 Et qui de riens vostres ne sont:
 Et sembleroit en vous perie
 Courtoisie, qui vous semont
 Qu'amours soit par amours merie..

L'Amant.

Courtoisie est tant aliee
 D'honneur qui l'ayme & la tient chiere,
 Qu'elle ne veult estre en riens liee
 Ne pour amour, ne pour priere:
 Mais depart de sa bonne chiere
 Où il luy plaist & bon luy semble.
 Guerredon, priere, & renchiere,
 Et elle ne vont point ensemble.

La Dame.

Je ne quier point de guerredon,
 Car le desservir m'est trop hault,
 Je demande grace & pardon,
 Puis que mort ou mercy me fault.
 Donner le bien où il deffault,
 C'est courtoisie raisonnable:
 Mais aux siens encores plus vault,
 Qu'estre aux estranges amiable.

L'Amant.

Nescay que vous appelez bien,
 Mal emprunte bien autre non,
 Mais il est trop large du sien,
 Qui par donner pert son renon.
 On ne doit ostroyer, se non
 Quant la requeste est aduenant.
 Car se l'honneur ne retenon,
 Trop * est petit le ramanant.

La Dame.

*petit vault

TTt

Oncques hom' mortel ne nasqui,
 Ne pourroit naistre soubz les cieulx,
 Et n'est autre fors vous, à qui
 Vostre honneur touche plus ou mieulx,
 Qu'à moy qui n'attens ieune ou vieulx
 Le mien fors par vostre seruice,
 Et n'ay cueur, sens, bouche, ne yeulx
 Qui soit donné à autre office.

La Dame.

D'assez grant charge se cheuir,
 Qui son honneur garde & maintient:
 Mais à dangier trauaille & vit,
 Qui en autrui main l'entretient.
 Cil à qui l'honneur appartient,
 Ne s'en doit à autrui attendre:
 Car tant moins du sien en retient,
 Qui trop veult à l'autrui entendre.

L'Amant.

Voz yeulx ont si empraint leur merche
 En mon cueur, que, quoy qu'il aduiengne,
 Se i'ay honneur où ie le cherche,
 Il conuient que de vous me viengne.
 Fortune a voulu que ie tiengne
 Ma vie en vostre mercy close:
 Si est bien droit qu'il me souuiengne
 De vostre honneur sur toute chose.

La Dame.

A vostre honneur seul entendez,
 Pour vostre temps mieulx employer.
 Du mien à moy vous attendez,
 Sans prendre peine à foloyer.
 Bon fait craindre & supployer
 Vng cueur follement deceu.
 Car rompre vault pis que ployer,
 Et esbranlé mieulx que cheu.

L'Amant.

Pensez, ma Dame, que depuis
 Qu'amour mon cueur vous deliura,
 Il ne pourroit, ne ie ne puis,
 Estre autrement tant qu'il viura.
 Tout quitte & franc le vous liura.
 Ce don ne se peult abolir.
 L'attens ce qui s'en ensuiura,

Je n'y puis mettre ne tollir.

Je ne tiens mie pour donné

Ce qu'on offre à qui ne le prent.

Car le don est habandonné,

Se le donneur ne le reprent.

Trop a de cuer, qui entrepren

D'en donner à qui les refuse.

Mais il est sage, qui apprend

A s'en retraire, qui n'y muse.

Il ne doit pas cuider muscr,

Qui sert Dame de si hault pris.

Et se i'y doy mon temps vsier,

Au moins n'y puis ie estre repris

De cuer failly ne de mespris,

Quant enuers vous fais ceste queste,

Par qui amour a entrepris

De tant de bons cueurs la conquete.

Se mon conseil voulez oyr,

Querez ailleurs plus belle & gente,

Qui d'amours se vueille esioyr,

Et miculx sortir à vostre entente.

Trop loing de confort se tourmente

Qui à parloir pour deux se trouble,

Et celuy pert le ieu d'attente

Qui ne scet faire son point double.

Le conseil que vous me donnez

Se peult mieulx dire qu'exploiter,

De non croire me pardonnez:

Car i'ay cuer tel, & si entier

Qu'il ne se pourroit affectier

*Aloyauté ou droit n'accorde.

N'autre conseil ne m'est mestier,

Fors pitié & misericorde.

Saige est qui folie encommence,

Quant departir s'en scet & veult:

Mais il a faulte de science,

Qui la veult conduire & ne peult.

Qui par conseil ne se desmeur,

Desespoir le met de sa suite,

La Dame.

L'Amant.

La Dame.

L'Amant.

A chose où
loyauté

La Dame.

TT ij

Et tout le bien qu'il en requert
Est de mourir en la poursuite.

L'Amant. Je poursuiuray tant que pourray,
Et que vie me durera:
Et lors qu'en loyauté mourray,
Celle mort ne me greuera.
Mais quant vò durté me fera
Mourir loyal & douloureux,
Encores moins grief me fera,
Que de viure faulx amoureux.

La Dame. De riens à moy ne vous prenez,
Je ne vous suis aspre ne dure,
Et n'est droit que vous me tenez
Enuers vous ne doulce ne sure.
Qui se quiert le mal si l'endure,
Autre confort donner ne sçay,
Ne de l'aprendre n'ay-ie cure.
Qui en veult en face l'essay.

L'Amant. Vne fois le fault essayer.
A tous les bons en leur endroit,
Et le deuoir d'amours payer,
Qui franc cueur a, prisé & droit.
**contient* Car franc vouloir * maintient & croit
Que c'est durté & mesprison,
Tenir vng hault cueur si estroit,
Qu'il nait qu'un seul corps pour prison.

La Dame. L'en sçay tant de cas merueilleux,
Qu'il me doit assez souuenir
Que l'entree en est perilleux,
Et encor plus le reuenir.
A tart ne peult bien aduenir,
Pource n'ay vouloir de chercher
Vng mal plaisir au mieulx venir,
Dont l'essay peut couster si cher.

L'Amant. Vous n'avez cause de douter,
Ne souspeçon qui vous esmeue,
A m'eslongner ne rebouter:
Car vostre bonté voit & treuve
Que j'ay fait l'essay & l'espreuve.

Par quoy maloyauté appert.
La longue attente & forte esprouue
Ne se peult celer, il y pert.

Il se peut loyal appeller,
Et ce nom luy duit & affiert.
Qui scet desservir & celler,
Et garder le bien, s'il acquiert.
Qui encor poursuit & requiert,
N'a pas loyauté esprouuee:
Car tel pourchasse grace & quiert,
Qui la pert puis qu'il l'a trouuee.

La Dame

Se ma loyauté s'esuertue
D'aimer ce qui ne m'aime mie,
Et * tenir cher ce qui me tue,
El' m'est amoureuse ennemie.
Quant pitié, qui est endormie,
Mettroit en mes maux fin & terme,
Ce gracieux confort d'amie
Feroit ma loyauté plus ferme.

L'Amant.

* tât cheris.

Vng doloireux pense tousdis
Des plus ioyeux le droit reuers,
Et le penser des maladis
Est entre les sains tout diuers.
Assez est il de cueurs trauers
Qu'auoir fait bien tost empirer,
Et loyauté mettre à l'enuers,
Dont ils soufbient tant souspirer.

La Dame

De toussoit celuy deguerpiz,
D'onneur desgarny & deffait,
Qui descongnoist & tourne en piz
Le don de grace, & le bien fait
De sa Damé qui l'a refait,
Et ramené de mort à vie.
Qui se soille de tel meffait,
A plus d'une mort desseruie.

L'Amant.

Sur tel meffait n'a court ne iuge
A qui l'en puisse recourir.
L'vng les maudit, l'autre les iuge.
Mais ie n'en ay veu nul mourir.

La Dame

TTt iij

On leur laisse leurs cœurs courir,
Et commencer plus de rechief,
Et tristes Dames encourir
D'autrui coulepe, peine, & meschiet.

L'Amant.

Combien qu'on n'arde ne ne pende,
Celuy qui en tel crime enchiet,
Je suis certain, quoy qu'il attende,
Qu'à la fin il luy en meschiet,
Et qu'onneur & bien luy dechiet.
Car faulceté est si mauldite,
Que iamaïs hault honneur ne chiet
Dessus celuy où elle habite.

La Dame.

De cela n'ont mie grant paeur
Ceulx qui dient & qui maintiennent,
Que loyauté n'est pas eür
A ceulx qui longuement la tiennent.
Leurs cœurs s'en vont & puis reuiennent:
Car il les ont bien reclamez,
Et si bien aprins qu'ils retiennent
A changer dès qu'ilz sont clamez.

L'Amant.

Quant on a son cœur bien assis.
En bonne & loyalle partie,
On doit estre entier & rassis
A tousioursmais sans departie,
Si tost qu'amours est impartie,
Tout le hault plaisir en est hors:
Si ne sera par moy partie,
Tant que l'ame me bate au corps.

La Dame.

D'aimer bien ce qu'aimer debuez,
Ne pourriez vous pas mesprendre:
Mais sous cuider vous deceuez
Par legierement entreprendre,
Vous mesme vous pouez reprendre,
Et auoir à raison recours,
Plustost qu'en fol plaisir attendre
Yng très-desesperé secours.

L'Amant.

Raison, aduis, conseil, & sens
Sont soubz l'arrest d'amours seellez.
Car nulz d'eulx ne s'est rebellez.

Ilz sont parmy desir mëslez,
Et si fors enlacez, hélas!
que ja n'en seront desmeslez,
Se pitié n'en brise les laz.

Qui n'a à soy nulle amitié,
De toute amour est deffiez:
Et se de vous n'avez pitié,
D'autrui pitié ne vous fiez.
Mais soiez tout certifiez,
Que ie suis telle que ie fuz.
D'auoir mieulx ne vous affiez,
Et prenez en gré le reffus.

J'ay mon esperance fermee,
Qu'en tel Dame ne doit faillir
Pitié, mais elle est enfermee,
Et laisse dangier m'assaillir.
Et sel voit ma vertuz faillir
Pour bien amer, el s'en fauldra
Hors sa demeure, & tard faillir,
Et mon bien souffrir me vauldra.

Ostez vous hors de ce propos,
Car tant plus que vous y tendrez,
Moins vous aurez ioye & repôs,
Et iamais à bout n'en vendrez.
Quant à espoir vous attendrez,
Vous en trouuerez abestiz,
Et en la fin vous apprendrez,
Qu'esperance paist les chetifz.

Vous direz ce que vous vouldrez,
Et du pouoir auez assez.
Mais ja espoir ne m'en touldrez,
Par qui i'ay tant de maux passez.
Car quant nature a enchassez
En vous des biens à tel effors,
El ne les a pas amassez
Pour en mettre pitié dehors.

Pitié doit estre raisonnable,
Et à nul desauantageuse,
Aubefongneux tres-prouffitabile,

La Dame.

L'Amant.

La Dame.

L'Amant.

La Dame.

Et aux piteux non dommageuse.
 Se Dame est à autrui piteuse,
 Pour estre à soy mesme cruelle,
 Sa pitié deuient despiteuse,
 Et son amour haine mortelle.

L'Amant. Conforter les desconfortez,
 N'est pas cruauté, ains est los:
 Mais vous qui si dur cueur portez
 En si beau corps, se dire l'oz,
 Gaignez le blasme & le desloz
 De cruauté qui mal y fiet:
 Se pitié, qui depart les los,
 En vostre hault cueur ne s'affiet.

La Dame. Qui me dit que ie suis amee,
 Se bien croire ie l'en vouloye,
 Me doit il tenir pour blasmee,
 S'à son vouloir ie ne foloye?
 Se de telz confors me mesloye,
 Ce seroit pitié sans maniere:
 Et depuis se ie m'en douloye,
 C'en seroit la soulde derriere.

L'Amant. Ha ! cueur plus dur que le noir marbre,
 En qui mercy, ne peult entrer,
 Plus fort à ployer qu'un gros arbre,
 Que vous vault tel rigueur monstrier?
 Vous plaist il mieux me veoir oultrier
 Mort deuant vous pour vostre esbat,
 Que pour vng confort demonstrier
 Respirer la mort qui m'abat?

La Dame. De voz maux guerir vous pourrez,
 Car des miens ne vous requerray,
 Ne par mon plaisir ne mourrez,
 * iarray Ne pour vous guerir ne, * guerray.
 Mon cueur pour autrui ne herry,
 Crient, pleurent, rient, ou chantent:
 Mais se ie puis ie pouruerray,
 Que vous ne autres ne s'en vantent.

L'Amant. Je ne suis mie bon chanteur,
 Aussi me duit mieux le plourer.

Mais

Mais ie ne fus oncques vanteur,
 L'aime plus chier coy demourer.
 Nul ne se doit enamourer,
 S'il n'a cueur de celer l'emprise:
 Car vanteur n'est à honnorer,
 Puis que sa langue le desprise.

Male bouche tient bien grant court,
 Chacun à mesdire estudie.

La Dame

Faulx amoureux au temps qui court
 Seruent tous de goliardie.
 Le plus secret veult bien qu'on die,
 Qu'il est d'aucune mescreuz.
 Et pour riens qu'omme à Dame die,
 Il ne doit plus estre creuz.

D'vngs & d'autres est & sera,
 La terre n'est pas toute vnue.
 Des bons le bien se montrera,
 Et des mauuais la vilennie.
 Et se droit aucuns ont honnie
 Leur langue en mesdit eshonté,
 Que reffus en excommenie
 Les bons avecques leur bonté.

L'Amant

Quant meschans meschant parler eussent,
 Ce meschief seroit pardonnez:
 Mais ceulx qui bien faire deussent,
 Et que noblesse a ordonnez
 D'estre bien conditionnez,
 Sont les plus auant en la fange,
 Et ont leurs cueurs habandonnez
 A courre foy & longue langue.

La Dame

Or congnois ie bien or endroit,
 Que pour bien faire on est honnis,
 Puis que pitié, iustice, & droit,
 Sont de cueur de Dame bannis.
 Fault il donc faire tous vnis,
 Les humbles seruans & les faulx;
 Et que les bons soient punis
 Pour les pechés des desloyaux?

L'Amant

Ie n'ay le pouoir de greuer,

La Dame

V Vu

522 LA BELLE DAME

Ne de pugnir autre ne vous :
 Mais pour les mauuais escheuer,
 Il se fait bon garder de tous.
 Faulx semblant fait l'umble & le'doulx,
 Pour prendre Dames en aguet :
 Et pour ce chascune de nous
 Y doit bien l'escoute & le guet.

L'Amant. Puis que de grace vng tout seul mor
 De vostre rigoureux cuer n'ist,
 l'appelle deuant Dieu, qui m'ot,
 De la durté qui me honnift:
 Et me plaing qu'il ne parfournist
 Pitié qu'en vous il oblia,
 Ou que ma vie ne finist,
 Que si tost mis en obli a.

La Dame. Mon cuer & moy ne vous feismes
 Oncq rien dont plaindre vous doyez:
 Riens ne vous nuist fors vous mesmes,
 De vous mesmes iuge soyez.
 Vne fois pour toutes croyez,
 Que vous demourez escondit.
 De tant redire m'ennoyez,
 Car ie vous en ay assez dit.

L'Acteur. A donc le dolent se leua,
 Et part de la feste plourant:
 A peu que son cuer ne creua,
 Com à homme qui va mourant.
 Et dit, Mort vien à moy courant,
 Ains que mon sens se descongnoisse,
 Et m'abrege le demourant
 De ma vie plaine d'angoisse.

Depuis ie ne sceu qu'il deuint,
 Ne quel part il se transporta :
 Mais à sa Dame n'en souuint,
 Qui aux Dames se deporta.
 Et depuis on me rapporta
 Qu'il auoit ses cheueux * descoux,
 Et que tant se desconforta
 Qu'il en estoit mort de courroux.

* Si vous pry, amoureux, fuyez
 Ces venteus & ces mesdifans,
 Et comme infames les huyez.
 Car ils sont à voz faiz nuisans,
 Pour non les faire voir difans,
 Reffuz a ses chasteaulx bastiz.
 Car ilz ont trop mis puis dix ans
 Le pays d'amours à pastiz.

Et vous Dames & Damoiselles,
 En qui honneur haist & s'assemble,
 Ne foyez mie si cruelles
 Chascunes, & toutes ensemble,
 Que ja nulle de vous ressemble
 Celle que m'oyez nommer cy,
 qu'on peut appeller, ce me semble,
 La belle Dame sans mercy.

COPIE DE LA REQUESTE

*baillee aux Dames contre Mai-
 stre Alain.*

SVpplient humblement vos loyaux seruiteurs les
 attendans de vostre tres-douce grace, & pour-
 fuiuans la queste du don d'amoureuse mercy. Que
 comme ilz ayent donné leur cueur à penser, leur
 corps à trauailler, leur vouloir à desirer, leurs bou-
 ches à requerir, leur temps à prouchasser le riche
 don de pitié & de grace, que dangier, reffuz, &
 crainte ont embusché & retrait en la gaste forest
 de longue attente: & ne leur soit demouré com-
 paignie ne cōduite, qui ne les ait laissez en la pour-
 suite, fors seulement bon espouoir, qui encores de-
 meure souuent derriere lassé & trauaillé du long
 chemin, & de la tres-ennuieuse queste. Et que en
 vng pays qui se nomme dure responce ont esté plu-
 sieurs fois destrouffez de ioye, & desers de liesse,
 par les brigans & souldoyers de refus. Et neant-
 moins entretiennent tousiours leur queste pour y

V V u ij

§24 REQUESTE BAILLEE AVX DAMES
mettre la vie & le cuer qui leur est demouré, mais
que espoir ne les laisse au besoing. Et encores au-
roient attente de vostre secours, & que bel acueil
& doulx attrait les remeissent sus. Se ne fust qu'il
est venu à leur congnoissance, que aucuns ont es-
cript en vers rimez certaines nouuelles, où ilz n'ot
gueres pensé. Et peult estre que enuie, rebutement
d'amours, ou faulceté de cuer, qui les a fait de-
mourer recreuz en chemin, & laisser la queste
qu'ilz auoient encommencé avec nous, les fait
ainsi parler & escrire. Et tant ont fait, comme on
dit, pour destourner aux autres la ioye à quoy ilz
ont failly, que leurs escriptz sont venuz en voz
mains: & pour l'attrait d'aucunes parolles doulces
qui sont dedans, vous ont amuse à lire leur Liure,
que on appelle, La belle Dame sans mercy. Ou quel
soubz vn langaige affairé sont encloz les commen-
cemés & ouuertes de mettre rigueur en la court
amoureuse, & rompre la queste des humbles ser-
uans, & à vous tollir l'eureux nom de pitié, qui est
le parement & la richesse de voz autres vertus. Et
en auendra dommage, & eslongnement aux hum-
bles seruans, & amendrissement de vostre pouoir,
se par vous n'y est pourueu. Qu'il vous plaise de vo-
stre grace destourner voz yeux de lire si tres-des-
raisonnables escriptures, & n'y donner foy ne au-
dience: mais les faire rompre & casser par tout où
trouuer se pourront, & des faiseurs ordonner telle
punitiō que ce soit exemple aux autres, & que voz
humbles seruans puissent leur queste parfaire à
vostre honneur & à leur ioye, & monstrier par œu-
re que en vous a mercy & pitié. Et ilz prieront a-
mours, qu'il vous doint tousiours tant de liesse, que
aux autres en puissiez departir.

COPIE DES LETTRES ENVOYÉES
par les Dames à Maître Alain.

Honnoré frere, nous nous recommandons à vous, & vous faisons sçauoir, que n'agueres par aucuns a esté baillee aux Dames certaine requeste, qui grandemét touche vostre deshonneur, & le desauancement du tres-gracieux loz & bonne grace que vous auez tousiours acquis vers elles. Et pour ce que nous vous cuidons tel, que bien vous sçaurez excuser & deffendre de ceste charge, quant en serez aduertý: nous vous enuoyons le double, esperans que vous mettrez peine à vous gétter hors de ce blasme à vostre honneur & esioüissement de ceulx, qui plus volentiers verront vostre loz croistre que amaindrir. Et comme escript vous a esté par autres lettres de vos amis, iournee est assignee au premier iour d'Auril à vous & à vos parties aduerses. Auquel iour vous pensons veoir, se vous n'estes mort ou prins, dont Dieu vous gard. Laquelle chose vous doubterez moins, que de demourer en ceste charge. Honnoré frere, nostre Seigneur vous doint autant de ioye, comme pour nous vouldriós, & brief retourner. Car se vous estes par deça, tel parle contre vous qui se taira. Escript à Yssoldun le dernier iour de Ianuier. *Et en la marge deffoubz. est escript,* Les lettres Katherine, Marie, & Ichanne.

EXCVSATION DE

MAISTRE ALAIN.

*Contre ceux qui dient qu'il a parlé contre les
Dames en son Liure nommé, La belle
Dame sans mercy.*

MEs Dames, & mes Damoiselles,
Se Dieu vous doint ioye prouchaine,
Efcoutez les dures nouuelles

V V u iij

Que i'ouy le iour de l'estraire:
Et entendez ce qui me maine,
Car ien'ay fors à vous recours:
Et me dongez par grace plaine
Conseil, confort, ayde & secours.

Ce iour m'auint en sommeillant,
Attendant le Soleil leuant,
Moitié dormant, moitié veillant,
Enuiron l'aube ou peu auant;
Qu'amour s'apparut au deuant
De mon liêt à l'arc tout tendu,
Et me dist: Desloyal seruant,
Ton loyer te sera rendu.

* A l'heure
que bien
me ser-
uoyes

Je t'ay long temps tenu des miens
* Pour aucuns biens qu'en toy auoyes,
Et te gardoye de grans biens
Trop plus que tu ne desseruyes.
Mais maintenant tu te deuoyes
Encontre moy en tous endrois,
Tu fais, & escriptz, & enuoyes
Nouueaulx liures contre mes drois.

Es tu fol, hors du sens, ou yure,
Ou veulx contre moy guerre prendre,
Qui as fait le malheureux liure,
Dont chacun te deuroit reprendre,
Pour enseigner & pour apprendre
Les Dames à getter a loing
Pitié la debonnaire & tendre,
De qui tout le monde a besoing.

Se tu as ta melencolie
Prise de non amer iamais,
Doiuent acheter ta folie
Les autres qui n'en peuent mais:
Laisse faire autrui, & te rais.

Que de ducil ait le cuer noircy,
Qui ja croira comme tu faiz,
Qu'onques Dame fust sans mercy.

Tu mourras de ce peché quitte,
Et se briefment ne t'en desdiz,

Prescher te feray * heretique,
Et brusler ton liure, & tes ditz:
En la loy d'amours sont maulditz,
Et chacun m'en fait les clamours.
Les lire à tous est interditz
De par l'inquisiteur d'amours.

Tu veulx mon pouoir abolir,
Et qu'onneur & bonté s'efface,
Quant tu quiers des Dames tollir
Pitié, mercy, douceur, & grace.
Cuydes tu doncques que Dieu face
Entre les hommes sur la terre
Si beau corps, & si douce face,
Pour leur porter rigueur & guerre?

Nenny, non il n'y pensa oncques:
Car iamais faictes ne les eust
Plus plaisans, que choses quelzconques.
Que sur terre faire l'en peult:
S'il ne veist bien & sceust
Qu'elles deuoient le vert porter,
Qui par droit les hommes deust
Resiouyr & reconforter.

Ne seroit-ce pas grant dommage,
Que Dieu, qui soustient homme en vie,
Eust faict si parfaicte image
Par droicte excellence assouue,
Que la pensee en fust rauie
Des hommes par force de plaie,
Se Dieu leur portoit telle enuie
Que femme fust leur aduersaire?

Cuides tu faire basilisques,
Qui occient les gens des yeulx,
Ces doulx visaiges angeliques
Qui semblent estre fais és cieulx?
Dieu ne les a pas formé tieulx
Pour desdaigner & non chaloir,
Mais pour croistre de bien en mieulx
Ceulx qui ont desir de valoir.

Douceur, courtoisie, amitié,

Sont les vertus de noble femme:

Et le droit logis de pitié

Est au eueur d'une belle Dame.

S'il failloit pour ton liure infame

Pitié d'entre Dames bannir,

Autant vouldroit qu'il ne fust ame,

Et que le monde deust finir.

Puis que nature sentremet

D'entailler si digne figure,

Il est à croire qu'elle y mit

De ses biens à comble mesure.

Dangier y est soubz couuerture,

Mais nature la tres-benigne,

Pour adoucir celle poincture,

Y mist pitié par medecine.

Pour garder honneur & chierté

Raison y mist honte & dangier,

Et voulut desdaing & fierté

Du tout des Dames estrangier.

Mais pitié y peut chalengier

^{*faudroit} Tout son droit, car quant el ^{*}vouldroit,

Elle feroit bonté changier,

^{*Puisque} ^{*}Et puis nully mieux n'en vouldroit.

Tu veulx par ton outrecuidance,

Et les faulx vers que tu as faitz,

Tollir aux Dames leur puissance,

Toutes vertus & tous biens-faitz:

Quant ainsi leur pitié deffaitz,

Par qui maint loyal cueur samende,

Si vueil chastier tes meffaitz,

Ou que tu m'en gaiges l'amende.

Quant i'euz ces parolles puy,

Et ie vyla fiesche en la corde,

Tout le sang ou cueur me fouy,

Onc n'euz tel paour dont me recorde.

Si dis, pour Dieu misericorde,

Escoutez moy excuser, Sire.

^{*Lors respondit} ^{*}Il me respondit, Je le t'accorde
Or dy ce que tu voudras dire.

Ha/Sire,

Ha! Sire, ne me mescroyez,
Ne les Dames semblablement,
Se vous ne lifez & voyez
Le liure tout premierement.
Je suis aux Dames ligement.
Car ce peu qu'onques i'euz de bien,
D'onneur, & de bon sentement,
Vient d'elles, & d'elles le rien.

*Deuant que faire ceste faulte
Mon cueur choisiroit qu'il mourroit,
La folie seroit si haulte
Que ja nul ne le pardonroit.
Bien est vil celui qui voudroit
A l'honneur des Dames mal faire,
Sans lesquelles nul ne pourroit
Iamais bien dire ne bien faire.

Par elles & pour elles sommes,
C'est la source de nostre ioye,
C'est l'adresse des nobles hommes,
C'est d'onneur la droicte mont-ioye.
C'est ce qui les bons cueurs resioye,
C'est le chief de mondains plaisirs,
C'est ce qui d'espoir nous pouruoye,
C'est le combat de noz desirs.

Leur seruiteur vueil demourer,
Et en leur seruice mourray:
Et ne les peuz trop honnorer,
Ne autrement ja ne voudray.
Et tant qu'en vie demourray,
A garder l'onneur qui leur touche
Emploieray où ie pourray
Cueur, corps, sens, lāgue, plume & bouche.

Pitié en cueur de Dame siet
Ainsi que l'or ou diamant.
Mais sa vertu pas ne s'affiet
Toufiours au plaisir de l'amant:
Ains fault deffiermer vng fermant,
Dont crainte tient pitié enclose,
Et en ce fermoit deffiermant

*al Des Dames nous
vient & habonde
Eur en ioye, & cōfort
en dueil.
C'est l'exēple des biēs
du monde,
Aise de cueur, & de-
duit d'ueil
C'est le rabais de tout
orgueil,
Et le patron pour les
bons faire,
Sās qui nul trāc cueur
ait le vueil
De rien mesdire, ne
mal faire.

*qu'en l'or le

XXX

Souffrir sa douleur vne pose.

Pitié se tient close & couuerte,
Et ne veult forces ne contrainctes,
Ne ja sa porte n'est ouuerte,
Fors par souspirs & longues plainctes.
Attendre fault des heures maintes,
Mais l'attente bien se recouure:
Car toutes douleurs sont estainctes
Aussi tost que sa porte s'ouure.

S'el ne gardoit sa seigneurie,
Chacun luy seroit ennuyeux,
Et sa bonté seroit perie:
Car elle auroit trop d'enuieux.
Pour ce son plaisir gracieux
N'euure pas à toutes requestes,
Non plus qu'vng ioyau precieux

*Qu'o ne doit mōtrer
qu'aux grans festes.

*Qui n'est monstřé qu'aux grandes festes.

Se i'osoye dire ou songier
Qu'oncques Dame fut despitueuse,
Ie seroie fault & mensongier,
Et ma parolle iniurieuse.
Iamais de Dame gracieuse
N'ait il ne mercy, ne respit,
Qui dit de voix presumptueuse,
Qu'en Dame ait orgueil ne despit.

Comme la rose tourne en lermes
Au forneau sa force & valeur,
Ainsi rend pitié aux enfermes
Par feu d'amoureuse chaleur
Pleurs, qui guerissent la douleur
Par leur vertu puissant & digne.

*al. Maiz au cuer gist
la pitié leur
Plus parfent, que l'or
en la mine.

*Mais quant le dangier n'est pas leur,
Plus en prisent la medecine.

Mon liure qui peu vaulx & monte,
A nulle fin autre ne tent,
Si non à recorder le compte
D'vng triste amoureux mal content,
Qui prie, & plaint que trop attend,
Et comme reffus le reboute:

Et qui autre chose y entend,
Il y voit trop, ou n'y voit goutte.

Quant yng amant est si estraint,
Comme en resuerie mortelle,
Que force d'amour le contraint
D'appeller sa Dame cruelle:
Doit on penser qu'elle soit telle?
Nanil, car le grief mal d'amer
Y met fieure continuelle,
Qui fait sembler le doux amer.

Puis que son mal luy a fait dire,
Et apres luy pour temps passer
L'ay voulu ses plaintes escrire,
Sans vng seul mot en trespasser:
S'en doit tout le monde amasser
Contre moy à tort & en vain,
Pour le cherif liure casser,
Dont ie ne suis que l'escrivain?

S'aucuns me veulent accuser
D'auoir ou failly, ou mespris,
Dauant vous m'en vueil excuser
Que i'ay pieça pour iuge pris.
Et combien que i'ay peu appris
S'ilz en ont dit riens ou escript,
Pourquoy ie puis estre repris,
Le leur respondray par escript.

Quant amours ot oy mon cas,
Et vit qu'à bonne fin tendi,
Il remit sa fiesche au carcas,
Et l'arc amoureux descendi,
Et tel responce me rendi:
Puis qu'à ma court tu te reclames,
I'en suis content, & tant t'en di,
Que ie remetz la cause aux Dames.

Lors m'esueilly subit & court,
Et puis entour moy rien ne vy,
Pour ce me rends à vostre Court,
Mes Dames, & la foy pleuy
D'obeir à droit sans enuy

XXx ij

Ainsi qu'amours l'a commandé,
Et se i'en'ay mal desseruy,
Ayez moy pour recommandé. .

Vostre humble seruiteur Alain,
Que beauté print pieça à l'ain
Du trait d'vng tres-doulx riansyeulx,
Dont languist en attendant mieulx.

COMPLAINTE DE MAISTRE ALAIN,
Contre la mort, qui luy oste sa Dame

Contre toy mort doloieuse & despice,
Engoisseuse, maleureuse, & mauldite,
Et en tes faitz merueilleuse & soudaine,
Ceste complainte ay formee & escripte
De cuer courcé, où nul plaisir n'abite,
Nercy de dueil & aggraué de peine:
Je t'appelle de traïson villaine, .
De toy me plaing de toute rigueur plaine,
Quant ta durté à mort me desherite
Du riche don de ioye souueraine,
Et que ton darr à piteuse fin maine
Le choiz d'onheur, & des Dames l'eslite.

Tu m'as osté ma Dame & ma Maïstresse,
Et as murtruy mon cuer & ma lieffe
Par vng seul cop dont ilz sont tous deux mors.
Du cuer n'est riens puis que plaisir le lessé,
Et que ie pers la ioye de ieunesse.
Ainsi n'ay plus fors la vois & le corps.
Je pleure ens, & me ry par dehors,
Et tousiours ay le dolooureux remors
Du hault plaisir qui de tous pointz ne cesse,
Las! or n'ay plus ce que i'auoye, amors,
Je meurs sur bout, & en ce point me pors
Comme arbre sec, qui sur le pié se feiche.

*despointié

Or suis desert, *despourueu, & deffair
De tout penser, de parolle, & de fair,
De bien, de ioye, & de tout ce qui fair

Cueur en ieunesse à hault honneur venir:
 Puis qu'à celle, qui ne t'a riens meffait,
 Tu as osté ce qu'el n'a pas forfait,
 Et qui iamaïs ne peut estre reffait.

C'est sa vie que tu as fait fenir,
 * Qui plus faisoit la mienne soustenir,
 Et tousiours tendre à meilleur deuenir,
 Pour non auoir & pour hault aduenir.
 Or as tu tout mon penser contrefait,
 Si ne sçay plus à quoy me dois tenir,
 Et ne me peut desconfort souuenir,
 Quant i'ay perdu sans iamaïs reuenir
 De tous les biens ce qu'estoit plus parfait,

* Il n'est plus riens qui me peult conforter.

Ie n'ay pas cueur à tel douleur porter.
 Car endurer ne puis ne supporter
 Les durs accès de mon dolant mesaise.
 C'est temps perdu que de moy enhorter
 A m'eslouyr, rire, ne desporter.

On ne me peult nouuelles apporter,
 Ne langaige si plaïsant qui me plaïse.
 Plaindre & plorer sont mes ieulx & mō aïse.
 Il ne me chault iamaïs comme tout voïse,
 Ie n'ay soucy à qui mon fait desplaïse.
 Chacun en peult à son gré apporter.
 Parle qui veult, ou qui voudra se taïse,
 Et qui aura parlé si se rapaïse.
 Car ma fortune est telle & si mauuaïse.
 Qu'el ne peult pis pour moy desconforter.

Iugez par qui ne pour quoy ce seroit,
 Et comme Dame ou amours cuideroit
 Qu'apres la mort mon cueur autre ameroit,
 Ou que iamaïs prendroit en moy plaïssance.
 Car qui tousiours de son bien parleroit,
 Et d'en parler iamaïs ne cesseroit,
 Le langage ses fais ne passeroit.
 On ne la peult louer à souffisance.
 Tout s'efforça au iour de sa naissance,
 Les elemens y firent alliance,

* Donc la mienne se
 souloit soustenir,
 Pour mieux valoir, &
 meilleur deuenir,
 Et mettre peine à plus
 hault aduenir.

* Qui me pourroit de
 ce dueil conforter?

Nature y mist le hault de sa puissance,
 Et dist alors qu'un chief d'euure feroit,
 Où tant mettroit honneur, sens, & scauâce,
 Que tout vouldroit mieulx par son acointance,
 Pardonnez moy de dire oultrectidance.
 Mais d'autre amer mon cueur s'abesseroit.

Je ne dy pas, ne m'entente n'est telle,
 Qu'il nait des biens en mainte Dame belle,
 Et qu'il n'en soit* d'autres bonnes que celle,
 Où faulte n'a de rien que Dame amende:

* de tres-
 bones sans
 elle

Ainçois maintien des Dames la querelle,
 Pour leur bonté qui croist & renouuelle,
 Et se ie fail en rien, ie m'en rappelle,
 Et cri mercy, & en gage l'amende.

* moins
 trouuer

Mais c'est trop fort que iamais ie m'attende
 A mieulx auoir, quelque part que ie tende,
 N'en quelque lieu que mō las cueur se réde,
 Et* l'amendrir seroit douleur mortelle.

En ce point veult amours que ie l'entende,
 Et qu'à tousiours loyauté m'en deffende,
 Qui tant l'ama, & tant fut de sa bende,
 Que peu s'en fault qu'il n'est mort avec elle.

Helas! pour quoy me fist amours emprêdre
 A tant l'amer, & si hault entreprendre,
 Et moy donner tel don pour le reprendre,
 Et de tel ioye yssir pour soupirer?

Or me pugnist fortune sans mesprendre,
 Pour celle amer où n'auoit que reprendre,
 Et où nature & Dieu voudrent comprêdre
 Ce qu'on scauroit à souhait desirer,

Qui tous les biens vouldroit en vng tirer.

En elle estoit, sans nulle autre empirer,
 Le droit miroir pour les autres mirer,
 Où chascun peult sans riens mettre tout prendre.

Si ne sçay plus de quel part me virer,

Sinon offrir mon cueur à martyrer,

Com Cheualier qui ses armes veult rendre.

Ainsi mon temps en douleur vsc & passe,
 Dont le surplus desia* me tanne & lasse,

* m'eunuye

Ne ie n'ay iour, heure, lieu, ne espace
 De riens penser que mon espoir soustiengne.
 Je foiz trefors des regretz que i'amasse,
 Et n'est vng bien passé que i'obliaffe.
 I'en renscopte sans qu'vng seul en trespasse.
 Par chascū iour quelque chose qu'auiegne,
 Il est force qu'adez il m'en souuiengne,
 Quel que ie soye, & quel que ie deuiengne,
 Tant que l'ame dedans le corps sy tiengne,
 Ne n'est chose dont mieulx ie me passasse.
 Fortune veult qu'en ce point me contiengne.
 C'est la leçon qu'il faut que ie retiengne.
 I'ay pris ce ply, force est que le maintiengne,
 Si seroit fort que iamais la changeasse.

Helas! comment m'est fortune si dure,
 Ne comme a Dieu souffert ceste aduventure,
 Qui de tous poins met à desconfiture
 Ma lieffe, mon espoir, & ma vie?
 Qui peult mouuoir à ce Dame nature,
 Qui a souffert qu'on luy fist telle iniure,
 De deffaire si parfaicte figure,
 Qu'à droit patron auoir faite assouie,
 Pour esbahir & desconfire enuie,
 Qui mesdisans à mesdire conuie?
 Mais s'elle en eust cent fois sa foy pleuie,
 Si ne sceust-elle dire faulte ou laidure.
 Or l'a la mort en ieune aage rauie,
 Et moy qui l'ay tant loyaulment seruie,
 Viz en douleur sans l'auoir desseruie,
 Et sans sçauoir pourquoy ma vie tant dure.

Mes semblans font de ioye contrefaitz,
 Tout au rebours de penser & de faiz,
 Et ne me plaist riens de ce que ie fais,
 S'il ne fortist à douleur & à plains.
 Estre tout seul est ma ioye & ma paix.
 Je chemine sans sçauoir où ie vais.
 Qui parle à moy, ie l'escoute & me tais,
 Et pense ailleurs s'à force ne me vains.
 I'oy les autres chanter, & ie me plains.

Ilz vont danſant, & ie deſtors mes mains.

Ilz feſtoient, & ie tout ſeul remains.

*cours I'ay fait leurs * faiſts, maintenant les deſaiz.

Plus vois iouer, & tant m'eſlouys mains.

Tous mes plaiſirs ſont de lermes eſtains.

Le noir me plaiſt, car mon cuer en eſt tains,

De tainture qui ne fauldra iamais.

Trop dur eſpart eſt ſur moy eſparty,

Quant eſgaré me treuve & deſparty

D'vng per ſans per, qui oncques ne party

En faintiſe, n'en legier penſement,

Qui enſemble n'auions rien party:

Mais vng deſir, vng vouloir, vng party,

Vng cuer entier de deux cueurs imparty,

Pareil plaiſir & commun ſentement.

Mort or as tu fait le departement,

Dont i'ay perdu mon bien entierement.

Si appelle de ton faux iugement.

Car tout ce mal m'eſt aduenu par ty,

Dont ie renonce à ton eſbatement

Chacié d'eſpoir, banny d'alegement:

Et ſouhaite la mort tant ſeulement,

Diſant, Mon cuer pourquoy ne ſe part y?

Si prens congie & d'amours & de ioye,

Pour viure ſeul à tant que mourir doye,

Sans moy iamais trouuer en lieu n'en voye,

Ou lieſſe ne plaifance demeure.

Les compaignons laiſſe que ie hantoye.

Adieu chanſons que volentiers chantoye,

Et ioyeux-ditz où ie me delectoye.

Tel rit ioyeux, qui apres dolent pleure.

Le cuer m'eſtraint, angoiſſe me court ſeure.

Ma vie fait en moy trop long demeure,

Ie n'ay membre qu'à mourir ne labeure.

Et me tarde que ia mort de dueil ſoye.

*Autre bié
n'ay

* Rien ne m'eſt bon, n'autre bien n'aſſaueure,

Fors ſeulement l'attente que ie moure:

Et me tarde que briefment viengne l'heure,

Qu'apres ma mort en paradis la voye.

LE LAY

LE LAY DE PLAISANCE.

Pour commencer ioyeusement l'annee,
 Et en signe de bien perseuerer,
 Est au iourd'huy mainte Dame estrennee
 De son amant, qui la veult honorer.
 Et d'autre part, pour plus s'en amourer,
 Dame qui est de seruant assignee
 A des long temps quelque chose ordonnee,
 Pour son amant courtoisement parer.
 Mais aux Dames ne me vueil comparer,
 Sans Dame sui, onc ne me fu donnee
 Loyale amour, iusqu'à celle iournee.
 Car ie n'ay pas sens pour y labourer.
 Ainsi me fault tout seulet demourer.
 Dame qui soit ne sera huy pennee.
 Pour m'estrener n'est pour moy Dame nee,
 Dont ie doy bien piteusement plourer.

En ce point me desconforte.
 Car plaissance est en moy morte,
 Sans qui riens ne vault.
 Tristesse ne se deporter,
 De moy mener guerre forte:
 Pensée me fault.
 Pource, amis, ie vous en horte,
 Que tousiours teniez la forte
 Sans faire deffault
 De plaissance, qui supporte
 Cil qui en luy se deporter,
 Riens plus ne me fault.

Plaissance du tout maintient,
 Et detient
 Cil qui se contient,
 Et tient gracieusement..
 Car tous biens el entretient,
 Et contient:
 A elle appartient,
 Et en vient gay esbatement.
 Ce qu'elle fait luy auient

YYy

Er aduient,
Que qui la retient
Deuient plaissant, doulx, & gent.
Les vieulx en vie soustient,
Contretient,
Cil qui en souuient
Paruient à honneur souuent.
Plaisance fait mains tours faire,
Puis deffaire,
Puis reffaire,
Puis l'vng l'autre contrefaire,
En souuent porter deuises
Sans nul greuer, sans mal faire
Veult parfaire
Son affaire:
Pource est elle neceffaire
A l'amant en maintes guises.
El fait vng homs à tous plaie,
Et compfaire
Sans desplaie,
Estre des bons exemplaire
En monstrant ses grans franchises.
El scet les gens bel atraie,
Sans retraie,
Ne detraie.
Car à nulluy n'est contraire,
Ains plaissant & sans faintise.
Fuyez doncques melencolie,
Qui toute douleur pourchasse,
Et plaisance du tout chasse.
Qui la reçoit fait folie:
Car plaisance est plus iolie,
Qui dueil & soucy enchasse,
Et n'est ne gloute, n'escharse,
Ains à largesse fallie,
Et fait la pensee lie,
Et de douceur l'entrelace:
Le cuer esioye & soulace,
Et l'omme d'ennuy deslie,

Les haultx Princes humilie,
Et fait faire mainte chace,
Et mainte bonne grimace,
Et maint dur cuer amolic.

El fait l'omme saige,
Plaisant en langaige,
Courtois en couraige:
Ainsi sur tous a l'auantaige.
Priue du sauuaige,
Prouffit de dommaige,
Vng Seigneur d'vng paige:
Faire à amours hommaige,
Aller en boucaige,
Iouer en l'ombraige,
Passer maint passaige,
Assembler vng mariaige,
Acroire sus gaige,
Galer sans oultraige,
Mettre oyseaulx en caige,
Riens n'est qui s'y comparaige.

Homs iolis & cointe,
Qu' de plaissance s'accointe,
Et qui vit en ioye,
Sent d'amours la pointe,
Qui d'vng doulx espoir est ointe:
Lequel la conuoye
A amer sa pointe,
La trouue à plaisir conioincte,
D'onneur la mont-ioye
A luy est adiointe,
Et n'est nul qui l'en despointe
Par quelconque voye.

Plaissance est bien souuerain,
Et haultain,
Qui rent ioye souueraine,
Et haultaine.
Car qui l'ensuit seoir & main
Main à main,
[* A fin loyale le maine,

* Adieuft de
Ms.

YYy ij

Et amaine,
 Dont est il huy que demain
 Plus certain
 De soy mettre en son domaine:
 Car certaine
 Est en cest estat mondain,
 Qui est vain,
 * Et * C'est nostre adresse mondaine
 Non pas vaine.

Et se plaissance n'estoit,
 Le pouoir d'amours faudroit.
 Qui seroit
 Celuy qui plus dicteroit
 Balades nouvelles?
 Nul homme ne danceroit,
 Ains aux cendres croupiroit.
 Qui riroit?
 Qui seroit cil qui yroit
 Prier les pucelles?
 Chacun oyseau se tairoit,
 Le plus se reposeroit:
 Si feroit
 Celuy qui sonner scauroit
 Harpes & vielles.
 Ainsi tout bien cesseroit,
 Et viure nous desplairoit,
 Et diroit
 Chacun, que mieulx ameroit
 Mort que douleurs telles.

Qui vit en plaissance,
 Il a souffrance,
 Et de ioye congnoissance:
 * Et * Si luy doit souffire,
 S'il a esperance,
 Et humble souffrance,
 Et à sa Dame acointance.
 Dont luy peult il dire,
 S'il voit sa semblance,
 Que pitié l'auance

De mettre alejance
 En son dur martyre.
 Lors aura fiance
 En sa contenance,
 D'aubir des biens habondance,
 Lesquelz il desire.

Plaisance honorable
 Est vie agreable,
 Au corps prouffitable,
 A l'ame sauuable,
 Qui nulluy ne griefue,
 A nulluy nuisable,
 A tous prouffitable,
 Ioyeuse à la table,
 Au repos aydable.
 Quant on couche ou lieue.
 Nulluy est notable,
 S'il n'est acourable,
 Plaisant, amiable,
 Ioyculx, secourable.
 C'est ce qui l'achieue:
 Car tristour nuisable,
 Argent detestable,
 Sa fin retournable,
 Font homs miserable,
 Et sa vie briefue.

Vueillez doncques mettre cueur & pēsee
 A plaisance, & plaisamment ouurer,
 Ainsi sy est à vous douleur cassee,
 Et pourrez loz & honneur recouurer,
 Et de soucy vous pourrez deliurer:
 Tristeur sera de vous greuer lassee,
 Et la saison ioyeusement passee.
 Car plaisance sert de ioye liurer.
 Or seruez donc sans iamaïs desceurer
 Amours, par qui grant ioye jert amassée:
 Et par ce aurez Dame, en qui compassée
 Sera beaulté qu'amours scet préparer.
 Ainsi pourrez en tous lieux comparer,

Y Y y iij

Et en amant passer mainte pensée,
Et tant sera honneur en vous tassée,
Que vous pourrez amoureux appeller.

*MYTRE LAY MAISTRE ALAIN,
Baillé à Monseigneur de Bourgogne.*

PAix eueuse fille du Dieu des dieux,
Engendree ou throsne glorieux,
Et transmise par le conseil des cieulx,
Pour maintenir la terre en vnité,
Exilee de France, & d'autres lieux,
Par oultrages & discordz furieux:
A vous Princes nez du lys precieux,
Tres-excellens en toute dignité,
Iadis louez, haulx & victorieux,
Et à present de vostre eur enuieux,
Et contre vous mesmes iniurieux,
Enguerroyant vostre felicité
Par faulx discordz & faictz malicieux,
Qui * tant durent que trop sont ennuyeux,
Transmetz celay d'amour en charité,
Pour redresser voz courages en mieulx.

*trop du-
rent, qui
tant

Pensez de qui vous venistes,
Et issistes,
Et dont voz armes prenistes,
Et tenistes
Honneur, terre, nom, & gloire:
Et de ceulx par qui nasquistes,
Et vesquistes,
Ayez aucune memoire,
Et par voz guerres despites
Leurs merites
Ne deffaiestes ou desdiestes,
Qui escriptes
Sont, & durent iusqu'à ore.
Se autrement faictes ou diestes,
Voz conduictes
Seront en honneur petites,

Et maudistés

En cronique & hystoire.

S'entre vous a des tors faitz,

Des debatz, ou des meffaitz,

Contrefaitz

Par voulement, ou par fait,

Qui deffait

Ce que * raison y doit faire,

En doiuent estre deffaitz

Ceulx qui ne se sont meffaitz

Par voz faitz,

Et qui de tout ce meffait

N'ont forfait,

Et si en ont tel affaire.

Visez que par voz forfaiz

Vos ennemis sont refais,

Et si faiz,

Que mains expleiz & torsfaiz

En ont faits

Pour la fleur de lys deffaire.

Si vous seroit trop grief fais,

Que vous, qui en fustes fais

Si parfaiz,

Et enayez le bien fait

Au parfait,

Luy souffrissiez tant meffaire.

Discorde haineuse

Fait vie * oultrageuse,

Et souspeçonneuse,

Tousiours angoisseuse,

Melencolieuse,

Plaine de douleur & d'ire,

A l'ame greueuse,

Au cueur chagrineuse,

Au corps perilleuse,

A l'onneur doubteuse,

Aux biens dangereuse,

Et au courage martyre:

* amours y
deult

* acrain-
neuse

"besoin-
gneuse

De bien ennuieuse,
De mal desireuse,
De soing plantureuse,
D'aïse souffreteuse,
D'autrui * desdaigneuse,
A qui riens ne peult souffrir.
Pensee songneuse,
Peine merueilleuse,
Despense oultrageuse,
Charge contangeuse,
Et si peu eueuse,
Et qui soy & autre empire.
Dieux quelz maux & quelz dommaiges,
Quelz meschiez & quelz oultrages,
Quelz ouurages,
Quelz pillages,
Et forsaiges,
Et quantz petis auantaiges
Sont venuz par voz debarz!
Quantes Dames en vefuages,
Orphelins sans heritages,
Et mesnages,
Labourages,
Et villages,
Bourcz, villes, chasteaulx, passages,
Ars, destruitz, & mis au bas!
Les vaillans hommes & saiges
Mors prisonniers en ostages,
En seruages,
Pastissages,
Et truages.
Tailles pour payer les gaiges,
Où se font les grans cabas.
Faulx de foy & d'ommaiges,
Meschan's mis en haults estages,
Cucurs volages,
Faulx messages,
Faux langaiges,
Si pensez en voz couraiges,

Que trop

Que trop durent telz esbatz.

Quant en France i'estoye.

Le l'entretenoie

Seure par la voye,

Par les villes coye,

Si que nulz n'y meffaisoient.

Toutes gens alloient

Quel part qu'ilz vouloient,

Et ne se mesloient,

Ne ja ne parloient,

Fors de lieffe & de ioye.

De gens la peuploye,

La foy augmentoye,

Iustice y gardoye,

Science y mettoye,

Et tous en seureté viuoyent.

Les marchans gaignoient,

Nobles voyageoient,

Clercz estudioient,

Les Prestres chantoient,

Et chacun plain de monnoye.

Riches la tenoye,

Les bons soustenoye,

Honneur maintenoye,

Gens y amenoye,

Tous estrangers y venoient.

Les Princes donnoient,

Les grans despendoyent,

Poures y partoyent,

Tous en amandoyent,

C'estoit d'honneur la mont-iye.

Las! trop fort m'ennoye,

Que banny en foye,

Et qu'el se desuoye

Du tout, & foruoye,

Si que les estrangers voyent

Ceux qui auroient,

L'honneur qu'ilz deuroient

Garder, filz scauoient,

ZZz

Qui la defauoient •
Se Dieu des cieulx ne pouruoye.
Dont vient cest auuglement,
Que si maloureusement,
Et tant douloureusement,
Par faulte d'entendement,
D'auis, & de sentement,
Maintient cest eslongnement
Si longuement.
Entendez l'enseignement
Du Createur, qui ne ment,
Qui pardonna largement,
Et vous fait commandement,
Par loy & par testament,
De viure paisiblement.
Helas ! comment
Chiet en voz iours si griesment,
Et par voz fais seulement,
Vostre maison mesmement,
Qui estoit le parement
D'onneur son le firmament,
Et de foy le fondement,
Mise à destruisement
Est à vostre damnement.
C'est vng honteux vengeance,
Et se bon aduisement,
Et piteux consentement,
N'y mettent amendement,
Vous en souffrerez tourment
Au iugement.
Quel plaisir, & quel liesse,
Quelle honorable richesse,
Ou quel renom de proesse
Vous peult il d'ailleurs venir,
En souffrant mal aduenir,
A ce dont vostre haultesse
Et tout vostre bien vous vient.
Est il serment ne promesse,
Fait par ire, ou par tristesse,

Qui puisse rompre la tresse,
 Qui droit de sang retenir
 Vous feist, & entretenir
 Par la naturelle lessé,
 Dont le lien vous retient?
 Pitié & raison confesse,
 Qu'il n'est dangier ne aspresse,
 Peril de mort, ou tristesse,
 Que ne doyez soustenir,
 Pour le beau liz maintenir,
 Dont l'onneur & la noblesse
 A garder vous appartient.
 Et se par vostre paresse,
 Faulte d'auis, ou simpleesse,
 Chacun verser la delesse;
 Que cuydez vous deuenir,
 Ne quelle seurte tenir?
 Car qui soy mesmes se blesse,
 D'autrui deffié se tient.

Voz debatz ennuyent,
 Les iustes les fuyent,
 Et pour la paix prient,
 Et vous en supplient,
 Faites y deuoir.
 Les vertus s'oublient,
 Erreurs multiplient,
 Ennemis espient
 Tousiours, quoy qu'ilz dient,
 A vous deceuoir.
 Droitz excommenient,
 Et les loix mauldient,
 Ceulx qui paix desdient.
 Nature & droit erient,
 Et font assauoir,
 Que tous se r'alienent,
 Les fiers s'umilient,
 Les durs s'amolient,
 Les rigoureux plient,
 Pour la paix auoir.

Z Z z ij

Ayez des maux repentance,
Et des biens recongnissance.
Tout ire & fureur cassez,
Oubliez les temps passez,
Et reprenez ordonnance.
Donnez au peuple allegance,
Et à Dieu obeyllance.
Vous en auez fait assez,
Pour deuoir estre lassez.
Relaissez luy la vengeance,
Ne croiez oultre cuidance.
Peu dure fiere puissance.
Dieu pardoint aux trespassez.
Par là fault que vous passiez,
C'est nostre commune dance.
Guerre la mort vous auance.
Paix tient la vie en souffrance,
Par qui temps est relassez.
Ensemble vous amassez,
Montrez que estes nez de France.

Qui veult que sa vie dure,
En murmure,
Et trop se laisse abuser,
A vser
Son temps dessoubz la fortune,
El se tourne vers luy dure,
Et obscure,
Et le laisse abuser,
Sans miser,
Car el n'est pas tousiours vne
Homme qui de paix n'a eue,
Se procure,
Que paix le doit refuser,
Et ruser.
C'est la vengeance commune,
Raison luy nuist, & nature
Par droicure
On ne peult desaccuser,
N'excuser,

Qui la laisse par rancune.

Si vous requier par desir curieux,
Fuyez rapportz faulx & suspicieux.
Querez moyen doulx & concordieux.
Vainquez rigueur par vostre humilité.
Laissez aigreur & faictz contencieux,
Orgueil, fierté, vouloir ambicieux,
Affections, appetitz vicieux,
Et tout vouloir qui est malicieux.
Pensez que tout n'est qu'une vanité,
Et que les durs & les presumptueux
Viuent dolens & melancolieux:
Et les benignes, courtois, & gracieux,
Se gouernent selon humanité.
Leurs faits durent, & leurs estatz sont sieux,
Qu'honneur leur croist, & meurent seurs & vieux,
Si qu'à loisir viuent leurs corps mortieulx,
Leur ame est sauue avec la Deité.

LE DEBAT DES DEUX FORTYNNES
d'Amours.

V Ng iour passé fuz, n'a mie gramment.
En vng chastei assis moult plaisamment.
Et bien duisant à tout esbatement,
Que maintes belles
Haultes Dames, & doulces Damoiselles
Entrechassent par la grant bonté d'elles.
Si les ouy compter maintes nouuelles
Lez vne couche,
Et ie fuz loing, pensif, triste, & farouche,
Comme celui que d'un espoint & touche,
Sans yeulx mouloir, ne sans ouuoir la bouche,
Et escoutoye:
Ne au parler d'elles ne me boutoye,
Mais mon penser & ma langue arrestoye,
Et de faillir à parler me doubtoye,
Ardant d'apprendre,
Et d'aucun bien receuoir & comprendre
En si hault lieu où honneur se doit prendre,

ZZz iij

Et dont i'estoye le plus nice & le mendre.

Illec estoient

Des Cheualiers, qui hault renom portoient.

Après disner vers elle s'esbatoient,

D'armes, d'honneur, & d'amours caquetoient.

Maintz propos dirent,

Et maintz bons motz, dont les Dames se rirent,

Et compterent compres qui bien leur firent,

Et en parlant à demander se mirent

Que c'est d'amours,

Et qu'il y a assez de diuers tours,

Et ioyeux ris, & puis lermes & plours,

Tres-plaisans chantz, & tres-tristes clamours:

Et dont ce vient,

Qu'en son dangier passer ainsi conuient,

Et tost ou tard chacun sa fois y vient,

Dont l'vng ioyeux, l'autre triste reuient:

Et qu'en vne heure

Tel rit de cuer, qui après des yeulx pleure.

L'vng est heureux, & l'autre est au deffeur,

L'vng a plaisir, duciel court à l'autre seure.

L'vng rit & chante,

L'autre maudit sa fortune meschante,

L'autre est rauy en pensée plaisante.

L'vng ne s'en plaint, & l'autre ne s'en vante.

Ainsi endurent

Tels pensemens, tant comme en eulx ilz durent,

Et desirent ce qu'onques ne voulurent,

Et demeurent tous autres qui ne furent

Pour euyder plaie.

Cil qui i'angoit veult songer, & soy taire,

Et le songeart du ioyeux contrefaire,

Et si cuidoient chacun d'eux le mieulx faire.

Si les gouuerne,

Et enyure du vin de sa rauerne,

Amours, qui cloz les tient dedans son cerne:

N'ils ne scauent huys, porte, ne poterne,

Par où faillir.

Vng iour les fait trembler & tressaillir,

L'autre d'ardeur & cueur & corps faillir,
 Adés cherir, & adés assaillir,
 Puis mal, puis bien:
 N'ils n'ont pouoir ne franchise de rien.
 Où amours est, il veult que tout soit sien,
 Et gouuerne sens, vouloir, & maintien,
 Par sa maistrise:
 Et dès qu'il a la pensee conquise,
 Et au logis sa droicte merche mise,
 Il veult faire aussi bien à sa guise,
 Qu'en sa maison.
 Plus n'y a lieu le pouoir de raison.
 Du chastier n'est il mie raison,
 Penfer ailleurs, ce semble de raison.
 Amours son estre
 Prent és haults cueurs comme seigneur & maistre.
 N'oncques n'eufmes ne pere ne ancestre,
 Qui en son temps ne l'ait veu ainsi estre.
 Dont il faut dire,
 Que son pouoir & son haultain empire,
 Est si puissant qu'on n'y sçait contredire.
 Roys par force, ne clercz par liures lire,
 Ne s'en deffendent.
 Si voyent bien les las qu'amours leur rendent,
 Et de leur gré dedans les las se rendent.
 Plaisir, desir, ces deux les yeulx leur bendent,
 Si font hommage,
 Et vont serchant leur tres-plaisant dommage,
 Vueillent ou non, du gré de leur courage,
 Par franchise se mettent en seruage.
 Riens ne leur vault
 Leur ost armé, ne leur grand palais hault.
 Amours, à qui de leur pouoir ne chault,
 Leur fait sentir vng desir trop plus chault
 Que feu de pailles,
 Qui entre au cueur & dedans leur entrailles,
 Parmy foussez & espees murailles,
 Tout au trauers de l'ost & des batailles,
 [Et se lance par ses harnois de mailles]

Ou plus parfont,
 Dont cueur & corps font souuent & deffont
 Par tel party qu'ilz ne sçauent qu'ilz font.
 Car ce penser tous les autres confont.
 Si fait valloir
 Les cueurs des bons, & croistre leur vouloir,
 Et mettre crainte & peur à nonchaloir,
 Et de tous faictz honteux leurs cueur doubir.
 Et si leur donne
 Le hardement, & la volenté bonne,
 Qui par honneur croist en eulx & foisonne.
 Mais les gaiges, dont il les regner donne
 A son loisir,
 C'est de leuer vng iour, l'autre gessir,
 Huy de ioye, demain de desplaisir,
 Adés d'espoir, adés d'ardant desir,
 Tout à son vueil:
 Vng iour reffuz, vng autre bel atueil,
 Moitié confort, moitié soucy & dueil,
 Parmy les gens tire la letme à l'ueil,
 Son semblant faindre,
 Souffrir douleur, & ne s'en oser plaindre,
 Et ses sospirs estranger & refraindre,
 Et d'vng regard à coup son mal estaindre,
 Et sa mesaise,
 Se vne Dame monstre à vng qui luy plaise,
 Il est ce iour & plus riche & plus aise,
 Que s'il gaignoit tout l'ord'Aufrique ou d'Aise.
 Le cueur luy volle,
 Et de ioye perd maintien & parole,
 Et l'aucun scet son secret, il l'acolle.
 En ce plaisir se meurdrist & l'affolle
 Plus que deuant,
 Et se remet en penser plus auant,
 Voffe & iure d'estre loyal seruant
 A tousiours mais tant qu'il fera viuant.
 Mais peu luy dure,
 Il oit apres quelque responce dure,
 Et veoit aucun qui quier son aduenture,

Ou

Ou l'en luy dit quelque parolle obscure,
 Dont il se doubte:
 Si pert à coup celle grant ioye toute,
 Sedeult & plaint plus que s'il eust la goutte.
 Il va, il vient, il se couche, il s'acoute,
 Il fuyt les gens:
 Il vient à l'huy, & puis rentre dedans.
 Il dit qu'il a mal de teste ou de dens,
 Au li& se met, puis enuers, puis adens.
 Si se tempeste,
 Et de veiller rompt son corps & sa teste,
 Ne n'a plaisir de ioye ne de feste,
 Et tout seul fait sa plainte & sa requeste,
 Pensif & morne.
 S'il est couché d'vng lez, de l'autre torne,
 Puis se lieue, puis coucher s'en retourne,
 Et luy tarde bien que le iour n'adiourne,
 Affin que d'elle
 Il puisse avoir ou rapport, ou nouvelle,
 Et qu'elle dit, & comme elle l'appelle,
 Et luy mesmes croist sa playe mortelle
 Par telz ouurages,
 Puis enuoye ses plus priuez messages,
 Qui bien souuent ne sont mie trop sages:
 Et s'ilz rapportent quelques plaisans langages,
 * Qu'elle luy mande,
 Ilz font tousiours la nouvelle plus grande,
 Et dient bien qu'elle se recommande
 A luy cent fois, & que par culx luy mande
 Qu'il se conforte,
 Et qu'en espoir s'eslouyffe & desporte.
 Lors embrasse teluy qui luy rapporte,
 Et va passer trois fois deuant sa porte
 Pour veoir l'esprenue,
 Et fait tantost faire vne robbe neuue,
 Et de chanter n'est nul qui le desmeue:
 Et sainsi est qu'il la rencontre ou treuue
 En aucuns lieux,
 Et elle rit de la bouche ou des yeulx,

A A aa

* Qu'il leur
demande,

554 LE DEBAT DES DEUX
 Il est rauy trop plus hault qu'aux tiers cieulx,
 Et prent pour soy tousiours la chose au mieulx,
 Et se tient cointe,
 Et des prochains de la Dame s'acointe,
 Ne des meschans n'a vouloir estre acointe.
 Mais en douceur tout adresse & appoincte
 Du tout son fait,
 Et het vergongne & tout villain meffait,
 Et laid parler qui son parleur deffait.
 Il change meurs, & en mieulx se parfait.
 Ainsi disoient
 Les Cheualiers qui là se deduisoient,
 Comme sçauans bien parfont en lisoient,
 Et sur ces motz aux Dames deuisoient.
 Vne y auoit
 Moult belle Dame, qui bien parler sçauoit,
 Comme il affiert & comme elle deuait:
 Qui leurs vouloirs assez apperueoit,
 Et pour esbatre
 S'alla vng peu en leur parler embatre,
 Et demanda à deux ou trois ou quatre,
 Pour les faire ioyeusement debatre,
 Entre les Dames,
 Qu'ils luy dissent verité sur leurs ames,
 Sans en mentir pour hommes ne pour femmes,
 Si chier qu'ilz ont d'escheuer hontes & blasmes,
 Comme loyaulx:

La demande S'en amours a biens & plaisirs si haulx,
d'une Dame. Et d'autre part dueilz & mortels assaulx,
 Duquel y a plus, de biens, ou de maulx.
 Vng peu musèrent,
 L'vng sur l'autre de parler s'excuserent.
 Les vngs prient, les autres reffuserent..
 En telz honneurs aucune espace vserent.
 Mais vng d'entre eulx
 Vi, qui n'estoit ne morne ne songeux,
 Mais gre, palle, ne melencolieux,
 Mais en bon point, sain, alegre, & ioyeux,
 Sans point de soing:

Et son semblant luy monstroït bien tesmoing,
 Qu'il n'auoit pas de reconfort besoing,
 Ainçois estoit de tous maux au plus loing.
 Si dist adoncques:
 Quant vous autres n'en voulez dire, doncques
 Je parleray, & dy deuant quelzconques
 Qui bien ament, & bien amerent oncques,
 Qu'en bien amer,
 Dont nul ne doit le hault * loz entamer,
 Qui que s'en loue, ou s'en vueille blamer,
 Y a trop plus du doux que de l'amer,
 Je l'ose dire.
 Adonc se prent vne Dame à soubzrire,
 Et en riant luy va dire, Beau Sire,
 Vostre parler ne nous peult pas souffire,
 Et se à part vous
 Amour vous est si courtois & si doux,
 Qu'il vous laisse sans peine & sans courroux,
 Il ne fait pas peult estre ainsi à tous.
 Trop de leger
 Se pourroit mettre à autrui faiz iuger,
 Qui n'a esté en vng pareil danger.
 Mais sil vous plaist, pour la chose abreger,
 Dictes comment,
 Par quel raison, ne par quel mouuement,
 Vous maintenez à vostre entendement,
 Qu'il y a plus plaïssance que tourment.
 Je vous diray,
 Dist il tantost, & ia n'en mentiray.
 Et si saichez que maint desplaisir ay,
 Et maint ennuy, que ia ne rediray,
 Par amours pris.
 Si sçay trop mieulx qu'en doit valloir le pris,
 Ne d'en parler n'en doi estre repris.
 Car à cher coust l'ay à l'essay appris
 Mainte sepmaine,
 Et n'ay pas eu tousiours la teste saine.
 Mais il n'est bien, ne ioye si haultaine,
 Que l'en prise, s'on ne la à grant paine,

*Le grand Che-
ualier.*

*nom

Vne Dame.

*Le grand Che-
ualier.*

A A a ij .

Ne ce n'est droit.

Car se chascun auoit ce qu'il voudroit,

Ne bien seruir, ne souffrir ne voudroit.

Ainsi raison & loyauté fauldroit,

Et crainte & honte.

Ne on ne scauroit plus que honneur vault & môte.

Car bien & mal feroit tout en vng compte.

Ne hault vouloir, qui tout vainc & surmonte,

Ne cherche guiere

A s'empescher en basse euvre & legiere.

Mais qui acquiert en douleur chose chere,

Plus a de bien & de ioyeuse chere

En sa conqeste,

Et luy semble plus hault & plus honneste

Le bien qu'il a à peine & à requeste,

Et en maine plus de ioye & de feste,

Et mieulx le prise,

Que s'il eust eu tout à sa belle guise.

Car nature a en nous telle loy mise,

Que mieulx nous plaist chose à danger conquise.

A ce propos,

Après trauail nous plaist mieulx le repos,

Et la grant soif fait boire emmy les potz:

Et és perilz acquiert on les grans loz.

Assez tesmoigne

Nature en nous toute ceste besoingne,

Quant nous voyons qu'en son euvre el adioigne

Souuent aux doux quelque chose qui poingne,

Et les assemble.

* les roses

On le veoit bien * ou rosier ce me semble,

Et la mousche de ce bien les ressemble,

Qui porte miel & aguillon ensemble.

Or ie delaisse

Celle raison, & viens à la leesse,

Aise de cuer, & haultaine richesse,

Qu'vng amant peult auoir de sa Maistresse,

Si largement:

Au bien aussi, & à l'amendement

Que i'une cuer en son commencement

Reçoit d'amours pour son auancement.
 S'il a vouloir,
 N'entention de iamaïs riens valloir,
 Premièrement il met à nonchaloir
 Tout ce que cuer gentil ne doit vouloir,
 Tout son cuer tire
 A paruenir au hault bien qu'il desir.
 Et pour sçauoir bien son euure conduire,
 Desir l'apprent à lire & à escrire,
 Pour mieulx entendre
 Tout ce qui sert au fait, où il veult tendre.
 Et le plaisir qu'amours luy fait lors prendre,
 Luy donne cuer, & volenté d'apprendre,
 Et de sçauoir,
 S'il veult Romans & nouueaulx ditz auoir,
 S'il met son sens, sa peine, & son deuoir
 A les pouoir entendre & conceuoir,
 Lit & relit,
 Et ce qui siet à son propos eslit.
 Vng mot luy nuit, l'autre luy abellit.
 Si recorde sa leçon en son liët,
 Tres ententiz,
 Et d'en sçauoir du tout entalentiz.
 Là est le lieu où amours le gentilz
 Tient son escolle à tous les apprentiz,
 Sains & malades,
 Dont les plusieurs portent les couleurs fades.
 Or veult l'amant faire ditz & balades,
 Lettres closes, secrettes ambassades:
 Et se retrait,
 Et s'enferme en sa chambre ou en retrait,
 Pour escrire plus à l'aïse & à trait,
 Et met vne heure à faire vng tout seul trait
 De lettre close.
 Vng peu escript, puis songe, ou se repose,
 Puis efface pour mettre vne autre chose,
 Et volentiers mettroit plus, mais il n'ose.
 Or prent couraige
 A dresser bien sa lettre & son messaige.

A A a a iij

Et fil apprend de ces choses l'usage,
 Il en deuient en tous endroitz plus saige
 Au long aller,
 Et en scet mieulx bien taire & bien parler,
 Bien soy garder, & bien dissimuler,
 Querir son bien, & saigement celer,
 Sans soy vante
 S'aucuns scauent ou dancer, ou chanter,
 Il les voudra acoincter & hanter,
 Et les chetifz delaisser & planter.
 Ainsi sauance,
 Ety apprend maniere & contenance,
 Sens, hardement, maintien, & ordonnance,
 Et si acquiert des bons la congnoissance,
 Et est tenu
 Pour gracieux, & par tout bien venuz,
 Amé, aidie, chery, & soustenuz,
 Et honoré des gros & des menus
 Se fait priser.
 Apres met peine à songer & viser,
 De quelque habit tout nouuel aduifer,
 Et s'estudie à bien le deuifer
 Nouuellement;
 Et le vestir & porter gentement,
 Et d'assez peu soy tenir netement:
 Marcher à droit, cheuaucher seurement
 Sur fiers cheuaulx,
 Tourner en l'air sur courriers à grans saulx,
 Faire saillir le feu de ces carreaulx,
 Et à fouir les Dames aux carneaulx
 Dessus la voye:
 Et fil aduient que sa Dame le voye,
 Et que sans plus vng regard luy enuoye,
 Il pensera que le cuer le conuoye.
 Or est repeu,
 Et s'eslouyst, & contente de peu,
 Quant de long temps celle veoir n'a peu,
 Qui en passant l'a d'vng seul regard peu
 A chiere lie.

Lors fol cuider, ieunesse, & folie,
 Et souuenir qui la pensee lie,
 Luy font oster toute melencolie:
 Et cuide bien,
 Que la belle luy vueille assez de bien,
 Et iure Dieu qu'il est & sera sien,
 N'autre qu'elle n'amera il pour rien.
 Passe & repasse,
 Et de passer deuant l'huys ne se lasse,
 Et met à point ou sa robbe, ou sa tasse,
 Et sur la nuit va chantant à voix basse,
 Et s'entretient
 Par soubz les bras à quelque autre qui vient
 Auecques luy, qui bien chante ou bien tient.
 Et si sa Dame à la fenestre vient
 Soy monstrer gouste,
 Ou se le vent vne fenestre boute,
 Dont il cuide que sa Dame l'escoute,
 S'en va coucher ioyeux, n'en faictes doubte.
 Si araisonne
 Son compaignon, à qui sa foy s'adonne,
 Et toute nuit la teste luy estonne,
 De luy compter comme elle est belle & bonne,
 Et du semblant
 Qu'el luy a fait, comme il cuide, en emblant,
 Et qu'el mua sa couleur en tremblant,
 Et demande qu'il luy en va semblant.
 Et le compains,
 Qui congnoit bien comme il en est attains,
 Pour luy plaire ne luy en dit pas moins:
 Ains le scet bien de ses plaisirs hautains
 Lors blasonner,
 Et au matin à la Messe sonner
 L'amant s'en va l'Eglise enuironner,
 Et l'eau benoiste à sa Dame donner,
 Et la paix prendre
 Tout volentiers pour luy porter & rendre,
 Car c'est le bien, où il veult lors entendre,
 Qu'apres elle baisier sans plus attendre:

Et cherche festes,
 Nopces, esbatz, & autres lieux honnestes,
 Où les amans quierent leurs droites questes,
 Et la fait il quant il peult ses requestes.
 S'il est sauant,
 Il chante, il dance, il est humble, & seruant.
 S'il scet du bien, il met tout en auant.
 A festoyer, iusqu'au soleil leuant
 Amours le porte,
 Desir le maine, espoir le reconforte,
 Et plaissance le soustient & supporte:
 Et le regard de sa Dame l'enhort
 A seiouyr,
 A chasser dueil & tristesse fouyr,
 Et soy faire regarder & ouyr,
 Et les autres de le veoir resiouyr
 Par grant plaissance.
 Et s'ainsi est que fortune l'aduanee,
 Tant-qu'il tienne par la main à la dance
 Sa Maistresse par droite bien vueillance,
 Et qu'elle vueille
 Monstrer semblant que bien en gré recueille
 Ses faictz & dictz, & doucement l'accueille,
 Il ne croit pas que iamais il se dueille:
 Mais luy souffrit
 Son bon heur plus que oncquesmais ne fit,
 N'il n'est courroux qui alors luy mesfit,
 N'il ne seça ja ce iour desconfit.
 Or cherche & quiert
 Et ce qui plaist plus à sa Dame enquiert,
 Et de sçanoir son plaisir la requiert,
 Et si fait lors tant que la grace acquiert
 De ceulx qui sont
 D'elle prouchains, où qui vers elle vont,
 Et qui sa grace & sa priuete ont,
 Ou qu'elle hante, ou qui plaisir luy font.
 Ceulx il festoye,
 Pour estre entre eulx mieulx venu, se cointoye,
 Et deuant eulx à la table netoye,

Et par

Et par ville les meime, ou les colloie:
 Et tant les fect,
 Que par son sens leur bonne amour delect,
 Et à l'aimer les contrainst & affect.
 Ceulx le louent deuant elle en appert,
 Et le blasonnent,
 Et de ses faitz luy parlent & raisonnent:
 Et sans sçauoir à quoy les mortz s'adonnent,
 Deuers elle, bonne entree luy donnant,
 Et avec eulx,
 Maintenant l'vng, & maintenant les deux,
 La mainent qu'ilz n'osent aller seulz,
 Et il y va deffoubz l'ombre de ceulx,
 Qui pas n'entendent,
 A quelle fin toutes les choses tendent.
 Neantmoins ce bien pour les seruir luy rendent,
 Qu'ilz le mainent, conduisent, & attendent
 En la maison.
 Et si luy trouue quelque fois la saison,
 Que bel acueil luy donne l'achoisson
 D'oser compter & dire sa raison
 En trefgrant crainte,
 Et de faire à la belle sa plainte,
 Affin de mieulx venir à son attainte,
 Tant qu'elle veoit que ce n'est mie fainte
 De ce qu'il dit:
 Elle luy donne vn courtois escondit
 Meslé d'esper que reffus contredit,
 *Vne autrefois vn bon mot luy redit.
 A longue attente,
 Et il le prent pour soy à son entente,
 Il n'est ioye que celle heure il ne sente,
 N'il n'est douleur qui ce iour le tourmente,
 Ne qui l'esmeue.
 Or prent deuise, ou broderie neufue,
 De quelque mot, feuille, ou lettre qu'il treuve,
 Et la porte sans que nul l'en desmeue,
 Faite de point.
 Ou sus sa robe ou dessus son pourpoint,

B B b b

* Et d'un
 regard qui
 sa durté
 dedit

Ou en anneaulx fil ne se brode point,
 Ou quelque part, s'elle fiet bien à point,
 Sur luy ailleurs.
 Or fait venir & drappiers & tailleurs,
 Brodeurs, ouuriers, & bons entretailleurs.
 Et iouelliers, orfeures, esmailleurs,
 Tous embesoingne,
 Et chascun met en euvre & en besoigne.
 En ce faisant * d'oyfueté s'esloigne,
 De tout apprend, & de tout pense & soingne
 En amendant,
 Et en deuient plus cault & entendant,
 Le ieune temps de son aage pendant.
 Car tout ce qu'est à son desir tendant
 Va exploictant,
 Et s'en iouant à elle, & s'esbatant,
 Verge ou anneau luy offre, & si fait tant
 Qu'elle le prent, & luy redonne autant.
 Assez luy tarde,
 Qu'il soit tout seul, affin qu'il le regarde,
 Et qu'il le baise, & chèrement le garde:
 Et se prent plus de non le perdre garde,
 Que cent marcs d'or.
 C'est son espargne, & son riche tresor.
 Et fil l'a veu & remiré tres or,
 Il le reprent & le * remire encor,
 Et du doit traire.
 Car quant que vient d'elle souef luy flaire.
 Ainsi en fait comme d'vng reliquaie,
 En memoire du gracieux viaie,
 Qui luy plaist si,
 Qu'il luy semble pour vray qu'il soit ainsi,
 Qu'oncques riens d'elle ne vient ne issi,
 Qui ne doie plaire à chascun ainsi.
 Et si l'aduiet,
 Que si apoint de ses amours luy vient,
 Qu'à sa Dame quelque peu en souuiet,
 Ou qu'el luy veult aucun bien se deuient,
 Et il parçoit.

* folles eu-
 ures esloin-
 gne

+ * veut voir

Que le semblant d'elle ne le deçoit,
 Mais qu'en bon gré son seruice reçoit,
 Et qu'elle veult le faire tel qu'il soit
 Si bon, qu'il vaille
 D'auoir honneur en quelque lieu qu'il aille,
 Soit en armes, en iouste, ou en bataille,
 Et que tousiours d'auoir renom luy chaille:
 * Quant vient au fait,
 Il prent courage, & s'efforce de fait,
 Et fil n'a cueur, amours tout neuf luy fait,
 Et l'enhardit ainsi & le parfait
 D'estre vaillant,
 Entrepreneur, prest, legier, & faillant
 Soit à deffendre, ou soit en assaillant,
 Pas ne sera aux premiers hurtz faillant
 Iusqu'à la mort,
 N'il n'est iamais à celle heure record
 Fors * de penser à droit, non pas à tort,
 Sa Dame puisse en * auoir bon rapport.
 Et s'il est clers,
 Il fait liures en rimes, ou en vers,
 Ou beaulx moterz en chants doux & diuers:
 N'il ne sera cauteleux & peruers.
 Et se par lettre,
 Ou message qu'el luy vueille transmettre,
 Elle luy veult quelque hault fait commettre,
 Cela luy fait le courage au cueur mettre,
 Et maintenir.
 Ainsi amour fait honneur soubstenir,
 Et les couars à prouesse aduenir,
 Et les tresbons meilleurs en deuenir
 De leurs personnes:
 Quant ilz seruent à belles ou à bonnes,
 Qui d'eulx chassent toutes œures felonnes,
 Sans trespasser de loyauté les bournes.
 Tantost ly homs
 En amende de ses conditions,
 Et prent au cueur haultes intentions,
 Doux en parler, & en armes lyons,

* Sans nul
mefait

* que
ouyr

BBbb ij

Et cler veant,

A mieulx faire que tous autres veant,

Et ce qu'il fait luy estre mieulx feant,

Vilennies & mal parler heant.

Sile conduit

Ardant desir, & à bonté le duit,

Si qu'en douceur deuient parfait & duit,

Comme le sucre à la chaleur reçoit,

Quant il est prest

Par recuitres, & maintz diuers apprestz.

Quel part qu'il soit, ou en dons ou en prestz,

Iamais ne fait sinon bien où il est.

Doncques l'ardure

De ieunesse, qui soy mesmes n'endure,

Et qui tant est à passer forte & dure,

Est par amours ramenee à mesure,

Et bien passée,

Et de mainte grant foleur repassée,

Et la cuidance oultrageuse cassée,

^{*doit} Dont ieunesse ne ^{*}scet estre lassée

En ieunes gens,

Qui veulent estre oiseux & negligens,

Qu'amours fait puis soigneux & diligens,

Prestz de seruir, rassis, courtois, & gentz

En son seruice:

Et tient sur eulx sa court & sa iustice,

Et leur oste la beïannie & nice,

Et les retraits de maint oultrageux vice,

Et de diffame,

Et les mue, amaigrift, & affame,

Puis en leurre les affaict & reclame

A obeyr au vouloir de leur Dame,

Et si y veillent,

et pour auoir vng si hault bien travaillent,

Dont cuer, & corps, & vertus se refueillent,

et vallent mieulx, ia nulz ne s'en merueillent.

Car quant bien quis

Auront les biens qu'au monde font conquis,

en vain n'a pas travaillé ne requis,

Qui a vng cueur de belle Dame acquis,
Qui bien luy veult,
Et à vertu, & bon renom l'esmeult,
Son preu desir, & de son mal se deult,
Et luy donne le confort qu'elle peult.
Et pour cerrain
C'est le plaisir qui nous est plus prouchain,
Et la source de reconfort humain,
Et le parfait de tout desir mondain.
Se nous tenons
Que de femmes nous naissons & venons,
Et par elles noz ioyes maintenons,
Grands & nourris, & bons en deuenons,
Et que nature
Nous en donne essence & nourriture,
Amendement, ioye, & bonne aduenture:
Dont deuons nous les amer par droicture,
Et sommes faulx,
Desnaturez, villains & desloyaulx,
Desuergondez, mauuais, & bestiaulx,
S'en fait n'en dit nous pourchassons leurs maulx,
Ceulx qui s'en ruse
A ieux de dez, ou pis souuent s'amusent,
Ou à suiuir coquars qui les abusent,
Ou à chasser, temps, corps, & robbes vsent:
Le corps leur sue
D'aller apres la pource beste mue.
L'vng crie & brait, l'autre l'espieu luy rue,
Et à la fin en vng las on la rue,
Ou el s'enlasse.
Quant est à moy, qui peult chasser si chasse.
Oncques ne fut si gracieuse chasse,
Que du deduit qui parle face à face,
Bel comme vng Ange.
L'oyseau s'enuole, & le cerf va au change,
Le chien se perr, le faulconnier s'enfange,
Le sanglier rompt de ses dentz corps & lange.
Leur saison cesse,
Oyseaulx muent, & cerfz perdent leur gresse,

B B b b iij

Les chiens hullent , & font ennuy & presse.
 Mais le deduit amoureux ne se lessé,
 Tant est plaisant
 Qu'il se maine par semblans en taisant,
 Non pas en bruit ne en noise faisant.
 Qui heur y a , il n'est riens si plaisant.
 Le ne vous mentz.

*Chapeaulx de
fleurs,

Amour trouua premier haulx instrumens,
 Chançons, dances, festes, esbatemens,
 *Ioustes, essaiz, bouhors & tournoyemens,
 Preaux & treilles,

Et tonelles à cortines de fueilles:
 Et fit faire les gales & les veilles,
 Les ieux, les ris, & les autres merueilles,
 Dont ioye sourd.

Amours refait les nices & ressourd,
 N'il n'est si sot, si simple, ne si lourd,
 Qui n'amende de venir à la court.

Et quant fauldroit
 Que sa grant cœur & son pouoir fauldroit,
 La plus à nul de ioye ne chauldroit,
 N'on ne scauroit que plaïssance vauldroit,
 Dont la vateur

Maintient le corps, la vie, & la couleur.
 Pource soustiens à droit & sans folleur,
 Que en amours a plus de ioye que douleur.

L'Amour

Quant il eut dicté

L'opinion qu'apres luy ie recite,
 Et sa raison bien longuement deduite,

*en present

Elle luy fut *promptement contredite
 D'vng Cheualier

Vestu de noir, assez sur l'escollier,
 Sans brofdeure, sans chesne, sans collier,

Qui se scoit au costé d'vng pillier

Pensif & palle,

Et ne menoit ieuz, ris, feste ne gale,

Mais sembloit bien sa douleur dure & malle:

Car chacun iour tournoit parmy la salle,

Pensant rousdis,

Et sembloit bien porter cueur maladis,
 Et n'estoit riens dont il fut rebaudis.
 Et dit à lors: Sire, voz plaisans diex
 Font à louer,
 Pour passer temps, & esbatre, & iouer.
 Car bien ne siet de riens trop alouer.
 Mais de la fin ne vous puis-ie aduouer
 Où vous tendez,
 Ne ie ne sçay comme vous entendez
 L'opinion que de ce cas rendez.
 Ne les raisons, dont vous la deffendez:
 Sinon que ayez
 Les maux d'amours trop petit essayez,
 Quant si tres-bien en estes appuyez,
 Et que ja sont de voz comptes rayez,
 Et oubliez.
 Je croy au fort qu'en esbat le diez.
 Autruy s'en deult, & vous vous en riez:
 Mais peult estre qu'on n'y fustes liez
 Adroites certes:
 Et n'en plaignez les douleurs ne les pertes,
 Ne les ennuiz qu'on y a sans dessertes.
 Et bien puez par parolles apertes
 En dire assez,
 Car voz maux sont, Dieu mercy, bien passez
 Et en bon point en estes repassez,
 Et maintz autres en sont mors trespassez
 Par tel estat.
 Mais puis qu'il vient à entrer ou debat
 De ce propos, qui entre nous s'embat,
 Tel compte hault qui apres en rabat.
 Vous racomptez
 Les haults plaisirs, les ioyes, les bontez
 Où *ieune cueur est par amour montez.
 Mais les douleurs ne les maux ne comptez,
 Dont tant y a,
 Qu'onques homme qu'en amours se lia,
 Et qui souffert acertes los y a
 En sa vie, puis ne les oublia:

Le marquis
 Chevalier

*jeune

Et si sont telles,
 Qu'il y en a plus des trois pars mortelles,
 Pour enragier & troubler les cervelles
 Des plus saiges à toutes leurs cautelles,
 Et pour perchier
 Jusques au cuer & jusque au sang s'icher,
 Et qui va là sa plaifance chercher,
 Le bien qu'il a luy est vendu trop cher.
 Je ne dy pas,
 Que ceulx qui fons d'amours va droit trespas,
 Et y passent, & prennent leur repas,
 Es haultx larris
 Doiuent viure, ne dolent, ne marris:
 Mais passent temps en elbaz & en ris,
 Et s'en tournent gras, gros, & bien nourris,
 Quoy qu'ilz promettent.
 Mais ceulx qui oeurs, corps & penſees merrent
 A vne ſeulle, à qui ilz ſe ſoubzmerrent,
 *Et du tout hors de liberté ſe merrent,
 Et ioye quierent,
 Souuent en dueil & angoiſſe ſe fiorent,
 Au droit rebouts de tout et qu'ilz requierent,
 Et cent douleurs contre vng plaifir acquierent
 Longues & lees,
 Qui es cueurs ſont emprainctes & ſeellées.
 Et filz en ont quelques ioyes celes,
 *tristeſſe
 Touſiours ſont ilz de *doleſſe meſſées,
 et dangereuſes,
 Ou pour crainte de mal parler doubteuſes,
 Ou à l'onneur de tous deux perilleuſes,
 Ou trop craintes, ou trop ſouſpeçonneuſes.
 Pour moy le dy,
 Qui deſpieçà en amours entendy,
 et à vne de mon cuer m'attendy,
 Qui vng guerdon oncques nom'en rendy?
 Tant que i'en ſuis
 en tel party, qu'auoir ſanté ne puis.
 I'en meurs ſur bour, & n'euz oncques depuis
 Aïſe de cuer, bon iour, ne bon heurtiz,

Mais

*Et de tous
 pions de
 leur cuer
 ſe deſmet-
 tent,

*tristeſſe

et à vne

Mais ie me tais

De tout mon fait, & le delaisse en paix.

S'il m'est mal pris, autres n'en peuuent mais.

En ce qu'est fait n'a remede iamaïs.

D'autres parlons,

Et s'ataindre verité en voulons,

Comptons les biens, & les maulz en celons,

Ou les douleurs par qui nous nous meßons

Sont demenez,

Chassez, attaintz, assailliz, pourmenez,

Et longuement trauaillez & penez,

Plus que le cerf qui des chiens est venez.

Premierement

Amours rauist les cueurs subtillement,

Et est on pris, & sans sçauoir comment,

E au premier ce semble esbatement

Assez legier,

Et cuyde on bien s'en pouoir estrangier.

Mais qui cuyde par le chemin songer

De s'en faillir plus se treuve*estranger:

*esregier

Et vous promer,

Que quant plus fort d'y penser s'entremet

La pensee à quoy il se soubzmet,

Pour s'en getter bien souuent luy remect.

Ainsi laborent,

Comme perdrix quant la tonnelle queurent

*Ioyeux y vont, & tristes y demeurent:

*iouant

Leur mal leur plaist, puis de leur ioye pleurent,

Le cueur fremie

Souuent à tel qui de douleur lermie,

Pour vne amer comme Dame & amie,

Qui ne l'aime, ne ne l'amera mie.

Or ne repose

Le douloureux, qui en son cueur propose

Qu'il luy dira, mais dire ne luy ose,

Et peult estre qu'elle pense autre chose

Là occupee

En sa raison, & sa bouche estoupee:

Langue n'y fert plus que s'il fust coupee,

CCc c

Et sa pensee est si enuelopee,

Et si en ferre,

Qu'il ne scet bour, ne fin, ne voye querre,

S'il est es cieulx, ou s'il est en la terre,

Si porte en cueur sa frontiere & sa guerre.

En soy couuerte,

Et cueur noircy souuent soubz robbe verte,

*l'acquiert Plaisir *le trait, & dangier le deserte.

*le cherche Acueil *l'aleche, & durté veult sa perte.

Amours le triche,

Et luy est large en offre, & en fait chiche.

Car il le met de tous pointz, & affiche

A celle amer que l'en tient sote & nice.

C'est bien ioué.

Ce me semble petitement donné,

De luy offrir ce qu'est ailleurs voué,

Qui de son don est tant defauoué.

Quel diuers hôte,

Qui offre assez, & promet, & puis oste?

Et qui appelle, & puis bannist de coste?

Faint d'approcher, & puis tourne la voste?

Mais prenons ore,

Qu'elle ait de luy quelque peu de memore,

Il prendra tost en ses semblans sa gloire,

Et lendemain retournera encore

En son hostel:

Ou l'ira veoir en ville ou en chastel,

Ou son semblant ne sera pas autel.

Veez la sa ioye tournee en ducil mortel,

Et raualee,

Et sa chere deuenue adollee,

Gresse & couleur en trois iours escollee,

Ses yeulx mouillez & sa face souillee.

Ot pense & songe,

Ses mains destord, & ses leures desfronge,

Et ne choisist le veoir de la mensonge.

Toute nuit veille en fantosme ou en songe,

Tant soit el grande,

Et ne respond à rien qu'on luy demande,

Ne ne luy chault qui prie ou qui commande,
 Et n'a faueur en vin ne en viande:
 Manjue sans fin,
 S'il quiert le verre il va prendre le pain.
 Le front luy sue, & luy tremble la main,
 Et va & vient, & se trauaille en vain.
 Vers elle enuoye,
 Lettres escript, met messages en voye,
 Et charge à l'vng, quoy qu'il soit, qu'il la voye,
 Et qui y est, qui la sert, ou conuoye:
 S'elle est songeuse,
 Ouse sa chiere est melen colieuse,
 A qui el parle, ou s'elle est bien ioyeuse.
 L'vng reuendra, qui fait chiere pitieuse,
 Le traire à part,
 Dit qu'il n'a peu y parler fors à tart:
 Car là estoit quelque autre bien gaillart,
 Et qu'il est fol si brief ne s'en despart.
 Lors fantasie,
 Rage de cueur, souspeçon, frenaisie,
 Le surprennent avecques ialosie.
 Si fault en luy doulceur & courtoisie
 A celle fois,
 Qui luy dure peult estre tous les mois,
 Et va rompant ses cheueus à bons dois,
 Et les souspirs entrerompent sa voix.
 Tout forcené,
 Ne mē semble ne sage ne sené
 Tant se demaine & en est mal mené,
 Et se clame d'amours mal assené,
 Et baraté,
 Et se complaint de sa grand loyaulté,
 Ou il maudit sa Dame & sa beaulté,
 Et la blasme de sa desloyaulté
 Mal aduenant,
 Et se soucie, & va entreprenant
 Là où il n'a ne foy ne conuenant,
 Oïroy, seurté, droit, ne le remenant,
 N'ou n'y aduint:

* boire

CCc ij

Et croit de vray ce qui oncques ne vint,
 Et iure Dieu dix fois, ou quinze, ou vingt,
 Qu'el aime tel dont onc ne luy souuint.
 Or deuient maigre,
 Chagrin, felon, & rioteux, & aigre.
 Chacun luy nuist, riens ne luy est aigre.
 Tout luy messiet, & reconfort l'enaigre.
 Car si mal nee,
 Venimeuse, dangereuse, & dampnee,
 Et de nature est si defordonnee
 Ialousie la folle & forcenee,
 Que dès qu'el entre
 Dedans le cuer, qu'on nous est le droit centre,
 Et le meillieu & du corps & du ventre,
 Tout bien s'enfuyt fil en a point dedentre,
 Sans nulz respis,
 N'il n'est venin de serpens ne d'aspicz,
 Ne de dragon, tant soit lait, ou despis,
 Qui peult au cuer ne au corps faire pis,
 Ne plus d'ayr.
 Qui est ialoux veult ses amis hair,
 Tout estrangler, courroucer, enuahir,
 Et de chacun croit qu'il le veult trahir.
 Et ses leçons
 Sont de noises, d'argus, & de tençons,
 De reproches, & de malles façons.
 Et croit rapport, songes, & souspeçons
 Sur tous & toutes,
 N'il n'a repos ne que fil eust les gouttes.
 Or met aguetz, espies, & escoutes,
 Et luy croissent tousiours nouuelles doubtes.
 Or veult rouuer,
 Et chercher ce qu'il ne voudroit trouuer,
 Et son meschief accroistre & esprouuer,
 Et traïsons, & mauuaistié couuer.
 Car sans faillir
 Ialousie, qui l'en laisse assaillir,
 Fait en homme tout honneur deffaillir.
 Ne dont elle est ne peult nul bien faillir.

Dieu la confonde,
 Et au parfond de la terre la fonde:
 Car el porte son enfer en ce monde,
 Dedans son cueur, ou mauuaistié habonde,
 Et là doulente
 D'autrui plaisir se meurtrist & tourmente,
 Et a le mal * en quelque ioye en sente,
 Et veult faire d'autrui bien propre tente
 Comme en reserve,
 Et franchise tenir esclau & serue,
 Et que l'autrui plaisir au sien l'asserue,
 Et qu'on l'aime sans ce qu'elle desserue
 Par droite forcè.
 Et il n'est rien qui franc vouloir efforce,
 Fors beau parler qui la langue n'escorce,
 Et doulx prier, autre bien n'y vault, fors ce.
 Si meurt tous vifz
 Homme ialoux, comme en enfer ravis,
 S'il voit qu'esbarz, ou festes, ou conuis
 S'entreprennent sinon à son deuis.
 Les gens le fuyent,
 Ses ditz mordent, ses parolles ennuyent,
 Tous s'en moquent, & s'en farcent & huyent.
 Ceux qui veulent * son mal, à luy affuyent,
 Et luy sacoutent:
 Car telles gens si croient & escoutent
 De mal en pis, & nourrissent, & boutent.
 Ainsi de luy s'acointent & ajoutent,
 Et son vin boient,
 Ou autre preu s'ilz peuent en reçoient.
 Quant son vuloir d'enquerir apperçoient,
 A ses despens l'escoutent & deçoient.
 Là court sa chance,
 Et si luy couste à sçauoir sa meschance.
 [*D'eux se desie pour sa grans des fiance,
 Tous desie de parfaite fiance.
 Et sachez brief
 Quant il cuide plus garir son meschief,
 Par enquerir du fait de chief en chief,

* que quile
mal

* du sien, à
luy assuiét,

* Adionst
du Ms.

Il y entre plus auant derechief.]

Mais hault cueur d'omme,

Que courtoisie & loyaulté renomme,

*foy Peult bien auoir * foing, & pensee comme,

Sans que ialoux on l'appelle ou nomme.

Il gardera

La bonne amour de ce qu'il amera,

Et plus craindra, & plus il doubtera

Ce qu'il ame, plus son deuoir fera

Sans en mesprendre.

Et sans blasmer, attainer, ne reprendre,

Ne seigneurie ne maistrise entreprendre,

Ne espier, n'escouter, ou surprendre,

Ne pres ne loing.

Et ce penser s'appelle amoureux foing,

Ou cueur empreint comme monnoye en ceing,

Et si siet bien, & si sert au besoing.

Mais retournons

Au droit propos qu'à present demenons,

Pour les parties que nous deux soustenons,

De l'amoureux tourmenté, & prenons

Qu'ainsi aduiengne,

Que hors du cueur ialousie remengne,

Et quelque bien ou reconfort luy viengne,

Parquoy du mal passé ne luy souuiengne:

Or reuendra

Veoir sa Dame, & ia ne s'en tendra,

Toutes les fois qui luy en souuendra,

Ne temps ne lieu par raison n'attendra.

Là penseront

Vngs & autres qui ce regarderont,

Et s'il s'en tient, le cueur au corps luy ront,

Et s'il y va, les gens en parleront.

L'vng nommera

Les parolles, ou les controuuera,

A qui que soit son fait descouuera,

Lettres cherront en quoy on trouuera

Dedans enclos

Noms & signets, dont tout sera decloz

Ce qu'il tenoit & bien * couuert & clos.

* secrete

Adonc sera le compaignon forclos

D'en approucher, .

Ne la porte regarder ne toucher,

Quant il sçaura telz choses reproucher,

Et s'en ira par son despit coucher.

Lors mesdisans

En parleront, & feront voir disans,

Et enuieulx luy resteront nuisans,

Qui en diront motz aigres & cuisans.

Pour l'eslongner,

* Et sçauront bien contre luy tesmoigner.

* Or

Sia de neuf assez qu'il besongner,

Et mal foison pour son cueur enseigner.

Triste & mal mis.

Or le faut estre en doubte des amis,

De bruit de gens, de rappors d'ennemis,

Obeissant, simple, coy, & remis,

Son cueur matter,

Danger cherir, & enuieux flater,

Qu'ils ne puissent mal de luy relater,

Et la grace malebouche achapter

Par quelque don,

Dont il n'aura bien fait ne guerredon.

Et d'autre part, se bien y regardon,

Il faut quil * crie à sa Dame pardon:

* prie

* Car pensera,

* Qu'il

Que ce meschief par sa faulte sera,

Et desormais de luy se passera,

Ou peult estre iamaiz ne l'aimera.

Ou felle a cueur

De non vouloir l'en hair pour nul feur,

Pour tout oster le bruit & la rumeur,

Loing s'en ira ou deuers frere ou seur.

Et le meschant,

Que sa foleur va ainsi empeschant,

Ira apres secretement cherchant,

Soit en guise de Moyne ou de marchand,

Se mussera,

Et en buyssons de iour s'embuschera:

Visage, mains, & nez en rouchera,
 Ou en fosses de nuit trespuchera,
 Ou escherra
 Que d'vns carneaux ou d'vng hault mur cherra,
 Et au cheoir du corps luy mescherra,
 Dont le renom de tous deux descherra,
 Et décroistra:
 Ou en allant aucun le congnoistra,
 Qui grant desir de le congnoistre aura,
 Dont le meschief & la rumeur croistra,
 Et sera lors
 En grant peril & d'honneur & de corps.
 Car moult d'autres aussi bonn sont mors.
 Par telz essais & perilleux effors
 Se retourra,
 Ne iamais d'elle approcher ne pourra,
 Ou cependant sa Dame se mourra,
 Dont tousiours seul doloieux demourra.
 Ce sont les gaiges,
 Les haults plaisirs, les dons,* & les hostages,
 Qu'ont les amans, qui par tous aduantages
 Y entrent forz, & en retournent sages,
 Et bien appris.
 C'est la chasse dont le veneur est pris,
 C'est le beau loz qui retourne en mespris,
 Et le mestier dont le maistre est repris.
 Sont les esbatz,
 Dont sourt riote, discords, & debatz,
 Dechiet de corps, & de chastel tabas,
 Et qui a mis mainte cite au bas
 Sans retourner.
 Car amours fait cueur d'amans bestourner,
 Et de son droit estat les destourner,
 Et en honneur par son pouoir tourner
 Sens insensible,
 Et ce qui doit aider estre nuisible,
 Et puissance deuenir impossible,
 Et ce qu'on voit apparant inuisible:
 Seurté doubter,

*les hostes-
lages

Et en

Et en doubte * trop auant se bouter,
 A son pouoir son contraire escouter,
 Voulenté croire, & raison rebouter,
 C'est bien greuable.
 Mal * vicieux, fermeté variable,
 Arrest mouuant, legiereté estable,
 Dolent confort, feaulté decepuable,
 Ioye esprouuee,
 Los reproché, honneur peu honnoree,
 Aigre douleur, beaulté desoloree,
 Haineuse paix, & guerre enamoree,
 Cueur enuieux,
 Coursaut esbat, ieu melencolicux,
 Repos penible, & tourment gracieux,
 Plaisant ennuy, & plaisir ennuyeux,
 Fiel emmiellé,
 Chaulde frisson, eaue ardant, feu gelé,
 Certain espoir de souspeçon melle,
 Taissible bruit, & secret decele,
 Coup sans sentir,
 Et penitence auant que repentir,
 Et vray cuider, qui se laisse mentir,
 Vouloir sans vueil, & sans gré consentir,
 Crainte hastiue,
 Seure paour, hardiesse craintiue,
 Desir forcé, & crainte voulentiue,
 Aduis musart, miserie soustiue,
 Glarté obscure,
 Loyal meschief, desloyalle droicture,
 Conseil couuert, descourant couuertuse,
 Temps sans exploict, & peine à l'aduecture.
 Pour ce maintien,
 Et pour esbatre à ceste fois soustien,
 L'onneur gardant que des Dames ie tien,
 Qu'en amours a plus de mal que de bien.
 Adonc se teut.
 Car tout le cueur serré & dolent eut,
 Ne ses lermes contretenir ne peut.
 Lors le premier ses raisons ramenteut

*seurement

*delicieux

L'Adieu.

DD dd

Sans y musier,

Et va dire pour sa part excuser:

*Le gras
Chevalier.*

Frere celuy se doit d'amours ruser,
Qui de ses biens ne scet à droit vser,

Et qui en vse

Si follement que sa ioye s'y vse,

Et foy mesmes soy destourbe & encuse,

Se bien le fuit, & bon cueur le reffuse

Par sa folie,

C'est tout par luy fil a melencolie.

Mais quant d'amours, qui les cueurs amolie

Et fait entrer en pensee iolie,

Com i'ay compté,

Par qui maint cueur est à vertu dompté:

La pour chose que vous ayez compté,

N'amendrez son los ne sa bonté,

Ne sa vallue

Ne doit estre souillee ne polue.

Pourtant s'aucuns s'en sont ioye tollue

Par conduicte meschante & dissolue,

Si se deçoient

Par en vser autrement qu'ilz ne doiuent,

Et mal loyer en la fin en reçoient.

**bracé*

Ilz ont *versé, c'est raison qu'ilz le boient.

Et neantmoins

En ceste foy ie demeure & remains,

Que saiges cueurs, attrempez & humains,

Par bonne amour n'en peuent valoir moins,

Tant est courtoise:

Et pour ennuy qui leur en viengne ou voise,

Dont bien souuent aux fins amoureux poise,

• Vne ioye contre mille maulx poise.

Si duplica.

L'Asser.

Le douloureux, qui l'ouyt replica,

Et son propos de tous poins applica

Sur vng seul mot qu'adonc il declica,

Et dist sans plus:

*Le maigre
Chevalier.*

Quelque chose que diez au surplus,

Dueil est tousiours la fin, l'issieue, & l'us,

Où tous les faitz amoureux sont concludz.

Et plus n'en dy.

Et quant chacun leur debat entendy,

Et que l'vng dit, & l'autre defendy,

Et que l'vng d'eulx pcur matté se rendy,

Les vngs dirent

A leurs plaisirs, les autres contredirent.

Mais les Dames le parler deffendirent,

Ne plus alors enquerir ne souffrirent,

Fors qui seroit,

Celluy qui bien du debat iugeroit,

Et à tous deux loyal droit en feroit,

Et chascun dist que l'en y penseroit.

Assez penserent,

Et longuement de parler se cesserent.

Puis leur parler apres recommencerent,

Et leur aduis dirent & annoncerent.

Plusieurs nommoient

Diuers proces que sages renommoient,

Qui auoient amé, & qui encor amoient,

Et leurs vertus & leurs bons sens sommoient,

Et vrayes foiz,

En les nommant sans gage & sans trufoiz,

Vne Dame quant ce vint à sa foiz

Alla nommer le bon Conte de Foiz,

Sage & entier,

Tres-noble Iehan de Phebus heritier,

Et qui porte son escu en quartier,

Et qui tousiours fuit l'amoureux mestier.

Quant on l'ouy

Ainsi nommer, chacun s'en esiouy,

Comme celuy qui d'onneur a iouy,

N'oncques nulz d'eulx sa court ne deffoui:

Ains se soubzmisdrent

En son decret, & ainsi lay promisdrent,

Et deuant luy en iugement se misdrent,

Et les Dames leur pouoir luy commisdrent

En son absence,

Toutes dirent qu'il a sens & science,

- D.D d d ij

L'Assen.

Et de chacun escouter patience,
 Et en amours bien grant experience,
 Et grant sçauoir,
 Valeur, bonté, hault cueur, & bon vouloir,
 Et droit aduis pout congnoistre le veoir,
 Et qu'il vault bien à belle Dame auoir.
 Aussi son port,
 En fait assez telmoignage, & rapport:
 Car il porte en son mot, Par deport,
 Comme celuy qu'amours maine à bon port.
 L'ay belle Dame,
 Qui sans paine n'aduint oncques à ame,
 Et sans sentir le mal & l'ardant flame,
 Qui à la gaigner cœur d'amoureux en flame.
 Or l'a il belle,
 Si doit sçauoir qu'est l'ardant estincelle,
 Et congnoistre le plaisir que l'en celle,
 Et bien iugier sans que nul en appelle.
 Ainsi conclurent,
 Et d'vng accord Dames & seruans furent.
 Aussi les deux de bon cueur le voulurent.
 Et bien firent, quant si bon iuge eurent
 Sans respiter,
 Qui en haults faitz se scét bien deliter,
 Et par honneur loyaulté acquiter,
 Et à Phebus des vertus heriter,
 Qui tant fut preux,
 Et tant hay chetifz faitz & honteux,
 Et tant ama les delictz delictueux,
 Tres-dur aux fiers, & aux* foibles piteux,
 Comme il sent.
 Or fut alors le noble Conte absent,
 En ost armé comme honneur le consent.
 Pource firent tout d'vng commun consent,
 Qu'on escriroit
 Tout ce debat, ou tant qu'il souffriroit,
 Et qu'au retour l'oir Phebus le liroit,
 Et s'il luy plaist son aduis en diroit.
 Et ie qui y ero

*folez

Scul Clerc present escoutant par derriere
 Tout le debat, les poincts, & la maniere,
 Fus lors requis par courtoise priere,
 Que ie l'escripue.

Et Dieu me gard que tant comme ie vure,
 Contre le gré de telz Dames * n'estriue,
 Sil'ay escript de pensee * sensitiue.

* escriptue.]

* ententive

Pource supplie,
 Se ie n'ay bien celle chose accomplie,
 Et des raisons des deux parties emplie:
 Qui mieulx sçaura le demourant supplie:

[* Cest Liuret vult dicter & faire escrire,
 Pour passer temps sans courage villain,
 Vng simple Clerc, que l'on appelle A L A I N,
 Qui parle ainsi d'amours pour oyr dire.]

* Adieu
de Ms.

 LE BREVIAIRE DES NOBLES.

NOBLESSE.

LE Noblesse Dame de bon vouloir,
 Roynne des preux, Princesse des haultz faitz,
 A ceux qui ont volenté de valoir,
 Paix & salut par moy sçauoit vous fais:
 Que pour oster les maulx & les tors fais,
 Que vilennie a entrepris de faire,
 Chascun de vous tous les iours vne fois
 Ses Heures die en cestuy Breuiare.

Je me doy bien de plusieurs gens douloir,
 Qui ont du tout mes estatx contrefaitz,
 Et en mettant vertu à non chaloir,
 Prennent mon nom, & laissent mes * beaux faitz, * biens
 Et ont leurs noms auilez & deffaitz,
 Et enclinez à mesdire & mesfaire.
 Mais qui voudra pardon de ses meffaitz,
 Ses Heures die en cestuy Breuiare.

Qui est des bons le successeur ou l'oir,
 Ne doit auoir la terre sans les fais,

D D d d iij

*Et s'aucun
s'est en cest
endroit
mesfaiz

*Ces quatre
vers ont esté
changez sui-
uant le Ms.

Et fil n'est duit à bien faire & valoir,
Les biens d'autrui sont en luy imparfaitz,
Ains a du tout loz & honneur forfaitz,
Quant il n'ensuit des nobles l'exemplaire.

* Et se failly il a quelque autre fois
Ses Heures die en cestuy Breuiaire.

[* Pour entendre comme Nobles sont faitz,
Douze Vertus monstrent cy leur affaire.
Doncques qui veult estre nobles parfaiz,
Ses Heures die en cestui Breuiaire]

F O Y .

Dieu tout puissant, qui de Noblesse vient,
Et dont descend toute perfection,
A tout créé, tout nourrist, tout sôustient
Par sa haulte digne prouision.
Mais pour tenir la terre en vnion,
A ordonné chascun en son office,
Ly vng seigneur, l'autre en subgection,
Pour foy garder, & pour viure en iustice.

Cil qui de Dieu le plus haut honneur tient
Par seigneurie & domination,
Plus est tenu, & plus luy appartient
D'auoir en luy entiere affection,
Crainte, & honneur, bonne deuotion,
Et vergongne de meffait & de vice,
Et faire tout en bonne intention,
Pour foy garder, & pour viure en iustice.

Cil est nobles & pour tel se maintient
Sans vanterie & sans deception,
Qui enuers Dieu obeissant se tient,
Et fait le droit de sa profession.
Qui quiert noblesse en autre opinion,
Fait à Dieu tort, & au sang preiudice:
Car Dieu forma noble condition,
Pour foy garder & pour viure en iustice.

Poure & riche meurt en corruption,
Noble & commun doiuent à Dieu seruice:
Mais les nobles ont exaltation,

Pour foy garder & pour viure en iustice.

LOYAUTE.

Pourquoy furent les Nobles ordonnez,
Et establis seigneurs sur les menus,
Et leur furent les haults honneurs donnez,
Et hommaiges, qui d'eulx sont attenus?
Ilz ne sont pas si tres-hault aduenuz,
Pour rapiner, & par leur force prendre:
Mais sont de droit & par raison tenuz,
Seruir leur Roy & leurs subgectz deffendre.

Et tant plus sont d'honneur guerredonnez,
Et à plus grant dignité paruenuz,
Doiuent estre mieulx conditionnez,
Et tous leurs faictz en raison maintenuz:
Leurs cueurs fermes, leurs dictz entretenuz,
Ne faire tort à plus grant ne à mendre.
Car ilz doiuent sans varier pour nuz,
Seruir leur Roy & leurs subgectz deffendre.

S'ils varient, ils sont desordonnez,
Et leurs subgectz ne sont d'eulx soustenuz,
Ou se leur Roy est d'eulx habandonnez
Par lascheté qui les a detenuz:
Ie dy qu'ilz sont plus villains deuenuz,
Qu'un bon bouuier qui sa rente vient rendre,
Et qui paye pour ceulx qui sont venuz
Seruir leur Roy & leurs subgectz deffendre.

En Noblesse sont les droitz contenuz
De loyauté, où ceulx doiuent entendre,
Qui ces deux pointz ont par cueur retenuz,
Seruir leur Roy & leurs subgectz deffendre.

HONNEUR.

Hault honneur est le thresor de Noblesse,
Son espargne, sa premiere richesse,
Et ce qu'un cueur noble doit desirer,
Son seur conduit, sa guide, son adresse,
Son reconfort, son plaisir, sa liesse,
Est le miroir où il se doit mirer.

Rien ne pourroit vng bon cueur empirer,
 S'il ame honneur, jamais il n'aura honte:
 Car c'est le bien qui les autres surmonte.

Qui n'a honneur, tost dechiet sa haultesse,
 Son loz perist, renommee le lessé,
 Et mespris fait son pouuoir desiner,
 Où honneur fault, perd son nom gentillesse.
 Car vergoigne, vilennie, & rudesse,
 Font cueur gentil fremir & souspirer.
 On ne peut plus vng bon cueur ayser,
 Qu'enfraindre honneur, qui l'ôme à vertu dompte:
 Car c'est le bien qui les autres surmonte.

Où honneur est, tort & iniure cesse.
 C'est le chemin pour venir à proesse,
 Qui fait les bons à hault estat tirer,
 Et met en eulx attrempee liesse,
 Courtois parler, & loyalle promesse,
 Sans varier, chanceler, ne virer.
 Trop mieulx vouldroit soy souffrir martirer,
 Qu'auarice sur l'honneur d'omme monte:
 Car c'est le bien qui les autres surmonte.

Qui garde honneur on le doit honorer,
 Nobles hommes tenez en plus grant compte,
 Que de tresor que puisse procurer:
 Car c'est le bien qui les autres surmonte.

DROICTURE.

Raison, equité, mesure,
 Foy, droicture,
 Font les Puissans durer,
 Et honneste nourriture
 Par nature
 Fait bon cueur à mesurer,
 Et tout meffait foriurer,
 Et iurer,
 De garder en son endroit
 A chacun son loyal droit.

Pour ce ne doit faire iniure,
 Ne laidure,
 N'en tort fait s'adventurer,

Toute

Toute noble creature,
 Dont la cure
 Doit estre à droit mesurer.
 Mieux vault son cœur adurer
 D'endurer,
 Que tollir: car Dieu rendroit
 A chascun son loyal droit.
 Noble homme se desnature,
 Et procure
 A son sang deffigurer,
 Qui s'arme en querelle obscure,
 Et non seure,
 Pour pratique procurer.
 * Car on peut considerer,
 Et penser,
 Que iustice rend tout droit
 A chascun son loyal droit.
 Ne faisons plus murmurer,
 Coniurer
 Contre nous en quelque endroit:
 Mais faisons, pour plus durer,
 A chascun son loyal droit.

* C'est le
 serment
 parjurer
 Forjurer

PROUESSE.

Prouesse fait aux Nobles assavoir,
 Qui ont leur cueur de suiure sa banniere,
 Que nul ne peut par elle pris auoir,
 N'estre receu à sa grant court planiere,
 S'il n'a en luy trop plus fait que maniere,
 Sens pour choisir bon party iustement,
 Et a l'exploit, conduit, & hardement,
 Ferme propos, & arresté courage,
 Diligence, secret, & peu langaige,
 Et en l'estour riens fors Dieu ne resoingne,
 Mais choisisse comme pour auantage
 Honneste mort plus que viure en vergongne.
 Bon renom est son tresor, son auoir,
 C'est la chose que prouesse a plus chiere,
 Ne ja homme n'y fera bon deuoir,

EEcc

Qui en armes quiert sa proye premiere.
 Car conuoitise est tousiours coustumiere
 D'aimer honneur assez escharcement,
 Et tout à coup par son aueuglement
 Entrerompre l'ordre de bon ouurage.
 L'honneur lessé qui entend au pillage,
 Et pour prouffit pert soy & sa besongne,
 Dont par apres regrette à grief dommaige
 Honneste mort, plus que viure en vergongne.

Elle ne veult nul seruant receuoir,
 Qui par long trait à trauail ne la quiere:
 Et se tu veulx les siens apperceuoir,
 Ilz n'ont souuent teste ne main entiere.
 Douce aux humbles, & aux fiers fiere,
 Et aux simples ne fait empeschement.
 Si diz que cil la poursuit laschement,
 Et porte armes en meschant vassellage,
 Qui s'esproue sur poure labourage,
 Et des assaulx des ennemis s'ellongne:
 Ains desirer deuroit, si estoit saige,
 Honneste mort, plus que viure en vergongne.

D'oultrage meurt cil qui vit par oultrage,
 Raison le veult, & Dieu le nous tesmoigne.
 Dont doit aimer homme de hault lignaige
 Honneste mort plus que viure en vergongne.

AMOUR.

Digne chose est bonne amour sans amer,
 Plaisant confort, & vie delectable:
 Car bonne amour ne se peut entamer
 En noble sang d'homme saige & estable.
 C'est largesse de hault cuer honorable,
 Qui de soy fait à ce qu'il aime part.
 C'est la bonté qui soy-mesmes espart,
 Et qui acquiert l'autrui cuer pour le sien.
 Mayne porte le feu dont elle l'art.
 Qui n'a amour & amis, il n'a rien.
 Si la doit bien tout noble reclamer,
 Et querre amis par seruice amiable,

Son Roy, sa terre, & ses amis amer,
 Et au besoing leur estre secourable.
 Mais quant le cueur n'est au semblant semblable,
 C'est fiction plaine de mauuais art,
 Qui descouure sa fraude tost ou tarr,
 Et dont ne vient à soy n'à autre bien.
 Gentilz hommes ayez y bien regart,
 Qui n'a amour & amis, il n'a rien.

Or se peult donc celui chetif clamer,
 Et son estat est dolant & damnable,
 Qui hait aultruy & se fait diffamer,
 Et n'aime rien fors d'amour prouffitable.
 Telz gens se fient au gaing & à la table,
 Et en fortune ilz tournent à l'escart.
 Par tromperie est trompé le regnart.
 Amour retourne à cil qui aime bien.
 Homme hay doit viure en grant esgart.
 Qui n'a amour & amis, il n'a rien.
 C'est amitié, qui trop tost se depart,
 Quant elle fault dès qu'on ne dit plus tien.
 Priez donc Dieu qui de ce mal tous gart.
 Qui n'a amours & amis, il n'a rien.

COURTOISIE.

Qui veult Noblesse esprouuer,
 Où nul vil homme n'ataint,
 Il la doit querre & trouuer
 Là où courtoisie maint,
 Qui tous ses enuieux vaint
 Par sa douceur gracieuse,
 Et n'est ennuieuse,
 Fiere, ne orgueilleuse:
 Mais humble, & ioieuse,
 Et plaisant tousdis
 En fais & en dits.

Par les fais peult on prouuer
 Ce qui est au cueur empraint,
 L'œuvre fait tel reprouuer
 Villain, qui gentil se faint.

E E e e ij

Car la Noblesse s'estaint
 Dés que la vie est honteuse,
 Et la langue oultrageuse,
 Pensée enuieuse,
 Et main perilleuse,
 Font gens estourdis
 En fais & en dits.

Les courtois font à prouver,
 Leur bien par maint eür par maint,
 Et en eulx ne peut couuer
 Mauuaistié, qui n'y remaint.
 Ilz n'ont iamaïs semblant faint,
 Ne maniere de daigneuse,
 Mais chiere amoureuse,
 De tout bien songeuse,
 A nul dangereuse,
 Et sans escondis
 En fais & en dits.

Teste trop fumeuse,
 Rigueur despitouse,
 Bouche rioteuse,
 Font les contredis
 En fais & en dits.

DILIGENCE.

Puis que vertu se parfait d'avoir peine,
 L'ame en vault mieux, & la vie est plus saine.
 L'homme en devient sage, seur, & expert.
 Et paresse est nue, laide, & villaine,
 Despourueüe, non sachant, incertaine,
 Qui los, ne pris, ne grace ne dessert.
 On peut iuger que Noblesse se pert
 En lasche cueur, qui en riens ne travaille.
 Pour nient vit qui* delaisse au desert
 Diligence, qui les vertus esueille.

* n'enfuit
 en apert •

Diligence est à Noblesse prochaine,
 Car c'est celle qui conduit & demaine
 Les haultains faiz, dont gentillesse appert.
 C'est fol cuider, & vanterie vaine,

Pour digne sang, ou lignee haultaine,
 De soy tenir pour noble, si n'y pert.
 Cil qui du tout à oyseuse s'affert,
 Son nom dechiet, & sa vertu sommeille,
 Et meurt tout vif s'à aimer ne s'ahert
 Diligence, qui les vertus esueille.

Que vault homme qui muse & se pourmaine,
 Et veult auoir mol liêt & pance plaine,
 Et demourer au repos à couuert,
 Et passer temps sepmaine apres sepmaine,
 Et ne luy chault en quel point tout se maine,
 Qui soit perdu ou qui soit recouuert,
 Et veult qu'on soit deuant luy descouuert,
 Et qu'on die qu'il est noble à merueille?
 Mais qui est noble, il apprend dequoy sert
 Diligence, qui les vertus esueille.

Le raisin meur se queult parmy le vert,
 Et le meschief l'omme aduise & conseille:
 Et au trauail fait du rude vngappert
 Diligence, qui les vertus esueille.

NETTETE'.

Cueur qui à haultesse tire,
 Et où Noblesse est assise,
 Doit toute ordure despire,
 Laidure & gouliardise.
 Car sa Noblesse desprise,
 Quant netement ne la garde,
 Celuy où tous prennent garde.

Il ne doit faire ne dire
 Chose dont on le mesprise,
 Ne qui l'autrui bien empire,
 Ne dont son loz amenuise:
 S'il pense bien & aduise,
 Et sur soy-mesmes regarde
 Celuy où tous prennent garde,

Lait parler, ou trop mesdire,
 Sont vne vile deuise
 Sur homme, où chascun se mire,

E E e iij

Et où tout le monde vise.

Honnesteté est requise

Pour tenir en sauue garde

Celuy où tous prennent garde.

Par netteté & cointise

D'ordure se contregarde

Celuy où tous prennent garde.

LARGESSE.

Tant est largesse en tous cas aduenant,

Que à soy plaist & à autrui profite:

Car c'est rente d'honneur bien reuenant,

Dont l'vng acquiert gain, & l'autre merite.

Au preneur vault, & au donneur delite.

Chascun des deux en droit soy en amende.

Premierement au large vient l'amende,

Car tous ses biens se despendent par sens.

Le prodigue gaste sans nul pourpens,

Et au large le bien sourt & habonde,

Dont il rent soy & les autres contens.

C'est l'enseigne des vertus en ce monde.

Le don receu oblige le prenant,

Et le donneur sa grant bonté acquitte.

Le donné vault plus que le remenant:

Car bien mussé porte ioye petite.

Et pourtant est auarice mauldite,

Qui le poing clost, que nul ne s'y attende.

Et luy aduient qu'vng autre gaste ou vende,

Ce qu'il acquiert & gaigne à griefs tourments.

Et s'il luy sourt peril, guerre, ou contents,

A nul ne chault qui la griefue ou confonde.

Mais largesse trouue amis en tous temps,

C'est l'enseigne des vertus en ce monde.

Pource ne doit estre eschars ne tenant

Vng loyal cuer, en qui Noblesse habite:

Mais à donner plus ioyeulx qu'en prenant,

Car largesse secourt l'homme & respite.

Escharceté est à noble interdite.

Tout gentil cuer tient au large sa bende.

Bien fait est tel que droit veult qu'il se rende,
 Dont il partit & retourne dedens.
 Jamais bien fait ne se pert en nul tens,
 Mais quelque fois sur son maistre redonde.
 Largeffe tient l'estendart sur les rens,
 C'est l'enseigne des vertus en ce monde.

Riche qui laisse honneur pour les despens,
 Tout bien luy faille, & son auoir luy fonde.
 A largeffe voit on le cueur des gens,
 C'est l'enseigne des vertus de ce monde,

SOBRIETE.

Quant bon desir, qui veult hault aduenir,
 Meult sa pensee à monter en valeur,
 L'omme se doit lors sobrement tenir,
 Et escheuer le vin & sa chaleur,
 Qui fait changer bon aduis en foleur,
 Force greuer, & à nature tort,
 Troubler la paix, & mouuoir le discort,
 Et delaisser toute chose imparfaicte:
 Mais qui bien a à soy sobresse attraire,
 Elle est propice & de peu assouuie,
 Aide de sens, & de santé la guette,
 Garde de corps, & concierge de vie.

De faire excès ne peult il bien venir,
 Ne corps ne loz ne peult estre meilleur:
 Ains en pert on maniere & contenir,
 Voix, alaine, legiereté, couleur.
 Et tousiours a glouton quelque douleur,
 Et est pesant, replet, & gras, & ort:
 Sa vie abrege, & * approuche sa mort.
 Nul n'en a dueil, homme ne le regrette,
 Se vers sobresse il ne fait sa retraicte.
 Car c'est celle par qui nul ne desuie,
 Ayde de sens, & de santé la guette,
 Garde de corps, & concierge de vie.

Et qui ne scet mesure retenir
 Sur sa bouche, qui est l'uiissier du cuenr,
 Comme peult il bien sçauoir paruenir

* aprouche

A conduire chose de pesanteur,
 Gloutonnie laisse toute haulteur,
 Et seullement à soy paistre s'amort,
 Et ventre saoul n'est aise s'il ne dort:
 Car d'autre bien ne songe, pense, ou traite.
 Mais sobresse suffisamment refaite
 Est preste à tout quant vertu te conuie,
 Aide de sens, & de santé la guette,
 Garde de corps, & concierge de vie.
 Sobresse duit les faulcons & affaite,
 A hault voler * les duit & aplaue,
 Aide de sens, & de santé la guette,
 Garde de corps, & concierge de vie.

* si est dui-
 te & pleuie.

PERSEVERANCE.

Excellente & haulte vertu diuine,
 Qui tout parfait, accomplit, & termine,
 Roïne puissant Dame Perseuerance:
 Cil qui retient ta loyalle doctrine,
 Sans foruoyer le droit sentier chemine,
 De loz, de pris, de paix, de souffisance.
 Car tu vaines tout par ta ferme constance,
 Qui de souffrir n'est soulee ne lasse.
 Malheur confort, & sur fortune passe,
 Et en tous lieux la victoire tu donnes,
 Quant tu acquiers par raison les couronnes,
 Quant les vertus toutes la main te rendent,
 Par ton conduit à hault loyer s'estendent:
 Si te doiuent pour patron aduouer,
 Puis que la fin fait les euures louer.
 Tu es celle qui les cueurs examine,
 Et comme l'or ou croisel les affine;
 En loyauté par ton humble souffrance,
 Et qui à toy s'asscure & determine,
 Tu le resours quant il fault ou decline,
 Et luy donnes confort & soustenance.
 Mais cueur failly, lascheté, variance,
 Quanc qu'ilz ont fait gastent en peu d'espace.
 ennuy rompt tout, faulte de foy les lasse,

Vertu

Vertu leur fault, honneur les habandonne.

Ilz sont puniz, le vray Dieu te guerdonne.
Car les bons ont du bien quoy qu'ilz attendent,
Et tous nobles qui à haultesse entendent,
Se ilz sont sages, se vont à roy vouer,
Puis que la fin fait les eures louer.

Il ne fait riens qui commence & ne fine,
Et dès qu'aucun à varier s'encline,
Son bien passé demeure en oubliance.
Et quant l'eure est haulte louable & digne,
S'on l'entreprend sans ce qu'on l'enterine,
C'est reprouche de lasche outrecuidance:

*ainçois

Là pert l'homme son nom, & sa fiance,
Et son bon loz tantost se brise & casse.
Mais qui à droit ses affaires compasse,
Oultre poursuit ce à quoy il s'ordonne,
Et iusqu'au bout en loyauté foisonne:
Parquoy les biens de iour en iour s'amendent.
Mais ceulx qui tost à fortune se rendent,
Veult Noblesse du tout desauouer,
Puis que la fin fait les eures louer.

Ceulx sont nobles qui corps & biens dependent
En loyauté, & leur Seigneur deffendent,
Sans le droit neu de leur foy desnouer,
Puis que la fin fait les eures louer.

[*Vostre mestier recorder
Nobles hommes en ce Liure.
Quant vous serez descordez,
Vostre mestier recorder.

Vos faiz au nom acordez,
Se noblement voulez viure,
Vostre mestier recorder
Nobles hommes en ce Liure.]

*Adieu
du M.

*Manus. : Vos mestiers
comme il y a dans
le ms. de la ville de
Lyon n. 80. p. 108.*

FFff

LE LIVRE DES QUATRE DAMES,

Compilé par Maître Alain
Chartier.

Pour oublier melencolie,
Et pour faire chiere plus lie,
Vng doulx matin aux champs issy,
Au premier iour qu'amours ralie
Les cueurs en la saison iolie,
Fait cesser ennuy & soucy:
Si allay tout seulet ainfi,
Que l'ay de coustume, & aussi
Merchai l'herbe poignant menue,
* Qui mit mon cueur hors de soucy,
Lequel auoit esté transly
Long temps par liesse perdue.
* Qui toute la terre
tissi
Des estrā-
ges cou-
leurs, dōt si
Lōg temps
la terre ot
esté auc.
Tout autour oiseaulx voletoient,
Et si tres-doulcement chantoient,
Qu'il n'est cueur qui n'en fust ioyeux:
et en chantant en l'air montoient,
et puis l'un l'autre surmontoient
A l'estriuee à qui mieulx mieulx.
Le temps n'estoit mie nueux,
De bleu estoient vestuz les cieux;
et le beau Soleil cler luisoit.
Violettes croissoient par lieux;
Et tout faisoit ses deuoirs tieux,
Comme nature le duisoit.
En buissons oyseaux s'assembloïent,
L'un chantoit, les autres doubloïent
Leurs gorgettes, qui verboioient
Le chant que nature a appris,
Et puis l'un de l'autre sembloient,
Et point ne s'entressembloient:
Tant en y eut que ilz sembloient
Fors à estre en nombre compris.
Si m'arrestay en vng pourpris
D'arbres, en pensant en hault pris
De nature, qui entrepris

A les faire or ainsi harper.
 Mais de ioye lez viz surpris,
 Et d'amours nouuelle entrepris,
 Et vng chascun auoit ia pris
 Et choisy vng seul loyal per.

En ce chemin retentissant
 De doux accors, allay pensant
 A ma malheuree fortune,
 En moy mesme m'esbahissant,
 Com amour, qui est si puissant,
 Est large de ioye fors d'une,
 Que ie ne puis par voye aucune
 Recouurer, combien que nescune
 Autre grace en amours ne vueil,
 Soit malheur ou soit infortune.
 Autres par maniere commune
 Ont les biens, dont ie n'ay que ducil.

Les arbres regarday flourir,
 Et lieures & connins courir.
 Du printemps tout se iouyssoit.
 Là sembloit amour seignourir.
 Nul n'y peult vieillir ne mourir,
 Ce me semble, tant qu'il y soit.
 Des herbes vng flair doux issoit,
 Que l'air sery adoulcissoit,
 Et en bruiant par la vallee
 Vng petit ruissetlet passoit,
 Qui les pays amoitissoit,
 Dont l'eauue n'estoit pas falee.

Là buuoient les oyssillons,
 Apres ce que des grisillons,
 Des mouschettes, & papillons,
 Ilz auoient pris leur pasture.
 Laspiers, aoutours, cimerillons
 Vy, & mousches aux aguillons,
 Qui de beau miel paueillons
 Firent aux arbres par mesure.
 De l'autre part fut la closture
 D'vng pré gracieux, où nature

FF ff ij

- Sema les fleurs sur la verdure,
• Blanches, jaunes, rouges & perles.
D'arbres flouriz fut la ceinture,
Aussi blancs que se neige pure
Les couuroit. ce sembloit paincture,
Tant y eut de couleurs diuerfes.

Le ruissel d'une source vive
Descendoit de roche naïue,
Large d'environ vne toise:
Si couroit par l'erbue riue,
Et au grauier, qui luy estriue,
Menoit vne tres-plaisant noise.
Maint poissonnet, mainte vandoise
Vylà nager, qui se degoise
En l'eau clere, nette, & fine.
Si n'ay garde que ie m'en voise
De là, mais largement me poise,
Qu'il faille qu'un si beau iour fine.

Tout au plus pres sur le pendant
De la montaigne en descendant,
Fut assiz vng ioyeux bocage,
Qui au ruissel falloit pendant,
Et vertes courtines tendant
De ses branches sur le riuage.
Là hante maint oyfel sauage,
L'vng vole, l'autre au ruissel nage,

- * Chantres, * Canes, ramiers, herons, faifans:
Et les cerfs passoient par l'ombrage,
• De ces oisillons hors de cage.
+ Dieu scet s'ilz y estoient faifans.

Ainsi vng pou m'eslouyssoie,
Quant à celle douleur pensoie,
Et hors de la tristour issie
Que ie porte celement:
Et puis à moy mesmes rensoie,
Et de chanter ie m'efforçie.
Mais ce bien dont ie iouyssoie
Il ne duroit pas longuement,
Ains rentroye soudainement

Au penser, où premierement
L'estoye, dont si durement
Suis & de long temps assailly.
Ce bien accroissoit mon tourment,
En voyant l'esquieissement,
Dont il m'estoit tout autrement:
Car espoir m'estoit deffailly.

Si disoie à amours: Amours,
Pourquoy me fais tu viure en plours,
Et passer tristement mes iours,
Et tu donnes par tout plaifance?
Tien suis à durer à tousiours,
Et ie trouue toutes rigours,
Plus de durtez, moins de secours,
Que ceux qui aiment deceuance.
L'ay pris en gré ma penitence,
Attendant la bonne ordonnance
De la belle, qui a puissance
De moy mettre en meilleur party.
Mais ie voy que faintise auance
Ceulx, qui ont des biens habondance,
Dont i'ay failly à l'esperance.
Ce n'est pas loyaument party.

Ainsi mon cueur se guermentoit
De la grant douleur qu'il portoit
En ce plaifant lieu solitaire,
Où vng doux ventelet ventoît,
Si fery qu'on ne le sentoît,
Fors que * violete mieulx flaire.
Là fut le gracieux repaire
De ce que nature a peu faire
De bel & ioyeux en esté
La n'auoit il riens à refaire
De tout ce qu'il me pourroit plaire,
Mais que ma Dame y eust esté.

En vne sente me vins rendre,
Longue & estroite, où l'herbe tendre
Croissoit tref-drue, & vng pou mendre
Que celle qui fut tout autour.

FFff iij

*Herbe
mieux en
flaire

Là me vint vng aches surprendre
De desir, qui me fit esprendre:
Et en allant sans garde y prendre,
Ne sans penser à mon retour,
Me trouuay loing en vng destour.
Là me fit desir dur estour,
Ne ie ne scauoye plus tour,
Quant de pres vy s'entrebaïser
Vne pastoure & vng pastour,
Et de loing issir d'une tour
Quatre Dames en noble atour.

• Cela fit mon mal appaiser.

Quant ces Dames choisÿ à l'ueil,
Vng pou entr'oubliay mon dueil,
Dont ia trop plus que ie ne sucil,
Qui cessera

Au fort quant à amours plaira,
Ou mort du tout l'abregera,
Vng de ces deux le m'ostera.

Autre n'y peult,
Fors celle qui mon cuer ne veult,
Ou qui en sache plus qu'el seult,
Combien que par elle se deult
Ce pource cuer,

Qui en a tant de la douleur,
Que i'en pers la chere & couleur.

Mais soit sens, ou soit folcur,

Quoy qu'il aduienne,

Il conuient qu'à tousiours se tienne,

Sans que iamais autre deuienne:

Combien que pas ne m'appartienne

Grace auoir telle,

Comme estre amé de la tresbelle.

Ce m'est assez bien que pour elle

L'aye le mal que mon cuer celle,

• Et que ie l'aime,

Sans plus par penser en moy maisme,

Et que seule Dame la clame,

Et en mes douleurs la reclame:

Quant autre chose

Faire n'en puis, & que ie n'ose
Pas sans plus penser, que descloſe
Luy ſoit l'ardeur que ie tien cloſe.

Car ſe le dire

Arrayoit à ſoy l'eſconduire,
Il n'y auroit plus de quoy rire.
Si me vault mieulx cè mal que pire,
Et vng que deux.

Ainſi eſtoye aux chāps tout ſeulx,
Et entre les paſtours viz ceulx,
Qui ſ'aymerent, & autour d'eulx
Leurs brebiettes.

Si firent par leurs amourettes
Tant de gracieuſes choſettes,
Et ſ'entredonnoient les fleurettes
Et chappeaulx vers,
Et puis danſoient au trauers
Tous de fleurs eſtranges couuers,
Et faiſoient mains tours diuers.

Moult ay enuie

De leur tref-gracieuſe vie,
Qui en ioye ſembloit rauie,
Et de ſouffſſance aſſouuie.

Et par mon ame,

S'amours conſentoit que ma Dame,

Celle qui ſi mon cuer enſlame,

* Fuſt or comme vne baſſe fame

* Eſtois

Aux champs bergiere,

Bien ſçay qu'il ne demourroit guere,

Toutes choſes miſes arriere,

Que de ma volenté planiere

Ie ne gardaſſe

Brebis aux champs, ſe ne penſaſſe

Plus en douleur, & mieulx oſaſſe

Luy dire le mal qui me * laſſe.

* caſſe

Quoy que ja las

Ne ceſſeray d'eſtre en ſes las,

Pour plaindre ne pour dire, hélas!

Plus vueil son gré que mon soulas.

C'est mon desir,

• Soit au leuër ou au gesir.

Le souhaite temps & loisir,

Où quelque chose à son plaisir

Faire ie peusse,

Et que ainsi faire le sceusse,

Comme le vouloir en eusse,

Non pas si bien que ie deusse,

Et qu'elle vaut:

Mais où la puissance de fault

A la fin bon vouloir ne fault.

Se mon cueur a choisi trop hault,

Le ne l'en prise

Que mieulx, quant il a entreprise

Vne si gracieuse emprise.

Madame en fera à sa guise,

Quant vient au fort,

Et ce m'est vng grant reconfort,

Et en deusse prendre la mort,

Que nul ne peult dire, Il a tort

De celle amer,

Ne ie n'oseroye blasmer

Desir, qui m'en fait enflamer,

Et par qui i'ay tant de l'amer.

Celuy feroit

Sans cueur, qui bien aui feroit

Au bien d'elle, & y penseroit,

• Quant

* Qui volentiers ne l'aimeroit.

Aussi pour voir

Le croy, & le cuide sçavoir,

Que plusieurs desirer auoir

Sa grace, & en font leur deuoir,

Desquelz le mendre

Le suis, qu'amours fait entreprendre.

Ce à quoy ie ne m'ose attendre:

Et ia pour doubte de mesprendre

Rien ne sçaura,

Au moins la bouche le raira,

Et le

Et le semblant faire * voirra.
Par lequel peult estre elle aura
Apperceuance.

* lairra

Car ien n'ay sinon desplaisance,
Et de tous ceulx qui sont en France,
N'en a d'amours vng à oultrance,
Plus assailly.

Mais s'espoir m'estoit deffailly,
Et i'estoie plus mal bailly,
Aumoins n'ay-ie mie failly
A choisir bien.

Car à mon gré ainsi le tien,
De douceur & de beau maintien
Fors* tout parfait n'y a il rien
En la tres-belle.

* tant

Et se i'eusse vne grace telle,
Que sans plus ie feüsse bien d'elle,
Ou que aucune bonne nouuelle
I'en peüsse ouyr:

Oncques nul ne vit esiouyr
Vng amant, & deust il s'ouyr,
N'ainsi toutes douleurs iouyr,
Qu'on me verroit.

Mais cela estre ne pourroit,
Ma fortune ne * souffriroit,
N'à mon courage n'en cherroit
Qu'il aduenist,

* le vould
droit,
* ne croi
roit

Que ia de moy lui souuenist,
Ne qu'à seruant me retenist.
Car de riens nem'appartenist
Si amoureuse

Pensee, ne si gracieuse,
Si haulte, ne si bien heureuse,
Ne de ioye si plantureuse:

Veu que ie suis

Celuy qui à moy mesmes nuis
Par mon malheur, n'oncques depuis
Mon enfance n'euz fors ennuis,
Et en amours

GGgg

Courte ioye , longue doulours.
I'ay pour loyauté le rebours
De ceulx qui vsent des faulx tours.
Et bien leur vient,
Et meschief porter leur conuient,
Quant de tout si tresmal aduient.
Au fort se droit à droit reuient,
Vng temps viendra
Qu'amours grand pitié en prendra:
Et celle or mon cueur tiendra,
Qui si luy plaist le retiendra.
Ie luy ay mis
Puis deux mois,& m'en suis demis.
Et si ay à amours demis
Luy quitter,& m'en suis soubz mis
Tout à son vueil:
Luy priant qu'il change le dueil,
Que passé a deux ans recueil,
Qui appert au doÿ & à l'oeil,
Par le reffus
De celle à qui seruant ie fuz,
Qui mit en mon cueur fer & fuz
D'vng dart amoureux,dont confuz
Ie me rendy.
Par deux ans sa grace attendy,
Toutesfois ma peine perdy,
Et qu'elle tendoit entendy
Bien autre part.
Ie vins peult estre vng peu trop tart,
Et elle eut au meilleur regard.
Mais ie pry à Dieu qui la gart,
Et qu'il luy doint
Tel ioye qu'il ne faille point,
Qu'elle essaye comme amour point
Ceulx à qui n'en va pas à point:
Comme ie l'ay
Essayé. Ainsi m'en allay
A penſes que iamais ne l'ay.
Et en vng val,où i'aualay,

Ay apperceu
 Les Dames, que i'eu premier veu.
 E à l'approcher i'ay congneu,
 que moult de dueil ilz eurent eu.
 Ainsi alloient
 Comme celles qui se douloient,
 Et riens fors penser ne vouloient,
 Ne point ensemble ne parloient:
 Mais par l'erbette
 Chacune alloit toute seulette.
 Oncques ne dirent chançonnette,
 Ne de cueillir la violette
 Ne leur tenoit,
 Mais chacune son dueil menoit,
 Dequoy tousiours luy souuenoit,
 Et l'vng or à l'autre venoit.
 Moult loing derriere
 Furent leurs gens, si firent chiere.
 Si mate & si triste maniere,
 Ne leurs habitz ne furent guere
 De trop grant monstre.
 Je prins à aller à l'encontre
 Par vng chemin qui le me monstre,
 Louant amour que tel encontre
 M'est aduenu.
 Si allerent le pas menu
 De leur beau blanc petit pié nu,
 Et les yeulx vers terre ont tenu.
 Tant receuoient
 De douleurs, qu'elles ne sçauoient
 Par lequel lieu passé auoient,
 Ne moy mesmes n'apperceuoient,
 Iusques apres
 Que ie fus d'elles au plus prés,
 Dessus la coste des vers prés
 Trop mieulx odorans que cypres.
 Si dis à lors,
 Ioye de cuer, aise de corps,
 Mes Dames, & bons reconfors,

G G g g ij

Meilleurs qu'il n'appert par dehors,
 Vous octroït dieux.

Lors en hault leuerent les yeulx,
 Et vne où n'a ne riz ne ieux

*La premiere
 Dame.*

M'a dit, Dieu doint qu'il vous soit mieulx,
 Sire, qu'à nous,

Et n'ayez ennuy se sans vous
 Saluer nous passions: car tous
 Noz cueurs sont si plains de courroux,
 Et de tristesse,

Dont ilz sont encloz en destresse,

Et assiegez par tel aspreste,

Qu'il n'est en ce monde lieste

Qu'ilz receussent,

Ne que rien de ioyeux veoir peussent,

Sans ce que leurs douleurs ne creussent,

Et que leurs maux ne s'en esmeussent

Contre plaïssance.

Car en nous a tel habondance

Dè dueil, & de desesperance,

Qu'il n'est pas en nostre puissance

De sçauoir faindre,

Ains à peine nous peult contraindre

Raison, & noz bouches refraindre,

Et crier haultement & plaindre.

Car noz cueurs sont

Si plains du desplaïr qu'ilz ont,

Que ie ne sçay qu'il ne les ront.

A peu que chacun d'eulx ne font,

Et qu'ilz ne fendent.

Riens plus noz volentez n'attendent,

Fors que noz corps les ames rendent,

Et par mort noz vies amendent

En brief termine.

elle en est seule medecine.

Si luy requiers que ie desfine,

et qu'ensemble vie & dueil fine.

Car enhays

Ay-ie du tout terre & pays,

Tant m'ennuit mon cuer en trahis,
Et du tout espoir m'a trahis:
Dont ie lamente.
Car ie suis la triste & dolente,
Qui fault à toute son entente.
I'ay perdu de ioye la rente,
Qui soustenoit
Mon cuer, & en ioye tenoit,
Et bien à mon gré reuenoit
Tout ainsi qu'il appartenoit.
Or me deffault.

Lors fist elle vng sospir si hault,
Et l'assist: car le cuer luy fault.
Palmee fut, ou autant vault.
Si l'escoutoye.
Et ainsi couché que l'estoye,
Toutesfois ie la confortoye.
Mais ja soit ce que ie doubroye
A enquerir
De son mal, & l'en seurquerir:
Si osay- ie bien requerir,
Que vers elle puisse acquerir
Si priué bien,
Qu'il luy pleust sans doubter de rien
Moy dire, quel mal est le sien,
Et que ie le celeroye bien,
S'il le failloit,
Et se commander me vouloit
Aucune chose que il lioit:
Ou se mon seruice y valoit,
Y emploiroye
Cueur, corps, & tout ce que i'auroye,
Et si volentiers le feroie
Comme faire ie le pourroie.
Lors la tressage
Tourna vers moy son doux visage,
Qui tout en grosses lermes nage,
Et bien porte au cuer tesmoignage
De dueil tres-grief:

L'Asses.

GGgg iij

Et en soupirant derechief,
 Mit ses deux mains contre son chief,
 Et dist! Quel douleur quel meschief!

*La premiere
 Dame*

Et quelle perte!
 Jamais ne sera recouuerte.
 Ha! mort, or m'as tu bien deserte,
 Et courcé le cueur sans desserte,
 Et mis en douleur bien apperte:
 Qui en mourra
 Malgré toy si tost qu'il pourra,
 Et non pas si tost qu'il voudra.
 Mais ja hul ne l'en secourra,
 Qu'il ne trespasse:
 Car ma dolente vie lasse,
 Qui a duré trop longue espasse,
 Et qui en dureté mort passe,
 Et tant me liure
 De douleur, m'en fera deliure.
 En desirant mon cueur ensuiure,
 Le mourray par ennuy de viure.
 Ainsi ira,
 Car quant la mort plus ne fuira,
 Ma vie mesmes m'occira,
 Et plustost me desconfira,
 Que mort qui targe
 A m'occire, & si ne vueil targe
 Verselle. Mais l'on prie & charge,
 Et elle est à iceulx plus large
 Qui la deffuyent,
 Qu'à ceulx qui enuers elle affuyent,
 Et à qui leurs vies ennuyent,
 Et à mourir point ne denient.
 C'est contre droit.

L'Asses.

La parolle pris cy endroit,
 Et dis, que en courroux trop perdroit,
 Et cueur & corps pis en vaudroit.
 Si luy priay
 A genoulx, & m'humiliay,
 Pour la pitié que de luy ay,

Et pas à dire n'oubliay,
 Que douleur telle
 l'enduroye, ou plus cruelle,
 Que celle qui estoit en elle.
 Et si demanday à la belle,
 Dont tout ce vient,
 Que tant douloir il la conuient,
 Et qu'à tel destresse deuient,
 Et ie luy diray qu'il m'auient.
 Car bien m'auise,
 Que pensee de dueil surprise,
 Son mal maintesfois amenuise,
 Et descroist quant on en deuise.
 Car dueil estraint,
 Et mussle le cuer trop contraint,
 Quant la bouche fort s'en restraint.
 Si n'est pourtant secret enfraint
 S'on s'en déclot:
 Car aucun qui voulentiers l'or,
 Et qui n'est mal parlant ne sot,
 Et que iamais vng tout seul mot
 N'en soit redit.
 Et quant icelle m'entendit,
 Bien doucement me respondit.
 Je ne metz point de contredit,
 que ne soyez
 Si secret comme estre doyez.
 Je suis au point que vous voyez.
 Puis qu'ouyr voulez, or oyez:
 Car il me semble,
 Que mon mal à nul ne ressemble.
 Et l'amour vostre cuer vous emble,
 De tant pouons nous miculx ensemble
 Comme tres-fermes.
 Lors dit en beaulx & piteux termes,
 Ayant aux rians yeulx les lermes,
 qui de plourer furent enfermes:
 Ha! destinee
 Tres-dure, mauldite iournee,

*La premiere
 Dame la-
 mente son
 ami mort en
 la bataille
 d'Azincourt*

Douloureuse, mal fortunée,
 Qui toute ma ioye as tournée
 En desconfort.
 Helas/ celuy y print la mort,
 Que i'aymoie tant & si fort,
 Qu'oncques cuer d'amans si d'accord,
 Et loyaument,
 Ne s'aymerent si longuement.
 Or est mort honnorablement
 Par luy & douloureusement
 Pour moy hemi.
 Ha/ cuer de tresloyal amy,
 I'ay eu par toy, & tu par my
 Tant de plaisir, or en gemy
 Quant separee
 Suis de toy, seule, & esgarée,
 De tout plaisir desemparee.
 La douceur m'est chier comparee,
 Dont ie mendie.
 Mort, dure mort, Dieu te maudie.
 Et comment es tu si hardie,
 Que noz deux cuers à l'estourdie
 As departy,
 Quant point n'assemblerent par ty?
 Ce qui estoit vng seul party,
 Est l'vng loing de l'autre esparty.
 Las! n'y a pas
 En vng mesme cuer deux repas,
 Mais vne vie & vng trespas,
 Et doit passer vng mesme pas
 Ce qui est vng,
 Ioye ou dueil tout en commun:
 Vne mort à l'autre & à l'vng,
 Vne seule vie à chascun.
 Tu as ce fait
 De volenté plus que d'effait,
 Quant par ton douloureux meffait
 Tu as departy & defait
 Si loyal forte.

Mais c'est

Mais c'est ce qui me desconforte.
 Pourquoi ne suis aussi bien morte,
 qui ne suis mie la plus forte,
 que mon doulz per?
 Ne comment te puis-je eschapper,
 que ton dart ne me vient frapper,
 Ou brief ne tendz à m'attrapper
 Sans tel langueur?
 Mais ton enuieuse longueur
 M'abregera force & vigueur,
 En despit de ta grant rigueur,
 qui entreprenent
 Contre moy que douleur esprenent,
 De quoy tres-grandement mesprenent,
 quant tout ne laisse ou tout ne prent
 C'est destraison.
 Il estoit en fleur de saison,
 Et né de si noble maison,
 Et tu l'as prins * sans ahoison
 Au preiudice
 De moy, dont tu as fait que nice,
 Et mal vsé de ton office.
 Car il estoit en mon seruice,
 Et si m'amoit,
 De quoy nully ne le blasmoit,
 Et pour sa Dame me clamoit,
 N'autre nul droit n'y reclamoit.
 Et tu le prens
 qui n'y as riens, dont tu mesprends,
 Et de soucy toute m'esprends,
 Quant à vng seul coup ne comprends
 Dame & seruant.
 Ha! pourquoy fut il si auant,
 Ne pourquoy alla il deuant,
 En ses ennemis receuant?
 Tant de vaillance
 Il fit de hache & de lance,
 Que chascun doubtoit sa puissance,
 Dont il fit grant honneur en France.
 HHhh

• contre
 raison

Et se fortune

Eust voulu, que par voye aucune

Fust prisonnier, ie fusse l'une

Des plus aises desouz la Lune.

Quant on diroit

L'honneur de luy qui flouriroit,

Et que chascun luy cheriroit,

Lors mon cuer tant s'eslouyroit.

Mais autrement

M'en est, ie pers entierement

Ceste ioye premierement,

Et les autres semblablement.

Pourquoy i'estriue

A la mort, quant douleur hatieue

De cent mille ioyes me priue,

Et veult qu'apres maugré moi viue

Comme qu'il soit:

Et el m'oste ce dont issoit

Ma ioye, & qui me nourrissoit

En plaisir, qui n'amendrissoit

Pour riens quelconques.

Pourquoy ne me prêt elle doncques,

Ou qu'elle ne me prist adoncques,

Sans departir pour riens quelcōques

Nostre ioincture?

Fust victoire ou desconfiture,

Santé, vie, mort, sepulture,

Tout fust vne mesme aduventure.*

Et ie pensasse,

Qu'apres luy point ne demourasse.

Au fort, se Dieu ne redoubtasse,

De la mort par mort me vengeasse,

Bien le vouldroye,

Et compaignie luy tiendroye

Viue & morte: mais ie perdroye

*L'ame, &
à la sienne
rouldroye,

*La vie de eternele ioye,

Le bien de grace.

Or ie prie Dieu qu'il efface

Ses meffaitz, & *mercy luy face,

*pardon

QVATRE DAMES.

Et qu'en brief* de son gré defface
D'auec le corps
*Mon ame voulant estre hors,
Et qui ne desire riens fors
Que d'un seul coup fussiôs deux mors
En ceste guerre,
Et les eorps tous ensemble en terre
Tout en vn serqueil bien en ferre,
Et peussions paradis acquerre-
Si doubleray
Tousiours mon dueil, & m'emblcray
Des autres, si ressembleray
La turtre, à nul n'assembleray.
Car tel estoit
Qu'en tout bien vers moy se portoit,
Tant me honnoroit & redoubtoit,
Et en mes maux me confortoit.
Or est estaint,
Dont mon cueur est paly & taint,
Et de toute douleur ataint,
Qui ma couleur a ja destaint.
Desir demeure,
Et est mon cueur à toute heure,
Qui en vain pour neant labeure.
Espoir fault, quant desir court-seure,
Et se depart
De moy, qui de dueil ay tel part,
Qu'à bien peu que mon cueur ne part
Dehors, & qu'en deux ne se part,
Quant souuenir
Me fait en pensee venir
Comme il souloit vers moy venir,
Et son gracieux maintenir,
Et les doulx mortz
Qu'il me disoit à tous propos:
Car il auoit, bien dire l'oz,
De tous les gracieux les loz.
Moult luy seoit
Son parler, & bien l'asseoit;

611

*de mon
cueur

*L'ame
qui voul-
droit estre
hors,

HHhh ij

Car toute des-honneur heoit,
 Et doucement me festioit
 Quant il venoit,
 Mais pas long temps ne s'en tenoit.
 Desir souuent luy amenoit
 Ris & ieuz, tout luy aduenoit.
 Dieux, quel dommage!
 Laisé m'a le bel & le saige,
 De hault sang & royal lignaige,
 Mais plus noble, quant du courage,
 Qui auoit en droit heritage
 M'amour acquise,
 Dont par long temps m'auoit requise,
 Et si doucement mercy quise
 A sa valeur m'auoit conquise,
 Et si l'auoye
 Essayé: car son cuer sauoye
 Estre si mien, & par tel voye,
 Que de luy doubter ne deuoye.
 La affermee
 Yert ma volenteé fermee,
 Qu'amours a depuis confermee.
 Mais ceste doloieuse armee
 Aduenturee,
 Et fortune desmesuree,
 * Si n'eust peu auoir enduree,
 Ma seule ioye auoir duree
 Saison demie.
 Las! fortune m'est ennemie,
 Qui est aux desloyaulx amie,
 quant laisser ne me pouoit mie.
 Dieu la confonde,
 Vne seule ioye en ce monde,
 Qui a, mal à nul ne redonde,
 Et el seuffre que maint habonde
 Tout à son ayse
 En quelque chose qui luy plaise,
 Sans qu'à elle riens en desplaise,
 Et sans congnoistre qu'est mefaise,

* Ne me
 peut

Qui defferuy
 N'a pas esté des biens seruy
 Qu'amours depart: car afferuy
 N'est pas son cueur, mais defferuy,
 Et debouté
 En doit estre, quant redoubté
 N'a sa Dame, ains s'est arouté
 A faintise, qui l'a bouté
 En tel haultesse,
 Qui est par faulce subtilesse,
 Et deceuance, qui la dresse,
 Larron d'amoureuse richesse,
 Qu'il a emblée,
 Et de plusieurs lieux assemblee:
 Dont sa ioye n'est point doublee,
 Et mainte Dame en est troublee.
 Mais il eschiet
 Qu'une fois qui bien à point chiet,
 L'honneur des faulx amans dechiet,
 Et qu'en la fin leur en meschiet:
 Quant voulentiers
 Ont tenu les mauuais sentiers,
 Et qu'ilz n'ont point esté entiers
 En amours, qui ne passe en tiers.
 De telz assez
 Est trop plus qu'es temps passez,
 Qui tant de sermens ont cassez,
 Et n'en peuent estre lassez.
 Leur bouche nomme
 Souuent mainte qu'à tort renomme,
 Tutesuoys sceuent ilz bien comme
 Nature vng seul cueur à vng homme
 A ordonné:
 Si ne doit estre habandonné
 Ailleurs, depuis qu'il l'a donné,
 N'estre ne luy doit pardonné:
 Car ordonner
 Veult amours pour guerredonner
 Les bons, qu'autel bien peult donner
 HH h h iij

Vne, que cent, & foisonner.

Et si rassis

Est amours, qu'autant a assis

De pouoir en vne, qu'en six.

Plus luy plaist, & mieulx luy affiz

En vne mettre

Son cuer, que par tout s'entremettre

De seruir, souffrir, & soubzmettre,

Rien tenir, & foison promettre.

Telz ne pourroient

Sçauoir que bien peu s'en donroient

Garde, qui telz gens secourroient,

Quant ilz diroient qu'ilz en mourroient

Pour amours fines,

Et feroient si tristes les signes,

Manieres humbles & benignes,

Poufrober ce dont ne sont dignes:

Et se iouy

N'en auoient comment esiouy,

Ilz se vanteroient que ouy.

Helas! mon cuer a tant ouy

D'eulx les parolles,

Et leurs grans lobberies folles,

Leurs deceuans blandices molles.

Moult ay desprisé leurs friuolles.

Mais tant^{*rouay}

Qu'vng tel qui me plaisoit trouuay,

Que loyal & bon esprouuay,

Duquel tous les faictz esprouuay.

Là m'arrestay,

Et à l'amer tant m'apprestay,

Que ie luy donnay & prestay

Le cuer que de fendre prest ay:

Et en eschange

Prins le sien par amoureux change.

Or pers tous deux par voye estrange,

Dont ie vois nudz piedz & en lange

Prier la Vierge,

Qui des cieulx est vraye concierge,

*tourney

Luy presentant vng ardant cierge,
 Affin que par sa grace acquierge
 Grace & pardon,
 Et à nous deux vueille pardon
 O&royer, qu'ainsi ne tardon
 L'vng apres l'autre, ainçois gardon
 Par sa pitié
 Vifz & mors la nostre amitié,
 Bien a seul sa foy acquittié,
 Dont mainte Cronique & dictié
 la composé
 Deust estre, quant tant a osé,
 Qu'il a corps & vie exposé,
 Sans estre lasche ou reposé,
 Comme vaillant,
 Encontre ceulx qui assaillant
 Venoient France, en leur baillant
 De courage non deffaillant
 Assez à faire.
 Et se chascun eust voulu faire
 Pareillement, sans foy deffaie,
 Anglois n'eussent pas peu à faire:
 Mais emportassent
 Noz maux, & s'en desconfortassent,
 Et autre part se transportassent,
 Et desormais se deportassent
 De nous greuer.
 Bien peuent enuieux creuer,
 Sa mort fait son honneur leuer
 Contre qui voudroit esleuer
 Mauuais renom.
 Or n'ont ilz veu en luy se non
 Loyauté, dont il a le nom:
 Puis que ceulx pour loyaux tenon,
 Qui se maintiennent
 Si bien, que foy & deuoir tiennent
 Vers leur Seigneur, & le soustiennent
 Iusqu'au mourir, & entretiennent
 Leur loyauté

Au besoing, & la feaulté

De leur Dame & de sa beaulté,

Sans penser mal ne cruaulté,

N'aguetz subtilz.

Telz sont les meurs des cueurs gentilz,

A quoy il doit estre ententiz

D'armes & d'amours apprentiz,

Humble & piteux,

Et d'onheur sans plus conuoiteux.

Nul ne doit estre cremeteux

De riens, sinon de faitz honteux.

Et tel estoit

Celuy, où mon cuer s'arrestoit,

Qui tant de ioye m'apprestoit,

Et doucement m'amonnestoit,

Que lie & cointe

Me tenisse, & que sans racointe

Son cuer estoit du mien acointe,

Vne ioye en deux cueurs adioincte:

Et tant iurer

M'en souloit, sans soy pariurer.

Pourquoy ne m'a il peu durer?

Pourquoy falla aduenturer?

Tant honnoree

Feusse, se me fust demouree

Celle ioye. Or suy esplouree,

Sans iamais estre enamouree,

Plaine d'angoisse,

Et de vain desir qui me froisse,

Dont ie n'ay membre qui me croisse,

Ne sens qui ne me descongnoisse.

Ha, ha! pou loyaulx,

*Faintifs, lasches, & desloyaulx:

Qui n'aimez qu'estatz & ioyaulx:

Vous laissastes tous les royaulx,

Et leur tournastes

Le dos, & vous en retournastes,

Dont faussement vous gouvernastes.

Car alors les habandonastes

Tous

*Fuitifs

Tous mescreuz
 De trahison, & recreuz,
 Dont le nombre fut deceuz,
 Et le cueur des Anglois creuz.
 Car par tropeaulx,
 Nonobstant les cris & rappeaulx
 Des bons, courristes les coppeaulx
 Des heaulmes. Que de voz peaulx
 Vifz escorchez
 Soyez vous, & si bien torchez,
 Que iamaiz ne vous renforcez.
 Telz gens deussent estre porchez,
 Ou faisans viles
 Oeuures par citez & par villes,
 Quant aux armes sont inutiles,
 Et veulent auoir cens & milles
 Pour leur bobant,
 Et vont les pources gens lobant,
 Deceuant le monde, & robant.
 Ilz ne sont bons, qu'à seoir ou banc
 Soubz cheminees.
 Quant leurs bouches sont auinees,
 Et ilz ont les bonnes vinees,
 Lors comptent de leurs destinees.
 Les coquars fouz
 Alors se vantent de grans cous,
 Et font grans despens & grans coustz:
 Et quoy qu'il soit prins ou recoux,
 Nul d'eulx n'y pense,
 Prestz ilz seroient à la despence,
 Mais tardifz sont à la deffence.
 L'vng maugrée Dieu, l'autre tence
 Par grant yuressse,
 Puis dort iusqu'à dix par paresse:
 Mais d'vne bataille d'aspreffe
 Scet bien tirer son cul de presse,
 Et son heaulme
 Gecter au besoing du Royaulme.
 Plus scet aux dez ou à la paulme,

IIii

Mieulx dort en liēt que sur la chaulme.

Dieu, quel rousce!

Tendres sont comme vne espousee,

Tremblans comme brebis tousee.

De fieure quartaine espousee

Soit tel merdaille,

Et ja pourerē ne leur faille,

Tant que chetifz mourir les faille

De fain, nudz sur vn peu de paille,

Et delaissez:

Quant au besoing vous ont laissez,

Princes loyaulx, qui les paissent.

Leurs lignages ont abaissent,

Et diffamez.

Moult ont leurs honneurs entamez,

que leurs peres ont tant amez,

Qu'ils en furent nobles clamez.

Dont sont venuz

Iceulx, qui n'ont pas maintenuz

Leurs bons faitz, ne bien retenuz,

Quant à honte sont reuenuz?

Dont tant me dueil,

Que veoir ie n'en peuz de bon uēil

Vng tout seul, ne bien ne leur vueil:

Car ilz sont cause de mon dueil.

I'ay achapté

*l'assété

Leur recreant*escharceté,

Dont cil a esté mort getté,

Qui ne peult estre racheté.

Dieu en ait l'ame.

Leur fuyte est cause à leur grant blasme

De ma perte, & de leur diffame.

L'eusse-je fait, moy qui suis fame?

Ou le feroie

S'il m'afferoit? mieulx aymeroie

Mourir, & plus aise en feroie:

Car honneur ainsi garderoie

A herirage.

Et c'est trop plus grant auantage,

Mourir par honneur en hostage,
 qu'alonger sa vie en hontage.
 Mieulx vault oultrer
 Le corps, que soy faire monstrier
 Au doÿ, sans oser encontrer
 Les bons, n'en compaignie entrer.
 Doncques pour voir,
 Plus me plaist le loyal deuoir
 De cil que j'aim sans decevoir,
 Et moins en gré doÿ recevoir,
 qu'en la durté
 De bataille, où s'est aburté,
 A trouué mains de seureté,
 que ceulx qui onc n'y ont heurté?
 J'ay grief remors,
 Dure mort, dont plustost ne mors
 Ceulx qui à riens valoir sont amors,
 Et autant seruent vifz que mors.
 Moins agreable
 M'est sa mort, combien que honorable
 Soit: car prise plus delectable
 Me fust sa vie, & prouffitabile,
 Or est noyant,
 Dont ma vie est annuiant
 Sans la sienne, *que plus ayant
 Fust de bien, & mieulx fust seant.
 Si suis contraincte
 De douleur, trop plus qu'autre mainte:
 Car des bons ne peut estre crainte
 La mort, ou trop plourée ou plainte.
 Mais des meschans,
 Qui les autres sont empeschans,
 Et ne valent n'en bois n'en champs,
 Deust estre la mort de peschans:
 Car point heureuse
 N'est en rien la vie paoureuse,
 Mais faillie, ou pou vertueuse.
 Si n'est point telle mort piteuse,
 Mais bien plourer

II i i ij

Doy, d'apres la mort demourer
De cil, qui par son amourer
De moy s'est tant fait honnourer.
Si suis donnee

A desconfort, & adonnee.

*Si m'a-
mours
guerre
donnee,

*Si m'a tant amours guerdonnee,
Qu'espoir m'a toute habandonnee:

Et plus ne voient

mes yeulx vng seul bien qu'ilz avoient,

Qu'il conuient, que plus ne reuoient.

Peu perdroie filz me creuoient.

Car tout de vray

Iamais par eulx n'apperceuray

Chose, dont ioye receuray:

Ains mourray quant mourir deuray

De ioye nue,

Sans estre à fortune tenue,

N'à amours, qui d'une venus

Par vne esperance menuo

Ne me delaissent.

Car en toute douleur me laissent,

Dont leur pris grandement abaissent.

Car du premier desir me paissent

Toufiours autel.

Au fort, puis qu'il estoit mortel,

Me demourra pour tout chasciel

Le loz d'auoir aimé vng tel.

Ainsi faquitter

*moult

Mon triste cuer, qui * mort despit,

Si pry Dieu qu'il me desherite

De ma meschante vie maudite,

Qui tant me griesue,

Et qui à la mort a pris triefue,

A celle fin qu'el ne la griesue.

Si fera ma vie plus briesue,

Car plus n'en puis.

*Allez.

A tant celle se rent, & puis

Du parfont du cuer & du puis

Tant getta de souspirs depuis,

et tant de plains,
 et les yeulx de larmes si plains
 Ahoit en faisant ses complains,
 Que moy mesme plourant la plains,
 Ne rimoyer
 Ne puis le cas sans lermoyer,
 Sans douleur & sans esmoyer.
 Moulty pensay à par moy yer,
 et me merueille,
 Veu le grant dueil qu'elle appareille,
 Que sa grant beaulté non pareille,
 et sa couleur fresche & vermeille
 Peult demourer.
 Mais onc ne vy descoulourer
 Son viz, que dueil fait esplourer:
 Ains plus luy seoit à plourer,
 que rire à maintes.
 Lors luy dy: Biē voy que voz plaines,
 Madame, ne sont mie faintes,
 Mais d'angoisse toutes contraintes.
 * Or reprenez
 Courage, & souffrir apprenez:
 Car trop * grandement meprenez,
 S'à vous mesmes guerre prenez.
 qui son dueil coeuvre
 Trop fort, double mal en recouvre.
 Car tristeur est d'une telle oeuvre,
 qu'elle destruit qui la descoeuvre
 Où il affiert,
 et qui trop la coeuvre elle fiert
 Le cueur, & dedans se refiert:
 Mais plus s'espart & plus bref yert
 Triste penser.
 Mettez peine d'ailleurs penser,
 Pour voz douleurs recompenser,
 et en vous gardant d'offenser,
 Vous aduisez,
 Aucc ces Dames deuisez,
 et ensemble à confort visez,

*Mais

*longue-
ment

III iij

Croyez moy,& vous rauisez.

Ainsi disoye

A la Dame, que moult prisoye,

A qui de son bien deuifoye,

Et les trois autres aduifoye

Parcillement,

Qu'elles voulussent tellement

La conforter, qu'alegement

Prenist pou à pou bellement.

Quant vne d'elles

*La seconde
Dame re-
grettant son
amy, qui a-
uant l'age
de vingties
ans estoit
pris en la
bataille par
les ennemis
Anglois.*

Respondit: Las! ie suis de celles,

Qui tant ay de douleurs mortelles,

Que nul autre ne les a telles.

Si suis bien loing

D'auoir de conforter le soing,

quant i'ay de confort mieux besoing,

Qu'elle n'a, & que plus ressoing

A mon malheur,

Qui ne me laisse estre assure,

Ne pour rien qui soit ne m'asseur,

Et elle en est hors de la peur,

Et de la crainte,

Dont ie suis durement estrainte

En mon cuer, & en corps contrainte,

Et de toute ioye restrainte.

Si vous diray

Mon fait, & ja n'en mentiray,

De l'amour dont ne partiray

Iamais, quoy que maint sospir ay

Pour ce porté,

Dont mon cuer n'est pas conforté,

qui de vraye amour enhorté

S'est à vng tout seul assorté,

Et se lia

A cil, qui tant s'humilia,

Qu'à moy bien aimer s'alia,

Et tant de graces en luy a.

Mais tant aduint

Ainz que d'ans eust iusques à vingt,
 Qu'à tort souuent luy mesaduint
 Par fortune, & iusques la viue,
 Puis que dix ans
 Eut, que par traistres mesdisans
 A verité contredisans,
 Deluy & des siens mal disans,
 Fut moult blecé
 Son honneur, dont ce fut peché:
 Car il est si bien enteché,
 Et à tout honneur adreché,
 Qu'il est loué
 De tous les bons, & aduoué,
 De vertus largement doué.
 Mais fortune a son mal voué
 [* Comme il appert,
 Car se plus en cueur en appert,
 Et on le voit tout en appert,
 Combien qu'il soit sage & appert.]
 Mais pour entendre
 Son fait depuis l'enfance tendre,
 Qu'il peult le pié en l'estrier tendre,
 Fortune ne vout plus attendre
 A l'assaillir:
 Et depuis ne luy peult faillir
 Dueil & courroux, qui tressaillir
 Le fait souuent, & mal baillir.
 Mais quant passé
 A vng ennuy qui l'a lassé,
 Fortune a tantost compasé
 Vng mal tout nouuel, & braslé,
 Qu'on n'y pren garde.
 Je croy que Dieu les bons regarde,
 Et qu'apres dueil ioye leur garde.
 Mais trop demeure, & trop me tarde
 Que moult seiourne
 Fortune, qu'el ne se retourne,
 Qui de le veoir me destourne,
 * Dont ie remains pensue & morne.]

* Adieu
 du Ms.

Et si sachez,
 Mon cuer y est si attachiez,
 Et mes penfers si enlachiez,
 Nos biens, noz maux entrelachiez,
 Que sans mentir,
 Et sans iamais s'en repentir,
 Bonne amour me fait consentir
 A pareulx maux, ou bien sentir
 Que fait les siens.
 Et puis que tout mien ie le tiens,
 Ie les reçoÿ comme les miens,
 A butin noz maux & noz biens:
 Ne sa diuerse
 Fortune n'aura ja tel herse
 Sur nostre amour, qu'elle reuerse
 Noz volentez à la renuerse.
 Et quant voudroit
 Faire du pis qu'elle pourroit,
 Nostre amour tousiours demourroit,
 Ou chascun de nous deux mourroit.
 Quant plus se feroit
 De nous nuire, l'amour s'enforce:
 Et ie n'y voy rien bien, fors ce
 Que fortune en amour n'a force.
 Si ne tiens compte
 Qu'elle face à nostre amour honte.
 Iamais fortune ne surmonte
 Amours, qui les tref-haulx cueurs donte,
 Que moult prison.
 Mais onc ainsi ne fut pris hom,
 Ne hurtez: car sans me prison
 Mort d'amis, guerre, & prison,
 Courroux, & pertes,
 Blasmes par menfonges appertes,
 Trahisons, mauuaises couuertes
 A essaies & bien expertes,
 En soy taisant,
 Et bien contre le mal faisant,
 Doucement son cuer apaisant,
 qui

Qui n'eut oncq vng seul iour plaissant,
 Mais enuay
 A esté de maintz, & hay,
 Qui volentiers l'eussent trahy:
 Et ce que pas desseruy n'ay
 Point ne sçauroit
 Estre autre que doulx, & n'auroit
 Iamais cueur qui riens luy plairoit,
 qu'il sçeuist qu'à autre desplairoit.
 Car raisonnable
 Est, courtois, doulx, & aimable,
 Patient, piteux, & traictable,
 Et veult estre à tous agreable
 Sans qu'on perçoie
 Qui blasme autre griefue ou deçoie, t
 Mais chascun doucement reçoie.
 Si ay ducil que nully conçoie
 Blasme ou reprouche,
 Ne que fortune tant approuche
 Sur cil qui plus au cueur me touche,
 Quant oncques n'issit de sa bouche
 Mot des-honneste,
 Ains fait à chascun chere & feste,
 Prest d'octroyer vne requeste
 Sans nul blecer, ne que sa teste.
 N'oncques haitié
 Me fust, que pensast mauuaitié.
 N'il n'est de cœur affaictié,
 Mais prest à tout loyal traictié,
 Bien entendant,
 Tousiours à bonne fin tendant
 Va sa ieunesse en amendant.
 Or est pris en soy deffendant
 Des aduersaires,
 Qui sont à ses Princes contraires,
 Apres tous ses autres affaires,
 Et des meschiefz plus de cent paires,
 qui l'ont greué,
 Dont encor n'est pas releué.

K K k k

Si est mon cuer tout abreué
De douleur, que pou n'est creué
Quant suplanté
Se sent de fa ioye en planté
De tristeur, où tant a hanté.
Et mal sus mal n'est pas santé,
Mais grief danger,
Dont se veult fortune estranger
De soy mesmes, quant plus changer
Ne scet son faulx tout estranger,
Et qu'elle maint
Toujours vers luy dure, & remaint
A luy pire qu'à autre maint.
Si prie Dieu qu'il me ramaint
Par sa benigne
Pitié: car pour ce ie chemine
Comme piteuse pelerine,
Luy priant, quoy que n'en suis digne,
Qu'ades garder
Le vueille, & à luy regarder.
Fortune fait son bien tarder,
Dont fort est soy contregarder.
A coup aduient
Ses* tours, qui d'ordre point ne tiennent,
Mais si au rebours se maintiennent,
Qu'aux bons les aduersitez viennent,
Et sont foulez,
Et par fortune triboulez:
Dont maintz cueurs en sont adoulez,
Quant bien sont en amours coulez,
Et quant ilz voient
Le seul bien qu'en ce monde auoient,
Dont tant de ioye receuoient,
Ou tous leurs souhaiz echeuoient
Se comproyer
Par infortune, ou guerroyer,
Poiser leur doit, & ennoyer:
Car cuer amant est moitoier
A part egalle

De ſamour ſeule & principale,
 Soit l'aventure bonne ou male,
 Rire, plourer, courroux, ou gale.
 Dont raiſon yere,
 Qu'en terre eſtrange & marônniere
 De cueur ſoye ou luy priſonniere,
 Et de ſa priſon perſonniere,
 Sans y clamer
 Franchiſe, ou le droit entamer
 D'amours, qui me fait enflamer
 En ſouſpirant delà la mer,
 Où mon cueur vire,
 Et paſſe pluſtoſt qu'une vire,
 Sans batel ou autre navire:
 Et le corp^p pale comme yuire
 Remailt deçà,
 Sans cueur, & ſans ioye pièça,
 Qui puis vers moy ne ſadreça,
 Que fortune tant le bleça.
 Si ſuis alee,
 En toute ioye trefalee,
 De cueur delà la mer ſalee.
 Mais quoy que la grandeur alee
 Si qu'eſgarer
 S'y peult on ſans terre apparer,
 Iamais ne pourra ſeparer
 Noz cueurs, qu'amours fit reparer
 Enſemble, & ioindre
 En vng ſeul vouloir, qui conioindre
 Les fait, & comme egaulx adioindre,
 Sans qu'il y ait greigneur ne maindre.
 Amours oblige
 Noz deux cueurs en vng ainſi, dy-ie,
 Comme deux raims en vne tige.
 Il ſe dit mon vray ſervant lige,
 Et ie ſuis ſienne.
 Mot n'y a, ſinon, tien, & tienne.
 Se maiſtriſe y a, elle eſt mienne,
 Par la loy d'amours ancienne,

K K k k ij

qui l'ordonna

Pour les Dames, & leur donna

Maistrise, où moult noble don a,

Et par ce leur guerredonna

Les biens qui issent

De leur grace quant l'ellargissent

En pitié vers ceulx qui languissent

D'amours, dôt les cueurs amaigrisēt

Des plus puissans,

qu'amours fait vrais obeissans

Par honneur, & recongnoissans

Celles dont leurs biens sont issans,

Comme maistresses,

Et tref-honorables Princesses,

qui des amoureuses richesses

Font escharcetez où largesses,

Si qu'elles veulent,

Dont l'vng chante, autres s'en deulēt:

Mais les folz arrester n'y veulent,

Ne que molins qu'à tous vens meulēt:

Puis quant bastie

Ont leur faintise, amour hatie

Prent en contr'eulx, & les chastie,

Dont ilz portent chere amatie,

Et souuent pleurent,

et sevenge amours qui s'amourent

De celles qui ne les secourent

Pour les mauuais noms qui d'eulx courent,

Dont ilz réçoient

Tel guerredon, qu'ilz se deçoient

quant les autres decevoir doiuent,

Et telz qu'ilz ont brassé le boient

Sans viser y.

Car tost ou tard, aspre ou fery,

Bien fait n'est en amours pery,

Ne mal qu'il ne soit remery,

quoy qu'on attende.

Car amours, qui les cueurs amende,

Veult des meffais auoir l'amende,

Et qu'à chacun son loyer rende,
 Comme vray iuge,
 Qui des amoureux debasiuge.
 Mais pour plaindre à luy au refuge,
 Ne fut onc m'amour, si ne fu-ge,
 *Qu'à tous adioings,
 Deux cueurs en vng vouloir conioings,
 *Amours d'vng mesme desir poings,
 Et se m'aist dieux à cest besoings
 Que tant l'amoye,
 Et ame, que ie le nommoye
 Tout mien, & toute sienne estoye.
 I'en ay chanté, or en lermoye
 De cuer marrie.
 Or est bien la ioye amerie,
 Que douce amour auoit nourrie,
 Sans que iamais ie chante ou rie,
 Se Dieu n'y oeuvre,
 Et que le mal, qu'à peine coeuure,
 Cesse par si que le recoeuure,
 A tous ennuis mon las cuer feuvre,
 Ne bien n'aura,
 N'en riens plaisir ne trouuera,
 A tant qu'il le *recouuera,
 Et que Dieu plus y ouuera
 Par abregié,
 Ainçois qu'il puisse estre alegé
 Des maux, dont il est assiégué,
 Qui tousiours luy sont engregé,
 Comme esmayé
 Tous maux fors mort a essayé,
 Le Dieu de fortune a payé,
 Si doit du compte estre rayé.
 Car sans doubter
 Elle a tant voulu debouter,
 Que plus n'y sçauoit que bouter
 De mal, fors la mort adiouster.
 Mais il me semble,
 Quoy qu'amours noz deux cueurs assemble,

*Car

*A nous

*retrouue
sa,

KKk x iij

Mal fait qui toute ioye m'emble
En prenant guerre à deux ensemble.

Si luy souffise

S'elle me griefue en mainte guise,

Sans ce qu'elle me desconfise,

En montrant la doulce franchise

De ce veoir,

qui tant doit à mon cuer seoir,

Que mieulx ne le peult asseoir.

Si l'aim d'amours sans decheoir,

Foible & malade,

Vint au dur iour à couleur fade,

Après qu'ot fait mainte balade

Au li& , où riens ne luy fut fade,

Ne sauoureux,

^{*seulz} Fors ses^{*} seulz pensers amoureux.

Mais en ses accès rigoureux

N'y laissa à penser pour eulx.

Et quant passée

Fut la fievre au corps, ou cessée,

Si estoit l'autre en la pensée,

qui la tenoit entrelassée.

Si me durast,

Neantmoins iamais n'endurast,

Qu'au dur champ ne s'auenturast,

Afin que nul n'en murmurast

Contre raison,

Si com a fait sans achoison.

Mais or a fait com mauuais hom,

De s'auiser belle saison,

Et si ne daignent,

Pour l'orgueil en quoy ilz se baignent,

Aumoins les oeuvres vous enseignent

Qu'à luy mal vouloir ilz mespreignent.

A Dieu pleust,

Que mon cuer pour le sien peust

Estre en ostage, & nul n'en sceust

Rien, dont blasme venir deust.

Si ehangisson,

Car i'auroie sa marrisson,
 et il sçauroit quelle frisson
 C'est de penser à ce que son
 Cueur luy rait,
 Et que de tres-long temps ne vit.
 En douloureuse prison vit,
 Et ne sçay comme il s'en cheuit.
 Bien me venist,
 S'ainsi fust, ou s'il aduenist:
 Car quoy que le corps deuenist,
 De m'amour au cueur souuenist,
 Si me fauldroit
 Son ennuy, & ne me chauldroit
 De la douleur qui m'assauldroit.
 Son aise vng plaisir me vauldroit:
 • Car plus me blecent,
 Le cueur courseur, & le corps sechent
 Ses tres-griefz maux, qui s'etreuechent
 Aux miens, & ma pensee empeschent,
 Et me deffont
 Plus que mes propres griefz ne font,
 Dont tout mon corps en lermes font,
 Et en souspirs du cueur parfont
 Plus qu'on ne cuide.
 Mon mal fait place aux siens, & vuide,
 et le sien est de miens la guide,
 De ducil plaine & de ioye vuide,
 A brief compter
 Mon mal, qui le veult racompter,
 Peult toutes lermes seurmonter,
 Ne pleurs n'y peuent riens monter.
 Tant ay pleuré,
 Qu'il ne m'en est plus demouré,
 Dont i'ay le cueur enlangouré,
 et le viz tout descoulouré,
 Et arrousé.
 De nuit mes yeulx n'ont reposé,
 Car de iour monstrier n'ay osé
 Cueur triste en corps mal disposé,

*fisson

*lermes

Foible tremblant.

J'ay fait mes regretz en emblant,

Et pour estre aux gens ressemblant,

Dé cuer courcie ioyeux semblant.

Et se ie dance,

Ce ne fait pas faire habondance

De ioye, ne outrecuidance:

Mais n'y a en toute la dance,

J'en suis certaine,

Pensee de douleur plus plaine.

Ce me fust plaisir, or m'est paine.

N'il n'est harpe, orgue, ne doulçaine,

Luz, n'eschequier,

N'instrument qu'on sceust appliquer,

que desormais ouyr requier,

Puis que ie n'ay ce que ie quier.

Las ! ie souloie,

Lors que de rien ne me douloie,

Les amer, & tant les vouloye,

que bien sembloit que ie voloye

Toute empannee

De ioye, ne de toute vne annee

Ne fusse de dancier tantee,

Lasse, mate, ne enhantee.

Si m'enhortoit

Amours, & tant me supportoit

Par les ioyes qu'il m'apportoit,

que le cuer le surplus portoit.

Tout y alloit,

Et rien pour lors ne me faillait:

Car i'amoye qui tant valoit,

qu'à mon cuer d'autre ne chaloit.

Tant habondoient

Mes plaisirs, qui d'vng seul sourdoiēt,

Et en vng mesme redondoient,

que tous les ennuis confondoient.

Ainsi ressource

Estoye, & en lieffe source.

Deux ruisseaux d'amoureuse source,

Pensee,

Pensée, & souuenir, leur course
 Vers moy prenoient.
 Lors de moy plaire se penoient,
 Et tant de ioyes maintenoient,
 Qui toutes d'une main venoient.
 Mais la misere
 De fortune diuerse mere,
 A si trouble la source clere,
 Que ie n'y prens faueur qu'amere:
 Tant a meslez
 Les ruisseaulx du long & du lez,
 De melencolie reslez
 Et de tristesse entremeslez.
 Ha, ha! dure guerre,
 Pourquoi veulx sur moy tant conquerre,
 Sans deffier, que d'une sette
 M'ostes mon paradis en terre,
 Ma liee chiere,
 Et la chose que i'ay plus chiere,
 Sans acointe ne sans enchiere?
 Bien m'est fortune estrange archiere,
 Et ennuieuse.
 Si semble qu'elle est ennuieuse
 Que j'aye ja vie joyeuse,
 Pour plaissance delicieuse,
 Douce & priuee,
 Qu'elle a de moy à tort priuee,
 Com oultrageuse destriuee,
 Et prent contre moy l'estriuee
 Par dures sortes.
 Helas! amours, pourquoi m'aportes
 En foible cuer mil douleurs fortes,
 Dont cent deuroient estre mortes?
 Neantmoins ie vis
 Trop pis que morte à mon aduis.
 Onc en corps vifz telz maux ne vis.
 Je ne scay comme ie cheuis.
 Mais plus ressoigne,
 Et qu'espoir me fuit & esloigne,

LLII

qui deust entendre à ma besoigne,
 Comme cil qui des amans poigne,
 Et doit vouloir,
 Que par luy puissent mieulx valoir.
 Amours l'a fait pour mieulx douloir,
 Capitaine de mon vouloir.

Il s'en yroit
 Souuent, & se departiroit,
 Et ennuy le consentiroit,
 Se regret ne le retiroit.
 Souuent ouuert
 Luy a l'uis tout à descouvert
 Empirement de mal couvert,
 Mais souuenir la recouvert,
 Et ramené.
 En ce point se sent pourmené
 Mon poure cuer, & demené
 Pour cil qu'aime plus qu'homme né,
 Se Dieu m'aye.

Mais seule suis, & esbaye:
 Car mon cuer tout d'une enuahie,
 M'a pour le bien amer haye,
 Et deguerpie.

Si porte en lieu de cuer tappie
 Pensée qui m'est dure espie,
 Et n'en puis estre descherpie:
 Ains me presente
 Tous les iours, ainsi que de rente,
 Son doux semblant, qui represente
 * Tous ioyeux biens à son entente.

* Sa per-
 soune cō-
 me presen-
 te

Lors assaillie
 Suis de penser, qui m'a baillie
 Sa douce image, & entaillie
 En ma pensée trauaillie,
 Si que tollir
 Ne l'en peult nulz, ne abollir,
 Oster, effacer, ne tollir
 Sans corps, & vouloir demolir.
 Car departie

Non sera quant de ma partie,
 Tant que l'ame soit hors partie.
 Tout sera vne departie,
 Quant l'vng mourra,
 Et que plus amer ne pourra,
 L'autre au besoing luy secourra.
 Toutel'amour luy demourra
 Pour tous les deux.
 Car fil se deult, & ie me deulx,
 Le dernier ia mort d'ambedeux
 Aura le courroux, & les deulx
 Que l'autre obtient:
 C'est droit, puisque l'amour se tient
 Comme hoir prochain luy appartient.
 Car qui plus vit, le trestout tient.
 Amours ses laiz,
 Ses testamens, & ses delaiz
 Ne fait mie de chappelerz.
 Qui ne le scet, essaye lez.
 Mais ja musier
 N'y doit aucun, ne s'abuser,
 S'il veult grans douceurs reffuser,
 Ou de grans biens ne scet vser.
 Bien s'en rigole
 Tel qui n'en scet fors par parolle.
 Mais oyfel bien duit ne s'en vole.
 Point ne fault aller à l'escole
 Pour estre saige
 D'amours, & de son fort courage.
 Clercs n'y treuvent point d'auantage.
 Plus apprent l'essay que langage.
 De ce me vant
 Que les fais vont trop plus auant,
 Que ce qu'on pense par auant.
 Je parle en ce comme sçauant.
 * [Non que ie vueille
 Dire, que ie m'en pleingne, ou ducille.
 Il me souffist qu'amours m'acueille,
 L L I I ij

Adieu
 de Ms.

Quelque douleur que i'en recueille,
 Entre ses serfs.
 Pour prendre vn seul seruant, ie sers
 Amours, & seruie m'assers,
 Dont i'ay pis que ie ne dessers
 Pour loier mes.
 Amour, à qui ie me soubmetz,
 Liure à sa Court entre les metz
 Tousiours douleur pour entremetz.
 Trop s'empliroient,
 Saouleroyent, & rempliroient
 Ses seruans, si n'acompliroient
 Leur service, & s'en partiroient,
 Comme i'entens,
 En trouuant cause de contens.
 Car pou de seruans sont contens
 D'endurer grant aise long tens.
 Amours se gardent
 Quant les joyes plus se retardent.
 S'amans aux biens passez regardent,
 Tant moins en ont, & plus en ardent.
 Car amours loirre
 Les cueurs comme faucon en loirre,
 A qui on fait bien souuent croire
 De donner ce qu'on veult acroire.
 Ilz les atachent
 Aux perches, où leurs getz se laschent,
 Afin qu'apres par faim pourchassent
 Mieux la proie, qu'à prédre chassent,
 Sans y baster:
 Puis leur donnent pour soy hastier
 Vng pou de la proye à taster.
 On ne peut l'oyfel mieux gaster
 Que le repaistre,
 Si que saoul il en puiſt estre:
 Lors s'efflore, & laisse son maistre,
 Et s'en va rendre en vn autre estre. *]
 En ce ne blasme
 Iamais amours homme ne femme,

*Enfoncez icy
 l'Addition
 du Ms.*

S'apre ioye de dueil n'enflamme.
 Fors à moy, ne m'en prens à ame.
 Mais plus me poise,
 Car mō cueur est quel part qu'il voise
 En vn coing de terre François.
 *Sus toutes personnes courtoise.
 Ainsi me face
 Dieu pardon, qu'à peine cuidasse,
 Que nature en si peu d'espace
 Enst mis tant de bien & de grace,
 Qu'en vng seul homme
 Fust le bien de tout mis en somme.
 Son nom quil il est, quoy, ne comme,
 La voix le taist, le cuer le nomme,
 Desir enquier
 De luy souuent, & le requiert,
 Espoir l'attend, regret le quiert
 *Et loyauté mon cuer seurquiert:
 Mes regardz tendent
 Où il est, mes pensers l'attendent,
 Mes oreilles ailleurs n'entendent,
 Fors ouyr que ses griefz amendent.
 Tout y traucille,
 Et mesmes, dont ie me merueille,
 La douleur que si me resueille,
 Pour moy faire plus veiller veille
 *D'aguer, & tant
 Me vont d'vng accord tormentant,
 Dont mon vouloir est consentant,
 Et mon cuer n'en est repentant.
 I'ay bien puissance
 De confesser ma desplaisance,
 Mais quoy que ie fais ma penance,
 Ie n'ay goutte de repentance.
 Plus tormenté
 Se sent mon cuer, plus est tenté,
 Et prent plaisir en orphenté,
 Maulgré moy, par ma volenté
 Trop arguer,

*N'istit per-
 sonne plus
 courtoise.

*Ou

*Dangier
 autant

LLII iij

Me fait penser & tressuer,
 Que l'amant sans amour muer
 Peult eslouyr, & puis tuer.
 Pour moy le scay,
 I'y ay de tous deux fait long essay:
 Puis qu'amer pris ie ne cessay,
 N'oncques puis penser n'y laissay.
 Qui son conuent
 Ne tient, mais le tourne souuent
 Ainsi que le coichet au vent,
 Ioye donne, & puis chier la vent:
 Mais plus me griefue
 Le mal, & la pensee griefue,
 Qui vient apres ioye si briefue,
 Qui commence sans qu'elle acheue,
 Et vient à bout.
 Au fort qui a ioye du tout,
 Il ne scet quel en est le goust:
 Car nul bien n'est prisé sans coust.
 Dont ie regrette
 De tant plus sa tres-doulce attraitte
 De ioye que Dieu m'a hors traite,
 Quant pour la perte ay peine traite.
 Si puis viser,
 que plus ne se peult desguiser
 Amours vers moy, sans l'auiser:
 Car tel qu'on le peult deuiser,
 S'est remonstrez,
 Et ses diuers tours m'a monstrez,
 Biens & maulx ensemble acoustrez,
 Non pas petis, mais tous oultrez.
 Si estendue
 A sa force à moy tendue,
 que ioye long temps attendue
 M'a donné, & puis reuendue
 Si cherement,
 Qu'il me va par empirement.
 Car douleur m'assault fierement,
 Quant espoir fault entierement,

Sans moy promettre
 Retour, & sans soy entremettre.
 Encor se vient entre nous mettre
 La mer, si qu'une pource lettre
 Ne vient en voye,
 Ne n'est nouvelle qu'il m'enuoye.
 Puis qu'il fault que point ne le voye,
 Aumoins se lettres receuoye
 Qui presentassent
 Reconfort, & se guermentassent
 Des maux que noz deux cueurs entassent,
 Son doux parler representassent,
 Humble & humain;
 Aumoins ie congneusse la main,
 Qui tant m'a escript soir & main
 Doux motz de demain en demain;
 Si les baïssasse,
 Et quoy que trop ne m'en aïssasse,
 * Aumoins du tout ne m'ennoyasse,
 Entretant vng peu m'appaisasse
 En regardant
 Ses lettres, & les bien gardant.
 Ce petit bien va retardant
 Fortune, & j'ay desir ardant,
 Où ie remains,
 qui me fait douloir soir & mains,
 Et requerir à ioinctes mains
 Ce dont ie puis finer le mains.
 Si m'en desuoy:
 Car plus le desir, moins le voy,
 quoy que de cueur luy foiz conuoy,
 Et mes pensees luy enuoy:
 Car par cela,
 Puis que son mal renouuela,
 qui de mon regard osté l'a,
 J'ay trop moins de ça que delà.
 Cueur & vouloir
 Sont hors, quanqu'ilz peuent valoir,
 J'ay le corps dont ne pe ult chaloir:

*N'ecteur

Et le mal, qui me fait doloir,
 M'est remanant,
 Le surplus est delà manant,
 Et ce que j'aime va tenant.
 C'est bien douloureux remenant,
 Qui n'a pitié
 Du point où mon cuer est traictié,
 Et que desir tient dehaitié.
 Il n'eut oncques point d'amitié.
 Pour ce requerre
 Voulusse aux Dames d'Angleterre,
 Que pour loz de pitié acquerre,
 Pour moy de luy veulent enquerre,
 Et demander,
 Et son estat recommander.
 Car aucune peult commander,
 A tel qui le peult amender.
 Pas vray semblable
 N'est, qu'en noblesse si notable
 N'ait mainte pensee honorable,
 En Dame crainte & agreable. •
 Si peuent mont
 Toutes les Dames en vng mont,
 Et leur doulceur les y semond:
 Car de ce qu'aduenir veu ont
 En combatant,
 Se la guerre ne cesse à tant,
 Leur peult venir en rabatant.
 On chiet bien de tout son estant.
 Si leur cheoit
 Si mal, que leur fait decheoir,
 Et autresfois leur mescheoir,
 Tant pour tant s'il nous escheoit
 A seigneurir.
 Qu'à elles ne sçay recourir,
 Qui mieulx me puisse secourir.
 Si suis entre viure & mourir,
 Triste & plourant,
 Desirant la mort en mourant,

qui

Qui longuement est demourant:
 Qu'elle ne me vient deuorant
 D'amours qui mate
 Merend, sans que ie le debate:
 Car droit n'est qu'à luy me combate,
 Et rien n'y vault se ie le flate.
 Ses maulx hastifz
 Ma fortune à durer bastiz,
 Et desir tient tout apastiz
 Mon vouloir, qui est amatiz,
 Dont il se venge
 Quant espoir au desir se reuge.
 Trop plus aspre en est la meslunge:
 Car espoir fault, ainsi le sens-ge.
 Dont puis ie dire,
 Que mon mal est plus long & pire.
 Desir me chasse, espoir me tire.
 L'vng ne puis pour l'autre destruire.
 Mise là m'a
 Fortune, qui de ce blasme a,
 N'oncques mieulx el ne se clama,
 La plus triste qui onques aima.
 A tant se teut
 Celle qui le cueur dolent eut,
 Ainsi que bien le ramenteut.
 Mais à lors plus parler ne peut,
 Ains luy faillirent
 Langue & voix: car du cueur saillirēt
 Griefz sospirs, qui tant l'assaillirent,
 Que cueur & corps entrefaillirent.
 Si l'a frapportoient
 Ses maulx, qui sa bouche estouppoiet,
 Et les sospirs qui la rompoient
 Son doux parler entrerompoient,
 Ses mains tortant,
 Cà & là son chief transportant,
 S'alloit si tref-desconfortant,
 Qu'oncques ne vy desconfort tant,
 qu'elle mehoit.

L'Alleur.

MMmm

Si durement se demenoit,
 Son cuer & son corps tant penoit,
 Que pasmee lors deuenoit,
 Palle & maigre.

Fut sa façon gente & aligre,
 Tant luy fut la pasmoison aigre.

Or n'auoye odeur ne vng aigre,
 Endementier

Regarday au long d'vng sentier,
 Si cueilly vng rain d'esglentier,

Et pres du nez luy mis entier

Trestout ioingnant:

Et quant l'odeur l'alla poingnant

Au cœur, elle alla empoingnant

Le rain, qui tant estoit poingnant,

Et se fourdy,

Ainsi comme vng homme essourdy,

De pasmoison à l'estourdy.

Adoncques à toutes leur dy,

Et m'en souuint,

Ainsi qu'à la bouche me vint,

Pour le cas qui alors aduint,

De l'esglentier dont el reuint:

que c'est droicteure

qu'en amours ait ioye & ardeur.

Car oncques raison ne nature

Ne firent douceur sans pointure,

Et tous le voyent,

Rosiers qui de roses pouruoient

Ont picquans, & iadis auoient,

* Parquoy
 les cueillir
 nous des-
 uoient

* Pourquoy se cueillir ne deuoient

Sans blessure,

Et en cueillant n'est la main seure.

Car la doubte nous espeeure,

Soit nefle ou chastaigne meure.

Amours reforme

Ses seruans par semblable forme,

De la mousche, qui le miel forme

En vng creux d'vng chesne ou d'vng orme.

Là embuschee

Est la grant douceur, & muchee
 Du doux miel estroit enruchee,
 Mais à dangier est desbuchee
 Pour les destrois,
 Et la force des lieux estrois,
 Où on fault des fois plus de trois,
 Ains qu'on y ait tous les oïtrois.
 Et se cueillir
 Vient aucun du miel, sans faillir
 La mousche le vient accueillir,
 Si que retraire ou recueillir
 Ne s'en pourra:
 Car la mousche vers luy courra,
 Dont l'aguillon luy demourra,
 Dequoy garde ne se donrra.
 Lors receura
 La pointe qu'il n'apperceura,
 Sans le sçavoir s'en deceura
 A tant que douloir s'en deura,
 Au parlement
 Feru sera apertement
 De l'aguillon couuertement,
 Que puis verra ouuertement.
 Car tant est digne
 Nature, que mort medecine.
 Doux & aspre, tous d'une mine
 Naissent, & tous d'une racine:
 L'vng acompaigne
 L'autre, à la fin que plus en praigne
 Aux cueurs, & que mieulx les surpraigne.
 L'vng adoulcist, l'autre mehaigne,
 Et briefement
 Plaisir est doux craintiement.
 L'aguillon qui point viement
 C'est desir, tant subtiement
 Amours consent,
 Que cil qui à ses laz descend,
 Et qui à luy servir s'assent,
 Et biens & maux ensemble sent,
 Pour cueurs attraire,

MMmm ij

Baille du doux, puis du contraire
 Par desir, dont il scet bien traire,
 Pour les garder de soy retraire
 De son seruage:

Car amours par son droit vsage
 Est l'a'prison de franc courage,
 Où bon vouloir le met en gage,
 Et le sergeant
 Plaisir le va là hebergeant.

Mais loyaulté se va chargeant,
 qu'eslary soit en le pleigeant.

Celle geolle
 Garde desir, qui pou parolle,
 quoy qu'en cuer soit de chaulde cole.
 Cestuy rompt le cuer & affole,
 Et ne le laisse

Issir pour don ne pour promesse:
 Car lié le tient en la lessé

De regard, qui à peine cesse,
 Et le pourmaine,
 Iour à iour, sepmaine à sepmaine,
 Tant qu'il le tiét soubz son demaine.

Et puis deuant crainte le maine,
 qui a l'office.

De faire en amours la iustice.

Cestuy maintient la grant police
 D'amours, comme le plus propice:

Puis le gehinne,
 Et par vng long ennuy l'obstine,
 Et deuant crainte l'examine

De ce que de penser n'a fine:
 S'il fault qu'il die

Par long ennuy sa maladie.

Mais quoy qu'à dire s'estudie,
 Il n'a sur luy char si hardie,
 qui ne fremisse.

Droiz est que le iuge cremisse,
 N'en luy n'est qu'à droit dire puisse
 Sans que cent fois d'vng propos isse,
 Quoy qu'on registre

De souuenir tant en registre.
 Mais quant l'ueil la ioye administre,
 En entrant elle empesche d'istre.
 Ce qui seiourne
 En la triste pensee mourne
 Passer ne peult : car tout à ourne
 Pris sont les pas, si s'en retourne
 Vers le courage,
 Ou demeure emmy le voyage,
 Sans point acomplir son message,
 Dont puis apres de dueil enrage.
 Ainsi feron,
 Tant que par amours ameron:
 Car de desir n'eschapperon,
 S'il est l'amoureux esperon
 Qui l'amant chasse,
 Batant vers grace qu'il pourchasse,
 Et luy fait auancer sa chasse,
 Dont plus va auant moins se lasse.
 Ainsi m'en est,
 Car ie n'ay cesse ne arrest,
 De pourchasser ce qui me plaist,
 que ie suis d'auoir tres-mal prest,
 Et pou scient
 Pour souffrir inconuenient.
 Mais qui ame à droit escient,
 Cueur luy fault fort & patient.
 A ce tendez.

Lors dist la tierce: Or m'entendez,
 Pour les plus tristes vous rendez,
 Et voz partis bien deffendez.
 Ie ne me plaing
 De ce, ne ne l'ay en desdaing.
 Chascun blessé plaint son mehaing,
 Et congnoist son faict & son saing.
 Mais d'autruy faictz
 Ne scet nul le poix ne le faix,
 Ne n'a iugement si parfaictz,
 Comme celuy qui les a faictz.
 Trop bien pouez

.M Mmm - iij

*La troisieme
 Dame, se co-
 plaignant de
 son amy, qui
 estoit allé en
 la bataille;
 auquel elle
 ne peut ouyr
 nouvelles, &
 ne scés s'il est
 mort ou viu.*

Parler ou plaindre, ou louer
 Du mal que pour vostre aduouez
 Mais à autrui ne vous iouez.
 Vous receuez
 Voz maux, les miens n'apperceuez.
 Dont comparer ne les deuez,
 Et en le faisant me greuez.
 Mais puis que sommes
 A comparez les dures sommes,
 Dont nous perdons repos & sommes
 Pour quatre amans & pour quatre hommes,
 Je ne refuse
 Point, & n'est droit que ie m'exeuſe
 De dire la douleur qui vse
 Mon cuer, que vain espoir abuse,
 et où repaire
 Des desplaisirs plus de cent paire,
 Sans que vn seul bien y apaire:
 Puis que mal à mal se compare,
 Dés maintenant
 J'ose bien dire, en maintenant
 Ma part, & raison soustenant,
 Que le mal qui me va tenant,
 Et qui n'est qu'un,
 Et aux vostres deux seul commun,
 Pire qu'eulx deulx ne que chacun,
 J'ay les vostres tous, non pas vn.
 Ainsi me vante,
 Se vantance est d'estre meschante,
 Que ma tristesse est plus pesante,
 Et suis plus douloureuse amante
 Trop que neſ-vne,
 De vous. Son amy mort plaint l'une,
 L'autre la prise & la fortune
 Du sien, qu'aduersaire fortune,
 et sans desſerte.
 La premiere ploure la perte
 D'espoir, qu'on a tousiours desſerte.
 L'autre dit, Desir me desſerte,
 Et ie recreüe

Suis,& d'esperance mescreue:
 Plus l'ay par mon desir acreue,
 Et plus m'est doubte & douleur creue
 A grans loirs.
 L'une plaint les passez plaisirs,
 L'autre n'a riens fors desplaisirs,
 Et luy croissent aspres desirs
 Par maintz assaulx.
 Quoy quel'une a des griefz trauaulx,
 Elle a eu à coup tous ses maux:
 L'autre les a tousiours nouveaulx.
 Mais la premiere
 Dit, qu'elle a de dueil plus matiere:
 Car el pert esperance entiere,
 Et elle n'est point si legiere,
 Que elle peust
 Autre aimer, quel bien qu'en soy eust.
 Car onc ne fut que riens ne sceust
 De changer, ne que luy pleust.
 Quoy que songeur
 Soit son cueur, d'ennuy herbergeur,
 Et de son soucy le forgeur,
 Aumoins n'est il mie changeur.
 Or n'est possible
 Qu'elle face autre, ou plus sensible.
 Prendre autre cueur est impossible,
 Faire contre cueur n'est loisible.
 Amer le fault,
 Combien que sa partie luy fault,
 Et n'a amy ne qui le vault:
 Car de nul autre ne luy chault.
 L'autre debat
 Qu'elle est plus triste, & hors d'esbat:
 Car doubte & paour la combat,
 Et desir en elle s'embat.
 Espoir nuisant
 Luy est dessus tous, & cuisant.
 C'est la * filloere luisant,
 Où desir se va aguissant.
 Espoir par haste

*filloere

Aguise desir, & le haste,
Qui le poingt asprement & taste:
Et desir espoir vif & gaste
Au long aller,
Sans y laisser que regaler,
Tant qu'il le fait tout tresaler.
C'est dur morcel à aualler.
Quel tour est mise
En pire point, & plus surprise,
Ou celle qui est pièce prise,
Ou l'autre en tous costez assise,
Et qu'on assault,
Dont au secours nully ne fault,
Et n'a ne souldart ne vassaul,
Qui à reschapper face fault?
Gemissemens
Y sont, criz, plours, herissemens,
Et crueulx amortissemens
De cueurs. Pensez se de ce mens.
L'autre tour toutes
A passé ses estranges doubtes,
Quoy que ses portes soient routes,
Plus ne luy fault guetz ne escoutes.
Ainsi par m'ame
Dist la tierce à l'autre Dame,
Dont l'amât gist mort soubz la lame,
Dieu luy face pardon à l'ame,
Quoy qu'amassee
A grant douleur, & entassée
Pour l'amour pièce trespassee,
La presse en est tantost passee.
Ma detinee
Est autre, & moins determinee.
Je suis comme la tour minee,
Dont la prise n'est pas finée
De longue piece,
De qui on doute qu'elle chiee,
Ou qu'à ceulx de dedans meschiee.
Je crain que tout ne se despiece.

Mais

Mais tant plus durs,
 Ennuyeux, trefaigres, & furs
 Me font mes maux, longs & obscurs;
 Car mon mal vient par diuers hurs,
 Non pas confit
 En vng. Et par Dieu qui nous fit,
 I'en ay cent, dont chascun souffit
 A rendre vng fort cueur desconfit.
 En deuifant
 S'en vont ces deux contredifant,
 Et à leurs desplaisirs vifant.
 Chascune se tient veoir difant,
 Mais quant cerché
 * Aurons, qui a meilleur marché,
 Mon cueur de dueil est mieulx marché,
 Nauré plus oultre, & trespérché.
 Et sans debatre,
 Pour les raisons toutes abatre,
 En mon cueur se viennent embatre
 Playes, dont i'ay contre vne quatre.
 Las! congnoissance
 N'ay, se m'amour & ma fiance
 Est mort, pris, ou mis à finance.
 Entre espoir & desesperance
 Ainsi chancelle,
 Plaine de doubtes, comme celle
 Qui a douleur, & ne scet quelle.
 Je ne sçay quel nom ie m'appelle,
 Ou d'amours veufue,
 Ou prisonniere, & si ne treuve
 De ce que i'aim tesmoing ne preuve.
 Ou viue, ou non, c'est douleur neufue.
 Tant me doubtoye,
 Mes douleurs en moy racomptoye,
 Quant la bataille redoubtoye.
 Or suis moins seure que n'estoye,
 Et moins certaine. ●
 Sei'ay esperance, elle est vaine,
 Et ne puis perdre espoir ne paine,
 • N N n n

* Auront
 leurs droits
 & reuerché

Ne ie ne sçay quel dueil ie maine.
 Bien souuent songe
 Sa mort, que mon cueur de dueil ronge:
 Puis fais de sa prison mon songe,
 Et ne sçay lequel est men songe.
 Ce qui l'empesche
 C'est mort, ou prison tref-griefche:
 Ce sçay- ie bien, vng des deux est- ce.
 Mais grief m'est, que ne me depesche,
 Sans plus rémaindre,
 Pressée de maulx pour estraindre,
 De tost la verité attaindre
 De ce, dont plus ie me doy plaindre,
 Et largement:
 Car auoir certain iugement
 De son mal, est l'abregement
 Des douleurs, & l'alegement.
 Nul ne scauroit
 Conforter, quoy qu'il luy plairoit,
 Cil qui ne sçauoit qu'il auroit,
 S'à luy plus ne se declaroit.
 Quel dueil fendant
 Va le cueur, qui est attendant?
 Son mal est tresbien entendant,
 Qu'aller ne peult en amendant.
 Quant bien marchié
 Auray, & d'enquerre encerchié
 Ou l'en s'en fera deschargié,
 Je n'en puis auoir bon marchié.
 Mais forte amour,
 Qui ne veult qu'en ce point demour,
 Me fait enquerre sans demour
 Ce que j'ay de sçauoir cremour.
 Pour esprouuer
 Les cueurs, où n'a que reprouuer,
 Amours fait querir & rouer
 Ce qu'on ne voudroit pas trouuer.
 En ceste doubte
 S'arreste ma pensee toute.
 Sa mort plain, la prison redoubte.

S'en l'vng fuis, l'autre me reboute.
 Si enfermé
 Est, & de deux dars enfermé
 Mon cueur, entre deux maulx serré,
 Que mieulx luy fust d'estre enterré.
 Dont ie maintien
 D'estre la plus triste, & m'y tien.
 Et s'on dit quel mal est le tien,
 Les deux d'elles ie les soustien.
 L'aduersité
 Court, si que par necessité
 L'ay l'vng des maulx en verité,
 *L'autre ie doute & ay doubté.
 Je soupçonne
 Les deux, nulle part ne m'est bonne:
 Soupçon tousiours me foisonne,
 C'est dangier pour toute personne.
 Ainsi debaten
 Deux maulx, qui e moy se combatent,
 Et pour mon cueur gaigner s'embatent,
 A celle fin qu'ilz s'entrematen
 Comme haultfaires,
 Pillars de ioye, & aduersfaires,
 Et de ma mort les commissaires.
 Mais tous deux ne sont point faulfaires.
 Si recourray
 Mon cueur à l'vng quant ie pourray:
 Neantmoins à l'autre demourray,
 Et triste viuray, & mourray
 Tresloing en l'ombre
 D'espoir, dont i'ay bien petit nombre.
 Mais cueur, qu'ardant desir encombre,
 Temps, iours, nuitz, & heures nombre:
 Tant me sont lees
 Les nuitz, d'ennuy entremeslees,
 Puis qu'en baissant furent celees
 Noz voix, & noz lermes meslees,
 Quant prist congé
 Celuy, qu'ay tant depuis songé

*L'autre en
 doute &
 craintiucté

NNnn ij

Quei'aym par Dieu autant com gé:

Or est mort ou trop eslongé.

Las! qui cuidast,

Que lors tel congé demandast,

Et qu'à moy se recommandast,

Sans que i'amaïs en amendast

En accroissant

Les ioyes: Cueur n'est congnoissant

I'amaïs, qu'amours soit si puissant,

Comme quant mieulx le vont froissant.

Or reconnois

Amours, plus que ne le desconnois:

Car en mon cueur fait ses tournois,

Et m'apprent que ce sont qu'ennois.

Dés lors senty

Ses tours, que ie me consenty

A son seruice, & assenty.

Mais oncques foy ne luy menty.

Qui tient en lieu

De tel seigneur, ce n'est pasieu.

Ie n'en tien qu'un cueur, & par Dieu

Aussi n'est il mis qu'en vng lieu,

Ne ne mettray:

Ia plus ne m'en entremettray,

Mais à amours me soubzmettray.

I'ay promis, plus ne promettray.

Si suis liee

De giez d'amours, & alliee,

Et ne m'en tien point oubliee,

Se mort ne s'y est employee.

Amours raut

Les cueurs, & pas ne s'assouit.

C'est vng oysel qui de cueur vit.

Oncques tel oysel on ne vit.

Mais plus honneste

Est il, de tant com il acqueste

Pour sa proye & pour sa conqueste

Le plus noble dessus la beste,

Quel part qu'il gise.

Amours est de pareille guise
 A'eil qui loge par franchise,
 Qui puis veult auoir la maistrise
 Du logis, & de la pourprise,
 Quant est logiez,
 Et tient ses hostes plus subgiez,
 Tandis que là est herbergiez,
 que sil fust en fers ou en giez,
 Son dueil faisant.
 Car amours est peine plaisant,
 Et vng grant aise mesfaisant.
 C'est vne guerre en appaisant,
 Targe pour traire
 En contre, & retrait pour attraire.
 Amours efface pour pourtraire.
 C'est vng mal qui quiert son cōtraire,
 Douce rigueur,
 Courtois dangier, saine langueur,
 Mortel plaisir, foible vigueur.
 C'est vne largesse de cuer,
 Crainte hardie,
 Tres-arrestee coüardie,
 Seureté & crainte enhardie,
 Embusche qui le cuer hardie,
 Et qui descouure
 Le cuer, & fiert, & puis reconure,
 Et le clost & par apres l'ouure.
 Amours est droit maistre de l'ouure:
 Et qui pensee
 A sa vertu pou appensee,
 C'est maladie de pensée,
 Où toute ioye est depensee
 En desirant.
 C'est le mal qui plus va tirant
 A santé, plus est empirant:
 On le congnoist en soupirant:
 Non pas au poux,
 Si qu'on fait les autres maulx rous.
 Ioye & dueil en sont les deux boutz,

NNnn iij

Mais dueil est le bout de deffoubz :

Car amours finent

En dueil , lors que leurs cueurs terminent.

Autres maladies declinent

En ioye, quant elles deffinent.

S'amours alume

Vng cueur en son grant feu qui fume,

De tel forge & de tel volume

qu'il veult, com feure sur enclume,

qui par feu mue

Vng glaive en vng focq de charrue,

* Et de nature les remue.

Le focq nourrist, le glaive tue.

* Et sa nature luy remue

Et aussi molle

Amours les cueurs selon son molle:

Il les change, remue, & crolle,

Puis qu'il les a mis en son rolle.

Mais plus donnez

Sont amours aux cueurs ordonnez,

D'estre bien conditionnez,

Et aux haults fais habandonnez,

Ou hardement,

Et au tres-cler entendement,

Et où on prent amendement.

Qui le contraire cuide, il ment.

Amours auoir

Desir en tres-noble manoir,

Soit soubz vert habit ou soubz noir:

Ailleurs ne scauroit remanoir.

Tant enhardis

Est qu'il auance les tardis,

Enhardist les acouardis,

Et les vaillans fait plus hardis.

Quant ilz sont tieulx

Qu'ilz veulent choisir en bons lieulx,

Ilz mettent paine à valoir mieulx,

Pour plaire à la belle aux beaulx yeulx

Sans varier,

En tendant à droir charrier,

Et deshonneur contrarier,
Pour soy à elle apparier,
Et de maniere.

* C'est coustume d'amours premiere,
Qui aimeroit vne bergiere,
Vouldroit porter la pannetiere,
Et danceroit

Au flageol, tout beau luy seroit,
Ce qu'elle voudroit ameroit,
Ce qu'elle fueroit laisseroit.

* Amours est chaine
Qu'il les cueurs des nobles enchainé,
Aux bons bon, & aux mauuais paine,
Ancre d'or, & de pierres plainé.

Qui s'y appuye
Pris est sans querir qu'il s'en fuye.
C'est vng bel Soleil, & puis pluye.
Vne fois plaist, & l'autre ennuye.

Amours compasse
Ses faiz comme la dance basse,
Puis va auant, & puis rapasse,
Puis retourne, puis outrepasse.

Là engagee,
Et de ses biens du tout gagee
Est la volenté enragee,
Qui a dueil, & ioye endragée.

Si se declaire,
Si qu'autrui le voit, sent, ou flaire,
Et prent à lumiere exemplaire,
qui de soy se monstre & esclaire,
Non deffumee:

Car vne fournaise alumée,
D'ardeur surprise & enfumée,
Gette tousiours flamme en fumée.

L'amant se trompe,
qui voit sa Dame en feste & pompe:
Car ou il fault que le cueur rompe,
Ou que le semblant se corrompe.

Amours requierent

* Car la coustume d'a-
mours y ere,

* Ms. Amours est lier-
res
de cueur, ou au moins
vn changierres,
aux bons bon, aux
bolieus bolierres.
C'est le cep d'or à ri-
ches pierres.

Tout le cuer, en quoy ilz se fierent.

Tous semblans & penfers yerent,

En amant en vng se refierent,

Peril voyans:

Car ruisseaulx petis & moyens

Vont en mer par diuers moyens,

Et se descendent trestous loiens

Après leurs tours.

Ainsi font en vng leurs retours

* bien ou
tristours
Penfers d'amans, * ioyes & plours,

Puis leurs tresmeilleux estours.

Vng cuer tremblant,

Où douleurs se vont assemblant,

Au maintien, au fait, au semblant,

En deport, ou luy vont emblant

Ainsi qu'en fuite,

Quant desir gouuerne la luite,

Se par luy la chose est conduite,

Selon Seigneur mesgnée duite.

Ainsi poursuiuent

Amans leur vouloir, & dessuiuent,

Desir plus que raison ensuiuent:

et mesmes leurs semblans les suiuent,

En conuoyant

Par vng droit chemin foruoyant,

Sans estre à dangier pouruoyant.

Desir n'est que deuant voyant,

Sans veoir à dextre.

Ainsi ne scet amant son estre:

Car il n'est pas de son cuer maistre,

D'un maintien ne le pourroit estre.

Or est enclos

Mon cuer en l'amoureux enclos,

De hayes d'espines tout clos,

Parquoy le partir m'est forclos.

C'est pour la pointe

De desir, dont ie suis si pointe:

Et s'à là demourer m'apointe,

De nul confort ne suis accointe.

Le

Le departir
 M'est fort dur à m'en departir.
 Mon cuer n'a qui puisse partir
 A ses maux, si est seul martir:
 Dont suis tiree
 De deux douleurs, & martiree,
 Quant la ioye qu'ay desiree
 Le plus, m'est du tout empiree
 Par doubte, voire
 Si fort, que ie ne sçay que croire.
 Ou se ie doubte ou se j'espore,
 Mort ou vif ie l'ay en memoire.
 Entretenu
 Il a tout, ce m'est adueni,
 Je n'ay fors les maux retenu:
 Ne sçay que tout est deueni.
 L'ay deuisees
 Les durtez d'amours desguisees.
 Mais qui bien les a aduisees,
 Aspres les a, & aguisees.
 Ainsi ouye
 M'auez, *de desplaisir fournie.
 Suis ie donc pas moins esduye
 *Dessus toutes Dames ouye.
 Vng pou fuz lent
 De respondre au fait violent,
 Mais i'euz de dire grant talent,
 Que ie ne suis pas seul dolent.
 En ce discord
 Furent d'autres choses d'accort,
 Et ie, qui leurs raisons recort
 Ne suis mie de tout recort.
 Ensemble dirent
 Les droitz, que pour leur party firent:
 Et tant de raisons auant mirent,
 Que ie ne sçay où tant en prirent
 Pour tel explet,
 Fors qu'amours auoit si replet
 Leurs cuers de son arc tout complet,
 O O O O

* atifées

* de tout
 plaisir
 fouie.

* Dessus
 toutes ? di-
 tes, ouye.
 L' Asteur.

Que la bouche en tient si long pler,
Et s'en guermente.

* demente Car selon que cuer se * tourmente
La bouche d'amant parlemente
De ce qu'il fault que le cuer sente.

Quant amours forge
Ses dars au cuer comme en sa forge,
L'ardant fumee qui regorge
S'espart par la bouche, & desgorge.

Lors à songier
Prins à leur fait: Car c'est dangier,
Faulx de sens, vouloir ligier,
De tard entendre & tost iugier:
Et bien est lasche

Le iuge, qui trop tost se lasche,
Et aual sans ce qu'il masche:
En iugeant des choses en tasche,
Sans faire pause,
Et entendre chascune clause,
Qu'on veult dire & qu'on se cause,
Les droitz des parties, & la cause.

Pource en doubant,
Leurs raisons ensemble adioustant,
Comme elles alloient comptant,
Me taisoye en les escoutant;
Et ne pensoye

* qu'à ouyr
* enten-
doye, Qu'à penser que dire s'en doye.
Rien plus * en ouyr n'attendoye,
Mais le penser où ie tendoye

Cessa: car la

Quarte de ces Dames parla,
Et rompit mon propos par là.
L'estrif, qui tant se pourparla,
Recommença.

Car la quarte depuis en ça
Nouvelles plaintes commença,
Par doulx motz aux autres tença,
Et lermoioit
Si fort, que ses beaulx yeulx noyoit

* Tout en plours, qu'à peine voioit,
Et en courfaut se hontoit.
Ce qui la trouble,
C'est honte que son mal redouble,
Et pour ce est desplaisir si double,
Qu'au dire la honte luy double,
En leur difant:

Mes Dames qu'alez vous difant?
Je fuis à vous contredifant,
Non pas pour estre desprifant,
Ou courroucer
Voz cueurs, que ie n'ay pas pou cher.
Mais de ce qui me peult toucher,
Et que ie voy cy reproucher,
Me fault répondre.
Force de dueil me vient femondre
De mon cas treshonteux espondre,
Qui me fait tout en lermes fondre:
Et tiens moins compte
Du desplaisir, que de la honte.
I'oy l'une de vous qui racompte,
que par moy la douleur surmonte,
Ou par celuy
que ie cuide meilleur que luy,
Et l'ay amé plus que nully.
Vous ne parlastes de tel huy.
Or a fuy
Laschement, & s'en est fuy,
Dont il a honneur deffuy,
Et dit on, pourquoy y fut y,
Et ses semblables,
quant leurs lascherez dommageables,
Et leurs fuites deshonorables,
Ont fait mourir tant de notables
Presqu'à milliers,
Et fait perdre les Cheualiers,
qui de la France estoient pilliers,
Menez comme beufz en colliers
En violentes

*La quarte
Dame, se
deuil &
plaint de son
amy, qui s'en
estoit fuy de
la bataille.
Parquoy
pour son hō-
neur, & se-
lon la loy
d'amours,
elle l'aimast
mieux mort
que vif.*

Prisons, où n'a que poux & lentes?

Ainsi leurs couardies lentes

Ont fait tant de Dames doulentes,

Et esplourees:

Tant en ont de lermes plourees

Maintes grans Dames honorées,

Qui en sont seules demourees

Comme vous dites.

Ainsi vous ensemble mauldites

Les fuitifz pour leurs demerites,

Dont ilz ne seront iamais quittes,

Quant courrouché

Ont les bons, dont on a touché,

Dont i'ay le cueur bien courrouché,

Qui me peult estre reproché

D'avoir amé,

Et pour seruiteur reclamé

Vng lasche fuitif diffamé,

Et de tel deshonneur blasmé,

Comme de fuire

En tel place, & aux autres nuire,

Faire son bacinet reluire,

Et vestir harnois pour dessuire.

Ha! quel iournee!

Folle de sens, mal aournée!

Las! pourquoy fuz-ie ce iournee,

Ne onques à lui amer tournée!

En tel erreur

* tristeur Les yeulx, qui m'ont fait la* soleur,

En portent la peine, & le pleur.

Las! contr'eux ie si lasche cueur,

Qui m'y fit traire.

Ie cuidasse que pour retraire,

Ou pour servir, ou pour * distraire,

* attraire * Vng vray cueur de tout son contraire,

son bien
ou son co-
traire

Sentist ainçois

Qu'il fist son eslire ou son choïs.

Mais tout le rebours aparçois,

Quant par moy mesmes me deçois.

Amours eslire
 M'a fait ce qui m'estoit le pire,
 Celuy qui d'auoir bien empire,
 et pour guerredon me martyre.
 Si luy rendray,
 quoy que vers luy le cuer rendre ay.
 Par semblant compte n'en tendray.
 Las! à qui doncques m'en prendray,
 Fors à moy seule,
 quant mon cuer fit dire à ma gueule
 Ce, dont il fault que ie me deulte,
 Portant plus grief faix qu'une meule!
 C'est la droicture:
 Car i'ay quis ma male aduerture.
 Si n'en blasme fortune obscure,
 La mort, ne la bataille dure:
 Et n'en ay haine,
 Fors au cuer qui seulement maine
 Ma pensee deceuant vaine,
 Querir plaisir, & trouuer paine.
 I'ay eu fiance
 En faulx semblant par la liance
 Faintise, qui sans deffiance
 Fiert, & puis met en oubliance
 Comme deuant.
 Ha! faulx langaige deceuant,
 Or suis-ie bien apparceuant,
 qua ta douleur est plus greuant,
 Que beaulté de Soleil leuant,
 Que vent qu'on voye.
 Ta trahison point ne scauoye,
 Ne que tu te meisses en voye,
 Si non quant le cuer t'y conuoye
 A longs espaces.
 Qui cuidast que iamais osasses
 Passer par la bouche où tu passes,
 Sans que sauf-conduit apportasses
 Au cuer escript?
 Parler d'amant par Iesus Christ,

OOoo iij

C'est la coppie sans rescript
 De ce qui est au cueur descript
 Par passion,
 Dont à grant visitation
 Verité fait collation,
 Et la bouche relation
 En la presence
 De celle, qui a pourueu en ce.
 Si ne doit auoir difference
 De ce qu'il dit à ce qu'il pense.
 Mais de present
 Maintz font de langaige present
 En disant, Mon cueur vous present,
 Sans que le cueur s'y represent.
 Ainsi enchantent
 Qui les croit, sans liesse chantent.
 Et filz n'ont Dames, ilz se vantent:
 S'ilz les ont, sans cause ilz les plantent,
 Ou par contreueue
 Les blasment, sans y trouuer preuue.
 Car tel y a, où qu'il se treuue,
 Qui chacun iour fait Dame neuue.
 Ainsi le sçay-ie,
 Mentir, iurer, au feur l'emplaige
 Sçauent, & l'vng pour l'autre plaige.
 Mais telles amours sont de naige,
 Tost eslacié,
 Ou de glace d'vne nuitié,
 Qui rompt à coup par la moitié.
 S'y appuyer n'est que sotie.
 Et vrayement
 Leur hantise & leur baiement,
 Quoy que s'abillent gaiement,
 Tout est bourdes en payement:
 Et se delitent,
 Quant les plus grans secretz recitent
 Des lieux, où ilz vont & habitent,
 A l'enuy leurs gorges acquittent.
 La sabulces

Ne sont, tant qu'ilz ont desolées
 Les Dames par faulces goulées,
 Qui sont de si legier coulees.
 Tant s'esuertuent,
 que d'honneur ilz les destituent.
 Si sont pareilz à ceulz qui tuent.
 Car iamais ilz ne restituent
 L'honneur qu'ilz tollent
 Par les motz, qui des bouches volent,
 quant ainsi ensemble parollent
 De leurs fais, & s'entrerigolent.
 Dieu me deffende,
 Que des bons ce parler entende:
 Mais les mauuais Dieu les amende,
 Ou sinon leur loyer leur rende.
 Car ilz desirent
 que autres à ce mesmes tirent,
 Disans deuant eulx, qui les virent,
 Où ilz allerent, & qu'ilz firent.
 Alors se baignent
 D'aïses, leur disant, qu'ilz mespraignent.
 Puis eulx mesmes tant en enseignent
 De loing, qu'il faut que tous l'apreingnent.
 Tel est leur stille,
 Qu'ilz nomment la rue & la ville,
 Ou qu'ilz dient des signes mille,
 Pourquoi, qui que soit, y a qui le
 Fait tout entend,
 Dont le diseur est bien content:
 Car combien qu'il faint ou attent,
 Si est-ce la fin où il tent.
 Hay/hay!
 Bien la renommee en ay,
 Qui souuent pour estre trahy
 Met és mains de telz y a y.
 Mais quel vaillance
 Aura homme en guerre à oultrance?
 S'il ne peult auoir la constance
 De tenir sa langue en souffrance,

Mal se tiendrait

De fuir au peril qui viendrait,
Quant du bien, qui luy auendrait,
Sa langue point ne retendrait
Qu'il n'en parlait,*

Et que du bec ne luy volait,
Quoy que droit fust qu'il le celait,
Ou que traistre on l'appellait.
Or aduison*

Doncques comme vne trahison
Attrait l'autre, ainsi le dison,
Se les fuitifz bien esclison,
Tantost trouuez

Seront leurs faictz mal approuuez:
Et seront ceulx faintiz prouuez,
Qui sont faulx amans esprouuez,
Dont le desrois

Les peult arrester desarrois.
Cueur mat soubz orgueilleux arrois

A deceu grandz Dames & Rois,
Et leurs pechiez,

Dont ilz sont si fort entechiez,

Et aux delices alechiez,

Les ont à bien faire empeschiez.

Car les delices,

Les grans oultrages, & les vices,

Où ilz sont nourris comme nices,

Les destourbent des haults seruices,

Qui enhardissent.

Aux aises trop s'affetardissent,

* Dont les cueurs s'en acouardissent,

Et les amours s'appailardissent.

Plus ne s'exercent

A voyager, ne ne conuersent

Entre les bons, mais se renuersent

Par oiseuse, dont leurs faitz versent.

Si dy encore

que leur fuite laide & notoire

Aux ennemis donne victoire,

Plus

* Dont des
gras perils
à coup yf-
sent,
Où acque-
querir hō-
neur deuif-
sent.

Plus que la vaillance & la gloire
 De leurs meilleurs.
 Les bons anciens batailleurs
 Furent ilz mignotz, sommeilleurs,
 Diffameurs, desloyaux, pillours?
 Certes nenny.
 Ilz estoient bons, & tous vny.
 Pourquoi est le monde honny,
 Et sera encores com ny
 A secouru.
 Car honneur a bien peu couru,
 Et n'y a on point recouru,
 Puis que le bon Bertran mouru.
 On a gueuchié
 Aux coups, & de costé penchié.
 Prouffir a honneur deuanchié.
 On n'a point les bons auanchié.
 Mais mignotise,
 Flaterie, oultrage, faintise,
 Vilain cueur paré de cointise,
 Ont regné avec conuoitise,
 Qui a tiré:
 Dont tout a esté deciré,
 Et le bien publicque empiré.
 Nully ne s'est aux faitz miré
 Des anciens,
 Qui furent saiges & sciens,
 Fors, courageux, & paciens,
 Pourueuz aux inconueniens.
 Chascun se pare,
 Et veult aller à la tentare,
 Et semblent bouhoureaux en mare,
 qui attendent qu'on leur dic gare,
 Et qu'on les preigne
 Sans aduiser qu'on entrepreigne
 A les greuer, & qu'on appreigne
 Les tours, parquoy on les surpreigne,
 Liant leurs aësles.
 Plusieurs dancent les sauterelles,

P P p

Et pour gaigner grosses merelles,
Deffendent leurs fausses querelles,
Et s'abandonnent

A seruir'ceulx qui plus leur donnent,

A qui à mal faire s'ordonnent,

*leurs prinſes

Et puis * les Princes leur pardonnent,

Et mieulx venuz

*ceux qui se sont te-
nuz

Sont, que * les bons qui sont tenuz

Loyaulx, & tousiours maintenuz

*soustenuz

Les droictz qu'ilz ont bien * retenuz.

Ainsi regente

Fortune, sans chemin ne sente,

Puis d'vng costé, puis d'autre vente.

Si a en telz faictz pou d'attente.

Ha/ fleur de lis,

Où Dieu mit pieça ses deliz,

Ainsi com en escript lis, •

* Sont tes tiltres ensepuelis

* Ms. Ton nom n'est
pas enseueliz

Par voye infaite,

Ne n'es defaite

Seras tu d'honneur imparfaite,

Par deshonneur, ne
contrefaite.

Qui a esté d'honneur refaite,

Car ceux de ta mai-
son t'ont faite

Et sur toute maison parfaite.

Honneur par vaillan-
ce par faise:

Sont ja cendres

Les nobles cueurs que tu engendres.

Dont ja en cendres

Les hauts princes, piteux, & tendres,

Sont les vngs, ceux
que tu engendres

S'y sont mieulx portez que les mendres.

Les hauts Princes, &c.

Car enferrez,

Naurez, batuz, & aterrez,

Et des mors couuers & ferrez,

Furent tous pris & enterrez.

Chascun happa

Sa hache, & oultre se frappa.

Mais fortune les attrapa.

Des Royaulx nul n'en eschappa.

Car sans tourner

Le dos, affin de retourner

Voulurent là tous seiourner

Pour leurs hoirs d'honneur aourner.

Si rencontrerent

Si mal, que leur viey oultrerent.
 Ha/ha! fuitifz, ilz se monstrent
 Si bons, que voz hoates monstrent.
 Or rougissez
 De honte, & de iour hors n'issez.
 Car certes se riens vaulsissez,
 La voz Princes ne laississez,
 Qui deffendirent
 Le champ, & bien chier se vendirent.
 Mais les failliz couardz fendirent
 Les rengez quant à fuite tendirent
 Au desplacer,
 Sans oncques espee * laschier.
 Si n'y auoit il que cachier
 Les peust à la pointe d'achier.
 Mais ilz casserent
 L'ordonnance, & oultre passerent:
 Leur honneur derriere eulx laisserent,
 Et leurs lignaiges abaissèrent.
 Que leur feissent,
 Ou quelle iniure leur deissent
 Leurs successeurs, filz les veissent
 Ainsi fuir: bien les hayssent
 De mors ameres
 Leurs notables ayeulx & peres,
 Dont les vaillances sont si cleres,
 Et ceulx cy sont droictes commeres.
 Nous ne croyons,
 Iusques à ce que nous voyons.
 Mais doubte que bon cueur n'ayons,
 Tant que plains de pechez soyons.
 Raison rompue
 Est si par vie corrompue,
 Que qui a robe desrompue,
 S'il est bon si pert il qui peuë
 Entre les gens,
 Soient conseilliers ou regens.
 Mais plusieurs sont moins diligens
 D'acquérir vertus qu'abiz genz.

P P pp ij

* lacher

Ainsi despend

Vn homs trop plus qu'à luy n'appent

En robe, & ce qui en despend:

Si s'endebte, & puis s'en repent.

C'est la semille,

S'il a Dame riche, il la pille,

*Ou

* Et fault qu'elle veste & habille,

S'il s'en mocque, & elle se cille.

L'en sçay de tiéux,

qui ont Dames en maintz hostieux,

Dont ilz tirent les grans chastieux,

Et leur sont ennemis mortieux,

En n'en tenant

Loyaulté ne le remenant.

C'est des amans de maintenant,

Trop plus iangleurs qu'entreprenant.

Parmy la rue

Cheuauchant la voye pierrue,

Chascun à chascun l'ueil rue.

Si sont ensemble vne cherrue

Mal atellee,

*escherue-
lee.

Et vont la teste * escheuelee,

Chascune est meschante appellee.

La n'y aura chose celee.

S'ilz cheminoient

Par cent rues, toutes guignoient,

Et celles qui pas ne les hayent

Ne croient mie qu'elles n'ayent

Le cuer entier,

Dont toutes n'ont pas vng quartier.

Helas! honorable mestier

D'armes n'a de telz gens mestier.

Car tout taxé,

Oncques puis ne fut exaulcé

En France honneur, ne plus haulcé,

Que tant ont leurs amours faulcé

Les deffaillans.

Car se histoires ne sont faillans,

Vraye amour fait les cuers vaillans,

Entreprenans & assaillans
 Semblablement.
 Ilz vivent veritablement,
 Et à tous agreablement,
 S'ilz aiment honnorablement.
 Assez acquiert
 Qui en a ce qu'honneur requiert:
 Mais de trop fier baston la fiert,
 qui de deshonneur la surquiert
 En la seruant.
 C'est vng seruice en desservant.
 Et me semble qu'vng tel seruant
 Est de tout perdre desservant,
 Quant enuahir
 Veult honneur sa Dame, & trahir,
 Trop moins semble amer que hair.
 Ce n'est pas amour, mais hair.
 Las! on en vse
 A present comme d'vne ruse.
 Pou voit qui se bonte ou amuse,
 Fors s'il n'a que faire, ou s'il muse,
 Comme qu'il vaise.
 Ilz veulent amer à leur aise,
 Et qu'on face ce qu'il leur plaise,
 Et qui veut en ait la mesaise.
 Mais s'ilz entendent.
 Bien qu'est amours, quant ilz y tendent,
 Les plaisans ennuis qu'amours rendent,
 Les cueurs afferment & amendent.
 Cil qui y ferme
 Son cueur, il le trempe & afferme,
 Et à mieulx souffrir le conferme:
 Dont il est en tous cas plus ferme,
 Et assuré,
 Rassis de meurs, & ameuré,
 Ne trop bault, ne trop espeuré,
 Et en bataille bien heuré:
 Et qui pener
 Se scet à amours demener,

PPpp iij

Trop mieux en fara assener
 A ses besongnes bien mener.
 Qui bien pourchasse
 Dames, celer luy fault sa chasse,
 Parler & maintien fault qu'il lache,
 Si ne peult qu'il ne se parface,
 Dont bien amez
 Doiuent estre & tres-renommez
 D'honneur les vrais amans nommez,
 quant present sont si cler semez.
 Or ay cuidé
 Qu'amours eust bien mon cueur guidé
 En vng bon nom outrecuidé,
 Et il est d'onneur tout voidé.
 Point n'affermaist
 Mon cueur, que tousiours ne l'amast.
 Or est il, qui bien le nommast,
 Le plus faulx qu'oncques Dieu formaist.
 Souspirs gettoit
 Au partir, & sa main mettoit
 En la mienne, & me promettoit
 que de son cueur se desmettoit,
 Et tant feroit
 Pour moy, que nouuelle en feroit,
 Et bien plus qu'on ne penseroit,
 Ou iamais il ne cesseroit.
 Et me disoit,
 Qu'à autre chose ne visoit,
 Qu'à moy plaire, & tant me prisoit,
 qu'à son cueur garder m'eslisoit.
 Lors m'acola,
 Mais le mal gueres n'afola
 Son cueur, qui bien loing s'en vola.
 Ainsi de moy se rigola,
 qui effrayee
 Fuz pour luy, triste, & esmayee,
 Plaine de * paour & desfrayee:
 Et fil m'eust veue nayee,
 Ne luy eust chalu.

*plours

Or fuit quant ferir a fallu,
 L'amour de moy rien's n'y valu,
 Et son honneur fut nonchalü.
 Tout sain sans playe
 S'en reuint, dont il fault que i'aye
 Contre cueur, & que plus ie haye
 Celuy que sur tous plus amaye.
 Et depuis l'ay-ie
 Veu souuent, dont mon mal engrege.
 Car l'eflongner le cueur soulege,
 Et le veoir est vne engrege.
 Ainsi dy fy
 De mon cueur, & plus ne m'y fy,
 Et de guerre à mort le deffy,
 Quant par luy tel folie fy
 Que ie l'aimay,
 Le premier ot deux ans en May,
 Dés lors à amer entamay.
 Car onc autre amy ne clamay.
 Or est escheu,
 Qu'il m'est au commencer mescheu,
 Dont amours, qui si m'out decheu,
 Plus ne tiendra mon cueur renchu
 Pour l'empirer,
 Et le faire ainsi souspirer,
 Se iamais l'en puis retirer,
 Si me puis en mon fait mirer.
 Bien doit sçauoir
 qu'il fait, qui pour amy auoir
 Fait de son cueur autruy auoir.
 Le fort est quant vient au rauoir
 Vng cueur loyé:
 Pourquoi l'ay doncques desployé,
 Pour se trouuer si foruoyé,
 * Et que ne l'ay mieulx employé?
 Aſſez me paine
 D'oublier tout pour estre saine.
 Mais ie ne puis pour nulle paine
 Oster ne l'amour ne la haine.

* Quantig
 ne l'ay

672 . LE LIVRE DES

L'amour assise

Y est de long temps fort esprise.

Son meffait y a haine mise:

A les oster est la maistrise,

S'amant est longne,

Ou qu'il meurt en haulte besongne,

L'onneur la loyaulté tesmoigne.

Mais ie pers le mien en vergongue

Honteusement

Villennie tref-hideusement.

Les autres sont piteusement

Priş, ou mors vertueusement

Pour la couronne.

Et quoy qu'il soit de la personne,

Aumoins la renommee bonne

Demeure, qui pour vie sonne.

Mais plus greuant

Est le mal, que vois receuant.

Vif & sain ie pers mon seruant,

Et son honneur qui va deuant:

Car en ouurant

Son deshonneur est descourant,

* Par * Pour estre laschement ouurant.

Ie le pers en le recourant.

La recourance

Honteuse en est la deliurance.

Recourer en est deceuance.

Si suis de ma foy deliure en ce

Doncques n'a coulpe

Mort en mon dueil, ie l'en descoulpe.

Prison la voye ne m'estoupe

De le veoir sinon en coulpe.

Nul que moy lasse,

* Qui le veoir miculx mort amasse,

Qu'il faulst quajnsi le blasmasse.

Mais tel le boit qui tel le brasle.

Si ay moy-meismes,

Et tous les motz qu'oncques nous deismes

Au lieu, où premier nous nous veismes,

Et les

* Que
miculx
veoir la
mort a-
masse,

Et les cueurs qu'en amours nous meismes,
 Les souuenances,
 Les penfers, & les conuenances,
 Les regardz, & les contenances,
 Dont ie porte les * penitences,
 Se dire l'oz,
 Quant depuis le temps qu'amé l'oz,
 Ne m'en demoure part ne loz
 D'onneur, de ioye, ne de loz,
 Dont soit faulceur,
 Qui perd en champ son seruiteur,
 L'onneur, la bonté, la haulteur,
 Qui demoure abat la tristeur.
 Or n'ay confort,
 Ains le pers * pis que fil fust mort.
 Si dy que mon mal est plus fort,
 Et veuil iugement, se i'ay tort.
 Or en iugez,
 M'a dit la tierce, & abregez
 Le debat, & vous en chargez.
 Mais gardez bien que comprenez
 Les droitz de routes,
 Et laquelle est en plus grans doubtes,
 Qui sue sang à grosses gouttes,
 Quant toutes voyes luy sont roughtes.
 Au renouvel,
 La premiere en fin de l'aniel
 Peult recouurer ioye & reuel,
 Et sans tort faire amy nouuel.
 La quarte peult
 Le faire, si tost qu'elle veult.
 Et se la seconde se deult,
 En espoir son vray dueil requeult.
 Mais moy lasserte,
 Vif ou mort mon las cueur regrette,
 Dont peult estre i'ame soullerte.
 Et si n'est droit qu'ailleurs le mette.
 Sans riens celer,
 Je ne me puis, à brief parler,

* griefts pe-
nances

* mieulx

La tierce
Dame..

QQqq

Ne d'amy pouruec appeller,
Ne changer, ne renouueller,
Pensez cela.

Lors la premiere m'appella,
Et ses raisons renouuella,
De la faulte d'esper qu'elle a
D'auoir iamais

Ioye, plaisir, aise, ne paix:
Car trouuer ne pourroit si vuis,
Si noble, tel, ne si parfaits,
Que mort luy oste.
Si a prins desespoir pour oste.
Les autres ont espoir de coste.
Et si m'a prié que ie note,
Ains que ie couche
Sentence, qu'il n'est nul reprouche,
Prison, ne perte si farouche,
Que la mort trop plus ne courrouche.
Ce sont entrongnes
D'y comparer autres besongnes,
Où il n'a conseil ne alongnes.
Car mort n'a remede n'essioingnes
En nulz endroiz,

*La premiere
Dame,*

Pour Dieu dist el, iugéz adroiz,
Et soit vostre parler si droiz,
Que gardez y soient mes droiz.
Ainsi auoye
Tant à ouyr par mainte voye,
Que ne sceu que faire deuoye,
N'à qui entendre ne scauoye.
L'une parloit,
L'autre se plaignoit & douloit,
Des yeulx maintes lermes couloit.
Chascune respondre vouloit.
Leurs faiz disoient,
Et la bataille mauldissoient:
Toutes les fuites desprisoient,
En louant ceulx qui mors gesoient,
Ou afferuis

En la prison, où ilz sont viz,
 Desquelz le Roy fut bien seruis.
 Ceulx ont les grans biens desseruis,
 Et n'en ioyssent.
 Tant dire que se les oyssent
 Les fuitifz, point ne s'esioyssent:
 Et croy que iamaiz ne foyssent,
 Ains demandassent
 Pardon, & leurs amis mandassent,
 En tant que leurs faiz amendassent,
 Et aux bons se recommandassent.
 Là blasonnez
 Furent leurs faiz & haults sonnez,
 Ainsi que gens habandonnez,
 • Ou en l'eschauffault sermonnez.
 Et s'embusché
 En fust vng apres bien muché,
 N'eust voulu pour vne Duché,
 Qu'on l'eust aparceu ne huché.
 Ains pouez croire,
 Que pour honte de ceste guerre,
 Qui aller ne s'en peust grant erre,
 Se mussast volentiers en terre.
 Car l'une en dist,
 Que ce fust bien qu'on les pendist:
 Et l'autre, que nul n'entendist
 A eulx, & qu'on leur deffendist
 Les lieux honnestes,
 Les cours, les ioustes, & les festes,
 Et que iamaiz ne fussent prestes
 Dames d'escouter leurs requestes:
 Mais deffuiz
 Fussent, sans auoir nulz reffuiz,
 Et de tous fussent ceulx fuiz,
 qui s'en sont du champ enfuiz,
 Com negligent,
 Et du Roy de France Regent
 Ont ceulx comme reffuz de gent
 Greué l'onneur, & pris l'argent.

QQqq ij

Et

La seconde
Dame.

A tant me tire

La seconde en disant, Beau Sire,
Entendez ce que ie puis dire:
Ie croy que ce que ie desire
Vous desirez,
Et que ie tire où vous tirez.
Quant sentence pour moy direz,
Croyez que point ne mentirez,
Vous sçavez bien,
Et pour quel cas, & pour combien
Nous n'eusmes en France nul bien.
Chascun scet dont ce vient, combien
Qu'on dissimule,
Et qu'on fuit au fait & recule.
Mais ioye n'aurons nul ne nulle,
Tant que France soit incredule,
Et tant * qu'on voit
Ainsi qu'au premier on deuoit;
Peuple croit, son apperceuoit
Plus mensonges que ce qu'on voit.
Ainsi deboutent
Verité, & droit ne redoubtent:
Les trouueurs de bourdes escoutent,
Qui en sedition les boutent.
Lors amusez
Sont les simples, & abusez
Par gens à mauuaise rusez,
Et pour leurs delictz refusez,
Occasion
Leur donnent par deception,
Et faulx machination,
De querir leur destruction,
Et laidanger
Cil, qui pour bien est en danger;
Duquel, pour eulx à tort yanger,
Vouldroient ilz bien le cuer manger,
En destruisant
L'innocent de vertu luisant,
Et en tout honneur reluisant,

*com

Qui onc à nul ne fut nuisant.

* Mais mieulx trahis

Ont esté par les faulx naiz

De la terre iuges hais

Qui ont degasté le pays.

Et là la mis

Fortune, à qui il est soubmis,

Qu'il n'a peu viure o ses amis.

Or est pris de ses ennemis.

Si apparoit,

Que ciel & terre le herroit,

Et fortune sa mort querroit,

Quant viure en paix ne le lerroit.

Oncques ne sceut

que fut ioye, n' oncques ioye n'eut,

Et se auoir la vult il ne peult,

Pour les nouveaulx maulx qu'il receut,

Et qu'il reçoit.

Ses maulx vn chascun apperçoit,

Dont mon cueur autant en reçoit.

Qui dit qu'il a pis, se deçoit.

La mort neu

Nous a le cas & congneu:

Estre ne peut descongneu.

Oncques en France tel cas n'eu.

Autres dommages,

Desloyauté, faultes d'ommages,

Perte d'amis, & d'eritages,

Faulses parolles, faulx langaiges,

Blasmes tissus

De mensonges luy courent sus.

Or est en prison par dessus,

Dont encor n'est il pas issus.

Si vous souuiengne

De mon droit, & plus n'en conuiengne

Parler. Car quoy que nul maintiengne

I'ay le droit, s'il fault qu'il me viengne.

Bien aduisay

Son grant courroux, & y visay.

* Mais en haiz

A esté par le faux naiz

Ou plus justiciers des

pays

Greuent à tort, & puis

haiz.

L'Affaire

QQ qq iij

Mais la grant amour moult prisay,
 Qu'en ceste Dame compris ay.
 Tant fut loyalle,
 Que fortune si durë & male
 Ne peult amender son cuer pale
 Vers s'amour tres-especiale.
 Et pource mentent
 Ceulx, qui dient, & qui consentent,
 Que quelque amour que Dames sentent,
 Tousiours de changer se dementent,
 Tel ianglerie
 Est controuuee, & mocquerie:
 Car amours est sans menterie,
 Et par honneur souuent perie,
 Et moins feables
 Y sont hommes, tenans leurs fables
 De ce que femmes sont muables:
 Mais monstrez se sont variables
 Trop plus que Dames,
 Et de conscience, & d'ames,
 Puis dix ans, dont ilz sont infames,
 Et trouuez moins fermes que femmes
 En leur deuoir.
 On l'a peu en France sçauoir,
 Trouuez se sont avec l'auoir,
 Et n'ont pas ensuy le voir;
 Puis en bataille
 Se sont fuis comme peautraille,
 montrans que d'onneur ne leur chaille,
 Et qu'en eulx loyaulté deffaille.
 Or se teussent,
 Ne blasme aux Dames ne meussent
 De ce que defferui n'eussent,
 Se bien leurs faultes congneussent,
 Et leur volage
 Cueur, qui passe temps en oultrage,
 Dont en honneur & bon courage
 Peuent bien femmes l'auantage
 En emporter.

Ceste Dame vould conforter,
Pour plus son courroux supporter,
Ne ie ne m'en peuz deporter.

Pitié me fit,
Que fortune ainsi desconfit
Cil, qui en tout bien se parfit,
Et oncq à autrui ne meffist.

Si dis: Ayez,
Espoir, & ne vous esmayez,
La fortune trop ne hayez,
Ne de rien ne vous effrayez.

Ne croyez point
*Qu'elle soit tousiours en vng point:
Et sa present elle vous point,
Elle remettra tout à point,
Et mesmement

*Qu'ades
soit fortune
ne en vn
point

Je tien, selon vray iugement,
Que douloureux commencement
Monstre signe de pensément,
Grans grief, ou perte:

Sans cause est voye bien ouuerte,
Dieu ne fait souffrir sans desserte
Peine, qui ne soit recouuerte.

Tant me tardast,
Ou sa ioye ne luy retardast,
S'à son prouffit ne regardast,
Et qu'vng grant bien ne luy gardast.

Lors entretant
qu'aloie ses faictz racomptant,
Et la tres-bonne confortant,
La quarte s'alloit dementant
Tres-asprement,

Et dist: Je requier iugement,
que leurs dictz & leur parlement
Ne me font point d'encombrement.
Toutes trois dient

La quarte
Dame.

Que les fuitifz, que tant mauldient,
Et de qui à bon droit mesdient,
Sont causes qu'en douleur mendent

Toufiours nouuelles.

**faintifs* Donques se leurs douleurs mortelles
 Par le faict des* fuitifz font telles,
 Trop plus pres me touchent qu'à elles.

L'Asteur.

Ainsi ie vis,
 Et me fut adonques auis,
 que ne me sceusse estre cheuis
 D'en iuger, & le feisse enuis.
 Lors vng point ay
 Prins, en quoy ie les appointay.
 Autre iuge leur accointay,
 Et dis en hault:
 D'ouyr mon aduis ne vous chault,
 Car mon aduis trop petit vault.
 Mais tel iuge com il vous fault
 Ie vous querray,
 Et si au vray en enquerray,
 que vostre grace y acquerray,
 Et d'en iuger le requerray.
 Chacun tiendrait
 Que de ce qui appartiendrait
 Aux Dames, Dame en son endroit
 Trop mieulx iugement en tendrait
 Certes qu'un homme,
 Et mieulx entendrait quoy, & comme.
 Ma Dame en iuge, ie vous nomme
 Qui n'a pareille iusqu'à Romme,
 Et bien sçaura
 De vous laquelle droit aura,
 Et la verité n'en raira.
 Ie demande si l vous plaira.
 D'accord en furent,
 Et ma Dame à iuge recourent,
 Quant tieulx biens dire oy m'en eurent,
 Et par mon langaige apperceurent,
 Que pour le sens,
 Et la douceur qu'en elle sens,
 A estre tout sien me consens:
 Mais à luy dire ne m'assens,

Et si

Et si aura
 Toit vng an qu'amours m'en naura.
 Pour mon cueur durement ouura,
 qui puis santé ne recouura,
 Mais engregea
 Mon mal, qui depuis n'allegea,
 Et toute douleur m'assiegea.
 Helas/Dieu, oseray-je ja
 Luy dire oser?
 Il me vauldroit miculx reposer,
 que telle folie proposer:
 Car ie puis assez supposer,
 Qu'el me feroit
 Mourir, quant me refuseroit.
 Son tref-hault cueur mien ne seroit
 Iamais, car trop s'abaisseroit.
 Ne me chaulsist,
 Mais qu'elle sceust trop me vaulsist,
 Ne me donnast ou me tollist,
 Et ne m'aimast s'il ne vouldist.
 Moult ay esté
 Pres d'elle Yuer & Esté.
 Mais vng iour fuz admonnesté,
 Et luy dis de grant vouldenté
 A part sans fainte,
 qu'amant doit estre vng an en crainte.
 Sans oser descouvrir la plainte,
 Dequoy sa penssee est attainte.
 Bien luy souuient
 De ces parolles, se deuient,
 Mais son memoire luy reuient,
 Et scet que le bout de l'an vient.
 Or me doint Dieux
 Tant plaire vne fois à ses yeulx,
 que ses douleurs ne soient tieulx,
 Qu'à tousiours il m'en soit de miculx.
 Or est arbitre
 De ce debat, que i'enregistre,
 Et qu'à iuger luy administre.

R Rrr

Dieu doint qu'à honneur en puisse estre.
 Tant labourerent,
 Et ma Dame tant honnorerent,
 Qu'à son iugement demourerent.
 Au departir de moy plourerent,
 Et me tendoient
 Les mains, & bien me commandoient
 Dire, qu'ilz se recommandoient
 A elle, & raison demandoient.
 Grant ioye feismes,
 Tant qu'en chemin fourchu venismes,
 Et là endroit nous departismes:
 Car plus vng chemin ne tenismes.

A tant tournay
 De là, & plus ne seiournay.
 Enuers Paris m'en retourna y,
 Car sans y estre bon iour n'ay.
 Pour tant ce Liure,
 Pour estre descharge & deliure,
 A ma Dame transmetz & liure,
 Par qui ie puis mourir ou viure.
 El le lira,
 Et pas ne les escondira,
 Et puis son aduis en dira.
 Si scauront com il en yra.
 Mais pour enqueste
 Faire du fait, dequoy s'enqueste,
 Et trouuer voye plus honneste,
 Luy enuoye ceste requeste,
 Et le conuoye
 A la plus belle que ie voye
 Où i'ay en espargne ma ioye,
 Et mon cueur quel part que ie foye;
 Tousiours ma lieffe,
 Vraye santé, longue ieunesse,
 Et vers moy monstrier sa largesse,
 Et vouloir oster ma destresse
 Tres-dure & grande,
 Dequoy à vous me recommande.

Quant faire n'ose autre demande.
 Il m'est commis que ie demande
 Vostre aduis, belle,
 D'une question bien nouvelle,
 Dont en ce Liure la querelle
 J'ay mis en rime telle quelle
 Au long escripte.
 Et se ie bien ne la recite,
 Comment elle m'a esté dite,
 Ignorance m'en face quitte.
 Or la lisez
 S'il vous plaist, affin que disiez
 De bouche, ou au moins escripriez,
 Laquelle plus triste esliziez
 Des quatre amantes,
 Dames bonnes, belles, sçauantes,
 Qui sont tristes & desplaisantes,
 Et de leur debat requerantes
 Vostre sentence.
 Car vous auez assez science,
 Pource se sont soubz mis en ce
 Du tout à vostre conscience.
 Ce hardement
 J'ay prins, & à leur mandement:
 Car prié m'en ont grandement,
 Que ie tiens pour commandement,
 Et suis tenu
 D'y obeyr, si conuenu
 Ce massage m'est aduenu,
 Et g'y suis volentiers venu.
 C'est le retrait,
 Où j'ay quis ioye par long trait,
 Et adonc quant le cueur s'y trait,
 Les autres membres y attrait.
 Bien m'en viendra,
 Car lors que vostre main tiendra
 Celiure, & lire y conuiendra,
 Du message vous souuiendra,
 Qui n'a plus rien,

R R r r ij

684 COMPLAINTE D'AMOURS

Sinon ses douleurs, qui soit sien.
 Et pourtant ie desire bien
 que ce Liure pour son grant bien
 Souuent peussiez
 Veoir, & qu'aini bien leussiez,
 Et son cuer, parquoy vous sceussiez
 Quel pouoir dessus luy eussiez
 Par droit acquis.
 Car vostre douceur m'a conquis,
 Et ie n'y ay remede quis,
 Amours l'a bien sceu & enquis.
 En gré soit pris
 Ce Liure, pour vous entrepris:
 Car l'aucun bien y est compris,
 Ce fait l'amour dont suis espris,
 Et scay emprise
 Trop folle, ou trop haute entreprise,
 De moy metre en vostre seruisse,
 Faites du vostre à vostre guise.

COMPLAINTE D'AMOURS,

ET RESPONSE.

B Elle que bon renom & loz
 Font sage de tous appeller,
 Vers vous viens pour dire à briefz motz
 Ce que ie ne puis plus celer,
 Et se mon tref-rude parler.
 N'est mie de doux motz enté,
 Prenez en gré, sans regarder
 Fors à la bonne volenté.
 [* Veuillez moy ouyr humblement,
 Et par vo courtoisie entendre,
 Si m'alegrez grandement,
 Sans que vostre honneur en soit mendre.
 Car ainsi m'aist Dieux, que mesprendre.
 Vers vous ne vueil, ne ja n'aiengne
 Qu'enuers celle face à reprendre
 Dont il fault que tout mon bien viengne.]

* Adieu
 du Ms.

Toutefuies chierement vous prie,
Ains que sachez comme il m'est pris,
Quant ma requeste auez ouye,
Ne me tenez pour mal appris,
Se i'ay si hault fait entrepris:
Mais me pardonnez, car par m'ame
C'a fait amours, qui m'a *espris,
Tour vient de luy fil y a blasme.

*apris

RESPONSE.

Les grans loz que vous me donnez,
Sire, viennent de vostre bien:
Car largement me blasonnez,
Sans qu'il y ait gueres du mien,
Vous parlez doucement, & bien
Mieux qu'entendre ne scay, ou puis,
*Et tieux motz n'affierent de rien
A si nice comme ie suis.

*Mais

Se vous m'auex à dire chose
Qui à bien ou à honneur touche,
Ce qu'autrement ie ne suppose,
Ie l'array de volenté douce:
Car ie vous sens si sans reproché,
Et de si tres-haulte noblesse,
Que ja n'i stra de vostre bouche
Vn mot, qui l'honneur d'autroy blesse.

Ie ne congnois vostre pensee,
Ne vostre celee entreprise,
Aussi suis ie peu apensee,
Sorte, & d'entendre mal apprise:
S'elle est en honneur bien comprise,
Et n'est oultrageuse ne haulte:
Mais sans ce que ie vous desprise,
Ce poise moy fil y a faulte.

COMPLAINTE.

De ce qu'il vous plaist m'escouter
Vous mercy, sachez que mes iours
Vueil vsfer à vous redoubter

RRrr iij

686 COMPLAINTE D'AMOURS,

Comme ma Princesse en amours.
Mais tous mes plaisirs seront cours,
Se vostre beaulté, qui contraint
Mon cueur à la seruir tousiours,
N'adoulist mes maux & refraint.

Et sil vous plaist moy retenir
Pour vostre humble & petit seruant,
Vers vous me verrez maintenir
En l'estat d'vng loyal amant:
Car en vostre honneur bien gardant,
*cointe Viuray preux, * courtois, & lecret,
Et de bien seruir feray tant
Que vous n'y aurez nul regret.

Helas! mon douloureux cueur sent
Mieux que la bouche ne scet dire,
Des douleurs, dont i'ay plus de cent,
Dequoy ie me congnois le pire.
Si ne me vueillez escondire,
Que vostre grace n'y pouruoye:
Faites moy ou plourer ou rire,
Ie suis vostre où que ie soye.

RESPONSE.

A moy requerir de ce point
Perdrez vous & labour & paine,
Si ne vous en trauallez point.
Fol est qui pour neant se paine.
S'amours vous tient en son demaine,
Oncques par moy ne vous aduint:
C'est vne plaifance soubdaine,
Qui s'en ira comme elle vint.

Se vous auez d'amer desir
Pour viure en ioyeuse plaifance,
Autre amie pouez choisir,
qui plus que moy vous y aduance.
Si en ostez vostre fiance,
Et pensez d'ailleurs regarder:
Car ie vueil sans vostre acointance
A par moy mon honneur garder.

Se vostre cuer a à portër
Des maux assez plus qu'onques mais,
A vous est de le conforter,
Car autre que vous n'en peult mais.
Si ne croy pas * que vous ayés
Tant de douleurs que vous me dites.
Or ne vous en pleignez iamais,
Car ie croy qu'elles sont petites.

* qu'en vos
trais

COMPLAINTE.

Belle de beaulté bien eueuse,
Des autres belles l'exemplaire,
Vostre simple chiere ioyeuse
Fait mon cuer à soy si attraire
Que ie vous ayme sans retraire,
Et l'ay celé par plusieurs mois
Si i'en muir puis qu'à faire faire,
Mourir me fault il vne fois.

Oncques mais amours ne m'esprist
Pour amer Dame ou Damoiselle,
* Et à mon gré pas ne mesprist,
Quant il la me fit choisir telle.
Ne me parlez d'amour nouuelle,
Il est de moy tout ordonné:
Car à vous comme à la plus belle,
S'est mon cuer tout entier donné.

* Mais

Helas! belle à ce que ie voy,
Vous ne congnoissez qu'amour monte,
Et Dieu scet se ie l'apperçoy
Maintesfois que ie n'en tiens compte.
I'ay de soupirer bien grant honte
Quant ie me treuve en maintz lieux,
Il m'est pis que ie ne vous compte.
Mais quant vous plaira i'auray mieulx.

REPONSE.

Se mon maintien vous auez veu,
Que vous louez oultre mesure,
Et si voz yeulx vous ont deceu

688 COMPLAINTE D'AMOURS

Par mal aduifer ma figure,
Le mal que vostre cueur endure
Ne fait pas la vie abregier :
Maint plus malade vit & dure,
On ne meurt point si de legier.

Vous direz ce qu'il vous plaira,
Et voulentiers l'escouteray:
Mais ja nul hom mon cueur n'aura,
Ne ja par amours n'aimeray,
Fors vng à qui ie garderay
Ma foy, comme espoux & amy.
Ia se Dieu plaist vouloir n'auray
De departir mon cueur parmy.

Mais ie me donne grante merueille,
Que tant vous voy moy requerir,
Car vne Dame à vous pareille
En beaulté deussiez vous*querir.
Vous ne l'avez pas à querir.
Car chascun peult assez sçavoir,
Que qui sçet si bien requerir,
N'est pas sans belle Dame auoir.

*choisir.

COMPLAINTE.

* Jeune,
gère, four-
ce, riuiera,

*Cueur de doulceur, source, riuiera
D'honneur, & de ioyeuse chiere,
Qui fait en vous beaulté fleurir,
Vous estes ma Dame premiere,
Qui m'amour avez toute entiere.
En ce point vueil viure & mourir,
Et se ne voulez secourir
Mon cueur, dont io vous ay fait don,
Or en faictes à vostre bon:
Car ie suis vostre franc & quitte.
I'espereray, vueillez ou non:
Car vous n'avez pas le renon
D'estre orgueilleuse ou despote.

En espoir que m'en soit de mieulx,
Vous seruiray ieunes & vieulx,
Et m'en tien pour moult honnoré:

Et se

Et se ie vous fais l'ennuieux,
 C'est signe de cuer peu ioyeux,
 Triste, dolent, & eplouré,
 Et largement enamouré.
 Mais s'il est ainsi qu'il vous plaise
 Me commander que ie me taise,
 Sans vous requerir reconfort:
 A tout le moins ne vous desplaise,
 Se vous aymé en souffrant m'esaise.
 En ce ne vous fais-ie nul tort.

Je congnois bien & voy à l'ueil,
 Que les maulx que d'amer recueil
 Sans mort n'auront point de duree:
 Neantmoins i'ayme mieux en ducil
 Viure encor plus que ie me sueil,
 Qu'aulture Dame auoir procuree:
 Et eussiez vous ma mort iuree,
 Ce qu'il vous plaist m'est agreable,
 * Ia ne me verrez variable
 Pour assault que douleur me liure:
 Se vous ne m'estes amiable,
 Combien que mort m'est prouffitabile,
 Si vueil-ie en vostre mercy viure.

R E S P O N S E.

Quant Dame en honneur se maintient,
 Et respond ce qu'il appartient
 A qui la requiert de folie,
 Fol est qui despice la tient
 * Pourtant se ferme elle se tient,
 Sans que bel parler l'amolie.
 Si n'ayez la melencolie,
 Que ie soye dure ou sauuage:
 Car apres assez de langaige,
 Je vous dy bien vng mot pour tous,
 Qui que m'en tienne folle ou sage,
 Que ie n'auray ja le courage
 De me faire blasmer pour vous.
 Se vous voulez vous amerez,

* Pour ceau-
 se s'elle se
 contient

S S ff

Ou sinon, vous le laisserez,
 Je ne vous y peuz pas contraindre.
 Mais quant d'aimer me parlerez,
 La de moy hay n'en ferez:
 Cela ne devez vous ja craindre.
 Vng amant peult prier & plaindre,
 Et puis qui veult si se contente.
 Bien sçay que pas ne vous contente,
 Et que le reffuser vous griefue,
 Ce poise moy, i'en suis dolente.
 Mais se ieusse d'amer entente,
 Je feisse responce plus briefue.

*que pour rien ie
 desueille.

Vous n'avez garde que ie face
 Chose qui vostre mort pourchasse,
 Ne parquoy vostre cueur se dueille.
 Car oncques nul iour que ie saiche
 Ne me feistes en nulle place
 Chose, * parquoy ie vous desueille.
 C'est raison que tout bien vous vueille,
 Car vous m'avez mainte honneur faicte:
 Et se vous avez paine traicte,
 Amours, qui scet tout bas & hault,
 Vous doit ioye en tout bien parfaicte,
 Telle que ie la vous souhaite,
 Et que vostre douceur le vault.

COMPLAINTE.

Se ma requeste me cassez,
 Je tien mes bons iours pour passez:
 Car nul plaisir ne me demeure.
 J'ay eu des durs maux assez,
 * Tant que mes espritz sont lassez.
 Il est temps qu'amours me sequeure.
 Je ne fuz pas nez de bonne heure,
 Se d'amours n'ay aucuns soulas:
 Car oncques ne me trouuay las
 De vous aimer en loyauté,
 Puis qu'ainsi suis prins en voz las.
 Se i'en dy mille fois, hélas!

*Tant qu'à moitié
 fuiz uel passez

Ce n'est pas trop pour tel beaulté.
 Si vous requier à ioinctes mains,
 Belle & bonne, qu'à tout le mains
 De tous pointz ne me deboutez:
 Et se les maulx dont ie me plains
 Sont de vous assez petit plains,
 Au moins que vous les escoutez,
 Il pert que de moy vous doubtez,
 qui suis vostre comme qu'il soit,
 Et qui est celuy qui feroit
 Ce que vous luy commanderiez:
 Et se desplaisir vous venoit,
 qui autant doulant en feroit,
 Belle, comme vous en seriez.
 S'ainfi estoit qu'il aduenist,
 Que vostre cueur tant deuenist
 Amoureux, que le miens fut oncques,
 Et que par force il conuenist
 Qu'autant de douleur soustenist
 Comme moy, ou autres queleconques:
 Seriez vous contente adoncques,
 Qu'un amant feist de vous refus?
 *Ne qu'en feriez vous au surplus?
 Trouuer vous n'y auriez conseil.
 Et pource vous dy & conclus,
 qu'en ce point ne me tenez plus,
 Combien que ce n'est pas pareil.

* que feriez vous lors
au surplus?

RESPONSE.

Se vraye estoit vostre complainte,
 Enduré auez douleur mainte,
 Et forment vostre cueur se deult.
 Mais on n'aime pas par contrainte,
 Autrement l'amour seroit fainte.
 Nul n'aime qui aimer ne veult,
 Laisse chascun ce qui ne peult.
 Il me *pleust se vous voulussiez,
 Que de ce plus ne parlissiez,
 Et que la chose en ce point fine.

* souffist se voulussiez

SSff ij

692 COMPLAINTE D'AMOURS,

Lors aultre Dame aduissiez,
Dont miculx que de moy vaulsiez:
Car d'aimer ne suis ie pas digne.

Il me desplaist bien qu'il conuiengne
Qu'en parler long vous entretiengne:
Mais c'est par vous, vous le sçauz.
Car oncques mais, qu'il me souuiengne,
Ne vy nul qui son propos tiengne
Ainsi comme tenu l'avez.

Ie ne sçay se vous receuez
Tant que vous dictes de griefz maux,
Plusieurs ont des pensers nouveaulx
De iour en iour, dont ilz font mal.
Mais se vrais sont voz ditz tref-beaulx,
Vous estes deceuant & faulx,
Ou tref-parfaitement loyal.

Me voulez vous mettre és dangiers
De ces faulx parleurs mensongiers,
Dont riens fors que mal n'est retrait?
Ilz parlent assez volentiers,
Et dient souuent plus du tiers
Qu'oncques ne fut pensé ne fait.
Si ne vueil riens faire de fait,
Qui soit à mon honneur nuisant:
Vous en seriez tres-desplaisant,
Se vous estes de mes amis.
Gens sont sans cause mesdisans.
Le monde est present mal disant,

* Et qui les
feroit voir
disans,
Encore se-
roit ce du
piz.

* Et l'vng va l'autre desprisant
Ainsi que mortelz ennemis.

COMPLAINTE.

Se mon seruice en gré prenez,
Pour seruiteur me retenez
Par grace & par grand amitiè,
Et s'autrement l'entrepenez,

* Je vous
dy que vo
mesprenez
Et estes,
&c.

* Quelque beau train que voustenez,
Vous estes Dame sans pitié.
Se ie suis par vous mal traicté,

Et mercy ne me reconforte.
 Je prendray drap de noire sorte,
 Comme en qui de ioye n'abonde,
 En signe que ma ioye est morte,
 Et comme celuy qui se porte.
 Pour le plus malheureux du monde.

Et f'estre puis de vous acointe,
 Sans ce qu'autre m'en desacointe,
 Je puis bien dire sans mentir,
 Que i'aime la trespelle & cointe,
 Et tant que la mort nous despointe,
 Vous ne me verrez repentir.
 Et pource vueillez consentir
 Que noz deux cueurs soient en vng,
 Qui sera à nous deux commun,
 Sans que iamais nul autre y parte:
 L'vng aime l'autre, & l'autre l'vng,
 Et face son deuoir chascun,
 * A tant que la mort nous departe.

*Jusqu'à ce
 que mort
 nous de-
 parte.

Si vous suppli tout derechef,
 Dictes moy à vng seul mot bref,
 Des biens que i'ay vers vous requis
 Croissez ma peine & mon meschief,
 Ou que ie vienne tout à chief
 De ce que i'ay vers vous tant quis.
 Oncques autre Dame n'ay quis,
 Estre ne me peult reproué.
 Vous eussiez bien amy trouué
 Trop plus gracieux, & plus bel:
 Mais quant vous m'aurez esproué,
 Il sera bien par vous proué,
 Qu'en loyaulté n'en est nul tel.

R E S P O N S E.

Mon cueur tressault, tremble, & tressue,
 Et suis presque toute esperdue,
 Ne ie ne scay nulle deffense:
 Car ie me sens d'amour ferue,
 Vostre beau parler m'a vaincue,

S Sff iij

694 COMPLAINTÉ D'AMOURS.

Qui plus me plaist tant plus y pense.

Dieu doint que ce soit sans offense,

Et que la chose en bien ie passe.

Ie suis de vous reffuser lasse,

Mon cuer se rend, & se rendra.

Iamais à nul iour ne cuidasse,

Que pour rien par amour aimasse.

Ie ne sçay comme il m'en prendra,

S'il vous plaist m'aimer par honneur,

Et que pour pire ne meilleur

*Ne me vueillez iamais changer,

Ie laisseray toute rigueur

Pour vous aimer comme mon cuer,

Sans en faire iamais danger.

Ie ne vous vueil plus estrangier,

Et combien que i'ay estriué,

De grace me serez priué,

Dont Dame ne doit estre large,

Or soyez secret & priué,

Si sera tout blasme eschiué.

Ce sont les pointz dont ie vous charge.

Puis que nous sommes aliez

Ainsi comme vous me priez,

Si fais-ie vous de bien bon cuer

Qu'en ma loyauté vous fiez,

Et que iamais ne m'oubliez

Ie ne *le voudray à nul feur.

Ainsi comme frere ne seur

Tout vng* mesme vouloir ayons,

Et ja pour rien que nous voyons,

Nostre amour ne se desassemble,

Et souuent nous entreuoyons

A fin que plus ioyeux soyons.

Ainsi aurons bon temps ensemble.

* Vous ne me vueillez
point changer
Ie laisseray toute ri-
gour,
Et vous octroieray
m'amour

*vous vouldroye

*Adionsté
du. Ms.

[*Le vostre moitié plus que sien,
Car en tout son cuer il n'a rien.]

LE PARLEMENT D'AMOUR,
nouuellement mis en
lumiere.

LE iour que l'an se renouuelle,
Amours me feist commandement
De faire ballade nouuelle,
Et m'ordonna expressement,
Que i'en estrenasse humblement
Celle, à qui ie suis serf rendu,
De laquelle i'ay longuement
La douce mercy attendu.

Quant ainsi me veiz contrainct
D'amours à la balade faire,
De soucy me trouuay estraint,
Pour ce que doutoie forfaire
Les biens d'amours, dont i'ay afaire.
Car oncques n'apprins le mestier
De rimer en aucun affaire,
Qui pour lors me fut bien mestier.

Mais pour obeir à amour,
Papier, encre, plume, alay prandre,
Et la balade sans demour
Ie commençay, cuidant comprendre
De la belle, où n'a que reprendre,
Les beautez, l'onneur, & le sens:
Dont ie feiz folie d'emprandre
Si haut euure ad ce que ie sens.

Car se toutes langues en vne
Estoient, pour ses biens compter,
El ne pourroit, chose est commune,
D'iceulx proprement raconter.
Tant bien l'ont voulu apprestier
Dieu & nature à leur vouloir.
On n'y sçauroit mettre n'oster,
Pour elle faire mieux valoir.

Et pour ce faire ne sçauoye
Ceste balade à mon plaisir:
Car pas le sentement n'auoye,

696 LE PARLEMENT

Dont mon cueur auoit desplaisir.
Pourquoy il me conuient gesir
Par desconfort sur vne couche,
Où malgré moy prins le loisir
De clourre mes yeulx & ma bouche.

Car par somme fuz asseruiz
De dormir vne longue espace,
Et en dormant m'estoit aduis
que ie veoie l'outrepasse
De tous les vergiers qu'on compasse
En l'air sur vne viue roche,
De luisant pierre de toupasse,
Où amours tenoit l'arc en coche.

Du vergier m'aprouchay si près,
Que ie vy toutes les beaultez.
Clos estoit d'arbres de cyprés,
Et de rosiers parmy plantez.
La porte estoit de tous coustez
Faitte de liz & de muguet,
Et sur icelle estoit montez
Dangier, pour y faire le guet.

Paez estoit de rommains,
Entre lesquels touzdiz chantoient
Chardonnerelles & tarins:
Et és quatre corniers estoient
Cleres fontaines, qui sordoient
Par telle superfluité,
Que tout le vergier arrousoient
Pour le maintenir en beauté.

Et ou meillieu vn auditoire
Ie vy de verte marjolaine,
Où de maintes fleurs vy histoire
Faitte de Paris & d'Elaine,
Et du verger la Chastelaine,
Qui fut amoureuse jadiz,
Sans auoir reprouche villaine
En faiz, en pensers, & en diz.

Le siege, où Amours ie vy estre,
Estoit de flories iennetes

Tendu

Tendu à destre & à senestre
 De giroflées, violetes,
 Couuert d'un tapis de flouretes,
 Et de lauande losengié,
 Où roussignoulz & alouetes
 S'estoient pour chanter logié.

Et au dehors escript auoit
 De souffries en vaggazon,
 Qu'Amours son Parlement deuoit
 Tenir en tel lieu, pour raison
 Faire de ceulx, qui desraison
 Aroient fait en son seruice.
 Car luy, qui n'a comparaïson,
 Ne peut souffrir en son serf vice.

Il auoit doze Presidens,
 Le premier estoit Franc Vouloir.
 Et Espoir, qui tant est prudens,
 Que riens ne met à nonchaloir,
 Pour les amans faire valoir,
 Estoit le Procureur des cas,
 Desquelz on se vouloit doulour,
 Et Desir fut ly Aduocas.

Ad ce Parlement vy venir
 Armez & armées sans nombre,
 Qui allerent vers Souuenir
 Le bon Greffier d'amours, soubz ombre
 D'eulx presenter. car dur encombre
 Peussent auoir de deffault faire.
 Et apres se mirent en l'ombre
 Des rosiers par plaisant affaire.

Doux Pensier l'uissier commanda,
 Qu'en ce lieu feust faite silence;
 Et puis le Greffier luy manda,
 Qu'il appelast en audience
 Celle, qui outre la deffence
 D'amours, auoit cueur endurecy,
 Qu'on appella en ma presence
 La belle Dame sans mercy.

Aussi tost qu'appellee feu

T T t

Seulete deuant Amours vint,
 Coulourée comme le feu,
 Pour la honte, qui luy aduint.
 Et de fait perdre luy conuint
 Toute maniere & contenance,
 En pleurant lermes plus de vint,
 Tant auoit d'amours grant doubtaunce.

Lors furent les prerogatiues
 D'Amours par Desir proposées,
 Et ses hautes vertus actiues
 Par plaisans raisons exposées:
 Qui tellement sont composées,
 Qu'amer font vn cueur sans contraire,
 Quant amours les a disposées
 A plaisant Regard en luy taire.

Car par sa puissance mobile
 Doulx Regard trait où bon luy semble,
 Tant est son arc fort & habile,
 Lequel à autre ne ressemble:
 Par son traire deux cueurs assemble
 En vn seul amoureux penser,
 Et les fait demourer ensemble
 Pour leur temps en joye passer.

Quant Desir l'Aduocat parfait,
 Avec qui Espoir fut adjoïnt,
 Eut d'amours conclut tout le fait:
 Il répliqua de point en point
 Les cas proposez mal à point
 Par la Dame dessus nommée,
 A laquelle il ne donna point
 En amours bonne renommée.

Et dit amoureux Dieu hautain,
 Il vous pleut vne fois commettre
 En vostre seruiteur certain
 A luy humblement s'entremettre
 De sa pensée, & son cueur mettre
 En ceste Dame, que vous veez,
 Auquel vous feistes promettre,
 D'estre loyal seruant trouuez.

Il a sa promesse tenue,
 Comme bon seruiteur doit faire,
 Et loyaulté entretenue,
 Doubtant vostre grace forfaire.
 Mais elle du tout au contraire
 S'est efforcée tellement,
 Que la mort par son dur affaire
 La desconfit mortellement.

Et les causes je vous vueil dire,
 Quant premierement fut requise
 De l'amant, où point n'auoit d'ire,
 Elle luy respondy, qu'acquise
 Auoit sole pensée, & quise
 La guerre pour son cuer greuer.
 Si pensa que par luy conquise
 Feust paix par telz mortz escheuer.

C'estoit dit contre vostre loy,
 Haut & puissant Dieu amoureux:
 Car vous estes de tel alloy,
 Et en voz faiz tant vertueux,
 Qu'à celuy qui est curieux
 De choisir Dame pour amer,
 Penfer luy donnez gracieux,
 Pour grace acquerir sans amer.

Car si tost que vous auez trait
 Regard en cuer de vray amant.
 Doulx penser aussi se retrait
 Comme le fer deuers l'aimant,
 Qui ne le laisse point dormant:
 Car toutes nuiz en pensant veille,
 Comment faire puis le command
 De celle, pour qui se traueille.

Qui doit estre selon nature,
 Douce, courtoise, & amiable,
 Et contre la griefue pointure
 D'enuie la desraisonnable,
 Auoir pitié luy comparable,
 Et la tres-douce Physicienne
 Pour guerir son seruant feable

T T t t ij

De sa douleur cotidienne.

Pour fouldre ce qu'elle disoit,
Que l'amant pensast de querir
Paix pour son cueur qui languissoit
Quant l'amant venoit requerir
Confort, pour mercy acquerir,
Elle estoit fiere & despitueuse,
Pourquoy ne pouoit acquerir
Paix la tref-bonne & gracieuse.

Expressément vous commandez,
Que nullé Dame ne soit fiere;
Et au surplus vous leur mandez,
Qu'en elles desdaing ne se fiere,
Car pas n'est chose qui affiere
A vne Dame, d'estre telle,
Que son seruant de refus fiere,
Si qu'au cueur ait plaie mortelle.

Après Desir luy replicqua
Sur ce qu'elle auoit dit, qu'en dueil
Demourer l'amant s'appliqua,
Pour ce qu'encontre vn regard d'ueil
Sa paix ne gardoit à son vueil,
Et que les yeulx à elle estoient
Acompagnez de Bel-accueil,
Pour regarder où qu'ilz vouloient.

On scet bien que les yeulx sont faiz
Pour à leur plaisir regarder,
Mais des faulx regards contrefaiz
Qu'aucuns font, se doit on garder,
Qui semblant monstrent d'amender
Les griefs douleurs qu'aux amans donnent,
Et ilz font leur bien retarder
Par la traïson qu'ilz ordonnent.

Se le cueur n'est aux yeulx d'accort,
Regard du tout l'amant abuse,
Et par leur desloyal discort
En tristesse nuit & iour muse,
Pensant qu'en douleur son temps use.
Et ceste femme en tel party

Mist l'amant, par la fausse ruse
Du regard, qui d'elle party.

Encores pour greuer plus fort
Le bon & loyal seruiteur,
qu'enuers elle queroit confort,
Pour allegier sa grant douleur,
Elle disoit que grant cuideur
Estoit de trop plaisir auoir
En chose de pou de valeur,
Et qu'il s'en vouloit deceuoir.

Se cuider en cuer d'amant n'a
Il ne peult nulz maux endurer.
Amour pour ce point ordonna
Cuider en l'amant pour durer.
Car se fol dangier enmurer
Deuoit vn amoureux loyal,
Pour cuider mercy recouurer,
Il portera en gré le mal.

Et ce n'est pas donc pou de chose,
De cuider mercy conquerir,
qui est en cuer de Dame enclose,
Qu'on a par long temps requerir.
Pourquoy à icelle acquerir,
Il n'y peut auoir deceuance:
Car à la loyaument querir
L'auant acquiert paix & plaïssance.

Mais trouue au tour le reuers
L'amant, dont ie fais mention,
Par effacer semblans diuers
Engendrez de deception.
Car pour quelque amiration
Qu'il sceust faire de ceste Dame,
Ne peut auoir pour guerison
De mercy vne seule drame.

Et afin que plus agreuez
Il fust, elle, luy disoit: Telle
Maladie, que vous auez,
Ne pourriez pas trouuer mortelle.
Au fort, felle estoit si cruelle,

T T t iij

Qu'il faulſiſt qu'amans en mouruſſent,
Mieulx en vault de ceſte cordelle
L'vng lier, que les deulx le feuſſent.

Ce fut moult horrible parolle,
Dite de bouche feminine,
qui doit eſtre ſelon l'eſtolle
D'amours, humble, douce, & benigne,
Enuers tout ce que masculine
Bouche veult requerir en bien.
Car Dame ne doit par nul ſigne
Martyter le ſeruiteur ſien.

S'amant n'auoit autre martyre,
Que les maux que luy fait dangier
Au pourchas d'enuie qui tire
A luy en triſteſſe logier.
S'eſſe aſſez mal, pour de legier
Mourir, ſans ce que ſa Maĩſtreſſe,
En elle ſeruant, abregier
Fait ſa vie par grant rudelſe.

Et ceſte femme rigoureuſe
Martyroit fort l'amant loyal,
Quant comme fiere tres-cruelſe
Vouloit que ſeul portaſt tout mal;
Pas n'eſtoit fait de cuer loyal,
Puis qu'amours par ſa grant bonté
Veult que deux cuers ſoient eſgal
En penſée & en voulenté.

Pource l'amoureux ſans amer
A touz diz en ſon cuer entier,
Oncques ne le voulut entamer
Pour autre Maĩſtreſſe acointier.
Et ceſte femme en maint quartier
A ſon faulx acueil departy
Par malice, qui conuoitier
Lui feiſt d'amer plus d'vng party.

Et pour donner plus de meſaiſe
A l'amant, qui la requeroit,
Elle luy diſt que d'amour aiſe
Eſpoir ne deſir ne queroit;

Et que ja d'elle il n'aqueroit
Tant que perdue eust sa franchise
Pour elle, qui trop surqueroit
Vouloir maistrer à sa guise.

Je diz, qu'aïse, espoir, & desir
Doïuent estre en Dame logiez
Pour faire à son seruant plaisir:
Maiz desdaing les a deslogiez
Hors de ceste Dame, & changiez
A reffus, despit, & vigour,
Par lequel l'amant fut plongiez
Ou puiz de mortelle douleur.

Quant au point qu'elle dit que ja
Son cuer ne seroit asseruiz,
L'amoureux riens n'y calenga,
Sinou de grace estre assouuiz,
Pour ce qu'il auoit bien l'aduis
Qu'el a d'amours la Seigneurie
D'estre maistresse à son deuis,
Et qu'en franchise la pourrie.

Mais la merueilleuse nature
De ceste femme s'est conduite
Au rebours de la nourriture
D'amours, par qui doit estre duite.
Car incessamment s'est deduite
De faire deceuans atraiz,
Par lesquelz plaïssance seduite
Est de l'amant, & à mort traiz.

Car contre l'amant maintenoit,
Que pour plaïssans bordes confire
En belles parolles, tenoit,
L'Escolle pour le desconfire.
A elle pouoit bien souffire,
De luy faire ou feu de desir
Son loyal cuer ardoir & frire,
Sans luy dire tel desplaïssir.

Attendu qu'il n'est dit parolle,
Qui ne feust confite en honneur,
Et quant par lettres ou par roolle

A elle monstroït sa douleur,
 Loyauté pour sa grant douceur
 Veritablement l'escriuoit,
 Pourquoi onques ne fût bourdeur
 Vers elle, qui si bien seruoit.

Mais ouuriere estoit de bailler
 Plaisans bourdes en paiement
 A l'amant, qu'elle fist baillier
 Apres sa mercy durement.
 Car Regart son consentement
 Mist, que d'elle il auroit confort:
 Puis se repenty faulcement,
 Pour le tenir en desconfort.

Et pour plusieurs autres meschiefs
 Qu'elle luy fist en son seruice,
 Comme de luy dire enteschiez
 Sont plusieurs cueurs de villain vice,
 qui est mal duisant & propice,
 Avec vne courtoise bouche.
 Mais fainctize par sa malice
 Les assemblist ensemble en couche.

Ces durs mortz fôit bien apprendre
 Deuant vous, Amours, qui feistes
 Le vray cœur de l'amant emprendre
 De l'amer, auquel promeistes
 Moult de bien, en luy meistes
 Loyaulté sans crainte, & honneur,
 Et pour luy garder commeistes
 Esprit vostre bon Procureur.

Et son cœur de noblesse plain,
 Qui loyaulment vous a seruy,
 A d'elle esté nommé villain,
 Plaintif, en malice asseruy:
 Qui grace auoir bien desseruy
 Par plaintes, plours, & longue atente,
 Tant auroit son cœur assbuuy
 De loyauté, & bonne atente.

Dont ceste Dame, où fierté maine,
 Doit on par droit folle nommer,

qui

Qui maintient qu'en amours remaint;
Par dessus qui tant renommer.
On doit, pour ce qu'il a fait amer:
Et se bien le congnoissoit,
Jamais ne le feroit blasmer.

Mais pas ne cuide qu'amours soit.

Car losengier, cruel, & fort,
Doux à mentir, & aspre en euure
L'appelle, & se vange à effort
De tous ceulx qui cuident que euure.
Par eulx son secret & desqueure:
Et ses motz tesmoignent assez,
Que son cuer trop plus quecuure,
Et en faulx cuider entassez.

Amours est en luy tout parfait,
Atrempé, doux, & voir disant:
Car par parolle ne par fait
N'est aux vrais amoureux nuisant.
Mais de ce qui est deduisant
A son seruant il en despart
De franche volenté plaissant,
Et se tient tousdiz de sa part.

Et s'elle eust amour congneu,
quant l'amant faisoit sa priere,
Et le grant bien de lui sceu,
Monstrée ne se fust si fiere.
Maiz comme la Lune lumiere
Ne peut que du Soleil auoir,
Femme n'est de grace aulmonniere,
Et d'amours ne congnoissoit le voir.

Et pourtant ceste femme cy
Ne doit estre femme nommée;
Car pas n'a son cuer enrichy
D'umblе douceur la renommée.
Pourquoy du tout est surnommée,
Quant Dame en l'appelle en amours:
Mais doit estre femme femmée,
Cruelle, & plaine de faulx tours.

Encores ceste fiere femme,

V V u u

Plaine de malice & rudesse,
 Et qui doit estre dite infame
 A l'amant, où doit estre largesse,
 Disoit que c'estoit grant saigesse
 De soy remettre à bienramer,
 Afin qu'en passant sa ieunesse
 On ne muse à viure en amer.

Mais elle mesme fut villaine,
 Et vint d'vng mauuais estomac,
 Quant de sa bouche d'orgueil plaine
 Fist issir de reffuz tel darr,
 Qu'abatuz s'en trouua ou lac
 De la mort ly amans prudens:
 Et en dit, qu'il ne peut du sac
 Issir, que ce qui est dedens.

Et son sac estoit tousdiz plains
 De rudes paroll' rigoureux,
 Pour contredire les durs plains
 De son vray seruant doloieux:
 Qui tres-tant melensolieux
 Estoit, par la plaifance sole
 De son legier cuer amoureux,
 Duquel mal cuer nul ne s'afole.

L'amant n'auoit pas cuer legier,
 Ne garny de folle plaifance,
 Quant son viuant ne veult changier
 Ceste Dame, où fut sa fiance:
 Qui pour sa grande deceuance
 Luy monstry semblant d'amour lie:
 Pour luy feist amours acointance
 A mortelle melencolie.

Et pour luy doublement desplaire
 Disoit qu'à tous, sinon à luy,
 Vouloit ioyeusement complaire,
 Afin de l'escheuer d'ennuy:
 Pource qu'amours est aujourd'huy
 Petit saige, & croit de legier,
 Et qu'il prent bien souuent d'autruy
 Chose, dont peu se peult aidier.

Amour ne pouoit deshonneur,
 De faire à l'amant bonne chiere,
 Comme aux autres, puis qu'en honneur
 L'amoit: mais la faulſe ſorciere
 Dechoute, ſe tenoit trop chiere
 Contrel'amant, qui pour tel pris
 Qu'autre en auoit, ſans ranchiere,
 Deuoit d'elle auoir grace & pris.

Car amours, que pou ſaige appelle,
 Veult que les bons ayent ſes biens,
 Et iamaiz il ne les rappelle,
 Tant eſt ſaige: & contre les ſiens,
 Vraiz ſeruiteurs cotidians,
 Ne veult croire aucun faulx rapport,
 Et auſſi ne prent d'autruy riens:
 Car tous biens on trouue à ſon port.

Et de muſe * on n'attendoit note
 Le feiſt iuſques en fin muſer,
 Et plus muſoit, tant plus en ſote
 Penſée eſtoit pour ſoy vſer.
 Car luy, qui ne ſçauoit ruſer,
 Ne viſoit qu'à loyalle empriſe,
 Et à ceſte femme abuſer
 Auoit ſa voulenté compriſe.

Car Faulx-ſemblant le cabuſeur
 Fiſt la muſe deſordonnée,
 Et par Bel-acueil l'abuſeur
 Fut au vray amoureux donnée;
 Et tellement fut ordonnée,
 Que tant plus en muſoit, & moins
 Eſtoit mercy abandonnée
 A le receuoir en ſes mains.

En ouure à l'amant contoit
 Pour plus multiplier ſes deuz,
 Qu'en long deſconfort tormentoit
 Son cuer, qui à par ſoy pour deux
 Se troubloit, & que l'amoureux
 Le jeu d'attente prendre doit,
 S'il ne ſe monſtre ſcienteux.

V V u u ij

De son double point faire adroit.

Iamais n'eust fait adroit son point
L'amant: car ceste femme a dez
Le faisoit jouer mal à point,
Pource qu'elle changeoit les dez.
Aussi, Amours, vous commandez
Qu'en vous seruant deux cuers se tiengnent
Tout vng: car point vous n'entendez,
Qu'en double volenté se tiengnent.

Et elle faisoit à tous tours
Son point double, & c'estoit par l'art
De ses malicieux atours,
Soy gardant de gester azart.
Et l'amant qu'elle fist mufart
Loyaulment de voz d'ez jouoir,
Sans les changier tempre ne tart,
Ne son point en riens ne muoit.

Et puis dit, que tous amoureux
Sont gouliars où temps qui court,
Et que le plus secret d'iceux
Veut bien qu'on die à la Court,
Qu'aucune il en rienne court,
Dont pour certain qu'omme' dit à Dame,
A verité dire sourcourt,
Et ne doit estre creulx d'ame.

Dieu a fait avec nature
L'omme tant discret, noble, & sage,
Que sur toute autre creature
C'est le plus parfait ce bien saige,
Duquel le femenin image
Est issue pour sa noblesse:
Pourquoy femme luy doit hommage,
Et garder que sonneur ne blesse.

Et ceste femme tres-depite
Le veult du tout deshonnorer.
C'est raison qu'on ne la respite
A mourir, pour mieulx honnorer
Non d'omme, que vitupeter
Veult publiquement, & jugier

De tout son viuant demourer
Vn gouliart, & menfongier.

Et auffi qu'amours fol renomme.
Cruel, lofengier, & menteur,
Et que le franc amoureux nomme,
Qui estoit son vray seruiteur.
A part son regard barateur
Fait deceuablement murdrir,
Lequel oncques ne fut venteur
Pour d'elle le nom amaindrir.

Pourquoy, Amours, conclure vueil
Auec Eſpoir vo procureur,
Que ceste femme ſoit en dueil
Encloſe, & par paine & douleur
Gardée en tref-griefue langueur,
Et qu'auecques ce ſoit gardée
De nom de Dame, qui d'onneur
Doit eſtre nourrie, & gardée.

Car ſi bel nom ne luy aſſiert,
Veuës les cauſes que j'ay dites,
Et que de ſa langue à tort fiert
D'amours les vertus & merites.
Et ſe faire veult contredites
Sur ce nous le voulons prouuer
A ſouffſance, ſans redites,
Pour d'amours le droit eſprouuer.

Lors Franc-Vouloir le Preſident
Diſt à la femme, Ouy auez
Tout ce que Deſir le prudent
A dit contre vous. Pour ce veez,
Que voz ſaluations trouuez.
Le cas requiert pugnition.
Et ſ'excuser ne vous ſcauez,
Iugier faut la correction.

Et celle conſeil demanda
Pour reſpondre ad ce qu'on diſoit.
Adonc Franc-Vouloir commanda
Qu'el euſt conſeil, mais nul n'oſoit
Eſtre pour elle, & ſ'excusoit

V V u u iij

710 LE PARLEMENT D'AMOVR.

Vn chacun, pour ce que d'amours,
Et de l'amant trop mesdisoit,
Dont Espoir faisoit ses clamours.

Quant la femme vit l'apparence,
Que conseil n'auroit clerc ne lay,
Estat demanda par absence
De conseil pour auoir delay.
On luy octroya: lors m'allay
Esueiller, & puis à par faire
La balade me trauaillay,
Pour mon deuoir vers amours faire.

Et quant faite fut la balade,
Mon chemin prist à aller veoir
Sur toutes autres la plus sade
En beauté, honneur, & sçauoir.
Et luy suppliay moult qu'auoir
Voulüst ma balade en sa grace,
Moy pardonnant, se bien deuoir
Ne faisoit à louer sa face.

Après ie luy feiz vray recort
Du songe qu'auoye songé,
Requerant que son cuer d'accord
Ne fust, que i'eusse tel congié,
Ne mon soulas en dueil changé,
Comme eut l'amant, qui droit mena
Son cuer, qui de mort fut chargé
Par celle, où point de mercy n'a.

LE REGIME DE FORTVNE,
En sept Balades.

LA I. BALADE.

*Cette piece,
& les deux
suivantes ne
sont point au
Ms. duquel
nous nous
sommes ay-
dés en la pre-
sente édition*

ENSuit yng traité petit
De Fortune, qui eslieue
Les gens à son appetit,
Et de ses grans dons les fieue,
Et est la chose assez briefue
Selon la disinction,

LE REGIME DE FORTVNE. 711

Pour l'amour que à lire griefue

Trop longue narration.

Chose briefue fait prouffit,

Car plustost en la relieue,

Et c'est d'Oraces qui dit,

Que trop long parler eschiefue,

Et tant que feras eschiefue

En briefue conclusion,

Pour l'amour que à lire griefue

Trop longue n'arration.

Fortune ne dort en liêt,

Et si ne fait paix ne trefue.

Elle donne aux vngz deliêt,

Et aux autres les yeulx creue.

Des maulx dequoy se soubzlieue

Le baille courte leçon,

Pour l'amour que à lire griefue

Trop longue narration.

Oyez comment ie achieue

Brief l'intitulation,

Pour l'amour que à lire griefue

Trop longue narration.

LA II. BALADE.

Le constance fais à tous assauoir,
 Qui iusques cy ont au monde vesçu,
 Que chacun s'arme ou face son deuoir,
 Pour resister de boucler & escu
 Contre Fortune, en qui mains est vaincu
 Ainsi qu'elle est coustumiere de faire:
 Car pouoir a d'honneur faire & deffaire,
 Et de richesse en poureté muer,
 Preigne qui veult à ses faitz exemplaire,
 Telz sont les ieux dont elle scet iouer.

Gloire & honneur, renommee & auoir,
 Ce sont ses biens: car à elle sont deu:
 quant il luy plaist elle les peult rauoir,
 A mains les a donnez & retollu
 Par sa roe, qui ses faitz a tout leu

Des biens mondains fait ce qu'elle veult faire:
 Aux vngz donne aise, aux autres peine haire:
 Aux vngz honneur sans le diminuer,
 Aux autres honte à qui en doye despleire.
 Telz sont les ieux dont elle scet iouer.

Les plus grans fait trebuscher & cheoir,
 Et ceulx qui sont de petit lieu venu
 Aucunesfois és haults sieges asseoir,
 Puis tout à coup, dont ilz sont esperdu,
 Sans dire qui n'a gaigné ne perdu,
 Cheoir les fait aussi bas qu'emmy Loire,
 Et aussi cost vng Roy qu'vng populaire.
 Hue apres luy qui y voudra huer,
 D'elle n'aura iamaiz autre salaire.
 Telz sont les ieuz dont elle scet iouer.

Fortune est fiel avec electuaire,
 Douce à la fin, & puis plaine d'amer,
 Amie aux vngs, aux autres aduerfaire.
 Telz sont les ieux dont elle scet iouer.

LA III. BALADE.

Les biens mondains, les honneurs, & les gloires
 Qu'on aime tant, desire, prise, & loue,
 Ne sont qu'abus & choses transitoires,
 Plustost passans que le vol d'une aloue.
 Fortune en tient le compte en son escroue,
 Et les depart à l'vng plus, l'autre moins
 Et puis leur tolt & oste hors des mains.
 Et pour ce, dy, & sur cela me fonde,
 A tous propos, que de soir & de mains
 Ce n'est que vent de la gloire du monde.

Fortune donc assiet en haults pretoires,
 Et les eslicue au plus hault de sa roe,
 Tous ceulx qui ont honneurs & territoires,
 Et puis les fiert de sa paulme en la ioe,
 Et du sommet les abat en la boe,
 Parquoy ilz sont de poureté attrains.
 Dont quant on est de ses sieges haultains
 Mis en la chartre, ou poureté redonde,

A iugemens

A iugemens faire vrais & certains.
 Ce n'est que vent de la gloire du monde.
 Trop bien appert par anciens hystoires,
 Que les escriptz desueloppe & desnoe,
 Qui donne assez triumphes & victoires,
 A qui luy plaist, ains que le pas leur cloe.
 Mais en la fin leur appointe autelz bains,
 Qu'elle iadis appoincta à gens maintz.
 Pourtant est fol qui se plonge en son onde,
 Car par ses faiz mal seurs & incertains,
 Ce n'est que vent de la gloire du monde,
 Fortune a biens muables & soubdains,
 Et plus escorche d'assez qu'elle ne tonde.
 Prise qui veult biens & honneurs mondains,
 Ce n'est que vent de la gloire du monde.

LA IIII. BALADE.

Sur lac de dueil, sur riuere ennuieuse,
 Plaine de cris, de regretz, & de clains,
 Sur pesant sourse & melencolieuse,
 Plaine de plours, de souspirs, & de plains:
 Sur grans estangz d'amertume tous plains,
 Et de douleur sur abisme parfonde,
 Fortune là sa maison tousiours fonde
 A l'vng des lez de roche espouventable,
 Et en pendant, affin que plustost fonde,
 En demonstrent qu'elle n'est pas estable.
 D'une part clere, & d'autre tenebreuse
 Est la maison aux douloureux meschans,
 D'une part riche & d'autre souffreteuse:
 C'est du costé où les champs sont prochains,
 Et d'autre part a assez fruietz & grains.
 Là siet fortune où tout en air habonde,
 D'une part noire, & de l'autre elle est blonde:
 D'une part ferme, & d'autre tresbuchable,
 Muette, sourde, aucugle, & sans faconde
 En demonstrent qu'elle n'est pas estable.
 Et là endroit par sa dextre orgueilleuse,
 Qui retenir ne veult brides ne frains,

XXxx

En sa maison doubtable & perilleuse
 Sont les meschiez tous mouffez & emprains,
 Dont les delictz sont rompuz & enfrains,
 Et les honneurs & gloire de ce monde.
 Car par le tour de sa grand roe ronde
 Fait à la fois d'vng palais vne estable,
 Et aussi tost que le vol d'vne aronde,
 En demonstrent qu'elle n'est pas estable.
 Que voulez vous que ie die & responde?
 Se fortune est vne fois delectable,
 Elle sera amere à la seconde,
 En demonstrent qu'elle n'est pas estable.

LA V. BALADE.

Comme printemps de belle flours aorne
 La terre, & fait le beau bois reuerdir,
 Fortune fait par sa roue, qui tourne,
 De richesse reluire & resplendir
 Ceulx qu'elle veult aflater & blandir:
 Et quant ilz sont par degrez & espace
 Si hault montez que iamaiz on les passe,
 Luit dessus eulx, & tourne autre richesse
 Ce bien qu'ilz ont attrapé en leur nasse.
 A vng hazard tout se change & se cesse.
 Le beau soleil s'en va quant il adiourne
 Tout droit son cours autant qu'il peult luisir:
 Mais fortune tousiours tourne & destourne
 Sans nul repos & sans faire loisir,
 Et du tout prent esbanoy & plaisir
 A transmuer choses haultes & basses,
 Et pource fait entendz tu, qui amasses,
 Apprens les tours de la vieille deesse:
 Car quant on a d'or acquesté grans masses,
 A vng hazard tout se change & se cesse.
 Moult de chemin va que nul ne retourne,
 Et quant on voit le bien à soy venir,
 On s'eslouyst, on se velt, on s'atourne,
 Pour pensement, sans rien souuenir
 Du préterit & du temps aduenir.

Et mangeut on à coup ses soppes grasses,
Et tant qu'il dure, & qu'on y est en graces,
On a bon temps, & vit on en lieffe:
Mais par fortune à ses faulces fallaces
A vng hafart tout se change & se cesse.

LA VI. BALADE.

O folz des folz, & les folz mortelz hommes,
Qui vous fiez tant és biens de fortune
En celle terre és pays où nous sommes,
Y auez vous de chose propre aucune?
Vous n'y auez chose vostre nef-vne,
Fors les beaulx dons de grace & de nature.
Se fortune donc par cas d'aventure
Vous toulz les biens que vostre vous tenez,
Tort ne vous fait, ainçois vous fait droiture,
Car vous n'auez riens quant vous fustes nez.

Ne laissez plus le dormir à grans sommes
En vostre liêt par nuit obscure & brune,
Pour acquester richesses à grans sommes
Ne conuoitez chose desloubz la Lune,
Ne de Paris iusques à Pampelune,
Fors ce qui fault sans plus à creature,
Pour recouurer sa simple nourriture.
Souffise vous d'estre bien renommez.
Et d'emporter bon loz en sepulture:
Car vous n'auez riens quant vous fustes nez.

Les ioyeux fruietz des arbres, & les pommes,
Au temps que fut toute chose commune,
Le beau miel, les glandes, & les gomme,
Souffisoient bien à chascun & chascune:
Et pource fut sans noise & sans rancune.
Soyez contens des chaulx & des froidures,
Et me prenez fortune doulce & seure,
Pour voz pertes griefue dueil en menez,
Fors à raison, à poïnt, & à mesure.
Car vous n'auez riens quant vous fustes nez

Se fortune vous fait aucune iniure,
C'est de son droit, ia ne l'en reprenez,

X X x x ij

Et perdissiez iusques à la vesture,
Car vous n'auiez riens quant vous fustes nez.

LA VII. BALADE.

Fortune sert les gens de faulx sophisme,
Et ne les fait au monde qu'abuser:
Et pour ce fault contre ce vng regime,
Sans soy d'elle trop plaindre ne louer,
Et bien & mal egalement peser
Tout à vng poix & à vne balance,
Et d'vng semblant & d'vne contenance
Estre tousiours: car ie iure en creant
D'estre en ce point, & de telle ordonnance.
C'est le regime à fortune afferant.

Ne pour perte, que dueil tousiours reprime,
Il ne se fault courcer ne arguer,
Soit à Midy, ou à heure de Prime:
Mais à vng coup trestout raualer
Le mol, le dur, & l'espés, & le cler,
Le doux, le seur, le bon heur, la meschance.
Si ne se fault du rebours de sa chance
Pas esbahir, ne s'aller effrayant:
Ne plus du mal que du bien par semblance,
C'est le regime à fortune afferant.

Car lamenter n'y vault vne minime,
Combien qu'on n'ait à souffrir n'à porter,
Ne soy noyer dedans parfonde abisme,
Ne peult ayder, ne fort nuire & greuer.
Pour ce se fault à haste releuer
Cil qui est cheu, & monstrier sa puissance,
Laisser le dueil & prendre sa plaissance,
Et cueillir cueur sans estre recreant,
Et soy armer des armes de constance.
C'est le regime à fortune afferant.

Qui veult dancer de fortune la dance,
Il doit des biens, que l'on va octroyant,
Autant priser le peu que l'abondance.
C'est le regime à fortune afferant.

Estudiez ce Regime

Hommes de fortune atains,
Aussi bien qu'vng syllogisme
Estudiez ce Regime
Vne fois en la decime,
Pour en estre plus certains,
Estudiez ce Regime,
Hommes de fortune ataintz.

LA BALADE DE FOVGIERES,

*Que les Anglois anciens ennemis de France
prindrent pendant & durant les trefues
comme pariures.*

Anglois, Anglois chastiez vous,
De l'vng promettre & l'autre faire,
Qui la treue auez comme foulz
Rompue pour Fougieres forfaire.
Mais Dauid pria Dieu deffaie
Ceulx qui veulent guerre & non paix.
L'on doit iuger selon les faitz.

Il n'est point de plus iuste loy,
Que quant aucuns, se Dieu me gard,
Qui ont vsé de male foy,
Sont puniz par leur mauuais art.
Vous auez gecté vn hasart,
Dont vostre bouche est deperic.
Aux trompeurs vient la tromperie.

Miculx vous fust auoir attendu
Que la treue eust esté passée,
Que Fougieres cueilly tendu,
Auoir vostre foy cassée
Pour richesse auoir amassée,
Dont est reproche sur vous maint.
Qui trop embrasse peu estrainr.

Quant ceulx partirent de Rouen,
Qu'enuoyastes à l'entreprinse,
Vous ne cuidiez pas mesouen
En souffrir ne marque ne prinse:

XXxx iij

Et puis les auez par faintise
Desaduouez tout en appert.
Mal se mussé à qui le cul pert.

S'autres gens que vous fait l'auoient,
Chascun s'en deuroit esbahir:
Mais ceulx qui coustumiers vous voyent
D'essayer à chascun trahir
Sont prouoquez à vous hair,
Et prier Dieu qu'il vous punisse.
Sapience si vaine malice.

Les François, n'autres leurs voisins,
Ne font point telles mirificques,
Ne font mesmes les Sarrazins
Contre leurs sermens autentiques.
Et pource les gens heretiques
Reduitz si portent deux fanons.
Trahistres & faulx sont mauuais noms.

A Dieu & aux gens detestable
Est menterie & trahison.
Pource n'est point mis à la table
Des preux l'image de Iason,
Qui pour emporter la toison
De Colcos se veult pariurer.
Larrecin ne se peut celer.

On dit souuent que trop grant aise
Si est trop fort à endurer.
Et pource auant que ie me taisse
Vueil-ie contre vous murmurer.
Toufiours vous voulez foruoyer,
Faisant ce qu'oncques preux ne fist,
Tant grate chieure que mal gist.

Quant la treue à vostre requeste
Fut octroyee & confermee,
Vous en faisiez de paix la feste,
Pour cuider rompre vostre armee.
Vous eustes tref-malle pensée.
Fougieres auez prinse en tourne.
Il n'est chance qui ne retourne.

En rompant la commune treue,

Sur vostre fiance & enseigne,
L'Arragonnois a prins la feue
Au chasteil du Duc de Bretaigne.
Flocquet la requeult & regaigne
Comme son seruant & amy.
Encontre vng faulx vng & demy.

Tant comme les Cartagiens
Eurent sur Romains auantage,
Contre le conseil & les siens
Du vieulx Hamon conseiller sage,
Ilz reffuserent par oultrage
Paix, qu'ilz ne peurent recouurer.
Quant temps en est on doit ouurer.

Charles nostre bon Roy François
N'a point fait faire telz assaulx,
Non a pas son nepueu François
De Bretaigne, ne ses vassaulx:
Fors iusques à tant que voz maulx
Chastie a avec ses gens.
Bon chien se deffend de ses dens.

Trop plus vous nuit le Pont de l'Arche,
Que ne vous peult ayder Fougieres:
Car il est pres de vostre marche
De Rouen, & sur les riuieres,
Et si est près de noz frontieres,
Qui est vng point qui vous deçoit.
Fol ne croit tant que il reçoit.

Vous l'assiegeriez volentiers,
Et si alumissiez voz cierges,
Si n'eussiez paour qu'endementiers
Aucuns vous chantassent des Vierges,
Ou que l'en vous donnast des verges,
Comme à gens maulditz & haiz.
Traistres doiuent estre trahiz.

Lamais homme sage ne simple
Point ne doit passer vng contract,
S'il ne veult estre d'une guimple
Affublê par vostre barat.
Qui s'en cuide issir sans debat,

Pour certain il est bien ienia.

En la queue gist le venin.

D'autres gens que vous sont en gloire

Pour leurs vertus d'vng temps allez,

Comme il appert en maint histoire,

Qui depuis sont fort ranallez.

Vous doncques qui ainsi allez

Contre vertus, gardez se heurt:

Tel cuyde viure qui se meurt.

Agamenon le Capitaine

Des Grecz, qui prindrent la grant Troye,

Quant il reuint à son demaine

Degrace comme droit l'octroya

N'eut pas à sa femme la ioye

D'une nuit sans estre tué.

Grant orgueil est tantost mué.

Quant Hannibal Roy de Cartage

Eut subiugué moult de Romains,

Fortune qui est variable

Le remena de plus au moins.

D'vng cousteau portant à ses mains

Pour tant se tua par sa coupe.

Meurtre requiert d'autel pain soupe.

Pensez vous que Dieu tousiours seuffre

Voz iniquitez & iniures,

Sans vous punir quant le cas seuffre,

Comme ces autres creatures?

Pas n'avez les testes plus dures

Que les Bretons, la mercy Dieu.

Vieilles debtes viennent en lieu.

Si vous conseille de bonne heure

De Normandie departir,

Et sans plus y faire demeure

De voz meffaiz vous repentir.

Car i'ose dire sans mentir,

Que Dieu hait toute iniquité.

A la parfin vainc verité.

De Cartage en ayez memoire,

Et de Troys la punition,

que leur

Que leur oultrage & vaine gloire
 Fit tourner à destruction.
 De France en paix la nation
 Laissez, sans plus vous y bouter.
 La fin de guerre est à doubter.

AUTRE BALADE.

Hommes failliz, despourueuz de raison,
 Desnaturez, & hors de congnoissance,
 Desmis de sens, combles de desraison,
 Folz abusez, plains de descongnoissance:
 Qui procuréz contre vostre naissance,
 Vous soubzmettant à detestable mort
 Par lascheté, las! que ne vous remort
 L'orribleté qui à honte vous maine?
 Voyez comment maint ieune homs en est mort,
 Par offenser & prendre autrui demaine.

Chascun en soy voye sa mesprison.
 Ne nous vengeons, prenons en pacience,
 Nous congnoissons que ce monde est prison
 Aux vertueux, franche d'impacience.
 Batre, rouiller, pour ce n'est pas science,
 Tollir, raurir, piller, meürtrir à tort.
 De Dieu ne chault, trop verité se dort,
 Qui en telz faictz sa ieunesse demaine,
 Dont à la fin ses poingz doloireux tort,
 Par offenser & prendre autrui demaine.

Que vault piper, flater en trahison,
 Quester, mentir, affermer sans fiance,
 Forcer, tromper, artifier poison,
 Viure en peché, dormir en desfiance
 De son prochain, sans auoir confiance.
 Pource conclus, de bien faisons effort,
 Reprenons cueur, ayons en Dieu confort.
 Nous n'auons iour certain en la sepmaine,
 De noz maulx ont noz parens le ressort,
 Par offencer & prendre autrui demaine.

Viurons en paix, exterminons discord,
 Ieunes & viculx soyons tous d'vng accord.

Y Y y y

La loy le veult, l'Apostre le ramaine
 Licitement en l'Epistre Romaine.
 Ordre nous fault, estat, ou aucun port.
 Notons ces pointz, ne laissons le vray port
 Par offencer & prendre autrui demaine.

L'HOSPITAL DAMOIRS.

*Quelques
 uns tiennent
 que ceste pie-
 ce n'est pas
 d'Alain
 Chartier, &
 ne se trouue
 point nō plus
 au Ms.*

A Ssez ioyeux, sans estre trop,
 En la conduicte de desir,
 Le iour de l'an fouruins à cop
 En l'assemblée de plaisir:
 Où ie vy à mon beau loisir
 Le tresor d'honneur desployer,
 Comme en vng passe de plaisir
 En vn lieu à temps employer.
 Ce noble lieu estoit fourny
 De tout, fors de mal & de dueil,
 L'assemblément estoit d'hy:
 Chascun y sembloit à son vueil.
 G'y fuz plus lié que ne sucil:
 Car i'y vy d'honneur la montioye,
 Qui est rabat de tout orgueil,
Oncques mon vivant n'euz telle ioye.

Illec estoit le droit tresor
 De Dames & de Damoiselles,
 Riens n'y failloit de bout enfor,
 Tant estoit plain d'hommes & d'elles.
 Là veoit on dances nouuelles,
 Gracieuses sans eulx vanter,
 Et y auoit on Dieu scet quelles.
 La douce noise de chanter.

Là fus des Dames bien vengié.
 Et comme se ie le vouldisse,
 Me requerrint par amitié,
 Qu'une chanson dire vouldisse:
 De quoy volentiers l'escondisse,
 S'excusance peult estre belle.
 Mais il conuint que i'obeisse,

*Il mon tout ce que j'ay
 de joye.*

la tt

*la
 se*

Si en dis vne telle quelle.

Et quant i'euz chanté, tout failly,
Et se tira chascun à part:
Si me tiray or vers celui

A qui i'estoye tout sans part.

Quant ie fuz venu celle part,
Iela saluay moy clinant,
Elle respondit, Dieu vous gart,
Bien tost sans faire nul semblant.

Seul à part m'assis empres elle,
Sans dire rien: car ie craigny.
Mais ma douleur aspre & cruelle
Après crainte me fit hardy.
Et quant ie me fuz enhardy,
Ie luy dis en quel point ie fuz.
Sur quoy elle me respondy
En petit de motz grant refus.

Finablement tant la requis,
Que de m'ouir plus se lassa.
Grant peine y euz, & peu conquis:
Car tousiours vers moy s'excusa,
Et tant qu'en fin me reffusa:
Et ie n'y euz plus d'esperance.
Ma parolle en vain se vfa,
Et me partis sans allegeance.

Ainsi partis d'elle en plourant,
En grant dueil qui me conduisoit,
Quittant à Dieu le demourant
De vie, qui tant m'ennuyoit.
La mort maulgré moy me fuioit,
qui me faisoit d'elle deliure,
Et ma volenté la suyuoit
qui mieulx aimoit mourir que viure,

En ce seul vouloir de mourir
Passoye toute la nuitie,
Riens ne me pouoit secourir.
En pensant à celle partie
Entray en vne fantasie,
Et en imagination,

Y Y yy ij

Où j'oublaiy melencolie,

Entrant en vne vision.

Ceste fantasie nouvelle

Me faisoit songer en veillant,

Qui est chose desnaturelle.

Mais tout ce me aduint non obstant,

Et me fut en ce point semblant,

Qu'en vng grant chemin ie tournoye,

Qui estoit le plus desplaisant

Que iamais homme viuant voye.

Ce chemin estoit espineux,

Et plain de groseilliers sans fin.

Oncques si grant desplaisir n'eux,

Et endutay tant de hutin,

Issir n'en peuz tout le matin.

Iamais n'iray plus, g'y renonce.

Car on appelle ce chemin

En François, Trop dure responce.

En ce chemin vng peu auant,

En l'abisme d'une vallee,

Trouuay vng desert long & grant

Comme vne place desolee,

Car terre y estoit desmeslee

Toute de lermes & de plours,

De tous maux y auoit meslee,

C'estoit Montioye de doulours.

En celuy desert n'auoit arbre,

Qui de gens pendus ne fust plains:

Hommes & femmes frois com marbre,

Qui se pendirent à leurs mains.

Vne Dame vy que trop plains,

Ce fut Philix, qui se pendit

Pour Demophon, qui valut moins,

Pource que sa foy luy mentit.

Soubz ces arbres de desconfort

Auoit fleuues, puy & fossez,

Plains de gens noyez iusqu'au bort.

Entre les aultres trespassez

Y vy, dont i'euz de ducil assez,

Leander & Hero l'amie,
 Qui oncques ne fussent lassez
 D'estre loyaulx iour de leur vie,
 La fontaine estoit là entour,
 Où Narcisus son vmbre aima,
 Amour s'en vengea de beau tour,
 Quant de tel rage l'enflamma:
 Ce fut pour ce qu'il refusa
 Equo, qui mercy luy crioit.
 Trop fit pour luy à ce coup là.
 Grant Dame estoit, & le prioit.

D'autre costé veiz les espees
 Enrouillees de sang humain,
 Dont les vies furent ostees
 A ceulx, qui de leur propre main
 S'occirent. Celle y veiz à plain,
 Dequoy Piramus & Thisbee
 Moururent de tristesse plain,
 Par douloureuse destinee.

D'autre part auoit vng grant feu
 Faict de gens ars en lieu de busche:
 La cendre de Dido y feu,
 Et maint aultre firent l'embusche.
 Qui soy veult ardoir, là se musche.
 En ce desert n'a frain ne bride.
 Douleur y est, qui les gens busche
 Pour d'eulx mesmes estre homicide.

Ce desert estoit hors de termes
 De droict, & contraire à nature.
 Là ne pleut que pluye de lermes,
 Là ne peut viure creature:
 Vent de souspirs y court & dure,
 Zephirus en est forbannis.
 Eà tonne & espart sans mesure
 Hideux tonnoirres de haults cris.

Quant i'euz tout veu à mon pouoir,
 Lors me dist mon intelligence,
 Que c'est vng lieu de desespoir,
 Où ne queult riens que pestilence:

Y Yyy iij

Là fine dueil, où qui commence.
Si prins voulenté d'y aller,
Quant esperance & sapience
Se vindrent dedans moy bouter.

Inuisiblement comme esprit,
Ces deux se bouterent en my,
Dont fuz à ce coup si espris,
Que ce vil desert en hay,
Tout aussi tost ie fuz rauy,
Et emporté plus que le cours,
Iusques à vng saint lieu que oy,
Appellé l'Hospital d'amours.

Fondé estoit cest Hospital
Sur vne roche de rubis,
Cloz de murs par hault de cristal,
Et par embaz de marbre biz,
Et en maniere d'une viz
Y auoit vne haye espesse,
En quoy ie scay bien que ie viz
De toutes fleurs oultre largesse.

Quant ie fuz mis deuant la porte,
Tantost m'apparut Bel-accueil,
Qui les clefz de l'Hospital porte,
Qui me fit gracieux recueil:
Ayant grant pitié de mon dueil
Me mena iusque à l'Enfermiere
Courtoisie, qui d'vng doux vueil
Me fit, dont elle est coustumiere.

Treize hospitaliers y a,
Dont Prieuse est Dame Pitié.
Loyaulté apres elle va,
Puis Simplesse, & puis Verité,
Congnoissance, & Humilité,
Richesse, Largesse, Maniere,
Jeunesse, Liesse, Beaulté,
Et Courtoisie l'Enfermiere.

Les trois Conseillers sont Honneur,
Entendement, & Souuenir.
Doux parler est le procureur,

Pour leur affaire soustenir.
 Regard, & humble maintien
 Seruent Pitié matin & soir:
 Et pour les malades guerir,
 Le vray medecin est Espoir.

Le droit office à Courtoisie
 Est les malades recevoir.
 Lors que ma maniere eut choisie,
 Me dist, en montrant bon deuoir:
 Que ie luy feisse or assavoir
 Ma douleur (ce fut sa demande)
 Pour moy faire tel liêt auoir,
 Que ma maladie demande.

Lors tant malade que Dieu scét,
 Luy dis tel douleur que sentoye,
 Et que des fois par plus de sept,
 Puis que premier amant i'estoye,
 Mercy d'amours requis auoye
 A celle qui sien me veoit,
 En qui trouuer ie ne pouoye
 Le remede qu'il y cheoit.

Et luy dis comment au derrain
 Refuz mon espoir aboly,
 Et monstra cuer plus dur qu'arain,
 Quant ma douleur ne l'amoly.
 Mon cuer auoit, & a o ly,
 Qui n'a mais espoir de nul bien:
 Oncques depuis ne luy tolly,
 Ne veulx tollir, car il est sien.

Mon cuer est sien, elle le garde.
 Mais quant i'ay bien pensé au fort,
 Elle en fait bien petite garde:
 Car pour luy faire aulcun confort,
 L'a tout donné à desconfort,
 Et l'abandonne à tel dangier,
 Qu'il ne desire que la mort
 Pour sa maladie allegier.

Quant Courtoisie a entendu
 Le mal, dont si fort me douloye,

Elle n'a gueres attendu,
 Que vers sa salle me conuoie
 Par vne gracieuse voye,
 Où a mainte fleur gracieuse,
 Si veiz ainsi que ie passoye
 L'hostel de Pitié la Prieuse.

Après nous veinſmes en la salle,
 Où a des malades grant tas.
 Plus belle n'a iusqu'en Theſalle:
 Car elle est par tout hault & bas
 Tendue de moult riches draps
 Ouurez d'amoureuses histoires,
 Où fais estoient là par compas
 Tous vrais amans dont ont histoires,

Le pauement estoit semé
 De toutes fleurs qu'on peult penser,
 Et si estoient encourtiné
 Les lietz des draps de bien celer:
 Entendement le fit ouurer,
 Et sont fais les lietz de repos,
 Et les linceulx de doux penser,
 Qu'Amours fist faire à ce propos.

Au bout de ceste ſalle estoit
 La tresglorieuse Chapelle,
 En quoy le seruice on chantoit,
 Qui oultre mesure estoit belle.
 Pour deſcrire la façon d'elle
 Me faudroit vng long iour d'Esté:
 Elle est bien digne qu'on l'appelle
 La plus belle qui ait esté.

Là dedans auoit vn autel
 Aorné comment il faillloit:
 Iamais homme ne verra tel,
 Deux images dessus auoir,
 L'une estoit Venus qui tenoit
 En sa main, dont i'ay bien memoire,
 Vng brandon de feu, qui estoit
 Plus ardant que feu de tonnoirre.

La Dame auoit vng diadème,

Là où

Là où estoit escript son nom.
 De clarté n'y a pas la disme
 Le soleil qui a grant renom:
 Car là n'y a clarté, sinon
 Celle qui s'espart de ses rés,
 N'est orisflambe ne panon,
 Qui tant soit elere à cent fois prés.

En son geron tenoit son filz,
 Qui se deuisoit d'une darde,
 Dont les fors en sont desconfitz,
 Et conquis sans y prendre garde.
 Nulluy en faueur ne regarde,
 Grans & petis luy sont tout vn:
 Nul n'a contre luy sauuegarde,
 Son pouoir est par tout commun.

De ceste Chappelle autentique
 Estoit Chantre Dame Lieffe,
 Qui scauoit tout l'art de musique:
 C'estoit de chanter la Deesse.
 Conscience estoit la Prestresse,
 Qui celebroit celle iournee
 L'office, la feste, & la Messe
 De Pirus & de Tisbee.

Quant ie fuz droit deuant ce Temple,
 Où Amours a fait maint miracle,
 Ie prins à Courtoisie exemple:
 Car en voyant le tabernacle,
 M'enclinay tout bas vers l'oracle,
 Et baisay le planchier de plastre.
 Puis vins à vng autre habitacle
 Tout fondé sur pilliers d'albastre.

Illec trouuay vng beau liét fait,
 Où Courtoisie me coucha:
 Et quant elle eut de moy parfaict,
 Espoir le medecin hucha,
 Qui tantost vers moy s'adrecha,
 Et sentit mon poux droicte voye,
 Et puis sans faillir me noncha
 Prestement quel douleur i'auoye.

ZZzz

130 L'HOSPITAL

Ton cueur bruit, tout est en chaleur,
Et es en fieure continue:
Mais pour adoucir ta douleur,
Qui gueres ne se diminue:
Te donray à ma reueneue
Vng bruage de tel racine,
Que se ta douleur ne remue,
Ia n'ais ne croy en medecine.

Lors se depart, & ie remains.
Quant il eut fait il retourna,
L'enpole tenoit en ses mains,
En quoy buirage si bon a:
Grace en ait il, il m'en donna
Vng bon trait au pot sans verser,
Et depuis il le me nomma
Eau de gracieux penser.

I'en fuz vng peu miculx disposé
Quant i'euz beu de l'eau precieuse.
Si dormy. quant i'euz reposé,
Vint vers moy Pitié la Prieuse,
Comme de mon mal ennuieuse,
Et me conforta doucement,
Et de sa voix delicieuse
Ve dist. à mon commandement.

Quant i'ouys son doulx habandon,
Qui ma douleur feist appaiser,
Ie m'en hardy: car vng grant don
Luy requis pour mon cueur aïsier.
Ce ne fut point fleur de frasier,
Car de telz fleurs ne me chaloit:
C'estoit sans plus vng franc baisier,
Qui à ma fieure moult valoit.

Quant Pitié parler m'eut ouy,
Et qu'vng frang baisier requeroye,
Elle dist doucement, Ouy,
Voire plusieurs se ie pouoye,
Combien au fort, se ie vouloye
Vous en auriez malgré Dangier.
Mais trop enuis luy messeroye,

Car amours l'a fait iardinier.

Il vous donroit tout le surplus
Du iardin, rosiers & cyprès,
Auant qu'vng franc baisier sans plus:
C'est l'arbre qu'il garde si pres,
Il n'est de riens donner si pres,
Que foudies, c'est sa deuise,
Si la donne par mots exprés
A tous ceulx à qui se deuise.

Helas! di-ie, ma chiere Dame,
Pourquoy ne me faictes auoir
Vng seul franc baisier? par mon ame
I'en donne trestout mon auoir,
Faictes Dangier mon mal sçauoir,
Dictes luy que ie meurs apres,
Et par ma foy vous direz voir:
Car desia suis mort, ou peu prés.

Lors Pitié plourant se party
De la chambre, là où i'estoye.
Elle tenoit jà mon party,
Pour ce que verité disoye.
A Dangier alla droicte voye,
Sa requeste n'y fut pas vaine:
Car elle eut ce que ie vouloye,
Mais ce fut à, Dieu scét, quel paine.

Encorés si le consentir,
Ce fut par signe seulement:
Car oncques mot ne respondit,
Où il accordast franchement.
Aller y conuint prestement
Tout si malade que i'estoye.
I'y mouruz pres soudainement,
Mais à Espoir me soustenoye.

Tant nous allasmes que nous veinsmes
Au iardin, où nature ouura,
Où Dames sans nombre nous veinsmes.
Celle y trouuay qui me naura,
Qui par Pitié me recouura.
Car ie luy prihs vng franc baisier,

Z Z z z ij

Qui de tout mal me deliura,
Et me rendit sain & entier.

Je l'en merciay doucement,
Et me partis à son congé,
Et par le doux attouchement
Du franc baiser, dont j'ay touché,
Je suis tellement alegé,
Qu'à grant paine se ie sçauoye,
Se j'auoye veu ou songé,
Ce que à mes yeulx veu j'auoye.

Quant ainsi me veiz en bon point,
Je m'en allay à l'Hospital,
Pour aduiser de point en point
Les beaultez à mont & aual.
Si trouuay vng riche portal
Tout maïsonné de pierre entiere,
Qui est le chemin general
Par où on entre au cimitière.

En ce cimitiere gisoient
Les vrais & loyaux amoureux,
Leurs epitaphes deuïsoient
Leurs noms. Si recongneuz entre eulx
Tristan le Cheualier tresproux,
Lequel mourut de desconfort,
Lancelot du Lac, & tous ceulx
Qui aymèrent iusqu'à la mort.

Tanty en auoit, que le compte
Seroit trop long à tout sommer.
Maint Roy, maint Duc, aussi maint Conte
Y vy, que ie ne sçay nommer.
J'en vy de par delà la mer,
Cheualiers, Clercz, & Escuyers,
Et si viz, qu'on doit bien aymer,
Le Seneschal des Charretiers.

Nommé Jehan par son propre nom,
Qui moult fut loyal en son temps,
De vaillance moult grant renom,
A tout bien estoit consentans:
Son pareil ne fut puis cent ans.

par

Remmoyers

put

Honneur fut en luy ennoblie,
Et valut mieulx en tout son temps,
que renommee qu'on publie.

Assez pres au bout d'vng sentier
Gisoit le corps d'vng tresparfait,
Saige, & loyal, Alain Chartier,
Qui en amours fit maint beau fait,
Et par qui fut sceu le meffait
De celle qui l'amant occy;
Qu'il appella quant il eut fait
La belle Dame sans mercy.

[Entour sa tombe en lettre d'or
Estoit tout l'art de Rhetorique.
Oultre luy vers vng autre cor,
Soubz vne tombe assez publique,
Couchoit l'amant tresauthentique,
Qui mouroit sans le secours d'ame
Par le regret du basilique
Contre raison appellé Dame.]

Après passay vne poterne,
Où ie trouuay vng triste val:
Ie cuidois que ce fust l'enferme,
Car c'est vng abisme de mal.
Il n'est homme à pied n'à cheval,
qui en yssist iour de sa vie,
Illec reuy en general
Tous ceulx qu'amours excommunie.

C'est à maniere de faulx atre,
Et y geët-on les corps mauldis,
Fen y recongneuz plus de quatre.
Là sont espars noirs & pourris
Sur terre, sans estre enfouys,
Tous descouuers sont là geté,
A pluye & au vent sont soubmis
Par le peché de faulceré.

Là veiz-ie le corps de Iason,
Pource qu'il fut faulx à Medee.
Empres luy couchoit Demophon,
Et d'aultre part le faulx Enee.

Z Z z z iij

Empres un epitaphe ry fait, etc.

Par qui Dido fut forcenee:
Et le dedaigneux Narcisus,
De qui Equo fut refusee,
Gisans à la terre tous nuz.

Entre les faulx pecheurs couchoit
Ladite Dame qu'on a dit
Sans mercy, laquelle estoit
Gestece comme par despit.
Elle auoit esté sans respit
Nouvellement noyee en plours,
Et la nommoit on par escript,
La cruelle femme en amours.

Illec Briseyda couchoit,
Qui foy mentir à Troillus,
Et tant briefuement en auoit
Qu'à grant peine y en pouoit plus,
Et quant ie les euz assez venz,
Tantost ie me party de là,
Et n'euz esté gueres lassus,
Quant mon desir renouuella.

Desir embrasé comme feu,
Qui sa feste recommençoit,
Me fit plus hault qu'onques ne feu:
Car en ardeur me conduisoit,
Et me commandoit & louoit,
Que ie m'en allasse au vergier,
Où la belle se reduisoit,
Qui me donna le franc baisier.

Tout aussi tost me transportay
Qu'il eut dit, ie ne fuz pas sage.
Dures nouvelles rapportay,
Car guette y auoit au passage.
Mais tout nonobstant si passay-ie,
Me cuydant trestout resiouyr:
Mais Dangier me fut dūr messaige:
Car oncques ne me veult ouyr.

Lors comme au bois refuit le lieure,
A mon premier mal refouyt,
Et rencheuz à ma chaulde fieure,

Mon cueur en ardeur rebrouyt.
 Ardant desir me resiouyt,
 Et ie m'escriay sur pité,
 Mais mon cry bien peu m'eslouyt:
 Car ie fuz arriere alité.

Si m'en retournay tout honteux,
 Plus fort malade qu'onques mais,
 Desir mauldis, par qui honte euz,
 Et fuz en tel point que iamais
 Ne cuidoye mieulx auoir, mais
 Espoir me veult dire que si:
 Croy moy, & en mes mains te metz,
 Ie t'osteray hors de foucy.

Si tost que ie l'ouy parler,
 Ie le regarday par despit,
 Et durement l'en fiz aller,
 Disant, Pas ne veulx ton respit.
 Ie suis mort, de desespoir l'a dit.
 Lors fuz porté, ne sçay de qui,
 A moitié mort iusqu'à mon liêt,
 Où grant temps malgré moy vesquî.

Quant Courtoisie l'Enfermiere
 Sceut que tant fort malade estoie,
 Vers moy vint, & fut la premiere,
 Si amena Pitié sa voye,
 Et deux autres que plus n'auoye
 Veuz, dont l'vng estoit Souuenir:
 Mais de l'autre ie ne sçauoye
 Encore à son nom aduenir.

Mais quant ie r'euz mon sentement,
 Ie le recongneuz au parler:
 On le nommoit Entendement,
 Et se sçauoit de tout mesler,
 En Physique estoit bachelier.
 Premier vint à moy Souuenir,
 Qui de tout sçauoit à parler,
 Sinon de choses aduenir.

Tout le premier commence à dire,
 Beau sire, auez vous oublié,

Comme d'Espoir vostre bon mire
 Fustes doucement soulagié,
 Quant beustes, pour estre alegié,
 L'eau de gracieux penser?
 Comment l'avez vous desdaigné?
 Et si fist vostre mal cesser.

Ce qu'il vous promist vint aussi,
 Quant vous eustes le franc baiser:
 Si ne pouez estre guery,
 S'il ne fait le mal appaiser,
 Qui vous fait ainsi mesaisier,
 Il semble que tout soit perdu.
 Vng homme est bien peu à priser,
 Quant pour vn seul coup est rendu.

Quant il m'eut fait son preschement,
 qui gueres ne me conforta,
 Deuers moy vint Entendement,
 Qui de croire Espoir m'enhorta,
 Et dist: Quant Dangier t'apporta
 Son refuz, il fit sa coustume.
 Il fait ainsi, mais grant tort a
 Qui pour cela mal y presume.

Tu dois sçauoir, se tu scez rien,
 Que se ne fut empeschement,
 Tu fusses venu aussi bien
 Comme tu fuz dernièrement.
 Tu dois sçauoir certainement,
 Que male bouche & ialousie
 S'en sont perceuz aucunement,
 Dont la chose en est ralongie.

Il est ainsi, ie suis prophete.
 De riens il ne fault varier.
 Si te fault faire vne retraicte,
 Se tu veulx bien droit charier.
 Fays que Pitié voise prier
 Dangier, que desormais se taise.
 Bien luy aura faire octroyer
 Sa volenté, mais qu'il luy plaise.

J'ay receu ce conseil subtil,

Quoy

Quoy que guerir ne me pouoye.
 Lors vint ce medecin gentil
 Espoir, que volentiers ouoye,
 Lequel me dist se ie vouoye
 Au dieu d'Amours mon sacrifice,
 S'apres ce fait ne me louoye
 Il vouloit perdre son office.

Adonc chascun se departit,
 Sinon Espoir qui demoura.
 Mon poux encores resentit
 Et dist, Ton cueur point ne mourra
 Tant que conseil croire voudra.
 Je te pense donner tel chose,
 Qui à ta douleur plus vauldra,
 que ta pensee ne suppose.

Mais il te fault garder d'esgrun,
 Peu penser, querir compaignie,
 En plusieurs lieux, non pas en vng,
 Toustours mener ioyeuse vie.
 Et se tu as melencolie,
 Lis quelque gracieuse histoire,
 Et avec sur tout ie te prie
 que m'ayes toustours en memoire.

Ceux qui m'ont par entendement,
 Comme toy, leur doit bien souffrire:
 Car ie leur fais allegement,
 Je suis prophete pour voir dire.
 Pour guerir douleur ie suis mire,
 Voire s'elle n'estoit mortelle:
 Mais amours le souuerain sire
 Est celuy qui la guerist telle.

Se ton desir est tant ardent,
 que ie ne te puisse guerir,
 Suis amours, prens le à garant,
 Et luy va mercy requerir.
 Si luy plaist, tu ne peulx perir:
 Car tant fera vers ta Maistresse,
 que ce qu'elle fit rencherir
 Fera venir à grant largesse.

A A A a a

A tant se teut Espoir mon maistre,
Et lors ie regarday celuy
Dont mon plaisir estoit à naistre.
C'estoit Amburs: pensant à luy.
I'estoye de larmes aueugly,
I'estoye deuot à oultrance,
Tant qu'à parler vng mot failly,
Et fuz adonc mort iusqu'en trance.

Quant ie fuz en moy reuenu,
Les mains ioingny vers la Chappelle,
Disant, O mon Dieu recongneu,
Par qui ie bruiz & estincelle,
A mon plus grant desir t'appelle,
Et te prie qu'à ce coup cy,
Guerisse le mal que ie celle
Par me donner mort ou mercy.

Si voiremēt que ie congnois.
Ta loy, & y croy fermement,
Et si vrayment comme ie crois,
Que iadis anciennement
Par miracle trefeuident,
Et par ta force merueilleuse,
Fina Vlixes franchement
Pour Penelope l'orgueilleuse.

Et comme tu vengeas Equo
De Narcisus le regnoyé,
Qui tant ne sceut nager au no,
Qu'à ton plaisir ne fut noyé,
Pource que trop fut deuoyé:
Par son cruel fol pensement
Auoit ton pouoir regnoyé,
Et enfrainit ton commandement.

Et comme ce fut verité,
Qu'à l'image Pigmalion.
Donnas vie par ta pitié,
Et comme à nostre region
Feiz à Guillaume Champion.
Contre chasteau de Ialousie,
Où il eut la possession

Du bouton & de l'encolic.

Et si vray que tu commandas
La cruelle femme à noyer,
Et que cruel don luy donnas,
Vueilles moy briefment enuoyer
Ce que tu scez qui m'est mestier:
Donnes aide à ce qui est tien,
Ne me vueilles pas renoncier,
Regarde mon piteux maintien.

En parfaissant mon oraison,
M'endormis tout soubdainement:
Alors me vint en la raison,
Dont i'euz grant esmerueillement,
Qu'amour se leua prestement,
Et avec vne autre clarté
S'apparut à moy proprement,
Dont ie fuz tout espouenté.

En venant son filz m'appella,
Et me dist, Point ne t'esbahis.
Asses feuz quant i'oys cela,
Et volentiers parler l'oys.
A l'oysant me resiouys,
Qu'onques puis ne fis male chiere.
Lors commença par grant aduis
Sa raison en ceste maniere.

O nostre, qui iadis souloies
En ton premier commencement,
Toufiours quant nostre deuenoies,
Occuper ton entendement
A faire gracieusement
Chançons, distiers plaisans & doux,
Et toufiours à l'exaultement
De nostre pouoir, & de nous:

Qu'est deuenu ce doux vsage?
Comment te peulx tu tant douloir?
Es tu en faulte de courage?
As tu perdu ton bon vouloir?
Ta ioye est elle à nonchaloir?
As tu laissé honneur pour honte?

A A A a ij

Où est ton desir de valoir?

Comment m'en rendras tu le compte?

Qu'esperes tu à deuenir?

Helas ! & qui te desconforte?

N'as tu plus de moy souuenir?

Te semble ma puissance morte?

Est ta cause de dueil tant forte,

Que rien ne t'en peult secourir?

Ne veulx tu qu'ame te conforte?

Finablement veulx tu mourir?

Nenny, Sire, fil ne vous plaist:

Car quelque dueil que ie recorde,

Vous sçauiez bien comment il m'aist

Plaisir ou dueil, paix ou discorde.

Tout tien à vo misericorde,

Du lien de mon desconfort

Ne peult nul deslier la corde,

Se ce n'estés vous, ou la mort.

Lors dist Amours, Tu te meffais

Encontre moy, quant tu te plains,

Vois tu les biens que ie te fais?

Que n'y as tu prins exemple, ains

Que tu publiasses tes plains?

Haa! Sire, pour Dieu mercy,

Ce sont aspres deulz dont suis plains,

Qui m'ont le cuer taint & noircy.

Moy guerir & vous honorer,

Est la fin de mon oraison.

Mon cuer ne veult point ignorer

Vostre pouoir, & la foison

Des plaisirs que vostre achoison,

Pitié & Espoir m'ont donné.

Espoir me donna la prison,

Dont mon cuer fut trop fortuné.

Et Pitié pour moy procura

Tant que i'en euz vn franc baisier,

Qui pour l'heure mon mal cura.

Mais ie refus au mal premier:

Car i'ay depuis trouué Dangier,

Qui m'a par responce cruelle
Plus rebouté qu'un estrangier,
Dont j'ay douleur toute nouvelle.

Je pensay, quant tel le trouuay,
Qu'il se repentoit de bien faire.
Et par ce penser approuuay,
Qu'il me vouloit du tout deffaire.
Et me sembloit, sans riens forfaire,
Qu'il me poingnoit apres oingture,
Et me punissoit sans mal faire,
Qui est œuvre contre nature.

Mais se ce dueil blesse mon sens,
Et j'ay pour ma descongnoissance
Blasme Espoir, ie m'en repens,
Et en offre cœur & puissance
A parfaire la penitence.
Mais ie vous prie doucement,
qu'apres ma bonne repentance
Vous me donnez allegement.

Ostez moy la dure douleur,
qui le cœur me tue & martyre,
Iusqu'à l'abisme de mon cœur,
Et mandez à Dangier chier sire,
qu'il me doint ce que ie desire;
Pitié en fera l'ambassade,
Enuoyez luy de chaulde tire,
Ains que ie soye plus malade.

Amours dist lors, Ains que ie die,
Vueil sçauoir se tu me sçauroyes
Racompter la grant maladie,
Ces allees les perdues voyes,
Que pieça dis que tu auroyes
Ains que tu eusses d'amours le bout.
Or ne me mens pas toutesuoyes,
Dy moy, fil te fouient de tout.

Par ma foy il me fouient bien,
Que me dictes aucuns propos:
Mais quelz furent ie n'en sçay rien,
Car j'ay eu si peu de repos,

AAA aa iij

Qu'oncques depuis penser n'y poz.
Mais se l'oir pouoit valoir,
Je vous supplie qu'aucuns mots
Vous m'en vueillez ramentenir.

Or sus pour ton bien ie le vueil.
Il fut vray qu'au commencement,
Quant ie t'euz aquis de ton vueil,
Je te priay tref-humblement,
Et commanday expressement,
Que loyal fusses en ce gré,
Et parlasses honnestement
De chascun selon son degré.

Après commandemens plusieurs
Te predestinay ta fortune,
Parquoy tu sceuz bien les douleurs.
Ce fis-ie, affin que la rancune
De dangier te fust trop commune,
Et te greuast mains à porter.
Mais ie voy par ton infortune,
Que tu ne te scez conforter.
Ne te souuient-il que ie dis,
Au commencement tu auroyes
Contre vng bien des maux plus de dix?
Ainsi ont eu toutes leurs ioyes
Ceulx que i'ay ceings de mes courroyes,
Dont nul par fort courre n'eschappe.
Aussi eschapper n'en pourroyes,
Puis que tu es mis soubz ma trappe.

Ne scez tu pas bien par plusieurs,
Qu'vng seul bien, que ie scay donner,
Reboute cent mille douleurs?
Qui veult donc iustement compter,
On ne peult trop cher achapter
Mercy, qui est le plus grant bien.
Tel est, que qui en peult finer,
Il n'a iamais faulte de rien.

Qui la veult payer à son droit,
Il n'en fault or n'argent tirer.
Car qui pour argent la vendroit,

Il le feroye martirer.
 Il se paye de desirer,
 Et requerir par bonne espace,
 Et craindre de continuer
 En loyaulté, qui bonté passe.

Les loyaulx en ont la douleur,
 Et les faulx cueurs eschappent sain:
 Car ilz n'y mettent rien du leur.
 Mais les bons n'ont pas mal en vain:
 Car ilz en ont le bien haultain.
 Lequel bien aux faulx rien ne monte:
 Car quant ilz ont ce bien en main,
 Ilz ont ce dont ilz ne font compte.

Le fol, qui loyaulté dessert,
 En ensuiuant ma loyal queste,
 Le te diray de quoy il sert
 De veiller, de rompre sa teste,
 De faire en vain mainte requeste,
 De perdre mainte longue voye,
 De faire veille à point de feste,
 A grant dueil & à point de ioye.

Au chemin le fays deuïser,
 Au long derriere, au loing deuant,
 Ou soy à celle deuïser
 Qui est à Bruges ou à Gand:
 Là requiert la grace en plourant
 A celle qui ailleurs a ioye:
 Puis ce respond en octroyant,
 Et en plourant se rit de ioye.

Quant il a en ce point pensé
 Vne heure ou deux, lors luy souuient
 De quelque desplaisir passé,
 Ou de quelque vng qui va & vient
 A l'hostel sa Dame, & conuient.
 Ce, dit-il, qu'il soit tenu.
 Car ce qui fait mieulx luy aduient,
 Si doit estre le mieulx venu.

Quant il est ainsi enflammé,
 Adonc ee commence à mauldire,

Et dit qu'oncques ne fut amé.
Lors le prent vne rage d'ire,
Et va commencer à mesdire
De moy, & de ce que ie dis,
Que l'ay fait amer, & va dire
qu'il n'eut bien ne ioye oncques puis.

Lors esprant d'aller en exil,
Et dit que iamais n'aimera:
Et s'il ayme, si promet il
Que iamais veoir ne la voudra.
Il ment, que dés qu'il reuiendra,
S'un iour deuroit querir l'adresse,
Deuant son hostel passera,
Et ne tiendra veu ne promesse.

Et fil aduient qu'à ce passer
Elle n'est à l'huys n'a fenestre,
Lors a plus sur luy à penser,
Et à celuy qui le fist naistre:
Car il dit qu'à l'huys ne daigne estre,
Pour ce qu'elle la veu de loing.

Ainsi se demaine ce maistre
Pour nulle chose, & sans besoing,

Tantost qu'il sera descendu,
Sans dire ce qu'il a trouué,
Et sans ce qu'il est attendu,
Qu'il soit vestu & dehoulé,
R'ira passer trestout crotté,
Et peult estre qu'à l'huys viendra
La vieille tordre son filé,
Et sa Dame veoir cuidera.

Ainsi sera trompé le fol,
Qui cuidera veoir sa Maistresse,
Et il verra le mesgre col
De la vieille, où n'a sain ne gresse.
Pour neant perdra sa tristesse,
Et la vieille, quant le verra,
Le regardera par finesse.
Ainsi de rien s'esjouyra.

En ce point passera le temps,

Iusques

Iufques à ce qu'on clorra l'huys:
 Encores n'est il pas content:
 Car il reuiendra depuis,
 Et fera avec ce si duys,
 Que l'huys congnoiftra à fermer.
 Si y reuiendra toutes les nuy
 A vng certain trou efcouter.

L'oreille y mettra iuftelement,
 Pour efcouter & rien ouyr,
 Et fa testé emplira de vent,
 Qui luy fera les dens fremir,
 Et esmouuoir : si que dormir
 Ne pourra trois ou quatre nuitz,
 Et s'en ira tout feul gemir,
 Et recorder tous fes ennuis.

Quant il fera tresbien couché,
 Et endormir ne se pourra,
 Tout malade & tout courroucé
 Se leuera, & vestira:
 Ira & puis retournera,
 Et fera le Prestre Martin:
 Il chantera & respondra,
 Et ainfi viendra le matin.

Or est-il quitte de couchier:
 Car il est leur* deuantage
 Et puis fen va vers le monstier
 Sans penfer à Dieu n'à image.
 Il fçet l'heure que par vfage
 Sa Dame doit aller à Mefse,
 Si l'atend de l'œil au paffage,
 Et puis fen vient à grant lieffe.

Quant elle est à fon gré affife,
 Lors iamboye par deuant elle,
 Aller veult de nouuelle guife,
 Tant que pour bien aller chancelle.
 La teste adonc luy eftincelle,
 Et puis regarde fa Maiftresse,
 Ainfi va & vient entour elle,
 Tant qu'on va commencer la Mefse.

BBBbb

Et quant ce vient à l'Introite,
Enuers elle va querir place,
Où il s'encline à l'opposite,
Tant qu'il la voit ammy la face.
Nul pource à luy ne se pourchasse,
Qui ne s'en voye main fournie.
Certes quelque semblant qu'il face,
C'est amoureuse ypocrisie,

Puis vient l'offrande, & elle y va
Baïser le doy : & puis veez cy
Nostre maïstre qui grant paour a,
qu'autte ne la suyue auant luy :
Puis baïse le doy où ioigny
La bouche, où tant a de beaulté,
Que bien voudroit baïser ainsi,
Et le Prestre eust le doy coupé.

Et quant ce vient au celebrer,
Toufiours a l'oeil à sa Deesse :
De Dieu ne se peult remembrer,
Et sil en voit deux à la Messe,
A l'un pense, à l'autre s'adresse,
Et puis fait tant qu'il a la paix,
La fait baïser à sa Maïstresse,
Et sil ose la baïse apres.

En faisant ces choses, il semble
Que de celer a la science,
Et que si bien de chascun semble,
Que nul ne congnoist ce qu'il pense.
De tout scet fin dès qu'il commence.
C'est des secretz le plus habille
Comme il cuide, & l'experience
De quanque il fait court par la ville.

Lors que celle sera partie,
De ses yeulx la conuoyera
Iusqu'à tant qu'il ait eslongnie,
Et que plus veoir ne la pourra :
E puis encliner s'en viendra.
Sur le lieu, où s'enclina celle.
Car pour certain luy semblera,

Que le lieu vaille mieulx pour elle.

S'elle a baissié pierre ou autel,
Si fera il ains qu'il s'en voise,
A tant s'en tourne vers l'hostel,
Soit pres, ou loing, là prent la voye
Deuant elle, affin qu'il la voye.
En passant vng salut luy fait,
Et vn doulx regard luy enuoye.
S'elle respond, il est reffait.

Disner s'en va, tout esiouy
De ce qu'il a ouy sa voix.
Pieça de tel bien ne ioy:
Appart, dist-il, ioyeux m'en vois.
Rien qui me desplaïse ne vois,
Et quant ie le sçay, en ce point
D'vng peu d'espoir ie la pouruois,
Et ainsi se remet à point.

Par le plaisir de ce propos
Ne se peult tenir qu'il ne chante.
En allant comme font les sos,
A chascun fait chiere plaïfante:
D'estre loyal sa foy creante,
Et pour ce salut fait tel feste,
Qu'il cuide estre amé, & se vante
Mais à vng propos peu s'arreste.

Car en retournant d'auenture
Vcoir vng autre frisque & bruyant,
Qui salue la creature,
Qui est tant bel & tant plaïfant,
Et elle luy en soubzriant,
Pour quelque briefue affinité:
Dont il a dueil tel & si grant,
Que ce luy est infinité.

Lors se hait, & mauldit sa vie,
Et tence à fortune & à moy,
Et a honte de sa folie,
Et me dit que ie le deçoy,
Et que luy fais porter sa foy
A vne, qui aime chascun,

B B B b b ij

qui rit à chascun comme à moy,
Et qui fait bel accueil commun.

Ainsi s'en va vers le disner,
Et de desplaisir est tout plain,
Et pour contenance monstrier
S'affiet & va disner sans fain.
Quant il doit boire, il prent le pain,
Et comme s'il n'eust point de bouche,
Les morceaulx dessire en sa main,
Et sur son taillouer les couche.

Et affin que son dueil n'appere,
Ioue du cousteau & du pié,
Son trenchôer si le compere:
Car il en est tout detrenchié.
Et quant il est bien dehaitié,
Il ne scet plus parler ne taire:
Des gens il se part sans congié,
Et s'en va en lieu solitaire.

Quant il est tresbien aseüllé,
Et de chascun assez loingtains,
Et est de lermes aveuglé,
Lors fait ses regretz & ses plains,
En hault crie, destort ses mains,
Mon nom regnie, puis l'inuocque,
Puis crie mercy à haulx clains,
Puis ce qu'il a mesdit reuocque,

Et quant il est tant demené
qu'il ne scet plus n'auant n'arriere,
Et que des yeulx a tant plouré,
Qu'on feroit de lermes riuere.
Lors reprent nouuelle maniere,
Et tout coy à penser s'arreste,
Sans soy mouuoir ne qu'une pierre,
Sans memoire comme vne beste.

Lors imagine fantasies
Vne heure ou deux sans soy mouuoir,
Puis sault hors de ses frenasies,
Et puis dit qu'il veult aller veoir
Sa Dame, & luy faire scauoir.

Sa vouldenté à ce tour cy:
 Car fil deuoit mort receuoir,
 Si luy requerra il mercy.

Lors pense comme il dira,
 Quant ce viendra à approucher,
 Et comme son propos sçaura
 En vng beau langaige coucher.
 Le penser ne couste pas chier,
 Mais la maistrise est en faisant:
 Car lors qu'il deura commencer,
 Ne sçaura quel bout va deuant.

Or luy semble qu'il est bien duys,
 Et s'en va recordant ses mortz,
 Ains qu'il s'apperçoie est à l'huy
 Sa Dame, qu'il treuve: aussi tost
 Qu'il la voit, pert tout son propos,
 Son cuer pert sens, son cuer pert force,
 Deuant tressue, & tremble au dos,
 Et pour neant parler s'efforce,

En ce point entre en sa maison,
 Surpris de honte & de paour,
 Son salut fait hors de saison,
 Pour doint bon vespre doint bon iour.
 Il est en dueil & en doulour,
 Il desire & est assouuy,
 Il trauaille en ioyeux sejour.
 Sans eslongner est tout rauy.

En ce point s'assiet empres elle,
 Et n'y a qu'eulx deux en la place.
 Or deust reueler à icelle,
 Ilz sont seul à seul, face à face.
 Nul est qui destourbier leur face,
 De poureté doit bien finer
 Le poure, qui ne se pourchasse,
 Quant il voit cil qui peult donner.

Ce poure triste douloureux
 Voit sa financiere de ioye,
 Et le meschant est tant honteux
 Qu'il meurt de dueil en la montioye,

B B B bb iij

De tous les biens, dont cueur s'esioye:
Deuant le mire vient mourir,
De bien n'est pas digne qui ioye,
Quant n'est hardy de requerir.

Ainsi le dolent se maintient,
Sans dire vng seul mot de son fait,
Et puis ie ne scay qui suruient
De la maison, qui tout deffait.
Il a grant paine & n'a rien fait,
Lors se repent qu'il n'a rien dit:
Car partir le fault tout deffait,
Dont il het son cueur & maudit.

Lors prent congé, & s'en depart
Plus triste beaucoup qu'il n'y vint,
Tant est doulent à son depart
Qu'il maudit des fois plus de vint
La personne qui leur suruint.
Car ce ne fust, il eust tout dit,
Le grant mal qui luy en aduint,
Depuis qu'à amours se rendit.

Maintes fois il va en ce point,
Sans descourir ce qu'il endure:
Vne autre fois sil chiet à point,
A sa pensee se murmure,
Et la Dame par aduventure,
Qui n'a pas froit quant il a chault,
Qui est pointe de tel poincture,
L'vng demande lors qu'il luy fault.

Et luy dit en telle maniere:
Vous me semblez tout desplaisant,
Que ne faictes vous bonne chiere?
Estes vous point ainsi dolent,
Que vous en faictes le semblant?
Pensez vous que voz desconfors
Soient si grans, que voz bien vueillant
Vous en puissent mettre dehors?

Après ce gueres ne demeure
Qu'il ne die puis hault puis bas.
Entre deux vertes vne meure,

En matiere entre pas à pas,
 Comme il appartient en tel cas,
 Et comme chascun le scet bien
 La maniere ne diray pas,
 Car le dire n'y fait de rien.

Mais prenez qu'il die à son aise
 Or tout ce que dire il voudra,
 Et que tout à sa Dame plaise,
 Pour ce conforté en sera:
 Car elle luy refusera.
 Pour l'esprouuer luy fait ce mal:
 Car en la fin luy semblera,
 Que fil endure il est loyal.

Et cil qui prie doit scauoir,
 Que tant plus est la chose chiere,
 Tant doit plus couster à l'auoir:
 La valeur y met la renchiere.
 Et Dame, qui est financhiere
 De rous les biens de mon pourpris,
 Ne vault elle qu'on la requiere,
 Et qu'on l'achere à plus haut pris.

Tout est fait pour homme seruir,
 Et homme est fait pour seruir Dame:
 Il ne s'en peult desasseruir,
 Il est sien iusqu'au partir l'ame,
 La Dame en est la haulte Dame,
 Car elle est maistresse du maistre:
 Qui ne la croit, doit estre infame,
 Et ne doit plus en honneur estre.

La Dame est mieux Dame du tour,
 Que l'homme qui en est seigneur;
 Combien que pouoir d'homme est moult,
 Si est pouoir de Dame greigneur.
 Car l'homme laisse en sa faueur
 Tout ce que luy est ordonné,
 Et donne tout pouoir & cueur
 A Dame de sa volenté.

Puis que si grant chose est de Dame,
 Que plus grant ne peut deuenir,

A peine scay se par mon ame
S'honneur est digne aduenir.
Si ne deuoit il aduenir
A plus grant chose d'estre sien,
Et deust il en ce point mourir,
Si est il eureux sur tout rien.

Des grans seigneurs assez trouuon
De qui ne vient bien ne plaissance:
Mais Dames sont d'autre façon,
Car avec toute leur puissance
Vient d'elles la grant habondance
De tous les biens dont on s'esioye:
Et n'est honneur, bien, n'accroissance,
Que leur haulte bonté n'enuoye.

Les hommes sont fais pour seruir,
Et elles pour faire valoir:
Nul n'en est qui peult desseruir
Leur mendre bien, à dire voir.
Et il n'est force ne deuoir,
Et deussent mourir en seruans:
Voulenté peult plus que pouoir,
En leur grant grace desseruant.

Or puis que leurs biens sont si grans,
Qu'on n'en peult pas vn desseruir,
Dés maintenant soyés souffrans,
Et sers tousiours sans desseruir.
Le payement vient de bien seruir,
I'ay pitié de ta pource chiere:
Pour ce te vueil desasseruir,
Et vueil exaulcer ta priere.

Si te commande que tu voyes
Incontinent vers le vergier,
Et va si auant que tu voyes
Celle dont vint le franc baisier.
Endormy trouueras Dangier.
Tantost apres ceste parole,
Ainsi que pour tout'abregier
Amours se taist, & puis s'enuolle.

Ainsi s'en va, & puis m'esueille,

Et me

Et me treuve sain & haïtié:
 Rien ne senty que la merueille
 De ce qu'ainsi fuz allegié,
 Je saulx sus, & à l'abregié
 Vers le vergier prins le chemin,
 Où ie trouuay Dangier couchié,
 Qui se dormoit soubz vng sapin.

Vng peu auant trouuay la belle,
 Qui me naura & me guery,
 De mon estat luy dis nouuelle,
 Comme Dangier me fit marry,
 Quant le franc baisier renchery:
 Entierement luy dis mon fait,
 D'amours luy parlay, & aussi
 Du miracle qu'il m'auoit fait.

Comme il m'auoit auant promis
 Allegence de ma douleur:
 Et à propos ie luy requis,
 Que pas elle ne fist menteur.
 Adonc elle mua couleur,
 Et dist lors pour me resiouir,
 Qu'au vouloir d'vng si grant Seigneur
 Ne vouloit point desobeyr.

Mais ie vous demande, dist elle,
 Quel est le don que vous voulez?
 La chose pourroit estre telle,
 Qu'à vostre requeste l'aurez.
 Car tel, dis-ie, vous le scaurez,
 C'est seulement vng franc baisier,
 Que vous mesmes me donnerez,
 Pour toute ma peine allegier.

Vng peu pensa en soubzriant,
 Et moy, qui estois plain d'espoir,
 Luy pris vn baiser tout priant,
 Moitié force, moitié vouloir.
 Et pour moy du tout desdoulloir,
 A bras ouuers vng m'en donna,
 Doux à sentir, & bon o veoir,
 Qui toute ma ioye acheua.

CCCcc

734 L'HOSPITAL D'AMOURS.

Depuis nous fussions deuise,
Se homme ne fust là entour,
Et malle bouche desguise.
Si prins congie iusqu'au retour,
Et allay parfaire mon tour
Vers la Chappelle gracieuse,
Où ie rendy grace & amour
De sa miracle glorieuse.

Et pour acheuer mon office,
Et pour mieux le regracier,
Luy feiz vn deuot sacrifice
D'une Tourtre en fust de lorier.
Et puis m'en retournay arrier,
Vers les Dames de l'Hospital,
Que toutes allay mercier
De l'alegeance de mon mal.

Mon medecin n'oublay mie
Espoir, qui tant de moy songna;
Ne l'Enfermiere Courtoisie,
Ne Souuenir qui m'enseigna;
N'Entendement qui m'alegea.
Puis tressailly soubdainement,
A coup bruit de gens m'esueilla,
Et ne vy que moy seullement.

Toutesfois fuz-ie conforté
Par la vision dessusdicte.
Si n'ay-ie oncques arresté,
Tant que la merueille aie escripte
Selon ma science petite,
Et mis en rime telle quelle;
Affin que celle sy delite
Qui n'a au monde sa pareille.

Si luy requis à ioinctes mains,
Que le songe vueille aduenir.
Et ie ne requiers plus ne moins,
Ne plus hault ne vueil aduenir.
C'est mon plus heureux souuenir,
C'est le plus hault de tout mon vueil,
C'est mon plus grant bien à venir,
Et la fin de ce que ie vueil.

Verin

*Cette piece
est au Ms.
sous le nom
du Senechal
d'En.*

MOrt, or voy-ie ta cruaulté,
Et douloureuse voulenté,
Trop plus qu'onquesmais despitueuse,
Quant par toy me voy deserté
De ma nompareille chierté,
qui ma vie tenoit ioyeuse.
Helas! qui t'a fait si crueuse,
Remplie de si grant durté
Enuers la doulceur merueilleuse,
Et la ieunesse gracieuse,
D'une si parfaite beaulté?

Vouliés tu d'vng seul cop mortel
De ton dart, qui tant est cruel,
Mettre France à destruction,
D'vng gent corps tant bon & tant bel,
Qu'il n'en y auoit point de tel
Ou monde, ne de tel renom,
Droictement en fleur de saison,
Plus que n'est le doulx temps nouuel?
Las! ce n'estoit pas achoison,
D'aller si tost en la prison
De ton tref-douloureux hostel.

Amours, quant tu le voulois faire,
Pourquoy ne me vins tu deffaire
Auec elle hastiuement?
Tu sçez que riens ne me peult plaire,
Fors ton dart, qui m'est necessaire,
Après elle certainement,
Pour mettre à fin le grief torment,
Qui m'est à tout confort contraire,
Ne ne sçay pourquoy ne comment
Tu me vas ainsi refusant,
Qu'à toy ne me vueilles attraire.

Ne me seuffre plus demourer,
Où riens ne me peult conforter,
C'est en ce monde doloireux,
Où ie ne quier plus seiormer,
Puis que n'auray plus à garder

CC Ccc ij

Ce qui me tenoit amoureux.
 C'estoit le gent corps gracieux,
 Que nul ne pourroit trop louer,
 Qui me faisoit tenir ioyeux,
 En attendant qu'il fust piteux,
 Du mal, qu'il me faisoit porter.

Helas ! que ce mal me plaisoit
 Quant mon cueur fermement pensoit
 A la grant beaulté souueraine,
 Cent fois plus ioyeux en estoit,
 Qu'autre fairon le pourroit.
 Celley mettoit toute sa peine,
 C'estoit la tres-joyeuse estraine,
 Qui par tous lieux la confortoit,
 Mesmement felle estoit loingtaine;
 Mais quant il la scauoit prochaine,
 Adonc sa lieffe doubloit.

Quantesfois me suis-ie trouué
 De tous mes maux reconforté,
 Seulement par son doux regard ?
 Quantes fois me suis-ie oublié
 De plusieurs gens enuironné,
 Comme se i'eusse esté à part ?
 Le ne croy pas, le Dieu me gard,
 que puis l'heure que ie fuz né,
 I'eusse vn grand plaisir nulle part,
 Ne d'autres biens gueres grant part,
 Se par elle n'estoit donné.

Quantesfois me suis-ie party.
 Dolent & courcé du party
 D'esloigner sa belle ieunesse,
 De dueil si largement party,
 ou à peine que mon cueur party.
 N'en estoit parmy de destresse,
 Plourant en parfonde tristesse,
 De toute plaissance esparty,
 Comme tour desert de lieffe,
 En souffrant * nompareille oppresse,
 De sa grant beaulté de party.

*souueraine
 asprelle.

Toutesfois ce mal que i'auoye
 Tantoist se retournoit en ioye,
 Que me souuenoit du retour,
 Pensant que bien bref reuerroye
 La beaulté que ie desiroye,
 Comme ma souueraine amour.
 Ainsi tel ennuieulx seiour
 Loingtain de ma Dame passoye,
 Mais or voy ie que iamais iour
 Reconfort n'auray par nul tour
 Du mal, qu'à present me guerroye.

Ne me doy-ie pas bien complaindre
 Doreusement sans refraindre,
 quant ainsi m'a desconforté
 Faulce mort en voulant destraindre
 Celle, qu'aulture ne peult atteindre,
 De nulle gracieuseté:
 Dy moy, qu'auois tu empensé,
 De la vouloir à toy contraindre?
 Auois tu doncques ordonné,
 Que pour estre pis que tué,
 Apres elle deusse remaindre?

Ha! Dieu, comme c'est grant dommaige
 De Dame si bonne & si sage,
 Tant belle & si bien renommee!
 Las! que le cueur seroit vollage,
 Qu'apres qu'auroit sceu tel message,
 Se resiouyroit de l'annee,
 Quant à moy, nulle autre pensee
 Ie n'ay qu'à passer ton passage:
 Si te pry que me soit hastee
 Ta venue desesperée,
 Si me feras grant aduantage.

Souffise toy ie te supply,
 Se i'ay depuis assez languy,
 que celle grant douleur m'auint;
 que toute lieffe perdy,
 Et que de tous pointz me tolly
 Espoir, qui plus ne me remaint,

CCCcc iij

Il a ja des iours plus de vingt.
Tu le scez bien, & ie le dy,
qu'oncques m'on cueur ne se maintint,
Se par force ne s'en abstint,
Fors qu'à toy regreter ainsi.

Ne te doit il pas bien souffire,
Quant il n'est douleur ne martyre
Que mon cueur n'ait depuis souffert,
Toujours allant de mal en pire,
Plus que bouche ne pourroit dire,
De toute plaifance desert:
Plourant souvent tout en appert,
que que l'en deust plourer ou rire?
Chascun le scet, & bien y perty
Il est si à plain descouvert,
Que nul ne le peult contredire.

Combien que ie ne plains pas tant
Le mal que ie vois recordant,
Que le dommage douloureux
De la beaulté doulce & plaifant,
Qui par toy a esté souffrant
De torment si trefangoiffeux.
Helas! qui n'en seroit piteux
A tous les iours de son viuant?
Ie ne scay comment, se m'aist Dieux,
Nully pourroit estre ioyeux,
Après vng dommage si grant.

Or ne scay-ie plus que ie die,
Pour ma douleur, qui me maistrise,
Si vueil ma complainte finer,
Et pource humblement ie prie
De Dieu la haulte seigneurie,
Qu'il la vueille reconforter,
En luy voulant habandonner
Sa trefioyeuse compaignie,
Et que la puisse tant plourer,
Et piteusement regreter,
Que i'en puisse finir ma vie,

*AVTRE COMPLAINTE
de nouvelle accointance.*

IE voy que chascun amoureux
Se veult ce iour apparier,
Ie voy chascun estre ioyeux,
Ie voy le temps renouueller,
Ie voy chanter,rire,dancer:
Mais ie me voy seul en tristesse,
Pource que i'ay perdu mon per,
Mon per,diz-ie,Dame & Maistresse.

I'en ay perdu ma contenance,
I'en ay perdu toute ma ioye,
I'en suis deserté de plaifance
Trop plus que dire ne pourroye:
I'en suis,quelque part que ie soye,
Trop doloireux oultre mesure,
I'en suis tel que mourir vouldroie,
Quant ie sens ma douleur si dure.

Mourir voire certainement,
Car i'ay perdu ma plaifant vie,
Mon espoir,mon aduancement,
De tous biens ma droicte partie.
I'ay tant perdu que i'entr'oublie
Tout plaisir & toute lieffe,
Et toute plaifant compaignie
Me tourne trop à grant destresse.

Iamais ne feray que languir,
Plourer sera mon reconfort,
Quant ie pourray estre à loisir
Ie ne requerray que la mort.
Mon cueur & moy sommes d'accort
De viure ainsi piteusement,
Ie ne quiers que hastier bien fort
La mort pour mon desfinement.

Plouréz pour moy, ie vous en prie,
Tous cueurs qui aimez loyaulment:
Mais assez plus ie vous supplie,
Plourer tref-douloureusement.

*Cy devant im-
primée sous
le nom de
Valentin
Gransson.
Et doutent
aucuns qu'elle
soit de Chas-
sien.*

760 COMPLAINTE.

Madame & son tresbel corps gent,
Que la mort a fait deffiner
Par son dart oultrageusement,
Que mon cueur maudit sans cesser.

• Helas! il n'estoit pas faison
Si tost de son departement.
C'a bien esté contre raison,
Mais il n'en peult estre autrement.
Car quant à moy, tant seullement
C'estoit tout mon bien en ce monde,
Que de la seruir humblement
Seule, sans nulle autre seconde.

Sans plus celle douce pensee
Me tenoit en ris & en ieux,
Toute grace m'estoit donnee
D'en estre fort bien amoureux.
Ie me tenoye plus heureux
Cent fois que dire ne pourroye,
Quant de ses tres-doux rians yeulx,
Vng doux regard sans plus auoye.

Plus me valoit l'amer ainsi,
En aucune bonne esperance,
D'auoir en aucun temps mercy,
Que d'estre Roy de toute France.
C'estoit la seule soustenance
De tout le bien de ma ieunesse,
Pour la *seruir, dés mon enfance
Print mon cueur l'amoureuse adresse.

choisir

Or voy ie que i'ay tout perdu,
Et si ne se peult amender,
Dont ie me voy si esperdu,
Que nul ne le pourroit penser:
De dire que peusse autre amer
Après elle parfaictement,
Mon cueur ne se peult accorder
A le desirer nullement.

Aussi croy ie bien par ma foy,
Qu'ame ne le prendroit en gré:
Car mon cueur voudroit à parfoi

Choisir

Choisir selon le temps passé,
 Et iamais ne seroit amé
 De nulle, qui approuchast d'elle,
 Se trop grant debonnaireté
 Ne se mesloit de la querelle.

Ainsi seul & plain de douleur
 Demourray, ie le voy trop bien:
 Iamais ne plaisir ne douleur
 N'approchera à moy de rien.
 Je seray de simple maintien,
 Comme tout dolens & honteux:
 La nulle ne me voudra sien,
 Par quoy il me soit ja de mieux.

Ainsi que ie me complaignoye,
 Je voy saint Valentin venir,
 Venant à moy la drocte voye
 Ainsi que pour moy resiouyr:
 Mais pour mieulx son fait accomplir,
 Le Dieu d'Amours il amena,
 Qui par la main me vint saisir,
 Et doucement m'araisonna.

En moy disant, Beaulx doux amis,
 Te veulx tu de tous pointz deffaïre?
 Tuscez que pieça te soubz mis
 Soubz ma puissance debonnaire:
 Mais celle qui te le fit faire
 Ne te peult plus reconforter,
 Pource te vueil à moy retraire,
 Et te vueil bon conseil donner.

C'est que choisisses de nouuel
 Vne Dame gente & iolie:
 Car à ce faire ie t'appel,
 Et saint Valentin te deprie.
 Aussi loyauté le t'octric,
 Car tu as loyaulment seruy
 Iusqu'à fin ta Dame & amie,
 A qui ie t'auoye asseruy.

Helas! comment se peult il faire,
 Ce luy dy-ie piteusement,

DDDD

Qu'à nulle autre ne puisse plaire
 Pour seruir amoureusement?
 Mais Amours, qui si puissamment
 Seigneurit mon cuer en ieunesse,
 Respond qu'il ne veult nullement
 Que ie demeure sans Maistresse,
 Et comment te veulx-tu deffendre,
 Dist il, contre ma volenté?
 Ne le fais plus : mais vien toy rendre
 En tresgrant debonnaireté
 A la nompareille beaulté
 Qu'on peult en ce monde choisir,
 A qui tu seras presenté
 De moy, pour l'amer & seruir.

Helas ! Sire, pardonnez moy,
 Et me laissez souffrir ma peine:
 Je ne quier qu'estre en vn recoy
 Pour regretter ma souueraine,
 De qui ma plaissance mondaine
 M'estoit venue entierement:

*Dont

*Car iamais lieffe certaine
 Ne puis auoir aucunement.
 Plus me plaist plaindre & soupirer,
 Et regretter mon grand dommaige,
 Que de veoir rire ne chanter
 Gens, qui sont de ioyeux courage,
 Je ne quier nul autre auantage,
 Qu'en ce point attendre la mort:
 Puis que la belle, bonne & sage
 J'ay perdu, que j'amois si fort,

Et que ie vueil tousiours amer
 Aussi bien morte comme viue,
 Ne ia ne la quier oublier
 Pour nulle assemblee où i'arriue.
 Pource s'ainsi vers vous estriue,
 Je vous pry qu'il ne vous desplaise,
 Se par vous ma douleur n'eschiue,
 Mais me laissez en ma mesaise.

Car achoison ne puis auoir

Que de languir en desconfort,
 Ne ie ne puis apparcevoir
 Que ia mon cueur en soit d'accort:
 Certes ce seroit à grant tort
 Qu'il fust iamaïs nul iour attains
 De plaisir, ne de ioyeux port,
 Quant i'ay perdu tout ce que i'aims.

Aumoins seuffre que te conseille,
 Puis dis tout ce qu'il te plaira:
 Viens vers celle, dont la merueille
 De tout bien par tout vollera,
 Et fait par tout les lieux *trefra,
 L'on en congnoist la renommee,
 Ou ta mort s'en abregera,
 Ou grace t'en fera donnee.

Car en voyant son doux acueil,
 Son regard de douce simplese,
 Il te souuiendra du cercueil
 qui tient ta premiere Princeesse.
 * Ainsi accroistra la detresse
 Du mal qu'il te conuient porter,
 Ou tu choisiras la richesse
 De mon seruice recouurer.

Accorde moy pour mon plaisir
 Ceste requeste à tout le moins,
 Acomplis en ce mon desir,
 Je le te prie à ioinctes mains:
 Et pour t'en faire plus contrains,
 Te commande d'amours l'affaire,
 Sur la peine d'estre retains
 De ma seigneurie le contraire.

Sire, ie ne scay plus que dire,
 Soit pour iouyr ou pour doulour,
 Ou pour souffrir mort ou martyre,
 Je feray vers vous mon deuoir
 D'aller du tout à mon pouuoir
 Vers celle dont faiçtes deuis,
 Qu'à plain on peult appercevoir
 De beaulté le droit paradis.

DDDdij

* Il y a ainsi
 en Ms.

* Ainsi con-
 gnoistra
 l'asprelle

* Adonc

* Encor me vint Amour monstrer

Vne Dame tant belle & gente
 Comme l'en pourroit regarder
 A y mettre toute l'entente:
 Et lors me dist que ie m'assente
 A la seruir tant seulement,
 Comme le sien de droite rente,
 Et que mieux ne puis nullement.

Et quant ie la viz si tres-belle,
 Si ieune, & si bien renommee,
 Et que chascun bonne nouuelle
 Disoit de sa beauté louee,
 L'entray en trop forte pensee:
 Car aucunement ressembloit
 A la belle qu'auoye amee,
 Pour qui mon cueur tant se douloit.

Car tant auoit belle maniere,
 Et le regard bel & riant,
 Si ieune & si ioyeuse chiere,
 Et si bien estoit deuissant,
 Que chascun estoit desirant
 A son pouoir de bien en dire.
 Adonc congneuz tout maintenant,
 Qu'elle faisoit bien à eslire.

Au deuant de toutes les belles,
 Qui sont viuantes à present,
 Entre Dames & Damoiselles,
 La prisoit-on tout oultrément.

* Saichez de vray que
 a tant gent
 Le corps, & la chiere
 tant lie,
 Que nul ne la voit
 nullement,

* Chascun disoit communément,
 Ceste est de tous biens accomplie,
 Ne nul ne la veoit viuement,
 Ce croy ie, qu'amours ne le lie.

A peine l'eussé-ie peu croire,
 C'est la merueille de ce monde,
 Nully ne se pourroit retraire
 D'amer sa beaulté blanche & blonde:
 Le bien d'elle par tout suronde,
 C'est le tresor d'amour mondaine,
 Se de son bel n'auoit qu'une onde,

Si l'en feroit on souverain.

Adonc ne peuz ie contredire

D'Amour la tref-haute puissance:

De grand piece ne peuz mot dire,

De palmier fuz en grant doubance,

Pour cause de la grant muance

Que ie trouuay soudainement:

Au fort ie reprins contenance,

Et m'affermay aucunement.

I'en deuins aussi amoureux,

Comme par grant force contrainct

De ses trefgrands biens gracieux,

Qui m'ont tout droit au cuer attraint.

Et pource sans nul penser faint,

La seruiray toute ma vie,

Priant pour celle dont i'ay plaint,

Si longuement la departie.

Or vueille Amours sa grace estendre

Vers moy par son aide piteuse,

Et qu'il luy face bien entendre

Ma volenté trefamoureuse,

Qui i'amaïs ne sera ioyeuse,

Se ce n'est par le moyen d'elle,

Qui sur toutes est tref-heureuse,

Car en croissant se renouuelle.

Et luy plaïse par son vouloir

Qu'elle preigne en gré mon seruice,

Et que tant fasse mon deuoir

que tous ses desirs accomplisse

De tous ennuis comment que i'isse

Seulement pour mon reconfort,

Par elle fault que ie guerisse

Ou que ie recoïue la mort.

Amours l'a ainſi commandé,

A qui vueil & doy obeyr,

De trefparfaite volenté

Vueil tout son vouloir acomplir.

Pource sans i'amaïs repentir

La seruiray iusqu'à la fin,

*Car amours par son
ordonnance
Si me surprint soudai-
nement,
Et adonc reprins con-
tenance,
Et m'affermay aucunc-
ment.

DDDDd ij

Ainsi luy prometz sans mentir
Ce iour de la saint Valentin.

LA PASTOURELLE

de Gransson.

*Cette piece
et les suiva-
ntes ne sont
point au Ms.
Et doute l'on
aussi si elles
sont vraye-
ment de Char-
sier.*

VNe ieune bergeronnette,
Et vng simple loyal bergier
Je vy sur vne riuerette
Entre les autres soulacier.
Tost apres ouy commencer
Au bergier demandes & plainctes,
De ioye peu, de douleurs maintes:
Car il disoit en ses clamours,
Et en iuroit & saintz & saintes,
Que trop le tourmentoient amours.

LA BERGIERE.

La bergiere plaisant & belle,
Qui de tous biens scauoit assez,
Luy respondit: Certes fait elle,
A trop grant tort amours blasmez,
Puis qu'à luy vous estes donnez,
Et submis en sa gouuernance.
Vostre cueur doit prendre plaissance
En tout ce qui est son vouloir,
Et receuoir en souffissance
Le bien que vous pouez auoir.

LE BERGIER.

Belle fil vous plaisoit à dire,
Dist le bergier en complaignant,
Quel chose me deuroit souffire,
Et quelle aussi m'est souffisant:
Le Dieu d'amours prens à garant
Que vousentiers content se ioye.
Mais amours veult que douteux soie,
quant à plusieurs voy desirer,
Et que tout seul auoir vouldroye
Ce que ie n'ay pas à garder.

LA BERGIERE.

Dont, dist elle, nul n'a puissance
 De tollir aux gens leur penser,
 Soit de monstrier leur contenance,
 Ou de rire, ou de regarder.
 De ce ne les peult nulz garder,
 Mais qui en loyaulté se fie,
 Ie croy, amour ne s'en plaint mie,
 Ainçois luy plaist que honneur face,
 Soulas & bonne compaignie,
 Pour acquerir bon nom & grace.

LE BERGIER.

Cueur gracieux, ne vous desplaïse,
 Ce dit le bergier douloureux:
 Cuydez vous que mon cueur soit aise,
 Quant de vous suis fort amoureux,
 Et que ie puis voir vng ou deux,
 Ou cinq, ou dix, ou vingt, ou trente?
 Car chascun d'eulx met son entente,
 En moy vers vous desauancer:
 Certes amours veult que ie sente
 Çe qui me nuit & peult aider.

LA BERGIERE.

Et quant amour s'n'y a pensée,
 Entention, ne volenté,
 Pourquoy est elle donc blasmee
 Se les nices font niceté?
 Quant honneur garde loyaulté,
 Ce dit la bien sçaichant pasture,
 Amours auroit vie trop dure,
 Se ieunesse ne se iouoit.
 Autant vouldroit tort que droiciture,
 S'auec vng bien ne se fioit.

LE BERGIER.

Belle, il est vray ce que vous dictes,
 Que ieunesse se doit iouer,
 Et de tous biens doit estre quittes
 Cil qui ne s'y ose fier.
 Mais fil vous plaisoit aduifer,

A qui se doit iouer ieunesse,
 Fors à honneur & gentillesse,
 Et là où ses ieux sont bien pris?
 Car folleur, cuider, & rudesse,
 Donnent tousiours blasme pour pris.

LA BERGIERE.

Doncques vouldroye bien apprendre,
 Or dist elle, & moy accointer
 Par quel tour ie me dois deffendre,
 De telles gens accompagner.
 Se vng fol me dit son cuyder,
 I'ay ma responce toute preste,
 Deuant tour loyal & honneste.
 Mais quant nul me parle de riens;
 On doit à honneur faire feste,
 Et laisser demonstrier ses biens.

LE BERGIER.

Se respondre ie vous ofoye
 Selon ce que ie sens & scay,
 Certes, belle, ie vous diroye
 Que loyaulté en fait l'essay.
 Car qui ayme de fin cuer vray,
 Il y fault monstrier sa maniere
 Selon son cuer, forte, ou legiere:
 Et quant amours regne bien fort,
 Bel acueil se tient si arriere,
 Que nul cuider n'y prent confort.

LA BERGIERE.

Se bel acueil ne venoit mie,
 Fors en vng lieu tant seulement,
 Ce dit la bergiere iolie,
 Chascun verroit apertement
 Là où amours de cuer entend,
 Dont l'honneur pourroit auoir blasme,
 Et encontre raison diffame,
 Dont souuenir se veult sauluer.
 Il conuient donc à vne femme
 A plus d'vng ouyr & parler.

LE

LE BERGIER.

Je ne dy mie le contraire,
 Mais vn tel ouyr & tel veoir
 Ne doiuent conforter ne plaire
 Nulz de ceulx qui font leur pouoir
 De vostre grace recevoir.
 Puis que vous sçauiez leur courage
 Par leurs dictz ou par leur message,
 Se plus fort ne les estrangez:
 Il cuydent bien que leur langaige
 Vous soit plaissant, dont sont liez.

LA BERGIERE.

Je fais souuent grand abstinence
 De viure ainsi comme ie vueil,
 Mais deffoubz autrui ordonnance
 Me fault departir mon acueil,
 Sans espargner ioye ne dueil,
 Puis que loyalle suis trouuee,
 Je seray loyalle prouuee.
 Garde chacun ce qu'il voudra,
 Car où que bonté soit celee,
 Toufiours le bon la trouuera.

LE BERGIER.

Belle des bons n'avez vous garde:
 Car les bons dient & puis font,
 Mais les mauuais n'y prennent garde,
 Quant en cuider sont bien parfond.
 Par folie le bien defont,
 Et prennent sur vous voz semblances,
 Voz regardz, & voz contenances,
 Et tout ce qui leur peult valoir,
 Et apres en font leurs ventances,
 Et si n'en dient de rien voir.

LA BERGIERE.

Ilz peuent prendre par folie
 En eulx mes regards & mes ieux.
 Mais rien que ie face ne die
 A mon propos, n'est pas pour eulx.
 S'ilz sont dolens, ou sont ioyeulx,

EEEee

770 LA PASTOVR. DE GRANSS.

Il ne m'en chault, ie n'en ay cure.
 Franche suis, loyalle, & pure.
 Ie metz les mesdisans au pis.
 Les vanteurs ont bien leur droicteure,
 Car les maistres en sont honnis.

LE BERGIER.

Et ie maintiens d'amours l'escole,
 Mais les faictz sont maistres de moy.
 Quant loyaulté tiendra escole,
 Chascun estudie pour soy.
 I'ay grant desir en bonne foy
 De lire au beau-liure de ioye,
 Et plus volentiers le scauroye
 Par cueur pour mes maulx allegier.
 Mais se par vous ne le lisoye,
 Autre ne m'en pourroit ayder.

LA BERGIERE.

Amours tresioyeusement dure,
 Pour monstrier foy & alliance:
 Mais nom d'amours est deceuance,
 C'est vne tres-faulse pointure.
 Amours ne veult autre pasture,
 Que douce, loyal gouuernance:
 C'est sa paix, & c'est sa substance,
 C'est tout son bien, ie le vous iure.

C O M P L A I N T E.

HElas ! se ie me plains
 Du mal de qui ie suis plains,
 Nulz n'en doit esmerueiller:
 Car tous mes biens sont attrains,
 Et tant suis de dueil ratains,
 Qu'il me fault souuent mouillier
 De lermes mon orreillier,
 Gisant de douleurs contrains
 A mon liect sans sommeiller,
 Où presque tousiours veillier
 Me fault en douleur plains.

Et certes i'ay bien raison,
 Et tresdolente achoison,
 De plourer bien tendrement:
 Car ie pers ceste saison,
 L'esper de ma guarison,
 Et tout bien entierement.
 Je voy tout apertement,
 Qu'oncques nul en tel prison
 Ne fut en si grief tourment,
 Ne ne languist si griefment,
 Que ie faiz sans mesprison.

Car i'ay perdu bel accueil,
 Et le plus doux regard que œil
 Donna onc à amoureux
 Parquoy tristeur si m'accueil,
 Que i'en gerray en sercueil
 Tant suis melencolieux,
 Et de ma vie enuieux:
 S'aucun confort ne recueil,
 S'en mauldiz les enuieux
 • qui m'ont mis en cest escueil.

Ne les doy ie pas mauldire,
 Et à mon pouoir desdire
 Leur faulx & mauuais langage,
 Quant par eulx suis si plain d'ire
 Que ie ne le scauroie dire,
 Ne racompter le dommage
 Qui tient mon cueur en seruage,
 Sans le pouoir contredire:
 Quant ne voy le doux visage
 De la belle, bonne & sage,
 Que ie pers par leur mesdire?

C'estoit quanque ie vouloye,
 Et tout le bien que i'auoye,
 que veoir sa belle beaulté,
 N'ailleurs plaisirs ne prenoye:
 Cent fois plus riche en estoye,
 que d'une grant royauté.
 C'estoit ma seule santé

EEEc ij

Mon bien tout ce que i'amoye,
 Plaine de ioyeuseté
 M'adreceoit à toute ioye.

C'estoit toute ma richesse,
 Mon desir & ma lieffe,
 Et ma plaissance mondaine:
 Et tout bien ma voye adresse,
 Qui m'estoit toute tristesse,
 Et toute doulente peine,
 Et m'estoit douleur certaine
 De tout plaisir ma largesse.
 Tout m'estoit douleur loingtaine,
 Quant ie scauoye prouchaine
 Sa nonpareille ieunesse.

Or ay-ie tout ce perdu,
 Dont ie suis si esperdu,
 Que ie ne scay que ie face:
 Si briefment ne m'est rendu,
 A mort ie me tien rendu,
 Affin qu'elle me defface,
 Puis que i'ay perdu la grace
 Où ie m'estoye attendu.
 Bien voy qu'elle me prouchasse,
 Dicu vueille qu'ainsi dechasse
 Ceulx, qui m'ont ainsi vendu.

Car sans l'auoir desseruy
 M'ont ilz à tort asseruy,
 Et deserté de plaissance.
 Car i'ay adéz seruy,
 Et moy d'auoir assouuy
 Loyaulment en esperance,
 D'auoir vng pou d'alegeance
 Du mal, dont ie suis le try,
 Par la doulce contenance
 De la meilleur qu'onques vy.

Helas ! & qu'en puis ie faire ?
 N'à qui pourray-ie retraire
 Pour en auoir vengeance ?
 La doulceur & le contraire

Qui m'est à tout bien contraire,
 Et à tout auancement,
 Fors qu'à amours seullement.
 Ailleurs ne m'en puis retraire,
 Si luy supply humblement,
 Qu'il y pouruoit tellement,
 Qu'il leur puist à tous desplaire.

AUTRE COMPLAINTE.

AMis t'amour me contraint,
 Si m'y conuient descrire
 Le martyre qui empire
 Mon cuer, & mon corps estraint,
 De griefueté si l'estaint,
 Que ie ne scauroye eslire
 Le moins pis du grant martyre,
 Ne qui à ioye m'amaïnt.
 Car mon cuer tousdis se plaint,
 Et nulle fois ne desire
 Iouer, rire, mais souspire:
 Car mort m'a vie n'estaint,
 Ne les cent pars de son plaint
 Cuer, penser, ne bouche dire,
 Ne l'escire nul souffire
 Ne pourroit, tant se complaint.
 Qu'à tout heure le laz ploure
 Et deuient plus noir que moure,
 Ne soulas n'est en son pleur
 Qui acqueure ne labeure
 Pour luy, si que le sequeur
 De confort en sa douleur.
 Si s'espleure & demeure
 Si fôrt, qu'en luy ne demeure
 Sang, vigueur, nature, liqueur,
 Sans sueur mort qui seure
 Ne courra par ta demeure,
 Doulx amis, & pour t'amour.
 Se ie ne voy temprement

E E E e e iij

Ton faitiz corps, bel, & gent,
Croy vrayement que longuement
En ce point durer ne puis,
Pour desir qui griefuement
M'assault, & si asprement
Qu'en mon doulent cuer souuent
Morte m'esperance truitz,
Car souuenir ne me rent
Allegement nullement,
Fors grief tourment, qui m'apprent
Hayr mes iours & mes nuits,
Et ie de toy fermement
Ie croy bien que nullement
D'esbatement n'a talent,
Ne qu'en riens te deduiz.

C'est ce dont plus me demente,
Car ie croy,
Doulz amis, que ton cuer sente
Tel ennoy
Pour moy com ie l'ay pour toy
Lasse, chetiue, doulente.
Bien hair ma vie doy,
Quant tous tes maux te presente
Bonne foy:
Car ie t'ayme en vraye entente,
Et tu moy.
Et pource ainsi nous tourment
Le desfroy
De fortune, qui n'a loy
Qui m'eslongne ta iouuente,
Dont tous les iours en reçoys
Sans arroy,
En guises plus de cinquante
Me desuoy.

Amis ie fouloye
Avoir toute ioye,
Quant ie te veoye,
Plus demandoye,
Ne plus ne vouloye:

Souffisance auoye.
C'estoit ce que ie queroye,
Iolie en estoie,
Gaye en dure voye,
Plus simple & plus coye.
Tant en amendoyé,
Que ne le scauroye
Dire, ne pourroye,
que ton gent corps renuoye,
Las! or n'est il voye,
que mon œil auoye,
Comment ie te voye,
Ne comme renuoye
Vers toy: si que i'oye
Ce que volentiers verroye,
Le bien de toy qui m'esioye.
Pource adez lermoye
Mon cueur qui s'auoye
En pleurs, & renuoye
Tous ieux qu'en diroye:
Croire ne pourroye,
Qu'auoir de toy nul bien doy.
Tresdoulx amis,
Ce m'ont transmis,
Et en moy mis
Amour ferme & entiere.
Ton corps faitiz,
Long & traictiz,
Ton cueur gentilz,
Et ta douce maniere:
Qu'à mon aduis
Es assouuis,
A droit deuis
De riche honneur & chiere,
Et est on vis
Qu'auoir te yiz,
Fut ce m'est aduis,
Nature bonne ouuriere.
Si qu'amis n'ayes pensee,

Que pour longue demouree,
Pour fortune la desirée,
Ne pour creature nee
Je mette en oubly:
Car tousdis suis assuree,
M'amour est en toy fermee,
Com vraye amye & amy,
Ne tant com i'auroye duree
N'auray autre amy.
Oublie ta destinee,
Et pense à ta retournee:
Car ioye guerdonnee
Par preneur prise & donnee,
Tien sans loing detry,
Ne comment rien ne m'agree,
Fors toy dont i'ay esplouree
La face, & descoulouree.
Ce n'est pas chose celee,
Bien appert amy.

Amy ne doubter,
Car les boys aller,
Les mons aualler,
Les bestes parler,
Les poissons voler
Verras, quant l'auray:
Le temps arrester,
Vne loy garder,
Enuie finer,
Saine retourner,
Et tarir la mer,
Quant sur tous ne t'ameray.
Si dois conforter
Ton cueur, & doubter,
Et confiderer,
Comment sans faulcer
T'aime, & vueil aimer
De loyal cueur, fin, & vray,
Et laisses ester
Tout ce qu'amender

Ne peuz,

Ne peuz, & penser
Que face muer
En doulx ton amer,
Amis quant ie te larray.

Oncques Tristan ne Lancelot,
Paris, Geneure, Yseult, Helaine,
Point n'ensuyurent le ptopos
De loyaulté, ne loz escloz,
Comme ie faiz, n'à si grant peine.
Car en ioye, paix, ne repos
Pour toy oncques ne me repos,
Amy quant ie te suis loingtaine,
Et quant ainsi te voy enclos.
Mais ie te prometz à briefz motz,
Que loyalle suis & certaine.

Prends confort
En amer fort
En tous cas,
Et au port
De desconfort
Ne va pas.
Se tu y vas,
Tu verras
Son effort,
Et le soulas
Y prendras
De la mort.
Se ton confort,
Et ton ressort
En luy n'as,
Maint deport,
Et maint aport
Y prendras:
Et ne diras,
Chetif, las!
Amour dort
En ses laz.
Nul n'est laz
S'il n'a tort.

FFFFF

Bien croy, que le grant desir,
Que tu as de reuenir,
A fait berfaule
De ton cueur, lequel assault
Par grantayr,
Et qu'il trait pour luy honnir:
Dont il tressault,
Pour souuenir.
Ce me fait tordre & palir,
Guement, plourer, & gemir,
Et en tressault
Faire maint tour & maint sault,
Et maint souspir.
Bien m'en sçay à quoy tenir:
Car tel assault
Tous les iours souffrir me fault,
Et soustenir.

Si bruit mon cueur & taint,
Car tour ainsi comme la cire
Fondre & frire
Tire à tire
Fait le feu, quant il l'ataint:
T'amour, qui en moy remaint,
Fait mon cueur fondre & defrire.
Dieux ly myre
N'y fault myre.
Fors luy qui m'a fait mal maint.
Car desir ne se restraint,
Ains me cuide de seonfire.
Si m'atire,
Et martire:
Mais esperance le vainc.
Or pry Dieu qu'en ton cueur maint
Loyaulté que ie desire,
Si qu'à faulceté ne tire
Pour occire
Le mien dire,
Et qu'à ioye te remaint.

COMPLAINTÉ FAITE À PARIS,
 & présentée à sa Dame l'an mil qua-
 tre cents cinquante deux.

A Mours me fist vn temps si saige
 Depuis que ie l'euz bien seruy,
 Que i'y trouuay tant d'auantaige,
 Qu'oncques ioyeux ie ne m'en vy:
 Ains alors du tout m'asseruy
 A souffrir tout sans mieulx auoir,
 Et se ie ay bien desferuy,
 Ie ne le peux oncques sçauoir.
 Mal & soucy, peine & douleur,
 Dûeil, desesperance mortelle:
 Trembler, palir, muer couleur,
 Fieure blanche continuelle,
 Sont les biens que i'ay pour la belle
 Pieça souffert: las! douloureux,
 La mort pourquoy ne me prent elle,
 Quant amours m'est tant rigoureux?
 Bien deust estre las ce me semble,
 De tant de griefs maux m'enuoyer,
 Qui me queurent sus tous ensemble,
 Et me font plaindre & lermoyer,
 Mon poure cuer en plours noyer,
 Tant que ie meurs ce m'est aduis:
 Pieça l'apris à essayer,
 Dont m'esbahis que tant ie vis.

Reconfort, qui m'eust grant besoing
 Pour aider à mes maux porter,
 M'est & m'a esté tousiours loing.
 Bien m'en puis à Dieu rapporter,
 Et n'ay eu pour moy supporter,
 Qu'espoir mon setours ennuyeux,
 Qui m'a tant veu desconforter,
 Qu'il m'a laissé en plusieurs lieux.

Or amours c'est tout le guerdon,
 Qu'ay de vous eu par tous les Saints,
 Pour vous auoir fait vng tel don,

FFFF ij

Comme de moy mettre en voz mains.
Et fait auez ne plus ne moins
De mon cueur, que se riens n'y eusse:
Toutefois bien le vueil, au moins
Me semble il qu'auoir mieulx en deusse.

Je ne me puis tenir content,
D'auoir des maux à tel planté,
Qu'a mon cueur, qui seuffre & attend
Secours, garisson, & santé.
Long temps a qu'esper s'est vanté
D'y mettre remede, & de brief:
Mais d'acomplir ma volenté
Ne peult encor venir à chief.

Se n'estoit douleur & pitié
Qu'esper dit auoir de sa part,
A iamais auoir bon traictié
Ne m'atendrois, fust tost ou tard.
Aussi courtoisie, que Dieu gard,
M'a fait donner bonne esperance;
Et m'assura par doulx regard,
Voulant qu'en elle eusse fiance.

En elle ie me suis fié,
Dieu luy en doint si bien penser,
Que pour les griefz maux que g'y ay,
Amours si bien recompenser
Me vueille, & de tant m'auancer,
Que ma Dame ait de moy mercy,
En m'alégeant pour commencer
Du dueil, dont mon cueur est noircy.

Dieu, qui tout scet, me soit tesmoing,
Qu'elle a tout mon cueur & amour,
Et que tout mon penser & soing
Y sont sans departir nul iour.
Là fait ma pensée seiour,
Autre ouuraige n'y scet tisser:
Mon cueur luy tient en vng destour,
Dont el ne peut pieça yssir.

Et si ne puis & si ne vueil
L'en oster pour ailleurs le mettre,

Combien qu'assez ennuy & dueil
 L'aye de tant me entremettre.
 Desir me fit ma foy promettre
 De la seruir comme loyal,
 Pour ce me suis voulu soubzmettre
 A endurer trestout le mal.

Loyaulment ie l'accompliray,
 Sans y faire faute nes vne,
 Et par Dieu ie vous seruiray
 Tousiours, ma Dame, comme l'vne.
 Celle est seule dessoubz la Lune,
 Que mon cueur aime plus & veult,
 Lequel sans guerison aucune
 Souffre pour vous le plus qu'il peult.

Oncques, pour mal qui me venist,
 Il n'a peu autrement vouloir,
 Qu'à vous du tout ne se tenist,
 Qu'il n'ait mis tost en nonchaloir
 Tout autre, fors ce seul vouloir
 Qu'il a d'estre à vous ligement:
 Esperant par vous miculx valoir,
 Et en auoir alegement.

Regardez y pout Dieu, ma Dame,
 Et si vueillez de ma destresse
 Auoir pitié: car sur mon ame
 Le meurs d'ennuy & de tristesse,
 Er languis sans auoir liesse.
 Si vous supply en bien seruant,
 Qu'il vous plaise estre ma Maistresse,
 Et que soie vostre seruant.

En vostre mercy me submetz,
 Faictes en co' qu'il vous peult plaire:
 Car sur ma foy ie vous prometiz,
 Que mon cueur sans point l'en retraire
 Du tout auez, quoy que doy faire.
 Mais quant est à mon fait, croiez,
 Que tout prest suis de me deffaire,
 Se brief mieulx ne me pouruoiez.

FFFFf iij

DIALOGVE DVN AMOVREUX,

& de sa Dame.

L'AMOVREUX.

M'Amour, ma Dame souueraine,
 Mon bien , & ma seule plaifance,
 Vueillez ouyr ce qui me maine
 Vers vous, & n'ayez desplaifance
 Se ie vous dy la desplaifance
 Qu'amours me fait pour vous sentir,
 A qui ie fuis fans departir
 Vray feruant : car pour dire voir,
 Vous & luy pouez efouyr
 Mon cueur, ou le faire douloir.

Ne nul autre fors que vous deux
 N'a pouoir de le conforter,
 Ne de le faire douloureux,
 Pour chose qu'on luy peut donner.
 Il vous aime, & vous veult doubter
 Plus que nulle qui soit viuant,
 Et vostre honneur garder autant
 Commé pour soy mefmes feroit,
 Sans en monftrer iour nul semblant,
 Ne pour riens autre n'aymeroit.

Et fi vous ay long temps aimee,
 Sans auoir eu le hardement
 De vous auoir dit ma penfee,
 Ne mon vouloir aucunement:
 Si ay ie porté humblement,
 Et tant que vous plaira feray,
 Les angoiffes qu'en mon cueur ay
 Pour vous feruir. Mais où que foye,
 Loyaulment ie vous aimeray:
 Car mieux faire ie ne pourroye.

LA DAME.

Vous avez bien pouoir de dire,
 Quant à moy, ce qu'il vous plaira,
 Ie ne vous vueil pas contredire:
 Mais certes mon cueur n'aimera,

N'oncques ne fit, & ne fera.
 Ce n'est pas vng que doy aimer,
 Honnorer, cherir, & doubter.
 Et quant vng amoureux fauance
 De choisir Dame, il doit garder.
 S'il peult qu'elle y ait sa plaifance.

Quant à moy ie suis esbahie,
 Dont vous vient ceste volenté,
 Ne comment il vous prent enuie
 De moy aimer en verité.
 Ie ne vous ay semblant monsté,
 Pourquoi me deussiez requerir:
 Ne ie ne veulx pas enquerir,
 Pourquoi vous m'allez requerant,
 Ne parolle vous en tenir:
 Car ce n'est pas chose aduenant.

On dit qu'à vng bon demandeur,
 Qui est hardy de demander,
 Ne fault qu'un bon esconduiseur
 Qui le sache bien reffuser.
 Ie ne suis pas digne d'amer,
 Ne tenir ne vueil ce party:
 Mon cueur ne sera ia party
 Pour vous, ne pour autre, sachez.
 D'autres que vous y ont failly,
 Qui ne s'en sont gueres vantez.

L'AMQVREUX.

Bien sçay que ne suis pas assez
 Bon, & vaillant pour vous aimer:
 Car ie sçay bien que vous auez
 Des biens assez pour surmonter
 Toutes Dames, qui'en aimer
 Ont leur cueur & leur gentillesse.
 Si vous supplie ma Maistresse,
 Que ne vueillez auoir regard
 A ma folleur, n'a ma rudesse,
 Mais m'enuoyez vng doulx regard,
 Qui vienne de voz rians yeulx,
 Pour me conforter doucement:

Je ne vous requiers pas de mieulx,
 Belle Dame, quant à present.
 Mais se ie fuis entierement
 Vostre seruant à rousioursmais,
 Mon cueur que tout entier vous laiz
 Vous seruira, ma Dame belle:
 Esperant qu'ayez de ses faictz
 Mercy, sans Danger le rebelle
 Qui m'a greué trop long temps a,
 Et fait souffrir mainte douleur,
 Et si ne sçay s'il voudra ia
 Consentir qu'aye vostre amour,
 Se ie vous feiz oncques faulx tour,
 Bannissez moy de vostre office,
 Et vers vous n'aie point d'office:
 Si seray de tous points rusé,
 Et viuray comme fol & nice,
 Et comme homme tout reffusé.

LA DAME.

Amy, se ie vouloye auoir
 Des seruiteurs, bien en auroie
 Qui auroient bien tout le pouoir
 De faire ce que ieouldroie,
 Mais mon cueur changer ne pourroie:
 Car pieça ie l'ay accordé,
 Et à vng autre l'ay donné,
 Qui me souffit pour ma plaifance.
 Si n'estes vous pas bien aduisé,
 De luy pourchasser tel greuance,
 Veu qu'il ne pense pas à vous
 Maintenant, ie le sçay de voir,
 Et si n'en est mie ialoux,
 Je m'en puis bien apparecevoir,
 Se vous le voulez decevoir,
 Et aussi c'est trop grand folie.
 Ostez vostre melencolie
 De ce fait cy, plus n'y pensez,
 Et allez choisir autre amie:
 Car vous en trouuerez assez

De bon-

De bonnes & de gracieuses,
 Plus belles que moy la moitié,
 Et qui seront moins dangereuses
 De faire vostre voulenté.
 S'il eschiet que ie n'aye esté,
 Ou que ie ne suis de present,
 Ne me requerez plus auant
 De ce qu'avez tant attendu,
 Ce dictes vous, ou autrement
 Bien assailly bien deffendu.

L'AMOVREUX.

Bien deffendu bien assailly.
 Ma Dame vous m'ameriez,
 Et auriez de moy mercy,
 Ne ia dangier vous n'en feriez,
 Pource que pas vous ne voudriez
 Cet tien-ie ma destruction:
 Car vous avez le cueur si bon,
 Comme Dame le peult avoir,
 Et aussi vostre bon renom
 Ne vaudroit ia mieulx de valoir.

Quant de mon pouoir vous chery,
 Et vous ayme & crains com celle
 Que mon poure cueur a choisi
 Entre les autres la plus belle,
 Pour luy donner ioye nouvelle:
 Se vous consentiez à ma mort,
 Et que vous en fussiez d'accord,
 Par le moyen de vostre vueil:
 Je vous promets, vous auriez tort,
 Car i'ay pour vous assez de dueil.

Et quant ce vient au fort aller,
 Faictes en ce qu'il vous plaira:
 Car ie ne vueil pas ordonner
 Contre ce quele cueur voudra,
 N'amours, quant il me commanda
 Que vostre fusse entierement
 A tousiours sans departement,
 Et que vous seruiss & aimasse,

G G G gg

Ne me conseilla nullement
Que vostre bon cueur refusasse.

LA DAME.

Beau frere, tresbien est mon gré,
Que vous vous deportiez à tant,
Et que il n'en soit plus parlé
De ce faict cy, ne peu ne grant.
Ne me requerez plus auant,
Souffise vous ie vous en prie:
Car se pour vostre maladie
Venez cy pour Mire querir,
Ie vous responds bien qu'en amie
Vous n'autre n'en pense à guerir,
Au moins de chose qui me touche,
A deshonneur aucunement:
Et si n'ouuriray ja ma bouche,
Que ie puisse, à mon escient,
Par amour, ne par mal talent,
Pour rien qui soit vous accorder.
Ie suis où ie vueil demourer,
I'ay affaire à qui bien me plaist:
Prenez en gré le refuser,
Ce poise moy s'il vous desplaist.

Car chose en vous ne sçay pourquoy,
Qui ne soit bonne & gracieuse:
Et si vous iure par ma foy,
Se ie vouloye estre amoureuse,
Ie seroye bien enuieuse
Que vous me voulussiez amer,
Et vostre amie reclamer
Hors du parler des mesdisans.
Mais ce me pourroit trop greuer,
De les en faire voir disans.

L'AMOUREUX.

Helas! ma Dame, & ma Maistresse,
Puis que vostre plaisant ieunesse
M'a mis en tel point que ie suis,
Hors de toute ioye & liesse,
Pour me donner pleurs & tristesse

Si largement, que ie ne puis
 Auoir bons iours ne bonnes nuitz,
 Ne viure fors qu'en desplaisance,
 Et si n'est mie en ma puissance
 Qu'yne heure puisse reposer,
 N'auoir ailleurs nulle esperance
 D'auoir de mon mal allegeance,
 Vueillez moy guerison donner.

Car si il ne vous plaist moy guerir,
 Et ma douleur faire finir
 Par vostre beauté amoureuse,
 Je vous iure que sans mentir
 Il me conuiendra brief finir
 Par vne douleur sauoureuse,
 Se vous n'estes de moy piteuse,
 Qui me tient, dont i'ay grant merueille:
 Car quant ie me repose ou veille,
 Desir de plus en plus m'assault
 Pour moy donner ce qu'il me fault.

Mais ie ne scay quant ce sera,
 Ne se vostre douceur voudra
 Entendre mes piteux reclaims.
 Je cuide bien qu'il me faudra
 Selon ce que ie voy desia
 Croistre d'oresnauant mes plains.
 A vous seule ie me complains
 De la durté qui me fait plaindre,
 Souspirer, & gemir, & taindre:
 Et si n'en faictes nul semblant
 De ma douleur vouloir estaindre,
 Ne vostre volenté refraindre,
 Dont ie languis en vous seruant.

LA DÂME.

S'ainsi est que vo cueur se dueille,
 Et que bien largement recueille
 Du desplaisir, qu'en puis-ie maiz?
 Est-il donc force que ie vueille
 Vous allegier, & que racueille
 En mon cueur vos piteux regrez?

GG Ggg ij

Par moy ne sont pensez ne faiz,
 Combien qu'assez vous m'avez dit,
 Que quant vous estes en vo lit
 Vostre cueur tressault tant est fado.
 Mais ie cuide bien qu'il se rit,
 Ou fil a mal, il est petit:
 Car vous n'estes pas si malade.

Que languissez en moy seruant,
 Ne me seruez en languissant,
 Il ne se pourroit pas bien faire:
 Car oncques iour de mon viuant
 Je ne vous monstray nul semblant,
 Ne chose ne fiz pour vous plaire.
 Aussi suis-ie de rude affaire,
 Peu-scaichant & mal amoureuse,
 Et de moy garder enuieuse.
 Cuyde chascun ce qu'il voudra,
 S'on dit que ie suis desdaigneuse,
 Ou que ne suis humble & piteuse,
 De vous, ou d'autre, on le verra.

Au bien fait doit estre l'honneur,
 Et la largesse est au donneur:
 Je l'ay autresfois ouy dire.
 Je n'ay à nul homme faueur,
 Ne par amour ne par cremeur,
 Tienne sen qui voudra de rire:
 Ne ie n'ay pas vouloir d'eslire
 Seruant, à qui face largesse
 Des biens, qui viennent de noblesse.
 Femme ne doit pas estre large,
 Ne subiecte où elle est maistresse,
 Et qui la poursuit de promesse,
 Face de loyauté sa targe.

L'AMOUREUX.

Est-ce doncques vostre vouloir,
 De faire ainsi tousiours douloir
 Mon cueur, pour aymer loyaulment,
 Sans que ie puisse appétcevoir
 Vng seul confort, ne recevoir,

De vostre gracieux corps gent?
 Puis qu'il vous plaist, i'en suis content
 Faictes en vostre voulenté:
 Car i'ayme mieulx par vostre gré
 Mourir, que pour nul autre viure.
 Quant ie n'ay de mon mal santé,
 N'estre ne puis reconforté
 I'ayme mieulx en estre deliure.

Car puis que pitié ne consent,
 Et que franchise n'est content
 Que vostre douceur me sequeure,
 Il me vault mieulx tout à present
 Mourir, qu'attendre longuement:
 Quant ie n'ay bon iour ne bonne heure,
 Ne l'ardant desir, qui demeure
 En mon cuer, ne peult estre estraint,
 Tant est de vostre cuer atteint.
 Belle vueillez y prendre garde,
 Et regardez bien fil se faint:
 Car il a dedans luy empraint
 Vo semblant que tousiours regarde.

Et si grant doubte ay de faillir,
 Que souuent me font tressaillir
 Amours, qui me liurent l'assault,
 Et qui me viennent assaillir
 Si fort, que ne m'en puis saillir,
 Ne moy deffendre, ains en sursault
 Vng souuenir de mon cuer fault,
 Qui me dit que ie garde bien
 L'honneur de vous, & que pour rien
 Ie ne descouure à nul m'entente:
 Et espoir me redit, si bien
 Sers tousiours, & loyal te tien,
 Afin que grace t'en contente.

LA DAME.

Si bien secretement aimez,
 Et bien loyaulment vous seruez,
 Ie n'en ay pas gramment affaire:
 Ouse bien en gré vous prenez,

G G G g g iij

Où à mal ce que vous ayez,
 Il ne me plaist ou doit desplaire.
 Car ie n'ay pas pris à parfaire
 Ce qui fault de vostre pensee,
 Ne ie ne feray ia blasmee,
 Pour nul homme qui n'aura tort.
 Quelle que soit la renommee,
 Ie feray loyalle trouuee,
 Puis que mon cueur en est d'accord.

Et parle qui parler voudra,
 Car ia nul ne se vantera
 A droit de moy de nulle chose,
 Ne ia parolle n'en dira,
 Que quant vng noble cueur l'orra,
 Qu'il me die, qu'elle est enclose
 En honneur où mon cueur repose,
 Que i'ayme & tousiours aymeray.
 N'oncques ne fiz ne ne feray,
 Sans auoir en moy telle tache.
 Mon fait en ce point conduiray,
 Se Dieu plaist, tant que ie viuray,
 Ie vueil bien que chascun le sache.

L'AMOUREUX.

Est ce droit que pour bien aymer,
 Et par longuement endurer
 Des douleurs, & des maux foison,
 Vostre beaulté, qui est sans per,
 Et vostre gracieux viz cler,
 Me feissent perdre ma raison?
 Ie cuyde que n'est pas raison.
 Mais amours qui scet la querelle
 De mon desir, & de vous belle,
 Me vueille faire droit de celle
 Qu'à tort ie treuve ainsi rebelle,
 Pour qui iuge ie le reclame
 De ce forfait & grant diffame.
 Car il scet que tousiours endure
 Vne douleur, qui est si dure,
 Et que i'ay tousiours eu dure

La peine, l'ennuy, & l'ardure
 qui asprement en mon cuer dure,
 Et longuement ia a duré:
 Par ce que ie suis aduré
 En desplaisir & en tristesse
 Par vous, ma Dame, & ma Maistresse,
 Ma chier té, mon bien, mon confort.
 Se vous ne faiâtes que brief cesse
 Ma trefdouloureuse destresse,
 Je n'attens plus rien que la mort..

Si sera pour vous vng beau fait,
 quant vous aurez ainsi deffait
 Celuy qui vous a tant amee:
 Quant rien il ne vous a meffait,
 Mais a seruy sans nul forfait,
 De cuer, de corps, & de pensee,
 Tant que ma tristesse est doublee,
 Ne guerison ne scay trouuer.
 Amours vueillez moy conforter,
 Regardez mon cuer qui se pasme,
 Qui est tout fin prest de finer,
 Et de mourir de dueil amer
 Pour vous, pour l'amour de ma Dame.

LA DAME.

Dea, pourquoy dictes vous, amis,
 Que par moy il vous est du pis,
 Et qu'en perdez vostre saison?
 Car oncques mal ie ne vous fiz
 En faiz, en pensee, n'en diz,
 Ne ie n'en euz intencion.
 Mais se vostre condicion
 Est d'amer si legierement,
 Sans auoir nul commencement,
 I'ose bien dire deuant tous,
 Que s'il vous vient soubdainement
 Du desplaisir bien largement,
 Vous ne deuez blasmer que vous.

Je suis franche, de tous exempte:
 Fors que d'vng, & si est m'entente

D'acquérir vostre renommee,
Je ne vueil que nul ait l'entente,
Que par moy ne par mon fai& sente.
Si ay ma voullenté fermee,
Et mon cueur en est bien content.
Si n'est-ce mie par mal talent
Que i'aye à vous, ie le vous iure,
Ne pour vous hayr nullement:
Et aussi le mal est neant
Que par longuement y ne dure,
N'oncques ie n'en vy nul mourir
Par deffaulte de secourir,
Tant eut desplaisance & ataine,
Ne point de si fort arguir,
Qu'on ne le fist bien eslouyr
A auoir santé toute plaine.
Ce n'est qu'un peu de plaisant peine,
Qu'amours aucunesfois enuoye,
Mais quant à moy rien ne feroye.
Aussi auez vous autre amie,
Qui vous peult bien remettre en ioye,
Cent fois mieux que ie ne scauroye,
Et oster vostre maladie.
Tristesse part d'elle
Au departir.
Pres que partir
Son cueur cuida,
Tant endura
De desplaisir.
Tout son plaisir
Print à suiur,
Et le laissa
Au departir.
Oncques martyr
Tant à souffrir
N'eut ne n'aura.
Il desira
Cent fois mourir
Au departir.

LE

*LE REGRET D'VN AMOUREUX
sur la mort de sa Dame.*

Pour resister à desespoir,
 Qui me combat par desplaisance,
 Tout armé de triste vouloir,
 Monté sur cheual d'inconstance,
 Ay prins vn peu de resourance
 A combattre contre la mort,
 De parole, non pas de lance:
 Car elle m'a greué à tort.
 Si ne puis ma melencolie
 Dissimuler aucunement,
 Ainçois est mon ame rauie,
 Et ay perdu l'entendement.
 Mon cueur gist souz le paucement
 Auecques la plus excellente
 Qui fust oncques au firmament,
 Et ie ne croy pas que ie mente.
 Sin'est demouré que mon corps,
 Et mes membres sont tous perclus,
 Tous heletez, & demy mors,
 Et s'affoiblist de plus en plus.
 Je vouldroye estre reclus,
 S'à mon honneur faire l'oseye.
 Si passeroy-ie le surplus
 De mon temps sans demener ioye.
 Mais puis qu'il me faut demotrer
 Encores en ce monde cy,
 Soubz beau semblant me faut plourer
 Du cueur, & courir mon soucy.
 A la Dame sans nul mercy.
 De parole ne vueil combattre,
 C'est à la mort qui m'a ainsi
 Nauré pour mon plaisir abatre.
 Si me conuient reconforter
 De moy mesmes comme ie puis,
 Et vng peu de dueil porter,
 Et le desplaisir où ie suis.

HHHh

Je ne puis miculx à mon aduis
 Mon dueil delaier & passer,
 Qu'à faire balades & ditz,
 En la regrettant sans cesser.

O mon cueur, comment pourras tu
 Le bien d'icelle reciter,
 Qui auoit toute la vertu
 Qui en femme peult habiter?
 Quant tu te vois desheriter
 De sa tres-plaisante acointance,
 Comment pourras tu respiter
 Ton mal, & faindre ta greuance?

Las bouche, que pourras tu dire
 De celle, qui si doucement
 A la fin t'a voulu escrire,
 Et mander son departement?
 Je sçay bien tout certainement,
 Que son nom nommer ne pourroye:
 Car au proferer seulement,
 Je croy que ie me pasmeroye.

Pource d'elle parler ie vücil,
 Comme fit Dieu à nostre Dame
 En croix, pour estancher son dueil:
 Car il ne l'appella que femme.
 Si ay bon espoir que son ame
 Soit là sus au trosne diuin:
 Car onques elle n'eut diffame.
 De bonne vie bonne fin.

Premierement en sa ieunesse
 Fut si plaine de courtoisie,
 Que sa douceur & sa simpleesse
 Demonstroit sa parfaicte vie.
 De beauté fut elle garnie
 Plus que nul ne pourroit comprendre:
 Car sa chiere douce & polie
 Faisoit tous cueurs d'amours esprendre.

Je ne croy pas qu'en tout le monde
 Eust aussi belle cheuelure,
 Car elle estoit doree & blonde

Oultre l'vsage de nature.

Ha/mort plaine de forfaiture,

Comment oses tu assaillir

Vne si belle creature,

Et faire sa beaulté faillir?

Ha ! dure mort, ie m'esmerueille

Comment tu oses effacer

Vne couleur si tref-vermeille,

Qui souloit les autres passer.

Helas! ie ne me puis lasser

De toy blasmer, mort tref-diuerse.

Que ne me faiz tu trespasser,

Par ton dart, qui mon cueur trauerse?

Où as tu mis le luminaire,

Et la clarté de ses deux yeulx,

qui enluminoit son viaire

Si clerement, qu'on ne peult mieulx?

Où sont les sourcilz gracieux,

Noirs & velus modérément?

Helas! ie suis si ennuieux,

Quant g'y pense le cueur me fent.

Sa petite bouche & traïctice,

Ses baulieures bien colorez,

Son manton fourchu & propice,

Tu les as tous deffiguez.

Tes ministres desmesurez,

Qui sont langour & maladie,

Ont tous ses membres empiréz,

Et tu luy as tollu la vie.

Mort desloyalle, i'en appelle,

Se receuoir veulx mon appel:

Car certes tu es trop cruelle,

Ton ieu ne me semble pas bel.

Helas! & se ie suis mortel,

Et tu as sur moy seigneurie,

Frappe moy de ton dart cruel,

Si iray auecques m'amie.

M'amie est elle vrayement,

Voire en bien & en tout honneur:

HHH h h ij

Car ie prens sur mon sauueement
 Qu'oncques n'y pensay deshonneur.
 Helas! princeſſe de douleur,
 N'auras tu point pitié de moy?
 Ie te presente mon malheur,
 S'il t'agrée, ſi le reçoÿ.

Tu as prins vn corps ſi parfait,
 Vne ſi tref-plaiſant image,
 Vng ſi beau viſage defait,
 Et deſollé vng tel ouurage:
 Vien pour acheuer mon ouurage
 Contre moy, & me rens confus:
 Ie te laiſſe pour heritage
 Mon cueur, que i'ay mis en reſſus.

Ha! faulce mort, tu es trop lente
 A aſſaillir les langoureux.
 Tant plus la perſonne eſt dolente,
 Tant moins eſt ton dart rigoureux.
 Mais tu aſſaulx les amoureux,
 Et ceulx auſſi qui ſont en ioye:
 Car quant aucun cuide eſtre heureux,
 Adonc tu te mets en ſa voye.
 Ie ne me puis aſſez complaindre
 De toy & de ta cruauté,
 Ne ie ne puis mon cueur eſtandre
 De blaſmer ta deſloyauté.
 Et quant ie penſe à la beaulté
 Que de mes yeulx ie regardoye,
 Et à la parfaicte bonté
 Qu'en elle iadis ie trouuoÿe:

Certainement il m'eſt aduis
 Que le cueur me doit hors partir,
 Car par la douleur où ie ſuis
 Me puis dire plus que martyr,
 Par le mal qu'il me fault ſouffrir
 Quant ie penſe que ie ſouloye
 Deuiſer tout à mon plaiſir
 A elle, comme ie vouloye.
 Le cueur me fault certainement;

Je n'ay puissance de le dire:
 Si me conuient tout bellement
 En soulageant mon mal escripre,
 Et diffimuler mon martyre
 Deuant les gens, qui plus me grief.
 Car où ie fais semblant de rire,
 J'ay tousiours mon cuer en meschief.

Helas! mort impetueuse,
 Douloureuse,
 Remplie d'iniquité:
 Tu es trop fort ennuyeuse,
 Et hayneuse,
 Et mere de cruauté,
 Quant par ta desloyauté
 M'as osté
 Tout le soulas de ma vie,
 Et en ma prosperité
 M'as bouté
 Du tout en melencolie.
 Tu m'as bien mis en pensee,
 Quant cessée
 Est la ioye de mon cuer,
 Et la belle trespassee,
 Trespercee
 As mon ame de douleur.
 En prison & tenebreux
 De langueur
 M'as enfermé si très-fort,
 Par le glaive de rigueur
 Sans douceur
 M'as presque nauré à mort.
 Mais certes tu n'as riens fait,
 Se par fait
 N'est ton oultrageux ouurage
 Sur moy, qui n'ay riens meffait:
 Car deffait
 Suis par ton fier vasselage.
 L'en appelle en mon courage,
 Mort sauuage,

HHHhh ij

866 LE REGRET D'VN AMOVR.

Tant plus redoubloit mon talent
D'auoir honneur.

Or est mon cuer mis à douleur,
Et ne treuve plus de saueur
En quelque chose que ie voye
Pour le present.

Helas ! il me fust trop meilleur,
Que ie peusse finer mon pleur,
Mourir avecques vous à ioye
Bien briefuement.

Pour tout plaisir ay-ie dueil angoisseux,
Pour tout desir rage desmesuree,
Grief desespoir en lieu de cuer ioyeux,
Forcenment pour courtoise pensee,
Langueur sans fin pour vie assuree,
Plaine de plour, d'angoisse, & de torment,
Pour tout espoir la vie malheuree
Me fault souffrir perpetuellement.

Pour tout soulas ay-ie cuer douloureux,
En lieu d'esbat viuant obscurément,
Pour beau maintien ay le corps tenebreux,
Prest à perir sans nul allegement,
Plainte durant continuellement:
Mais sans moyen impossible à guerir
Me fault souffrir perpetuellement,
Et si ne puis ne garir ne mourir.

Fiere durté pour regrets amoureux,
Et voullenté de ioye separee,
Triste penser, & regret rigoureux,
Passe regard pour face colorée,
Angoisse grand en las cuer enserrée,
Plaine de dueil & d'esbahissement,
Pour bien mondain la mort tres-desirée
Me fault souffrir perpetuellement.

Courroux amer pour semblant amoureux
Ie porte appert, non pas couuertement,
Morne maintien pour baiser chaleureux,
Aigre soucy pour resiouyssement,
Pour bon souhait espoir mal & dolent,

Dure

Dure rigueur qui tout bien fait tarir
 Me faut souffrir perpetuellement,
 Et si ne puis ne guerir ne mourir.

En lieu de ieu soucy tref-ennuieux,
 Pour souef dormir tref-diverse nuitee,
 Pour reposer tressaillir entredeux,
 Pour vn li&t mol bierre tref-mal ouuree,
 Fieures bouillans qui tousiours ont durée,
 Labour en vain en lieu d'esbatement,
 Pour les yeulx vers chiere trefslangoree
 Me fault souffrir perpetuellement.

Trouble conseil, vouloir iniurieux,
 Pour heur malheur infortunément,
 Et grief trauail pour ennuy gracieux,
 Loing reculer en lieu d'auancement,
 Et tout le mal qu'on peult entierement
 Dire, penser sans espoir d'en issir,
 Me fault souffrir perpetuellement,
 Et si ne puis ne guerir ne mourir.

Et se iamais ie ne cessioie
 De me plaindre piteusement,
 Assez exprimer ne pourroie
 Le dueil de mon entendement:
 Qui est si grief que vrayement
 Cœur d'homme ne le peult penser,
 Et cuide bien certainement
 Que c'est pour ma mort auancer.

Or ne sçay ie plus que ie doye
 Faire, dire, ne deuenir:
 Je metz en refuz toute ioye
 Desormais, pour dueil maintenir.
 Je me puis dire sans mentir
 Cheualier noir aux blanches armes,
 Aussi bien me faut il mourir:
 Car toutes choses ont leurs termes.

O Dieu, ie te prie humblement,
 Puis qu'auoir ne puis allegeance
 De mon tref-merueilleux tourment,
 Et de ma griefue desplaisance:

IIIIi

Quant i'auray fait ma penitence,
 Et passé la fin de mes iours,
 Qu'auoir ie puisse demourance
 Auecques elle pour tousiours.

Car ie cuide certainement
 Pour le bien qui estoit en elle;
 Que son ame soit seurement
 En la ioye perpetuelle,
 Comme nette, plaisant, & belle,
 Et de tout vice deschargee,
 Et ie soustiens ceste querelle
 Qu'elle doit estre bien logee.

Si requiers à tous amoureux;
 Qui aiment en bien & honneur,
 Et semblablement à tous ceux
 Qui d'amours ont nauré le cuer:
 Qu'ils reçoient ma grant douleur
 En pitié & compassion,
 Et qu'ils vueillent en ma faueur
 Prier pour sa saluation.

Car ie sçay que ma maladie
 Ne pourroit garison auoir.
 Si me conuient passer ma vie,
 Et mon mal en gré recevoir.
 Pour confort auray desespoir,
 Et pour soulas melencolie,
 Cueur esbahy pour hault vouloir,
 Et paour pour ma cheualerie.

Si auray son nom en escript
 Dedans mon cuer au plus parfond,
 Et seray rauy en esprit
 Comme cuer qui en larmes fond.
 Mes douleurs renouelleront,
 Et ma ioye s'eslongnera:
 Ainsi que les iours s'en iront,
 Ainsi mon soucy doublera.

O tres-hault Dieu, ie te supplie,
 Quant viendra la fin de mes iours,
 Et que le temps de ceste vie

Aura en moy passé son cours,
 Qu'il te plaife donner secours
 A mon pource cuer ennuyeulx,
 Et qu'elle & moy ayons secours
 Là fus au throsne glorieux.

BALADE A CE PROPOS.

EN approchant le pays & la terre,
 Auquel jadis mon cuer laisser fouloye,
 Regret m'affault, & pitié me fait guerre,
 Pleure, gemis, & n'est homme qui l'oye.
 De ioye auoir à peine me saouloye,
 Mon cuer rioit pour celle qui jadis
 M'entretenoit ainsi que ie fouloye
 En tout honneur, & en faiçts & en diçts.

La mort, hélas! a pris, pour moy conquerre,
 Son dart poignant, qui contre nul ne ploye,
 Par grant rigueur est celle venu querre
 Qui me gardoit en tous lieux où i'alloye.
 Loing de son corps souuent d'elle parloye
 Entre mes dents, desirant entandis
 L'heure & le temps que ie la reuerroye
 En tout honneur, & en faiçts & en diçts.

Or ne puis plus de son estat enquerre,
 I'en sçay trop plus que sçauoir n'en vouldroye.
 Je sçay sa mort, dont fort le cuer me serre,
 A quoy donner remede ne pœurroye.
 Bien dire puis que iamais ne prendroye
 Plaisir en riens, le iour que la perdis
 Car sur ma foy loyaulment ie l'amoye,
 En tout honneur, & en faiçts & en diçts.

Le Dieu d'Amours par son plaisir m'octroye.
 Dame trouuer, par qui soye remis
 En bon espoir de recouurer ma ioye,
 En tout honneur, & en faiçts & en diçts.

IIII ij

VNe douce plaissant nominatiue,
 Dont i'y entendz former vng genitif,
 Si que l'amour me demourra datiuë,
 Maulgré dangier ce faulx accusatif,
 Par son doux oeil & regard vocatif
 Me fait vouloir qu'elle soit ablatiue:
 Et si luy plaist de m'estre substantiue,
 En la seruant me rendray adiectif:
 Mon cueur luy don par amour transitiue,
 Pour assembler la passiue en l'actif.

A son maintien me semble indicatiue,
 Que de moy veult faire l'imperatif.
 Amour luy doint tant en estre optatiue,
 Que de deux meufz faisons vng coniunctif,
 Tant que ce fait demeure infinitif.
 Ma volonté luy sera relative,
 Et s'elle en est premier inchoatiue,
 Aussi en est mon cueur meditatif,
 De luy donner forme frequentatiue,
 Pour assembler la passiue en l'actif.

Se de bonté elle m'est positiue,
 De loyauté luy suis comparatif,
 Quant de beauté est la superlatiue,
 Pour doucement faire vn copulatif
 De deux amans iusqu'au diffinitif,
 Puis qu'ilz ont temps & espace explectiue,
 Et sont d'accord que l'une premitiue
 Soit attendant l'autre diriuatif.
 Ces choses seruent en infinitiue,
 Pour assembler la passiue en l'actif.

Prince, on peult bien quant c'est chose hastiue,
 Cōbien qu'amours change en diminutiue,
 Souuent faire du propre appellatif,
 Et d'autre part la Dame acquisitiue,
 Pour assembler la passiue en l'actif.

AVTRE BALADE.

SE fortune m'a ce bien pourchassé
 Enuers amours, qui tant m'ont soustenu,
 Que vostre vueil soit au mien enchassé,
 Le plus heureux comme le chier tenu,
 Vostre loyal seruiteur retenu,
 M'amour, mon bien, où sont tous mes apuiz:
 Si me semble-il que riens n'ay obtenu,
 Puis que de vous approcher ie ne puis.

Enuie m'a durement dechassé,
 Tant qu'à peine me suis-ie reuenue
 De la langueur où dueil m'auoit chassé,
 Sans concevoir que soye deuenue.
 Mais de mes maux il vous est souuenue,
 Si m'est allé de mieux en mieux depuis:
 Combien, Dame, que ce m'est mal venu,
 Puis que de vous approcher ie ne puis.

Sobre amer dueil en amours exaulcé
 Mot, vng tandis, puis à coup descongneu,
 Comme l'arbre de terre deschauffé,
 Qu'on veult tirer, & qui est incogneu:
 Tout vng de moy, se ie suis mescogneu,
 Mieux me vaudra gester dedans vng puis,
 Et ne viure tant que soye chenu,
 Puis que de vous approcher ie ne puis.

Princesse, las ! selon ce contenu,
 Mourir m'en vois le chief sur le chapuis,
 Les yeulx bandez, à force detenu,
 Puis que de vous approcher ie ne puis.

AVTRE BALADE.

FY de ce May qu'on clame si courtois,
 Fy de Venus & de la beauté d'elle,
 Fy d'osperuiers, de faulcons, & piuois,
 Fy de harper, de chanter de vielle:
 De tous oyseaulx, excepté l'arondelle,
 De moy-mesmes dis-ie fy par mon ame,

IIII ij

Si fais-ie aussi d'amours, aussi de Dame.

Fy de tous jeux, de chansons, de reuois,
Fy de Pallas, & de la beauté d'elle,
Fy de ioustes, de dancés, de tournois.
Et si dis fy de la façon nouuelle:

Si fais-ie aussi, de celui ou de celle,
Qui loyauté maintiendra iour ne terme,

Si ~~fay~~-ie aussi d'amours, aussi de Dame.

Et s'en dis fy, se plus ne la reuois,
Pas ne feray comme la turtrelle:
Ains sembler vueil au rossignol du bois.
Car aussi tost qu'a fait de sa femelle,
Sifflant s'en va, & luy monstre son aesse,
Lireau luy fait, combien que soit diffame,
Si fais ie aussi d'amours, aussi de Dame.

BALADE COVRONNEE.

A Mours me fait
Vers vous venir

En cueur parfait,

Mon souuenir,

A soubuenir

Reffuz n'auetz.

I'en suis sauuez.

A brief remour:

Garder scauez

Loyal amour.

Rien n'est si fait

A maintenir,

Com par bien fait

Iusqu'au finir

Amy tenir,

Prendre esprouez

Les biens prouuez:

En ma clamour

Ne reprouuez

Loyal amour.

Dame d'amer deesse,

Pour vostre grace auoir
 Vous offre ma ieunesse,
 Mes biens, & mon auoir.
 Vous puez tout pour voir,
 Rien n'y peult contredire.
 N'est salut interdire
 Par vouloir curieux,
 Sans meffaire ou mesdire
 En cuer religieux.

Amoureuse Princeſſe,
 Par anſoureux deuoir
 Vous ſeruir en lieſſe
 Il n'eſt meilleur deuoir.
 Vueillez m'y receuoir,
 Et non pas eſcondire,
 A ſeruir ſans deſdire
 N'ay vouloir vicieux,
 Que ie ne meure d'ice
 En cuer religieux.

Art contrefait
 Deuez banir,
 Orgueil forfait
 Me fait paſmir.
 Ioindre & vnir
 Ne me deuez,
 Vcoir le deuez
 Sans grand demour:
 Tout conceuez
 Loyal amour.

Amoureuse Princeſſe,
 Madame à dire voir,
 Qui mal penſer ne ceſſe,
 Ne vous peult deceuoir
 Par feffuz ou non voir,
 Com mauuais eſcondire.
 Vicieux tous mauldire
 Vueille le Dieu des dieux,
 A vng mot ſans plus dire
 En cuer religieux.

808 RONDEAUX.

Prince parfait, ioyeux,
Dix fois, se pouvez lire,
Trouuerez esdits lieux,
Soit bien ou mal eslire
En cueur religieux.

RONDEAU.

La mercy Dieu ie vis tousiours,
Quelque desplaisir que ie porte:
Bon vouloir ma douleur supporte.
Mais i'ay passé tous mes bons iours,
Sans auoir ayde ne secours
Doulcement mon temps ie deporte.
La mercy Dieu.

Ie n'ay plus que faire d'amours,
Desormais ne m'en plaist la sorte:
Aux autres du tout m'en rapporte,
Car quant à moy i'ay fait mon cours.
La mercy Dieu.

AUTRE RONDEAU.

Sur ma foy, ma Dame,
J'ayme tant vostre œil,
Que par son accueil,
Vostre ie me reclame.

Ie sçay bien pourquoy
Ie vous ayme fort,
Car quant ie vous voy
Mon cueur est d'accord.

Se may vostre Dame
Aymer ie vous vueil,
Par ioye ou par dueil
Sans laisser pour ayme.
Sur ma foy.

AUTRE

AVTRE RONDEAU.

* **E**N seruant ma Dame & Amours
Piteusement se vsent mes iours,
Languissant en douleur cruelle,
Sans nul confort de luy ne d'elle,
Loing d'alegeance & de secours,
Qu'à humble pitié n'ay recours
De toute ma paine & labours
Tenant l'amoureuse querelle.

En seruant.

Tous mes plaisirs vont à decours,
En moy se doublent plains & plours.
Ainsi n'est ma fortune telle,
Qui me sera la fin mortelle,
Si briefuement ne cesse son cours.

En seruant.]

* Adionste
nouuellement
du Ms.

AVTRE RONDEAU.

* **A**L'arme, espoir, pitié, & mes amis,
Armez vous tost: car reffuz & dangier
Se mettent sus, pour vouloir estrangier
Mercy d'un cueur, à qui me sens souz mis.
Las! s'ils le font, venir ne me peut pis,
Mourir m'en fault, ja mieux auoir n'en quier:

Alarme.

De tous amans sont mortels ennemis,
Vous le sauez, & pour ce vous requier
Que me vueillez si vraiment aidier
A ce cop cy, qu'ils soient desconfis.

Alarme.]

* Aussi ad-
ionste du
Ms.

Fin des Oeuures de Maistre Alain Chartier,

Clerc, Notaire & Secretaire des Roys

CHARLES VI. & VII.

KKKkk



ANNOTATIONS

SVR LES OEUVRES DE
MAISTRE ALAIN CHARTIER.

SVR L'HISTOIRE DV ROY CHARLES VII.



*L*e tint sur les fonds Meſſire Charles Seigneur d'Albret, cousin germain du Roy Charles Bien-aimé VI. de ce nom.] L'Exemplaire à la main, duquel ie me ſuis ſeruy pour la correction de ceſte Hiſtoire, & qui ſemble eſcrit & additionné de la propre main de l'Auther, appelle touſiours ce parrain du Roy Charles VII. Charles Seigneur de Lebreſ, & non d'Albret. Ce qu'oſervent auſſi quelques Eſcriuains modernes, leſquels

PAG. 2.

ont eſcrit en Latin. Signamnt Heruier de Berne en ſon Panegyrique des Comtes de Dreux & d'Orual, qu'il adreſſe à Guy de Lual Comte d'Orual, imprimé l'an MDXLIII. à Paris chez Viuant Gautherot. Car il y nomme par tout Iean d'Albret ſils d'Arnaud Amemon d'Albret, qui fut ſils de Charles Seigneur d'Albret, & petit-fils de Charles Conneſtable de France, *Ioannem Lebreſi*, ou à *Lebreſi*; & la famille d'Albret, *gentem Lebreſam*. Mais les anciens ſiltres ſemblent conuenir, & rapporter dauantage au mot d'Albret, l'appellâs en Latin *Alesbertum*. Et en ay remarqué vn entr'autres de plus de quatre cêts cinquâte ans, bien que ſans date, au Chartulaire de la Maiſon-Dieu de Mommorillon en Poictou, qui porte ceſtermes: *Heliâs Dominus Alesberti dedit quatuor denarios pauperibus Domus-Dei de Mommorillo in villariis ſuper domum Leproſorum de Faidolent*. Ce qui pourra ſeruir à ceux qui rechercheront l'antiquité & origine de ceſte Maiſon plus haut, que ne la reprennent pas ceux qui la deriuent ſeulement d'Amanion, ou Amanieu Sire d'Albret, mary de Saride fille de Didague Vicomte de Tartas, enuiron l'an mcc. & font ceſtuy-cy pere d'un autre Amanieu, auſſi Sire d'Albret, mary de Roze fille de Guitard ſieur de Bourg: de laquelle il procrea Bernardet, Guitard, Arnaud, Berard, & Marthe. Adiouſtans que, Bernardet Sire d'Albret, & Vicomte de Tartas, fut pere d'Arnaud Amanion, auſſi Sire d'Albret, auquel le Roy Charles V. donna pour eſpouſe

KKKK ij

Marguerite de Bourbon sœur de la Roïne Jeanne de Bourbon sa femme: Et de ce mariage vint Charles, Sire d'Albret Connestable de France, qui par ce moyen fut cousin germain du Roy Charles V. dit le Bien aimé, du costé des meres. Je pourrois icy rapporter le reste de la genealogie d'une tant celebre famille: mais ce n'est pas mon but d'employer ces Annotations en la deduction entiere de telles pieces; ains seulement en tirer & remarquer ce qui appartient à l'intelligence & explication de la presente Histoire.

PAG. cad.

Oudit an mccc. & deux trespassa Messire Loys de Sancerre Connestable de France] Par contract passé souz le seel du Chasteller, deuant Jean Seigneur de Folleuille, Cheualier, Conseiller du Roy, Garde de la Preuosté de Paris, le Ieudy xxvii. iour de Septēbre l'an mcccxcvii. ce Seigneur, Loys de Sancerre, Cheualier, Connestable de France, vendit, ceda & transporta à Reuerend Pere en Dieu, Monseigneur Gueraut d'Athies, Archeuesque de Bezaçon, Conseiller du Roy, acheteur pour luy, ses hoirs, & pour ceux qui de luy auroient cause ou temps auenir, pour & parmy le prix & somme de trois mille livres tournois, un escu d'or à la couronne pour vingt-deux sols six deniers tournois la piece; une maison, Hostel, jardins & preaux, seant à Paris outre le pont faisant le coin de la rue d'Arondelle, & de la rue Guy le Comte, l'une des portes dudit Hostel faisant yssue en ladite rue d'Arondelle, & l'autre en celle de Guy le Comte. Lequel Hostel il auoit, tenoit, iouyssoit, & paisiblement possedoit, & à luy seul & pour le tout competoit & apartenoit. Il trespassa le Mardy sixiesme iour de Feburier, & fut enterré dedans l'Abbaye de saint Denys, en la Chappelle du Roy Charles V. souz vne tombe plate.

PAG. cad.

Auec Messire Bertran du Guesclin son predecesseur.] Il n'y a paraenture aucun surnom de famille en ce Royaume, plus diuersement escrit & corrompu par les Historiens, qu'est celuy de ce fameux & celebre Cheualier Breton, Connestable de France, & Comte de Longueuille. Car il y en a qui l'appellent Kescelin, Claiquin, ou Clasquin: d'autres Glesquin, & Guesquin: & quelques-vns Glaiequin, ou Gueaquin. Mais ie croy pour moy, que son droit & vray surnom est, du Guesclin. Au moins, ie le trouue exprimé de la sorte en son Epitaphe, qui est dedans l'Eglise de saint Denys; & en l'Histoire manuscrite de ses gestes, qui le fait fils de Renaud du Guesclin, Cheualier, Seigneur de la Mote de Bron, à six lieues de Rennes: & luy donne pour freres, Guillaume & Oliuier du Guesclin. J'ay aussi veu quelques lettres, par lesquelles il est clairement nommé Bertrand du Guesclin, non pas Glesquin, ny Claiquin, ou Gucaquin: Notamment vne passée souz le seel de la Vicomté d'Auranches, du xv. iour de Septembre l'an mcccxxxix. portant que ledit Messire Bertrand du Guesclin bailla à Monsieur le Comte d'Alençon & du Perche la terre & seigneurie de Thuiet, sur & en deduction de l'assiete de treize cents livres de terre ou rente, qu'il estoit tenu bailler pour l'eschange de la Seigneurie de la Guierche en Bretagne. Et vne autre de Dame Marie de Bretagne Duchesse d'Alençon, Comtesse du Perche, & Dame de Fougeres, du dernier iour d'Aoust mccccxvi. par laquelle elle octroye à Dame Typhaine du Guesclin, que xx. livres tournois de rente qu'elle prenoit sur la Preuosté de la Guierche,

fussent employées à la fondation d'une Chappelle, en l'autier de nostre Dame en la nef de l'Eglise Collegiale nostre Dame de la Guierche. Au surplus, il fist le serment de Connestable es mains du Roy Charles V. le deuxiesme iour d'Octobre MCCC.LXX. & le mit le Roy en possession de ceste charge & dignité, luy baillant vne espee entre ses mains, laquelle il degaina en presence du grand Conseil : protestant qu'il l'employeroit pour le service du Roy & de sa Couronne. Ce qu'il fist avec tant de valeur, & de proiessse, que les annees qui emportent tout, n'en effaceront iamais la gloire ny la renommee. Car tous les Historiens de son siecle tesmoignent & la grandeur de ses actions, & les merueilles de ses armes. C'est pourquoy, sans en parler icy dauantage, ie me contenteray de rapporter l'Eloge que luy donne Messire Octouian de Saint Gelaiz Euesque d'Angoulesme, en son Sejour d'Honneur imprimé par la veufue Jean Trep-perel & Jean Ianot, en ces termes :

*Ie vy bruire parmy celle forest
Vng Cheualier de digne remembrance,
L'espee au poing, comme seigneux & prest
De combattre pour publique defense.
Cestuy jadis fist moult beaux faicts en France,
Iaçoit qu'il fust de Bretagne sailly;
Et maint rebelle a souuent assailly.
Chacun Bertran du Glesquin si le nomme,
Hardy, prudent, & tres-liberal homme.*

Et y ioindray d'ailleurs vne remarque singuliere, que fait encor de luy nostre Chartier en son Quadrilogue, quand il dit: *Et le meur adressement & haut esgart du Roy Charles le Quint derrenier mort* (car ainsi faut-il lire, effaçant, & Charles son fils) *fit le bon Bertran de Claiquin tant de fois vaincre les ennemis glorieusement, & le Royaume de grief malheur soy ressource en paisible bienheureté. Cestuy Bertran laissa de son temps vne telle remonstrance, en memoire de discipline & de Cheualerie, que quiconque homme noble se forsaist reprochablement en son estat, on luy venoit au manger trencher la nappe deuant soy. Et ceste estroite garde d'honneur & de seurte fist le large chemin de proesse es gens cheualeureux, qui lors viuoient: & ceste ouerture de vengeance rigoureuse sercloit toute voye aux faicts deshonorables.*

L'an mcccc. & quatre fut la bataille des sept François aux sept Anglois deuant la place de Montandre en Guyenne.] Le susdit Octouian de saint Gelaiz Euesque d'Angoulesme parle aussi de ceste bataille en son Sejour d'Honneur,

*Après (dit-il) ie vy sept nobles preux François
Armez à blanc, ayans au poing la hache,
Qui desfirent sept arrogans Anglois,
Où pas vn d'eulx sine se monstra lasche.
Nul d'iceux n'eut pour lors pié à l'atache,
Car si tres-bien firent sans espargner,
Qu'assez en peut Montendre tesmoigner.
Chasteau cogneu, où fut l'emprinse faite,*

KKKKk iij

Et des Anglois honteuse la deffaitte.

PAG. 5.

Et s'estoit fait ledit Henry nouvellement Roy d'Angleterre par la mort du Roy Richard] Berry Herault du Roy Charles V I I. esleu à Roy d'armes des François, a fort particulièrement descript la deposition & mort de ce Richard Roy d'Angleterre, souz le tiltre de Memoires du fait & destruction d'Angleterre en partie. Mais le rapport en seroit trop long. & peut estre hors de propos en cet endroit. Vne autre occasiō luy pourta donner lieu quelque part. Car c'est vne piece digne de lumiere, & qui contient beaucoup de circonstances obmises par Jean Froissard, & autres Historiens du temps.

PAG. cad.

Et en cet an fut deliuré Chierebourg, que tenoit le Roy de Nauarre, par appointment que on luy deuoit liurer certaines terres en recompense de la Comté d'Eureux, & du pays de Constantin, où il disoit qu'il auoit droit.] Les Lettres du Roy Charles V I. donnees à Paris le ix. iour de Iuin l'an mccciii. sur cet appointment & recompense, portent: Qu'en consideration que Charles Roy de Nauarre, pour luy, ses hoirs, & ayans cause, delaissoit à tousiours perpetuellement au profit du Roy de France & de ses hoirs, successeurs & ayans cause, tout le droit & action qu'il auoit & pouuoit auoir & demander à cause de l'hoirie & succession du Roy de Nauarre son pere, de la Roynie de Nauarre sa mere, ou autres, tant en la Comté de Champagne & ses appartenances, comme la Comté, citez, villes, & Chastellenies, terres & seigneuries d'Eureux, Ananches, Pontaudemer, Passy, Nonancour, Esy, Beaumont le Roger, Conches, Breteuil, Orbec, Carenten, Chaloignes, Mortaing, Gauvray, Nogent le Roy, Anet, Breuil, Monschaumer, Mante & Meulant, CHEREBOURG, & autres generalement quelconques; ledit Roy CHARLES VI. luy donna, ceda & transporta pour luy, ses hoirs, & successeurs, douze mil liures de rente es Chastellenies, terres & Seigneuries qui s'ensuiuent: sçauoir est, Beaufort en Champagne, Soulaynes, Nogent l'Artault, Largicourt, Nogent sur Seine, Pons sur Seine, S. Florentin, Bray sur Seine, Colomiers en Brie, Pons sur Yonne, Vaux, Flacy, Lorriz, Grey, la ville, chastel, & Chastellenie de Nemours, Mez le Marechal, les Granches, Dymon, & Chasteaulandon: pour les tenir, & en iouyr à heritage pour luy, ses hoirs, & successeurs. Et furent lesdites lettres verifiees & enregistrees au Parlement le xxvii. iour du susdit mois de Iuin, en la mesme année.

PAG. 9.

L'an mcccc. & sept la veille S. Clement, &c. saillirent certaines gens embastonnez d'une maison, lesquels ferirent sur le Duc d'Orleans, & le tuerent.] Perceual de Cagny Escuyer de Iean Duc d'Alençon, en son Histoire des Côtes d'Alençon escrete à la main, attribue ouuertement la mort de ce Duc à Iean Duc de Bourgogne son cousin germain. Car voicy comme il en parle briuevement. En celuy an mcccvii. le xii. iour du mois de Novembre, Iean Duc de Bourgogne conduit d'esprit diabolique, remply de fausseté & traison, par mauuaise pensee longuement gardee en son cuer, fist par nuit gaitier, par mauuais traîtres asaitiez à ce faire, le Duc d'Orleans seul frere du Roy. Et enuiron l'heure de neuf heures de nuit, en s'en reuenant de souper, fut assailly, batu, & nauré si tres-cruellement, que piteuse chose estoit à veoir à tous ceulx qui en tel estat le veirent. Et fut lesié tout mort en la place. Laquelle mort a esté cause de toutes les guerres & meschiefs venus en ce Royaume depuis icelle.

Voy Enguerrand de Monstrelet, au 1. volume de ses Chroniques.

Lors ledit Prince mort fut apporté en sepulture, & son corps mis en l'Eglise des Celestins à Paris.] Dés l'an mccccxvii. le xix. iour d'Octobre il auoit fait & signé son testament, par lequel il leguoit tant aux pauvres, qu'à diuerses Maisons de Religio plus de vingt milliures tournois, & à toutes les Eglises de Paris & d'Orleans chacune vn Calice d'argent, In quibus Ecclesiis tot precepit centenarum Missas celebrari pro se, quot moriens atatis haberet annos. Mais il n'y eut point d'Ordre, auquel il tesmoignaist lors vne plus grande affection qu'à celuy des Peres Celestins. Car non seulement il nomma entre les executeurs de son dit testament, Frere Pierre Pocquet, le Pere Provincial, & les Prieurs des Celestins de Paris & de Marcoussis; mais aussi leur donna de grands biens & reuenus pour leur entretien, & fonda nommément en leur Conuent de Paris vne Chapelle appelée la Chappelle des Ducs d'Orleans, en laquelle il fut inhumé, luy, Valentine de Milan sa femme, Charles Duc d'Orleans leur premier fils, pere du Roy Louys XII. & Philippe Comte de Vertus leur second fils, qui vesquit en celibat. Ce qui s'apprend de ces vers Latins écrits en vn petit Tableau contre les chaires de ladite Chappelle, en forme d'Epitaphe.

*Regali fulgens titulo breuis hac LVDOVICVM
Aurelianensem contegit urna Ducem,
Cuius erat genitor quintus rex CAROLVS, huius
Celestinorum gloria prima loci.
Regia sic soboles, frater quoque Regius, omni
Terrigena praeerat nobilitate Duci.
Proh dolor! ingenti quidam liuore refectus
Expertus tanti Principis interitum.
Vnde reluctando posthac huc usque rubenti
Gallia casorum sanguine tota mader.
Mille quadringentis annis septemque silenti
Clementis nocte sic ruit exanimis,
Vt spes nulla foret vita, cui lucida donet
Vivere Cunctipotens nunc super astra poli.
Claraque cum Christo viuat VAL. Mediolana,
Quae fuerat tanto femina digna viro.
Virtutum Comes horum genitura Philippus
Gaudcat admixtus catibus Angelicus.
Bis septingentis & quadraginta peractis,
Annis sex pariter, hoc capit iste locus.
Sic patre progenies fruitur, sic nupta marito,
Laude nec indigni perpetua recolit.*

Il y en a aussi d'autres gravez en vne table de marbre, près de la porte de la mesme Chappelle, lesquels enseignent la mesme chose. Mais d'autres les ont ia fait imprimer ailleurs.

En les conuoia luy & ses gens & sergens depuis le gibet iusques au monstier, PAG. 14.
où ils furent enterrez.] Ces deux Clercs, ou Escoliers, s'appelloient Leger

du Moussel, & Oliuier Bourgeois. Et furent inhuméz en vn coin du Cloistre des Mathurins de Paris, où l'on voit encor maintenant leur sepulture, sur laquelle ils sont representez en façon de pèdus ensevelis, avec cet Epiraphe à l'entour.

Hic subitus jacent Leodegarius du Moussel de Normania & Oliuierus Bourgeois de Britannia oriundi, Clerici Scholares, quondam du Etsi ad iustitiam seculari, ubi obierunt: Restituti honorificè & hic sepulti anno Domini mccccviii. die xvi. mensis Maij. Respicias nostrum Epitaphium, ut ores pro nobis Deum.

Et contre la muraille pend vne lame de cuivre, en laquelle est grauee la cause, pour laquelle ils furent restituez, & la peine que le Preuost de Paris encourut pour les auoir fait executer, en ces termes:

Cy dessous gisent Leger du Moussel, & Oliuier Bourgeois iadis Clercs Escoliers, estudiants en l'Vniuersité de Paris, executez à la iustice du Roy nostre sire par le Preuost de Paris l'an mccccviii. le xxvi. iour d'Octobre, pour certains cas à eux imposez. Lesquels à la poursuite de l'Vniuersité furent restituez & amenez au Paruis de nostre Dame, & rendus à l'Esque de Paris, comme Clercs; & au Recteur, & aux Deputez de l'Vniuersité, comme Suppos d'icelle, à tres-grande solemnité. Et de là en ce lieu cy furent amenez pour estre mis en sepulture, l'an mccccviii. le xviii. iour de May. Et furent lesdits Preuost & son Lieutenant desmis de leurs offices, à ladite poursuite: comme plus à plain appert par lettres patentes & instrumens sur ce cas. Priez Dieu, qu'il leur pardonne leurs pechiez Amen.

PAG. 15.

Messire Iean Bouciquault Marechal de France.] Antoine dela Sale en l'Histoire ou Chronique du petit Iean de Saintré page, & depuis Châbellan du Roy Iean, dediée à Iean d'Anjou Duc de Calabre & de Lorraine, Marquis du Pôt, chap. XLVII. dit que Messire Iean le Maingre, père de ce Iean Marechal de France, & de Messire Geuffroy le Maingre son frere, fut le premier surnommé Bouciquault, & en parle ainsi: En ce luy temps estoit en la Court vn tres-ieune Escuyer, tres-gracieux, de la Duché de Touraine, qui par esbattement fut nommé Bouciquault, grant pere des Bouciquaults qui sont auourd'huy. Tres-saige, subtil, & aduenant Escuyer, & qui assez auant en la grace du Roy estoit. Celuy Bouciquault voyant Saintré, qui si auant en la grace du Roy estoit, & plus que les autres, s'en accointa. Saintré, qui ieune estoit, le voyant si homme de bien, aussi pour l'amour du pays, tres-vaillantièrs s'en accointa; & tellement se accompaignerent & aymerent, que deux freres ne seussent seu plus entr'aymer. Et peu apres: Et jaçoit ce que Bouciquault fust puis tres-vaillant Cheualier, outre plus estoit-il subtil & attrempé plus que Saintré n'estoit; & aussi au fait d'armes Saintré estoit tenu le plus vaillant. Et pour ce les Heraux, & les Roys d'armes en firent vn commun proverbe, en disant,

Quant vient à vn assault,

Mieux vault Saintré que Bouciquault;

Mais quant vient à vn traitté,

Mieux vault Bouciquault que Saintré.

C'est à sçauoir l'un pour les armes, & l'autre pour le conseil.

PAG. 18.

Et firent couper la teste au grand Maistre d'hôtel de France nommé Mon-
sieur

1429.] Ce grand Maistre appellé Iean, Seigneur de Montagu & de Marcouffis, Vidame de Laonnois, fils de Messire Gerard de Montagu, & de Dame Biette de Calinel, dont les corps sont inhumez en l'Eglise de Sainte Croix de la Bretonnerie à Paris, ne souffrit pas lors seulement le supplice de la mort. Car il se trouue que pour plus grande honte & ignominie, son chef fut en outre mis sur vne lance au lieu des Halles, son corps pëdu par les aisselles au plus haut estage de Montfaucon, & toutes les terres & Seigneuries confisquées & donnees à Guillaume Duc de Bauieres frere de la Royne. Mais depuis les Religieux Celestins de Marcouffis, qu'il auoit fondez vers l'an mcccciiii. & fait dedier leur Eglise par Iean de Montagu son frere, Archeuesque de Sës, le xvii. iour d'Auril l'an mccccix. poursuiuirent & sollicitèrent tellement son innocence, avecques Iacqueline de la Grange sa veufue, Iean de Montagu susdit Archeuesque de Sens, & Gerard de Montagu pour lors Euesque de Paris ses freres, qu'en fin il fut trouué & reconnu auoir esté tres-iniustement & sans cause mis à mort, la confiscation de son bien declaree nulle, ses terres & Seigneuries rendues aux heritiers, ses parens & amis restituez en grace, & mesme Charles de Montagu son fils, remis en l'honneur & office de Chambellan du Duc d'Aquitaine, duquel il auoit esté priué: bref sa teste & son corps furent dépendus par ordonnance de Iustice, & honorablement enterrez en l'Eglise des Celestins de Marcouffis, souz vn riche & notable sepulcre.

Pour ce que lesdits Seigneurs du party du Duc d'Orleans se tenoient à Vice- PAG.19.

Arce.] C'est le chasteau que vulgairement on appelle Bicestre, ou Vvincestre, au dessus du village de Gëtilly. Et pour entëdre d'où viët ce nom, faut scauoir que deuant l'an mccc. on le nommoit la Grange au Queux. Car les Chartreux de Paris ont lettres de noble & puissante Dame Iéane de Chastillon Comtesse d'Alençon, de Blois, & de Chartres, femme iadis de Monsieur Pierre Comte d'Alençon, troisiësme fils du Roy S. Loys, & fille vnique de Iean de Chastillon, Comte desdites Comtez de Blois & de Chartres, par lesquelles elle fonde quatorze Celles pour quatorze Religieux de leur Conuent, passees en la Maison del'Euesque de Paris à la Grange au Queux, au dessus du village de Gentilly, l'an de grace mccc. au mois de Mars. Depuis, ladite maison ou chasteau vint en la possession de Iean Euesque de Vvincestre en Angleterre: sur qu'il le Roy Philippes le Bel la faisit l'an mccciiii. avec plusieurs autres terrës, maisons, rentes & vignes qu'il auoit es villages d'Arcueil & de Vitry près Paris, & en fir don à Messire Hugues de Bouille seigneur de Milly son Chambellan, au cas qu'elles luy deussent demeurer, comme il appert par ses lettres donnees à Creueccœur, en ces termes.

Philippus Dei gratia Francorum Rex, vniuersis presentes litteras inspecturis, salutem. Cum nos Domum, quæ vocatur Granchia au Quez super Gentiliacum, cum pertinentijs & garnisonibus intus existentibus, necnon terras, domos, redditus, & vineas, & alias possessiones, quos & quas, Vintoniensis Episcopus apud Vitriacum & Arcolium propè Parisius tenere solebat, ad manum nostram ex causa poni fecerimus: Nos considerantes grata seruitia, quæ dilectus & fidelis

LL LII

miles & Cambellanus noster Hugo de Bouilla nobis exhibet incessanter domos, terras, possessiones, & redditus, cum suis pertinentiis uniuersis eadem Hugoni ad vitam suam tantummodo, si tamen res predictas penes nos deberent manere cōtingat, duximus concedendas. In cuius rei testimonium presentibus litteris nostrum fecimus apponi sigillum. Actum apud Crepicordium sabbato ante festum Natiuitatis beatae Mariae Virginis, anno Domini MCCXCIII.

Mais par autres lettres de l'an mccc. le mesme Roy donna main-leuee des susdites maisons & terres, audit Euesque de Vvincestre, & voulur qu'elles luy fussent rendues, pour en iouyr par luy cōme il auoit fait deuant: sauf toutesfois son droit en la restitution & possession d'icelles. Car voicy ce qu'il en rescriuit au donataire, estant en la ville d'Amiens.

Philippus Dei gratia Francorum Rex, dilecto & fideli Hugoni de Bouilla, Domino Milliati, Militi & Cambellano nostro, salutem & dilectionem. Placuit nobis & consentimus, quod vos Ioanni Vintoniensi Episcopo, possessiones & bona quacumque, que ad ipsum quomodolibet spectare asseruerit, & que possederit, vel habetis ex causa quacumque, restituatis & reddatis. Saluo tamen restitutione predicta, & in possessionibus & bonis predictis in omnibus iure nostro. Actum Ambianis in vigilia festi Natiuitatis beati Ioannis Baptista, anno Domini mccc. Parquoy i'estime, que ceste maison entr'autres dñe la Grange au Queux, fut depuis nommee la Maison de Vvincestre, & par corruption du populaire Bisestre, à cause que l'Euesque de Vvincestre la possedoit, & y faisoit sa demeure ordinaire: comme dans Paris pour exemple, l'Hostel qu'on appelloit jadis de Misericorde, a perdue ce premier nom, & prins celuy des Ducs de Guyse, qui l'habitēt encor maintenant.

PAG. 23.

Le Roy Henry bailla son second filz Thomas Duc de Clerence, & son frere le Duc d'York accompagnez d huit cents lances, & quatre mille Archers, pour se courir les Ducs de Berry & d'Orleans; & descendirent en Normandie, en la Harque de S. Vast. Ce qui m'aque en cet endroit peut estre suppléé de l'histoire d'Alençon escrete par Perceual de Cagny, qui viuoit lors. Car il recite, que Monseigneur d'Alençon son Maistre, qui en tout le fait Monseigneur d'Orleans fut plus seruent, & en print plus pains & trauaux à ses despens, que nul des autres Seigneurs, alla iusques à Fongieres au deuant du Duc de Clerence, & le recueillit tres-grandement, & tant que il en fut tres-content, & ceux de sa compagnie. De là, il l'amena par le pays du Maine, & en venant droit à Cilli-le-Guillaume, bouterent des feux, prindrent des prisonniers, & firent moult d'autres maux. Ils prindrent le Chasteau de Cilli-le-Guillaume d'assaut. Audit lieu le Duc d'Alençon eut nouvelles, & sceut certainement que le traité & apaisement estoit fait en la ville d'Auxerre par le Roy, entre les Ducs d'Orleans & de Bourgogne. Le Duc d'Alençon print congé du Duc de Clerence, & s'en vint en son Chastel d'Alençon. Ledit de Clerence print son chemin droit au Mans, & adit les faux-bourgs qui estoient moult beaux & notables, & d'ilecques droit à Vendosme, & aupres de Blois. Et faisoit bien scauoir & cognoistre le chemin par où il estoit passé, en boutant les feux en moult de lieux.

PAG. 25.

Là fut prins le Duc Edouart de Bar. Nicolas Vigner en son Histoire

de Luxembourg. On encor imprimee remarque, qu'Edouard Comte de Bar, qui deceda l'an mcccxxxvi. laissa de Marie de Bourgongne son espouse, feur de la Royne Ieanne femme du Roy Philippe de Valois, Henry III. du nom Comte de Bar, lequel print en mariage Yoland de Flandres Dame de Mont-Cassel, & autres grandes seigneuries: & d'elle eut Edouart & Robert de Bar ses fils, qui succederent l'un à l'autre. Car Edouart mourut sans enfans l'an mccccli. Parquoy Robert luy succeda, lequel sa mere fist nourrir en France, & en sa faueur le Roy Iean erigea Bar en Duché, & luy fist espouser Marie de France sa fille l'an mcccclx. D'eux vindrent, Henry aîné mort deuant son pere, au retour du voyage contre les Turcs, où fut donnée la bataille de Nicopolis l'an mcccxcv. ayant espousé Marie fille & heritiere d'Enguerrand Seigneur de Concy: & Edouart Marquis du Pont, lequel apres la mort de Robert son pere aduenü l'an mccccxi. se mist en possession de la Duché de Bar & de la Chastellenie de Cassel. Encor que ledit Henry son frere eust laissé de sa femme vn fils vnique appelé Robert, à qui deuoit eschoir ladite Duché plustost qu'à son oncle, comme representât l'aîné de la maison. Et de là ledit Edouart, duquel parle icy nostre Autheur, porta tousiours depuis le tiltre de Duc de Bar, & donna seulement à son nepueu quelque partie de la Chastellenie de Cassel, sçauoir est Varneston, Bourg, & autres terres.

Messire Iean Iuuenel Aduocat du Roy audit Parlement, lequel estoit grandement en lignagé.] Il estoit fils de Noble homme Monseigneur Iean Iuuenel des Vrsins, Cheualier, Seigneur & Baron de Treynel, & de Dame Michelle de Vitry sa femme; & eut pour freres, Messire Guillaume Iuuenel des Vrsins Cheualier, Seigneur dudit Treynel, Conseiller du Roy, & Bailly de Sens; Maistre Iacques Iuuenel des Vrsins Archidiacre en l'Eglise de Paris, Aduocat & Conseiller du Roy en sa Cour de Parlement, & Michel Iuuenel des Vrsins Escuyer. Lesquels tous coniointement avec ladite Dame Michelle de Vitry leur mere obtindrent le Vendredy xiv. iour de Iuin l'an mccccxliii. du Chapitre de nostre Dame de Paris, la Chappelle Monsieur saint Remy fondée en ladite Eglise, & le costé dextre ioignant du mur en icelle Chappelle, pour sepulcher & enterrer lesdits feu Seigneur de Traynel leur pere, & ladite Dame, leurs enfans & heritiers, & ceux qui d'oresnauant descendroient de ceux d'entre eux qui estoient & seroient mariez, & de leurs posteritez & lignees, qui toutesfois y vandroient estre sepulturez & enterrez Ensemble permission de faire au ioignant dudit mur une vouste en façon de sepulture, & dessus une representation sur une tombe esleuee, où seroient mises & apposées les representations en images dudit feu Seigneur & de ladite Dame, & de faire peindre à leur plaisir ledit costé du mur, & faire charger les voirrieres d'iceluy se bon leur sembloit. Et pour ces choses faire, ladite Dame & ses enfans, baillerent, cederent, & transporterent à tousiours audit Chapitre, la moitié par indiuis d'un moulin & ses appartenances, nommé le Moulin des Chambres Maistre Hugues, assis sur la riuiera de Seine à Paris pres la rue de la Tannerie, à l'opposite du derriere de l'Hostel dudit feu Seigneur de Treynel, & quelques autres biens

LLLL ij

PAG. 27.

mentionnez és lettres, qui de ce furent passées les Jour & an que des-
sus, deuant Pierre Choart & Jean Franchois Clercs Notaires du Roy
au Chastellet de Paris, souz le seal dudit Chastellet y mis & appose par
Ambrois seigneur de Lore, Baron d'Iury, Cheualier, Conseiller, Cham-
bellan du Roy, & Garde de la Preuosté de Paris. Auquel temps Messire
Ieā Iuuenel des Vrsins, duquel parle icy nostre Chartier, n'estoit ja plus
Aduocat du Roy au Parlement de Paris; ains Euesque & Côté de Beau-
uais, Per de France. Et fut mesme encore depuis Archeuesque de
Rheims. Voyl l'Histoire du Roy Charles vi. escrete par luy.

PAG. 34.

*Les Ducs d'Orleans & de Bourbon, &c. furent prisonniers du Roy d'Angle-
terre, & menex en Angleterre.]* Maistre Pierre Nesson officier du Duc Ieā
de Bourbon en sa Côté de Montpensier, auerty que ledit Duc son mi-
stre auoit esté prins à la bataille d'Azincourt, & mené prisonnier en An-
gleterre, escriuit vn gentil poeme intitulé *le Lay de la guerre*, où il repre-
sente la pluspart des miseres & calamitez, que ce fleau diuin auoit cau-
sées de son temps au Royaume de France, & le luy enuoya pour adou-
cir les ennuis de sa prison. Ce qu'il tesmoigne sur la fin, en ces ter-
mes;

*Et apres ce que guerre ot fait son cry,
Je retins ce que ie peux, & l'escry,
Pour l'enuoyer au bon Duc de Bourbon
Cheualereux, afin qu'en sa prison,
Là où ne puis autrement luy ayder,
Je le peusse un peu desennuyer;
Pensant en moy, qu'il en oblira
De ses regrets, tandis qu'il en lira.
Autrement, las! ne le puis ie seruir.
Dont me desplaist que ne puis desseruir
L'honneur que fait m'a la noble Princeesse,
Luy estant pris, Madame la Duchesse,
De moy auoir tenu son Officier,
En sa bonne Comté de Montpensier.
Et ly supply preigne en gré le present,
Comme celuy qui cognoist dès s'enfance
Mon pou de sens, & ma grand ignorance.*

Mais d'autant que ce Poeme n'est pas en lumiere, il ne sera pas peu-
estre trouuè mauuais si ie rapporte pareillement icy, ce qu'il y fait dire
à la Grace de Dieu, touchant la valeur & prison de ce bon Duc Ieā, &
les regrets qu'en auoit Marie de Berry sa femme. C'est vers le milieu de
la piece, où il introduit ladite Grace parlant ainsi au frere du Duc:

*Helas! mon fils, pensez la grand plaisance
Qu'à tous sera vostre bonne venue,
Que si long temps ont plusieurs attenduë.
Helas! venez à ceux qui vous attendent.
Car riens fors vous ne quierent ne demandent
Trestous les bons, qui tant la paix desirent.*

Dont entre ceux, qui ont faute ne firent,
 Est le vaillant, cheualleux, & bon,
 Vostre frere, JEAN Duc de Bourbon,
 Du droit estre du noble sang de France.
 Et pourchassez pour Dieu sa deliurance,
 Que le monde requiert tant & desire.
 Qui sera-ce, qui au Roy pourra nuire,
 S'il a o lui vous & vostre dit frere?
 Or ne pouuez en ce monde plus faire.
 De vostre honneur, helas! ie vous requier.
 Pensez comment il fut prins prisonnier,
 En soy monstrant hardy plus qu'un Lyon,
 Et de son Roy vray leal champion,
 Habandonnant son corps & sa personne:
 Dont la belle, deuote, noble & bonne,
 Sa compagne Marie la Duchesse,
 Depuis luy pris, n'eut que dueil & tristesse,
 Et en l'abit de dueil & de vesnage,
 En pleurs, en plains, & doloieux courage,
 Passe ses iours, regrettant son seigneur,
 De qui pitié est, & d'elle greigneur.
 Car il la plaint, & sa douleur regrette,
 Et elle meurt, tant desire & souhaite
 Son bon retour, & ioyeuse venue.

Et plus bas, faisant parler Nostre Dame à la Grace,

Et apres fut sa dernière parole:
 N'oubliez pas le fait de ma fillole,
 Faites qu'elle ait à ioy son mary,
 Ma belle & bonne MARIE DE BERRY.

Le Comte d'Eu.] C'estoit Charles d'Arthois fils unique de Philippe PAG. 322.
 d'Arthois, Comte d'Eu, & de Madame Marie de Berry, laquelle espou-
 sa depuis Iean Duc de Bourbon, mené prisonnier, avec ledit Comte
 Charles en Angleterre. Et portent les Chroniques des Comtes d'Eu,
 qu'il fut prins à l'age de XXI. an, & demeura prisonnier XXIII. ans, au bout des-
 quels en fin il obtint sa deliurance, sçavoir est l'année de la grande famine, qui fut
 l'année MCCCXXXVIII. par le moyen du Comte de Sombresset, que tenoit prison-
 nier le Duc de Bourbon. Ce stuy Charles apres sa deliurâce, espousa en pre-
 mières nopces Dame Ieanne de Saueuses, & en secondes Dame Helei-
 ne de Melun, desquelles il n'eut point de generation. Parquoy la Com-
 té d'Eu escheut à Iean de Bourgogne Comte de Neuers son nepueu.

En ce temps mourut le Duc Iean de Berry.] Quelques vns donnent le sur-
 nom de Camus à ce Duc. Car Sebastian Mamerot de Soissons, en PAG. 36.
 ses Chroniques imprimees à Paris pour Anthoine Verard Libraire, l'an
 MDIII. l'appelle ainsi quand il dit : Item le Duc Camus, Iean de Berry, on-
 cle du Roy, aagé de quatre vingts neuf ans tresspassa, &c. Et n'est hors de
 propos, puis que nous sommes sur la mort, de rapporter ce qu'il fist de

LELLI iij

son vivant en memoire de la mort de Louys Duc d'Orléans.
Car il fist représenter sur la grande porte Meridionale
saints Innocents, où est le grad & commun Cimetiere
ris, l'Histoire des trois morts qui apparurent à trois vifs
vne forest. Ce que l'on apprend de quelques vers François
encor dessus la sculpture des figures en la frise, ainsi que

*En l'an mil quatre cents huit,
I E A N Duc de Berry trespouissant,
En toutes vertus bien instruit,
Et Prince en France florissant;
Par humain cours lors cognoissant,
Qu'il conuient toute creature,
Ainsi que nature consent,
Mourir, & tendre à pourriture,
Fist tailler icy la sculpture
Des trois vifs, aussi des trois morts,
Et de ses deniers la facture
En paya par iustes accords:
Pour monstrier que tout humain corps,
Tant ait biens, ou grande cité,
Ne peut eniter les discords
De la mortelle aduersité.
Dont pour auoir félicité,
Ayons de la mort souuenir,
Afin qu'apres perplexité
Puissons aux saints Cicux paruenir.*

PAG. 44. *Messire Jean de Torssay Maistre des Arbalestiers de France.] Il
uant appelé Guy, pag. 38. Mais ie croy qu'il y a faute. Car au
& dès la pag. 3. il auoit fait mention de Messire Jean de Torssay
chal de Poitou. qui est celuy mesmes qui fut aussi par apres
Arbalestiers de France.*

PAG. 45. *Et firent deux Capitaines de deux Gentils-hommes, l'un nommé
Vignolles dit la Hire, & l'autre Pothon de Xaintrailles.] Ces deux
nes acquirent vn grand renom es guerres du Roy Charles V.
derent beaucoup à retirer son Royaume d'entre les mains des
Ce qui donna sujet à Messire Octouian de S. Gelais Euesque
lesme de les colloquer au Seiour d'Honneur. avec les plus bra
ualiers & Capitaines de leur temps. Car voicy comme il parle
de sien Oeuure, composé souz le regne du Roy Charles VIII.*

*Après luy vy deux nobles conquerans.
Ce sont la Hire & Pothon de Xaintrailles,
Lesquels souuent ont maintenu les rants
En fiers destours & cruens batailles.
France doit bien plover leurs funerailles,
Et regretter deux si nobles confors.
Car eux viuans n'ont effargné leurs corps*

Au bien public, sans lascheté commettre

Enuers le Roy leur tres-souuerain Maistre.

Mais afin d'annoter quelque chose de plus particulier & de l'un & de l'autre, il se trouue en premier lieu que la Hire fut pour sa valeur & ses bōs seruices pourueu de grandes & honorables charges, & qui ne sont bien clairement exprimees en aucun lieu de ceste Histoire. Car les Maire & Pairs de Beauuais ont lettres de luy, du dernier iour de Decembre l'an mccccxxxiiii. par lesquelles il prend les qualitez de *Lieutenant du Roy, & Capitaine general des la riuere de Seines pays de l'Isle de France, Picardie, Beauuaisin, Laonnois & Soissonnois, & Bailly de Vermandois*. Le Roy Charles vii. luy donna aussi quelques terres & Seigneuries, notamment celle de Mommorillon en Poitou, qui valoît lors au plus deux cents seize liures, quatorze soulds tournois de rente, & si mourut Bailly d'Eureux en Normendie, comme remarque Sebastien de Mamemort, Historien du temps. Mais il n'eut iamais, dit il, du Roy, les biens qu'il auoit meritez. Car il mourut comblé de debtes: tellement que l'année de son decès il auoit emprunté d'Anthoine Comte de Dampmartin cent escus dor, pour ce qu'il auoit esté son page. Et disoit iceluy Comte de Dampmartin que ladite Hire estoit le plus grand en armes qu'il auoit oncques veu. Nonobstant qu'il louoit moult Amadour de Vignolles, qui fut tué acuant Creil par les Anglois. Quant à Porthon de Xaintrailles, ou de Sainte-treille (car ainfi l'appellent aucuns) il estoit sans doute parent de ce Pierre de Xaintrailles Escuyer de Gascongne, Capitaine pour le Roy & pour Monseigneur d'Orleans en la ville & Chastel de Coucy, où nostre Châmer & Mamerot escriuēt qu'il fut tué par la trahison d'une chābriere qu'il auoit. Et ay appris au vray qu'être autres hōneurs que luy fist le Roy Charles vii. pour recōpense de ses merites & vertus, il luy conféra la dignité de Marechal de France. Car il y a lettres du xix. Auiril mcccclv. par lesquelles Iean Comte d'Armagnac vedit à Porthon de Sentraille Marechal de France, la Vicomté de Broulles pour dix mil escus dor. Et d'autres de l'an mccccclxii. par lesquelles elle fut retirée de Mandet de la Cassaigne Seigneur de Sentraille, neveu & heritier dudit Porthon. Ce que n'auoit pas veu Iean le Feron, qui ne le met point au ranc des Marechaux de France.

Vn Cheualier nommé Messire Iean des Croix. Les Barons de Plancy disent, qu'ils sont issus de ce Iean des Croix, ou de la Croix, & par luy de la race de S. Roch. Car il y a dans la Chappelle de saint Roch, au Couuēt des Cordeliers de Paris, vn Epitaph sur cuiure qui le tesmoigne, en ces mots:

Cy gist noble Seigneur Claude de la Croix, Seigneur & Baron de Plancy, Vicomte de Semoyne, Seigneur de Cherny le Baschoi, Longuenille, Champfleury, S. Vitré, le Mesnil, Frère de Parcy, Vvars, S. Saturny, Faluy, la Salpôthieu, & de Vaux: auquel le quatriesme ayeul nommé Messire Iean de la Croix, Cheualier, dont est fait mention aux Chroniques en l'an mccccxxi. au Chapitre de la bataille de Bauge, a exposé sa vie au recouurement de ceste Couronne sur les Anglois, & estoit issu de la race de saint Roch. Lequel est decedé le xv. iour de Decembre l'an mil cinq cens soixante & dix. Ricx Dieu pour son ame.

PAG. 323

Et en la mesme Chappelle se voit encore vn autre Epitaph de Geoffroy de la Croix, Seigneur de Plancy, qui viuoit sous les Roys Charles VIII. & Louys XII. lequel i'inscreray pareillement en cest endroit par occasion.

Cy deuant gist noble homme Geoffroy de la Croix natif de Montpellier, Seigneur de Plancy & de Villeneuve sous Dampmartin, Conseiller & Tresorier des guerres des Roys Charles VIII. & Louys XII. & François le premier, qui trespassa le ix. iour de Mars l'an mil cinq cents & quinze. Priez Dieu qu'il luy face pardon à l'ame, Amen.

PAG. 61.

Le Duc d'Alençon & le Marechal de la Fayette furent prins.] Perceval de Caigny dit en son Histoire, que ce Duc d'Alençon, nommé Iean, fut prisonnier trois ans, & autant comme il y a du XVII. iour d'Aoust iusques au sixiesme iour d'Octobre ensuiuant, auquel iour il reuint, & arriua en la ville de Fougieres; mais mis à rançon si haulte, que pour luy ayder au payement d'icelle le Roy Charles V. en faueur de ses grands seruites luy donna premierement dix mille escus, sur le profit & droit seigneurial de l'or qui seroit monnoyé es monnoyes de Languedoc, & autres de son Royaume, comme il l'apprend des lettres patentes sur ce donnees à Lesignan le x. iour de Nouembre l'an MCCCXXVII. Et puis par autres lettres donnees à Chinon le v. iour de May, l'an MCCCXXVII. il luy donna derechef quatorze mille escus, à les auoir des deniers en premier aide qui seroient octroyez au Roy par les trois Estats. Encor falat-il outre cela, qu'il vendist de ses terres & seigneuries, pour y satisfaire. Car il se trouue aussi lettres de l'vnziesme Iuin MCCCXXVI. sous le scel de Ponthieu, par lesquelles ledit Iean, soy disant Duc d'Alençon, Comte de Perche, Viconte de Beaumont, & Seigneur de Fougieres, prisonnier au lieu de Crotey, de Monsieur le Regent de Bedford, qui l'auoit mis à rançon: confia ses Procureurs entr'autres Madame Marie de Bretagne sa mere, & Madame Isabeau d'Orleans sa femme, pour vendre de ses heritages, Chasteaux, Baronnie, & par especial le chastel, ville & Baronnie de Fougieres, assise au pays de Bretagne.

PAG. 62.

Ou mois de Nouembre fut fait le Comte de Richemont frere du Duc de Bretagne, Connestable de France.] Il semble que nostre Autheur s'est melors en la remarque du mois, auquel Charles VII. honora de l'office de Connestable ce Côte de Richemont nommé Artus de Bretagne. Au moins les lettres que sa Maieité luy en octroya, sont dattees du VII. iour de Mars l'an MCCCXXIII. & par icelles est mandé aux Marechaux de France, Maistre des Arbalétriers, Admiral, & tous autres Seigneurs faisant profession des armes, de lui obeyr, pour le fait de la guerre. Ce qui monstre en passant le pouuoir & l'autorité d'une telle charge.

PAG. 64.

Le Sire de la Trimouille espousa sa femme nommée Dame Katherine, Dame de l'Isle Bouchard.] La maison de la Trimouille est ancienne, & illustre, mais non originaire de Bourgongne, ainsi que l'escriuent quelques vns. Car il y a plus d'apparence qu'elle vient des Seigneurs de la Trimouille en Poitou, dont il est fait mention en quelques vieux tiltres: notamment en deux de la Maison-Dieu de Môtmorillon, par lesquels on apprend qu'un Guillaume de la Trimouille Seigneur dudit lieu fut pere de Villehard, & de

& de Guillaume aussi Seigneurs de la Trimouille, pendant les regnes des Roys Louys le Gros & Louys le Jeune son fils. Mais la difficulté gist à les joindre avecques cest Imbault de la Trimouille, lequel frere Estienne de Lusignan, & autres establisent pour tronc de l'arbre genealogique de ceste famille. Quoy qu'il en soit, celuy dōt parle icy nostre Autheur, s'appelloit George de la Trimouille, estoit fils de Messire Guy de la Trimouille & de Dame Marie de Suilly: & espousa Dame Catherine de l'Isle, fille de Bouchard de l'Isle, qui luy apporta les terres & Seigneuries de l'Isle Bouchard, Rochefort, Gençay, & autres.

Et y fut pris ou Chasteau par composition un des enfans de Laual nommé Messire André de Laual.] Il estoit second fils d' Anne de Laual vniue fil- Pag. 66.
le, & heritiere de Guy de Laual xii. du nom, & de Iean de Montfort fils aîné de Raoul de Montfort, Seigneur dudit lieu, de Loheac, & de la Roche-Bernard, lequel prist les nom, cry, & armes de Laual, & s'appella Guy xiii. du nom. Son partage fut des Seigneuries de Loheac, de Breal, & de Comblefac en Bretagne, avec plusieurs autres terres situées es pays & Duché de Normandie. Et comme escrit Pierre le Baud en ses Chroniques de Vitré & de Laual, qu'il dedie à Madame Ieanne de Laual Roine de Hierusalem & de Sicile, *il se trouua en toutes les batailles qui furent faites & gaignees de son temps à l'encontre des Anglois; & fut l'un des Chefs, par lesquels ilz furent reboutez du Royaume de France. Il fut par un temps Admiral de France, puis eut l'office de Marechal, lequel il tint & exerça iusques à la fin de ses iours, durant les regnes de Charles VII. & du Roy Loys son fils. Il aimait souverainement iustice tout le temps de sa vie, & sans aucun espargner pour saueur, fist faire plusieurs grandes & notables executions. Il refrenoit aussi à son pouoir les grandes pilleries que les gens de guerre s'efforçoient faire sur le peuple, & faisoit garder estat & ordre entr'eux, en telle maniere, qu'il estoit par le commun reputé leur protecteur, garde, & defenseur.*

Messire Jacques de Harcourt s'en alla à Partenay, voir le Seigneur d'illec, qui estoit son oncle] Guillaume l'Archeuesque Sire de Partenay, eut de Ieanne Dame de Mathefelon sa femme, cinq enfans: Hugues & Guillaume morts ieunes: Iean l'Archeuesque, Sire de Partenay & de Saint-Christophe en Touraine, Ieanne de Partenay mariee à Guillaume de Harcourt, Comte de Tancarville, Vicomte de Meleun: & Marie de Partenay, femme de Messire Louys de Chalon Comte de Tonnerre & de Saint-Aignā. De Ieanne de Partenay & de Guillaume de Harcourt vint, entr'autres enfans, Jacques de Harcourt, qui par ce moyen fut neveu de Iean l'Archeuesque, Sire de Partenay. Marie & Messire Loys de Chalon procreerēt Ieanne de Chalon mariee à Messire Iean de la Baume & de Bon-Repos, laquelle vendit son droit de Partenay à Guillaume de Harcourt l'an mccccxxvii. & Marguerite de Chalon femme de Messire Oliuier d'Ysson, qui fut pere de Iean d'Ysson Comte de Tonnerre & de Saint-Aignan. Et sur ce propos conuient expliquer en quel temps & pourquoy les masles de ceste maison prindrent le surnō d'Archeuesque, laissant aux filles celui de Partenay: car ny la cause ny le tēps n'en sont pas encor bien esclarcis. Quelques-vns disent, que ce fut le

M M M m m

pere de Guillaume l'Archeuesque, pere de Jean, qui le premier changea le surnom de Partenay en celui d'Archeuesque, pource qu'estant Archeuesque de Bourdeaux, il demanda dispense au Pape de se marier. Ce que le Pape luy octroya, à condition que luy & ses successeurs masles retiendroient le surnom d'Archeuesque, & les filles auroient celui de Partenay. Mais comme ceste raison n'est pas entierement veritable, aussi la source & l'origine s'en doit-elle chercher plus haut. Car c'est chose certaine qu'il y a près de cinq cents ans que les Sires de Partenay portent le surnom d'Archeuesque. Et croy pour moy, que la cause en vient vraiment d'un Archeuesque de Bourdeaux; mais qui pour quelque sujet incognu fut démis de l'Archiepiscopat, & se mariant depuis, retint neantmoins le surnom d'Archeuesque, pour marque de ce qu'il auoit esté. Au moins ay-je veu tiltre de l'an MLXVIII. pris du Chartulaire de Vendosme, lequel porte, que Guy Duc d'Aquitaine commist la cognoissance d'un different d'Oderic Abbé de Vendosme, pour la terre de la Trinité de saint Aignan, à deux de ses vassaux, sçavoir est Archembaud Archeuesque ja depose, seigneur de saint Mellant, & Geoffroy de Rochefort. Voicy les termes du tiltre. *Anno ab Incarnatione Domini MLXVIII. mense Octob. ultima Dominica eiusdem mensis, Cum apud castrum, quod Surgeris accolae numpant, remorantem Guidonem Aquitanorum Ducem Dominus Odericus Abbas Vindocini & quidam de Monasterij fratribus expetissemus, quatenus inquietudines & iniurias terra S. Trinitatis de sancto Aniano, à Prapósito suo; qui Seniorulus dicitur, irrogatas, sicuti nobis paulo ante promiserat, in ius reduceret, & terram antiqua sua libertati, qua donata fuerat, ad integrum restitueret, contigit ut quibusdam aliis necessitatibus suis prepeditus, causam nostram duobus suis fidelibus, Archembaldo videlicet Archiepiscopo iam deposito, atque Goffredo de Rupesforti tractandam examinandamque committeret, &c.* Et sur la fin, *Testium, qui affuerunt, nomina sunt hac, Odo Abbas S. Ioannis de Angeliaco, Ostensis de Tailliburgo, Hugo de Surgeris, Goffredus de Rupesforti, Archembaldus Archiepiscopus de sancto Maxentio.* Ce qui a sans doute passé depuis à la lignee masculine de Partenay, d'où estoit cet Archembaud Archeuesque depose, Seigneur de S. Maixant, & a tousiours ainsi continué iusques à Jean d'Archeuesque, Sire de Partenay, lequel vendit au Roy Charles VII. les terres de Partenay, Vouuans, Meruans, le Couldray, Saluert, Secondigny, Chastellailon, Mathefelon, & autres, transportees depuis par sa Majesté à Artus de Bretagne Cónestable de France, & aux hoirs masles procrez & descendans de sa chair en loyal mariage, ou en defaut d'hoirs masles à Pierre de Bretagne secónd fils du Duc de Bretagne, pour en iouir apres la mort dudit Artus, & finalement cedees à Jean bastard d'Orleans Cónestable de Dunois, par lettres du xxii. iour d'Octobre mccccxviii. qui furent verifiees en la Cour de Parlement le xix. iour de Ianuier l'an mccccxix. mais sans preiudice des droicts y pretendus par Catherine de Luxembourg, le Comte de Tancarville & de Montreuel, Jean d'Ysson Comte de Tónceire, fils de Messire Oliuier d'Ysson & de Marguerite de Chailon, Artus de la Chappelle & sa femme, & des procez sur ce pendans

en ladite Cour. Pour conclusion, i'adiousteray quelques vers composez en la louage des susdits Guillaume & Jean l'Archeuesque Sires de Partenay, par vn Poete anonyme de leur temps. Car parlant de la mort, qui n'espargne hommes ne femmes, il dit:

Et qui bien à ce pensera
 En la fin il le trouuera,
 Ainsi que ie cuide pour vray
 Que Monseigneur de Partenay,
 (C'estoit Guillaume l'Archeuesque,
 Dont le nom vaut bien un Euesque)
 A trouué en fin. c'est la somme.
 Car c'estoit un moult prud'homme,
 Et se gouverna noblement
 Jusques en son desinement,
 Qui fut moult bel & authentique,
 Et trespassa le Mardy, que
 L'on dit deuant la Penthecouste.
 A maint pouure auoit esté housté.
 En l'an mil sept & quatre cens
 Le bon Cheualier plain de sens
 Ne se pot de la mort deffendre.
 A Dieu ly conuint l'ame rendre
 Le dixseptiesme iour de May,
 Et gist en terre à Partenay
 En l'Eglise de sainte Croix:
 Là gist le Cheualier courtoiz
 En une noble sepulture.
 Et c'estoit raison & droiture.
 Enterrez fut solempnellement,
 Voire & tres-honorablement.
 Car il affiert à grant Seigneur,
 Qu'à vie & à mort ait honneur.
 Le iour de son trespassement
 Fut iceluy iour proprement,
 Que le chief du glorieux Roys
 Saint LOYS Prince de François,
 Que l'on dit saint en Paradis,
 Si fut translaté à Paris.
 Je ne dis pas aquau propre iour
 Que mourut le noble Seignour,
 Fut faite sa translation
 En l'an & incarnation
 Du chief de ce glorieux corps,
 (Car il estoit ja pieçà mort)
 Mais à celle propre iournée
 Que celle feste est honorée

MMMmm ij

*Par chacun an en sainte Eglise,
On moy de May, si com j'anise,
Morut le Cheualier d'onneur.*

Et peu apres il adioust de Iean l'Archeuesque filz & principal heritier de Guillaume.

*Au droit propos veul retourner
De nostre nouuel heritier,
Iean Sire de Partenay,
Dequoy au deuant ie parlay,
Le Seigneur de Mathefelon,
Qui le cuer n'a dur ne selon:
Ains est courtois & debonnaire.
Il appert bien à son viaire,
Car il est doux & gracieux,
Et ne fait point le precieux.
Il est plus doux qu'une pucelle.
De ce retrait-il bien à celle
Dame, dont il est descenduz.
Plus douce d'elle ne vit nulz,
Humble, courtoise, & amiable,
Moult piteuse, & moult cheritable,
Moult fit de biens aux bonnes gens,
Tant ot le cuer & franc & gens:
Car elle estoit de ceulx d'Eureux.
Ils sont piteuses gens entr'eulx,
De ceulx qui ont necessité,
Ils en ont maint recensité,
De pouureté mis à richesse:
Et ce vient de grant noblesse,
De franchise, & de cuer piteux
De secourir aux fameilleux.
Et si fait-il, bien ly ressemble,
Moult fera de biens ce me semble.
Il en a beau commencement.
Aussi affiert-il proprement
A ceulx de la real lignie,
Et il en est, ie n'en doubte mie.
Car ceulx d'Eureux si en issirent
N'agneres, & en descendirent.
Il est cousin au Roy de France,
Dont honneur a de celle branche.
Car c'est le plus noble du monde,
Tant qu'il se comporte à la rondé.
On monde n'a si nobles Roys
Certes, comme le Roy François.
Son cousin est de par sa mere,*

Et parent est de par son pere

Au Roy de Cyprie & d'Armenie.

Puis venant à parler de sa femme, qu'il nomme Burnissent, il enseigne qu'elle estoit fille du Comte de Perigort, & luy donne aussi tout plain de belles louanges en ces termes:

C'est un homme de hault parage,

Et de moult tres-noble lignage:

Et sa femme prinse à espouse

Entre les autres gracieuse,

Humble, courtoise, & debonnaire,

Et ne pense fors qu'à bien faire.

Chacun en dit bien ce me semble.

Ils sont bien assemblez ensemble,

Tant saintement com ne puet mieulx.

En ce point les mainteigne Dieux.

Celle Dame est de Perregort,

Fille du Comte qui est mort.

De ce n'est pas meschaignie,

Car c'est une noble lignie,

Et de moult grant auctorité,

Et de telle ancienneté,

Et y a demouré si long lointaine,

Qu'elle est des le temps Charlemagne.

Quant Charlemagne ot conquesté

Le pays & noble Conté,

Et tout le pays de Guicne,

La noble cité ancienne

A un de ses parens donna.

En ce don moult beau don a.

Son parent estoit moult prochain,

Ce croy-je son cousin germain.

Bien gouverna celle Conté

Ainsi comme l'on m'a conté.

N'ontques depuis ce temps n'ala

Le noble Conté çà ne là

Par femme ne par mariage.

Toujours est venu l'heritage

A hoir mâle, dont est bien fort

De la maison de Perregort,

Dont est venue BURNISSENT,

Gracieuse & saige entre cent,

La Dame douce & debonnaire,

Aux autres Dames exemplaire:

De sen, d'onneur, de courtoise,

Et de maniere bien garnie.

Ne ly faut chose qu'une Dame.

MM M m m iij

Doye auoir, ce croy-je par m'ame.
 Qu'au qu'affiert à Dame est compris
 En celle Dame de haut pris,
 Tant est douce, courtoise, & sage.
 C'a esté un beau mariage
 Que de mon bon seigneur & d'elle.
 Si pry à Dieu qu'il leur doint telle
 Lignie auoir prouchainement,
 Qui dure sans desfinement.
 Car le Sire & la Dame franche
 S'font de la lingne de France.

Ce que j'ay bien voulu rapporter icy tout au lóg, afin d'obnuer à la perte de telles pieces, qui peuuent seruir à l'Histoire particuliere des Maisons.

PAG. 69.

Arrius vne fille de l'age de dix-huit à vingt ans par deuers le Roy, au chastel de Chinon, nommee Ieanne du Liz la Pucelle.} J'ay adiousté ce surnom du Liz, suiuant l'Exemplaire escrit à la main : car il ne se trouue point aux imprimez. Et pour le bien entendre, il est certain que ceste fille, vulgairement dite la Pucelle d'Orleans, s'appelloit Ieanne Darc en son vray nom. Mais le Roy Charles VII. en consideration des grands & singulez seruices qu'il auoit receuz d'elle & de ses freres, tant à la leuee du siege d'Orleans, qu'à son sacre, leur permit de porter en leurs armoiries vn escu en champ d'azur, garny de deux fleurs de Lys d'or, & d'une couronne au milieu, & de changer le surnom Darc qu'ils portoient, en celui du Liz. Ce que nostre Auiheur n'ignorant pas, comme vn des Secretaires dudit Roy, préd de la subiect & de l'appeller *Ieanne du Liz*, & non pas Ieanne Darc, ou Ieanne la Pucelle simplement, ainsi que tous les autres. Et pour confirmation de ce, fait grandement l'article d'un compte rendu l'an mccccxliiii. en la Chambre des Comptes, par lequel Pierre frere de ladite Ieanne est nommé *Me'sire Pierre du Lys, Cheualier*, & non Pierre Darc. Au surplus, Guy Pape, Conseiller du Roy au Parlement de Grenoble, enuiron l'an mccccxl. parle ainsi de ceste Pucelle en la Question lxxxiiii. *Vidi etiam temporibus meis Puellam Ioannam nuncupatam, qua incepit regnare anno quo fui Doctoratus, qua inspiratione diuina armabellica assumens de an. D. mccccxxx. restaurauit Regem Francia, Anglicos à regno expellendo vi armata, & prefatum Regem Carolum ad regnum Francia restituendo, qua Puella regnauit tribus vel quatuor annis.* Maître Martin Franc Secrétaire de Felix V. la louë aussi fort honorablement au Liure intitulé le Champion des Dames, en ces termes:

De la Pucelle dire vueil,
 Laquelle Orliens deliura,
 Où Salleberiy perdit l'œul
 Et puis male mort le naura
 Ce fut elle, qui reconura
 L'honneur des François, tellement
 Que par raison elle en aura

Renom perpetuellement.

*Tu scez comment estoit aprise
A porter lances & birnois,
Comment par sa grande entreprinse
Abatus furent les Anglois:
Comment de Bourges, ou de Blois
Le Roy saillit sous sa fiance,
Et en tres-grant ost de François
Ala deuant Paris en France.*

*Dont vint, & pourquoy, & comment
Tu le fcs bien. Si m'en vueil taire.
Mais qui en liure, ou en comment
Voudra ses miracles retraire,
On dira qu'il ne se peut faire
Que Iehan ne eust diuin esprit,
Qui à telle chose parfaire
Ainsi l'enflamma & l'esprit.*

A quoy ie pourrois encor adiouster ce qu'en escriuent Maistre Martial de Paris, dit d'Auvergne, aux Vigiles de la mort de Charles VII. Messire Oetouian de S. Gelais Euesque d'Angoulesme en son Sejour d'Honneur, & Perceval de Cagny Escuyer de Monseigneur Iean Duc d'Alençon, en l'Histoire des Comtes d'Alençon. Mais pour euitier prolixité, seulement ie tièdray compte d'une circonstance particuliere que ce dernier remarque, quand il recite comme elle commença de faire guerre aux Anglois. Car il dit lors entr'autres choses, *Que ladite Pucelle voyant que nul n'entreprenoit à donner secours à ceste noble place d'Orleans, & congnoissant la tres-grande perte & dommage que ce seroit au Roy & à son Royaume, de perdre ladite place, requist au Roy qu'il luy baillast de ses gens d'armes. Et dit, Par mon Martin (ce estoit son serment) ie leur feray mener des vivres. Ce que ie ne me souuiens point auoir leu nulle part ailleurs. Valerā Varain a outre ce composé quatre liures de ses gestes, dediez au Cardinal George d'Amboise Archeuesque de Rouen. Et depuis quelques-années, on a mesme publié diuerses autres pieces en son honneur.*

Messire Adam de Cambray, grand President de Parlemēt.] Le Mortuologe, ou liure d'Obits des Chartreux de Paris, en l'Eglise desquels ce President repose, porte de luy ce qui suit: *Pridie idus Martij obiit Magister Adam de Cameraco, miles, & primus Præsident Parlamenti Regalis, qui & uxor sua Domina Karola, fundauerunt intus sex anniuersaria conuentualiter celebranda pro se & pro parentibus suis, pro quibus dederunt nobis CCC. auri scuta in redditibus conuertenda. Insuper dederunt nobis pulcherrima ornamenta, magno altari deseruiencia, cum vestimentis sacerdotilib. celestis coloris; multa que alia bona fecerunt nobis, quæ possunt ascendere usque ad C. L. scuta ultra dictam summam, & requiescunt in Ecclesia nostra iuxta Cappellam S. Ludouici. Il estoit fils de Nicolas de Cambray dit le petit Clerc; & Charlotte sa femme fille de Nicolas Alexandri marchand Bourgeois de Paris, comme il se voit par le mesme Obitaire.* PAG. 79.

PAG. 84. *Là fut prins le Duc de Bar.*] Ce fut Anthoine de Thoulangeon, Marefchal de Bourgongne, qui le print, & le mena prisonnier à Dijon, en vne grosse tour quartée, sise au coin de l'Hostel ou maison du Roy, laquelle on a depuis nommée pour ce, *la Tour de Bar.*

PAG. ead. *Messire Anthoine de Tholangeon Marefchal de Bourgongne.*] En la Chappelle des Ducs de Bourgongne à Dijon, contre l'un des piliers de la Chappelle des Duchesses, y a vn grãd tableau chargé de gueules à trois faisses ondes d'or, escartelé de gueules à trois jumelles d'argent, au dessus duquel est escrit en grosses lettres, ANTHOINE DE THOVLANGEON. Et dessous l'Ordre de la Toison, qui y est aussi representé: *Cy gist noble & puissant Seigneur Messire Anthoine de Thoulangeon, Cheualier, jadis Seigneur de Frasne, & de la Bastie, Marefchal, Gardien, Gouverneur, & Capitaine general de Bourgongne, qui trespassa à Dijon le iour de saint Michel, trentiesme de Septembre, l'an mil quatre cents trente deux.*

PAG. 87. *En celuy an fut mis le siege par les Anglois à Saint Celerin.*] Il faudroit dire, Saint Cerenin. Car le mot vient de *Sanctus Cerenius*, qui habita jadis en celieu, comme remarque Ordericus Vitalis Moynes de S. Eural, au Liure viii. de son Histoire Ecclesiastique.

PAG. 89. *Et apres l'en apporta le vin & les espices.*] Il prend espices pour dragées & confitures, du mot Latin, *species, specierum*, dont vlent quelques anciens: comme Pierre Abbé de Cluny, aux Statuts de son Ordre, Statut xi. *Statutum est, vt ab omni mellis ac specierum cum vino confectio, quod vulgari nomine Pigmentum vocatur, Cæna Domini tantum excepta, qua diem absque speciebus vino mistum antiquitas permittit, omnes Cluniacensis Ordinis fratres abstineant.* Et en cas semblable que nostre Auteur, Philippes de Cômynes au ii. Chap. de ses Memoires, dit, que Philippes Duc de Bourgongne donna congé aux Ambassadeurs, qui estoient venus de la part du Roy de France, apres qu'il leur eust fait prendre le vin & les espices. Mot qui dure encor en ceste signification aux festins solempnels des Ecoles de Theologie à Paris, où l'on a sur le dessert accoustumé de demander le vin & les espices. Et mesmes ce que prennent les Iuges sous le nom d'espices, apres le iugement des procès, a de là tiré son origine. Car anciennement ceux qui auoient obtenu gain de cause, faisoient present à leurs Iuges de quelques espiceries ou dragées, par forme de reconnaissance. Ce qui a finalement esté eschangé en argent.

PAG. 95. *Messire Sapin d'Eugennes.*] Je pense que c'est celuy mesme qu'il a deuant nommé Saladin d'Englennes pag. 83.

PAG. ead. *Anthoine de Chabannes.*] Il y auoit en ce temps trois freres du surnom de Chabannes, lesquels rendirent tous de grãds seruices au Roy Charles, pour le recouurement de son Estat & Couronne: ainsi que remarque particulièrement Sebastian de Mamerot en ses Chroniques, sçauoir est Estienne, Iacques, & Anthoine. Estienne de Chabannes Capitaine de gens d'armes mourut à la iournée de Creuant l'an mcccxxiii. Et apres son trespas se retirerent les gens d'armes de sa compagnie deuers Messire Iacques de Chabannes, seigneur de Charlus & de Pally son frere & Lieutenant, lequel fut depuis Capitaine, puis Seneschal de Bourbonnois,

bonnois, & finalement grand Maistre d'Hostel de France. Cestuy cy mourut de peste enuiron huiet iours apres la iournée de Castillon, & fut enterré premièrement dans l'Eglise des Cordeliers de Rion en Gascongne, puis quelque temps apres trāsporté à Charlus en Chabannés, qui estoit à luy. Mamerot adioust qu'il acquesta les Seigneuries de Montagu, la Palice, & Chasteau Perou, & que le iour de son trespas il auoit pour soixante mille liures de prisonniers Anglois entre ses mains. Anthoine de Chabannes fut page du Comte de Vantadour, puis de la Hyre, & de là paruint à la Capitainerie de Creil sur Oise. Quelque tēps apres il se mist au seruice du Comte de Vaudemont. Et pour le luy faire laisser Charles Duc de Bourbon luy donna la Capitainerie de Chauroches avecques le reuēu de la terre, rachetable de dix mille escus. Dequoy il iouyt iusques apres le decés dudit Duc Charles, & tant que Iean Duc de Bourbon son fils & successeur, lequel espousa Madame Ieanne de France fille du Roy Charles vii. luy eut payé ladite somme. Cependant il vint au seruice du Roy mesme qui luy fit de grands biens & honneurs, & l'institua nommément son Lieutenant general en Dauphiné pour aller mettre le pays en son obeissance, & ramener Louys Dauphin son fils, ou par amour ou par force. Bref sous le regne dudit Louys xi. du nom, il fut aussi créé grand Maistre d'Hostel de France. Et deceda possesseur de plusieurs grandes terres & Seigneuries, rāt de son estoc & conquest, que du costé de Marguerite de Nantuel sa femme. Car elle luy apporta en mariage, qui fut celebré dès l'an mccccxxxix. le xx. iour de Septembre, la Comté de Dammartin en Goelle, la Baronnie de Tour en Chāpagne, & la Seigneurie de Marcy en Niuernois, comme tesmoigne le susallegué Mamerot en ses Chroniques, où il raconte amplement les gestes desdits Anthoine & Iacques de Chabannes. Mais entre les choses plus notables qu'il escrit d'Antoine, l'une est qu'enuiron l'an mccccxxxvii. il mena en Cambresis & Haynaut vne compagnie de François, *lesquels on nommoit en commun langage les Escorcheurs; pour autant que toutes gens qui estoient rencontrez d'eux estoient deuēstus de leurs habillemens tout au net iusques à leurs chemises; & que ceux qui s'en retournoient ainsi tous nuds en leurs lieux, on disoit qu'ils auoient esté entre les mains des Escorcheurs.* Sur quoy le Roy Charles qui vouloit l'auoir à son seruice, luy ayant dit vn iour, *Adieu Capitaine des Escorcheurs,* il respondit à sa Majesté, *Sire, ie n'ay escorché que vos ennemis, & me semble que leurs peaux vous feront plus de profit que à moy.* Il dit aussi que le mesme Antoine de Chabannes estat Capitaine de Creil print le Bastard de S. Pol & le Seigneur de Humieres prisonniers, avec soixante combatans, qui luy payerent pour leur rançon cinquante mille liures. Et quant à Messire Iacques de Chabannes son frere, il remarque en suite qu'ayāt reduit en l'obeissance du Roy la ville & chasteau de Corbeil, & le chasteau du Bois de Vincennes, sa Majesté luy donna lors ledit chasteau de Vincennes, rachetable de ving mille escus, desquels il fut payé dix ans apres ou enuiron. Le reste se peut voir par les curieux en la Chronique mesme, sans qu'il soit besoin d'en transcrire icy dauantage.

•NNNn

PAG. 105.

En ce temps mourut aussi la vieille Comtesse d'Armaignac, fille du Duc de Berry, & mere du Duc de Savoie, du Comte d'Armaignac, & du Comte de la Marche.] C'est Bonne de Berry, laquelle en son testament daté du dernier iour de Iuin l'an mccccxxiiii. prend les qualitez de Dame Bonne de Berry Comtesse d'Armaignac & de Rodés, Vicomtesse de Carlat, fille de Iean filz de Roy de France, Duc de Berry & d'Auvergne, veufue de feu Monsieur Bernard Comte d'Armaignac & de Rouergue. Et par ledit testament elle fait plusieurs legs, & donations, qui peuuent seruir à l'intelligēce de celieu. Car premierement, elle donne par droit d'institution à son filz & à ses filles que elle auoit eu de Ameil Comte de Savoie son premier mary, quelques anneaux, bagues, & sommes de deniers. Elle legue aussi, & baille par droit d'institution à Iean Comte d'Armaignac son filz & dudit Comte d'Armaignac, à Bonne d'Armaignac Duchesse d'Orleans, & Anne d'Armaignac Dame de Albret, autres bagues, liurés, & deniers. Et institue son heritier vniuersel en toutes ses terres, villes, chasteaux, & biens quelconques, Bernard d'Armaignac Comte de Perdrillac son filz, & dudit feu Bernard son second mary.

PAG. 107.

Ceux de Paris vindrent au deuant du Roy iusques à la Chapelle S. Denis.] Maistre Martial de Paris, dit d'Auvergne, descrie fort particulièrement ceste entree du Roy Charles en la ville de Paris. Mais entre les choses memorables que l'on fit en ceste ville apres sa reception, & qu'il eut acheué de chasser les Anglois hors de son Royaume, restably l'honneur de la Iustice & des Lettres, & redonné la paix entiere aux Fleurs de Lys agitées par vn si long temps de seditions & guerres intestines: ie ne pense point qu'il y en eut de plus singuliere, que certaines especes de Medaillons, qui furent forgez à son honneur, & pour marque eternelle des victoires, par luy obtenues tant sur ledicts Anglois ennemis capitaux de sa Couronne, que sur les mauvais François rebelles à sa Majesté. Car les inscriptions ou legendes qui sont autour de ces medaillons. Et en ay ven de deux differentes sortes entre les mains de deux miens amis, lesquelles j'ay iugé dignes d'estre icy representées.

PAG. 108. Et luy fut apporté à l'entree de la ville un drap d'or, que les quatre Eschevins portèrent à quatre bastons dessus le Roy.] Monstrelet appelle ce drap, Ciel, en ces termes: Si mirent iceux Preuost & Eschevins un Ciel bleu, couvert de fleurs de lys d'or, & le portèrent tousiours apres par dessus le chef du Roy. Et Marrial de Paris en la description de l'entree du mesme Roy à Rouen;

*Quatre Bourgeois de la cité
Portoient sur le Roy à l'entree
Un beau ciel vermeil velouté,
Aux armes du Roy, & liurée.*

Ce qui se pratiquoit aussi aux sacres & couronnements. Car Froissard parlant du couronnement d'Henry Duc de Lancastre en Roy d'Angleterre: En venant, dit-il, dudit Palais à l'Eglise, avoit sur le chef dudit Duc un drap de soye de couleur inde, & quatre clochettes d'or sonnantes; & portoit ledit Ciel quatre Bourgeois de Douvres, pour la cause que c'est leur droit.

PAG. cad. Et devant les filles Dieu avoit une fontaine, dont l'un des tuyaux jettoit lait, & 109. l'autre vin vermeil, l'autre vin blanc, & l'autre eau. Marrial de Paris dit que c'estoit de l'hypocras, & non du vin. Car voicy comme il en parle,

*Tout au devant des filles Dieu
L'on avoit fait une fontaine
Jettant là par tuyaux d'un lieu
Hypocras blanc, vermeil, eau sainte.*

Et certes que l'on donnaist quelquesfois de l'hypocras en telles festes & solennitez publiques, Monstrelet l'enseigne à l'entree de Charles VI. en ces termes, Il y avoit dessous l'esthausaut une fontaine jettant hypocras, & trois Seraines dedans, & estoit ledit hypocras abandonné à chacun. Et à l'entree du Roy Louys XI. en la rue saint Denys estoit une fontaine, qui donnoit vin & hypocras à ceux qui boire en vouloient. Ce qui fut aussi fait par ceux de Rouen à l'entree de Charles VII. ainsi que Marrial de Paris le témoigne quand il dit:

*Es rues y avoit personnages,
Et une très-belle fontaine
Jettant par les tuyaux breuvages
D'Hypocras; vin, & eau sainte.*

Toutesfois bien souvent on ne dénoit que du vin. Car lors que le Roy Charles VI. la Roïne Isabel de Bauiere, & le Roy Henry d'Angleterre, avec sa femme Madame Catherine de France vindrent à Paris, le jour, dit Monstrelet, & toute la nuit découloit vin en aucuns carrefours abondamment par robinets d'airain, & autres conduits ingenieusement faitz, afin que chacun en print à sa volenté. Et au couronnement du Roy Charles VII. Le lundy ensuiuant estoit une table mise parmy les rues, & y avoit vin & viande en grande abondance pour tous venans.

PAG. 109. Et là venoient gens de toutes parts, crians Noel] C'estoit l'ordinaire à lors de crier Noel aux grandes & insignes resjouissances: principalement quand le peuple vouloit congratuler à son Prince. Car il se trouva aux Registres de la Chambre des Comptes, & aux grandes Chroniques de saint Denys, qu'en baptisant le Roy Charles VI. en l'Eglise de S. Pol le

111. iour de Decembre l'an M. CCCLXVIII. il y auoit vne grâde multitude de peuple, qui commença de crier Noel. Et Monstrelet parlant du retour de Jean Duc de Bourgogne à Paris, escrit que les Parisiens en furent si ioyeux, qu'à son arriuée les petits enfans mesme crioient par les rues Noel. Autant en firent-ils lors que Philippes Duc de Bourgogne fils du precedent y ramena sa seur au Duc de Bethfort. Car le mesme Monstrelet dit qu'à sa venue fut faite grande joye des Parisiens; sy crioit-on Noel par les carrefours où ils passoient. Et Martial de Paris, à l'entree du Roy Charles VII. dans Vernueil.

*Les uns aux fenestres estoient
A voir ledit sen Roy passer
Puis les enfans s'agenouilloient,
En criant Noel sans cesser.*

Et derechef,

*Ce iour vint le Roy à Vernueil,
Où il fut receu à grand ioye,
Du peuple ioyeux à merueil,
Et criant Noel par la voye.*

Ce qui est aussi fort frequent en la Chronique de Louys XI. qu'aucuns appellent la Medisante.

On temps de Karesme cedit an se partirent les Rotiers du pays de Bar & de Lorraine.] Les Latins les appellent Ruptarios, du mot Ruta sue Rupta, qui signifie compagnie de gens de guerre à cheual, Guillaume de Neubrige au Liure v. des Gestes des Anglois, chap. xv. Per stipendiariam militiam, quam Rutas vocant, expugnato Isanduno. Et Guillaume le Breton au liure v. de sa Philipide,

PAG. 112.

*bellatorumque minorum
Milia dena quater, & Marchaderica Rupta
Excedens numerum*

Auquel sens nos vieux Poetes François vsurpent aussi Route pour compagnie de gens de cheual. Car ainsi en vse l'auteur du Roman intitulé Garin le Loheran, composé du temps de Louys le Jeune.

*En sa compagnie ot de Cheualiers mil,
Grant fu la route quant li Dus de scandil.*

Et ailleurs.

*Là veïsez les routes assembler
Et Amauriz lest le cheual aler.*

D'où vient pareillement arouter, pour assembler ou mettre en compagnie. Le mesme Roman

*Quant mengié orent, & il orent disné,
Au tres Garin furent tuit arouté.*

Et drechef,

*L'arrieregarde fet le pays rober,
Et les grans proies charger & arouter.*

Mais quelle est l'origine de Route, ou Ruta? peut estre du mot Ronx, qui signifie cheual en vieux langage François: car ainsi le prend aussi l'Au-

NNN n n iij

theur du fuisdit Roman, quand il dit,
Es vn mesage for vn rous Arabi,
Nonelles conte, & il fu bien oi.

Et peu apres,
Hue s'en retorne for le rous Arabi.

Puis encor ailleurs,
Bien fu armé for le rous Ara bi,

C'est à dire, sur le cheual d'Arabie.

Ce que i'estime d'autant plus vray, que mesme encor auionrd'huy ceux des Pays-bas appellent *Ruter* vn homme de cheual, en leur langue: & nous par quelque alteration ou corruption de lettres, *Reistre*.

PAG. cad. *Si les habilla, remonta, arma, & artilla le Roy au mieux qu'il peut.*] *Artiller*, proprement, c'est rendre fort par art, & garnir d'outils ou instrumens de guerre. Ce que le Roman du Cheualier au Barizel confirme en ces termes:

Prés de la marche de la mer
Auoit fait son castel fermer,
Qui mout estoit bien batilliez,
Si fors, & si bien artilliez,
Qu'il ne creinoit ne Roi ne Conte.

Et delà le nom de nostre *Artillerie*. Auquel sens aussi ie croy que l'Auteur du Bestiaire appelle le Goupil *artillex*, en ces termes:

Le Goupil est moult artillos,
Quant il est auques f. millos.

C'est à dire inuentif, & plein d'artifices.

PAG. II7. *Le Comte de Laual marié à la seule fille du Duc de Bretagne.*] C'est Guy XII. du nom fils aîné de Iean de Monfort dit Guy XIII. & de Dame Anne heritiere de Laual, ses pere & mere: lequel en premieres nopces espousa Madame Isabeau de Bretagne, fille vniue de Iean Duc de Bretagne, & de Madame Ieanne de France fille du Roy Charles VI. au mois d'Octobre l'an MCCCXXX. & en secondes nopces se remaria avec Dame Françoisse de Dinan, fille & heritiere de Iacques de Dinan Seigneur de Chateaubrient, & de Dame Catherine de Rohan, & veufue alors de Gilles de Bretagne, tiers fils du Duc Iean de Bretagne, & frere des Ducs François & Pierre de Bretagne; ainsi que remarque Pierre le Band en la Chronique de Vitre.

PAG. cad. *Pour ceux de Paris l'Euesque de Beaunais.*] Il s'appelloit Messire Iean Iuuenal des Vrsins, fils de Monsieur Iean Iuuenal des Vrsins Baron de Traÿnel, & de Dame Marie de Vitry sa femme, desquels il a cy-deuant esté fait mention: & fut depuis Archeuesque de Rheims. Or de l'an MCCCXXXIII. il auoit fait vne Epistre pour enuoyer aux Estats tenus à Blois par le Roy Charles, de laquelle i'inséreray les principaux points en cet endroit. Car elle n'est pas imprimée. Elle commence ainsi: *Tres-reuerends Peres en Dieu, Archeuesques & Euesques, tres-hauts & puissans Princes, Ducs & Comtes, & tous autres gens d'Eglise, nobles, & bourgeois de*

bonnes villes, qui de present estes assemblez par deuers le Roy mon souverain Seigneur, par forme des trois Estats, pour mettre prouision, comme l'on dit, au fait tres-douloureux & tres-piteux de ce Royaume, notoirement destruit & gasté par faulte de bonne police & bon gouuernement. Le JEAN IUVENAL DES VRSINS poure & indigne Euesque de Beauuais, me recommande tres-humblement à vostre bonne grace. Et combien que ie n'ay sens, entendement, discretion, forme de langage, ne autre chose, de vous sçauoir aduertir en si haultes matieres que debueriez traiter: Toutesfois les afflictions, douleurs, desplaisances que i'ay, de voir l'estat de ce Royaume, me ont fait enhardir de aucunement vous aduertir selon ma poureté & petite imaginatiō, de vous escrire ceste presente Epistre. En vous suppliant tres-humblement, que s'il y auoit chose, qui deüst desplaire au Roy mon souverain Seigneur, ou à vous, ou à aucun de vous, que enuers luy me veulliez excuser, & vous aussi me tenir pour excusé, & me soit pardonné. Car ie cuido bien faire. Apres cela, il prend la reformation pour matiere, & exhorte la nouuelle Assemblee, de regarder & considerer les fautes horribles & detestables delicts qu'on a ven faire & commettre par aucuns dans le Royaume: comme heresies diuerses contre la foy pulluler, & user de diuerses manieres de sorceries: oppression cruelle du peuple, nouueaux tourmens pour finance du pauvre exiger, plus terribles & merueilleux que ne faisoient les Payens aux benoists Martyrs: pour iustice violence, pour misericorde rapine, pour protection destruction, pour soustenance subuersion, pour pasteurs pilleurs, pour defenseurs persecuteurs: sacrileges, destructions d'Eglises, & en icelles bouter feux, & ardre le precieux corps de IESVS-CHRIST, hommes, femmes, & enfans dedans: violation de pucelles, prostitutions de mariages, prophanacons de lieux saints, pilleries, larrecins, meurtres: plusieurs se occir eux mesmes par desesperoir. Tous ces delicts, adiouste-il, ont esté faits & commis, non par les ennemis, ains par aucuns de ceux qui se disoient au Roy. Lesquels sonbs ombre des appatis, & autrement, prenoient hommes, femmes, & petites enfans, sans difference d'age ou sexe. Efforçoient les femmes & filles, prenoient les maris & peres, & les tuoient en presence des femmes & filles. Prenoiēt les nourrices, & laissoient les petis enfans, qui par faulte de nourriture mourioient. Prenoiēt femmes grosses, les mettoient en ceps, & là ont eu leur fruit, lequel on a laissé mourir sans baptisme. Et apres a-l'on getté & femmes & enfans en la riuiere. Prenoiēt les Moynes & gens d'Eglise, laboureurs, les mettoient en ceps & autres manieres de tourmens nommez sargex. Et eux estans en iceux les battoient, dont les aucuns sont mutillez, les autres enragez & hors de sens. Appatissoient les villages, tellement que un pauvre village estoit à appatis à huit ou dix places. Et si on ne paioit, on alloit bouter le feu es villages, & Eglises. Et quant les pauvres gens estoient prins, & ils ne pouuoient payer, on les a aucunesfois assommez eux estans en ceps, & gettez en la riuiere. Et n'y demouroit cheual labourant, ny autres bestes. Si le Roy donnoit sauuegardes à pauvres Eglises, ou autres personnes, ils estoient rompus, & n'en tenoit-on compte, au grand deshonneur du Roy, & de sa seigneurie. Puis ayant ainsi representé les cruantez exercees sur toutes sortes de gens, il dit: Les fautes qui ont esté au fait du gouuernement & police de ce Royaume en general & en particulier seroiēt longues à declarer. Et si me doute, que en parlant en general, aucuns particuliers cuidoient que ie les voulsisse charger. Et aussi il ne peut que aucuns de vous n'en

ayent memoire & souvenance. Et si cognois l'entendement du Roy estre tel, que des fautes aduenues de son temps, il en a assez congnoissance. Et pour ce de le reciter ie m'en passe. Et pour abreger, les choses ont esté tellement depuis xxx. ans, ou autre long temps si mal gouvernées, que ce Royaume en est destruit & depopulé, & n'y a pas le dixiesme du peuple, qui y souloit estre. Et tout par faulte de iustice, & que remede n'y a esté mis.

En apres, il touche les abus & maluerfations de chacun Ordre en particulier; comme des gens d'Eglise, de la Noblesse, de la Iustice, des Marchands, & de tout le tiers Estat. Et puis il excite les François à aimer & honorer le Roy Charles VII. leur souuerain Seigneur, en ces termes: *Je dis secondement, que pour Dieu appaiser, nous deuons le Roy aimer & honorer. Et croy que si oncques Roy deust estre aimé & honoré, vous deuez aimer & honorer le Roy nostre souuerain Seigneur. Car il est aimé de Dieu. Sa vie, son gouvernement est bel, honneste, & plaisant à Dieu. Et n'y a en luy aucun vice. Je parlasse plus auant de sa personne, si on ne l'imputast à vne maniere de flatterie. Regardez & aduisez quelles merueilles Dieu a faites pour luy. Comme il fut sauué de la main de ses ennemis à Paris: La bataille de Baugé, ses deliurances des sieges mis par les ennemis à Montargis, à Orléans, à Compiègne, & Laingny, & la forme & maniere de son Sacre, & reconuement en partie des pays de pardeça. La mort merueilleuse du Roy d'Angleterre, du Conte Salisberi, & autres ses ennemis. Ces choses sont elles venues par les vaillances & vertus des nobles; par les prieres des gens d'Eglise? Je croy que non. Mais Dieu l'a fait, & a donné courage à petite compaignee de vaillans hommes à ce entreprendre & faire, à la requeste & priere du Roy. Considerex celle noble Maison de France, le Roy, la Royne, Monsieur le Dauphin, Jacques Monsieur, les belles filles, leur patience. Qui me semble, tout considéré, chose merueilleuse. Helas! helas! Et quelle compaignee est-ce, de Dieu gardée, de Dieu aimée, de Dieu prisee & honorée, comme vous pouuez voir apparement? Ne la deuez vous doncques aimer? Certes si faites. Et en aimant, seruant, & honorant, vous monstrerez euidentement que vous aimez & craignez Dieu. Bref il conclud par la façon, dont les Ecclesiastiques, la Noblesse, & les bonnes villes du Royaume doiuent honorer le Roy. Vous deuez aussi, fait il, honorer le Roy du vostre. Il y a plusieurs Prelats, & gens d'Eglise, qui sont demourez durant ces guerres sur leurs benefices, qui ont trespeu despendu, au regard de la valeur d'iceux, & les autres ont eu du bien du Roy & de ses predecesseurs, & en ont eu grands cheuances. Les autres ont marchandé. Ceux qui ont de quoy feront bien d'en aider au Roy & à la chose publique. Vous estes plus tenus à faire les œuvres de charité que les autres. Et la plus vraie charité, en quoy vous puissiez employer le vostre, c'est pour la chose publique, à releuer ce pauvre Royaume. Et au regard de vous Nobles, Ducs, Princes, Cheualiers, & Escuyers, aimez & honorez le Roy de vos personnes, comme de vos cheuances. En ce ne deuez rien espargner, ne corps, ne biens, que ne aydez du vostre. Vous ne pouuez ou debuez excuser, ven la necessité qui y est: & y doiuent tous contribuer, & y debuez estre contraincts. Tous doiuent estre contraincts à offrir pour le fait de la chose publique. Faites de bonne volonté, & n'attendez point qu'on vous y contraigne: & ostez tous arguments de*

privileges

privileges & d'exemptions. Contribuez tous d'une commune volonté aux necessitez, qui sont de present à faire. Recettez tous rescriptz diligemment, & vous ferez vostre debvoir, & accomplirez ce que dit est, Regem honorificate, &c.

Mais outre ce, le mesme Euesque ayant esté depuis delegué pour ceux de Paris, aux Estatz assemblez en la ville d'Orleans l'an mccccxxxix. ainsi que remarque icy nostre Autheur, il y fist encor vne autre Epistre adressante au Roy, touchant les miseres & calamitez de son Diocese, laquelle on peut voir dans les Memoires de Beauvais & Beauvaisis de Monsieur l'Oiselancien Aduocat en la Court de Parlemēt. C'est pourquoy ie me deporter d'en dire rien dauantage.

Maistre Jacques Luvéal des Vrsins, qui depuis fut Patriarche & Euesque de Poitiers.] En ce temps, & en l'an mccccxliii. il n'estoit qu'Archidiacre de Paris, Aduocat & Conseiller du Roy en la Cour de Parlement, comme nous auons desia dit ailleurs. Depuis il paruint à l'Euesché de Poitiers: & fut aussi Prieur de saint Martin des Champs à Paris: où residant l'an mcccclv. il dedia la Chapelle de saint Blaise en l'Eglise & Conuent des Chartreux. Car voicy ce qui s'en trouue en vn de leurs Liures: *Anno Domini mcccclv. D. Iacobus de Vrsinis, Patriarcha Antiochenus, & Episcopus Pictaueusis, benedixit & consecrauit Capellam in honorem B. Virginis & S. Blasij. Et en leur Obitaire il est encor fait mention de luy, & de quelques deniers qu'il leur donna, pour la fondation d'un Anniversaire perpetuel, en ces mots: Pridie Idus Octobr. Reuerendissimus in Christo Pater & Dominus, Dominus Iacobus miseratione diuina Patriarcha Antiochenus, Episcopus Pictaueusis, dedit in puram elemosynam nobis pro fundatione vnus anniuersarij perpetui in vita & in morte summam centum scutorum nouorum auri. Et multa alia bona fecit nobis, & fieri procurauit.*

En ce temps furent prins la ville & chastel de Sainte Susanne sur les Anglois par le Sire de Bueil.] Iean Duc d'Alençon estoit seigneur de ceste place, & en commit la garde & Lieutenance à Iean seigneur de Bueil, apres qu'il eut reprise sur les Anglois. Car il y a lettres du Roy Charles de l'an mccccxi. le xvi. iour du mois de Mars, signees Chaillant, & seellées sur simple queue de cire jaune: par lesquelles sa Majesté mande au premier Huisier ou Sergent, & Herault ou Pourfuiuant d'armes, ou autre Sergent Royal, faire commandement sur certaines & grādes peines à Iean Seigneur de Bueil, de laisser & souffrir iour Ioan Duc d'Alençon, Comte du Perche, Vicomte de Beaumont, de sa place & forteresse de Sainte Susanne, laquelle ledit Duc d'Alençon auoit baillee en garde audit de Bueil son Lieutenant, & s'en laisser disposer à son plaisir, & luy bailler plaine & entiere obeissance.

Et de Messire Iean Sanglier.] Les Sangliers sont cognus par les Histories & Chartes anciennes dès le temps du Roy Philippes premier. Au moins en vn tiltre de Ioscelin Archidiacre de Paris, qui donne l'autel de Châpigny à l'Eglise de S. Martin des Champs enuiron l'an mxxvii. ie trouue vn Pierre Sanglier entre les tesmoins de sa donation. Car le Tiltre finist en ceste sorte. *Hoc testificentur, si opus fuerit qui viderunt, & qui in hac Cartula ad testificandum scripti sunt, Arnouldus videlicet de Montemaurenciaco, Petrus Senglaris, Paganus de Montegasio, Robertus de Canoilo, Hugo*

OOOOO

PAG. 19.

PAG. ead.

PAG. 122.

Expianus verderiam, Hertebaldus de Vitricio, Pontius filius Ebrardi de Naiscio.
Et par d'autres Titres il s'apprend aussi que le mesme Pierre Sanglier eut vne seur nommee Agnes Sanglier femme d'un Aldebrannus; & que luy d'Adeline son espouse laissa deux enfans, Simon & Pierre les Sangliers. Outre quoy, l'Histoire des Archeuesques de Sens porte encor, qu'un Henry Sanglier obtint ceste dignité du temps de S. Bernard Abbé de Clairvaux. Ce qui demonstre assez la splendeur & l'antiquité de ceste maison.

PAG. cad. Et le gouvernoit le Comte de Perdrac frere du Comte d'Armaignac, & pour lors ayant espousée la Comtesse de la Marche.] C'est Bernard d'Armaignac, second fils de Bernard Comte d'Armaignac, & de Madame Bonne de Berry, fille de Jean Duc de Berry; lequel espousa Madame Alienor de Bourbon fille & heritiere de Jacques de Bourbon Comte de la Marche; & d'elle eut un fils entr'autres appellé Jacques d'Armaignac, Comte de la Marche, de Perdrac, & de Castres, Vicomte de Carlat & de Murat apres luy. Ce que m'enseigne un titre du vi. Juillet MCCCCXXXVI. portant que, Jacques Roy d'Hongrie, de Hierusalem & de Sicile, Comte de la Marche & de Castres, Seigneur d'Alençon, de Montegu en Combraille, de Quaili, de Betancours, de Lesignant, donna lesdites terres & tous ses autres biens à Messire Bernard d'Armaignac, Comte de Perdrac, à Alienor de Bourbon sa fille, femme dudit Bernard, & à Jacques leur fils; refermé à luy la somme de deux mille escus d'or chacun an sa vie durant.

PAG. 123. Monseigneur d'Alençon & Jean de la Roche auoient prins la ville & chasteil de Saint Messant.] Messire Octouian de S. Gelaiz Euesque d'Angoulême parle ainsi de ce Jean de la Roche, Cheualier Angoulmois,

*Je peu apres cheminant par ce bois
Veis trauerser par une voye plaine
Homme excellent du pays Angoulmois,
Vray chef de guerre, & noble Capitaine:
Qui les Anglois maint iour, mainte sepmaine
A mis en fuite, & ieux desconfit.
Lors reuerence & honneur ie luy fix:
Car ie congneu que c'est Jean de la Roche,
Royal François, Cheualier sans reproche.*

PAG. 130. Et se mist le Duc d'Alençon en la riuiere d'Allier, & s'en alla par ses iournees en son pays à Pouencé.] Pierre Comte d'Alençon appellé le Noble, fils de Charles II. Comte d'Alençon, espousa Madame Marie de Champ-Maillard, fille de Messire Guillaume de Champ-Maillard, Cheualier, Seigneur d'Anthenaife, & de Dame Marie de Beaumont, fille de Jean Vicôte de Beaumont. Et au moyen de ce mariage la Vicoté de Beaumont vint en la Maison d'Alençon, avec les Baronnies & Seigneuries de Fresne, Sainte Susanne, la Fleche, Pouécé, Chasteaugotier, & autres: Car ladite Dame de Champ-Maillard fut seule heritiere de Messire Louys de Beaumont, Cheualier, Vicomte dudit lieu, son oncle maternel.

PAG. 136. L'Euesque de Lengres Per de France, qui estoit de ceux de Vienne.] L'Histoire des Euesques de Lengres escrete à la main, le nomme Philippe de

Vienne, successeur de Jean Gobilon, & dit qu'il tint le siege environ quatorze ans. Il fut aussi Prieur de saint Marcel lez Chastillon.

Ou mois de l'annuier apres la Tiphaine.] C'est à dire apres la feste des Roys. Mot corrompu du Grec Latin, Epiphania. P A G. 140.

Monseigneur le Comte de Dunois bastard d'Orleans.] Charles Duc d'Orleans & de Vallois, Comte de Blois & de Beaumont, Seigneur d'Ast & de Coucy, fist don à Jean d'Orleans son frere bastard, pour luy, & ses hoirs, descendans de sa chair en loyal mariage, du Comté & Vicomté de Chateaudun & de Dunois: par lettres patentes expediees au chasteau de Blois l'an mccccxi. en Aoust. Et au moyen de ce don, il porta dès ores en auant la qualité de Comte de Dunois. P A G. 141.

Entre lesquels estoit Messire Loys de Laual, Seigneur de Chastillon.] L'Histoire de Vitre le fait frere de Messire André de Laual, Seigneur de Loheac, Marechal de France, & dit de luy, Qu'il eut pour son partage Chastillon & toute la terre & pays de Vendelays, & mesmes les Seigneuries & Chastellenies de Friuandour, de Quemper-guezmet, du vieil Marché, & de S. Michel près Guingamp en la basse Bretagne. Le Roy Charles l'appella à son seruire, & l'honora de plusieurs grandes charges, & gouuernemens: Car il le constitua en premier lieu Gouverneur de tout le Dauphiné, puis de la ville & Communauté de Gennevilliers, qui s'estoit mise en la protection. C'est aussi celuy, qui en plusieurs lettres du mesme Roy est appellé simplement le Sire de Chastillon, & par le commandement duquel Sebastian de Mamerot Soissonnois traduisit la Chronique de Martin Polonus en nostre langue. Ce qu'il declare & recognoist au Prologue d'icelle, en ces mois: Par le vouloir de IESVS CHRIST vray Dieu Tout-puissant, courant l'an de son Incarnation mccccxviii. Messire Loys de Laual, Seigneur de Chastillon & de Friuandour, Gouverneur du Dauphiné, a fait translater & mettre de Latin en François les Chroniques Martinienues, par son tres-humble Clerc & seruiteur Sebastian de Mamerot de Spiffons. P A G. 143.

Et aussi qu'il se disoit par la grace de Dieu Comte d'Armaignac, ce qui n'appartient à Duc ne à Comte subiect de nul Royaume.] J'ay veu neantmoins plusieurs titres de Comtes, & mesme de Seigneurs & Barons, lesquels anciennement prenoient la qualité de Comtes, ou de Seigneurs, PAR LA GRACE DE DIEU, tant deslous la seconde que troisiemes lignee de nos Roys. Car en l'Eglise de Nostre Dame de Paris ils ont vne Chartre d'Estienne Comte, & d'Amaltrude sa femme, contemporains du Roy Charlemagne, laquelle commence ainsi, In Dei nomine ego Stephanus Christi humilis GRATIA DEI Comes, necnon & Amaltrudis Comitissa. Le Chartulaire de nostre Dame de Gournay, membre dependant de saint Martin des Champs de Paris, porte aussi qu'un Galerannus Dei gratia Comes de Mellento, & Agnes uxor eius, donnerent la moitié de deux moulins aux Religieux de Gournay, du temps du Roy Louys le Jeune. Et celuy de l'Abbaye de saint Victor lez Paris, fait outre ce mention d'un Mathieu Seigneur de Montmorency, lequel environ l'an mxciii. s'intitule Mathew de Montmorenciaci Dei gratia dictus Dominus. Mais il n'y en a point eu qui ayent practiqué cela plus communément & licen- P A G. 149.

OOOO ij

tieusement que les Comtes & Seigneurs de Languedoc, & de Gascongne. Car Edouard mesme Roy d'Angleterre, Seigneur d'Irlande, & Duc de Guyenne, donnant la terre & Seigneurie de Saint Cler à Bertrand de Gart, Vicomte de Loumeigne, par lettres du vii. iour de Iuillet l'an vii. de son regne, le qualifie *Messire Bertrand de Gut, par la grace de Dieu Vicomte de Lomaigne & d'Aluilaïn.* Henry & Hugues Comtes de Rhodés prenoient pareillement le tiltre de Comtes *par la grace de Dieu,* sous les anneés MCC LXII. & MCC LXI. Et quant aux Comtes d'Armaignac, il n'y a rien de si frequent en toutes leurs Chartes & papiers. Car depuis Gerault premier Comte d'Armaignac, au moins duquel il soit memoire, iusques enuiron l'an MCCCXLII. ils se trouuent tous qualifiez, *Par la grace de Dieu Comtes d'Armaignac.* Mais en fin le Roy Charles VII. jaloux de sa grandeur, & de l'auctorité de son Sceptre, defendit à Iean Comte d'Armaignac, fils de Bernard d'Armaignac Connestable de France, de s'intituler en ses Lettres, COMTE PAR LA GRACE DE DIEU. Ce que avec nostre Auteur tesmoigne aussi Martial de Paris, quand il dit aux Vigiles de la mort du Roy,

Et fut defendu'en ce lieu

Au Comte d'Armaignac, de mettre

Comte par la grace de Dieu,

Ne s'en intituler en lettre.

P A G. 151. *Et vint deuant la Guierche en Bretagne, disant qu'elle estoit au Duc d'Alençon.]* Marie de Bretagne fille de Iean Duc de Bretagne, & de Ieanne fille du Roy de Nauarre sa femme, mariee à Iean Comte du Perche fils de Pierre Comte d'Alençon, par traité de mariage passé au Chastel de l'Hermine le xxvi. iour de Iuin l'an MCCCXCVI. luy apporta entr'autres choses la Chastellenie & appartenances de la Guierche; à estre tenue du Duc de Bretagne ligement. Depuis Iean II. Duc d'Alençon marié Katherine d'Alençon sa fille à Messire Guy Comte de Laual, grãd Maître de France, luy bailla la mesme Guierche en dot, avec quelques autres terres & Seigneuries. Mais par sa mort aduenue sans enfant elle reuint à la maison d'Alençon, dont elle estoit sortie, & y demeura iusques à la transaction du different d'entre Messire Iean de Malestroit Cheualier de Breraigne, comme heritier de feu Messire Iean de Malestroit Euesque de Nantes, & le susdit Iean II. du nom Duc d'Alençon, pour cause de la prinse dudit Euesque & de ses gens. Car ledit Duc ce da lors la iouissance du reuenu de la Guierche audit de Malestroit, qui la posséda quelque temps, & tant qu'en fin vers l'an MCCCXIX. les sommes de deniers accordees par la transaction luy furent entierement payees.

Le bastard d'Orleans Comte de Dunois & de Longueville, & grand Chambellan de France.] Nous auons dit comme il fut fait Comte de Chastaudun & de Dunois. Il faut ores adiouster, comme il obtint aussi le Comte de Longueville. Et cela se void par vnes lettres du Roy Charles VII. donnees à Iumieges le xvi. iour de Ianuier l'an MCCCXLIX. Car elles contiennent, *Qu'en consideration des services de Iean bastard d'Orleans, Comte de Dunois, & grand Chambellan de France, pour les remunerer, & aussi le re*

compenser du Comté de Mortaing à luy parauant delaisié, & depuis par luy rendu, ledit Seigneur Roy donne, cede, transporte & delaisse à tousiours audis Comte de Dunois, & à ses hoirs massés procrez & descendus de son corps en loyal mariage, le Comté de Longueville, avec la terre d'Annemille & leurs appartenances, reserué seulement les foy & hommage, ressort & souveraineté. Lesdites lettres enregistrees le x. iour de Feurier au mesme an.

Car les Roys de France ne voulurent iamais ioustenir aucun scisme en l'E. P AG. ead. glise.] Bernard Abbé de Bonneuàl en escript autant, liure II. de la vie de saint Bernard Abbé de Clairuàux, chap. 1. où il parle de la retraite du Pape Innocent II. au Royaume de France. *Neque enim Francia, dit-il, ceteris regionib. procliniis ad schismata, aliquando tali factione sedata est, nec malignorum acquieuit erroribus, nec fabricata est in Ecclesia idolum, nec venerata in Petri cathedra monstrum.* Ce que tesmoignét aussi plusieurs autres Auteurs du mesme temps.

Cedit an les Anglois prirent la ville & chastel de Fougères durant les troubles.] Voyez sur ce sujet la Ballade de Fougères entre les Poésies de nostre Auteur pag. 717. P AG. 166.

Le Sire de Blainville Maître des Arbalestriers de France] C'est le d'Estouteuille, Seigneur de Torcy & de Blainville, premierement Capitaine de Caen & d'Arques en Normandie, puis grand Maître des Arbalestriers de France du temps de Charles VII. & finalement Cheualier de l'Ordre de S. Michel sous Louys XI. Ce qui se void exprimé, quoy qu'assez rudement, par les vers François qui suivent, tirez d'une plus grande piece ourdie en son honneur. P AG. 176.

Il fut jadis Capitaine propice
De Caen, d'Arques, par vertu sa nourrice:
Car il prenoit toute ioye & delice
A bien servir le Roy en tous quartiers.
Grand Maître fut de tous les Arbalestriers
Du Royaume, lequel office est tiers
Du Chancelier en bonneur droit & tiers,
Qui n'est mie à bailler à novice,
Le Roy Loys luy donna volontiers
Sans requeste l'un des nobles colliers
De saint Michel, & riches à milliers
Pour guerredon de son loyal service, &c.

Il mourut l'vnziesme iour de Septembre l'an MCCCCXIII. & fut enterié dedans l'Eglise des Cordeliers de Rouen, lesquelles il auoit fondees, avec vn College de Chanoines à Blainville.

Et ainsi fut toute conquise la Duché de Normandie.] Le Herault Berry a fait vn Liure de ceste conquête ou recouurement, auquel il represente assez particulièrement les sieges & redditions des villes & chasteaux d'icelle. P AG. 208.

Le Sire de Leparre.] Dès l'an MCCCCXIX. le Roy Charles auoit fait don à Messire Pregent de Coetivy Admiral de France, de la terre & Baronnie de Leparre assize en Bourdelois, à luy aue nue & confisquée par la

OOOoo iij

rebellion du Sire de Lesparre, qui tenoit le party des Anglois contre sa Majesté, pour en iouyr luy, ses hoirs, & successeurs quelconques. Ce que la Chambre des Comptes restraingit aux hoirs masses seulement descédans de sa chair en loyal mariage. Et suivant ce, par sa mort auenue sans aucuns hoirs masses de sa chair l'an MCCCC. ladite terre & Baronnie de Lesparre retourna au Roy: lequel en consideration des services à luy faits par Amenion d'Albret seigneur d'Orual, la donna derechef à luy, ses hoirs & successeurs, à tousioursmais perpetuellemēt à herirage, avec la Seigneurie de Caignaulx en Bourdelois, par lettres passées à Montbason au mois d'Octobre l'an MCCCC.

P. A. G. 218. *Avec le double du traité de Bourdeaux.] Ce traité fut fait le Samedi XII. iour de Iuin l'an MCCCCI. entre Pothon de Sainttraille Bailly de Berry, Escurier d'Escurie du Roy de France Charles, Jean de Bureau Tresorier de France, & Ogier Vie quint Iuge de Mercent, à ce commis par Monseigneur le Comte de Dunois & de Longueville, Lieutenant general dudit Roy de France, sur le fait de la guerre d'une part: & les gens des trois Estats de la ville de Bourdeaux & du pays Bordelais, es noms d'enlx & des pays autres de la Duché de Guienne estoient en l'obeissance des Anglois. Car ce sont les propres termes cōtenus en l'inscription dudit Traité: lequel promirent tenir de poins en point sur leurs honneurs, & par la foy & serment de leurs corps, au nom desdits trois Estats de Bourdeaux & autres pays de la Guienne, Pierre par la permission Divine Archeuesque de Bourdeaux, Bertault Seigneur de Montferran, Gallat de * Drueffort seigneur de Durat, Jean de la Luyde seigneur de Bredit, Bertran d'Anguin seigneur de Royon, Guillaume Auderou seigneur de Lansauch, & P. Barstato Procureur de la Communauté de la ville de Bourdeaux.*

P. A. G. 219. *Et ce fait, commencerent à entrer les gens de mondit seigneur le Lieutenant du Roy, Comte de Dunois.] Le Herault Berry esleu à Roy d'armes descript ainsi ceste entree du Comte de Dunois en la ville de Bourdeaux, à laquelle il se trouua present.*

Monseigneur, s'il vous plaist sçauoir des nouvelles de nostre guerre de Bourdeaux, voeullex sçauoir que la meuxy Dieu nostre Sire, elle est achuee & finie. Car hier en la journée qui fu le darvain iour de Iuing, se feist l'entrée de Bourdeaux, & y entra mes enuiron l'eure de XII. heures, auant disner. Et feismes l'entree premiers entre nous Heraulx & Poursuuans, de par Messieurs, Monseigneur de Dunois, Neuers, Clermont, Arminac, le Chancelier, Albreth, Ponticue, Castres, Vendommex, & autres plusieurs Seigneurs & Capitaines. Les Seigneurs de la Cité de Bourdeaux, pour eulx sommer la venue de mesdits Seigneurs, respondirent qu'ils estoient prestz & appareillez d'entretenir les appointemens sau entre mesdits Seigneurs & eulx. Et se mirent avec nous au deuant de mesdits Seigneurs, enuiron deux getz d'ars, & se mirent à piet. Et à genoulx presenterent les clefs de ladite ville à mondit Seigneur de Dunois comme Lieutenant pour le Roy. Et imcontinent les bailla à mondit Seigneur, le Tresorier comme Maire de ladite Cité à luy donné par le Roy, & là fist le serment. Et le serment fait, & plusieurs autres parolles, qui trop longues seroient à racompter & à escripre, partirent ceulx de ladite ville en grant ordonnance. C'est à sçauoir gens d'Eglise, du Conseil, & Officiers de ladite ville, vestus pareil. Rentrerent premiers dedens ladite Cité. A

preslesquels pour auantgarde mille Archiers des miex en point. En ladite auantgarde estoit Monseigneur de Neuers, Monseigneur d'Aminach, Monseigneur d'Albret, Monseigneur de Pontieure, montez à cheual, houchiez chacun, & leurs paiges pareil. Apres eulx leurs banieres & estendars marchans de piet, cinq cens hommes d'armes tresbien à point. Item apres environ demi trait d'arc marchoit le Preuost des Marchans, montez sur ung cheual destrier: & autour de lui environ quatre mil Sergens, vestus pareil l'ung de l'autre à la denise du Preuost. Item alloit apres le Conseil du Roy, quatre Euesques, & y auoit grant quantite de Secretaires. Item apres venoient les Trompettes du Roy, & bien cinquante autres, tous sonnans; & menoiert grant bruit. Item apres marchasmes entre nous Officiers d'armes, Heraulx & Pourfeneurs, qui estiemmes environ cinquante. Item apres venoit Pothon, & Monseigneur de Montagu, à cheual, houchiez de velours cramoisy fourré de menus vairs, portans chacun la baniere du Roy desployée: & deuant eulx, deux Pourfeneurs, de quoy ie suis l'un, en portant chacun une ploye. Item apres venoient deux hommes de piet, qui menoiert ung destrier couuert d'une housure de fleurs de lys d'or: & estoit desseure le seel du Roy en ung petit coffret d'or bien garny de fines pierres precieuses. Item apres marchoit Monseigneur le Chancelier tout seul, noblement armez & houssez. Item venoit apres Monseigneur de Dunois, montez sur ung destrier houssez d'une riche housseure d'orfauerie toute d'or. Et apres venoient Monseigneur d'Angoulemmes, de Clermont, de Chastres, de Vendôme, houssez pareil, & les parraiges paraux, les housseures de velours cramoisy fourré de menus vairs. Item venoit apres le grant Maistre Ioachim Rohault, Pierre Louvain, & plusieurs autres Cheualiers & Escuyers, nobles gens, tous à cheual, houssez chacun à sa devise. Et puis apres venoient les Ensaignes de mesdits Seigneurs & Capitaines, & mille hommes d'armes en belle bataille. Et apres en l'arrieregarde deux mille archiers, & environ deux cens lances, en telle ordonnance que dessus est dit: iusques à la grant Eglise nommee saint Andrieu, où descendit Monseigneur de Dunois. Et vint au deuant en procession Monseigneur l'Archeuesque, avec le College de ladite Eglise. En laquelle ceulx de ladite ville & du pays firent le serment au Roy. Et delà s'en alla chacun en son quartier, où nous faisons tres grant chieure. Et cedit iour au soir ceulx de la ville firent les feux tresnoblement. Autre chose ne vous scay que rescripre pour le present.

Et sadite jambe si bien gouvernée par les Mires, que le peril en fut hors.] Mire en vieil langage signifie Medecin, & Chirurgien. Le Roman de Ga-

PAG. 224.

L'Abès Renier fist les Mires mander
Por Fromondin garir & repanser.

Et le Bestiaire,
D'un Mire conte, qui seinna
Un riche homme que il garda
En une grant enfermeté.

Ce qui se void aussi par les anciens tiltres de la Confrairie des maistres Chirurgiens de Paris, establie en l'Eglise parrochiale de S. Cosme & de S. Damian, ausquels ils sont communément appelez Maistres Mires.

Et le landemain que la composition fut faite, qui fut le Vendredy, pou apres So-

PAG. 225.

leil leuant, que le iour estoit bel & cler, fut veue vne croix blanche par ceulx qui tenoient ledit siege.] Ce miracle auenu deuant Bayonne est attesté non seulement par les Historiens du temps, mais aussi par le certificat escrit & signé de la propre main du Comte de Dunois, Lieutenant general du Roy, en cest termes: Nous Iean Conte de Dunois, Lieutenant general du Roy nostre Sire sur le fait de sa guerre, certifie la verité à tous, que aujourdhuy x. iour d'Avril à l'heure de sept heures du matin, à laquelle heure estoit promise la Cité de Bayonne, & y entrèrent les gens du Roy pour en prendre la possession, au ciel qui à celle heure estoit cler & bien purifié, s'apparut dedens vne nuite vne croix blanche au droit de ladite Cité deuers les parties d'Espagne. Laquelle croix sans mouuoir demoura l'espace de vne heure. Et aucuns dient, que au commencement sur icelle croix auoit vne semblance de vng crucefix, couronné d'vne couronne d'azur son chef. Laquelle couronne se mua en vne fleur de lys. Dont chacun fut moult esmerueillé. Et ceux de ladite ville estoient fort espouventez de veoir telles merueilles. Et incontinent leur ensaigne de leur croix rouge qu'ils auoient sur leurs portes & tours osterent. Plus de mille hommes ont veu ladite croix. Et dient tous ceulx qui l'ont veue, tant François, Espaignols, que Nauarrois, que iamais n'auoient veu chose semblable. Fait en nostre ville deuant Bayonne, signé de nostre main, & scellé du seel de nos armes, le xx. iour d'Avril l'an milcccc. & cinquante & ung. Ainsi signé, Le Bastard d'Orleans.

PAG. 241.

En ce temps vint le Cardinal d'Anignon de Bretagne, venant de canoniser saint Vincent de l'Ordre des Iacobins en la Cité de Vennes.] Guy Pape, Conseiller du Roy au Parlement de Grenoble, auoit veu prescher ce saint à Lyon. Car voicy ce qu'il escrit de luy, de son decés, & de sa canonization mesme, question LXXXIV. *Temporibus meis vidi duo luminaria sacre Theologia actu pradicantia per mundum; primò videlicet S. Vincentium Ferrariensis ordinis Pradicatum, quem vidi pradicare in ciuitate Lugduni de anno corrente Domini MCCCXV. & qui inde decessit ab humanis in patria Britannia, vbi jacet corpus suum in ciuitate de Vennes, & inde fuit canonizatus de hoc anno corrente Domini MCCCCLV. Aquoy i'adiousteray d'ailleurs quatre vers qui tesmoignent & son eloquence en la predication, & ses miracles,*

Sum tuba sermonis Vincentius aurea sacri,

Nota per Ausonias, Barbaricasq; plagas,

In vitam multos reuocauit viuus ab umbris,

Quanta sit in cælo gratia, vita docet.

PAG. ead.

En cedit an ou mois de Sept. partit Mons. le Dauphin de son pays de Dauphiné par le conseil du Sire de Montauben.] Le susdit Guy Pape en la question cxliii. fait aussi mention de ce depart du Dauphin Louys, & remarque aucuns sinistres presages, qui le precederent, en ces termes: *In hac ciuitate Gratianop. & multis alijs locis huius patrie Delphinatus, visus fuit planeta, Cometa vulgariter appellatus, de anno Domini CCCCLVII. supra millefimum, de mensibus Maij & Iunij. Et quia talis Cometa communiter non apparet, nisi aliquid inde sequatur, contigit quod eodem anno, & quadam die Luna penultima mensis Augusti, Dominus noster Delphinus Ludovicus primogenitus Caroli VII. Fr. Regis accessit ad Bruxellas in Brabantia, & Bruges in Flandria, & circa alia loca patrie Flandrensis & Brabantina, vbi stetit circa per quinque*

nos. Et antea steterat in hac patria Delphinatus per decennium. Et in dicta patria Flandria habuit per Dei gratiam eius primogenitum Ioachim nunc nuncupatum, qui fuit natus die xxii. Iulij anno Domini MCCCCLXI. Et die Mercurij xxii. mensis Aprilis, propter eius natiuitatem facta fuerunt feria repetitiua in hac patria Delphinatus.

En ce temps vindrent les Ambassadeurs du Duc de Bourgoigne deuers le Roy, PAG. cad. pour le fait de Monseigneur le Dauphin.] Apres la retraite dudit Dauphin en Flandres, le Roy son pere enuoya vers luy l'Eueque de Constance son Ambassadeur, lequel en presence du Duc de Bourgoigne, du Comte de Charolois son fils, des Eueques de Cambray, de Thoul, d'Arras, & d'Amiès, des Comtes d'Estampes & de Porcian, des Seigneurs de Montauban, de Cimay, de Lalain, du Chancelier de Bourgongne, & de plusieurs autres Conseillers & Officiers desditz Seigneurs, luy fist vne belle & grande remonstrance touchant l'obeissance deuë au Roys, & autres points de sa creance. Toutesfois il ne reuint pas à son deuoir pour tout ce qu'il luy sceut dire & représenter : ains luy & le Duc de Bourgongne depeschèrent aussi tost Messire Iean de Croy Seigneur de Cimay, le Sire de Lonnay Gouverneur de Hollande, Toison d'or, & autres leurs Conseillers & ambassadeurs vers le Roy Charles, qui leur donna audience en la forteresse de Montbason, le ix. iour de Feurier l'an MCCCCLVIII. & respondit à toutes les propositions qu'ils luy firent, sans qu'il s'en ensuiuist aucun accord. Tellement que ledit Dauphin demeura tousiours depuis en Flandres iusques apres le decès dudit Roy Charles son pere.

Les Physiciens luy dirent que s'il ne mangeoit, il estoit mort.) Ceux que nous nommons aujourd'huy Medecins, estoient jadis appelez Physiciens & Mirrhes. L'Autheur de la Bible Guiot, parlant d'eux,

Fisiciens (dit-il) sont appelez,

Sans sy ne sont-ils point nommez, &c.

Et nostre Autheur en l'Esperance, *Et se le patient crie & se guermente de la durté de son Mirrhe, qui le laisse en telle chaleur esleuer, pourtant n'est meü le sage Physicien à luy octroyer.* Monstrelet vse aussi souuent de ce mot en mesme signification. Et ay veu vne Chronique Latine finissant l'an MCLXIII. escrete à Ioanne de Nigella *Physico sanctissimi & inuictissimi Regis Karoli, & Capellano Papa.*

Y eut vne predication que fist maistre Thomas de Courcelles Docteur en PAG. 252. Theologie.] La reputation de ce Docteur estoit telle, qu'il fut mesme vn des Ambassadeurs, que le Roy enuoya pour l'vnion de l'Eglise au Concile de Basle, ainsi que remarque Sebastian de Mameror.

Lequel Roy fut intitulé le Roy Charles VII. tres-victorieux.] La coustume de donner aux Roys tels epitetes & tiltres d'honneur apres leur decez, est assez commune & frequente en nos Histoires, principalement depuis le temps du Roy saint Louys. Parquoy sans m'y arrester, ie mettray seulement icy quelques Epitaphes faits en l'honneur du Roy Charles surnommé le Victorieux. Et premierement celuy-cy, duquel l'Autheur est contemporain, mais incognu.

Cy gist en peu de terre un qui la remplissoit

PPPPp

*Par louange & bon bruit, dont tous autres il passoit,
Ainsi elle se paist du meilleur qu'en elle eust,
Comprenant tout son bien dedans ce petit fust.
O bien-heureuse terre estant en toy semé
Fruict, qui rend nuls les autres, tant il est estimé.
Doncques en toy est mis pour ta felicité
Ce qui à chacun rend deul & aduersité.
Parquoy vous qui cerchez chose parfaite à voir,
Arrestez cy vos pas, sans plus de peine auoir.*

Simon Greban Poete du mesme temps fist aussi le suiuant,

*Iadis sus né en maison triumpant,
Moult me greua fortune ieune enfant,
Mais trop plus par un long temps de mon regne:
Et depuis Dieu m'a fait Roy si puissant,
Que i'ay chassé le Liepard rauissant,
Et si conquis Normandie & Guienne.
Mais pour monstrier, que gloire terrienne
Passe legier, la couronne auienne
Laisse auourd'huy par un dur desarray
Au propre lieu où ie prins mon desray.*

Et cest autre encor, où il fait particulierement mention du surnom de VICTORIEUX, lequel on luy donna par honneur apres qu'il fut decédé,

*Cy gist des Francs le puissant proteſteur,
Du vueil de Mars le grand executeur,
Chief de Noblesse, & le pareil des Preux,
De vueil meschief nouuel reparateur,
D'estre nommé CHARLES VICTORIEUX:
Nom si tres-haut, tant clair, tant glorieux,
Que ja de mort les ars presumptueux
N'y toucheront, tousiours demourera.
Nom immortel, qui iamaïs ne mourra.*

Il en fist outre ce trois autres sur la Iustice, la Prudence, & la Clemence de ce grand Roy. Par le dernier desquels il cote le iour, le mois, & l'an de sa mort, en ces quatre vers;

*Le iour dolent, que Iuillet fist courir
Pour vingt & deux, la mort le vint querir,
Et trespassa au chasteau de Meun
L'an mil quatre cents & soixante & vn.*

A quoy sont conformes les Grandes Chroniques de S. Denys, les Martinienes, & Guy Pape en la question cxiv. où il dit. *Deinde contigit quod prefatus Rex Carolus ab humanis decessit, de anno currente Domini mccccxii. & die Mercurij xx. Iulij.*

ANNOTATIONS SVR L'ESPERANCE.

L'Inscription de ce Liure est diuerse entre les Autheurs qui l'alle-
guent. Car Iean le Maire de Belges, Secrétaire de Madame Anne
de Bretaigne, Roïne de France, en son Traité de la difference des Cō-
ciles & des Schismes de l'Eglise, luy donne le nom d'EXIL. Au contraire,
Maistre Pierre le Feure, Curé de Meray, le cite souz le tiltre d'ESPERAN-
ce, en son art de vraye Rhetorique. Et i'en ay vn Exemplaire escrit à la
main, qui l'appelle, *TRAITE DE LA CONSOLATION DES*
TROIS VERTVS, FOI, ESPERANCE, CHARITE'.
Ce qui ne conuient pas mal au sujet, excepté que la Charité ne sy trou-
ue point parler avec la Foy & l'Espérance, ains l'Entendement au lieu
d'elle. Quoy que c'en soit, il a cy-deuant esté mal conioint & confondu
avec le Curial, en toutes les impressions qui en ont esté faites. Et s'ap-
prend des pages 341. & 343. que Maistre Alain Chartier le cōposa souz
le regne du Roy Charles VII. enuiron l'an mccccxxvii.

PAG. 261.

Mesmes Entendement ce jeune & aduisé bachelier.] Les anciens prenoier
le mot de *Bachelier* pour ieune adolescent, & qui commēçoit d'entrer en
l'âge de virilité. Le voyage d'outre-mer du Comte de Ponthieu, parlant
de Thibault filz de la Dame de Dommar en Ponthieu, seur du Comte
de Saint Pol. *Oirs fu de le Conte de S. Pol, mais poures bachelers estoit tant con*
ses oncles desqui. Et le Romans Monseigneur Thiebault de Mailly, en la
description du Iugement general, auquel nous ressusiterons tous, en
la forme d'une plaine adolescence,

PAG. 263.

*Tuit ferons d'un aage,
Bachelers & leger.*

Celuy de Garin le Loheranz en vse aussi en pareille signification, quand
il dit,

*A Montagu en set Morant aler
A bien LX. qui tui sont bachelers,
Por le chastel & la ville garder.*

Voire il appelle la ieunesse mesme *Bachelorie*, en ces vers:

*Dix mil furent en la soe mesnie
Là flor de France, & la Bachelorie.*

Je ne m'arrestera point à l'etymologie du nō, parce que d'autres l'ont
assez amplement traitée.

La seconde portoit un court manteau, & dessous iceluy comme en repostaille
auoit l'un de ses bras couuert.] *Repostaille* est vn mot façonné sur le *repositum*
des Latins, tout ainsi que *reposer*, sur *reponere*. Mot dont vse Guior.
de Prouins en la Bible écrite deuant l'an mcc. quand il dit,

PAG. 264.

*Ils n'aiment pas palés ne sales,
Mes en mesons ordes & sales
Se reponner, & en boschages,*

PPPP ij

Et le Roman de Charité,

*Presbres s'enfine t'en fanonnes,
Dont quier un lieu où te reponnes.*

PAG. 266. *Et sarobbe pourfendue sur le pis.] Il met pis pour poitrine, à la mode des anciens. La vie de S. Alexis en rime,*

*El tuert ses poins, ses cheuaux tire,
Ele s'esgratine & descire,
Et bat & son perz & sa teste.*

Et le Reclus de Molens en son *Miserere*, composé du temps de Henry II. Roy d'Angleterre,

*L'autre qui dormi à la chaine
Desour le pis nostre Seignour.*

Nos vieilles Chroniques en vident aussi souuét, & vient du Latin *Pectus*.

PAG. ead. *Et faisoit sa langue banboyer.] Banbe signifie Begue, balbus : & de là banboyer, pour begayer, balbutier.*

PAG. 270. *Et chacun attend le chef enclin la colce & la persecution.] Guyot de Prouins en sa Bible,*

*Moult done Dex fieres colées,
De tantes grans en a données,
Dont il nous deust bien membrer.*

Et de là la collee des Cheualiers, lors qu'en leur conferant l'ordre de Cheualerie, on leur bailloit vu coup de la main sur le col, ou bien sur la joue. Guille-ville,

*Pas ne reçoient tel colée
Tous Cheualiers qui ceint espee.*

Et l'Ordene de Cheualerie de Hue de Tabaire,

*La colce c'est la remembrance
Deceluy qui l'a adoubé
A Cheualier, & ordonné.*

PAG. ead. *Qui eust cuidé voir Iustice si esbranlée.] Messire Jean Iuuenal des Vins Eueque de Beauuais, se plaint de la mesme chose en l'Epist. qu'il adresse au Roy Charles & aux Estats assemblez en la ville d'Orleans l'an 1439. Où sont, dit-il, ceulx, par lesquels Iustice se doit principalement gouverner? Bailiffs, Seneschaux, & Prouosts, qui ayent fait iustice au pauvre peuple sans apparence de faueur; & qui ayent dit verité sans personne espargner, & sans eulx brader?*

PAG. 272. *Höme dechassé, vil, relenqui, & böreux.] Relenqui vient du Latin Relictus, & veut dire, abandonné, & delaisié d'un chacü. Ainsi en vse l'Auteur du Roman de Garin. Car à la fin y sont ces mots: Cy faut l'estoire del Lohere Garin, & de Fromont, qui ot Dieu relanqi. Et en la description des Religions,*

*Tuit viuent de rapinerie,
Chascun tout honnor relanquist.*

PAG. 277. *M'auoient ja ces trois desroyees & seditieuses deceuereffes bestourné le sens.] Vn vieil fragment intitulé des Flateurs & des Habits, explique que c'est bestourner, en ces vers,*

*Mout va li siecles bestournant,
Car che derriere va deuant,
Et che deuant si va derriere.*

Et nostre Autheur mesme au Quadrilogue, Dont vient (dit-il) ceste ruse-
ce, qui a si beffourné l'ordre de iustice?

Et pour la cremeur qu'ils tiennent par force sur leurs subiects. Il prend cre- PAG. 294.
meur, pour crainte, comme cy-apres: Car les Prelats se vinrent, & contien-
nent comme exempts du deuoir de leur estat, & de la cremeur de Dieu.

Et au Liure des quatre Dames,

Me fait enquerre sans demour

Ce que i'ay de sauoir cremeur.

Il dit aussi cremir, pour craindre: & cremeteux, pour craintif. Au mesme Li-
ure des quatre Dames,

Droiz est que le Iuge cremisse.

Et derechef,

Nul ne doit estre cremeteux

De riens, sinon de fais honteux.

Toutefois des pechez publiques voit-on tousiours ça jus tost ou tard exemple.] PAG. 301.
Ils veut dire bas, à terre. Le Roman de Garin.

L'ame s'en part, & li cors jus chai.

Et le Bestiaire,

Quant Dex nostre primerain pere

Vint por nos sauuer en cest mont

Ca jus en terre.

Si ne scauroie reprendre celui qui dit, que le Roy sans lettres est un asne cou-
ronné.] L'Auther des Gestes des premiers Comtes d'Anjou attribué PAG. 316.
ce dit au Comte Foulques III. surnommé le Bon, & monstre que c'estoit
vn proverbe anciennement usité parmy les François. Voicy les propres
mots au long, d'autant qu'ils sont notables: *Contigit quodam tempore Regem
Francia apud Turonem ciuitatem cum turba nobilium virorum in vigilia festi
astinalis S. Martini affore. Affuit autem tunc inter alios Proconsulares & per-
sonatos viros prefatus Consul, sicut stella radians, forma præclarus, statura pro-
cerus. Dum igitur vigiliarum solennitas ab occasu Solis apud sanctum Martinum
statim inciperetur, affuit imprimis Consul Andegavorum mente deuotus, habitu
& veste Clericali, nulli in Lectionib. & Responsorijs, & Psalmodia secundus.
Cumque alij nobiles legibus ac edictis mundialibus Regis Francia seduli audito-
res astarent: ille prefatus Consul, laudibus diuinis, necnon & vigiliarum &
Missarum Sacramentis & solemnitatib. in habitu Clericali inter clericos, quæ Dei
sunt, ceteris deuotior celebrabat. Quod cum audissent quidam nobiles Palatini
lateri Regis adherentes, religionem viri ostentui & monstro habentes, in Regis præ-
sentia deludentes cæperunt dicere, quia Comes Andegavorum Presbyter ordina-
tus fuerat, & sicut Presbyter canebat. Rex autem Francorum cum alijs deludens,
nobile opus viri derisit. Quo audito, Comes Andegavorum literas huiusmodi for-
man habentes scripsit. Regi Francorum, Comes Andegavorum. Noueritis Do-
mine, quia IN LITERATVS REX EST ASINVS CORO-
NATVS. Quib. literis perlectis, & ex Francorum vero proverbio tacitus in-
gemuit, dicens: Verum est quia sapientia, & eloquentia, & litera, maxime Re-
gibus & Consulibus conueniunt. Quanto enim quis prælatior, tanto moribus &
literis debet esse lucidior. Factumque est, ut omnes, qui in Deo dignum ac litera-
rum Consulem, ac strenuum militem illudendo captabant, postmodum eum in*

reuerentiam haberent.

PAG. 330. *Et si les autres vertus se deportent, si remains tu seule contre male fortune.]*
Remaindre, c'est demourer, remanere. Le Roman de Garin le Loheran.
Par la cité a fait crier le cris
Que n'i remaigne li grans ne li petis.

Et ailleurs,

Es paueillons sont nos gens desarmés,
Et Sarazins sont d'autre part reunés.

PAG. 384. *D'aoure, & de requerre.] Il met aourer pour prier, du mot Latin orare.*
Ce que fait aussi l'Autheur du Roman Charité, quand il dit
Bien ses que par un autre non
Appelle l'en l'estole Orier
Car d'ouuer te suit labourier.

Et peu apres,

Ne dois aurer haute orison
Sans estole, n'en olier
En ferm.

Mais Martins li Beguins le prend pour adorer, en ces termes,
Pour la belle que s'aour
Qui sur toute a beauté & valour.

Et vn autre du mesme temps dit encor,

Car ie n'aour nulle riens se vous non.

PAG. 388. *Qui deffeur l'ordre du saint mariage d'auec la dignité de Prestre.] Seurer,*
& deffeurer, signifie separer. Car la Reigle de S. Benoist en vieil lan-
gage; dit Ainsi com il est une mauuaise enuise qui deffeur de Deu, & main-
ne en enfer: si est une bonne enuise, qui deffeur des vices, & mainne à Deu. De là
seurer les petits enfans c'est les separer de la mamele, leur otter le lait &
le retin. Et la Seure riuiere, appelée Separis des Latins, retient aussi ce
nom, pource qu'elle separe ou seure le pays du Maine de la Normandie.

ANNOTATIONS SVR LE CVRIAL.

PAG. 391. *I*'Ay distingué ceste piece d'auec la precedente, suiuan les Exemplai-
res manuscrits qui la separent, & luy donnent pour inscription le
CVRIAL: c'est à dire, au langage d'aujourd'huy, le COVRTISAN. Car les
Anciens appelloient Curiaux, les hommes suiuan la Cour: tesmoins ces
deux vers du Reclus de Molens.

Li haus & li bas Curial

Quel sont amont, tel sont auai.

Et le liure *De nugis Curialium.*, composé par Iean de Sarisbury Eueque
 de Chartres.

PAG. 394. *Adonc y seras-tu plus meschant de tant que tu y cuideras estre plus heureux.]*
Meschant en celieu, signifie malheureux & infortuné: Comme aussi
dedans Simon Greban en l'Epitaphe du Ray Chales VII. où il dit des
bergers du plat pays,

*Car par troupeaux s'assemblerent és champs,
Crians, Ha Dieu ! que ferons nous meschans ?*

Et au Liure des quatre Dames de nostre Autheur,

Ainsi me vante,

Se wantance est d'estre meschante.

C'est à dire infortunee. Et de là *Meschance*, pour infortune & malheur. Cy deuant pag. 392. Et que de ma meschance tu ayes compassion. Mot façonné sur le *malus casus* des Latins, qu'aucuns traduisent *male cheance*, & luy opposent la *bonne* ou *meilleure cheance*. Car Monnios ancien Poete dit en vne Chançon,

Les douleurs & le contraire

Sont de la meillour cheance,

Qui bien en scauroit son preu faire.

Auquel sens encor le Reclus de Molens prend *mescheoir* pour mesaduenir, quand il dit,

Car ce il de s'onmour dechiet,

A tous cheus du regne meschiet,

Qui de luy atendra garant.

Et nostre Autheur au Liure des quatre Dames, où il parle d'une tour mince,

De qui on doute qu'elle chiee,

Qu'à ceulx de dedens meschiee.

Orgueilleux Pautonnier.] Le Roman de Garin le Loherans

Foucaut apelle, qui fu né de Paris,

Truans estoit, pautoniers & coquins.

PAG. 396.

C'est à dire, mal gracieux, fier, plein de rigueur. Et de là *pautonnerie* pour orgueil & fierté, dedans le Doctrinal de Cortessie, en ces termes:

Et s'il est aucuns hom' qui volentiers tornie,

Ki seit fel & messil plein de pautonnerie,

Anuers, & angoussos, à poi de cortessie.

ANNOTATIONS SUR LE

Quadrilogue Inuectif.

I Ayvn Exemplaire de ce Liure escrit en papier, qui l'intitule, **INVECTIVE DE LA FRANCE CONTRE LES TROIS ESTATS.** Mais l'Autheur declare luy-mesme au commencement, qu'il luy bailla le nom de **QUADRILOGUE**, pour ce que en quatre personages est l'œuvre comprins; & le dist **INVECTIF**, entant qu'il procede par maniere d'enuabissement de parolcs, & par forme de reprendre. A quoy est aussi conforme vn Exemplaire en parchemin, enrichy de figures & enlumineures, qui le nomme en termes Latins **QUADRILOGVM INVECTIVVM**, iacoit que par toutes les vieilles editions il est simplement appellé **QUADRILOGVE**.
Où & quant la ruine sembloit greigneur.] Le mot *greigneur*, signifie plus grande, & est formé du Latin *grandior*. Les Enseignemens Trebor

PAG. 402.

PAG. 408.

-de viure sagement,

*Ne aucun harra par soul ennie
S'il veit qu'il ait greinor baillie
De lui.*

Et nostre Autheur cy-dessouz, Les pechez & desordonnances descendent des greigneurs aux plus petits. En quel sens aussi le Traité d'une Damoisel le qui ne se vouloit marier, usurpe engrengir pour agrandir, croistre, devenir grand. Et le Roman de Garin, greinz, pour grandement.

PAG. 414. Vos engins travaillent à acquerir finance] Ce que les Latins disent *ingenium*, les vieux François l'ont traduit *Engin*. Le Reclus de Molens,

*Hom qui raison as & engien
Icheffe semblance retien.*

Et en un vieil Fragment, La force vient de bon sens & de bon engien, plus que de grandeur de membres. De là, Ingenieurs, ceux qui appliquent leur esprit à fabriquer les machines de guerre, appellees aussi pour ce sujet, engins. Ce que le Roman de Garin comprend en ce vers,

Li engingnierres, qui ont l'engin basti.

Et ailleurs il dit encor,

*Lieuent angins, font perrieres drecies,
A mangoniax le feu Grezois lor gietent.*

PAG. 416. Leur desroyé maintien] Le Roman de Charité fait du temps de Philippe Auguste, enseigne fort bien que c'est royer, aroyer, & deroyer, lors que parlant du nom & de l'office des Rois, il dit

*Roys chis est bons Roys qui bien roye,
Et met les drois à droite roye.
Roys tu es Roys pour droit royer.
Qui royera, se Roys desroye?
Drois Roys est, qui son regne aroye,
Et les desrois fait aroyer:
Car Roys ne se puet desroyer,
Sans soi meismes guerroyer.
Roys desroyez sen non guerroye,
Bien ne doit Roys atenroyer:
Roys qui laist droit amenroyer,
O le droit sen nom amenroye.*

PAG. 424. Et y perdent souuent leur cheuaux & leur chastel.] Le mot *Chastel* signifie biens & possessions, principalement mobilières. Auquel sens aussi le Seigneur de Louville en use dedans la vie de S. Loys, quand il dit, Car le rendre estoit si tres-grief, que seulement à le nommer il escorchoit la gorge, pour les r r qui y sont. Lesquelles r r signifient les rentes au deable, qui tous les iours attire à lui ceulx qui veullent rendre le chastel d'autrui. Et nostre Autheur en ce mesmeliure, Ils ont deuers eulx vostre chastel, & maintenant ils erient contre nous.

Puis au Liure de la belle Dame sans mercy.

*Loyal cuer & voir disant bouche
Sont le chastel d'omme parfait.*

Et

Et derechef en celuy des quatre Dames,
*Me demourra pour tout chastel
 Le loz d'auoir aimé un tel.*

Et plus bas,

*Qui ont Dames en maints hostieux,
 Dont ilz tirent les grands chastieux.*

C'est à dire les grands moyés. Ce qu'aucuns ont pareillement dit en Latin *catalla*, & les Picars en leur idiome *catenx*. Car en vne Charte du Roy Philippe Auguste, datée du mois de Mars l'an mcccxi. & citée par Monsieur L'Oysel Aduocat en Parlement, dans ses Memoires de Beauuais, il est porté que lesdits Maire & Pairs de Beauuais juroient entr'autres choses à leur nouuel Euefque, *Quod unusquisque seruabit bona fide corpus & membra Episcopi, & vitam suam, & honorem suum, & catalla, & iura, salua fidelitate nostra.*

Et prins des amis ce qu'ils n'eussent osé sur les ennemis calenger.] Du Latin *calumniari*, qui signifie quereller, les vieux François ont premierement deriué *caloigner*: & delà par quelque alteration & changement de lettres *calen ger*. Le Roman de Charité,

*Suer, dist-il, ses tu ton esjoigne,
 Chis bon aidier pas ne caloigne.*

Et l'Authent du Doctrinaus,

*Et s'on prise preudomme
 La n'y mettes calenge.*

Qui est plus dommageable vice, ou à nous d'abuser des estats outre ce que mesure donne quant ils nous appartiennent, ou à toy de les prendre selz qu'ils ne te appartiennent pas?] A ce propos vient la contention, qui fut entre Iehan Seigneur de Ionuille, & Maistre Robert de Sorbon, sur la pompe & l'excès des habillements, en presence du Roy saint Loys. Car voicy ce que Ionuille mesme en escript: Et deuât tous les autres me print maistre Robert à mon mantel, & me demanda en la presence du Roy & de toute la noble compagnie, S'auoir mon frere le Roy se fait en ce prael, & vous allistiez seoir en son banc plus haut de lui, se vous en seriez point à blasmer? Auquel ie respondi que oy vraiment. Or doncques fist-il, faites vous bien à blasmer, quant vous estes plus richement vestu que le Roy. Et ie luy dis, Maistre Robert, ie ne fais mie à blasmer, sans l'honneur du Roy & de vous. Car l'abit que ie porte, tel que le voiez, m'ont laissé mes pere & mere, & ne l'ay point fait faire de mon auctorité. Mais au contraire est de vous, dont vous estes bien fort à blasmer, & reprendre. Car vous, qui estes fils de villain & de villaine, auez laissé l'abit de vos pere & mere, & vous estes vestu de plus fin camelin que le Roy n'est, &c.

Et les legeretez & esbaudissements des ieunes hommes.] Baus en vieil François signifie ioyeux; baulerie, ioye & resiouissance. Le Roman de Charité.

*Prestre, se tu pour ta Prestrie
 Es baus, bien pues par baulerie
 En plour tourner ton chantuaire.*

De là les mots composez, *esbaudir*, *esbaudissement*, *rebaudi*. Thibaut Roy de Nauarre en vne sienne Chanson.

QQQ99

Qui li prent de sans cuer

Baudement esbaudis.

Et nostre Autheur au Debat des deux Fortunes d'amours,

Et sembloit bien porter cuer maladis,

Et n'estoit riens dont il fut rebaudis.

PAG. 436. *Longue fu, & trop attainseuse qu'il n'affiert, la contention de ces deux.] Le Doctrinal de Cortessie vse du mot ataine pour noïse & debat, en ces vers,*

D'une autre gent me sui merueillié mainte feiz,

Ki font granz ataines, outrages, & desfeiz.

Et la vieille Reigle de S. Benoist, *En l'Abaye sont defendues toutes ataines: si establissons, que li uns des freres ne fiere l'autre.* Par ainsi atainer c'est provoquer à noïses, quereller: & ataineux, querelleux, enclin à contention & debat.

PAG. 448. *Que plus estoit à doubter le Cheuetaine que les ennemis.] Les vieux Auteurs François ont traduit chef & cheuet, ce que les Latins nomment caput, en leur langue. La vie de sainte Marie en vieille rime, parlant de S. Iean Baptiste.*

Que Herode fist marturer,

Li cheuet à vne gleue trencher.

Ils ont aussi delà dit cheuet pour le lieu où repose le chef. Car au Romap de Garin il y a,

Tot maintenant l'ont fet ensuelir

En vne biere enz el Monstier gesir.

Plus de xx. croiz ot à son cheues mis.

C'est à dire, au haut de la biere, où estoit son chef. Et de là mesme encor est venu Cheuetaine, pour chef & conducteur de gens de guerre, lequel aujourdhuy nous appellons Capitaine, à capite. Le Seigneur de Ionmille en la vie de saint Loys. Les Turcs, dit-il, quand leur Souldan fut mort, firent leur Cheuetaine d'un Sarrazin. Et plus bas, Ce Seccredun Cheuetaine des Turcs, &c.

ANNOTATIONS SVR LES POESIES.

PAG. 493. **L**E DEBAT DV REVEILLE-MATIN.] Iean Bouchet allegue ceste Piece en l'Epistre XIII. des Familieres, & recognoist qu'elle est vraiment de Maître Alain Chartier, en ces termes:

Le Charretier ou Reveille-matin

Dit un beau mot, qui n'est pas en Latin:

Que ce qu'on dit à son amy d'eslite,

N'est, ne sera comme parole dite.

PAG. 494. *Se vous peussiez endementiers dormir pour moy.] Endementiers signifie cependant, & vient comme i'estime du Latin interea dum. Mot frequent, & vsité dedans les vieux Auteurs François. Le Roman de Garin,*

Endementiers ali Dus la crois pris.

Et la Reigle de saint Benoist en langage ancien, *Quant aucuns endemen-*

tiers qu'il est en labour, où il labore aucune besongne, &c. Ce que Monsieur Thibault de Mailly a dit plus succinctement demantres, en ces vers,

*Chascun doit penser
Dementres qu'il est vis.*

Il n'est jangleur, tant y meist De sens, d'estudie, & de peine, *Qui se tristie* Pag. 510.
plainte seist.] Jangleurs & Jangleours estoient proprement certains Mene-
striers, qui chantoient aux tables & dîners des riches, avec la vielle, la
harpe, ou autres instrumens, afin de leur donner du plaisir. Le Roman
de Garin le Loheranc,

*Deuant eus font le juleor chanter,
Rotes, & harpes, & vielles soner.*

Et un autre Roman composé vers l'an mcccxxi ou environ,

*Quand les tables ostées furent
Cil juleur in piés esturent,
S'ont vielles & harpes prises,
Chansons, sons, vers & reprises,
Et de gestes chanté nos ont.*

Ce que ie pense aussi qu'entend l'Autheur mesme, quand il dit au Lay
de Plaisance,

*Si feroit
Celuy qui sonner scauroit
Harpes & vielles.*

Mais outre ces instrumens, sur lesquels ils chantoient leurs vers, encor
portoient-ils vne sorte d'habits particuliers, & tels à peu près que font
aujourd'huy les basteleurs, ou joueurs de Comedies, tant afin d'estre co-
gneus entre tous autres, que pour mieux plaissanter, & resjouir les com-
pagnies. Car l'Autheur dit derechef au Liure de l'Esperance, ou de la
Consolation des trois Vertus : *Or ont tant bien retenu l'emprainte de legero
vanité, qu'ils ont voulu viure comme galans en prodigalité oyseuse, & soy ve-
stir comme jangleurs en habit defroyé.* Et vient ce nom, comme i'estime, du
Latin *jocator*, ou *jocularor*, qui veut proprement dire, boufon & plaissan-
teur.

Trop est petit le remanant] C'est à dire le reste, ce qui demeure, à rema- Pag. 513.
nendo. L'Autheur mesme au Debat des deux Fortunes d'amours,

*Là où il n'a ne foy, ne conuenant,
O Troy, seurté, droit, ne le remanant.*

Et au Liure des quatre Dames,

*Et le mal qui me fait douloir
M'est remanant.*

Auquel sens pareillement il met *manoir* pour demeure, & *remanoir* pour
demeurer, en ce mesme Liure des quatre Dames,

*Amour auoir
Desir' en tres-noble manoir,
Soit souz vert habit, ou souz noir.
Ailleurs ne scauroit remanoir.*

Voycy deuant remaindre, & remis,

QQQQ ij

PAG. 510. *Amours est cruel lozengier.*] *Lozengier* signifie trompeur, fraudeur & plain de deception. L'Autheur au Parlement d'Amours & de la belle Dame sans mercy,

*Car lozengier, cruel, & fort,
Doux à mentir, & aspre en œuvre
L'appelle.*

Et Messire Gaces Brulez Cheualier, en vne vieille Chanson,

Faux lozengier & tricheour.

Vous m'avez mort, pour voir le sai.

Mais ja espoir ne m'en touldrez.] Il dit *touldrez* pour *tollirez*, à tollende. D'où viennent aussi *toulte*, *tolture*, & *malle-toute*, pour ce que l'on oste & enleue à quelqu'un. Guiot de Prouins en sa Bible,

*Gent escommeniée,
Qui maintenez usure,
Qui vivez de rapine,
De tort & de tolture.*

Et en cemesme sens le Reclus de Molens dit,

*Iesu puis si bien esmolue
En repentir, que retolue
Fu au deable, & absolu.*

PAG. 539. *Car qui l'ensuit soir & main.*] Les anciens vsoient du mot *main* pour *matin*, l'empruntans de *mand*. L'Autheur au Liure des quatre Dames,

*Qui tant m'a escrit soir & main
Deux mots de demain en demain.*

Et deuant lui long temps le Reclus de Molens,

*Qui a le los de main leuer,
Bien peut dormir la matinée.*

PAG. 544. *Patissages & truaiges.*] Messire Jean Iuuenal des Vrsins Eueque de Beaunais, en l'Epistre qu'il adresse au Roy Charles VII. pendant les Estats assemblez dans la ville d'Orleans, l'an mccccxxxix. explique fort bien, ce me semble, que c'est qu' *appatisser*, en ces termes, *Appatissoient les villages, tellement que ung pauvre village estoit appatis à huit ou dix places. Et si on ne payoit, on alloit mettre le feu es villages.* Et en l'Epistre enuoyee aux Estats tenus à Blois six ans deuant, où il décrit particulièrement les calamitez & miseres de son diocese: *Esquelles choses, dit-il, le pauvre peuple de tous Estats cuidant mettre remede, delibera de soy appaticher à la garnison plus prochaine. Mais tantost toutes les autres garnisons commencerent à courir les villages, voulans auoir patis.* *Appatisser* donc signifie imposer tailles ou deniers, pour le patis & nourriture. Et de là *patissages* en nostre Autheur sont impositions faites *pro pastu*. Comme au Liure des quatre Dames, il dit aussi par metaphore.

*Et desir vient tout apatis
Mon vouloir, qui est amatis.*

PAG. 549. LE DEBAT DES DEUX FORTVNES D'AMOURS.] En toutes les vieilles Editions ce Poëme est intitulé LE DEBAT DV GRAS ET DV MAIGRE, à cause sans doute de la condition des deux Cheualiers, lesquels y sont repre-

fentez, l'un gras & en bon point, l'autre maigre, passé, & tout decharné. Mais le Compilateur du Jardin de Plaisance & Fleur de Rhétorique, qui est un recueil ou ramas de plusieurs Pièces anciennes faites par divers Auteurs, luy donne pour inscription LE DEBAT DES DEUX FORTVNEZ: Ce qui ne differe pas beaucoup de l'exemplaire escrit à la main, où il est nommé LE DEBAT DES DEUX FORTVNES D'AMOURS. Au reste qu'Alain Chartier en soit l'Auteur, il le declare luy mesme à la fin par quatre vers trouvez audit Exemplaire de main.

S'il vent Romans, & nouveaux Dits avoir.] Au commencement que les PAG. 557. François voulurent escrire en leur langue, ils imiterent & suiuirent de fort près la langue des Romains. Ce qui se void & recognoist assez manifestement par leurs Liures. Et de là nommerent ils *Roman* le langage dont ils vsèrent en tels escrits. Le Liure de Charité,

Voeult Villaines en Roman traire

De boin Latin, o il le trouue.

Et Adam de Quiency en la traduction du Caton en François,

Signour, ains que ie vous commans.

D'espondre Caton en Rommans.

En quoy conuient aussi celuy qui a traduit la Maniere d'orer en François, quand il dit, *Je ne voel riens faire, que à son aise ne soit. Et de grant priuete d'amour que j'ay vers toy, en as ion chi quoi ke soit escrit en Roumans, pour ceou que par teismesmes le puisses lire quāt tu auras loisir.* Et de là nomma t'on assez longuement depuis le langage François Roman. Car le Liure de Garin le Loheranc dir,

A escole fu quant il fu petiz,

Tant que il sot & Romans & Latin.

Et le Traducteur des Fables d'Esopé en vieil François,

Pour l'amisté le Comte Villaine,

Le plus vaillant de chest Royaume,

M'entremis de chest Liure faire,

Et del Engleiz en Rommanz traire.

Ce qu'il explique luy-mesme incontinent après, adioustant,

Li Rois Mires qui moult l'ama

Le translata puis en Englois,

Et ie l'ay translaté en Branebois.

Mais en fin le nom de *Roman* est demeuré aux Liures seuls composez en ce langage ancien.

Et le compains, Qui connoist bien comme il en est attains.] *Compains* est PAG. 559. le mesme que *compaignon*. Car le Reclus de Molens dit,

Hé! caitis glous, enfrans compains,

De peu mengier est on plus sains.

Ce qui semble quant & quant monstrier l'origine du mot. Car l'estime pour moy, que *compains* & *compaignon* est celuy qui mange de mesme pain, & qui vit en commun avec un autre.

En memoire du gracieux viaire, Qui luy plaist si.] Nos anciens di- PAG. 562. soient *vis*, pour *visage*. Anthoine de la Sale en la Chronique du Baron

QQQqq iij

de Seintré, chap. L. *Et quant la Royne & ses autres Dames la virent pafmee comme morte, arrouferent son vix & ses mains de vinaigre. Et deuant luy la Roman de Garin,*

Bien le cognut à la chiere & au vis.

Puis derechef,

Qui son nez cope, il deserte son vis.

Et nostre Autheur au Liure des quatre Dames,

Mais onc ne vy descoulourer

Son vix, que dueil fait esflourer.

Ils l'appelloient aussi viaire & viaure. Le Reclus de Molens,

Mieux fust que tes viaures fust ars.

Et Martins li Beguins,

Tres que premie remire à son viaire,

Dont la biauté vers toutes se deffait.

Mais ce qui approche le plus de *vultus*, c'est *vout*, prins en mesme sens par l'Autheur du Roman de Charité, quand il dit,

Car tout serons par l'ob ingré,

Quant venrons deuant le Dieu vout.

PAG. 566. *Et ne menoit jeux, rix, feste, ne gale.] Il est aisé de voir icy, que le mot gale, signifie resiouissance, & bone chere : comme aussi au Liure des quatre Dames, en ces termes.*

Soit l'auenture bonne ou male,

Rire, plorer, courroux, ou gale.

Et en vne Balade ancienne imprimée dans le Iardin de Plaisance,

Mais en quel lieu, ou en feste, ou en gales ?

Delà les noms *Galier, Galand, Galiard, & Galiardise*. Et pour sçauoir d'où en viét l'origine. Il conuiét recourir à Nonius Marcellus, qui dit, *Gallare est bacchari, boire d'autant, & mener grand ioye : à la mode des Prestres de Cybele appelez Galli*. Ce que Marc Varron confirme quand il escrit : *Cum illo venito, video Gallorum frequentiam in templo, qui dum esset iam hora, Deam adlatam imponebant adis signis, & Deā, gallantes, vario retinebant studiis*. Si plustost on ne veut le deduire à *Galcolis*, qui estoient certaines coupes, ou rasses à boire, faites en forme de galées. Car Varron le préd en cesens au Liurer. de la Vie ancienne du peuple Romain, *Vbi erat vinum, dit-il, in mensa positū, aut galeola, aut finū*. Et Nonius Marcellus, *Galeola, vasa sinuosa*.

On autre preu s'ils peuent en reçoient.] Preu est frequēt és anciens pour
PAG. 573. *prosis & vilité*. Le Fabliau de la mort, fait par Helinand,

Quer certes c'est sous vascelages

Faire son preu d'autrui demages,

Et d'autrui cuir larges correes.

Et le Poete Mounios en vne Chançon,

• *Les douleurs & le contraire*

Sont de meillor cheance

Qui bien sçauoit son preu faire.

LE BREVIAIRE DES NOBLES.] Le Sieur de la Croix du Maine en sa Bibliothèque Française dit que cette Picce a esté imprimée sous le nom
PAG. 581.

de Monsieur d'Allancé Gentilhomme Angeuin. Mais il ne nie pas pour cela, que nostre Alain Chartier n'en soit l'Auteur. Au contraire, il la luy attribue clairement, comme font aussi toutes les Editions anciennes. Parquoy, suivant l'Exemplaire à la main, ie l'ay bien voulu laisser en son ordre.

Et porte armes en meschant vasselage.] Helinand au Fabliau de la Mort, PAG. 586.

Quer certes c'est sous vasselages

Faire son preu d'autrui demages.

Et l'Auteur d'une vieille Chanson,

Voirs est que mors toute valour ataint,

Et par lui sont fornistis vasselage.

L'œuvre fait tel reprouver villain, qui gentil se saint.] Il prend villain pour PAG. 587.
roturier, & l'oppose à gentilhomme. Au quel sens aussi le Seigneur de Ionuille appelle Maistre Robert de Sorbon *filz de villain & de villaine*, en la vie de S. Louys Roy de France.

Et meurt tout vif, s'à aymer ne s'aberte.] Le mot *abert* vient de *adherere*, PAG. 589.
Ce que Trebor dit *aerdre* en ses Enseignemens,

Fiez à cest conseil Deix aerdre

Kc moutes choses sunt à perdre.

LE LIVRE DES QUATRE DAMES.] L'Auteur feist ce Liure enuiron l'an PAG. 594.
MCCCCXV. ou MCCCCXVI. vn peu apres la bataille d'Azincourt. Auquel temps il commençoit d'estre amoureux de la Dame, & n'auoit pas plus de ving huit ou trente ans. Car il dit luy mesme à l'entree de son Histoire, qu'en l'an MCCCCII. il estoit agé de seize ans.

Aussi pour voir se croy.] *Voir*, c'est à dire *vray*, *verité*, du Latin *Verum*.

Le Poëte Iean au Roy de Nauarre,

Certes c'est voirs, bien l'ai aperceu,

Et Messire Gaces Brulés Cheualier,

Vous m'avez mort, pour voir le fai.

Mais ce mot n'est plus en vŕage entre nous, sinon aux aduerbes *voire*, & *voirement*.

Et j'estoie plus mal bailli.] L'Auteur oy apres,

PAG. 601.

Et depuis ne lui pent faillir

Dueil & courroux, qui tressaillir

Le fait souuent, & mal baillir.

Et deuant luy Trebor en ses Enseignemens,

Ancun est mal bailliz

Por sol sa gentillece:

Par ce denient failliz,

Et s'acquiert parece.

Et leurs grans lobberies folles.] *Lobberie*, vient de *lobber*. L'Auteur en PAG. 614.
ce Liure,

Et vont les poures gens lobant,

Deceuant le monde, & robant.

Qu'en terre estrange & maronniere.] Iean Moynes de Cluny en la vie de PAG. 627.
Saint Odescond Abbé de Cluny, Liure III. *secum locum illum*, dit-il,

parlant des Alpes, *habitat quoddam genus hominum, qui Marrones vocantur, & arbitror ex Marronea Aquilonari Prouincia illud nomen traxisse originem. Li accepta mercede prae buerunt ei ducatum, sicut & alijs facere consueverunt: quia aliter hyemis tempore nemo praedictos montes valet transire.* Et saint Ode luy mesme en la vie de S. Gerault Comte d'Orillac, Liure II. *Ipsi quippe Marruci, rigentes videlicet Alpium incola, nihil questuosius aestimabant quam ut supellestiliam, Gerdaldi per iugum montis Iouina transfueherent.* De là Marranes, & terre Marroiniere.

PAG. 635. *Le dernier ja mort d' ambedeux.]* Le nom d' ambedeux est composé d' ambo & duo, & signifie proprement tous deux. Ce que quelques anciens disent aussi ambedui. Car au Roman de Garin il y a,

*Abatuz furent Garin & Fromondin,
Men esciaut ambedui furent prin.*

Et derechef,

*Grans fu la noïse, & li estors champel
D' ambes deux pars.*

PAG. cad. *Bien s'en rigole tel qui n'en sçet que par parole.]* L'Authéur cy-apres, Quant ainsi ensemble parolent, Des leurs s'entrerigolent.

Et derechef,

*Mais le mal guere n'afola
Son cuer, qui bien loin s'en vola.
Ainsi de moy se rigola.*

PAG. 642. *Si cueilly vn rain d' englantier.]* Il dit rain pour rameau, comme fait aussi le Mirouer de bien viure, en ces mots: *Enuie art tous les rains des vertus, & deueure tous les biens.* Et de là le rains & baston des vestitures, ou saïsses d'heritages, mentionné par la Coustume de l'Isle, & autres: Ce qu'un Titre de l'an mccc. lxxi. appelle buchette en ces termes, *Et en fut iceluy acheteur saisi & vestu realment, & de fait par le bail & tradition d'une buchette.*

PAG. 643. *L'un adoucit, l'autre mehaigne.]* Mehaigner proprement c'est estropier, & rendre impotent de quelque membre. Vn Titre d'Adam le Chambellans Seigneur de Villebaionne, & de Nicolas le Dain Bailly du Roy de France, enuiron l'an mcc. contenant certain accord entre Guillaume Poussin Clerc du Roy d'une part, & Iean & Adam fils de deffunct Adam de Liury, Cheualier, d'autre. *Super eo quod idem Guillelmus petebat sibi emendari iniectionem manuum violentam factam in tres viros suos de Praepositis Vernoti, alterum crudeliter verberando, secundum in capite vulnerando, tertium vero usque ad effusionem sanguinis enormiter affligendo, eundem quoque de sinistro brachio mahaingando.* De là mehaing pour estropiement, en l'accord fait entre les Eueques de Beauuais & les Moines & Pairs l'an mccc. lxxvi. *Et si esset ibi mahaingnium, & la sus esset homo, qui consueuisset de labore corporis sui vel membrorum viuere, & pro dicto mahaingnio laborare non posset.* Et dedans nostre Authéur cy-apres,

*Chacun blesté plaint son mehaing,
Et congnoist son fait & son saing.*

PAG. 644. *Et le sergent Plaisir le va là berbergeant,].* Sergent vient de seruiens, & signifie

signifie *seruitaur* en son yray sens. Vne vieille Chançon sans nom d'Auteur,

*Mercy ja li bons sergens
Ne se verra bien payé,
Tant est li sires doutans
Que il ne prengne congé.*

Et Guyot de Prouins en sa Bible,

*Tuit serons d'un parage,
Deuant le Roy amant:
N'y aura ancelle
Ne serjant,
Mes qui bien aura fet
Et mieux ira auant.*

Delà *Sergenterie* dedans vn Titre de Nostre Dame de Paris, pour les offices & charges des seruiteurs del'Euesque. *Non grauibimus*, dit Philippe Auguste l'an MCCXXII. in *tallis ministeriales illos post mortem Episcopi occasione sergenteriarum pradietarum*. Et *Sergents* en fait de guerre estoient gens de pied. Car le Roman de Garin les oppose aux Cheualiers, quand il dit,

*Voisir le vont Serjant & Cheualier,
Et belles Dames, & li Clerc de Moustier.*

Puis en vn autre endroit, il les conioint avec les Archers, en ces termes,

*Li Cuens l'entent s'a troisienz Serjans prins
Et mil Archiers.*

[Selon Seigneur *mesnie* duite.] *Mesnie* proprement signifie famille, & de là train, suite, & compagnie d'un Seigneur. Le Roman de Garin, PAG. 656.

*Huy mes dirons des Cheualiers gentis,
De la mesniee Buegon le Palazin.*

Et derechef,

Molt y dommacient la mesniee Mahom.

Mot fait à *manendo*, pource que tous ceux d'une famille habitent ordinairement en mesme maison. Et de là aussi *Mansionile* sive *Maisnilium*, vulgairement *Mesnil*, vaut autant que demeure ou habitation. Ce que demonstre assez l'Auteur du Roman allegué, quand il dit,

*N'y a meson, ne borde, ne mesnil,
Trestot le regne ont torné à esil.*

[LE PARLEMENT D'AMOURS.] Je ne veux pas soutenir avec opinion PAG. 695. streté, que ceste Piece soit indubitablement de Chartier: car il n'y en a point de mētion en toutes les anciennes impressions. Mais l'ayant trouuée parmy ses Poësies dedans l'Exemplaire à la main, ie ne l'en ay pas voulu temerairement reietter. Ioint que celuy qui a compilé le lardin de Plaissance & Fleur de Rhetorique, l'infere aussi deuāt le Debat des deux Fortunez, lequel est vrayement dudit Chartier, & luy baille pour tiltre, LE PARLEMENT D'AMOURS, ET DE LA BELLE DAME SANS MERCY. Ce que ie confesse ingenuemēt n'auoir apperceu, sinō depuis l'Editiō presente. Car autremēt ie ne l'eusse pas donnee comme nouuelle piece, ains

R R R r r

comme nouvellement restituée à l'Auteur. Si tant est au moins qu'elle soit de sa façon, comme i'en ay quelque opinion & creance. Toutesfois le Compilateur s'allegué met encor vne autre Piece en suite, qui ne s'est point rencontrée dedans le Manuscrit, sçavoir est, *La Sentence baillée en Cour d'Amours contre la belle Dame sans mercy.* Et y a grande apparence, que qui est auteur de l'une, l'est par mesme raison de l'autre.

PAG. 706. *Luy monstrey semblant d'amour lié.*] Les anciens disoient *lié*, & *lié* pour joyeux, du nom Latin *latius*. Vne vieille Chanson écrite à la main,

L'aing de lié cuer, & d'amoureux vouloir.

Et l'Ordene de Cheualerie,

Et dist à semblant d'homme lié,

Vous avez moult bien commencié.

De là *Saint Lié*, liement, & lieffe.

PAG. 707. *Et de muse* on n'attendoit note.*] Il faut ainsi restituer ce lieu,

Es de muse en attendant note,

Le fist insques en fin musser.

PAG. 708. *Car ceste femme adés le faisoit iouer mal à point.*] *Adés* signifie *ores*, maintenant : mot anciennement fort vslé, mais pour le iourd'huy hors d'usage.

PAG. ead. *Loyaument de vos dez jonoit sans les changer temps ne tart.*] La dispute est entre les Casuistes si l'argent gagné aux dez, ou autres jeux de hazard, est sujer à restitution. Mais il n'y a point de doute, qu'à tout le moins nos deuanciers en faisoient plus de conscience que nous ne faisons pas aujourd'huy. Car Marguerite Dame du Tour & de Dampierre, femme de Gauchier de Chastillon, filz aîné de Gauchier Seigneur de Chastillon, Comte de Porcian, & Connestable de France, faisant son Testament l'an mccccix. ordonne entre autres choses *dix liures à estre reparti & donner pour Dieu, pour les petits chiens, & pour les grans qu'elle auoit donné mangier l'aumône & le relié que li poure deussent mangier, & pour restitution de gainz que elle auoit fait au gien de dez.* Au reste les vieux Auteurs ont mis *temps* & *tempore* pour *rest*, ou pour *temps* mesme, à *tempore*. Le Caton en Romans par Adam de Guency.

——— *car qui mal fait*

Il le compere ou temps, ou tart.

Le Fabliau des Medifans,

Qui de raison son cuer attrempe,

Bien doit par tout & tart & temps

Raisonner.

Et le Reclus de Molens en son *Miserere*.

Chest à ton oer batense estore

Li biens qu'il fist en son tempore.

De là *temprément* pour presentemét en ce mesme Liure pag. 773. & *Quatior temps* au Composit en François, pour les *Quatre temps*, ou *quatre saisons* de l'annee.

PAG. 715. LA BALADE DE FOYGIERES.] L'Auteur fist ceste Ballade environ l'an

MCCCXLVIII. auquel les Anglois prindrent d'emblee les ville & chasteil de Fougères en la Duché de Bretagne, pendant les treues des Roys de France & d'Angleterre.

Batre, touiller, pour ce n'est pas science.] Le Roman de Charité,

PAG. 721.

*De fol pastour de sage oeuille,
Chele est nete, chit se toueille,
Chele est ou pré, & chil ou tai.*

L'HOSPITAL D'AMOURS.] Clement Marot en vne Epistre à Estienne PAG. 722.

Dolet, escrete le dernier iour de Iuillet l'an MCCCXLVIII. tient que cet Hospital d'Amours, & autres Pieces suiuanes ne sont pas de nostre Chartier, ains supposées, & faussement publicées dessouz son nom. Or ie ne suis seul, dit-il, à qui ce bon tour a esté fait. Si ALAIN CHARTIER viuoit, croy hardiment, Amy, que volontiers me tiendrois compagnie à faire plainte de ceux de leur art, qui à ses Oeuures excellentes adionstrent, la Contre-Dame sans mercy, l'Hospital d'Amours, la Plainte de saint Valentin, & la Pastourelle de Granson: Oeuures indignes de son nom, & autant sorties de luy, comme de moy la Complainte de la Basoche. Et oertes quant à l'Hospital d'Amours, la preuue en est dedans la Piece mesme. Car il y est fait mention d'Alain Chartier, comme d'un homme ja decedé: disant l'Authheur qu'il veid son corps entre plusieurs autres au Cimetiere des Amoureux, en ces termes:

*Asses près au bout d'un sentier
Gisoit le corps d'un tres-parfait,
Sage, & loyal, ALAIN CHARTIER,
Qui en amours fist maint beau fait:
Et par qui fut sceu le meffait
De celle qui l'amant occy,
Qu'il appella, quant il eut fait,
La belle Dame sans mercy.*

Mais pour ce que ledit Hospital, & les autres Pieces qui suivent, ont esté rousiours imprimées avec ses Oeuures, ie ne les ay pas voulu soustraire non plus en ceste Edition cy.

Et Courtoisie l'Enfermiere.] Enferme signifie malade, *infirmus: Enfermeté,* PAG. 726.
maladie, *infirmitas.* Le Reclus de Molens,

*Mout aim pain hom qui est sains,
Al enferm est vrupes & vains.*

Et le Bestiaire en François,

*D'un Mire conte qui seinna
Un riche homme que il garda
En une grande enfermeté.*

De là Enfermerie, le lieu où l'on loge les malades, & Enfermier celuy qui en a le soin & la charge.

COMPLAINTE Mort, or voy-ie ta cruauté.] L'Exemplaire de main at- PAG. 755.
tribue ceste Complainte au Seneschal d'Eu. Ce qui me fait soupçonner qu'il peut estre celuy, lequel en l'Hospital d'Amours est appelé

*Le Seneschal des Charretiers, &
Nommé lean par son propre nom.*

RRRr ij

868 ANNOT. SVR LES OËVV. DE M. AD
Pag. 782. DIALOGVE D'VN AMOVREUX ET DE SA DAME.] Il sembleroit
qui a fait l'Hospital d'Amours, est pareillement Autheur de
ce. Car là il dit, que Danger ne luy voulut seulement per-
mettre sa Dame. Et icy comme s'en ressouvenant, il le nomme
belle en ces mots:

*Mon cueur que tout entier vous laiz
Vous scrui-ra, ma Dame belle:
Esperant qu'avez de ses faictz
Mercy, sans Danger le rebelle:
Qui m'a greué trop long temps a,
Et fait souffrir mainte douleur,
Et si ne sçay s'il vouldra ja
Consentir qu'aye vostre amour.*






TABLE DES MATIERES

PLVS NOTABLES CONTENVES

EN CE VOLUME.

A

 Bel Roault Capitaine de Valloingnes, fol. 196.220	Albert Duc d'Austriche. 123
Adam Illetô, Anglois, 176.	Albret, maison illustre, & son origine. 811
Adam Moulins Maistre priué Seel du Roy d'Angleterre. 159	Alchoran, Liure des Turcs, forgé par Mahomet. 355
Adam de Cambray premier President de la Cour. 79. 97. 831	Alcaume de Champenaus. 34
Adés, pour maintenant. 869	Alençon reprinte par le Duc d'Alençon. 177. 178
Administrateurs mauvais de la chose publique non seulement punis, mais aussi ceux qui ne leur contredissent, ou par flaterie & ambition y consentent. 302. 303	Alexandre de la Poule noyé. 71
en Aduersité, & souz le fleau de Dieu ne faut perdre courage, ny soy deslancer du havre du bon espoir. 361. 362. & suiv.	Alienor de Bourbon Comtesse de la Marche. 842
Aerde, que c'est, & d'où vient. 863	Aloue pour allouette. 712
Affections humaines comme peuvent estre attribuées à Dieu. 376	Alphons Roy d'Arragon meurt. 247.
Afflictions des bons en ce monde, d'où procedent. 300. 301	Amanion d'Albret. 812
Aides cessées par Charles V I. pour le releuement du peuple. 441	Ambassadeurs d'Hongrie à Tours. 246. comment receus. 246. 247
Aigueperse rendue au Roy. 125	Ambedeux & Ambedui. 864
Alain Giron. 64. 112	Ame raisonnable pourquoy cōjointe au corps mortel. 331. 332
Albert d'Austriche esleu Empereur, & sa mort. 119	Amé de Saucutes, Seigneur de Comercy. 29
	Amé de Viry conducteur de l'armée du Comte de Sauoye contre Loys de Bourbon. 15
	Amour que c'est, & comment conuiant aux nobles. 586
	Amour est tousiours accompagné de miel & de fiel. 642. 643
	André de Laual prisonnier, & sa raison. 66

RRRrs iij



•

Digitized by Google

DES MATIERES.

- buth, d'où nommez. 347 re de Partenay. 829
 Belesme prins par le Duc d'Alençon Buzéçois destruit par les Anglois. 24
 199
 Berard de Montferrant, Capitaine 44
 de Bourg pour les Anglois 216
 Bergerar, & son assiette. 212. 213
 Bernard d'Armaignac Côte de Per-
 dsiac. 54. 842
 Bernard bastard de Bearn. 222. 224.
 234
 Bernard d'Espagne. 222
 Bertran du Glesquin, Connestable 2.
 son vray surnom, & la recommen-
 dation de sa valeur. 451. 665. 812. 813
 Bertrand de Montauban Cheualier
 Breton. 35
 Bertrand de Tojoufe. 129
 Bertran de la Tour, filz du Sire de la
 Tour d'Auvergne. 39
 Bestourner que c'est. 852 853
 Bicestre, chasteau d'où ainsi nommé.
 817
 Blancasfort reduit au Roy. 234
 Blanche Duchesse d'Orleans. 254
 Blasphemes des Israelites, cause de
 leur captiuité. 320. 321
 Bonne de Berry Comtesse d'Armai-
 gnac, & son Testament. 834
 Bordeaux rendu au Roy, 219 remis
 entre les mains des Anglois, 229.
 230. & derechef rendu au Roy 235.
 236. 237
 Bouchers par qui mis sus à Paris,
 pour le Duc de Bourgogne 19. leur
 Capitaine 25. & leurs cruantez. 26.
 27
 Bouhoureaux en mare. 665
 Bouhours & tournoiemens. 566
 Bourg sur mer assiegé & rendu au
 Roy. 216
 Bourges en quelle Prouince. 260
 Boutin Caqueran, Cheualier Lom-
 bard. 58. 60
 Brebis tousee. 618
 Brethueil sur Charente. 141
 Burnissent de Perigort femme du Si-
 C
 Abrieres, forte place. 44
 Cadillac assiegé 235. & prins par
 les gens du Roy. 236
 Caen assiegé 201. 202. description du
 chasteau 203. 204. & la reduction
 d'iceluy. 204. 205
 Calais assiegé par le Duc de Bour-
 gongne. 101
 Calenger & Calongner. 857. 432
 Caliste Pape 239. meurt 147. 248
 Castaur de l'Isle. 221
 Castillon de Perigort rendu au Roy
 217. pris par les Anglois, & reasse-
 gé sur eux 231. reduit en l'obeissan-
 ce du Roy, 233
 Catalla, cateux. 857
 Catherine de France demandée en
 mariage pour Henry Roy d'An-
 gleterre. 30
 emmenée à Troye avec le Roy son
 pere 44. espousée par le Roy d'An-
 gleterre. 48
 Catherine fille de Charles VII. ma-
 riée au Comte de Charolois. 111
 Catherine de l'Isle Dame de l'Isle-
 Bouchard. 64. 825
 S. Celerin assiegé & prins par les
 Anglois. 87 88. 832
 Chambon. 125
 Chambrais rendu au Roy. 271
 Chappes assiegé. 82
 Charles le Bel Roy de France. 254
 Charles V. laissa le Royaume heu-
 reux, & comblé de biens. 313
 Charles VI. eslit Connestable Char-
 les Sire d'Albret, & l'enuoye en
 Guienne contre les Anglois 23. se
 retire en la ville de tours 13. assiege
 Compiègne 29. va à Laon & à S.
 Quétin 16. fait paix avec le Duc de
 Bourgongne, & revient à Paris 30
 estoit hardy Cheualier & puissant
 32. emmené à Troye par le Duc de

TABLE

Bourgongne 44. sa mort. 55
 Charles VII. quand né, & par qui tenu sur les fonds 2. espouse Marie d'Anjou 28. est fait Capitaine de Paris estant Comte de Pôthieu 36. devient Dauphin 38. va à Angers aux obseques du Roy de Sicile 46. à Rouen contre les murins qui avoient tué leur Bailli 38. & de là vient à Paris 39. se retire à Bourges 42. parlemente avec le Duc de Bourgongne à Montereau 47. va en Dauphiné 49. est Roy apres la mort de son pere 56. reçoit Jeanne la Pucelle à Chinon, & l'enuoye à Orléans 99. 70 est sacré à Rheims 72. va au Puy en Auvergne 86. à Vienne 89. 90. fait paix avec le Duc de Bourgogne 97. entre la en ville de Paris avec beaucoup de magnificence 107. va à Tours 110. tient son Parlement à Bourges 111. va à Lyon 112. à Orléans, où il reçoit diverses Ambassades 116. 117
 Charles VII. promet obeissance au Pape Eugene. 130. 131. sa diligence & constance au siege de Pontoise. 139. va en Poitou, & de là à Saintes. 140. fait accord avec le Seigneur de Pons. 140. vient à Limoges. 141. où il tient une haute feste. 142. est receu à Thoulouze. 142. 143. va à la journée de Tartas. 144. 145. enuoye des Ambassadeurs en Angleterre. 158. rend obeissance au Pape Nicolas. 163. fait son entrée à Vernueil 174. à Eureux. 175. assiege Rouen 182. 183. y fait son entrée 184. entre à Caen. 205
 Charles VII. estant à Tours entreprend la conquête de Guyenne. 212. 214. fait paix avec le Duc de Savoie. 229. va en Guyenne 235. tient les trois Estats à Vienne. 241. reçoit les Ambassadeurs de Hon-

grie à Tours. 246. 247. mande les Pers de France à Montargis. 247. tient son grand Conseil à Vendôme 248. tombe malade, & meurt à Meun sur Yeu 248. 249. ses obseques 249. 250. & l'ins. epitaphes faits à son honneur. 849 850
 Charles fils du Roy Charles VII. 246
 Charles Roy de Navarre deliuré Chierbourg à Charles VI. 5. & sous quelles conditions & recompenses. 814. fait hommage au Roy de la Duché de Nemours. 17
 Charl. d'Anjou restablit Sicile troublée par Mainfroy. 366
 autre Charles d'Anjou. 86. 88. fait Chevalier. 88
 Charles d'Arthois Comte d'Eu prisonnier des Anglois. 81
 Charles de Bourbon, Côte de Clermont, Gouverneur du Languedoc. 49
 Charles Duc de Bourbon. 90. meurt & est enterré à Souvigny. 241
 Charles fils de Loys Duc d'Orléans accordé avec Ysabeau fille de Charles VI. 5
 Charles Duc d'Orléans assiege S. Denys 21. passe Seine & va à Chateaudun 22. vient à Paris. 28
 Charles Duc d'Orléans deliuré de prison, & son mariage. 312
 Charles Comte de Valois. 253. 254
 Charles de Cullant grand Maître d'Hostel du Roy. 24
 Charles Sire d'Albret, parrain de Charles VII. 2. cousin germain de Charles VI. 812. esleu Conestable de France. 2. prend l'épée avec de grandes solennitez. 3. va en Guienne faire guerre aux Anglois 3. enuoyé en ambassade vers Henry Roy d'Angleterre. 22. 23
 Charles de la Fayette fait Chevalier devant Rouen. 283
 Charles

DES MATIERES.

Charles Labbé, Breton, Capitaine de Tours pour le Duc de Bourgogne.	44	Childeric Roy de France chassé, puis restably.	367
Charles de Lans	42	Chinon.	166. 167. 169
Charles des Marests.	98	Chrestiens quelles graces & prerogatives ont receues de Dieu sur toutes autres creatures.	335. 336 & suiv.
Charles de Rochefort.	83	Christoffe de Harcourt.	79. 97. 100
Charles de Sauois poursuivy par l'Université de Paris, pourquoy, & ce qui en auint. 6. son credit auprès du Roy	28	Ciel porté sur les Roys à leurs entrées & couronnements.	836
Charles de Seruales.	132	Claude de la Croix, Baron de Plan-cy.	823
Charroux pris par les gens du Roy.	126	Clinet de Brabât 4. Admiral de France.	20
Chartres pris par le moyé d'un charretier.	84. 85	Colce, pour coup.	852
Chasteau du Boys, tout audroit de l'hostel de Neefle.	26	Colce des Cheualiers	852
Chasteau Gaillart pris sur les Anglois. 77. de quelle force & assiete.	180	Commeres, pour gens couars & effeminez.	667
Chasteau de Medoc reduit au Roy.	234	Compains pour compagnon	861
Chasteauneuf en Timerais.	173	Conches prinſes par les gens du Roy	131
Chasteaux faits en la ville de Bordeaux pour tenir le peuple en subiection.	238	Concile de Basle.	89
Chastel, pour bien & cheuance.	856	Concile de Constance.	30
857		Confiscations, sont les plus belles acquisitions, qui peuuent venir à un Roy & Seigneur souuerain.	257
Chef, Cheuet, Cheuetaine.	858	Constances rendue au Roy.	177
Cheual d'or esmaillé de blanc, donné au Duc de Bretagne.	35	Constantinople prise par le Turc.	208
Cheualiers piliers de la France.	559	Corbeil reduit au Roy.	98
Cheualiers, qui maintenoient France en liberté, regrettez. 261. 262. 316	317	Cormery.	40
Cheualiers faits à la prise de Pontaudemer. 172. à un assaut à Rouen, 183. à la bataille de Fourmigny. 198		Corps que c'est, & pourquoy assemblé avec l'ame.	288
Cheualiers faits en quelques escarmouches de François & d'Anglois en Angleterre.	244	la Correction que Dieu enuoye par la tribulation, est signe de son amour.	294. 295
Chicé.	229	Cour des Roys de quels abus & vanitez sont remplies 266. 267 & suiv. 393. 394. & suiv.	
Chierbourg deliuré au Roy Charles VI. par le Roy de Navarre.	5	Courtoisie bien seäte aux Nobles.	587
Chierbourg assiegé 207. rendu au Roy.	208	Crainte & esperance peuuent estre en mesme subiet.	339
		Creil assiegé par les gens du Roy.	133
		Creneur, cremir, & cremeteux.	853
		Creuan assiegé 56. & ce qui auint deuant.	57
		Cris de guerre.	168
		Croix blanche veue au ciel durant le	SSSS

T A B L E

siège de Bayonne.	225. 226. 848	Diffimulation regne des Cours des	
Cuisset rendu au Roy.	126	Princes.	267
Curial pour Courtisan.	854	Dordonne, riuere, d'où nommée.	260
D			
D Ampfront assiégué & rendu au Roy.	207. 208	Dreux pris par le Roy d'Angleterre.	111
Darnay, chasteau tresfort & remparé.	154	53. rendu au Roy.	111
Dauid Bouchard Lieutenât du Comte d'Eu.	242	Dreux de Humes Lieutenât de leu de Luxembourg à Meleun.	75
Dauid de Rambures, Maistre des Arbalestriers du Duc de Bourgogne.	19	Droiture & equité conuenables aux Nobles.	584. 585
Deffiance descrite 265. fait de piteux regretz sur l'affliction du peuple François.	270.	Dun-le-Roy assiégué & pris par les Bourguignons.	23
Dementres que c'est.	859	E	
S. Denys prins par les gés du bastard d'Orleans.	92	E Breule rendue au Roy.	125
Denys de Chailly Capitaine de Morter.	49. 76	Edouard de Vvindelese espoule Ysabel fille de Philippe le Bel.	254
Denys de Vaucourt Cheualier.	97	Edouard filz d'Edouard & d'Ysabel prend le nom & tiltre de Roy de France 254. auoit auparauant fait homage au Roy Philippe de Valois 255. forfit & confisquatoutce qu'il auoit au Royaume de France, & comment <i>ibid.</i> & 256. print Ican Roy de France.	256
Desesperance de quelle forme & nature 266. exhorte par plusieurs exemples à soy deffaire, souz ombre d'euter captiuité. 274. 275. & <i>suui.</i>		Edouard filz d'Henry Roy d'Angleterre, quand né.	238
Desroyer que c'est.	856	Edouard Duc de Bar prisonnier.	25
Deffeur, pour separer.	854	assiste à la bataille d'Azincourt.	33
Dieppe prinse.	98	ses ancestres.	819
Dieu a le soin & le gouuernement des Royaumes & Seigneuries 288 289. les donne & oste selon le merite ou demerite de ceux qui regnent.	294. 295	Eglise pourquoy est assiegee. 304. 305. esleuee jadis par pauuereté, & main tenât vilipendee par richesses. 305	
Dieu ne peut estre congny à sa diuine essence, & partât sommes contrains d'y aller par humaines coniectures.	376. 377	Eglises & lieux saints pollus & maculez par la permission de Dieu, pour punir l'ambition & vaine gloire des Prestres.	308. 309
Diligence conuenable aux Nobles.	588	Emenyon d'Albret Sire d'Orual.	25
Discipline de cheualerie doit estre gardee. 444. 445. 448. 449. 450. 451		Endementiers que c'est.	858
Discorde blasinée.	543	Engins & Engingneurs.	856
Discordes ciuiles ordonnées de Dieu, à quelle fin.	323	Engrengir pour agrandir.	856
		Enguerran de Bournouille,	15. 16
		decapité à Soissons.	29
		Enguerran de Mercongnét.	3538
		Entendement doit guider & reduire l'homme à raison. 277. 278. & <i>suui.</i>	
		sa haute, & noble extraction, &	

DES MATIERES.

comme il doit souz soy dompter
l'appetit sensüif. 279.280.& suiü.
Entree du Roy Charles VII. à Paris
106.107.108. à Rouen 189. à Caen
205. à Vernueil. 274
Entree du Comte de Dunois à Bor-
deaux. 219.220.846.847
Entree du Comte de Foix Lieutenât
du Roy à Bayonne. 226.227
Esbaudir, Esbaudissement. 857
Escande, scandale. 311.356.423
Escander, scandaliser. 311
Eschooliers pendus & depêdus, & leur
sepulture & Epitaphe. 816
Escuyers quand estoient ainsi nom-
mez jadis. 446
Esperance que c'est, en quoy differe
de la foy, & sur quoy fondee 328.
329. ses louanges. 330
Esperance des anciens Peres, atten-
dans les promesses diuines. 334
Esperance & crainte peuuent estre
en mesme subjer. 339
Esperances feintes & fallacieuses de
quatre sortes 338.339. & suiü. 346
& suiü.
Espices apres le souper. 89. d'où nô-
mees. 832
Essars chasteau, 139. tenu en homma-
ge du Roy, à cause de la Comté de
Poitou. 140
Essay rendue au Duc d'Alençon. 175
Estampes prise par le Duc de Bour-
gogne. 22
Estats assemblez à Orleans pour auir
ser à la paix. 116.117
Estienne de Chabannes. 832
Estienne Cheualier Secretaire du
Roy. 158
Estienne de Montfort Capitaine de
Constances. 177
Estienne de Vignolles, dit la Hire. 45
68.77.91.822
Euerard de la Marche. 112.113
Eugene Pape. 130.131. meurt 161. fut
soustours obey du Roy de France

& des autres Rois contre Felix.
164 .

F

FAlaise reduite au Roy. 205.206
les Faulx Visages. 170
Federic Duc d'Austrice couronné
Empereur. 228
Felix comment paruint à estre Pa-
pe, 164. & comment ceda. 165
Femme doit hommage à l'homme,
& pourquoy. 708
Ferry de Grancey. 218
Ferry de Lorraine. 156
Feste magnifique pour le mariage de
la fille du Roy René avec le Roy
d'Angleterre. 159
Feure, *Faber*. 289.654
Feurs en Forests. 229
Fleurs de Liz sôt les delices de Dieu.
666
Florens d'Illiers. 70.95.171
Fortune est variable à la Cour des
grands. 267
Fongieres prise & pillée par les An-
glois durant les tréues. 166.717
Foulques Guidas Capitaine d'Am-
boise. 124
Foy que c'est, en quoy differe d'Espe-
rance, & sur quoy fondee. 328.329
Foy à quelles enseignes se cognoist,
& comme il y faut adherer. 281.284
& suiü.
la Foy fait vaincre toutes tentations
& tribulations. 285.286. & suiü.
Foy Catholique ne peut venir d'au-
tre Legislatteur, que de Dieu eter-
nel. 256.257
Foy necessaire aux Nobles. 582
France pourquoy si longuement en
affliction. 312.313. & suiü.
France laidangée de ses ennemis, &
abandonnée de ses amis, descrite.
406.407. & suiü.
François lasches, reprouchez d'aua-
rice, ambition & volupté. 409.410
& suiü.

SS Sff ij

TABLE

François mis en la servitude de leurs ennemis pas le peché de blasphemie & vie voluptueuse. 319
 François, Duc de Bretagne. 148. fait hommage au Roy, au chastel de Chinon 159. fait prendre Gilles de Bret. son frere prisonnier. 160 meurt. 207
 François de Surienne dit l'Arragonois, prent Montargis 80.81. Seigneur de Loingny. 174
 François de Surienne Seigneur de Loingny. 174
 Fronzac, le plus fort chasteau de Guyenne, 216. rendu au Roy. 217 218. repris par les Anglois 230. & derechef rendu au Roy. 235
 G
 G'Abriel de Bernes maistre d'honneur du Dauphin. 129
 Gadifer de la Salle. 16
 Gaillard de Ianoilhac. 243
 Galardon prins sur les Bourguignons par les François. 53. & depuis par les Anglois. 58
 Gale, Galand, Galier, Galiard, & Galiardise, d'où viennent. 859. 862
 Gallior du guarret Capitaine de Final pour le Roy contre les genevois. 163
 Gallogrecie d'où nommee. 416
 Gast. 371. 408. 434
 Gaston de greilly Captau de Buc. 221
 saule descrite & diuisee. 259
 gauroy, forte place. 182
 george Soliton Anglois, Capitaine de la Riolle. 147. en est mis hors. 148
 george de la Trimouille espouse Catherine del'Isle-Bouchard. 64. 825 est prins par le Siro de Bueil à Chinon. 86
 gerberoy pris sur les Anglois. 169
 gerberrain Abbaye à deux lieues de Honneffeu. 196
 getz pour liens & attachies. 636, 652

DES MATIERES.

Guillaume de Barbazen gouverneur pour le Roy en Châpaigne 82. tué deuant Vaudemont.	84	Royne.	40
Guillaume de la Barre	99	Guillaume de Tignonuille Preuost de Paris condamné à despendre & enterrer honorablement deux Clercs qu'il auoit fait pendre.	14
Guillaume Bataille 4. pris prisonnier u pont de S. Cloud.	12	Guillaume Seigneur de la Trimouille	824.825
Guillaume Duc de Bauieres	12.13	Guillaume Vallee.	243
Guillaume de Bigars.	168	Guillot de Lensac, Cheualier Galcon.	93.221
Guillaume le Bouteiller Seneschal de Limosin.	3	Guifant fort chastel, à quatre lieues de Bayonne	194
Guillaume de Broulard Cheualier.	111	Guy de Bar 16. Cheualier Bourguignon.	29.42
Guillaume Carbonel.	242	Guy Bernard Archidiacre de Tours.	163.165.220.
Guillaume Cauzon, Breton.	245	Guy le Bouteiller Cheualier.	47
Guillaume Chambellan, Anglois.	135	Guy de Clamecy, Preuost de Paris.	79
Guillaume de Châpeaux enuoyé vers le Comte d'Armaignac.	35	Guy Sire de la Fayette.	17
Guillaume de Champeaux 'Euesque de Laon, baptize Louys XI.	58	Guy XIII. & XIV. Comtes de Laual.	838
Guillaume du Chastel. 4.	135	Guyon de Villers Angeuin.	245
Guillaume Chenu.	242	Guyonnet du Plessis decapité à Paris.	29
Guillaume Cousinot Maistre des Requestes. 158. fait Cheualier deuant Rouen 183. Bailly dudit Rouen.	191	Guyot de la Roche.	141
Guillaume de Flauy Capitaine de Cöpiegne.	93	H	
Guillaume Hamelton tué deuant Creuan.	57	H Abits pompeux & excessifz du peuple blasmez.	433. 434
Guillaume de Martel, Escuyer de Dauphiné, tué à Vernueil.	61.62	Han assiegee & prinse par le Duc de Bourgongne. 20. prise par les gens du Roy.	90
Guillaume Monpeny, Cheualier Escossois.	240	Harcourt rendu au Roy.	175.176
Guillaume du Periel.	242	Harfieu assiegé, & rendu au Roy.	193
Guillaume bastart de Poitiers.	161		194
Guillaume Poitou. 133. 151. Capitaine de S. Lo.	177	Hector bastart de Bourbon.	17
Guillaume Regnault, Escuyer d'Auuergne, fait Cheualier deuant Orleans.	71	Hector de Saucuses 39. defait par la Hire & Poton.	46
Guillaume de Rochefort Cheualier Niernois 67. Capitaine de Sully pour les Anglois <i>ibid.</i> parét du Seigneur de la Trimouille, Sire dudit Sully.	<i>ibid.</i>	Hector d'Vfel.	242
Guillaume de Saignos.	16.17	Helie Sire d'Albret.	811
Guillaume Fauceau Chancelier de la		Helie de Pompadour 161. Euesque d'Alet.	165
		Henry Comte Derby prend le Roy Richard prisonnier, & se fait couronner 258. meurt en France. <i>ibid.</i>	
		Henry nouveau Roy d'Angleterre par la mort de Richart 5. espouse la	
		SSS ff iij	

T A B L E

seur du Roy de Nauarre <i>ibid.</i> de-	Comte de S. Pol.	201
mande Catherine de France en	Iacques Comte de la Marche chef	
mariage 30. assiege Harfieu <i>ibid.</i>	del'armee du Duc de Bourgon-	
espouse ladite Catherine à Troyes	gne deuant le Puiset 22. prins pri-	
48. meurt au bois de Vincennes.	sonnier.	<i>ibid.</i>
55	Iacques de la riulere, Seig. d'Aumel	
Henry Roy d'Angleterre enuoye se-	pres Chartres 25. mis à mort, pour	
cours au Duc d'Orleans 23. prend	auoir tenu le party d'Orléans. <i>ibid.</i>	
Caen 39. assiege Rouen.	Iacques de la Riuiere decapité, apres	
47	estre mort en la prison.	26. 27
Henry filz d'Henry Roy d'Angleter-	Iacques de la Riuiere Bailly de Ni-	
re, & de Catherine de France 51.	uernois, fait Cheualier deuant	
couronné en Angleterre.	Rouen.	183
76	S. Iame de Beuron emparé par les	
Henry de Marle premier President	Anglois 166. prins sur eux. 172. 173	
de Parlement 27. Chancelier de	Iamet de Tillay, Bailly de Verman-	
France, occis.	dois. 211. Capitaine de Blois. 124	
42	Iangleurs & Iugleours.	859
Henry Standich.	Iaspar Bureau Maistre de l'artillerie	
135	de France. 211. au siege de Bayonna-	
sainte-Hermine, àu Seigneur de la	ne.	223
Trimouille.	Idoles des payens quand vindrent	
140	en vſage & comment.	346. 347
Hommes d'armes, quād pouuoient	Iean Pape cede au Concile de Con-	
prendre ce nom.	ſtance 38. est fait Cardinal, & meurt	
446	à Florence	41
Honneur, est le tresor de noblesse,	Iean Roy de France prisonnier	216.
583. 584	& ce qui fut baillé pour sa deli-	
Hue de Brosse.	urance.	<i>ibid.</i>
16	Iean second filz de Charles VI. ma-	
Hue de Bouille Seigneur de Milly en	rié à la fille du Duc de Bauiere.	5
Gastinois.	Iean Roy d'Espagne meurt.	239
817	Iean d'Albret Seigneur d'Ornais.	
Hue de Launoy.	811	
29	Iean Duc d'Alençon parrein de Louys	
Hypocras donné publiquemēt aux	XI. 58. pris à la bataille de Verneuill	
entrées des Roys.	& sa rancon. 824. conducteur de	
836	l'armee du Roy.	71
I	Iean Duc d'Alençon pris prisonnier	
Iacques d'Aumont.	du Roy, & mené à Chantelle, 140	
82	condamné perdre & confisquer	
Iacques de Chabānes 102. 103. grād	toute sa terre. 248. & mené pri-	
Maistre d'hostel du Roy 215. 220.	sonnier à Loches.	<i>ibid.</i>
230. 232. 233	Iean Allemant Cardinal d'Arle. 164	
Iacques de Clermont Escuyer du	Iean Comte d'Angoulesme emme-	
pays de Dauphiné 168. 170. Bailly	né prisonnier en Angleterre.	24
de Caen.		
242		
Iacques Cœur Argentier du Roy		
Charles.		
160. 163. 212		
Iacques de Harecourt, Capitaine du		
Crotoy 67. pris & tué par les gens		
du Seig. de Partenay <i>ibid.</i> commēt		
estoit son nepueu.		825
825		
Iacques Iuuenal des Vſins Euesque		
de Poitiers.		119. 841
119. 841		
Iacques de Luxembourg frere du		

DES MATIERES.

Jean l'Archevesque Sire de Partenay. 825. ses lo uanges. 828. la femme.	France. 242
Jean d'Aschier.	829
Jean de Bauierre Eues. de Liege. 12. 13	223
Jean Duc de Berry fort de Paris, & se retire à Melun 19. 20. festoye l'Empereur Sigismond 36 sa mort. <i>ibid.</i> surnommé Camus, 821. & l'histoire des trois morts qu'il fist porter à S. Innocent.	12. 13 822
Jean de Bourbon prisonnier en Angleterre 820. y meurt.	90
Jean de Bourbō, Seigneur de Preaux Capitaine du chastel de Rouen.	38
Jean Duc de Bourgongne ramene le Dauphin à Paris, & en oste le gouvernement à la Royne sa mere 7. leue des gens, & se met en armes contre le Duc d'Orleans 7. 8. assiege la ville de Calais 8. 9. fait tuer le Duc d'Orleans à Paris 9. fort & se retire à Arras, 11. prend la ville de Han 20. vient à Paris 21. prend Estampes 22. reuiet deuant Paris 39. prēd quelques villes de Beaufse <i>ibid.</i> tué à Montereau.	7. 8. 9. 21. 39. 48
Jean Duc de Bretagne marié à la fille du roy Char. VII. 5. meurt	148
Jean de Bar, frere du Duc de Bar.	34
Jean de Bar Seigneur de Baugy.	171
Jean de Beaumont Capitaine de Bayonne.	215
Jean de Blanchefort Escuyer 195. tué	201
Jean Blosset Seigneur de Carrouges	243.
Jean de Bonnay 19. Capitaine de Buse en Languedoc.	44
Jean de Bordelles.	218
Jean le Boursier General de France	215. 222. Maire de Bayonne. 227
Jean de Brezé 120. 125. 128. la mort.	143
Jean de Brezé Bailly de Gisors.	242.
Jean Sieur de Bueil Lieutenant du Duc d'Alençon 841. Admiral de	France. 242
Jean Bureau 162. Thresorier de France 206. Maire de Bordeaux.	219
Jean Carbonnel 223. 242. 243. fait Cheualier	244
Jean de Chalon Prince d'Orange.	12
Jean des Croix Cheualier. 44. 52. ancestre des Barons de Plancy.	223
Jean de Crouy	84
Jean Daulon Escuyer d'Escuyrie du Roy.	171
Jean Dauphin, filz de Charles VI. 36 sa mort.	37
Jean de Digonne.	56
Jean Comte de Dunoy fait son entree à Bordeaux.	219. 220
Jean Edouard Anglois, Capitaine de la Roche Guyon.	177
Jean d'Engennes.	34
Jean d'Estouteuille Seigneur de Torcy & de Blainville.	845
Jean de l'Estrange.	218
Jean Fastot Anglois.	71. 72
Jean ferremen Anglois.	119
Jean Comte de roix 89. heritier de Phebus.	679
Jean du Fou Souzmaire de Bordeaux.	229
Jean Fouquault Limousin, Capitaine de Laigny.	81
Jean Hardoin.	212
Jean Harpe.	169
Jean de la Haye.	218
Jean Seigneur de la Heuze.	242
Jean Sire de l'Isle Adam tué.	106
Jean Iuuenel Aduocat du Roy au Parlement.	27
Jean Iuuenal des Vrsins Euesque de Beauuais, ses pere & mere 818. & les Epistres qu'il fist aux Estats de Blois & d'Orleans. 838. 839. & suiu.	68
Jean de Lefiego.	68
Jean de Lestin Bastard d'Armaignac.	152. 239. 241.
Jean de Leuis Selg. de la Roche.	41
Jean Louuet Presidēt de Prouēce.	40

TABLE

Iean de Luxembourg.	42. 45. 56. 73	chers.	
Iean le Maingre surnommé Bouci- quault, & pourquoy.	816	Iean Tudert, Doyen de Paris.	
Iean Bouciquault Marechal de Fran- ce, Gouverneur de Gennes 15. 16. deuant le Puifet pour le Duc de Bourgongne.	22	Iean de Vergey Marechal de Bor- gongne.	12. 19
Iean de Malestroit Euesque de saint Brieu.	35	Iean de Villiers Seigneur de l'Isle- Adam entre dans Paris pour le Duc de Bourgongne. 41. 42. Ca- pitaine de l'Isle-Adam.	46
Iean de Meause Seigneur de Mau- gouuerne.	215	Iean de Viuonne Capitaine du cha- steau de Tours.	40
Iean-Marie Duc de Milan.	16	Ieanne de Chastillon Comtesse de Blois, d'Alencô & de Chartres.	817
Iean de Montagu 3. grand Maistre de France 6. bat Messire Geofroy le Maingre, & pourquoy. 9. decapité. 18. & son innocence recogneue de- puis.	817	Ieanne la Pucelle arriue vers le Roy Charles VII. à Chinon. 69. entre à Orleans, <i>ibid.</i> & 70. mene le Roy sacrer à Rheims.	72
Iean Comte de Neuers, fait homma- ge au Roy Charles VI. de la Duché de Bourgongne, apres la mort de son pere.	5	Ieâne la Pucelle surnommée du Lys, & pourquoy. 830. ses louanges. 830 831. son serment ordinaire.	831
Iean Bastard d'Orleâs Comte de Du- nois 843. & de Longueuille 844. 845 grand Chambellan de France 165. Lieutenant general du Roy en ses guerres 171. en la Duché de Guie- ne.	214	Imbert de Grolée, Bailly de Lyon. 34 58. Marechal de Dauphiné.	73
Iean de Petiers.	245	Indignation quelle en son habit & maintien, 265. remonstre les abus & vanitez qui regnent des Cours des Princes.	266. 267. & <i>suiv.</i>
Iean le Picart Secrétaire, de la Roy- ne.	40	Ioachim Roault, 133. 134. Connesta- ble de la ville de Bordeaux.	219
Ieân de la Poulle Anglois, pris à Gra- uelle.	57	Ire comment attribuee à Dieu. 177 l'Ire de Dieu dure sur les pécheurs tant que dure leur iniquité. 319. 320	
Iean Raoulet Capitaine de ceux de Rouen, qui tuerent leur Bailly Raoul de Gaucourt.	38	Iuifs pourquoy si long temps en dispersion.	341. 342
Iean de la Roche. 123. 842. Capitaine de Niord. 124. en est mis hors. 130		Ius pour bas, ou à terre.	833
Iean de Rochechouart.	218	Iustes pourquoy punis avecques les mauuais.	300. 301
Iean Sanglier.	112	Iustice non exercee, cause de la rui- ne des Royaumes, & perdition des batailles, & origine de tous maux.	309. 310
Iean Seneschal des Charretiers.	732	Iustice esbranlee & minee.	270
Iean de Tholangeon Marechal de Bourgongne. 46. prisonnier.	58	Iustice & misericorde sont en Dieu sans contrariété.	291
Iean de Torsay Seneschal de Poi- rou. 3. grand Maistre des Arbale- striers.	38. 44		
Iean de Troye, Conseiller des Bou-			

L
L *Alahab*, que c'est. 32
 Lange, prier Dieu nuz piez &
 en lange. 614
 Languedoc

DES MATIERES.

- Languedoc en dueil pour la mort du Roy Ican. 414
 Largeſſe conuenable aux nobles. 590
 Laual prins par Tallebot. 66
 Leſparre donnee par le Roy à l'Admiral de Coetiuy, & puis au Seigneur d'Orual. 845. 846
 Leſtoure aſſiegee & priſe par le Roy ſur le Comte d'Armaignac. 240
 Libourne reduite au Roy. 216. 233
 Lié, lieſſe, liement. 866
 S. Lié. 866
 Liegeois rebellez contre leur Eueſque. 12. 13
 Limaigne d'Auuergne. 227
 Liſieux ſe rend en l'obeiſſance du Roy. 173
 Lobber & Lobberie. 863
 Loches. 124. 148
 Loingny prins par les gens du Roy. 174
 Loirrer. 936
 Lourdin de Saligny, Chambellan du Duc de Bourgogne, priſonnier. 24
 Louys Debonnaire Roy de Guyene. 258. degradé & deſtitué par ſes propres enfans. 367
 S. Louys deſcôſit Henry Roy d'Angleterre. 253
 Louys X. Roy de Frâce & d'Angleterre. 253
 Louys fils de Charles VII. né à Bourges. 58
 Louys Dauphin, ſe retire du Dauphiné en Flandres. 848. 849
 Louys Roy de Sicile. 10. deuât Bourges. 23. meurt. 89. 90
 Louys Duc de Bourbon, 2. guerroyé par le Duc de Sauoye, & pourquoy. 15
 Louys Duc de Guienne fils de Charles V I. marié à Marguerite fille du Comte de Neuers. 5
 Louys Duc d'Orleans, frere du Roy Charles V I. 2. en debat avec le Duc de Bourgogne pour le gouuernement. 4. conquiert quelques places en la Duché de Luxembourg. 5. ſarme contre le Duc de Bourgogne. 7. 8. va en Guyenne, & ce qu'il y fait. 8
 Louys Duc d'Orleans tué à Paris 9. 10. 814. enterré aux Celeſtins, & les biens qu'il leur fit. 815. ſon epitaphe. 815
 Louys de Beaumont Senefchal de Poitou. 231. 236
 Louys Bourdon Capitaine d'Eſtampes, mené priſonnier en Flandres. 22. deliuré, *ibid.*
 Louys de Bueil frere du Sire de Bueil 151. 152
 Louys de Chalon Prince d'Orenges, 19. deſconfit en Dauphiné. 74
 Louys de Culant, Admiral de France. 58. 70. 81
 Louys de Laual Seigneur de Chaſtilon, 143. 144. 152. commis au gouuernement du Dauphiné. 242. 843
 Louys de Loingny, 16. Mareſchal de France. 36
 Louys de Luxembourg Eueſque de Theroenne. 100
 Louys de Sancerre Conneſtable, & ſa mort. 2. vendit l'Hoſtel de Sancerre, qui luy appartenoit, à l'Archeueſque de Bezançon. 812
 Louys de la Rochette. 181
 Loy Salique en quel temps faite. 255
 Loyauté neceſſaire aux nobles. 583
 Lozenquier, que c'eſt. 860
 Luquin Ruz, Cheualier Lombard. 58
 60
 Lyon, & les citez qui en dependent. 259
 Lyonnet de Bracquemont. 30
 M
 M Agdelaine fille du Roy Charles VII. 247
 Mahomet par quelle malice ſeduſit tant de gens. 346. 350. & ſuiu. 860
 Main, pour matin. 860

TTTT

TABLE

Mal-bailli.	893	Melâcholie descrite 263. quels manx	
Maleroulte.	860	fait aux esprits où elle loge.	264
S. Malo donnée au Duc de Bretagne		Meleun assiegée par les Anglois &	
par Charles VI.	34	Bourguignons, & à eux rendue	10
le Mans prins 66. assiegé	162	reduite au Roy.	75.76
Mansart du Bois decapité à Paris.	22	Meschant, Meschance, & Melchoir.	
Mâre mise en l'obeslâce du Roy.	173	854. 855.	
Mâreau de Dame France representé		Mesnie, pour compagnie.	865
tout plain de fleurs de lys 407. 408		Mesnil que c'est, & d'où nommé.	865
Maranes, & Maronniere terre, d'où		S. Messant pris par les gés du Roy.	113
nommez.	864	Michelle de Vitry fondatrice de la	
Marguerite Comtesse d'Artois.	254	Chapelle des Vrsins.	819
Marie de Berry Duchesse de Bourbo		S. Milon rendu au Roy.	217
meurt.	90	Milly en Gastinois prins par les An-	
Marle rendue au Roy.	132	glois.	85
Marmoustier, Abbaye pres Tours.		Mires pour Medecins.	847. 372
40		Moitoier.	616
Marueil au Seigneur de la Trimouil-		Mondot de Lansac.	169. 221
le.	140	Monnoyes affoiblies:	428
Martin Pape esleu au Cécile de Con-		Monstereau gagnée par le Roy.	103.
stance.	41	104	
Martin Gouge Euesque de Clermont		Montagu en Combraille.	115
35. prins par le Seigneur de la Tri-		Montagu en Laonnois abbata.	132
monille 44. gouuerne les affaires		Montargis assiegé par les Anglois.	65
du Roy.	110	prins 80. 81. & reprins sur eux 85.	
Martin Gracie 222. 224. Capitaine de		rendu au Roy.	111
Bayonne pour le Roy.	227	Môbeliard pris par le Dauphin.	154
Martyrs ont vaincu les tyrans en		Montguyon reduit au Roy.	214
mourant.	286	les Montils pres Tours.	166
Matagou Capitaine du Mans pour		Mont-joye d'honneur 545. de dou-	
les Anglois.	96	leurs 724. de tous biens.	749
Mathieu de Foix Comte de Com-		Montlehery assiegé & prins par le	
minge.	150	Duc Bourgongne.	39
Maulcon de Sole.	178	Montmirel prins sur les Bourgui-	
Maurice de Plufqualet, Capitaine de		gnons par les gens du Dauphin.	53
Taillebourg.	140. 141	Montrichard prins par les gens du	
Mayenne la luhez rēdue par les An-		Roy.	124
glois.	166	Murat pris par le Côte d'Armaignac	
meaux prins par le Roy d'Anglet.	51.	30	N
reprins sur les Anglois.	114	N Emours rendu au Roy par cō-	
Medaillons forgez à l'honneur de		position.	102. 103
Charles VII.	834. 835	Netteté conuenable aux Nobles.	89
Mehain, & mehaingner, que signifie.		Neufchastel de Lincourt prins par	
864.		les gens du Roy.	176
la Meke des Turcs, & les ceremonies		Nicolas Pape 161. 164. courōne l'Emp.	
qu'ils y gardent.	352. 353	Edesic d'Austriche à Rome 228.	

DES MATIERES.

excite les Roys de France & d'Angleterre à faire paix 228. meurt. 239
 Nicole Bordet, Anglois. 135
 Nobles doiuent auoir douze principales Vertus, & quelles elles sont, 582. 583. & suy.
 Noblesse viuant en dissolutiō, & ingratitude enuers Dieu, est cause de grans maux. 430. 431. & suy.
 Noel crié en resiouissance. 192. 423. 836
 Normandie toute reduite au Roy. Charles VII. 208. 209

O

O Beissance & ordre enuers les Chefs de guerre necessaire. 444. 445
 Oliuier de Coetuiy 110. 116. Seneschal de Guiēne pour le Roy. 148. 221
 Oliuier de Maugny Cheualier Breton. 39
 Oraison esleue l'homme à Dieu, & le reconcilie. 380
 Oraison Dominicale deduite en sept parties. 380. 381
 Oraison comment & quand profite au suppliant 381. est moyen tres-necessaire pour impetrer enuers Dieu fruitiō de sa demāde. 382. 383
 Oraison de l'homme pourquoy n'est tousiours exaucée. 373. 374
 Orphente, viduité. 637
 Orleans deliurée des Huns par les prieres de S. Aignan. 368
 Orleans assiegé par les Anglois 67. 68. deliuré par Ieanne la Pucelle. 69. 70. & suiui.
 Ouiller, pour cōbler & réplir. 269. 431
 Ourer & Ourier. 854
 S. Ouy, & la defaite des Anglois qui s'y fist. 96

P

P Aillard d'Vlphé Cheualier d'Auuergne. 83
 Paix louée 542. 543. & suiui. & les commoditez qu'elle apporte. 545
 Paix entre le Roy & le Duc de Bour-

gongne à Arras. 97
 Paluau, chasteau 139. tenu en hōmage du Roy à cause de la Comté de Poitou. 140
 Paris preseruee des Huns par sainte Geneuiefue 368. rendue au Roy Charles VII. 100
 Partenay, maison ancienne, & pourquoy les masles portoient le surnom d'Archeuesques. 825. 826
 Parissage, que c'est. 860
 Paulme, pour la main, *palma*. 394
 Pautonnier & Pautonnerie. 855
 le Peché est cause primitiue de l'institution des Roys. 296
 Penance pour penitance. 637
 Perigort, maison ancienne, & son origine. 829
 Perrenet Grasset Capitaine de Ville-neufue-le-Roy pour les Anglois. 79
 Pefenas, forte place. 44
 Perseuerance conuenable aux Nobles. 592
 Peuple puny pour les pechez du Prince, & pourquoy. 295. 296. & suy.
 le Peuple allegue ses doléances & les iniures que luy fōt, souffrir les gés d'armes, souz vmbre de defendre la chose publique: & comme il est pillé & foulé de tous, encor que tous il nourrisse. 417. 418. & suy.
 le Peuple est vn des membres du Royaume. 420
 le Peuple en temps de paix abuse des richesses, s'abādōne à blasphemés, partialitez, murmures, & oisieté voluptueuse: & pour ce qu'il me-cognoist l'aïse & beauté de la paix, Dieu permet qu'il soit vexé par guerre. 421. 422. & suy.
 Phebus Comte de Foix. 579. 580
 Philippe surnommé Dieu-Donné, pourquoy. 368. 369
 Philippes le Bel Roy de France 253. & les enfans. *ibid.* & 254
 Philippes le Long Roy de France. 253

T T T t t ij

T A B L E

Philippe fils de S. Loys, Roy de France, & ses enfans.	253	Pierre 'du Lys Cheualier, frere de la Pucelle Ieanne.	830
Philippe Duc de Bourgongne 2. en debat avec le Duc d'Orleans pour le gouuernement 4. sa mort.	5	Pierre de menon, Cheualier de Touraine 29. decapité à Soissons. <i>ibid.</i>	
Philippe de Cullant, Seigneur de Iallongnes Marechal de France.	133. 141. 213	Pierre Michel.	242
Philippe l'Huillier.	242	Pierre de Montmorin.	218
Philippe Iossequin.	46. 48	Pierre l'Orfeure Conseiller du Duc d'Orleans.	10
Philippe Marie Comte de Pauc.	16	Pierre de Rieux Marechal de France.	43 44. 92
Philippe de Vallois Roy de France.	255	Pierre Sanglier.	841
Philippe de Vienne Eueque de Lengres.	843	Pierre de Villenes, Gouverneur de la Rochelle.	3
Physiciens pour Medecins.	849	Pis pour poitrine.	852
Pichon de la Tour tué à la bataille d'Azincourt.	34	Pius Pape natif d'Italie.	248
Picquet de la Haya, general des galieres de France.	37	Plaisance quels biens & fruits apporte.	537. & suyu.
Pierre d'Angy.	112	Pons sur Seine prins par composition.	79
Pierre des Barres.	218	Pont de l'Arche prins par les gens du Roy 168. reçoit le Roy de Sicile magnifiquement.	181
Pierre de Beauuau, Seigneur de la Bailliere 214. 231. commis à parler avec ceux de Bayonne.	275	Pontaudemer prins sur les Anglois.	172
Pierre Boisseau.	141	Pontoise prise par les Anglois. 101 assiegee par les gens du Roy 133. 134. rendue 135. 137. 138	
Pierre de Bretagne, Gouverneur de la Duché de Bretagne.	177	Pontorson prins & desolé.	64
Pierre de Brezé 131. Seneschal de Poitou 141. 160. 162. 190. Capitaine de Louiers 167. grand Seneschal de Normandie.	212	Port saint Ouyn,	184
Pierre de Brezé Seigneur de la Varenne, & Comte de Mauleurier.	242	Pothon de Xaintrailles, Escuyer Galcon. 45. 60. 68. 77. 80. grad Escuyer de l'Escuyerie du Roy. 190. 214. Marechal de France.	823
Pierre de Brusac.	110	Pouencé, comme vint en la maison d'Alençon.	842
Pierre de Courcelles.	180	Precigny.	40
Pierre des Essars Preuost de Paris 18. Gouverneur de Paris, pour le Duc de Bourgongne 19. prisonnier 26. decapité.	<i>ibid.</i>	Pregent de Coetivy 116. 162 nepoçu de Tanneguy du Chastel 16. Capitaine d'Yenuille 67. tué devant Chierbourg.	208
Pierre de Fôtenay Escuyer d'Escuyerie du Roy.	166. 190	Pren, pour profit.	862
Pierre Iaillet Capitaine du Pont de Meulent.	434	Prestres concubinaires repris & razez.	388. 389
Pierre Louvain.	129. 213	Prestres & gens Ecclesiastiques sont cause par leur ambition, auarice, & mauuais exemple, que l'Eglise	

DES MATIERES.

est affligée 304. 305. engendrent le
scandale en icelle par leur dissolu-
tion 306. 307. sont cause par leurs
pechez, que les lieux saints sont
pollus & violéz. 308. 309

Prince qui mené guerre, doit auoir
trois choses principales, Sauance,
Cheuance, & Obeissance 437. 438
& suiu.

Prince puny pour les pechez de son
peuple. 296

Prince vertueux encline ses subietz
à viure vertueusement, & le vi-
cieux au contraire. 297

Princes doiuent estre scauans 439. 440

Propheties du vieil testamēt accom-
plies & veriffiées par le nouuel 342
343

Prouesse & valeur, propre à la No-
blesse. 385

Punition vient de l'ire de Dieu. 322
323

Q Vadrilogue d'où ainsi nommé,
quand écrit, & pour quelle
occasion. 405

Quatiortemps pour Quatre temps.
866

R

R Ain, pour rameau. 864

Raoul Seigneur de Barilly. 242

Raoul de Gaucourt Bailly de Rouen
tué par ses Citoyens. 38

Raoul de Gaucourt, Gouverneur de
Dauphiné. 74

Raillé pres Chinon. 160

Rebaudir 858

Regnault de Chartres Archeuesque
de Rheims, 41. Chancelier de
France. 80

Regnault de Corbie Chancelier de
France. 2. 3

Regnault du Dresnay Bailly de Sens.
160.

Regnault d'Engennes. 35

Regnault Girard. 117

Regnault de Giresme. 243

Regnault du Guesclin pere de Ber-
tran. Voyez Bertran.

Regnault Guillaum de Bourguignen
97

Regnaud de S. Iean Cheualier 92.
97

Regnier de Boullegny. 37

Regnier Pot. 3

Relenqui, pour delaisié. 852

Remaindre & Remés. 627. 854

Remanant & Remanoir 859

Remery pour remunié. 628

Remon de Montmaur. 76

René Duc de Bar frere du roy de Si-
cile. 82. assiége Vaudemont 83. est
desconfit & prins 84. mené à Di-
jon 832. deliuré. 104

René Duc d'Anjou & Roy de Si-
cille s'en reuiert du Royaume de
Naples 144. sa fille fiancée au Roy
d'Angleterre. 154. emmenée par
les Anglois. 155. 156

Reponner, & Repostaille. 851. 852

Richard de Bordeaux couronné roy
d'Angleterre. 258 occis 415

Richard Fourqueual Bailly de Hare-
court. 176

Richard Heriton Bailly de Caë pour
les Anglois. 104

Richard de Leire Capitaine François.
57

Richard Marbery Capitaine de Gi-
fors pour les Anglois. 180

Richard d'Oudeuille prisonnier. 91

Rigoler. 864

la Riolle gaignée d'affault sur les An-
glois par le Roy 147. 148

Rion en Gascongne rendu au Roy.
218.

Robert de Bar assiste à la bataille
d'Azincourt. 33

Robert de Bruz Roy d'Ecosce, & ses
persecutions. 366

Robert de Chalus, tué à la bataille
d'Azincourt. 34

T T T t t iij

TABLE

Robert Flocques Bailly d'Eureux 125.139.167.168.170. est fait Cheua- lier. 244	quoy 296.297. & suiv.
Robert de Guerois. 4	Rois de France adonnez à la pieté ont esté plus triomphans & vi- ctorieux que les autres. 84.
Robert de Haranville fait Cheualier deuant Rouen. 183	Rois de France n'ont iamais souste- nu les Schismes de l'Eglise. 84.
Robert de Nully. 16	S
Robert de Tuillieres Conseiller du Roy. 10	Sacrifices & oblations quand com- mencerent entre les hommes, & pourquoy. 386. 387.
Robinet d'Estampes. 181	Saladin d'Englenn 83.
Robinet petit Loup Capitaine de Chasteauneuf de Medoc. 234	Sangliers, ancienne maison, & illu- stre. 841. 842
Roche-corbon. 40	S. Sauueur le Vicomte reduit au Roy 201.
Roche-Guion quelle place, & où si- tuée. 177	la science necessaire aux Roys & Princes. 317 318. 437. 439.
les Roches pres la Charité sur Loi- re. 23	Science de Dieu certaine & inuaria- ble. 378. 779
Rodrigues de Villandras. 81	Seditions intestines & guerres ciui- les reprochées aux François. 324
Roman, pour langage François. 861	Sergent, pour seruiteur. 864 665
Rotiers ou Routiers 112. quelles gés 837.	Sergents en fait de guerre quels. 865
Rouen assiegé & pris par le Roy d'Angleterre 47. assiegé par le Roy 182. 183. rendu. 185. 186	Sergenterie. 865
Rouer. 650	Sergius Moyne Apostat suggera à mahomet les mauuaises, & pour- quoy. 384. 385
Rougemont en Beausse brulé par les Anglois. 33	Seurer, separer. 854
Rous, Routes, & Routiers. 837 838	Signelay en aucerrois par qui basty. 6
Royaumes premierement electifs, puis successifs. 314 315	Sigismond Emp. receu à Paris, & fe- stoyé par le Duc de Berry 36. est couronné à Rome 86. 87. meurt. 105
Royaumes & Seigneuries non créez par violence ny puissance humaine, mais par le vouloir de Dieu 291. 293. sont ostez & translatez d'un à autre par le peché 293. 294. durét & florissent par la seule ver- tu 298. se perdent à faute de iusti- ce. 309	Silly-le. Guillaume prins par les An- glois. 88
Royaumes & Seigneuries ont leurs maladies & leur mort comme les hommes. 403. 404	Simó de Lalain 80. Capitaine de l'Ef- cluse. 106
Royer que c'est. 856	Simon & Pierre Sangliers. 842
Rois d'où nommez, & quelle est leur charge. 856	Simonet Caboche Capitaine des bouchers & escorcheurs. 25
Rois instituez à cause du peché du peuple 296. 297. punis pour les pe- chez de leurs subiets, & pour-	S. Susanne prinse par le Sieur de Bueil sur les Anglois 119. place for- te & riche. <i>ibid.</i> appartenoit au Duc d'Alençon. 841
	T
	Taillebourg rendu au Roy. 140
	Tapinage. 325, tapir. 614

DES MATIERES.

Tarascon.	89	Vasselaige.	797.863
Tartas assiegee par les Anglois. 142. de- luree du siege par le Roy. 144. 145		Vernon sur Seine prins par les gens du Roy.	174. 175
Tāneguy du Chastel Senef. de Prou. 160		Vernueil prise par les Anglois. 61. par les gens du Roy.	170. 171
Tempre, Tempore, Temprement. 866		Vertu est celle seule, qui fait durer & florir les royaumes.	298. 299
Theaude de Valpargue Bailly de Lyon 58. 60. 146		Vichy rendu au Roy.	128
Thibault de Tharmes. 70. 96		Villain, pour roturier.	863
Thomas Abridgāt, Capitaine de Meaux pour les Anglois. 113		Vin donné publiquement aux entrees des Roys.	836
Thomas de Beaufort prisonnier à la bataille de Baugé. 52		S. Vincent del'ordre des Iacobins ca- nonisé.	848
Thomas de Courcelles. 849		Vinet d'Espineuse Cheualier pēdu aux Halles à Paris. 19	
Thomas Gargaren Anglois, Capitaine de Nogent le Roy. 84		Vire reduite au Roy. 158. 199	
Thomas Guerart, Anglois, Capitaine de Montereau. 70. 104		Vision de la Royné Basine quand con- sommee sur les François. 325	
Thomas Gouel Anglois rend Chier- bourg au Roy. 208		Viz, Vaire & Viaure, pour visage. 861.	
Thomas Kiriel, Anglois. 96		Vniuersité de Paris cōbié puissante & de grāde autorité souz Charl. VI. 6. 14	
Thomas de Loraille. 242		Voluptez de quelle condition & natu- re. 412. 413	
Tibault de Tarmes Bailly de Char- tres. 242. fait Cheualier. 244		Voir, pour vray. 863	
Tiphaine du Guefclin. 812		Voir, & Voirment. 863	
Tiphaine pour le iour des Roys. 843		Vout, pour visage. 862	
Toucq ue vn des plus forts chasteaux de Normandie. 39		Vvalerā de Luxēb. Côte de S. Pol. 21. 24	
Touiller, & roueiller. 867		Vvillebaut Seign. de la Trimouille. 824	
Toulre, & Tolture. 860		Vvincestre, maison au dessus de Gen- tilly, d'oū ainſi nommée. 817	
Touraine. 59. 124			
Tournay reduit au Roy. 66			
Tours, 13. 40. 44. 153. 162. 163. 164. 166. 209 212. 246. 247. 260.			
Tours preseruee par S. Martin. 368			
Traitē de la reduſtiō de Bordeaux. 846			
Traitē de Calais avec l'Anglois nul, & pourquoy. 256			
Troyes garantie d'Artilla par S. Loup. 368			
Tudual le Bourgeois, Bailly de Troyes. 208. 211			
Tūbelaine forte place, & sa ſituatiō. 199			
Turcs en Hongrie. 153			
V Alloignes, fort chastei. 182. prins par les Anglois. 196. rendu au Roy 200. 201			

F I N.

Extrait du Priuilege du Roy.



AR grace & Priuilege du Roy il est permis à SAMVEL THIBOUST, marchand Libraire en ceste ville de Paris, d'imprimer ou faire imprimer en telle forme que bon luy semblera, *Les Oeures de Maistre ALAIN CHARTIER, viuant Notaire & Secrétaire du Roy Charles VII. reneuës nouuellement & augmentées sur les Exemplaires escripts à la main, qui se sont depuis peu trouuez par le soin & diligence de ANDRÉ DV CHESNE Tourangeau.* Et sont faites tres-expresses inhibitions & defences à tous Imprimeurs, Libraires, & autres de quelque qualité & condition qu'ils soient, d'imprimer ou faire imprimer, vendre ou distribuer lesdites Oeures, sinon celles qu'aura imprimées ou fait imprimer ledit Thiboust, & ce pour le temps & terme de dix ans finis & accomplis, à compter du iour que lesdites Oeures auront esté acheuées d'imprimer: sur peine aux contreuénans de tous despens, dommages & intersts, & de confiscation desdits Exemplaires, comme plus ample-ment est contenu & déclaré audit Priuilege. Donné à Paris le 23. iour de Septembre, l'an de grace mil six cents seize. Et de nostre regne le septiesme.

Par le Roy en son Conseil,

RENOUARD.

Acheué d'imprimer le 25. Ianuier 1617.



7th view



23



